

ბაზილიკის სივრცე

სივრცე
სივრცე

«სივრცე»

ԵՆՏՈՒՄՆՆՈՍԵՆ

ԵՆՏՈՒՄՆՆՈՍԵՆ
ԵՆՏՈՒՄՆՆՈՍԵՆ

«ԵՆՏՈՒՄՆՆՈՍԵՆ»

ს ა რ ე დ ა ქ ც ი ო კ ო ლ ე გ ი ა :

სუტა ბერულავა, ელენე ვირსალაძე,
ქსენია სისარულიძე, ალექსანდრე ღლონტი,
მიხეილ ჩიქოვანი

იომი შეადგინა, წინასიტყვაობა და შენიშვნები
დაურთო პროფ. მიხეილ ჩიქოვანმა

მხატვრობა ე ლ გ უ ჯ ა ა მ ა შ უ კ ე ლ ი ს ა

ბ ა მ ო მ ც ე მ ლ ო ბ ი ს ა ბ ა ნ

საუკუნეთა მანძილზე ქართველმა ხალხმა სულიერი და ნივთიერი კულტურის მდიდარი საგანძური შექმნა. ეროვნული კულტურის ამ საგანძურში საპატიო ადგილი უჭირავს ზეპირსიტყვიერებას.

ხალხური სიტყვიერება (ფოლკლორი) წინ უსწრებს ლიტერატურას. დამწერლობამდელი შემოქმედება მთლიანად ზეპირსიტყვიერი იყო და ამგვარადვე გადადიოდა თაობიდან თაობაში. თანდათან ჩამოყალიბდა მხატვრული შემოქმედების ჟანრები და სახეები, რომლებიც განვითარების საფეხურების მიხედვით გამოვლინებას პოულობდნენ ხალხურ პროზასა და პოეზიაში, მუსიკასა და ცეკვაში, სახვითი ხელოვნების სხვადასხვა დარგში.

ბუნებრივია, რომ ხალხური შემოქმედება, კერძოდ სიტყვიერი ხელოვნება, მაღალ ესთეტიკურ მოვლენად მიაჩნდათ ქართული კულტურის დიდ მოღვაწეებს. ისინი ფაქიზად, სიყვარულით ეკიდებოდნენ ხალხური სიტყვიერების თვითეულ თვალსაჩინო ნიმუშს და ყოველმხრივ ცდილობდნენ ხალხის ნაამაგარი ხალხისთვისვე დაებრუნებინათ.

ზეპირსიტყვიერების შეკრებას ჩვენში დიდი ტრადიცია აქვს. თავდაპირველი ცალკეული ჩანაწერები საშუალო საუკუნეების ისტორიულ და ლიტერატურულ თხზულებებში გვხვდება, მაგრამ წმინდა ფოლკლორულ-შემკრებლობითი მუშაობა უფრო გვიან, სახელდობრ მე-17 საუკუნიდან დაიწყო. ქართული ხალხური შემოქმედებისადმი დიდი მზრუნ-

ველობა გამოიჩინეს ეროვნულ-განმათავისუფლებელი მოძრაობის წარმომადგენლებმა — ილია ჭავჭავაძემ, აკაკი წერეთელმა, ვაჟა ფშაველამ, იაკობ გოგებაშვილმა და სხვებმა.

საბჭოთა ხელისუფლების დროს განსაკუთრებით ბევრი გაკეთდა ფოლკლორისა და თვითშემოქმედებითი ხელოვნების განვითარებისათვის. ჩამოყალიბდა სამეცნიერო და სასწავლო დაწესებულებები, რომლებიც ნაყოფიერ საკვლევ და შემკრებლობით მოღვაწეობას ეწევიან.

ქართული მრავალსაუკუნოვანი ზეპირსიტყვიერების სისტემატური გამოცემა დღემდე არ მოგვეპოვება. აქამდე გამოქვეყნებულ კრებულებს უმთავრესად ეთნოგრაფიული პრინციპი ედო საფუძვლად. ამგვარ გამოცემებს გასული საუკუნის ოთხმოცდაათიან წლებში ჩაეყარა საფუძველი. ფართოდ არის ცნობილი კრებულები, რომლებშიც მოთავსებულია ფშაური, ხევსურული, მთიულური, მოხეური, თუშური, ქართლური, კახური, მესხური, გურული, აჭარული, ლეჩხუმური, რაჭული და საქართველოს სხვა კუთხეთა სიტყვიერების მარგალიტები. ასეთი გამოცემები საჭირო და სასარგებლოა, მაგრამ აუცილებელია მთლიანი ეროვნული ხალხური საუნჯის მრავალტომიანი გამოცემაც, სადაც მოთავსებული იქნება ხალხური სიტყვიერების ყველაზე საუკეთესო, კლასიკური ნიმუშები. ამგვარ ცდას წარმოადგენს ხალხური სიტყვიერების ხუთტომიანი ბიბლიოთეკა — „ხალხური სიბრძნე“, რომელსაც „ნაკადული“ გამოსცემს.

„ხალხური სიბრძნე“ საერთო სახელწოდებაა, იგი სიტყვიერი ფოლკლორის ყველა ჟანრს აერთიანებს. მასში წარმოდგენილ იქნება როგორც პროზა, ისე პოეზია ძველი დროიდან დაწყებული დღემდე. ტომებისათვის ტექსტები პირველ რიგში შერჩეულია არსებულ პუბლიკაციათა და იმ ჩანაწერთა მიხედვით, რომლებიც დაცულია ჩვენს არქივებში, სამეცნიერო დაწესებულებებსა და პირად კოლექცი-

ებში. თვითეულ ჟანრს წარემძღვარება მოკლე მიმოხილვა და დაერთვის ძირითად წყაროთა მაჩვენებელი.

წინამდებარე გამოცემა არაა ვიწრო დანიშნულებისა. პირველ ყოვლისა, ჩვენ სხვადასხვა ასაკის მასობრივი მკითხველი გვყავს მხედველობაში, რომელიც დაინტერესებულია ეროვნული ხალხური შემოქმედების გაცნობითა და შესწავლით. ამის გამო ტექსტი განტვირთულია მეტისმეტი კუთხური თავისებურებებისა და ბარბარიზმებისაგან. ალაგ-ალაგ შესწორებულია სტილისტური აღრევებიც.

ვფიქრობთ, ჩვენი ახალგაზრდა მკითხველი, რომელმაც უკვე მიიღო „ჩვენი საუნჯის“ (ქართული კლასიკური მწერლობის ოცტომიანი ბიბლიოთეკა) და „პატარა საუნჯის“ (რჩეული საბავშვო ნაწარმოებების ორტომეული) გამოცემები, დაინტერესდება „ხალხური სიბრძნითაც“. მისი გამოცემა განზრახულია ხუთ ტომად. „ხალხური სიბრძნის“ I და II ტომი ეთმობა ზღაპრებს, III ტომში შევა ეპოსი და ლეგენდა-თქმულებანი, IV-ში — პოეზია, ხოლო V-ში — მახვილსიტყვაობა, ანდაზები და გამოცანები.

ხ ა ლ ხ უ რ ი ზ ლ ა პ ა რ ი

ხალხური ზეპირსიტყვიერების უდიდეს ნაწილს პროზა წარმოადგენს. იგი შედგება ისეთი ჟანრებისაგან, როგორცაა: ზღაპარი, იგავ-არაკი, თქმულება, გადმოცემა, ლეგენდა, მახვილსიტყვაობა. ხალხური პროზა იქმნებოდა საუკუნეების განმავლობაში და დაუწერელი სახით გადადიოდა თაობიდან თაობაში.

„ხალხური სიბრძნის“ პროზაული ნაწილი ზღაპრებით იხსნება. ეს ბუნებრივია. ზღაპარი ზეპირსიტყვიერების ერთ-ერთი უძველესი და თანაც მრავალფეროვანი ჟანრია, წინაქლასობრივი საზოგადოების კულტურული მემკვიდრეობაა. მომდევნო ფორმაციებში იგი თანდათან იხვეწებოდა, მრავალფეროვანი ხდებოდა და კლასიკურ ფორმას იძენდა. პირველი ცნობები ზღაპრის შესახებ ორიგინალურ ქართულ მწერლობაში VIII საუკუნიდან მოგვეპოვება. საერო და სასულიერო მწერლობის ძეგლები მომდევნო ხანაში ხშირად ახსენებენ „ზღაპარს“.

ქართული ზღაპარი დასრულებულ მხატვრულ ნაწარმოებს წარმოადგენს. მას ახასიათებს მტკიცე ფორმა და ხატოვანი ენა. მრავალფეროვანია მის პერსონაჟთა შემადგენლობა, ცხოველთა და ფრინველთა სამყაროსთან ერთად მასში დიდი ადგილი უჭირავს ადამიანებს — სხვადასხვა სოციალური ფენისა და მისწრაფებების წარმომადგენლებს. შეიძლება ითქვას, რომ ზღაპარში მოცემულია არა მარტო მხატვრულ-ფანტასტიკური წარმოდგენები, არამედ კონკრეტული ისტორიული და ყოფითი ფაქტებიც, სინამდვილე.

ზეპირი მხატვრული შემოქმედება არის სარკე, რომელშიც ნათლად მოჩანს მისი შემოქმედი ხალხის საზოგადოებრივი ყოფა და მსოფლმხედველობა. ვისაც სურს შეისწავლოს ქართველი ხალხის წარსული, მისი მრავალსაუკუნოვანი ბრძოლა დამპყრობელთა წინააღმდეგ, მისი შეუწელებელი სწრაფვა თავისუფლებისა და ეროვნული თვითმყოფობისაკენ, ის ისტორიულ წყაროებთან ერთად ხალხურ სიტყვიერებასაც უნდა გაეცნოს.

ხალხის შემოქმედების გენიამ, სულიერი კულტურის სხვა დარ-

გებთან ერთად, თავისი ბრწყინვალე გასაქანი ზღაპრულ ეპოსშიც
პოვა. მდიდარი და სადა კაზმული სიტყვით ზეპირ მოთხრობებში
ხალხმა უკვდავყო თაობათა საზოგადოებრივი გამოცდილება, ბუნე-
ბასთან ბრძოლა, დაუღალავი შრომა, თავისუფლების სიყვარული, მო-
ძალადეთა სიძულვილი, მგზნებარე პატრიოტიზმი, მომავლის ჩაუქრო-
ბელი რწმენა.

„ხალხური სიბრძნის“ პირველი წიგნი იმ მდიდარი საუნჯის ერთ
ნაწილს წარმოადგენს, რაც ქართველ ხალხს თავისი არსებობის
ხანგრძლივ პერიოდში შეუქმნია. აქაა სასაუბრო ენით ჩაწერილი
ცხოველთა ეპოსის ნიმუშები, მას მოსდევს ჯადოსნურ-ფანტასტიკუ-
რი ნაწარმოებები, რომელთა თემა და შინაარსი საზოგადოებრივი
ყოფის თითქმის ყველა სფეროს მოიცავს. პროზაულ ნაწარმოებთა
სიუჟეტური და შინაარსობრივი მრავალფეროვნება მასობრივი შე-
მოქმედების ამ ნაწილის ადრეულ წარმოშობას და მაღალ-
მხატვრულ დანიშნულებას მოასწავებს.

ზეპირსიტყვიერება ადამიანის მუდმივი თანამგზავრია. ხალხი
არაჩვეულებრივი დაკვირვებითა და შერჩევით სრულყოფს თავის
მხატვრულ საუნჯეს. ხალხის ამ საუნჯეში ყოველგვარი გადმოცემა
როდი მკვიდრდება. ცრუ ხალხური ნაწარმოები ეროვნულ ფოლ-
კლორში ადგილს ვერ პოულობს და მალე ქრება. მხატვრულ გამომ-
გონებლობაში ხალხს ნამდვილი ოქროსმამძიებლური თვისებები ახა-
სიათებს.

ქართული ფოლკლორული პროზის მთავარი გმირები მშრომელე-
ბი არიან. თითქმის ყველა მოთხრობაში გვხვდება გლეხი, მოჯამაგირე
ან ღარიბი, დაჯილდოებული მაღალი მორალური თვისებებით. ისინი
ყოველთვის შრომისმოყვარენი, გულმართალნი, კეთილსინდისიერნი,
გამტანნი, გაბედულნი და ხელგაშლილნი არიან; ისწრაფვიან, მოი-
ხადონ თავიანთი მოქალაქეობრივი ვალი, დაიცვან ქვეყანა აოხრები-
საგან და იყვნენ თავისუფალნი. მშრომელთა წრიდან გამოსული პერ-
სონაჟები მთელი არსებით გამობენ სიხარბესა და სიძუნწეს, პატივ-
მოყვარეობასა და უსამართლობას.

ხალხური პროზა განსაკუთრებულ ყურადღებას აქცევს შრომის
თემას. ხალხის სოციალურ იდეალთა საფუძველი შრომაა. შრომასთან
დამოკიდებულება არკვევს გმირის ხასიათს და სახეს. ზარმაცი და
უქნარა მწვავე დაცინვის საგანს წარმოადგენს. ზეპირ მოთხრობებ-
ში გაბატონებული კლასების წარმომადგენლები: მეფე და მისი მოხე-
ლეები, მემამულეები, ვაჭრები, მღვდლები მშრომელ ადამიანებს
ჩაგრავენ და ავიწროებენ, ითვისებენ მათი ოფლით შექმნილ ღოვ-

ლათს. მიუხედავად ამისა, მაშვრალი ადამიანები იმედს არ კარგავენ, მძიმე დაბრკოლებათა გადალახვის გზით იმარჯვებენ.

ობტიმიზმი ზღაპრის განუსყრელი თვისებაა. იგი გზას უნათებს დადებით გმირებს, რა მძიმე მდგომარეობაშიც არ უნდა იყვნენ ისინი.

ზღაპარში როგორც ცოცხალ, ისე უსულო საგნებს ხშირად არაჩვეულებრივი სახე აქვს მინიჭებული. ზეპირ მოთხრობას ძალა შესწევს განაზოგადოს ჩვეულებრივი ყოველდღიური მოვლენები, საგნები, ცნებები და წარმოგვიდგინოს ისინი არაჩვეულებრივი თვისებებისა და ნიშნების მქონე მოვლენებად. აბსტრაქციის მიუხედავად, დაკვირვებულ თვალს ყოველთვის შეუძლია აღმოაჩინოს შრომითი მოღვაწეობა, ადამიანის შეუწელებელი სწრაფვა ფიზიკური ტვირთის შემსუბუქებისა და საწარმოო იარაღების განვითარებისათვის.

ქართულ ხალხურ პროზაში მრავალი სხვადასხვა ხასიათის გმირი გვხვდება.

აზროვნებისა და მსოფლმხედველობის მხრივ ზღაპარს ისტორიის ნათელი ბეჭედი აზის. თითოეულ მოტივსა და ეპიზოდს, მხატვრულ სახესა და მეტაფორას თავისი ხანგრძლივი წარსული აქვს. ქართულ ზღაპრებს შორის ცალკე გამოიყოფა ფილოსოფიური შინაარსის ნაწარმოებები.

რეალური ცხოვრების ნამდვილი სურათები და მაღალი იდეები იჩენს თავს ისეთ ზღაპრებშიც კი, რომელნიც ერთი შეხედვით, ძალიან შორს არიან სინამდვილიდან და აშკარა ფანტასტიკურ იერს ატარებენ. სანიმუშოდ შეიძლება დავასახელოთ „მზის ქალი“. ამ შესანიშნავ ხალხურ მოთხრობაში, რომელიც უდაოდ წინაფეოდალურ ეპოქაში შეიქმნა, თავმოყრილია ქართველი ხალხის მაღალი მორალური თვისებები და გატარებულია ფართო დიდაქტიკური თვალსაზრისი.

ჩვენი ზღაპრები არა ერთხელ გამოცემულა როგორც ქართულ, ისე სხვა ენებზე. ოთხმოციანი წლებიდან ქართული ზღაპრები თარგმნილი და გამოცემული იყო რუსულ, ინგლისურ, ფრანგულ, გერმანულ, ჩეხურ, უნგრულ, ბულგარულ, რუმინულ და სხვა ენებზე. მკითხველი ყოველთვის აღფრთოვანებაში მოჰყავდა ჩვენი ზღაპრის მდიდარ ფანტასტიკას, სიუჟეტურ წყობას, ნათელი იდეალის მატარებელ გმირებს, შეუწელებელ ბრძოლას სოციალური ბოროტების დასათრგუნავად, დაუცხრომელ ობტიმიზმს.



მელია და ღათვი

იყო ერთი მელია. მუდამ მარტოკა დაცუნცულებდა. ბოლოს მოსწყინდა მარტო ცხოვრება და სთქვა: „ერთი ძმობილი უნდა ვიშოვნო“. ადგა და წავიდა. გზაზე დათვის შეხვდა. მელიამ უთხრა: — დავძმობილდეთო! — კარგო, — უთხრა დათვმა, — მაგრამ შენ რას მოიტან, მე მუდამ თითო ცხვარს მოვიყვანო. — ყოველდღე თითო ქათამს მოვატრეგო, — უთხრა მელიამ.

დათვს გაუხარდა და დაძმობილდნენ.

დათვს ყოველდღე მოჰქონდა თითო ცხვარი. მელია აიღებდა ქონს, გადაადნობდა და ჩაასხამდა ქოთანში. დათვმა ჰკითხა: — მაგას რასა შერები, მელიავ, რად გინდა ქონიო? — ძმობილო, — უთხრა მელიამ, — მუდამ ასე მაძლარი კუჭი არ გვექნება, ერთხელაც იქნება ცხვარ-ქათამი შემოგვაკლდება და მაშინ რა უნდა ვჭამოთ, თუ არაფერს შევიანახავთო? — კარგია ძალიანაო, — უთხრა დათვმა, — მაგრამ უჩემოდ კი არ შექამო.

ერთხელ მელიამ და დათვმა ვერაფერი იშოვეს საჭმელად. ძალიან მოშივდათ. მელიამ იფიქრა: „მოდი, დათვს მოვატყუებ და მე თვითონ მივაძლები მარტოკაო“.

ავდარი იყო. მელია ავარდა ბანზე და დაიწყო სირბილი, ვითომ ზეპავდა, რომ წვიმა არ ჩამოგვივიდესო. ზოგჯერ მელია გაჩერდებოდა და დააძახებდა: „არა მცალიან, ვერ წამოვალო“ დათვმა გაიგონა და ჰკითხა: — რა არი, ძმობილო, რას იძახიო? — ნათლობაში მე-

ძახიან და მე კი არა მცალიანო, — უთხრა მელიამ. — წადი, ჩქარა წადიო, — უთხრა დათვმა.

მელია მართლაც წავიდა, მაგრამ იქ არაფერი ნათლობა არ იყო, თვითონაც იცოდა. დაბრუნდა და დათვს უთხრა:

— რა ნათლობაა! ერთი ხშიადი ჰქონდათ, ააგორებდნენ, ჩააგორებდნენ, კარზედ მიაგორებდნენ; ერთი საღვინე ჰქონდათ და შიგ არაფერი ედგათო.

მეორე დღეს მელიამ უთხრა დათვს: — ერთ ქორწილს გამოეუარე და დამპატიოესო. რადგან მე ნათლობაში ვიყავ, შენ იქ წადიო.

წავიდა დათვი, მაგრამ რა ქორწილს შექვდებოდა? ერთ მეცხვარესთან მივიდა. — მეცხვარევ, აბა მაჭამეთ რამე, ქორწილი გქონათო.

მწყემსმა წამოავლო ჯოხს ხელი და ერთი თუ ორი: — შე აყროლებულო, აქ ქორწილს რა ხელი აქვსო!

დათვმა მთელი ქურჭით ძლივს გაასწრო.

სანამ დათვი მივიდოდა, მელიამ ამოჭამა ერთი ქოთანნი, ჩაყარა ნაცარი და ჩადგა იქვე. მივიდა დათვი და უთხრა: — მე შიმშილით მოგკვდი, ამოიღე ქონი, ვჭამოთ, რაღა შავი დღისთვის ინახავო?!

მელამ უთხრა: — შენ დიდი სული გაქვს, შეუბერე, ზედ ნაცარი დავაყარე, მოაშორე და ვჭამოთო. შეუბერა დათვმა და თვალებში ნაცარი შეეყარა. დათვმა თათი თვალებზე იტაცა და წმენდა დაიწყო.

ამ დროს მელია წამოხტა და გაიქცა, დათვმა არ შემჭამოსო. ჩახვრიტა მიწა და ამოსვრილი დაჯდა სოროს პირზე. გამოიარა დათვმა და ჰკითხა: — ხომ არავენ გინახავს ამაზე გავლილიო?

მელიამ უთხრა: — ამაზე გაიარა ერთმა მელიამ, იმასა და დათვს ჩხუბი მოსვლოდათ და სადღაც მირბოდაო. გაიცდნა მელიამ დათვი, დაბრუნდა ისევ უკან და ამოჭამა მეორე ქოთანნიც, აავსო ნაცრით და უნდა წამოსულიყო, მაგრამ ამ დროს დათვიც მოვიდა.

მელია სადღა წავიდოდა?! დათვს ვეღარსად გაექცეოდა.

მელიამ ხერხი იხმარა, დათვს უთხრა: — ბიძავ, ეს ერთი ქოთანნი ქონი გვაქვს, შეჭამე, მშიერი იქნებიო. დათვმა უთხრა: — აბა, ახლა შენ შეუბერე ნაცარს, მე კინალამ თვალები ამოვითხარეო. — მე ცოტა სული მაქვს, ვერ შევუბერავ, ისევ შენ შეუბერეო! — უთხრა მელიამ. — რაო? — შეღრიალა დათვმა. — აუცილებლად შენ უნდა შეუბერო!

მელიამ შეუბერა ცოტაზე, მაგრამ ვერ გადაყარა ნაცარი და უთხრა დათვს:

— მე ჯერ რა პირი მაქვს, რა სული მედგმისო. მე სული კუღში მიდგას და აბა კუდიდან საიდან შევუბეროო! — მაშ როგორ ვქნაო? — ჰკითხა დათვმა. — თვალები დამეთხრება, რომ კიდე ნაცარი შემიცვივდესო. — თვალები დააჰყიტე და ისე შეუბერეო, — ურჩია მელიამ.

დატყვრიცა დათვმა თვალები, რაც ძალა და ღონე ჰქონდა და შეუბერა. ნაცარი ეცა თვალეებში და გამობუგა. დათვმა დაიწყო თვალეების წმენდა, მაგრამ რას უშველიდა! მელიამ უთხრა დათვს: — დამიცადე აქ, წავალ და უქიმს მოვიყვანო.

წავიდა მელია. მოიყვანა ერთი თოფიანი მწყემსი და აჩვენა დათვი. მწყემსმა მოჰკლა დათვი და ტყავიც წაიღო და ხორციცა. მელიასათვის კი სამ დღეში ერთი ქათამი უნდა ეძლია. მწყემსმა ორჯერ კი მისცა მელის დედლები, მერე კი უარი უთხრა. ბევრჯერ სთხოვა მელიამ მწყემსს: მომეცი ჩემი დედლები, თორემ ღმერთი არ შეგარჩენსო! მწყემსმა აინუნშიც არ ჩააგდო მელის სიტყვები.

მწყემსს ქორთა ბატკნები ჰყავდა საბატკნეში: შეეჩვია მელია და ყოველდღე თითო მიჰქონდა. მწყემსი ხედავდა, რომ ბატკანი მუდამდღე აკლდებოდა, მაგრამ მიზეზი არ იცოდა. ბოლოს ერთი ბანი დახურა, მეორე ახლილი გაუშვა, იმის ქვეშ მახე დაავო. მიიპარა ღამით მელია, ნახა, რომ ერთი ბანი ახლილი იყო, ჩახტა შიგ და ხაფანგში გაება.

მეორე დღეს მივიდა მეცხვარე, ნახა მელია, ჩაავლო კუღში ხელი, გამოათრია გარეთ და უნდოდა ტყავი გაეძრო. მელიამ უთხრა: — კაცო, არ მომისმენ? განა აქ მოსამართლე არ არის, რომ გაგვასამართლოსო?

მოიყვანეს ორი მწყემსი და შესჩივლა მელიამ: — მომისმინეთ, კეთილნო მოსამართლენო! ღმერთმა საწყლად დამბადა, არც მამული მომცა, არც სახლიო. დავეხეტები ასე ქვეყანაზე, ზოგან თავგს შევხვდები, ზოგან ქათამს და იმასა ვჭამო. დღისით მშოერო ვარ, გარეთ ვერ გამოვდივარ; ყველა ამ ჩემი ტყავისთვისა მმტრობსო. ასე ღამე გამოვდივარ და მეც არ ვიცი, სად დავდივარო. ღამე გამოვიარე მეცხვარის ბანზე და ბანში კი ჩავვარდიო. აბა, მე აქ რა მესაქმებოდაო? მწყემსმა გამომათრია, უნდა მოვეკალიო. ახლა თქვენ იცით, როგორც გაგვასამართლებთ, ცოცხალიც თქვენ ხელში ვარ და მკვდარიცო.

მოსამართლეებმა გაამართლეს მელია და გაუშვეს. გაიღერა მელიამ კუდი და გაეშურა მინდვრისაკენ.

მელია ახლაც ცოცხალია და ლოცავს მეცხვარეებს.

ღათვი და მელია

იყო და არა იყო რა, იყო ერთი გლეხკაცი. ერთი ქალისა და ერთი ფარა ცხვრის მეტი არაფერა ებადა. მეწველ ცხვარში თვითონ დადიოდა და ბატკანში ქალსა ჰგზავნიდა.

ერთ ღღეს ქალს დაუცხა, აღრე ველარ გარეკა ბატკანი: ფარა დამეშურა და აღარ შეეძლო გაშლა. იჭდა და ტიროდა. ამ დროს ახლოს მელიამ გაიარა და ჰკითხა: რა გატირებს, ქალო, რა დაგმართნიაო? — ბატკანი დამეშურა და ველარაფერი მიქნიაო, — უპასუხა ქალმა. — თუ ერთ ბატკანს მომცემ, — უთხრა მელიამ, — ბატკნებს მე გაგიშლიო.

ქალმა უთხრა: მოგცემო.

მელიასთვის მისაცემი ბატკანი გაიყვანეს და მიაბეს ხეზე. მელია შევარდა ბატკნებში და კუდის ქნევა დაიწყო. ბატკნები დაფრთხნენ და გაიშალნენ. მელიამ წამოიყვანა ბატკანი და სიხარულით ფეხზე ძლივსლა იდგა.

მელიას ძალიან უყვარდა თავისი ბატკანი და მუდამ პირით უზიდავდა ბალახს. გაუკეთა ერთი სახლი და იმაში ჰყავდა. საღამოზე სახლში რომ მოვიდოდა, ეთაჰაშებოდა პატარა ბატკანს. ერთ ღღეს დათვმა შენიშნა, რომ მელიას ბატკანი ჰყავდა და იფიქრა: „როგორმე უნდა შევქამო“. მელა რომ დაბრუნდებოდა სახლში, ფეხს შეუყოფდა კარში ბატკანს და დაუძახებდა:

ბეკეკო, კარი გამიღე, მე დედაშენი ვარია;
პირში ბალახი მიჭირავ, ძუძუებში რძე არია.

ბატკანიც დაინახავდა მელიას პატარა თათს და გაუღებდა კარს. ეს სიტყვები დათვმაც დაიხსოვა. მივიდა ერთხელ ბატკნის სახლთან, როდესაც მელია სხვაგან იყო, და დიდი ხმით დაუძახა:

ბეკეკო, კარი გამიღე, მე დედაშენი ვარია;
პირში ბალახი მიჭირავ, ძუძუებში რძე არია.

ბატკანმა დაუძახა: აბა ერთი თათი შემოყავო. დათვმა შეეყო თათი, მაგრამ დიდი თათი ჰქონდა; იცნო ბატკანმა და დაუძახა: — წადი, მე ჩემი დედობილის თათს კარგა ვიცნობ, შენ ის არა ხარ; იმას პატარა თათი აქვს და შენ დიდიო.

დარჩა დათვი გაწბილებული. იფიქრა, უნდა როგორმე ის ბატკანი ხელთ ვიგდოო, და წავიდა ტყეში.

ავდრიანი ღღე იყო. მწყემსებს ცეცხლი ენთოთ და ირგვლივ

უსხდნენ. დათვი გადაუხტა, დააფრთხო ეს მწყემსები, თვითონ ნაცარში ამოითუთხნა, გაიტრუსა თათი და წავიდა ბატკნის სახლისაკენ. მივიდა კარებთან, შეყო ქუქრუტანაში თათი და დაუძახა:

ბეკეკო, კარი გამიღე, მე დედაშენი ვარია;
პირში ბალახი მაჭირავ, ძუძუებში რძე არია.

ბატკანმა გაულო კარი და შევიდა დათვი. მაგრამ მაშინვე არ შეჰპა ბატკანი, უნდოდა მიზეზი რამ ეპოვა.

ბოლოს დათვმა დაიჭირა ბატკანი, მაგრამ მელიასი ეშინოდა და ვერა სჰპადა. ნახევარი შეჰპა, ნახევარი კი მელიას შეუნახა.

გამოვიდა დათვი იქიდან და მელიაც მოვიდა. მელა მაშინვე მიხვდა, რა ამბავიც მოხდებოდა. დათვმა დაუძახა: — ძმისწულო, ნახევარი შენ შეგინახე, ბატკანმა გამაჯავრა და შეეკამეო! — მადლობელი ვარო, — მოახსენა მელიამ ეშმაკობით, — მე ბატკნის ხორცს არა ვჭამ, ბიძავ, ჩემი საკმელი ქათამი და თავგიაო, და ისიც შენ შეჰპამეო. ახლა მინდა, რომ აქ ახლოს ქორწილია და იქ წავიდეთ, ერთი ნასუქი დეკეულის ხორცი მეცა ვჭამო და შენც ვაჭამო; ვერაფერს გაიგებენ მთვრალი მაყრები და შეგვრჩებო. დათვის ძალიან გაუხარდა: წავიდეთო!

წავიდნენ მართლაც. შევიდნენ ბოსელში, წააქციეს ერთი მსუქანი დეკეული, მიაძღა დათვი და უთხრა მელიას: მოდი, ერთი ჩვენც შემოვძახოთ მაყრულიო. მელიამ უთხრა: — მე ხმა ჩამიწყდა გზისაგან, შენ კი ბოხი ხმა გაქვს და შემოსძახეო. დაიღრიალა დათვმა თავისებურად. გააგონეს დათვის ღრიალი მაყრებმა, გამოუცვივდნენ ამ მონადირეებს. მელიამ ფხაჰა გაადინა კარის ძირიდან და უშველა თავს, დათვი კი დარჩა მაყრების ხელში. მეორე დღეს გამოიყვანეს ჩვენი „ბიძა“ და მეფის შესაქცევად ტყავი გააძრეს. ტყავაძრობილმა დათვმა როგორღაც მოასწრო გაქცევა და თავს უშველა.

დათვი ძალიან გაჯავრებული იყო მელიაზე და ეძებდა, უნდოდა ჯავრი ამოეყარა. დათვმა მალე ნახა მელია, ერთ ეკლის ჯაგთან გორაზე იჯდა და წავიდა იმისაკენ. მელიამ დაინახა და თითქო ვერ იცნოო, პირი მოარიდა. დათვმა დაუძახა: — აბა, დამიცადე, მანდ მოვალო. მელიამ დაუძახა: — ხმა ჩემი ბიძისაა, მაგრამ ეს წითელყვითელი საცმელი კი არ არის იმისიო. მივიდა დათვი და გამოუდგა მელას დასაჭერად. მელა გაძვრებოდა ეკლების ძირში ნელა-ნელა და კუდს მიუშვერდა დათვის, რომ შეეტყუებინა ჯაგებში, შეძვრებოდა შუა ჯაგში და იქ დაჭდებოდა. შეჰყვებოდა დათვიც, იკაწრებოდა,

სდიოდა სისხლი და ყვიროდა. მელა კი გაძვრებოდა და ახლა სხვაგან შეძვრებოდა.

მერე მელიამ დაუძახა: — ოღონდ ნუ მაწვალებ და მე თვითონ მოგარჩენო. — როგორაო? — დაუძახა დათვმა. — როგორა და იმგვარად, ხომ გინახია, მეცხვარეებს მგელი რომ ცხვარს დაუგლეჯს, რას უშვრებიან ნაგლეჯსაო? წადი შენ, სახნის-საკვეთი მოიტანე, გაეახურებ, დაგდაღვ და მორჩებიო.

დათვი მართლა წავიდა, მოიპარა სახნის-საკვეთი და მოუტანა მელიას. მელიამ გაახურა სახნის-საკვეთი, დაუძახა მწყემსებს, შეაკვრევინა ფეხები დათვისათვის და უთხრა: ნუ მომიკლავთ ჩემ ბიძას, უნდა დაედალო და მოვარჩინო. დაუწყო დაღვა მელიამ, და დაიწყო ყვირილი დათვმა.

როდესაც კარგა აღრიალა „ბიძა“ მელიამ, გაუხსნა ფეხები და უთხრა: — ახლა მე მოვნახავ გოდორს, ჩაგიგებ თივა-ბუმბულს და ჩაგსვამ შიგ, რომ ბეწვი ამოგივიდესო. მართლაც, მოაწნევეინა ერთი გოდორი. ჩასვა შიგ და გააგორა, მაგრამ დათვი გამოძვრა და გამოუდგა მელიას. მელიამ უთხრა: — ახ, შენ ჩემო თავო, დამიგორდი, ბიძავ, პატარა გოდორი იყო, ახლა კი დიდი გოდორი უნდა მოვაწნევეინო და ჩაგათბუნო შიგაო. დაუჯერა დათვმაც. წაიყვანა მელიამ მწყემსები ერთი კლდის თავზე, მოაწნევეინა გოდორი, ჩაუგო ჩალა-ბუმბულა, ჩასვა ეს დათვი, გადაუწნა პირი და გადმოაგორა კლდეზე. თავად კლდის წვერზე დაჯდა და დაჰმლერა:

ახტება და დახტება ე სულ-ბოროტიანი,
დაჯდება და უცქერის ხოსრო დოვლათიანი!

ნადირთა ქმოვა

დათვი, მგელი და მელა შეხვდნენ და ერთმანეთს შესჩივლეს, რომ ზშირად დიდის ხნობით შიმშილით კუჭი გვიხმებო, მონი დავძმობილდეთ და ამიერადან რაც მოვინადიროთ, ძმურად გავიყოთ ხოლმეო. დაძმობილდნენ და შეფიცეს ერთმანეთისათვის არ ელალატნათ.

წავიდნენ სამივენი სანადიროდ. იმათ იღბალზე დაჭრილი ირმის ნუკრი ნახეს, კისერი მოუგრიხეს, ჩეროში მწვანეზე დასხდნენ და გაყოფას შეუდგნენ. დათვმა უბრძანა მგელს, რომელსაც შიმშილით

კბილები უკაწკაწებდა, — აბა, გაჰყავიო! მგელმა სთქვა: — თავი შენ, როგორც ჩვენს ბატონს და მეთაურს, შუა ტანი მე და ფეხები მელიას, რომელსაც ცუნცული უყვარსო. ეს უკანასკნელი სიტყვები ჯერ არც კი გაეთავებინა მგელს, რომ დათვმა ისე ღონივრად ჩაჰკრა თავში თათი, რომ მთებმა ბანი მისცეს. მგელი ყმუილით განზე დაჯდა.

დათვი მიუბრუნდა მელიას და უთხრა: — ჩემო მელიავ, შენ გაჰყავიო! ცბიერმა მელიამ მოწინებით წარმოთქვა: — თავი შენ, ვითარცა ჩვენს მეფეს, შუა ტანი შენ, რადგანაც შენ ჩვენზე მულამ მამობრივად ზრუნავ, და ფეხებიც შენ, ვინაიდან ჩვენდა საკეთილდღეოდ არიან წარმართებულნი სვლანი შენნიო!

— ბარაქალა, ჩემო მელიავ, ვინ გასწავლა ეგეთი ჰქვიანური გაყოფაო, — ჰკითხა მას დათვმა.

მელიამ მიუგო: — შენ რომ წელან ისე ძალიან ჩაარტყი მგელს თავში, ჰკუას როგორ ვერ ვისწავლიდიო!

დათვის, მგლისა და მელიის ამბავი

ერთ დათვს ორი ბელი გაჰქეციანებოდა, გამოეყვანა მზეზე, უხილავდა ბეწვს და ჰფხანდა. მელიამ გამოიარა და ჰკითხა: — ბიძავ, რას აკეთებო? — შეილუბი მყავს ავად და იმათა ვემკურნალობო, — უპასუხა დათვმა. — არ იცა, ბიძავ, მე როგორი ექაში ვარ, რატომ არ დამიძახეო? — აბა, თუ რასმე მიშველი, ახლაც შენს ხელთა ვარო, — უთხრა დათვმა, — მომიჩინე შეილუბი და მიმსახურეო.

მელიამ უთხრა: წადი, ერთი დედალი მომიტანე, ერთი ქადა, ცოტა მშინან, შევექცევი ცოტა-მატას და მერე უფრო ვუეჭიმებო. თან ერთი ქვაბი წყალი მოიტანე და ცეცხლი, ოფლს მოვადენ შენს შეილუბსო.

წავიდა დათვი. ითხოვა, მოუტანა ერთი დედალი, ერთი ქვაბი, წყალი და ცეცხლი. როდესაც ყველაფერი მოიტანა, მელიამ უთხრა: — წადი ახლა და ის ნიში რომ ჩანსო, — უჩვენა ერთ მთაზე, ერთ ნანგრევზე, — იქ ილოცე ჩემთვისო. გაგზავნა დათვი. აადულა წყალი, აილო ეს ბელები და ჩაყარა წყალში. თვითონ ქათამი აილო, ქადა ყელზე ჩამოიცვა და გასწია.

მიდის მელია და გზაზე ერთ მშვიერ მგელს წააწყდა. მგელმა ჰკითხა: — თუ ღმერთი გწამს, ან მაჭამე ეგ ღედალი და ქადა, ან მასწავლე სად იშოვეო? — ჰმევეით ვერ გაქმევე, რადგანაც მეც არ მეყოფაო, — უთხრა მელიამ, — და გასწავლი კი, სადაც ვიშოვეო. უთხრა: — ესე პირდაპირ რომ წახვიდე, ერთ დათვთან მიხვალ, ორი შვილი დააქორწილა, მიდი შეჰყმუვლე, შეუთამაშე და ქადასაც მოგცემს და ღედალსაცაო. მე იქ ვიყავი და ეს ღედალიც და ქადაც იმან მიმცაო.

მგელი გახარებული წავიდა და მელია თავის გზას გაუდგა.

ამ დროისთვის დათვი სახლში დაბრუნდა. ნახა, რომ იმის შვილები მოხარულულები ჰყრიან ქებაში, ხორცი ცალკე წასულა და ძვალი ცალკე. შემოიკრა თავში და ივაგლახა. მივიდა მგელიც, მიუახლოვდა, შეჰყმუვლა, შეუთამაშა. დათვმა სტაცა თათი მგელს, დაიდო და ერთი თუ ორი, დაეყუა, რაც ძალი და ღონე ჰქონდა. ძლივს დაუძვრა მგელი დათვს და თავს უშველა.

წამოვიდა გაფოთებული მგელი მელიის საძებნელად. მელიამ შორიანვე იცნო მგელი და ერთი ხერხი მოიგონა: ჩახტა თხილებში და წვრილ წნელებს და წკეპლებს დაუწყო მტვრევა. მგელი მივიდა მელასთან და უთხრა: — შენ არ იყავ, რომ დათვთან გამგზავნეო? მელიამ უთხრა: — მე შენთან რა ხელი მქონდა, შვილო, ტყუილად ნურაფერს მამბრალე, მე შენ თვალითაც არ მინახინარო. — მაგას რას აკეთებო? — ჰკითხა მგელმა. — რას ვაკეთებ?! ხომ ხედავ, აი, ქვევით ქათმებს. გოდორი უნდა გადავიცვა თავზე, დავგორდე და ჩავიდე ქათმებთან, მოვიტაცებ ერთ ღედალს, შევითრევე გოდორში და ქეიფს გავწევო. — თუ ღმერთი გწამს, მე გადამაწანი თავზე გოდორიო, — უთხრა მგელმა, — ცხვარი რომ ჩანს, იქითკენ დავგორდებო.

გადააწნა თავზე მელიამ მგელს გოდორი და დააგორა. ჯერ ხომ ისე დაიყუა, მერე გამოუცვივნენ მეცხვარეები და ერთი თუ ორი: ზოგმა ხანჯლით დაუწყო ჩხვლეტა, ზოგმა ჯოხით ისე, რომ ბოლოს რის ვაი-ვაგლახით გამოძვრა მგელი და გაიქცა.

მგელი ისევ მელიის საძებნელად წავიდა. მელიამ ისევ შორიდანვე იცნო მგელი. გადახტა კანაფებში, დაუწყო ყრა კანაფს და ბაწრებს გრეხა. მგელი მივიდა და დაუღრიალა: — შენ არ იყავ, ჯერ დათვთან რომ გამგზავნე და მერე გოდორი გადამაწანიო? — არაო, — უთხრა მელიამ, — მე შენთან მოკეთეობის მეტი არაფერი მქონია, შენ ვილაცას მიმამსგავსე და ახლა ვინდა ალაღ-მართალ კაცს ხათა-

ბალა გადამეკიდოო. როგორც იყო, დააჯერა მელიამ მგელი. მგელმა ჰკითხა: — მაგას რას აკეთებო? — მე ხარაზი ვარო, — უთხრა მელიამ, — თოკებს ვგრეხ; ნახევარზე მშვიერი დავდევარ, მუდამ საჭმელს ვერსად ვპოულობ, უკანა ტანს გავიკერავ: ერთხელ რომ გქამო, აღარ მომინდება გასვლა, ნაკერი მექნება და მუდამ მაძლარი ვიქნებიო. — თუ ღმერთი გწამს, — შეევედრა მგელი, — მეც გამიკერე ეს ოხერი და ტიალი, თუ არა ჩემს მუცელს რა გააძლობსო! დაუდგა მელაა და გაუყერა უკანა ტანი.

წავიდა მგელი თავის გზაზე. მგელს მალე გაუჭირდა საქმე. დაიწყო ყვირილი, როგორც იყო, გამოიგლიჯა უკანა ტანი და მორჩა. მგელმა სთქვა: „შენი სასაცილო ვიყო, მელიავ, თუ არ გადაგიხადოო“.

გამოუდგა მელიას და დაუწყო ძებნა. ბოლოს იპოვა და გამოუდგა. დაიძრა მელია, მაგრამ ველარ ჯაქწრო მგელს; წამოეწია მგელი, მოჰკრა კუდზე კბილი და მოსწყვიტა. წავიდა უკუდო მელია. იგი დალონდა: „ახლა ველარსად დავემალები მგელსაო“. იფიქრა, იფიქრა მელიამ და ეს მოიგონა: ამოისურსნა ტალანში და წაწვა გზაზე. მაყრები მოდიოდნენ, დაინახეს მელია, ჩამოხტნენ ცხენიდან, აიღეს მელია და პატარძალს უკან გადაადვეს: „ხვალ გავატყაოთ და გამოგვადგებოო.“ მელია მალე მოცოცხლდა; დაინახა, რომ პატარძალს თითებზე ბეჭდები აქვს. მელიამ უთხრა: — პატარძალო, ეგ ბეჭდები მე მომეც, თორემ გავიპარები და მაყრებს ეგონებათ, პატარძალმა გააპარაო. მისცა ბეჭდები, გადმოხტა მელია და მოძუძგა.

გაიარა გზა. ერთ ვაჭარს ცხენით სოფელში თევზი მიჰქონდა; მელია გზაზე გაიძაბა და სული განაბა. გამოიარა ვაჭარმა, დაინახა მელია, ძალინ გაუხარდა, აიღო და ცხენზე დაკრულ დოშებს დააკრა. მელია მალე მოცოცხლდა. გაიხსნა ფეხები, მერე ერთი დიდი დოში ააგლიჯა და გადმოაგდო გზაზე. გადმოხტა თვითონაც და გასწია.

ერთ ადგილას ორმოცამდე მელია დაინახა, ქორწილი ჰქონოდათ. გაიკეთა ჩვენმა მელიამ ეს პატარძლის ბეჭედი მოგლეჯილ კუდზე, მოიბა დოში და ჩაერია მელიების გროვაში. მსუქანმა დოშმა ბევრ მელიას მოჰგვარა პირში ნერწყვი, შემოეხვივნენ და დაუწყეს თხოვნა, გვაჭამე თევზიო. მელიამ ყველას ცივი უარი უთხრა: — თქვენთვის როდი ვიშრომე, შვილოსან, წადით და თქვენც დაიჭირეთო. — როგორ დავიჭიროთ, ის მაინც გვასწავლეო, — უთხრეს მელიებმა. ამ დროს იანვარი იყო. მელიამ უთხრა: — წადით, აქა და აქ რომ ერთი ტბა არის, ჩაყავით კუდები, მოგვბმიან თევზები და მერე ამოიღეთო. წაასხა მელიამ საღამოზე ეს მელიები, ჩაიყვანა ტბაზე, ჩააყოფინა

კულები წყალში და უთხრა: „დილამდე აქ ისხედითო“. დილამდის მელიებს ჩაეყინათ წყალში კულები და საძრავი აღარ ჰქონდათ.

უკულო მელაა გაიქცა და ერთ მინდორზე გავიდა. თავადიშვილებს მწევრები გამოეყვანათ და ნადირობდნენ. მწევრებს მელია დაენახვა. მწევრები გამოუდგნენ, მელიამ მოცხრილა, მივიდა და გადაერია ამ ჩაყინულ მელიებში. გადაჰყენენ მწევრებიც. რაკი დაინახეს მელიებმა ამდენი მწევარი, ზოგი მოიგლიჯა და უკულო გაიქცა ერთის ვაივავლახით, ზოგსაც მწევრებმა შემოაფხრიწეს ქურქები. ახლა ჩვენს მელიას აღარ ეშინოდა, რადგანაც ბევრნი იყვნენ უკულო მელიები.

კარგა ხანს ისეირნა უკულო მელიამ, მაგრამ აქაც მოაგნო მგელმა. შეყარა ეს მელიები, ხან ერთს — სტაცებდა პირს და ხან მეორეს, შენ მომატყუეო, მაგრამ ყველა მართალი გამოდგა. ბოლოს ამ მელიას სტაცა პირი. მელია, ცოტა არ იყოს, შეკრთა, მაგრამ თავი შეიძაგრა და უთხრა: — რას ამბობ, მგელო, ალა-მართალს რაზე მწვალებ, ჩემზე ალალი მზის ქვეშ ვერაფერს გაივლის, და შენ კი შარს მდებო. — კარგიო, — გაუშვა მგელმა და წაშოასხა ეს მელიები.

ერთ წყალზე საცალფეხო ხიდი იდო, იმ ხიდზე უნდა გაეტარებინა. მოვიდნენ ხილთან, მგელმა სთქვა: — ღმერთო, ჩემო გამჩენო და ჩემო სიალალ-მართლე! რომელიც ჩემი მოღალატე იყოს, გადავარდესო. გაიარეს მელიებმა და არავინ გადავარდნილა. ჯერი ჩვენს მელიაზე მიდგა; როგორც კი მივიდა შუა ხიდზე, აუკანკალდა ფეხი და წყალში გადავარდა. გადაჰყვა მგელიც, ეცა გამწარებული და წაუჭირა ყელში.

მგელი კარგა ხანს კბენდა მელიას. კაქკაქები მოფრინდნენ, გაიგონეს მელიას ყვირილი, უნდოდათ ხორცის ქამა. მოფრინდნენ სხვა კრელი ჩიტებიც წყლის სასმელად. ჰელიამ კაქკაქებს და ჩიტებს ხელი გაუქნია. წადით, წადითო! მგელმა ჰკითხა: — მელიავ, რას ეძახი მაგ კრელ ჩიტებსო? — ეგ ჩიტები ჩემი შეგირდები იყვნენ, მე დავაჰრელეო, — უთხრა მელიამ, — გაუგონიათ ჩემი კვნესა და საშველად მოფრინდნენო. ახლა ამას ვეუბნები: წადით, ველარას მიშველით, ჩემო შვილებო, აქ უნდა მოვკვდეო. — გაგიშვებო, — უთხრა მგელმა, — თუ მეც დამაჰრელებო. — კარგიო, — უთხრა მელიამ, — წადი, შამფურები მოიტანე, ცეცხლიც და დაგაჰრელებო.

მგელმა ყველაფერი მოუტანა. მელიამ გაუკრა ფეხები მგელს, გაახურა შამფურები და დაუსო ამ მგელს; შამფურებს სულ შიშინი გაჰქონდა სისხლში. იბრძოლა მგელმა და გაიხსნა ფეხები. მოცხრილა მელიამ, მგელი ძალიან დამწვარი იყო და ველარ მიეწია.

ლომი და მელია

ლომი ძლიერ ავად გამხდარიყო და უძრავად იწვა თავის ბუნაგში. მოსულიყვნენ სანახავად სხვადასხვა მხეცები, თავს ევლებოდნენ და უვლიდნენ თავიანთ ბატონს. მხოლოდ მელია არსად ჩანდა. ყველა გაკვირვებული იყო და კითხულობდა: „ნეტავ სად არის დღეს მელია, რომ არ მოსულა აქაო?“

მგელმა დაუმატა: როცა საერთო მოლხენა და ქეიფია, მელა ხომ არასოდეს არ დააკლდება და დღეს რაღად მოვა; იცის, რომ გამოსარჩენს ვერაფერს გამოელისო. ლომმა ძალიან იწყინა მელიის ასეთი უყურადღებობა. მგლის ნათქვამი მხეცებმა მელიას გადასცეს, მელია გაჭაერდა: „დამაცადოს, მე ვაყურებივინ იმას სეირსაო“.

მეორე დღეს, როცა მხეცები ხელახლა ეახლნენ ლომს, მელიაც მიტუნტულდა. თავდაბლად თავი დაუკრა და სალაპი მიუძღვნა. ლომმა უსაყვედურა: — სად იყავ ამდენ ხანს, რატომ არ მნახეო? მელიამ თავი იპართლა: — თქვენო დიდებულებავ, როცა თქვენი ავადმყოფობის ამბავი გავიგე, თავზარდაცემული გავიქეცე გიყვივით, ექიმებს დავეძებდი, ყველას ვთხოვდი შველას და რჩევას, რა წამალი არგებს ჩვენს დიდებულს მეფესა-მეთქი. მიჩივიეს: მგელს ფეხი მოსტეხონ, კოჭი ამოართვან და ნადირთ მეფეს შიართვანო.

მივარდა ვეფხვი მგელს და მოსტეხა უკანა ფეხი. მგელს თქრიალით წამოუვიდა სისხლი, ფეხები სულ გაუწითლდა და მწარე ღმუილით მოშორდა მხეცებს. უკან მელია გამოედევნა და მისძახობდა: — წითელჩექმებიანო, საით მიბრძანდები? როდესაც სიტყვას ამბობ, დაფიქრდი და სხვას ორმოს ნუ უთხრო.

კურდღელი, მელა და მგელი

იყო ერთი კურდღელი. ერთხელ წავიდა და მუხის ქვეშ დაწვა. მუხაზე ყვავი შემოჭდა და რკო ჩამოაგდო. რკო კურდღელს თავზე დაეცა. ეგონა, ქვეყანა იქცევაო, წამოხტა და გაიქცა. გზაზე შეხვდა მგელი და ჰკითხა: — კურდღელო, სად მირბიხარო? — მანდეთ, ძმობილო, ცა და ქვეყანა იქცევა და ნუ მიდიხარო! მგელს შართალი ეგონა და ესეც გაიქცა.

შემოეყარათ მელა, ისიც იმათთან ერთად გაიქცა. ირბინა სამი-

ვემ და მივიდნენ ისეთ ალაგას, სადაც საქმელი ვერ იშოვეს და შიმშილით კუჭი ეწოდათ. ძლიერ რომ გაუჭირდათ, მგელმა და მელამ კურდღელი შექავეს. კურდღელი რომ გამოინელეს, ისევ მოწივდათ. ახლა მგელმა მელას შექმა დააპირა. გაიქცა მელა, უკან დაედევნა მგელი. მიადგა მელა ერთ წყალს და რაღა ქნას? აიხედა ზევით და შეხედა კაქკაქს. ბევრი რომ უყურა, მიუბრუნდა მელია მგელს და უთხრა: — თუ დამეხსნები და არ შემქმამ, აი, ასე დაგაჭრელებ, როგორც ეს კაქკაქი არის კრელიო.

მგელი მოტყუვდა და მელას დაუჭერა. მელიამ უთხრა: წავიდეთ სადმე, კამეჩი ვნახოთ, დავკლათ, ჭერ ვჭამოთ და გამაძღარი უფრო დაჭრელებიო. წავიდნენ, მართლაც ნახეს ერთი კამეჩი და დაკლეს. მელა სანამდის გაძღებოდა, წავიდა, ცეცხლი და სახნისი იშოვა, ცეცხლი დაანთო და სახნისი შიგ ჩადო გასახურებლად. მგელს უთხრა: — კამეჩი შუაზე გახვრიტოთ, შიგ გავძვრეთ და ორივე დაჭრელებითო. მგელმა დაუჭერა. მელამ კამეჩი წვრილად გახვრიტა ისე, რომ თვითონ შესძლო შიგ გაძრომა. მერე უთხრა მგელს, გავიქცეთ და გავძვრეთო. მელა გაიქცა და გაძვრა შიგ, მგელი გაიქცა და ვერ გაეტია და თავით გაეკვეტა. მელამ წამოუსვა ბელი გახურებულ სახნისს და ზურგზე დაჰკრა, მანამდის ურტყა, სანამ სული არ გააფრთხოვინა.

მგელმა ბევრი იყვირა, მაგრამ თავს ვეღარ უშველა, მელა მიადგა და დაუწყო ქეიფიანად ჭამა კამეჩს და მგელს. ქონი ჭურნი ჩაასხა, ძვლები ხორად დადგა და შემად მთელი ზამთარი ეყო.

ტურა და მელა

ტურამ ერთ დედაბერს ქათამი მოსტაცა და ტყისაკენ ვააქანა. დედაბერი უკან დაედევნა, მისდევს, ილანძღება და მიჰკვივის: „ვაი, ჩემი ბრალი, ტურამ ერთი ლიტრა ქათამი მომტაცაო“. ტურა მობრუნდა და ყურს უგდებს დედაბრის ლანძღვით სავსე ყვირილს. ამ დროს თავზე წაადგა მელია და ჰკითხა: — ძმობილო, რას უყურებ, რად დგებარ აქაო? — ვერ უყურებ ამ დედაბერს, ლანძღვით ამიკლო, ეს ქათამი ერთი ჩარქეაც არ გამოვა და ის კი გაიძახის: „ტურამ ერთი ლიტრა ქათამი მომტაცაო“. ამაზე მეტი ცილისწამება

იქნება?! — აბა, მიჩვენე, — უთხრა მელამ, — მე შევიტყობ, რა სიმძიმის არისო.

მელამ ჩამოართვა ქათამი და უთხრა: — დეე, ჩემზე ერთი ძნა იანგარიშოსო, — დაავლო პირი ქათამს, მოკურცხლა ტყისკენ და გადასანსლა.

მ ე ლ ი ა

მელია ქალაქში დასუნსულეზდა და ერთ სამღებროში ჩავარდა. რომ ამოვიდა, დაიხედა ტანზე და თქვა: „ჰო, ეს რა კაი ფერი მადევს ახლავ“. მერე მელიებს უთხრა: თითო თავგი უნდა მომიყვანოთ, ამიერიდან მე თქვენი ხელმწიფე ვარ და ეს დაგაწერეთ ხარჯადაო.

ერთი მდინარე ჩამოდიოდა იქვე და გაღმა დაინახა სხვა მელა. მეო, თქვენი ხელმწიფე ვარო, თითო თავგი უნდა მომიყვანოთ დღე-ღუდამაო! — გასძახა გაღმა. იმან დაუძახა: გამოდი და მაშინ ვნახოთ, რასაც მოგცემო! — დიდი გულით დაუხვდა გაღმიდან მელა. ადგა გაჯავრებული მელა, წყალში გაცურდა და გავიდა. დაიხედა და რას ხედავს, გაირეცხა თურმე და ისევ ძველი ფერი მიეცა. მაშინ თქვა მელამა: — რა მინდოდა აქ წყალში რომ გამოვედი, იქა ვყოფილიყავი, თითო თავგს მაინც მომიყვანდნენ დღეშიო!

ახლა იქიდანაც ცარიელი დარჩა და აქედანაც.

კურდღელი და მისი ბაჭიები

ერთხელ მარტში დიდი ყინვები დაიჭირა. კვერნაქის მთაზე კურდღელს ხუთი ბაჭია ჰყავდა და მოულოდნელმა ყინვამ ძალიან გაუჭირა საქმე. დედა კურდღელი ცდილობდა, როგორმე გაერთო თავისი ბაჭიები, ხან ზღაპრებს ეუბნებოდა მათ, ხან უამბობდა გმირულ თავგადასავალს მკვირცხლთა და დაუძინებელთა თვისთა წინაპართა. ბაჭიები მაინც აბუზულეები იყვნენ და დედის ლათაიები ვერ ათბობდათ.

ერთხელ დედა კურდღელი ჯაგიდან გამოხტა და თან მას ბაჭი-
ეებიც გამოჰყვნენ. კურდღელმა სერიდან ორმოცი ვერსის მანძილზე
ციციანთ ტყეში ცეცხლი დაინახა, ჩამოცუტკდა უჯანა ფეხებზე,
წინა თათები მიუფიცხა ცეცხლს და დაუწყო თათებს ტრიალი.

ბაჭიებმა ჰკითხეს: — დედილო, რასა შერებო?

კურდღელმა მიუგო: — ცეცხლზე ვითბობ ხელებსაო!

ერთმა ეშმაკმა ბაჭიამ, რომელიც დედასავით ჩაცუტებული იყო,
მარჯვენა ფაცი ჩამოიკრა თვალთან.

დედამ ჰკითხა: — შვილო, რა იყო?

კუდიანმა ბაჭიამ უპასუხა: — ცეცხლის ნაპერწკალი თვალში მე-
ცაო!

ლომი და კურდღელი

ერთ ჰალაში ხშირად თავს იყრიდნენ სხვადასხვა მხეცები. რო-
ცა მხეცებში ლომი გაერეოდა, ყველა ნადირს კანკალს დააწყებო-
ნებდა: ლომი სათითაოდ იტაცებდა მათ და შეეჭყოდა.

შეკრბნენ მხეცები მოსალაპარაკებლად, როგორ დავაღწიოთ თა-
ვი ლომის ბრძკვალბსაო. დიდი ხნის თათბირის შემდეგ გადაწყვიტეს:
დაეუნიშნოთ ლომს სამუდამო სარჩო, ჩვენვე მივუტანოთ და ვთხო-
ვოთ: თავი დაგვანებოს და ნუ გვაფრთხობს ყოველდღეო. წავიდნენ
და ეს დადგენილება ლომს მოახსენეს. ლომი დათანხმდა, მხოლოდ
პირობა დაუდო — ერთი წუთიც არ გადააცილონ დანიშნულს დროს,
თორემ დაგეცემით და ერთიანად ამოგულეტთ ყველასო. აშინაირად,
მხეცები სათითაოდ ყოველდღე მიჰგვრიდნენ ლომს რომელსამე ცხო-
ველს. ჭერი მიდგა კურდღელზე, უნდა წაეყვანათ ლომთან შესაქმე-
ლად.

— რაკი ჩემი რიგია, რა გაეწყობა! გამიშვით მარტო მე და გი-
ჩვენებთ, რომ სადამოს ლომის სახსენებელიც აღარ იქნება და
თქვენც სამუდამოდ დაგიხსნით ტანჯვისაგანო.

მხეცებმა გულიანად გადაიხარხარეს: ვერ უყუარებთ ამ მშიშა-
რა და უძლურს, როგორი ტრაბახი სცოდნიაო!

კურდღელმა ცოტათი დაიგვიანა. ლომს ძლიერ მოჰშივნოდა, თვა-
ლების ბრიალით და კბილების კაწკაწით მოელოდა სადილს და
თანაც ფიქრობდა ბუნაგიდან გამოსვლას, მხეცებში დარევას. ამ

დროს გამოჩნდა კურდღელი: შიშისაგან სულ ძაგძაგებდა. ლომმა მრისხანედ გადახედა და სასტიკად დაუყვირა: — სად იყავ ამდენ ხანსაო? — დედო ბატონო, — კრძალვით მოახსენა კურდღელმა. — თქვენთან ნადირი მომყავდა, გზაზე მეორე ლომი შემხვდა, გამომტაცა და ჩაათრია ღრმა ღელეში, აქ ახლოს რომ არისო. — აბა, მიჩვენე, სად არისო? — უთხრა ლომმა. კურდღელი გაუძღვა, მიიყვანა ერთს ქასთან და უთხრა: — აი, ბატონო, აქ არის, მაგრამ მეშინიან, მე მარტო ვერ ჩავიხედავ, ხელში ამიყვანეთ და ერთად ჩავიხედოთო.

ლომმა აიყვანა კურდღელი და ერთად ჩაიხედეს ქაში; ქის წყალში გამოჩნდა ლომისა და კურდღლის ლანღი: ლომს კურდღელი აეყვანა და ქვემოდან ზევით ამოიქყვიტებოდა. ლომმა კურდღელი ფიცხლავ გაუშვა, ჩახტა ქაში მტრის დასასჯელად და კურდღლის წასართმევად, მაგრამ ქაში წყალი ღრმა იყო და შიგ ჩაიხრჩო.

გაიგეს მხეცებმა ეს ამბავი თუ არა, შეეკმნათ დიდი მზიარულება, რომ მოიშორეს თავიანთა მოსისხლე მტერი, კურდღელს კი დიდი მადლობა გადაუხადეს.

მინდვრისა და სახლის თავში

მინდვრის მსუქანი თავგი შინაურ გამხდარ და წვრილმან თავგს ესტუმრა და სხვათა შორის ჰკითხა: დობილო, რატომა ხარ ეგრეთი პატარა და გამხდარი? შენ ხომ უფრო ნაირ-ნაირი და გემრიელი საქმეებით იყევებები ხოლმე შინაურობაში, მე საბრალო კი ძლივ-ძლივობით ვშოულობ სულის მოსაბრუნებლად საჩჩო-საკვებს მინდორში და, მაინც შენზე მოზრდილი და მსუქანი ვარო.

ჯერ სიტყვა არ დაესრულებინა, რომ უცებ კატა გამოჩნდა; მოასწრო სახლის თავგმა და შეძვრა სოროში, გაშეშებული და იმედდაკარგული მინდვრის თავგი შესქცეოდა კატის ანთებულ თვლებს, რადგან უშველებელი იყო და ვერ შეეცია იქაურ ხვრელებში: მივარდა კატა და გაუყარა თავისი მახვილი კლანჭები თავგსა. ამ დროს სახლის თავგმა გამოყო თავი სოროდან და უთხრა თავის შემბრალებელ სტუმარ თავგსა: — დობილო, აი, სწორედ მაგ შეჩვენებულმა მენავანას ყურებამ და დანახვამ დამაწვრილა და ასე გამახდუნაო.

მგლის გერად შედგომა

ერთი საწყალი მგელი ლეშით გამოძდა, გაიზმორა და იფიქრა: „ბიჭო, აქამდინ სულ ცოდვებს ვშერებოდი, მოდი, ახლა სულის საქმეზე დავდგები, იერუსალიმში წავალ და ბერად შევდგებიო“. იფიქრა და საქმეს შეუდგა. ახსენა ღმერთი და გაუდგა იერუსალიმის გზას.

გზაზე ერთ მოზვერს შეხვდა: — გამარჯობა, მოზვერო! — დაუძახა მგელმა. — გაგიმარჯოს, მგელო! — უპასუხა მოზვერმა. — სად მიეჩქარები, რა საქმე გამოგჩენია? — ბერად შევდექე, იერუსალიმს მივალ სულის საცხონებლად. — ღმერთმა ხელი მოგიმართოსო, — დაუძახა მოზვერმა.

მგელი წავიდა. გზაზე ორ ერკემალს შეხვდა, ყანას სძოვდნენ, დიდი ღუმელები ჰქონდათ, მაგრამ მგელს მაინც ვერ სძლია ეშმაკმა. — გამარჯობათ, ერკემლებო! — დაუძახა მგელმა. — გაგიმარჯოს, მგელო! — უპასუხეს ერკემლებმა. — სად გამგზავრებულხარ, რა გზა მიგელისო? — იერუსალიმში მივდივარ, ერკემლებო, სული უნდა ვიცხონო, ამდენმა ცოდვამ წელი მომწყვიტაო. — ღმერთმა ხელი მოგიმართოსო! — დაუძახეს ერკემლებმა.

მგელი წავიდა. გზაზე ვირს შეხვდა. იმანაც გამარჯობა უთხრა და იერუსალიმისკენ გზა დაულოცა.

წავიდა მგელი იერუსალიმში და ბოლოს მივიდა. ამასობაში კიდევ მოშვიდა. იერუსალიმი ღელეში მდებარეობდა. მივიდა მგელი და გადახედა სერიდან. იერუსალიმი სულ საყდრებით იყო სავსე და არგნიანი ბერები მიდი-მოდიოდნენ. მგელმა იფიქრა: „ამ იერუსალიმში რომ მოველი, საყდარში ზომ არავინ შემისვებს, იტყვიან მგელიაო, და რა ჭკუა დავფექვი, რომ არც არაფერი მოზვერს ვუყავ და არც არაფერი ერკემლებსა და ვირსაო“.

გამობრუნდა ეს სულზე დამდგარი მგელი ვირის, ერკემლებისა და მოზვერის საძებნელად. მგელი გზაზე მართლა ისევ შეხვდა ვირს. ახლა კი აღარ მოგონებია გამარჯვება და პირდაპირ მიუხტა შესაჭმელად. ვირმა გაიკვირვა: — აკი იერუსალიმს მიდიოდი სულის საცხონებლად, რადღა მჭამო? — როდესაც მუცელი ცარიელია, მაშინ იქ იერუსალიმს რა ხელი აქვსო? — უთხრა მგელმა. — მოემზადე ახლავე უნდა შეგჭამოო.

ვირმა უთხრა: — კარგი, შემჭამე, მაგრამ საწყალმა ჩემმა პატრონმა ჩემზე გუშინ ფული დახარჯა, ნალები დამაკრა და ამყარე მაინც, რომ ორნაირი ზარალი არ მოუვიდესო.

: მგელი კბილებით ფეხზე დააფრინდა ვირს და დაუწყო ნალების აყრა. ვირმა უტყუპა, გააგორა ჩვენი ბერი კბილებჩამტვრეული და გაოხნდა. ცოტა ხნის შემდეგ მგელი გონს მოვიდა, წამოდგა და სთქვა: „აბა, რა ჩემი საქმეა ნალბანდობა, ახია ჩემზე, რომ ასე მომივიდაო“.

ადგა მგელი და წავიდა ცხვრების საძებნელად. იმ გზით აიარა, რომლითაც ჩამოიარა და შეხვდა ისევ იმ ერკემლებს. მგელი მიუხტა, უნდა შეგქამოთო. ერკემლებმა უთხრეს: — ეს ყანა ჩვენი პატრონებისაა, ჩვენი პატრონები ძმები არიან, გაიყარნენ, გაიყვეს ყველაფერი, ჩვენც გაგვყვეს, ერთი ერთისა ვართ, მეორე — მეორისაო; მხოლოდ ყანა დაგვრჩა გასაყოფი, ახლა არ ვიცით, რომელმა უნდა ვძოვოთ ეს ყანა; თუ ისეთ სიკეთეს იზამ, რომ დასდგები და გაგვიყოფ, მერე რაც გინდა გვიყავიო. — მე როგორ გაგიყოთო? — ჰკითხა მგელმა, — მე რა მედიატორე ვარო. ერკემლებმა უთხრეს: — შენ დადექ, ჩვენ გამოვიქცევით ერთი მხრით ერთი, მეორე მხრით — მეორე, და, რომელიც ადრე მოვალთ, იმან ძოვოს ეს ყანაო. დადგა მგელი, გამოიქცნენ ერკემლები, დაეჯახნენ მგელს და კინაღამ გამოჰყლიტეს. წაიქცა მგელი და დაიწყო ფეხების ქნევა. ერკემლები გაიქცნენ და თავს უშველეს.

როგორც იყო, ადგა მგელი და წაეხეტა მოზვრის საძებნელად. „რა ჩემი საქმე იყო, მე რა მედიატორე ვიყავ, რომ მამულს ვუყოფდი, რატომ არ დაეუხვი ხელი და ღუმეები არ ჩამოვგლიჯე იმ ერკემლებსაო“, — ლანძღავდა თავის თავს. მგელი მოზვერთან მივიდა და უთხრა: — მე შენ უნდა შეგქამო, მომშივდაო. მოზვერმა უთხრა: — კარგი, რაღა ამეცილება, და ერთი ეს სიკეთე მიყავი; საკრავებისა და სიმღერის ხმა ძალიან მიყვარს; მითხრეს, რომ კარგად მღერი, ერთი იმღერე და მერე შემქამეო! მოზვერი გაუძღვა წინ მგელს, აიყვანა ერთი კლდის წვერზე და დაიწყო მგელმა ყმულილი. უსმინა, უსმინა მოზვერმა, მიეპარა ამოჰკრა რქები და გადაადგო კლდეზე. თვითონ თავს უშველა.

დალეწილ-დამტვრეული მგელი წავიდა და მიეხირა თავის სოროში, დაჯდა სოროს პირზე და დაიწყო თავის თავის ლანძღვა: „რა მრჯიდა, რა ჩემი საქმე იყო სულზე დადგომა; ან რა ნალბანდი ვიყავ, რომ ნალების ყრა დაეუწყე ვირს; ან რა მედიატორე ვიყავ; ან რა მომღერალი და მოსაკრავე მე ვიყავ, რომ მოზვერს დაეუჭერე და გავყვიო. ახლა რომ კაცი იყოს აქ და ერთი კარგა მიმბერტყოს, რა მადლი იქნებოდაო“.

ერთი მამასახლისი გამოქცეოდა ჩაფრებს და შემძვრალიყო მგლის სოროში. გაიგონა მგლის ნატვრა და ერთი თუ ორი, მოარტყა და მოარტყა; გაიქცა მგელი და თქვა: „ამ ტიალ ქვეყანაში თავის კარზედაც ვერაფერი უთქვამს კაცსაო“.

ეს ზღაპარი მამასახლისმა იმ მგლისაგან გაიგონა, იმან მე მიაბო და მე თქვენ გიამბეთ.

ზღაპარი ღორისა, მისი ხუთი გოჭისა და მგლისა

იყო ერთი ღორი, ჰყავდა ხუთი გოჭი: მშინა, მცივანა, თბილანა, გვიანა და მაგარა. დედა-ღორი ძალიან ჰკვიანი იყო, მაგრამ არც თუ გოჭები ჰყავდა უგუნურები. თვითონ მინდორში დაიარებოდა, თხრიდა მიწას, პოულობდა და სჭამდა ძირხვენას, მაჩიტას, თეროს ძირს და კიდევ სხვა ბალახის ძირებს, რაც თვითონ უყვარდა. თუ ბალახი იყო ამოსული, თხრით თავს არ იწუხებდა, საქონელივით სძოვდა, თუ სადმე ნაკარტოფილარს შეიგულებდა, სიამოვნებით სჩიჩქნიდა დინგით, პოულობდა კარტოფილს და მაღიანად ახრამუნებდა. — რა კეთილია კაცი! — იძახდა ტრუხუნა, — იცის, რომ ასე მიყვარს კარტოფილი და მიწავაშლა და ამიტომ დაუტოვებია მიწაში ამდენიო.

არც დამპალ და ჰიან ხილს იწუნებდა, თუკი შეხვდებოდა სადმე. რაღა გავაგრძელო, სიმინდი და ყანა ხომ საპოთხედ ეჩვენებოდა!

რაკი მაღა კარგი ჰქონდა, ჰიქანსაც ძალზე იტენიდა რძითა და გოჭებიც კიტრებივითა ჰყავდა დასუქებული და ჩამრგვალებული. თანაც ხუთივე გოჭი ძალიან ჰკვიანი და გამგონე იყო.

ერთხელ ღორი მინდორში მიწასა სჩიჩქნიდა. ნაწვერალში თავის სორო იპოვა, სულ თავთავებით გაქედილი. თითო-თითოდ იღებდა გემრიელ ხორბლის თავთავს და მაღიანად აცნატუნებდა. ამ დროს თავს წაადგა ერთი მშვიერი მგელი ბრიალა თვლებით და კაწკაწა კბილებით. — გამარჯობა, ღორო! — დაიყმუვლა მგელმა, თან უნდოდა თავის ხმისთვის სირბილე და სინაზე მიეცა, მაგრამ მაინც საზარლად და საძაგლად გამოუვიდა.

ამ ხმაზე ღორი შეკრთა, ჯაგარი ყალყზე დაუდგა, მოიხედა, — მგელია, თვალებს აბრიალებს, კბილებს აკაწკაწებს. — რას აკეთებ,

ლორო? რათა სჩიქნი მაგ მიწას, რას ეძებ? — დაეკითხა მგელო. — გადღვეგრძელოს ღმერთმა, ბატონო! — მიუგო მოწიწებით შიშისაგან მრუენტულმა ლორმა. — რას ვაკეთებ და აი, აქ თავვის სორო ვიპოვე, სულ თავთავეებით არის გამოტენილი, იმ წყეულ თავუნას ჩაუზიდავს ზამთრის საზრდოდ, ახლა მე მივავგენ და იმას გიახლები; თუ მიირთმევთ, ბატონო, კაი მსუქან თავთავს აგირჩევთ, იქნება გესიამოვნოთ?!

— რაო? — დაიღრიალა მგელმა, — გინდა ფხები გამეჩაროს ყელში და დამახრჩოს? მე გაყურებინებ შენ სეირსა! შენ ვინ მოგცანება, რომ ერთ საწყალ უღონო ცხოველს რის ვაი-ვაგლახით ერთი სორო თავთავი ძლივს მოუგროვებია ზამთრის საზრდოდ, შეუნახავს, შენ კი დასდგომიხარ და მაგრე უსინდისოდ სტელუპა? ისინი წიშწილით უნდა დაიხოცონ, შენ კი შენი შვილები დაასუქო და შენი ზავი მუცელი ამოკუროო?! ამისათვის უნდა შეგვკამო, შე ავაზაკო, შენა! მოინანიე ცოდვები! — ღრიალებდა მგელი.

ლორი მიხვდა, რომ მისი საქმე ძალიან ცუდად იყო, თუ რასმე არ მოახერხებდა. ტყუილად ხომ არ უთქვამთ: „ხერხი სჯობია ღონესა, თუ კაცი მოიგონებსაო“. რა მოვიგონო, როგორ გაღვეურჩე ამ სულთამხუთავს? — ბუტბუტებდა ტრუხუნა. — დიდებულო ბატონო! — მოახსენა ტრუხუნამ, — თქვენი ნებაა, რასაც მიზამთ თქვენს ფეხთა მტვერსა. ვინ დაგიღვებათ წინ! მაგრამ სანამ შემკვამდეთ, გთხოვთ ერთი სიტყვა მათქმევინოთ, თუ თქვენი ნებაც იქნება. — სთქვი ჩქარა, არ დამავგიანო! — დაიკმუვლა მგელმა. — მე ძალიან დიდი ხნისა გახლავართ, — სთქვა ტრუხუნამ, — თქვენს მამას პაწაწას მოვესწარი... რა ვაუკაცი იყო ის სულკურთხეული!.. ასე რომ, აღარც კი მახსოვს, რამდენი წლისა ვარ, ძელები გამიქვავდა და ტყავი საშინლად გამიმავრდა; სიმსუქნე რაცა მქონდა, სულ ჩემმა ხუთმა გოქმა გამომწოვა რძესთან ერთად. ახლა მე რაღა გემო უნდა ჩამატანო? წამობრძანდი ჩვენსა, ხუთი გოქი მყავს, ერთსა ჰქვიან მშინა, მეორეს მცივანა, მესამეს თბილანა, მეოთხეს გვიანა და მეხუთეს მაგარა; ხუთივე ისეთი მსუქნებია, რომ სულ ქონი გასდით. მობრძანდი, რომელიც მოგეწონოს, ის წაიყვანე, მერე თუნდაც მეც შემკამე, მაგრამ იმისთანა გემრიელი და ქორთვა გოქის ხორცის შემდეგ მე რაღა გემოს ჩამატანთ!

მგელი ძალიან დააფიქრა ხუთი გოქის ხსენებამ: სად ქორთვა გოქების ხორცი და სად ბებერი ღორისაო! — მაშ, კარგი, — შეკუმუვლა მგელმა, — ახლა შენ შინ წადი და მეც სადამოზე მოვალ, იცოდე,

თუ მომატყუე, ცუდად იქნება შენი საქმე. — დიდი დღე მოგცეს გამჩენმა, დიდებულმა ბატონო, — შესტრუხუნა მოწინებით ღორმა, — მობრძანდი საღამოზე, ყველანი საღორეში ვიქნებით.

მგელი გზას გაუდგა. საღამოს გემრიელ ვახშამზე ფიქრობდა, თან ტუჩებს ილოკავდა და მსუქანი გოჭების მოგონებაზე ნერწყვსაჰყლაპავდა.

ღორსაც რაღა დააყენებდა იქა! „ღმერთი არ გაუწყრეს, — ფიქრობდა ღორი, — არ იფიქროს, რომ დღევანდელი კვერცხი სჯობია ხვალინდელ ქათამსაო, არ მობრუნდეს და არ გამომფაშვოს, წავიდე მივეპატრონო ჩემს შვილებს. ვნახოთ, რას წაიღებს ჩემგანო!“

ღორი დაბრუნდა შვილებთან, უამბო მათ რაც გადახდა, და დაარიგა, როგორც უნდა მოქცეულიყვნენ, ან რა უნდა ეთქვათ, მგელი რომ მოვიდოდა და შოითხოვდა კარების გაღებას. მაგრა დაკეტა ღორმა საღორის კარი, დააწვინა შვილები და თვითონაც საღორის კართან დაწვა. ძილით კი რა დააძინებს, მგელს ელის!

კარგა რომ ჩამობნელდა, მოვიდა მგელი და საღორის კარზე დააკაკუნა. — ვინა ხარ? — იკითხა ღორმა, თითქო აქ არაფერიყო. — რაღა დროს სტუმრობაა, ამ დროს ყველა თავის ბინაზე არის! — მე ვარ, გააღე, ღორო, კარი, — შეჰყმუველა მგელმა. — ღორიც ხარ და არც არა იცი რა, — გასძახა ღორმა. — დაიკარგე მანდედან! რაკი ღორმა ასეთი პასუხი მისცა, მგელმა ახლა მშვიანას დაუძახა: — მშვიანა, კარი გამიღე! — მაგრამ მშვიანა დედისგან როგორც იყო დარიგებული, ისე მოიქცა. — ჯერა მშვია, ძუძუსა ვწოვ, შენთვის არა მცალიაო, — გასძახა მშვიანამ. — მცივანა, კარი გამიღე! — შესძახა მგელმა მცივანას, რაკი მშვიანასაგან ისეთი პასუხი მიიღო. — მცივა, — გასძახა მცივანამ, — რა კარის გასაღებად მცხელა! — თბილანა, კარი გამიღე! — შეჰყმუველა მგელმა თბილანას. — შენ საქმე გამოგლევი, ძლივს თბილად ჩაეწეე, შენი გულისთვის ახლა გვერდებს გავიცვიებ? — გასძახა თბილანამ. — გვიანა კარი გამიღე! — შესძახა ახლა მგელმა გვიანას. — გვიან გეღირსება კარის გაღება, შე სისხლის მსმელო, შენა! დაიკარგე მანდედან! — გამოსტყვიტინა გვიანამ.

რაკი კარი არაეინ გაუღო, მგელი საშინლად გაბრაზდა. მაინც კიდევ სცადა და მაგარას დაუძახა: — მაგარავ, კარი გამიღე! — მაგრაა დაკეტილი, არ გაიღება! — გამოსძახა მაგარამ. — სჯობა, საიდანაც მოთრეულხარ, იქვე მიბრძანდე; ვინ იქნება სულელი, რომ შენ კარი გაგიღოს! გასწი, დაიკარგე მანდედან!

საშინლად გაბრაზდა მგელი, სულ ცოფსა ჰყრიდა. — დაიცით,

თუ სულ არ დაგცლაბოთ, თქვე უმსგავსოებო, თქვენა! კარი გამიღეთ, — ყმუოდა მგელი, მაგრამ კარს მაინც არავინ უღებდა.

იდგა დიდხანს მგელი, ან ახლა გამიღებენ კარს, ან ახლაო. მერე თვითონაც სცადა კარის გაღება, მაგრამ მართლაც ძალიან მაგრად აღმოჩნდა დაკეტილი. მეტი ღონე არ იყო, ცარიელი მუცლით უნდა წათრეულიყო თავის სოროსაკენ მოსისხლე მგელი.

ასე გადაურჩა ღორი მგლის კბილებს.

ჭირი იქა, ლხინი აქა,
ქათო იქა, ფქვილი აქა.
მთას ურემი ავაგორე,
წამოვიდა გორებიოთა, —
აიფენით ქონებიოთა,
კკუითა და გონებიოთა.

მელია-მსაჯული

ერთი მაიმუნი უთავბოლოდ დაბრატუნებდა, საცა რა ჰგონია, ცხვირს წაჰყოფდა და ყველაფერს სუნავდა, სჩხრეკდა. ერთ ალაგას აკოკოლავებული ქვები დაინახა და თვალეზი დააჰყიტა — ცნობის-მოყვარეობა აღეძრა: „რა განძია აქ დაფლული, თუ არ ვნახე, არ შეიძლებოა,“ — იფიქრა და ქვები გადმოალაგა. ვნახოთ, მიწაში დიდი ხერელი გამოჩნდა და ახლა იქ ჩატანტლა დაუღეგარი თათი, — ეგება სასუსნავს რასმე წავაწყდეო. უცებ ხერელიდან, ჯვარი აქა-ურობას, უშველებელი გველი ამოძვრა, ვინ იცის, ვისგან და რა მიზეზით ჩაქოლილი!

ჯურღმულიდან განთავისუფლებისათვის მადლობის გადახდის მაგიერად, გველი წაეტანა მაიმუნს შხამმორეული სისინით და ჩანთქმა დაუპირა. — არა, შე ოხერო ჩემო თავო, რა ერბოს ქილები გეგულეობდა ჩაფლული ამ ოხერ ადგილას, რომ ასე გულშოდგინედ ეძებდიო, — უსაყვედურა თავის თავს მაიმუნმა, მერე მიუბრუნდა გველს ცახცახ-კანკალით და შეევედრა: — მომიტევე შეცოდებანი ჩემნი, ღირსეულო, პატიგცემულო, ბატონო გველვეშაპო! რომ მცოდნოდა თქვენი აქ სუფევა, ღმერთი ისე როგორ გამიწყრებოდა, რომ სიახლოვეს მოგეკარებოდიო!

მაგრამ გველი მაშ რის გველია, თუ დანდობა და შებრალება ეცოდინება?! — როგორ?! მაგეთი უზრდელობისა და თავხედობის გამოსყიდვა. როგორც ჩემი ძილისა და მოსვენების დაფრთხობაა, მარტო სიკვდილით თუ შეგიძლია, სხვით ვერაფრით, — დაუსისინა გველმა და უფრო მიუახლოვდა.

ამ დროს, შორიახლოს, შეზარხოშებული მელისა ღიღინით მოცუნ-ცუნებდა და თან ტუჩებს ილოკავდა. მაიმუნს მელიის ოინბაზობა გაგონილი ჰქონდა და გველს მოახსენა: — ბატონო ჩემო, აგერა ღეთისნიერი ადამიანი მოდის და, თუ უკაცრავად არ გახლავართ, მოვიწვიოთ ჩვენი საქმის გასარჩევად. — კეთილი და პატიოსანის მაგრამ შეგარცხვება მერე, რომ იმანაც იგივე გადაგიწვივითოს, რასაც მე გიპირებო? — უთხრა გველმა, რადგან დარწმუნებული იყო თავის სიმართლეში.

შეაჩერეს მელისა და ყოველივე დალაგებით მოახსენა ერთმაცა და მეორეშაც. — ბატონებო, მე აგრე უმოწმოდ და უსაბუთოდ თქვენს საქმისას ვერას გავიგებ და მართებულად ვერ გაგასამართლებთ, თუ ჩემი საკუთარი თვალით არ დავინახე, რა მდგომარეობამ და მოქმედებამ გამოიწვია თქვენ შორის ეს აურზაური და შურისძიება. ამისათვის საჭიროა, რომ მომჩივანი ცოტა ხანს ისევ თავის ხერელში შებრძანდეს, ხოლო მოპასუხე გაისარჯოს და ეს ქვები როგორც ალაგა, ისევ ისე დაალაგოს წყობისად თავ-თავის ალაგასაო.

გველს დიდად მოეწონა მსაჯულის ასეთი კეთილგონიერება, საქმის საფუძვლიანად გარჩევა და პირწყლიანობა; არხეინად ჩაპყო ბოლო ხერელში და ნელ-ნელა ჩაიკეცა გორგალივით.

მელიამ ამ დროს მაიმუნს თვალი ჩაუკრა: — ახლა შენ იცი და შენმა ხელოსნობამაო! მაიმუნი დაფაცურდა და გველს ჯერ თავიც არ ჩაეშალა ხერელში, რომ მიაგორა ქვა და ლოდი და თვალის დახამხამების უშალ ამოჰქოლა მაგრად.

შეკეფიანებულ მელიას მუცელი ხელით ეჭირა და იცინოდა. იტაკებოდა სიცილით ისე, რომ თვალთაგან ცრემლები გადმოსდიოდა. — აჰა, ბატონო ქვეწარმავალო, გათავდა თქვენი გასამართლება: ვინაიდან შენ უქმყოფილებას აცხადებდი იმაზე, რომ მაიმუნმა სიტუტუციით ქვები მოგაშორა თავიდან და, მართალია, ძილი დაგიფრთხო, მაგრამ სამაგიეროდ თავისუფლება მოგანიჭა, აწი მან, მართლაც ტუტუცმა, თავისი შეცდომა გაასწორა, და ისევ ისე შეგიძლია მიეცე ტბალ ძილს მაგ ბნელ ხერელში, რამდენი ხანიც გნებავსო! —

ჩასძახა მელამ გველს, გამოემშვიდობა მაიმუნს და თავის სოროს-
კენ გასწია მცირე ხანს თვალის მოსატყუებლად.

სიხარულით აღფრთოვანებულმა მაიმუნმა თავის ბინისკენ მოჰ-
კურცხლა, მაგრამ მას აქეთ შიშით გულის ფრიალი დასჩემდა სა-
ცოდავს!

ლომის ერთგულება

ერთი ტუსალი ციხიდან გამოიქცა და მთაში იმალებოდა. აქა-იქ
ხეტიალში ნახა გამოქცეული კლდე და შეეფარა: ავდარ-წვიმაში
სისველისგან მაინც გადავრჩებიო. სალამოყამდებოდა. დაინახა
უზარმაზარი ლომი. ტუსალი მიხვდა, რომ ლომის ბუნაგში იყო.
შიშმა აიტანა, რალა ექნა, სადღა გაეჭეოდა!

ლომი ხინკილ-კოკლობით მიუახლოვდა ბუნაგს. დაინახა შეშინე-
ბული კაცი, გაიშვირა ფეხი კაცისკენ. კაცი მიხვდა, ლომი საშიში არ
იყო. მივიდა, ფეხი გაუსინჯა. ნახა: დასიებოდა და ეკალი შერტობო-
და; ამოიღო, ჩირქი გამოწურა, თავისი პერანგის სახელო მოხია, შეუხ-
ვია და იმ დღიდან დამეგობრდნენ. ლომს ისე შეუყვარდა კაცი, რომ
ყოველთვის საზრდოს უზიდავდა მას. ასე ატარებდნენ დროს.

იმ სახელმწიფოში დამნაშავე კაცს ლომებით სჯიდნენ. ამ სასჯე-
ლისთვის ეძებდნენ ტუსალს. დიდი ხნის ძებნის შემდეგ, როგორც
ექნა, მიაგნეს. ლომი და კაცი ერთად დაიპირეს და უკვირდით მათი
მეგობრობა. ტუსალი ცალკე დაამწყვდიეს, ლომი ლომებთან შეიყ-
ვანეს.

ერთ დღეს მეფე-დედოფალი და რჩეულნი პირნი შეიკრიბნენ
დროს გასატარებლად და მეფემ ბრძანა, ტუსალი ლომებისთვის შე-
ებრძოლებინათ. ტუსალს ხუთი ლომი მიუსიეს. ერთი ყველაზე დი-
დი და ღონიერი ლომი დანარჩენებს გადაეღობა და დაუწყო ჩხუბი,
ტუსალთან არ უშვებდა. ხან ერთს წააქცევდა, ხან მეორეს, ხან მესა-
მეს, ხან მეოთხეს. ამან მეფე-დედოფალ-მაყურებელთა შორის გან-
ცვიფრება გამოიწვია. მიიყვანეს ტუსალი და ჰკითხეს, თუ რას ნიშ-
ნავდა თავგანწირული მოსარჩლეობა. ტუსალმა უამბო მეგობრობა
ლომთან: რა დღიდან, რა საბუთით დაამხანაგდნენ. მეფემ მოიწონა
ლომის გონიერება და ტუსალი და ლომი გაათავისუფლა.

კატის მოსარჩლე ვეფხი

სოფლის განაპირა ახოში ერთი გლეხი მიწას ხნავდა და გუთნულ საქონელს კატაც თან წამოჰყოლოდა. როცა გაცხარებული ხვნა დაიწყო, კატა ტყის ნაპირას პეპლებსა და კალიებზე ნადირობდა. ამ დროს ვეფხმა ჩამოირბინა. კატა რომ დაინახა, სახტად დარჩა. ძალიან გაიკვირვა და ჰკითხა: — ძამიავე, შენ, როგორც გეტყობა, ჩვენი ჯიშისა ხარ და რა ცოდვისა გწევია, რამ დაგგვალაო?

ეშმაკმა კატამ თავი მოიკატუნა და უპასუხა: — ჰმ, დიდებულ ბატონო, ნადირთ მეფევე, თქვენ არ იცით, რა წვასა და დაგვაში ვართ კაცის ხელშიო. — მერედა ვინ არის ის კაცი, აგრე უდიერად რომ გეპყრობა და დაუჩაგრისხარო. მაჩვენე შენი დამჩაგვრელი და შენს მაგივრად გაუუსწორდებიო, — უთხრა ვეფხმა.

კატა გაუძღვა ვეფხს და დაანახვა მას გლეხი კაცი, რომელიც გუთანს მისდევდა. ვეფხმა მიმართა კაცს და საყვედურის კილოთი უთხრა: — შენ ეს ჩემი მოდგმის კაცი რათ დაგიჩაგრია ასე, რომ ტანი ველარ აუყრია, ან ისეთი რა დაგიშვა ამ საცოდავმაო? ამის გულისათვის უნდა შეგებრძოლოო. — ბატონი ხარო, — უპასუხა გლეხმა, — მე ძალა სახლში დამრჩაო, ჩავალ, ამოვიტან და მაშინ ვიბრძოლოთო. — კარგო, — სთქვა ვეფხმა, — წადი და მე აქ დაგიცდიო. — რომ მომატყუო, წახვიდე სადმე და მე ტყუილად სოფელში წასვლა შემრჩესო? — უთხრა გლეხმა, — აი, ამ ხეზე თოკით მიგაბამ, სოფელში ჩავიბრბენ და ჩვენი ძალ-ღონე მაშინ გავსინჯოთო. — კარგო! — უპასუხა ვეფხმა. გლეხმა მაგარი საბლით მიაბა ვეფხი ხეზე, თვითონ იქვე ტყეში კარგი იფნის სახრე გამოსჰკრა, მივიდა ვეფხთან და უთხრა:

— აი, ჩემი ძალო! — და ისეთები გადაუქირა სახრით, რომ მთლად გვერდების კანი აუწვა. ვეფხი სიმწრით სულ მალლა-მალლა ხტოდა და იმისი საცოდაობით ცა და ქვეყანა იწვოდა. იმდენი ხანი სცემა, სანამ მე და შენ მივეშველებოდით. როდესაც გლეხმა ცემით კარგად მიბნოდა, აუშვა ვეფხი და უთხრა: — არამკითხე მიამბეო, მიბერტყე და მიაგდეო! წადი, საცა შენი დაიკვებო, იქ ჩემიცა სთქვიო!

ვეფხი ლასლასით გაუდგა თავის გზას და უკანა ფეხებს ძლივს მიათრევდა. ამ დროს კატას თვალი მოჰკრა, ამოიოხრა და კვნესით უთხრა: — ბარაქალა, ჩემო ძამიავე, რომ მაგისთანა მხეცის ხელში კიდევ ეგ ტანი შეგარჩენიაო!

მელიას ეშმაკობა

მელიამ ნაფეტვარზე გაიარა, ნახა, რომ ბევრი თავთავი ეყარა ტყუილად. იფიქრა: „ამ თავთავებით ბევრ ზიანს ვიზამო“. დაჯდა და დაიწყო თავთავების კრეფა. აკრიფა ერთი კონა, ამოიღლიავა და გაუღდა გზას.

გზაზე დაულამდა. მივიდა ერთი სახლის კარებთან და შესძახა: — არ დამაყენებთო? — დაგაყენებთო, — უპასუხეს. მელიამ მიიბარა თ-უ-ო-ე-ე-ის კონა და უთხრა, საქათმეში შეიტანეთო. მელოს თავთავები შეიტანეს საქათმეში და დადევს ისე, რომ ქათმებს არ გამოეჩურჩა. შეუღამისას, როცა ყველას ეძინა, ადგა მელია, აიღო თავთავები და ერთ დიდ წითელ მამალს დაუდო ცხვირწინ. მეორე დღეს მოსთხოვა მასპინძელს მინაბარები. შევიდა მასპინძელი და მელოს გამოეკეცილი თავთავები კი გამოუტანა. მელიამ ტირილი დაიწყო: მამის მეტი არაფერი მებადა და ეგეც თქვენმა მამალმა შემიკამაო. მასპინძელმა ჰკითხა: — რა გიყო ახლა, მელიავ, რაღა ეშველება შენს თავთავებსო? — ან უნდა მომიტანოთ ჩემი თავთავები, ან არადა ის მამალი მომცეთო. რას იზამდა მასპინძელი? აიღო და მისცა მამალი. აიყვანა მელიამ და გასწია თავის გზაზე.

ბევრი იარა, თუ ცოტა, დაულამდა მელიას. გზაზე ერთ მეცხვარესთან დადგა, მიიბარა მამალი და უთხრა: ეგ მამალი არ მომიკლათ, თორემ ცხვარს წაგართმევთო. კარგო, — უთხრეს მელიას.

ლამე ადგა მელია, აიყვანა მამალი და ერთ ერკემალს რქებზე ჩამოაცვა. მეორე დღეს მელიამ მამალი მოითხოვა: უნდა წავიდეო. შევიდნენ, ნახეს, მამალი ერკემალს კი ჰყავს ჩამოცმული რქებზე. მელიამ ისევ ტირილი დაიწყო განგებ: ეგ ერთი მამალი მყავდა, დილით ეგ მალვიძებდა და ახლა კი დავრჩი ცარიელიო. მისცეს მელიას ერკემალი და გაისტუმრეს.

გახარებულმა მელიამ გასწია თავის გზაზე. მიდის და მიიმღერის:

ფეტვი გავყიდე მამალადა.
მამალი ერკემალადა

დაულამდა მელიას. დადგა ერთ გლეხთან. ერკემალი მიიბარა და უთხრა: არამც და არამც ეგ ერკემალი ხარებს არ მომიკვლევინოთ, თორემ დამღუპავთ და იმ ერკემლის მომკვლელ ხარს წაგართმევო. ერკემალი შეიყვანეს და დააბეს ხარებთან ცალკე. ლამე ადგა მელია, აიღო ერკემალი და ჩამოაცვა რქებზე ერთს დიდ ხარს. მეორე დღეს

წაართვა მასპინძელს ერკემლის მომკვლელი ხარი და გაიგდო წინ სიხარულით.

გზაზე დაულამდა, მაგრამ სახლში არავინ შეუშვა. ბოლოს ერთ ქვრივთან მივიდა და სოხოვა: ხარი მყავ, მეშინია, მგელმა არ შემიქამოს, ბოსელში დამაბმევიინეთ, მე კი კარებზე დავწვები და ვუყარაულებ ჩემს ხარსაო. ღამე ადგა მელია, გამოსჭრა ხარს ყელი და ბებრის უმცროს ქალს ჩაუდო დანა ჯიბეში. მეორე დღეს მოითხოვა ხარი, უნდა წავიდეთ. ნახეს, ხარი მკვდარია შეწუხდა სახლის პატრონი. ვითომ შეწუხდა მელიაც. მელიამ უთხრა: ვინც ის ხარი დაკლა, ის უნდა წავიყვანო. დებმა უარი სთქვეს: ჩვენ არ დავგივლავსო. მაშ, ვისაც სისხლიანი დანა ჰქონდეს, ის არის დამკვლელიო. გაუსინჯეს ჯიბეები და სისხლიანი დანა უმცროს დას უნახეს. წამოიყვანა ქალი მელიამ, ჩაისვა გუდაში, მოიკიდა ზურგზე, მიდის და მიიმღერის:

ფეტვი გავყიდე მამლადა,
მამალი ერკემალადა,
ერკემალაი ხარადა,
ხარაი ლამაზ ქალადა!

გზაზე მხენელ-მთესველებს შეხვდა. მათ დაუძახეს: — დაისვენე, მელიავ, პური ჰამეო! დაისვენა მელიამ. მისცეს ერთი ცხრილი და უთხრეს: წადი, სანამ ჩვენ სამხარს მოვამზადებდეთ, წყალი ამოგვიტანეო. წავიდა მელია, ავსებს წყალს, მაგრამ ცხრილი რას დაიჭერდა! სანამ მელია წყაროზე იყო, მხენელებმა მოხსნეს გუდას პირი, ამოიყვანეს ქალი და იმის მაგიერ ერთი ძალღი ჩაუსვეს, ჩაუდეს პური, რომ გაჩუმებულიყო, და მოუკრეს ისევ პირი. მელია მოვიდა მხენელებთან და უთხრა: ახლა კი წავალ, გამიშვითო. მხენელებმა გაისტუმრეს მელია.

მიდის მელია და მიიმღერის ისევ წინანდებურად. გაათავა ძალღმაც პური გუდაში და დაუწყო ფხაკუნი ხმელ გუდას. მელიას ჰგონია — ქალიაო და ეუბნება: რა არი, ქალო, რა გაწუხებს? თუ გწყურია, დაღიე, ამოგიყვანო... მაინც არაფერი შეისმინა მელიისა ქალმა, ისევ აფხაკუნებდა გუდას. ბოლოს მოვიდა მელია თავის სოროში. მოხსნა პირი გუდას, ამოვარდა გუდიდან ძალღი, გაიგდო მელია და გააძრო ქურჭი.

ჭიოი იქა, ლხინი აქა,
ქატო იქა, ფქვილი აქა.

გლები, დათვი და მელია

იყო და არა იყო რა, იყო ერთი გლები. მას ცოლის მეტი არავინა ჰყავდა. ერთხელ გლები ყანაში სამუშაოდ წავიდა. გზაზე პანტის ძირში დათვი ნახა. დათვის იმდენი პანტა ეჭამა, რომ იქვე ხის ძირში გორავდა და ველარ მოენელებინა. ეს რომ ნახა, გლებს სიცილი წასკდა. დათვმა უთხრა: არავისთან გამამხილო, თორემ შეგჭამო. გლებმა უპასუხა, არავისთან არ გაგამხელო.

როცა გლები შინისაკენ წამოვიდა, დათვიც ადგა და ჩუმად უკან გამოედევნა. გლები რომ შინ მივიდა, დათვი სახლის ყურეს ამოეტუზა და ლაპარაკს ყური დაუგდო. გლები მოუყვა ცოლს დათვის ამბავს. დათვმა ყველაფერი გაიგონა და გამობრუნდა. წავიდა გლების ყანაში და ჩაწვა. მეორე დღეს გლები ისევ წავიდა ყანაში სამუშაოდ. იქ დაწოლილი დათვი რომ დაინახა, შეშინდა. წამოდგა დათვი და შესძახა:

ადრე გამოხნავ — ადრე გამოგხრავ,
გვიან გამოხნავ — გვიან გამოგხრავ.

გლები შეშინდა. გამოვიდა გზაზე და დაღონებული დაჯდა. შუადღეზე ცოლმა სადილი მოუტანა: ერთი კარგად შემწვარი დედალი, სამი ხაჭაპური და ერთი ბოთლი ღვინო. გლებმა უთხრა ცოლს: რა მესადილება, ქალო, დათვი ყანაში ჩაწოლილა და ასე ეუბნება:

ადრე გამოხნავ — ადრე გამოგხრავ,
გვიან გამოხნავ — გვიან გამოგხრავო.

ცოლმა უთხრა: შენ რა დაუშავე მაგის ფასიო? — წუხელის რომ ამბები გითხარი, იმისთვის მექადნებოო. ამ დროს სად იყო და სად არა, გაჩნდა მელია. გლები რომ შეწუხებული ნახა, ჰკითხა: — რამ დაჯაღონაო? — როგორ რამ დამაღონა, აგერ ყანაში დათვი წევს და შეჭმას მიპირებსო. მაშინ მელიამ უთხრა: — თუ მაგ ქათამს და ხაჭაპურებს მე მაჭმევ, გიშველიო! გლებმა მიუგო: — ოღონდ კი მიშველე და ღვინოც შენი ფეშქაში იყოსო!

დაჯდა მელია და შეექცა გემრიელ საჭმელს. როცა გაათავა, გლებს უთხრა: — შენ წადი და დათვის ახლოს დაიწყე ხვნა, მე გავალ პატარა სერზე და იქიდან დაგიძახებო; შენ კი მაგიერი პასუხი გამეციო.

გლებმა ხვნა დაიწყო. მელია გორაზე გავიდა და იქიდან გადმოსძახა:

— კაცო, შენ ჰეი! — რა იყო, რა! — სამი წლის დათვის კვალი ხომ არ გინახავს, ხელმწიფე მოდის თავისი ჯარით და მისი ნახვა უნდაო. დათვი შეეხვეწა გლეხს: — არ მინახავს, ასე უთხარიო. — არა, არ მინახავს! — მაშ, ეგ რა არის?

გლეხი დაეკითხა დათვის, რა ეუპასუხო. დათვმა უთხრა: ჯირკიაო. — ეს ჯირკია, ჯირკი! — თუ ჯირკია, ურემზე დაუდევო! დათვი შეგორდა ურემზე. მელიამ გამოსძახა: — აბა, დააკარი ჯირკი ურემზეო! გლეხმა დათვი ურემზე თოკით დააკრა. მელიამ დაიძახა:

— აბა, უტულისყუეო! — გლეხმა დასცხო ცული დათვის და მოკლა. მელიამ და გლეხმა ბევრი იცინეს. გლეხმა დათვის ხორცი ხორცად გაყიდა, ქონი ეონად მოიხმარა და ტყავი ტყავად.

ჭირი იქა, ლხინი აქა,
ჭატო იქა, ფქვილი აქა.

ცხოველთა ნადი

იყო ერთი ღარიბი ჯაჯია. პურის დროს პური არ ჰქონდა და სიმინდის დროს სიმინდი. სარჩო შემოაკლდა, შემოეღია. ლუკმა პური აღარა აქვს, დაფქული ფერფლი არ გააჩნია, გაკენეტა სიმინდი არსად ეგულება. ნდობით არავენ ენდობა, საყიდელს ვერ იშოვის და სასესხებელს. უნდა მოკვდეს, ამოწყდეს ასე შიმშილით? — არა, თუ არაფერი მოვიგონე, ცუდად არის ჩემი საქმეო! — თქვა და მოიწია ნადი. ჭერ თაგვთან მივიდა და უთხრა: — ხვალისთვის ნადი მაქვს, მუშა მყავს; საწყალი კაცი ვარ, მომეხმარე და, ჩემო ცუცუნია, ერთი ჯამი ფეტვი შემომაწიეო! მერე კატას ჩამოუარა და: — შენც ერთი ჯამი ღომი შემაწიე და კაი საუზმეს დაგახვედრებო! მელიას უთხრა: — შენ ერთი ჯამი სიმინდი შემომაწიეო! მგელს: ერთი ჯამი პურიო! დათვის: სახორცეო! და ამნაირად, ჩამოუარა ყველას და სათითაოდ დაპატიჟა: — თქვენ მეწვიეთ ოღონდ და მასპინძლობა ჩემს კისერზე იყოსო! ესენიც შეპირდნენ.

მეორე დღეს, ინათლა თუ არა, მოცუცუნდა თაგვი და ერთი ჯამი ფეტვი მოიტანა. ჯაჯიამ ჩამოართვა და ცეცხლიპირს მისცა ბინა. — ექ დაბრძანდიო! ისიც, ცეცხლიპირს წამოსკუპდა. სადაც არი და მოდის კატა, მოაქვს ღომი. ჯაჯია შემოეგება სიცილით, ჩამოართვა მოსაკითხი და ასე უთხრა: — მადლობელი ვარ. მაგრამ ხელცარიელი არც მე დაგხვედრივარ, მეც კაი საუზმე დაგახვედრეო! შინ მიბრძან-

დო. კატაც შევიდა. სწვდა თავეს და გემრიელად ჩაახრამუნა, თვითონ კი მის ალაგას წამოცუტქდა. სადაც არი და მოცუნცულობს მელია. ჭაჭია შემოეგება გულმხიარულად, შესაწევარი ჩამოართვა და ამასაც საუზმედ კატა მიუძღვნა. მელა ეცა კატას და რაც მან თავეს დამართა, ახლა ის ამას მელამ უყო. სადაც არი და მოძუნძულდა მგელი. ჭაჭია გამოეგება, ჩამოართვა ძღვენი და მელიის ძვირი მიუტანა: ის შენას ამბობს, არ ვიცი, თუ შენ ის მოითმინე, აფერუმ მართლა შენს მოთმენას, კაი მოსათმენი მოგიტმენიაო; შენსას რაც ის ლაპარაკობს, კაცის ყურში რავე გაიგონებო! მგელმა გულმოსულობით კბილები დაახრკიალა, შევარდა სახლში და ევრუზა. მელა კურდღლის ბოცორივით მოიკუნტა. მაგრამ მგელმა ბევრი აღარ აცალა და გამოუყვანა წირვა მტერსა და ავს. დაჭდა და მიეფიცხა ცეცხლს. სად არი, სად არა, მოიპარება დათვი, მოყავს ერთი კაი ნებიერი. ჭაჭია შემოეგება უცბად. ეს ჩამოართვა და დათვს მიაძახა: — მგელი შენ გეჩემება, არ ვიცი, თუ იმას ცოცხალი გადურჩი. შენ რო გულფიცხი ხარ, არ ვიცი, თუ იმას მოითმენ.

— სად არი მგელიო? შენ რა იციო? — იკითხა დათვმა. — ეგერ მყავს სახლში დამწყვედელი; მეშინია, მართლა არაფერი შეგამთხვიოსო!

— მანახე, მაჩვენე, სად არის და იმას მე ვაჩვენებ თავის თამაშსო! — დაიღრიალა დათვმა და კარებს მიაშურა. ჭაჭიაც შეუძღვა შინ. მგელი არხეინად არი ცეცხლზე მიფიცხებული. რომ დაინახა დათვი, აიგრუზა, აიძურწა და სხვებზე ნაკლები დღე აღარც იმას დადგომია. გაქცევის ღონე აღარა კჷონდა და ისიც დათვის წერა გახდა. წვდა დათვი, დატორა, დაბელა ზურგულად. დარჩა დათვი. ახლა ამას უნდა მოუხერხოს რამე, სხვას ყველას იოლად მორჩა, თავად ხელის განძრევა არ დასჭირვებია, ისე ამოახოცია, ამოაყლეთია ერთმანეთი სათითაოდ. ამას კი თავად უნდა გაუსწორდეს. უნდა უხიმანკლოს რამე, მეტი ჯანი არ არის, არადა პირისპირ რას გააწყობს მასთან! წაიყვანა ტყეში ვითომ ხის საჩხხად. დათვი ხეზე შეგზავნა, თვითონ ძირს დადგა და კაი ალესილი ცული დაიკავა ხელში.

— ნედლს ფეხი დაადგი და ხმელი მოსწიეო! დათვიც წვეროში მოქეცა ხეს. დაუჭერა ჭაჭიას. ნედლზე შედგა უკანა ფეხებით და წინა ფეხებით კი ხმელს მოსწია. ხმელი ხელში შერჩა, ნედლზე აუსხლტა ფეხი და წამოვიდა თავდაყირა ძირს. ჭაჭიამ ცული მოუმართა და ძირს დავარდნაც არ აცალა, შუბლში სთუთქა შენს დათვს. დაუშინა და ისიც სხვებს გაუყენა საიჭიოს. დათვი მოკლა და თვითონ გამარჯვებული დაბრუნდა შინ. ასე, ამნაირად, მოხერხებით ჩვენმა ჭაჭიამ მტრებიც მოიშორა და ორიოდღე დღის სარჩოც შეაგროვა.

იერუსალიმს მიმავალი მელია

იყო და არა იყო რა, ღვთის უკეთესი რა იქნებოდა. იყო ერთი მგალობელი, ღმერთი ჩვენი მწყალობელი, ღმერთი მაღალი, კაცი დაბალი, იყო ერთი მელია. იარა, იარა და შეხვდა ერთ მამალსა. — გამარჯობა, მამალო! — გაგიმარჯოს, მელია! — სად მიდიხარ, მამალო? — არსად. ჩემს პატრონს ორმოც-ორმოცი დედალი ჰყავს, ჩემს მეტი მამალი არ ურევია. ჩემი პატრონი იძახის: „ეს მამალი დაბერდა, რიგიანად ველარ დადის, უნდა დავკლო“. გამოვიპარე, მინდვრად უნდა ვიცხოვრო. შენ სადღა მიდიხარ, მელავ? — მე იერუსალიმს მივდივარ, სული უნდა ვიცხოვრო. — მეც შენი ამხანაგი ვიქნებიო. — კარგო, — უპასუხა მელიამ.

წავიდნენ. ბევრი იარეს თუ ცოტა, შეხვდნენ ერთ ბატსა. — გამარჯობა, ბატო! — გაგიმარჯოთ, მელავ და მამალო! — სად მიდიხარ, ბატო? რა გაგქირვებია? — ეჰ! რა სად მივდივარ? ჩემს პატრონს ათითორმეტი ქუჩი გავუზარდე. თითქმის ჩემი ტოლები გავხადე, ახლა იძახის: „ეს ქუჩები შევიანახოთ და ეს ბატი კი დავკლოთ, დაბერდაო“. ავდექი და გამოვიპარე; მინდვრად უნდა ვიცხოვრო, — მიუგო ბატმა.

მელიამ უთხრა: — იერუსალიმს მივდივართ და მოდი, შენც ჩვენი ამხანაგი იყავო. — ძალიან კარგო.

წავიდნენ სამივენი. ბევრი იარეს თუ ცოტა, შეხვდნენ ძერასა. — გამარჯობა, ძერავ! — გაგიმარჯოთ, მელიავ, მამალო და ბატო! სად მიდიხართო? — იერუსალიმს მივდივართ, სული უნდა ვიცხოვროთო. — მეც თქვენი ამხანაგი ვიქნებიო.

წავიდნენ. ბევრი იარეს თუ ცოტა, შეხვდნენ ერთ ოფოფსა. — გამარჯობა, ოფოფო! — გაგიმარჯოს, მელიავ, მამალო, ბატო და ძერავ! — სად მიდიხართო? — იერუსალიმს, სული უნდა ვიცხოვროთო. — მეც თქვენი ამხანაგი ვიქნებიო. — ძალიან კარგო.

წავიდნენ. იარეს, იარეს და მივიდნენ მელიის სოროსთან. — აი, მოვედით იერუსალიმსა, მობრძანდითო. ისინი რომ სოროში შევიდნენ, თვითონ კარში ჩადგა და უთხრა: — მამალო, აქ უნდა ვილოცოთ და სული ვიცხოვროთო. მამალმა სიხარულით ყვირილი მორთო. მელამ უთხრა: — შენ ვინ მოგცა იმდენი ნება, შუალამისას ყვირის დაიწყებ, მე რომ საქათმესთან მოვალ, შენ ხალხს აღვიძებ და პირცარიელას მტოვებო? — მოაგლიჯა თავი და დადო ძირსა.

მერე დაუძახა ბატსა. — მოდი, ბატო, აქაო. მივიდა ბატიც.

— შენ ვინ მოგცა იმდენი ნება, — უთხრა მელიამ, — შუალამე რომ გადავა, შენ საათობით დაიწყებ ყიყინსა და ხალხს აგებინებ, მე რომ საქათმესთან მოვალ და პირცარიელს მტოვებო? — მოაგლიჯა თავი და დადო ძირსა.

ძერას უთხრა: — მობრძანდი აქაო. მივიდა ძერა. — შენ ვინ მოგცა იმდენი ნება, — უთხრა მელამ, — ერთი საწყალი დედაკაცი ერთ-ორ წიწილას ძლივს გამოზრდის, მიხვალ და მოსტაცებ, მე კი ხელცარიელს მიშვებო? — მოაგლიჯა თავი და დადო ძირსა.

დაუძახა ოფოფსა. ოფოფმა უთხრა: — ოლონდ კი ნუ შემქვამ, ჩემი შექმა აბა, რა გაგიხდება, და ერთს კარგად გაგაძლობ, კარგად გაცინებ და ისე გარბენინებ, რომ შენ ღლეში ისე სწრაფად არ გაქცეულიყო. — ძალიან კარგიო.

გამოუძღვა ოფოფი. ატარა, ატარა. ერთ დედაკაცს გუთანზე სადლილი მიჰქონდა. ოფოფი მივიდა და დედაკაცს წინ დაუჯდა. დედაკაცი მა თქვა: — თუ ეს ოფოფი არ დავიჭირე და ჩემი გოგოები არ გავახარე, არ იქნებაო. ჯერი ძირს დადგა და თვითონ ოფოფს გამოუდგა. ოფოფი ნელ-ნელა დაფრინავდა და დედაკაცი კარგა შორს გაიტყუა. მელა მივიდა, გადააბრუნა ქოთანი და ერთი ღონიერად მიაძღა. დედაკაცი მოვიდა, ნახა ცარიელი ქოთანი, თავსა და პირში წაიშინა. — უი, დამიდგეს თვალები, ახლა რალა ვქნაო! — გაძებ, მელავ, თუ არაო? — ჰკითხა ოფოფმა. — ოჰ, შენი ოჯახი ააშენა ღმერთმა, ისე გაძებ, რომ თავის ღლეში ასე არ გავმძღარვარო.

— მაშ, მოდი, ახლა ერთი კარგა გაცინებო. ოფოფი გაუძღვა მელასა და ერთ საყდართან მიიყვანა. საყდართან ორი ბერი დგას, ორივეს ჯოხები უჭირავს. ოფოფი მოფრინდა და ერთ ბერს თავზე დააჯდა, მეორე ბერი გაცეცხლდა: „ოი, შე წყეულო და შეჩვენებულო!“ დაუქნია ჯოხი, ოფოფი უნდა მოეკლა. ოფოფი აფრინდა და ჯოხი კი ბერს მოხვდა თავში და გაუხლიჩა. ოფოფი ახლა იმ ბერს დააჯდა თავზე. გაჯავრებულმა თავგატეხილმა ბერმა მოუქნია ოფოფს ჯოხი, უნდა მოეკლა, ოფოფი აფრინდა და ჯოხი კი თავის ამხანაგ ბერს მოსდო და თავი შუაზე გაუხლიჩა.

მელია კი იცინის, იცინის, კვდება სიცილით. — ხომ კარგად იცინე, მელავ? — ჰკითხა ოფოფმა. — უჰ, შენი ოჯახი ააშენა ღმერთმა, ამდენი ჩემს სიცოცხლეში არ მიცინიაო. — ეს, ხომ გაცინე, მელიავ, და სირბილიც მალე იქნებაო.

წაიყვანა მელა და ერთი ძეძვის ქვეშ დასვა: აქ მოიტადეო. წამო-

ვიდა ოფოფი. მონადირეები მწვერებით კურდღელაობდნენ. — აქ წამოდით, მე გასწავლით კაი ნადირსაო, — უთხრა ოფოფმა.

გაუძღვა მათ და მელიას ზედ წააყენა. — აბა, მელიავ, ახლა გაქცევის დროც მოვიდა, ადექი, რაღას ზიხარო?

მელიამ გააღმასებული მწვერები რომ დაინახა, ზეზე წამოიჭრა და გულგახეთქილმა მინდვრებისკენ მოკურცხლა. — ეჰო, — სთქვა მელიამ, — შენმა დედამ რა მიყოს, ოფოფო, რომ პირველს შენ არ მოგგლიჯე თავიო.

აბა რა ხეირს დააყრიდნენ მწვერები მელიას, კარგად მიხვდებით.

ჭირი იქა, ლხინი აქა,
ქატო იქა, ფქვილი აქა.

ხოხობი და მელია

ერთი ჭაგის ძირში ხოხობი იჯდა და ხორბალს კენკავდა. ისე იყო თავის საქმით გართული, რომ ვერც კი შენიშნა, როგორ წამოეპარა მელია. მელიამ ერთი ნახტომით მოიგდო პირში საბრალო ხოხობი და აქვე ჭაგის ძირშივე დაუპირა შექმა. ხოხობმა რომ დაინახა ჩემი საქმე გათავებულია და მელიას კბილების წერა ვხდებო, ერთი გაიფართხალა და საყვედურით მიმართა მელიას: — არც კი გრცხვენია, ზომ დამიჭირე და შექმასაც ისე მიპირებ, რომ ღმერთს არც კი ახსენებო. განა სადღა გაგექცევი? ადიდე ღმერთი და საქმეს ისე შეუდექიო!

მელას ჭკუაში დაუჯდა ხოხობის რჩევა. ნაშოვრით გათამამებულმა გაიფიქრა: ამ ხოხობს მერეც ხომ შევქამ, კარგი იქნება ღმერთი ვადიდო, და მართლაც შესთხოვა: — სხვა კიდევ ბევრჯერ შემეწიეო და ასეთი ლუკმა მრავალი მაშოვნინეო.

ისარგებლა ხოხობმა, პირიდან გაუსხლტა მელას და გაფრინდა. რომ დაინახა მელიამ ეს ამბავი, დაიწყა მოთქმა და თავში ცემა:

ხოხობის მოტყუებულსა თვალი დაუდგეს მელსაო,
პირში მეჭირა ხოხობი, რალა დიდება ღმერთსაო.

ყორანი და გველი

ყორანს ტყეში ბუდე ჰქონდა და ბარტყები გამოეჩეკა. შეეჩვია ერთი გველი და ბარტყები სულ ერთიანად შეუქამა. ყორანი ძლიერ დაღონდა, არ იცოდა, რა ექნა და როგორ მოეშორებინა თავიდან გველი.

თავისი გულის ტკივილი ყორანმა მელას შესჩივლა. მელამ ასე ურჩია: — წადი და, როცა სოფელში სარეცხი გამოფინონ გასაშრობად. დასტაცე ნისკარტი, წამოიღე და დააგდე იმ ადგილას, სადაც გველი წევსო.

ყორანი მართლა ასე მოიქცა. გამოაფინეს ეზოში სარეცხი თუ არა, დაავლო კლანჭები ერთ კარგ ცხვირსახოცს და გაიტაცა. დიდი და პატარა კიეინით გამოედევნა. ყორანმა ცხვირსახოცი დააგლო სწორედ იმ ადგილას, სადაც გველი იწვა. სოფლელები მიცვივდნენ ცხვირსახოცის ასაღებად, დაინახეს ვეებერთელა გველი, აიღეს კეტები და სული გააფრთხობინეს. ამის შემდეგ ყორანი არხეინად და უშიშრად ცხოვრობდა თავის ბუდეში.

შაშვი და მელია

იყო და არა იყო რა, ღვთის უკეთესი რა იქნებოდა, იყო ერთი შაშვი. გაიკეთა ბუდე ერთს დაბურულ ტყეში, გამოჩეკა ბარტყები და ცხოვრობდა ტკბილად თავისთვის. გაიგო მელიამ, რომ შაშვის ბარტყები ჰყავსო, მივიდა მის ბუდესთან და შესძახა: — შაშვიო, შვილები მომე, თორემ დაგიქურ და შენც შეგქაპო. — თავი დამანებე, — უპასუხა შაშვმა, — თორემ ისეთს დავიძახებ, რომ რაც რამ დედამიწის ზურგზე ორფეხები არიან, სულ აქ მოვლენო. — მე კი ისეთს დავიხავლებ, მთელი ოთხფეხობა აქ მოვაო, უპასუხა მელიამ.

დაიძახა შაშვმა და მოვიდა მთელი ორფეხობა: რაც რამ ფრინველი ან კაცი იყო, სულ იქ მოვიდა. დაიხავლა მელიამ და რაც კი რამ იყო ქვეყანაზე ოთხფეხი, იქ მოილო გრიალი. შეექნათ საშიწეული ომი და სისხლის ღვრა; ოთხფეხებმა დაამარცხეს ორფეხები. დახოცეს სულ ერთიან, ზოგი დაჭრეს და გაფანტეს.

ერთი კაცი გადარჩა ამ ომს. მან გზაზე დაჭრილი სჯავი ნახა

შინ წააყვანა, უწამლა, დაუკლა ცხვარი და აჭამა. როცა მოიკეთა, კაცს უთხრა: მოდი, შემაჭექი მხრებზე, ჩემს დედ-მამასთან წაგი-
ყვან. ვიცი, ისინი გკითხავენ: „რა მოგცეთ, შვილი რომ მოგვირ-
ჩინო?“ შენ სხვა არაფერი გამოართვა, ერთი ხელსაფქვევა
აქვთ და იმაზე უთხარ, ის მომეცით-თქო.

მეორე დღეს შეისვა ეს კაცი სვავმა მხრებზე და გასწია სახლში.
სვავის დედ-მამამ სიხარულით მიიღო შვილის გადამრჩენი. — რა
მოგცეთ? — ჰკითხეს, როდესაც კაცი გაემზადა წასასვლელად. —
თქვენ რომ ერთი ხელსაფქვევა გაქვთო, — უპასუხა კაცმა. მისცეს
ხელსაფქვევა და კაცი გახარებული წავიდა სახლში. მოდის და მო-
იმღერის. შეხვდა ერთი კაცი, ხმალი ჰკილია, და ჰკითხა: — რას იმ-
ღერი, კაცო, რა გაქვს სამღერიო? — სვავის დედ-მამასთან ვიყავ,
ერთი ხელსაფქვევა მომცეს, წაღმა შემოვატრიალებ — ოქროს
თვალს დაფქვავს, უკუღმა — ვერცხლისას, — უპასუხა ხელსაფქვა-
ვას პატრონმა. — მოდი გავცვალოთ, მე ისეთი ხმალი მაქვს, ვეტყ-
ვი: „ამოდი ვერცხლად, დაენტე ცეცხლად, წადი, იმ კაცს თავი
მოჰქერ, მოდი და ჩაეგეო!“ გაცვალეს. ცოტა რომ გაიარა, მიმართა
ხმალს. ამოვარდა ხმალი ვერცხლად, დაენტო ცეცხლად, მოჰქრა თავი
ხელსაფქვევას წამლებს, წამოიღო კაცმა ხელსაფქვევა, ხმალიც და
წამოვიდა. გზაზე მოდის და მოიმღერის. წინ კაცი შეჰხვდა, სუფრა
მოაქვს.

— გამარჯობა! — გაგიმარჯოს! — რა გამღერებს, რამ გაგახა-
რაო? — რა არ მახარებს, ისეთი ხელსაფქვევა მაქვს, რომ წაღმა შე-
მოვატრიალებ — ოქროს დაფქვავს, უკუღმა — ვერცხლსაო! — გა-
მიცვალე სუფრაზედაო, — უთხრა მგზავრმა, — ეს ისეთი სუფრაა,
რომ რასაც ეტყვი — სასმელ-საჭმელი იქნება თუ სახლი და კარი,
ყველაფერს გააკეთებსო.

გაცვალეს. სუფრა ამან გამოართვა, ხელსაფქვევა იმან წაიღო,
მაგრამ როგორც კი გასცდა მგზავრი, წამლები მისი ხელსაფქვევასი,
კაცმა ხმალს უთხრა: — ხმალო, ამოდი ვერცხლად, დაენტე ცეცხ-
ლად, წადი, ჩემი ხელსაფქვევას წამლებს თავი მოსქერ, მოდი და
ისევ ჩაეგეო!.. ამოვიდა ხმალი ვერცხლად, დაენტო ცეცხლად, მოს-
ქრა თავი ხელსაფქვევას წამლებს, მოვიდა და ჩაეგეო. წამოიღო კაცმა
ეს ხელსაფქვევა, ეს ხმალი, ეს სუფრა და წამოვიდა სიხარულით.
მოვიდა სახლში, სუფრას უთხრა: — სუფრავ, აბა ერთი კარგი სახ-
ლები დამიდგო! მაშინვე მშვენიერი სახლები წამოიჭიმა. დაიწყო
ტკბილად ცხოვრება. ახლაც ცოცხალია და წუთისოფელსა სჭამს.

ნახევარქათმის ამბავი

ერთი ნახევარქათამი და ერთი მელია დაძმობილდნენ. წავიდნენ გზასა. მელიამ გზაზე ნახევარქათამი გააჯავრა. ნახევარქათამმა უთხრა მელიას: — მელია, სუ, თორემ ჩაგყლაპავო.

მელიამ გაიცინა და უთხრა: — ჩამყლაპეო. გაალო პირი და გადაყლაპა მელია.

წამოვიდა. გზაზე ერთ მგელს ნებდა და მასაც დაუძმობილდა. წავიდნენ ერთად, გზაზე მგელმა გააჯავრა ნახევარქათამი. ნახევარქათამმა უთხრა: — მგელო, ჩაგყლაპავ, თუ თავი არ დამანებეო. — ჩამყლაპეო, — უთხრა მგელმა. გაალო პირი ნახევარქათამმა და მგელიც მელიასთან ჩააბრძანა.

წამოვიდა ისევ ნახევარქათამი. გზაზე ერთ დათვს შემოხვდა: — დათვო, ჩაგყლაპავო, — უთხრა ნახევარქათამმა. დათვმა რალაც დაიბუტბუტა და ხმა არც კი გასცა. გაალო პირი ამ ნახევარქათამმა და გადაყლაპა დათვიც.

წავიდა ისევ ნახევარქათამი და მივიდა ერთ ზღვასთან. დაღონდა ნახევარქათამი: როგორ უნდა გადავიდეთ. იფიქრა, იფიქრა, გაალო პირი და ჩაყლაპა ეს ზღვა და მშრალზე გავიდა ზღვის გაღმა. აქ ამოეფარა კამეჩის ნეხეს და დაიწყო ძახილი: — დიდებულო ხელმწიფევ, დიდებულო ხელმწიფევ! გამოგზავნა ხელმწიფემ ნაზირ-ვეზირები — წადით, ვინ იძახისო.

წამოვიდნენ ეს ნაზირ-ვეზირები, ეძებეს, მაგრამ ვერსად იპოვეს. ხელმწიფეს მოახსენეს: — ვეძებთ, მაგრამ ჩვენ ვერაფერი ვიპოვეთო.

ნაზირ-ვეზირები რომ გაშორდნენ, ნახევარქათამმა ისევ მორთო ყვირილი: — დიდებულო ხელმწიფევ, დიდებულო ხელმწიფევ!

წამოვიდა ახლა თვითონ ხელმწიფე. ეძება ეს მკვირალა და კამეჩის ნეხვის უკან იპოვა; წაიყვანა ჰინ, მისცა კარისკაცებს და უთხრა: — საქათმეში შეაგდეთო.

წაიყვანეს ნახევარქათამი და შეაგდეს საქათმეში. ნახევარქათამმა ამოუშვა მელია მუცლიდან. მელიამ დაჭამა ქათმები და გასწია თავის გზაზე. მეორე დღეს შევიდნენ, ნახეს — ქათმები ერთიც აღარ არის. დაიჭირეს ნახევარქათამი და შეაგდეს საბატეში.

ამოუშვა ნახევარქათამმა მგელი. მგელმა დაჭამა ბატები და წავიდა თავის გზაზე. მეორე დღეს შევიდნენ საბატეში, ნახეს, რომ ერთი ბატიც აღარ დარჩენილა; ნახევარქათამი კი ქანდარაზე ზის.

გამოიყვანეს და დაამწყვდიეს საცხვრეში — ეგებ ერკემალმა

გაქვლიტოსო. ამოუშვა ნახევარქათამმა დათვი ამ ცხვრებში. დათვმა დაქაძა ცხვრები და გასწია თავის გზაზე. მეორე დღეს ხელმწიფემ შეგზავნა კაცები: „ნახეთ, იმ ეშმაკმა რა კქნაო?“ შევიდნენ, ნახეს — ცხვარიც აღარ არის.

გაჯავრდა ხელმწიფე. მაშინ უბრძანა მისი დაკვლა: მოახრაკეინა და შექაძა. მუცელში გაცოცხლდა ნახევარქათამი და დაიწყო ხტუნაობა და სიმღერა. ხელმწიფემ უბრძანა ნაზირ-ვეზირებს და მეომრებს: „აიღეთ ხმლები და როდესაც ამოფრინდება, მოკალით“. ამოფრინდა ნახევარქათამი და გაიქცა ბაღში. გამოუდგნენ მოსაკლავად. ამოუშვა პირიდან ნახევარქათამმა ზღვა და ჩაახრხო ხელმწიფე და მისი ნაზირ-ვეზირები.

ჩიტი და მელია

იყო ერთი ჩიტი-ჩიორა, ტყეში ერთი მოხერხებული ალაგი იპოვა და ბუდე გაიკეთა. მერე შიგ ჩაჯდა და სამი კვერცხი დასდო. სამს კვირაზე გამოჩეკა პატარა ჩიორები. დედა თავის შვილებს უზიდავდა ქალოებსა, პეპლებსა, ბუზებსა, აქმევდა და ზრდიდა.

დადს სიხარულში იყო ჩიორა. ჩქარა დავაფრენ ჩემს ბარტყებსო. მაგრამ მალე უბედურება ეწვია. წყეულმა მელიამ ბუდეს მიაგნო, ხის ძირში მიცუნცულდა და ჩიორას შესძახა:

— ჩიტო, ჩიტო, ჩიორაო!
— რაო, ბატონო მელაო?
— ერთი ბარტყი გადმომიგდე,
თორემ შავ დღეს დაგაყენებ:
ცულს მოვიტან, ცუნცულასა,
ხელეჩოს და წალდუნასა,
ხესაც მოვჭრი, ხის ძირსაცა,
შენც შეგჭამ და შენს შვილსაცა.

შეეშინდა საწყალ ჩიორას. აიყვანა ერთი ბარტყი და გადმოუგდო მელიასა. მელიამ პირი დაავლო, ბუჩქებში გაარბენინა და გადაყლაპა. მეორედ კიდევ მიირბინა და შესძახა:

— ჩიტო, ჩიტო, ჩიორაო!
— რაო, ბატონო, მელაო?
— ერთი ბარტყი გადმომიგდე,

თორემ შავ ღღეს დაგაყენებ:
ცულს მოვიტან, ცუნცულასა,
ხელეჩოს და წალღუნასა,
ხესაც მოვჭრი, ხის ძირსაცა,
შენც შეგჭამ და შენს შვილსაცა.

დაღონებულმა ჩიორამ მეორე ბარტყიც აიყვანა და მელიას გად-
მოუგღო. მელიამ პირი სტაცა, ბუჩქებში გაარბენინა და გადაულაპა.
მესამედაც მიცუნცულდა მელია და ჩიტს შესძახა:

— ჩიტო, ჩიტო, ჩიორაო!
— რაო, ბატონო, მელაო?
— ერთი ბარტყი გადმომიგდე,
თორემ შავ ღღეს დაგაყენებ:
ცულს მოვიტან, ცუნცულასა,
ხელეჩოს და წალღუნასა,
ხესაც მოვჭრი, ხის ძირსაცა,
შენც შეგჭამ და შენს შვილსაცა.

მწარედ დაღონებულმა ჩიორამ მესამე ბარტყიც აიყვანა და
მელიას გადმოუგღო. მელიამ გაარბენინა და ისიც სწრაფად გადა-
ულაპა.

უბედური ჩიტი აფრინდა და მოშორდა იმ არემარეს. შემოჯდა
ერთ ხეზე მეტად დაღონებული. მონადირემ დაინახა და ჰკითხა: —
ეგრე მწარედ რამ დაგაღონა, ჩიორაო? — არ გებრალები?! ერთმა
წუწკმა მელამ შეიღები დამიქამაო. — აბა, წამოდი, მიჩვენე ის
წყეული და მე გაყურებინებ მის სეირსაო!

ჩიტი გაუძღვა მონადირეს და მელასთან მიიყვანა. მონადირემ მე-
ლიას თოფი ესროლა, შიგ პირში მოარტყა და კბილები ჩააყრევინა.
დანით გაუფატრა მუცელი, ბარტყები ამოიყვანა და ბუღეშივე ჩა-
უსვა გახარებულ ჩიორას.

მელია და მწყერჩიტა

მშიერმა მელიამ ლეშს მიაგნო და ღონიერად მიაძღა. გაუჭირდა
მონელება. შეეხვეწა მწყერჩიტას: მეზობელო, ოღონდ კი ეს სა-
კმელი მომანელებინე და, თავი არ მომიკვდება, ჩემს ღღეში შენს
ბარტყებს პირს არ ვახლებო! — კარგიო! — უთხრა მწყერჩიტამ, —
მე აფრინდები და შენ უკან ფეხდაფეხ მოჰყეო.

აფრინდა და გაედევნა უკან მელია. ხან მინდორზე არბენინა, ხან ჩირგვებზე ახტუნა, ხან წყალში ატოპინა. იმდენი ახეტიალა, სანამ ფერდებს დაიხეთქავდა. — ნათლიმამ, მონილენ თუ არაო? — ჰკითხა მწყერჩიტამ. მონილებით მოვინელე, — უპასუხა მელიამ, — მაგრამ ახლა სიცილი მომინდა ძალიანო; ერთი გულიანად მაკინე და შენს შვილიშვილებსაც არას დავუშავებო. — კარგი, ეგეც ადვილი სამსახურია, გამოძყე უკან და სიცილით გააძლობო, — უთხრა მწყერჩიტამ. მიიყვანა მელია კალოზე და ძნაში დამალა. თვითონ მიფრინდა და ხარს რქაზე დააჯდა. გლებმა სახრე მოუქნია მწყერჩიტას, მაგრამ ის სწრაფად გასრიალდა, სახრე ხარს მოხვდა რქაში და მოსტეხა. მელია იცინის, იცინის, კვდება სიცილითა.

მწყერჩიტა მერე მაწვნის ქოთანზე დაჯდა. ქვა ესროლეს, მწყერჩიტამ აიცილინა, მოხვდა ქოთანს, ქოთანი გატყდა და მაწონი კალოზე დაიღვარა. მელია იცინის, იცინის, კვდება სიცილითა.

მესამედ მწყერჩიტა ბავწვს დააჯდა თავზე. ბავშვმა სახრე მოუქნია, უნდოდა მოეკლა, მოირტყა თავში და მორთო ღრიალი. მელია იცინის, იცინის, კვდება სიცილითა.

მოფრინდა მწყერჩიტა მელიასთან და ჰკითხა: კაი სეირი გაჩვენე თუ არაო? ამ დროს მელაას კიდეც მოშივნოდა, წაატანა პირი, უნდოდა მწყერჩიტა დაეჭირა და შეეჭამა. მწყერჩიტა აფრინდა, მელიას ზემოთ ძნაზე დაჯდა და უთხრა: — ერთი სეირი კიდეც უნდა გაჩვენო.

მიებარნენ მწყერჩიტას და მოუქნიეს დიდი სახრე. აიცილინა მწყერჩიტამ სახრე, მოხვდა მელას შიგ თავში და შუაზე გაუტეხა. აფრინდა მწყერჩიტა, გასწია თავის ბინისაკენ და მელას მიაძახა: სადაც შენი დაიკვებო, იქ ჩემიცა სთქვიო!

ჭინჭრაქა და ჭიჭინობელა

იყო პატარა ჩიტუნია ჭინჭრაქა. მეზობელს ოჯახის შვილი მოკვდომოდა და სატირალში მიიპატიჟეს: მოაგროვა ჭინჭრაქამ დიდძალი ასაბია და მოზარედ ჭიჭინობელა გაიყოლია. მივიდნენ სატირალში დიდის ამბითა და ზარ-ზეიმით. აუშვა ზარი ჭიჭინობელამ და გააბა და გააბა — სულ გული და მუცელი შეუწუხა ხალხსა.

მისმა ჭიჭინმა მთლად ყურები წააჭამა მთელს ასაბიასა. შერცხვა ჭინჭრაქასა და ღობეში მიიმალა. სამი თვე იჭიჭინა და იჭიჭინა


კრუხი მომცემს წიწილსა,
წიწილს მივევრი ყვავსა,
ყვავი დასთმობს მუხასა,
მუხა მომცემს რკოსა,
რკოს მივეტან ღორსა,
ღორი მომცემს ჯაგარსა,
დავეგრებ თოქსა-ბაწარსა,
ჩაუვადებ, ამოვიყვან
ჩემს ძმობილს კიანჭველასა.

ძროხამ უთხრა — შენ რომ ჩემთვის ბალახი მოგიტანიო!
რწყილი წავიდა, დაგლიჯა მინდორში ბალახი და ძროხას მიუ-
ტანა.

ძროხამ მისცა რძე,
რძე მიუტანა კატასა,
კატა დაეხსნა თაგვსა,
თაგვი მოშორდა ორმოსა,
ორმომ მისცა ფეტვი,
ფეტვი მიუტანა კრუხსა,
კრუხმა მისცა წიწილა,
წიწილა მიჰგვარა ყვავსა,
ყვავი დაეხსნა მუხასა,
მუხამ მისცა რკო,
რკო მიუტანა ღორსა,
ღორმა ჯაგარი უთაღაზა, —

რწყილმა ჯაგრის ბაწარი დაგრიხა და ჩაუგდო წყალში კიანჭვე-
ლას, რომელიც ბალახს მოსჭიდებოდა. კიანჭველა ბაწარზე შექდა,
რწყილმა ბაწარი გამოსწია, კიანჭველა ნაპირს გამოიყვანა და სიღ-
ვიდის გადაარჩინა.

მერმე ისევ ძმურად გაუდგნენ გზასა.



ი რ მ ი ს ა

იყო და არა იყო რა, ღვთის უკეთესი რა იქნებოდა. იყო ერთი ბერიკაცი. ეს ბერიკაცი უშვილოდ დაბერებულიყო. ისიც და მისი ცოლიც სულ იმას ევედრებოდნენ ღმერთს, რომ შვილი მიეცა მათთვის. გავიდა ხანი და მიეცათ შვილი, მაგრამ უბედური ბერიკაცი კი მოკვდა.

ცოლს მწუხარებით რძე დააკლდა და ბავშვის რჩენა არ შეეძლო. ბავშვი ერთ კოქლ ირემს მიაბარა და სთხოვა: შენ გამიზარდევ.

ბავშვი მიეჩვია ირემს, ტყეში თან დასდევდა და როცა მოუნდებოდა, ძუძუს სწოვდა. იმ არეშარეში, სადაც ეს ირემი ცხოვრობდა, ხშირად დადიოდა სანადიროდ მეფის შვილი.

ერთხელ ნახა ბავშვი ირემს რომ დასდევდა. მეფის შვილმა დაანება ნადირობას თავი და გასწია შინსკენ. შინ რომ მივიდა, მამამ ჰკითხა: შვილო, რატომ არ ინადირეო. შვილმა არა უპასუხა, მხოლოდ სთხოვა — ეშოვა მისთვის სამოცდაათი ფუთი ჭაჭვი და ასოცი კაცი ჭაჭვის მსროლელი.

მამამ წადილი აუსრულა, უშოვა ჭაჭვიცა და კაცებიც. წავიდნენ სანადიროდ. ტყეში რომ მივიდა ხელმწიფის შვილი, ეძება ბავშვი და, როცა იპოვა, თავის კაცებს უბრძანა დაეჭირათ. ესროლეს ქა-

მანდი და შემოახვიეს ბავშვს, მაგრამ, ბავშვმა რომ გაიწია, ჭაჭვი გაწყვიტა და გაიქცა.

გაწყვეტილი ჭაჭვი მოხვდა კაცებს და მეფის შვილის მეტი ყველანი დაიხოცნენ. შინ რომ მივიდა ხელმწიფის შვილი, მამას მოახსენა: ჩემი წადილი თუ არ ავისრულე, თავს მოვიკლავო. მამამ უთხრა: შვილო, რა არის მაგისთანა, რომ თავს იკლავო. შვილმა მიუგო: ერთი პატარა ბავშვი ვნახე ტყეში, კოკლ ირემს დასდევსო და ვერ დავიპირო.

მამამ კიდევ გაატანა რამდენიმე ფუთი ჭაჭვი, კაცები, მაგრამ ვერც ახლა დაიპირეს.

ხალხი დაიხოცა, ჭაჭვი გაწყვიტა და გაიქცა ასე ხუთჯერ. ბოლოს დაიპირეს და მოიყვანეს შინ, ირემიც თან მოჰყვა. ბავშვი ტიტველა იყო და ლაპარაკი არ იცოდა.

ხელმწიფის შვილმა ამ ბავშვს ოთახი მისცა. როცა მოშვიდებოდა, ძირს ჩამოვიდოდა, ირემთან მივიდოდა და ძუძუს მოსწოვდა. ხელმწიფის შვილმა იფიქრა: ვასწავლი საკმლის ჭამას და ტანთ ჩაცმასაო.

სადილობისას და ვახშობისას შედიოდა მასთან, გაშლიდა სუფრას, მოიტანდა საკმელს, ხელ-პირს დაიბანდა და დაჯდებოდა პურის საკმელად. ასე მოდიოდა ახალ-ახალ ტანისამოსჩაცმული.

მერე ეს ბავშვიც ისე მოიქცა, როგორც მეფის შვილი: ადგებოდა, ჩაიცვამდა, კანკალით დაიბანდა პირს და დაჯდებოდა პურის საკმელად. დიდხანს იყო ასე. ერთხელ მეფის შვილმა თვალი მოჰკრა, სიხარულით შეეარდა ოთახში და მამას შეატყობინა ეს ამბავი. მამამ უთხრა: შემოიყვანეთ სასახლეში და ჩვენთან იცხოვროსო. ჭერ ვერ ლაპარაკობდა, მაგრამ მათთან ცხოვრებამ ლაპარაკიც ასწავლა და კიდევ შეაჩვია ამათ.

სანადიროდ ისა და ხელმწიფის შვილი ერთად დადიოდნენ, მაგრამ ირმისა უფრო ღონიერი იყო. ზევით ისარს რომ აისროდა და მიწაზე ჩამოვარდნილი დაესობოდა, მისი ამოძრობა ხელმწიფის შვილს არ შეეძლო, ირმისა კი ადვილად ამოაძრობდა ხოლმე.

ერთხელ ხელმწიფე სხვაგან წაბრძანდა. გასაღები ჩააბარა ირმისას და უბრძანა: ჩემმა შვილმა თუ გამოიღვიძოს და გითხრას: დამატარე ოთახებში, თერთმეტი ოთახი აჩვენე, მეთორმეტეში კი არ შეიყვანო, არ დალუპო.

წაივდა მეფე. ადგა მეფის შვილი და უთხრა: ოთახები მაჩვენე-

ნეო. ირმისა დასთანხმდა, მხოლოდ მეთორმეტეში არ შეიყვანა: ეს შენი საქმე არ არისო. ხელმწიფის შვილმა იწიშვლა სატყეარი და უთხრა: თუ არ გააღებ, შენც მოგკლავ და თავსაც მოგიკლავო.

ირმისა ადგა და გააღო. გააღო თუ არა, დაინახა სურათი ერთი საოცარი ქალისა. ხელმწიფის შვილი ცოცხალ-მკვდარი დაეცა. ირმისამ წამოაყენა, დააწვინა ოთახში და უთხრა: შენ ოღონდ კარგად იყავი და მე გიპოვნე იმასაო.

ხელმწიფე რომ მოვიდა, ნახა და უსაყვედურა: რად მომკალი, რად აჩვენე ის სურათიო? ირმისამ უთხრა: მე მოვგვარი იმ ქალს, ოღონდ წასვლის ნება მომეცითო. ხელმწიფემ ნება დართო და ორნივე წავიდნენ.

იარეს დიდხანს, წელიწადი დაჰყვეს გზაში. ბოლოს მივიდნენ ერთ ზღვის პირს. აქ იდგა ერთი ძირი ვაშლის ხე, ზედ ვაშლები ესხა. ირმისამ უთხრა ხელმწიფის შვილს: ჩამოაგდე ვაშლიო. ხელმწიფის შვილმა ვერ წესძლო. მაშინ ირმისამ მუშტი ჰკრა, ჩამოყარა ვაშლები და დასხდნენ საქმელად. ზღვიდან ამოვიდა ერთი დევი და ყვიროდა: ვინ არის, რომ პაპიჩემის დარგულ ვაშლსა სჭამს, ახლავ გავათავებო. ირმისამ უპასუხა: აქ მოდი და საკადრისს მოგახსენებო.

დევი მივიდა თუ არა, ირმისამ ჰკრა მუშტი და მოკლა. ამოვოლა მეორე დევი. ისიც იმას ამბობდა, რასაც პირველი. ირმისამ ესეც მოკლა. მესამე დევი სხვაგან ყოფილიყო და რომ მოვიდა, იმანაც ასეთივე ყვირილი მორთო. ირმისამ შესძახა: მოდი, შენი ამხანაგები აქ არიან და ნახეო. მოვიდა თუ არა, ირმისა ეცა და დაიწყეს ჭიდაობა: დიდხანს იჭიდავეს; როგორც იყო, ირმისამ დასძლია და მოკლა დევი. ადგა, ჩამოყარა ვაშლი, ჩაიწყო უბეში და ზოგიც ხელში დაიჭირა; ორი ხელმწიფის შვილს მისცა და წამოვიდნენ თავიანთ გზაზე.

იარეს დიდხანს, მივიდნენ ერთი დევის სახლში. აქ ნახეს ორი დევის ქალი. ამათ უთხრეს: ყმაწვილებო, გირჩევთ ახლავ წახვიდეთ, თორემ დევები მოვლენ და შეგკამენო. არ დაუჭერა ირმისამ და დაჯდა ჩრდილოში. ამოიღეს ვაშლები და დაიწყეს ჭამა. დევის ქალები მობილდნენ და მუქარის მაგიერ, რაც კი შეიძლებოდა, პატივი სცეს. როცა ისინი ვაშლს შეექცეოდნენ, სამი ძმა დევი მოვიდა. — რა სულიერი ხართ, ჩემს სახლში მოსულხართ და ჩრდილში დამჯდარხართო? — ჰკითხა ერთმა დევმა. ირმისამ მიუგო: მოდი და გეტყვიო. დევი მივიდა თუ არა, ირმისა ეცა, წააქცია და ზედ მუხლით შედგა.

მოვიდა მეორე დევი, განუმეორა პირველი დევის სიტყვები. ესეც წააქცია ირმისამ და ერთიმეორეზე დააწვინა. მოვიდა მესამე დევი და დაიღრიალა: ვინ არის იმისთანა, რომ ჩემი ძმები ერთმანეთზე დააწვინა და მოკვლას უპირებს, რომ აქვე გავათავო. ირმისამ უთხრა: მოდი აქ და მე გეტყვი ვინცა ვარო. მოვიდა თუ არა, დაუწყო მუშტის ქნევა. ირმისამ სტაცა ხელი, წააქცია, სამივე ძმა ერთმანეთზე დააწვინა და უთხრა: მოგვლათ, თუ არაო? დევები შეეხვეწნენ: დღეიდან ჩვენც თქვენი ძმები ვიქნებით და თქვენც ჩვენი ძმები იყავითო. აუშვა ირმისამ და შევიდნენ სახლში.

დევებმა მასპინძლობა გაუმართეს ხელმწიფის შვილსა და ირმისას. მერე ურჩიეს რა გზით უნდა წასულიყვნენ ქალთან. აქეთ თუ წახვალთ, ოცდაათ დღეს მოუნდებით, მაგრამ უშიშრად მიხვალთ. მეორე გზით თუ წახვალთ, ათ დღეში მიხვალთ, მაგრამ დევები არიან მძლავრები და შეგქამენო. თუ ამ დევებს გადაურჩით, მერე მიხვალთ იმ ქალთან. როცა დაღამდება, ლოგინს დაგიგებთ, საკმელს გაკმევთ და დაგაწვენთ. სწორედ მაშინ, როცა იმ ქალს შენტან მოპარვა მოუნდება, მე აქედან ისარს ვისვრი. თუ ის ქალი მოგვაპარა და თითზე ბეჭედი ისე გაგიკეთა, რომ ვერ გაგელვიძა, უსათუოდ მოგვლავს. ამიტომ ვანშმის შემდეგ არ დაიძინოთ იმ ქალის სახლში. ჩვენ უთუოდ ისარს ვისვრით და მაშინ დაიჭირეთ ის ქალიო.

წავიდნენ ორივენი. იარეს დიდხანს და მივიდნენ ერთი დევის სახლში.

დევი იწვა და ტყვედ მოყვანილი ქალი ბუზებს უგერიებდა. დაინახა თუ არა ეს ყმაწვილები, ქალმა უთხრა: აქედან წადით ჩქარა, თორემ როცა დევი გაიღვიძებს, მეც შემჭამს და თქვენცაო. ირმისამ უთხრა: შენ აქ ჩამოდი და ის მე ვიცი, დევი რასაც მიზამსო. ქალმა მიუგო: ბუზები დაეხვევა, გამოიღვიძებს და დაგვხოცავსო. ირმისამ უთხრა: აქ ჩამოდი, აქაო. ჩამოვიდა ქალი. დევს გამოეღვიძა და შეჰყვირა: ვინ წამართვა ჩემი საკბილო ცხოველიო. ირმისამ უთხრა: მე გახლავარო!

გაბრაზებული დევი ჩამოვიდა და შეება ირმისას. დაიწყეს ბრძოლა. დიდი ხნის შემდეგ ირმისამ დასძლია და მოკლა დევი. ირმისამ წაიყვანა ქალი და ჩააბარა იმ სამ დევს, როგორც თავიანთი და.

წამოვიდნენ ისევ, იარეს დიდხანს. მივიდნენ ერთ სასახლეში, ნახეს, რომ დევების ქორწილია. შევიდნენ ეზოში. დაინახა თუ არა დევების უფროსმა, ჩამოგზავნა იმათი ვინაობის შესატყობად. შე-

იტყეს, რომ სხვა რაჭულისანი იყვნენ. ჩამოგზავნა ხელმეორედ: დახოცეთ ეს კაცები, თუ არ ამოვიდნენ ჩვენთანაო. მაგრამ ირმისამ ეს დევი უცებ მოკლა. როცა შეიტყეს დევი მოჰკლესო, ჩამოგზავნეს სხვა დევი, ისიც მოკლა. ასე, რომ ყველა დახოცა. ახლა ჭერი მიდგა უფროს დევზე.

ჩამოვიდა თუ არა უფროსი დევი, მაშინვე ეძგერა ირმისას. დაიწყეს ჭიდაობა. იჭიდავეს დიდხანს. დევმა მოიჭნია ირმისა და მუხლებამდე ჩასვა მიწაში. მერე ირმისამ მოიჭნია დევი და ჩასვა მიწაში წელამდე. ბოლოს მაინც ირმისამ აჯობა: ჩასვა მიწაში თავებამდე და მერე ხელი მიჰყო ამ თავების მოჭრას. დევი ასთავიანი იყო, მოსჭრა ოთხმოცდაცხრამეტი თავი და უთხრა: რომელი გირჩევნია, სიკვდილი თუ სიცოცხლე? დევმა მიუგო: სიცოცხლე მირჩევნია, ოღონდ ამიშვი და ჩემი საცხოვრებელი შენთვის მომიციაო. როცა ამოვიდა, ისევ ჩხუბი დაუწყო, მაგრამ ისევ ირმისამ დასძლია. მაშინ დევმა უთხრა: ცა და ღმერთი ზევით და მიწა და წყალი ქვეით თავდებად გქონდეს, ოღონდ ამიშვი და ჩემ ღონეს მეფის შვილს მივცემო.

აუშვა, დაუტოვა მეფის შვილი ამას და თვითონ წავიდა.

წასვლისას დევს უთხრა: შენ ამას ასწავლე სუყველაფერი შენი ხერხი და ღონე, თორემ როცა გამოვივლი, მოგკლავო.

წავიდა ირმისა. მივიდა იმ ქალთან, რომელსაც ეძებდნენ. საღამო იყო. ქალმა ვახშამი აჭამა, დაუგო ლოგინი და დააწვინა. როცა გავიდა ერთი საათი, მივიდა ის ქალი, აიღო ბეჭედი და თითზე უნდა გაეკეთებინა. მაშინ სამმა დევმა ისარი ისროლეს. სტაცა უცებ ხელი ირმისამ ამ ქალს თითში. ქალმა უთხრა: მე შენი ბედის ვყოყილვარო და გაიკეთა ბეჭედი თითზე. ირმისამ მიუგო: ჩემთვის კი არა, ჩემის ძმისათვის მინდიხარ ცოლადაო.

დილა რომ გათენდა, ქალმა გასცა ბრძანება დევების ქალაქში, სუყველას მოეტანა მისთვის თითო ხელი ძვირფასი ქვეშაგები ძღვნად: სხვა რაჭულის კაცზე გავთხოვდიო.

მეორე დღე რომ გათენდა, დევები მოგროვდნენ ირმისასთან და ეს ქალი თავისი მზითევით წამოიყვანეს მეფის შვილთან. მაშინ მეფის შვილი ისევ დევის სახლში იყო ხერხისა და ღონის სასწავლებლად. მეფის შვილთან რომ მივიდნენ, ნახეს, რომ ნაცარში იჭდა და ღონის მომატება კი არა, რაც ღონე ჰქონდა, ისიც წართმეოდა.

მივიდა ირმისა დევთან და უთხრა: რა არის, რატომ პირობა არ

შეასრულო? დევმა მაშინვე თავის ღონე მისცა მეფის შვილს ირმისას ბრძანებით. ირმისამ მოკლა დევი. იმის ქონება მთლად წამოიღო და ყველა ერთად წამოვიდა.

იმ სამ ძმა დევთან რომ მოვიდნენ, გამართეს კიდევ ქორწილი. სამ დღეს აქ დარჩნენ, მერე წამოვიდნენ. დიდხანს იარეს და მივიდნენ იმ ვაშლის ძირში. იმ ღამეს იქ იყვნენ დევები, მეფის შვილი, ირმისა და ხუთი ქალი: სამი ქალი სამი ძმა დევის და იყო. ერთიც ის, რომელიც დევს წაართვა, მეხუთეც ცოლი მეფის შვილისა. იმ ღამეს ყველაზი დაწვნენ და დაეძინათ. ირმისასაც მიეძინა.

ამ დროს მოფრინდა ერთი რალაცა ცხოველი და მეფის შვილის ცოლი ჰაერში აიტაცა. ირმისა უცებ წამოხტა, გაადვიდა ამხანაგები და უთხრა: ხომ ხედავთ, რომ დევმა წაიყვანა მეფის შვილის ცოლი.

მეფის შვილს ეწყინა, მაგრამ რას იზამდა. ირმისამ დევებს უთხრა: თქვენ აქ იყავით, სანამ არ მოვიდე, თორემ ყველას დაგხოცავთო. დევები დათანხმდნენ და იქ დარჩნენ, ირმისა და მეფის შვილი კი წამოვიდნენ.

იარეს დიდხანს. მივიდნენ ერთი დევის სახლში. დევი სანადიროდ წასულიყო. მოტაცებული ქალი ეზოში დასეირნობდა. ირმისა და მეფის შვილი რომ დაინახა, ძალიან გაუხარდა და უთხრა: წადით ახლავე, თორემ მოვა ჩემი ქმარი დევი და ორივეს შეგვკამთო. მაგრამ ირმისამ უთხრა: შენ იმას გეხვეწებით, რომ შეგვიტყვე, სადა აქვს მას თავისი სულიო. — კარგიო, — უთხრა ქალმა და ადგილი დაუჩინა, რომ ერთი თვის შემდეგ მოსულიყვნენ.

წავიდნენ ირმისა და მეფის შვილი და დადგნენ ერთ გამოქვაბულში. როცა დევი მოვიდა, თავის ცოლს ჰკითხა: არავე მოსულაო. მან უპასუხა: არავენაო. ერთი კვირის უკან ცოლმა დევს უთხრა: შენი სული სად არის, რომ შემოვწირო რამეო. დევმა უთხრა: ჩემი სული შენ რად გინდაო. ცოლმა უთხრა: როგორ რად მინდა, რასმე შევწირავ, რომ სცხონდე და ჩემთვისაც კარგი იყოსო. დევმა უთხრა: ჩემი სული სვეტშიაო.

ქალმა ეს სვეტი ისე შედგება, რომ იმის შეხედვას არა სჯობდა რა. დევმა რომ ეს ნახა, უთხრა: ჩემი სული თუ ასე გიყვარს, ამ კატაში არისო.

ცოლმა ეს კატა ისე გაალამაზა, მეტი არ შეიძლებოდა. უკერავდა კარგსა და კარგს ტანისამოსს და აცმევდა. ეს რომ ნახა დევმა; უფრო მოეწონა და უთხრა: ჩემი სული ცხრა მთას იქით არისო.

ერთს ხეზე ჩამოკიდებულია ცხრათავიანი დევი. იმას შიგნით უზის ირემი. ირემში შველია, შველში კურდღელი, კურდღელში არის ბაქია, ბაქიაში კოლოფი და იმ კოლოფში სამი მერცხალი, — ორი მერცხალი არის ჩემი თვალები და ერთი ჩემი სულიაო.

გაუხარდა ქალს, რომ ყველაფერი შეიტყო, მეორე დღეს უნდა მოსულიყვნენ მეფის შვილი და ირმისა.

როგორც მოვიდნენ, ქალმა ყველაფერი უამბო, რაც დევისაგან გაეგონა. იმათ წასვლა დააპირეს, მაგრამ ქალმა უთხრა: ისევ თავი დაანებეთ, რადგან ის დევი, რომელიც ხეზეა ჩამოკიდებული თუ სუნი მიუვიდა ადამიანისა, დიდ მანძილზე მიიზიდავს და შესქამსო. ირმისამ უთხრა: ნუ გეშინია, მე იმას მოვეხერხებ და ხელში ჩავიგდებო. ორივენი წავიდნენ.

ირმისამ და მეფის შვილმა დიდხანს იარეს, მივიდნენ ერთი მთის სიახლოვეს, გაიარეს ცხრა მთა. მივიდნენ თუ არა მთის ძირში, მეფის შვილი ააკანკალა დევის შუქმა, მაგრამ ირმისამ გაამაგრა. როცა ორიოდ აღლის სიახლოვეს მივიდნენ, ორივენი დააბრმავა შუქმა. მაგრამ როგორც იყო, ირმისამ გაჭრა თოკი, ჩამოვარდა დევი, მოსჭრა ამ დევს ცხრა თავი, გაჭრა შუაზე, ამოიყვანა ირემი. ისიც გაჭრა, ამოიყვანა შველი. ისიც გაჭრა, გამოხტა კურდღელი. სტაცა ხელი კურდღელს და გაჭრა. შიგ ნახა ბაქია. ისიც გაჭრა, ამოიღო კოლოფი.

ამ დროს გახდა ავად დევი. ირმისამ გახსნა კოლოფი, ამოიყვანა ერთი მერცხალი და მოკლა. მაშინ დევს ცალი თვალი დაუბრმავდა. მივიდა დევთან ირმისა და უთხრა: ეს ქალი რომ წამოიყვანე, ეგ იმიტომ მოგივიდაო. მაშინ დევმა თქვა: ქალს რომ კაცი დაენდოს, ქვეყანას დააქცევინებსო. ირმისამ ამოიყვანა მეორე მერცხალი და ისიც მოკლა. დევი ორივე თვალით დაბრმავდა.

წამოიყვანეს ქალი და მოვიდნენ იმ ვაშლის ძირში. აქ დახვდათ მათ სამივე დევი. იმ ღამეს იქ დარჩნენ, მაგრამ ირმისას არ დაძინებია, რადგან ეშინოდა, კიდევ არავინ წამართვას ქალიო.

როცა შეიქნა შუალამე. მოვიდა სამი ქაჯი, შემოსხდნენ ვაშლის წვეროზე და დაიწყეს ლაპარაკი. ერთმა თქვა: რა ბედი მიეცეს ამ ცოლ-ქმარსაო. მეორემ თქვა: ის ბედი მივცეთ, რომ როგორც შევიდეს სიძე ეზოში და ცხენი გამოათამაშოს, ცხენიდან გადმოვარდეს და მოკვდესო. მეორემ თქვა: თუ ამას გადარჩეს. ხელმწიფის ცოლმა რომ მოართვას ოქროს სარტყელი და ოქროს ცეხსაცმელი, მაშინ სარტყელი გველად გადაიქცეს და ქალი შეჭამოს და თუ ამას

გადარჩეს, ფეხსაცმელმა ფეხი მოსტეხოსო. მესამემ კიდევ სთქვა: თუ ამასაც გადარჩეს, ღამე მოვიდეს გველვეშაპი და ორივე ჩანთქასო. თუ ამას ვინმე ყურს უგდებდეს და გააცხადოს, ქვაგრილად იქცესო. ამას ყურს უგდებდა ირმისა, მაგრამ არავის უთხრა.

მეორე დღეს შინ წამოვიდნენ. როგორც შევიდნენ ყველანი ეზოში, იმ დროს მეფის შვილმა გადაჰკრა ცხენს და უნდოდა გაეთამაშებინა, მაგრამ ირმისამ არ გაუშვა, ცხენს აღვირი დაუჭირა და ჩამოხტნენ ცხენებიდან.

დედამთილმა მიართვა რძალს ოქროს სარტყელი და ფეხსაცმელი, მაგრამ ირმისამ გამოართვა, დაამტვრია და გადაყარა.

ამას ყველაფერს გადარჩნენ, მაგრამ ის ღამე კი საშიში იყო.

ირმისამ იმ ღამეს არ დაიძინა. საცა ცოლ-ქმარი იწვა. იმ ოთახს დარაჯობდა. შუალამისას მივიდა გველვეშაპი. ირმისამ მოკლა ისა, გამოიტანა, ერთ სახლში შეიტანა და იქ დაავდო, თვითონ დაწვა და დაიძინა. როცა ადგა, ეს სახლი შელესა.

გაიმართა ქორწილი და სამი დღე გასტანა.

ქორწილის შემდეგ დევები წავიდნენ თავიანთ სახლში.

ერთხელ დღესასწაულში ხელმწიფე და მისი შვილი სალოცავად წავიდნენ, მაშინ დედოფალმა და რძალმა ირმისას დაუწყეს გამოკითხვა: რატომ არ მიეცი ნება მეფის შვილს ცხენი გაეთამაშებინა, და ოქროს სარტყელი და ფეხსაცმელი რად დაამტვრიე და გადაყარეო. მაგრამ ირმისამ არაფერი უთხრა, მხოლოდ სთხოვა, დამეხსენითო.

დიდხანს ეხვეწნენ და ბოლოს ირმისამ უთხრა: ჩემი სიკვდილი გინდათ და აი გეტყვითო.

ირმისამ ყველაფერი უამბო, რაც ქაჭებმა ილაპარაკეს და როგორც დაამთავრა, ქვაგრილად იქცა. დაიწყეს ტირილი დედამთილმა და რძალმა. ადგა რძალი და გაქცა მკითხველთან. მივიდა და შეეხვეწა: მირჩიე რამე ქვაგრილისაო! მკითხველა უთხრა: შენი შვილი მოხარულად მდულარე წყალში და გადაასხი იმ ქვაგრილსა, ის ბავშვი და ირმისა ერთად მოვლენ შენთანაო.

წამოვიდა და მოხარულა თავისი შვილი, გადაასხა ირმისას და თვითონ შევიდა თავის ოთახში.

ცოტა ხნის შემდეგ ორივენი სიმღერით ამოვიდნენ. ამის შემდეგ ყველამ ერთად მშვიდობიანად და ბედნიერად დაიწყეს ცხოვრება.

სამმტევან ჰაბუქიშვილი

იყო და არა იყო რა, იყო ერთი რახარაზ მეწისქვილე. მას ედგა ერთი ვაზი წისქვილის ახლოს და ზედ სამი მტევანი ყურძენი ესხა. დადგა ეს რახარაზ მეწისქვილე და სამსაპალნიან ქვევრს დაუწყო რეცხვა. ამ დროს ჩამოიარა ერთმა მელიამ და უთხრა: — შენი ჰირიმი, ჩემო მეწისქვილე, ერთი მტევანი ყურძენი მომიწყვიტე და ბედსა გწევო! მეწისქვილემ უთხრა: — ჰმ, რას ამბობ, მელაავ, ამოდენა ქვევრსა ვრეცხავ ამ ყურძნის გულისთვის და ესეც შენ რომ მოგიწყვიტო, ქვევრში რაღა ჩავასხაო?

არ მოეშვა მელია და მოაწყვეტიდა ერთი მტევანი ყურძენი. გაცუნცულდა მელია, იქვე შეჭამა ყურძენი და ისევ მოვიდა მეწისქვილესთან და უთხრა: — ჩემო მეწისქვილე, ერთიც მომიწყვიტე და ბედსა გწევო! მეწისქვილემ ისევ უთხრა: — რას ამბობ, კაცო, ამ ორი მტევნის გულისთვის ამოდენა ქვევრსა ვრეცხავ, ესეც რომ შენ მოგიწყვიტო, ქვევრში რაღა უნდა ჩავასხაო? — არა, არა, ჩემო მეწისქვილე, მომიწყვიტე და ბედსა გწევო!

ბევრი ხვეწნის შემდეგ მოუწყვიტა მეორე მტევანიც. გაიქცა, იქვე შეჭამა და ისევ მეწისქვილესთან მიიბრინა და უთხრა: — ჩემო მეწისქვილე, ერთიც მომიწყვიტე და ბედსა გწევო. დაფიქრდა მეწისქვილე და თქვა: „აბა ვნახო, რა ბედსა მწევსო“, და მესამეც მოუწყვიტა.

მელიამ ისიც რომ შეჭამა, მივიდა მეწისქვილესთან და უთხრა: — მე უნდა წავიდე და მავან და მავან ხელმწიფის ქალი გითხოვო ცოლადო — არა, რას ამბობ, ჩემო მელაავ, აბა, ის ხელმწიფე მე ქალს როგორ მომცემსო? მაგრამ მელიამ ერთი თავისებურად დაუტატანა: ვაი, შე უბედურო, მაგაზე მეტი როგორ არ იციო შემდეგ ყურიც აღარ მიუგდო მეწისქვილეს და წავიდა ხელმწიფესთან ქალის სათხოვნელად.

მივიდა და ხელმწიფეს მოახსენა: — დიდებულო ხელმწიფე, სამმტევან ჰაბუქიშვილი ქალსა გთხოვთო! ხელმწიფემ უთხრა: — სამ რამეს დავავალებ ჩემ სასიძოს და თუ შემისრულა, მივცემ ქალს, თუ არადა, არ მივცემო. — აბა, რას გვიბრძანებო, — ჰკითხა მელიამ. ხელმწიფემ უთხრა: — თუ შეუძლია ჩემ სასიძოს ჩემი სახლიდან თავის სახლამდე სულ ხალიჩა-ფარდაგი დააფინოს გზაზე, რომ სულ ველის ყვავილივითა ჰყვოდესო? — ეპ, ეგ ხომ არ გაუჭირდებაო! — უთხრა მელამ და წამოვიდა მეწისქვილესთან. — რა ამბავია, ჩემო მელაავ? — ჰკითხა მეწისქვილემ. მელიამაც უთხრა, თუ რას ავა-

ლებდა სასიამორო. ამის გაგონებაზე წელი მოსწყდა მეწისქვილეს და თქვა: მე სად შემიძლია ამ დავალების შესრულებაო! მელიამ ჩაუთხლაუნა თავში და უთხრა:

— მოიტა ერთი ტომარა ჩქარაო. მისცა ტომარა, გაიქცა ხელად მელია, ყველა სანაგვეზე მიირბინ-მოირბინა, გაავსო ტომარა ძველი თუ რაზე მოხვდა გადაგდებული ეს წინდისა იყო, თუ ტომრის ნაგლეჯები, ფარდაგის ნაგლეჯები, თუ ისე ძველმანი შეხვდა რაზე. აავსო ტომარა, მოვიდა მეწისქვილესთან, მისცა ხელში და უთხრა: — წადი იმ ხელმწიფის კარზე დადექი და დაიწყე სულ უკუღმა გადაყრა და, სანამ შენ კარზე არ მოხვიდე, უკან არ მიიხედო.

მართლაც, წავიდა ჩვენი რახრახ მეწისქვილე. დაიწყო ხელმწიფის კარიდან და სანამ თავის სახლთან არ მოვიდა, უკან არ მიუხედავს. მოვიდა თავის სახლთან, მიიხედა უკან და რასა ხედავს! მთელი გზა ველის ყვავილივით ჰყვოდა — ისეთი ხალიჩა-ფარდაგი იყო დაფენილი. მეორე დღეს მიცუნცულდა ჩვენი მელია ხელმწიფესთან და მოახსენა: — აბა, გამოიხედე, დიდებულო ხელმწიფევ, და დაინახე შენს სასიძოს რა შესძლებია, ახლა რაღას დაგვაძალეობ? ხელმწიფეს ძალიან მოეწონა და უთხრა: — ეს ძალიან კარგიო! ჩემს სასიძოს თუ შეუძლია ამ გზის იქითა და აქეთ ისეთი ხეხილი დარგოს: რიგი მწიფდეს, რიგი ახლა ჰყვოდეს და რიგიც ჩამოდინდესო? — ეჰ, ეგ ხომ არ გაუჭირდებაო!

წამოვიდა და უთხრა მეწისქვილეს: — შენმა სასიამორომ ასე დამაბარაო. უჰ, მოსწყდა წელი ჩვენ მეწისქვილეს: მე სად შემიძლიან ამ საქმის გაკეთებაო! მელიამ ჩაარტყა თავში და უთხრა: — მოიტა ჩქარა ტომარა, შე უშნოო. გამოართვა ტომარა და გაიქცა. მიამტვრ-მოამტვრია ყველა ხის კენწერო, აავსო ტომარა და დაბრუნდა მეწისქვილესთან, მისცა ტომარა და უთხრა: — წადი ხელმწიფის კარიდან დაიწყე გადაყრა და, სანამ შენ სახლთან არ მოხვიდე, უკან არ მიიხედო. წავიდა, მართლა დაიწყო ხელუკუღმა გადაყრა, და რომ მივიდა თავის სახლთან, გაიხედა და მშვენიერი სანახავი იყო: შუა გზაზე დაფენილი ხალიჩა-ფარდაგი და გზის იქით და აქეთ სხვადასხვა ხეხილი იყო ჩამწკრივებული: რიგი მწიფდა, რიგი ჰყვოდა და რიგი ჩამოდინდა.

მეორე დღეს მიცუნცულდა მელია ხელმწიფესთან, გამოიყვანა და გაახედა აყვავებული გზისკენ. ხელმწიფეს ძალიან მოეწონა და უთხრა: — ერთსაც დაგვაძალე და, თუ ამასაც შემისრულებთ, მე შხადა ვარ, ჩემი ქალი თქვენ მოგათხოვოთო. — აბა, რას გვიბრძანებთ? — უთხრა მელიამ. — ჩემს სასიძოს თუ შეუძლია მავან და

მავან ადგილას გააშენოს ვენახიო. წამოვიდა მელია და მეწისქვილეს მოახსენა. უჰ, ელდა ეცა უარესად: მე სად შემიძლია ეს საქმე შევასრულო!

მოუვიდა მელიას ბრაზი, წაავლო ხელი მეწისქვილეს და უთხრა: მომეყევი ჩქარაო! წაიღო ვაზის რქები დანიშნულ ადგილზე. მივიდა, ოთხივე კუთხეში დაურქო ვაზის რქები, ნაფოტებისაგან გააკეთა მარნები, მეზვრეებისთვის გააკეთა სახლები, ჯოხის კაცები და ჯოხისავე თოფებით დააყენა მწკრივებს შორის. გადასწერა ჯვარი და მთელი ეს ცარიელა ადგალი გადაიქცა მშვენიერ ზვარდ. ზვარს შემორტყმული ჰქონდა მშვენიერი გალავანი. შიგნით გადაჭიმული იყო მარნები, მეზვრეებისთვის სახლები და მეზვრეები კი თოფით ხელში უვლიდნენ ზვარს.

მეორე დღეს მივიდა მელია ხელმწიფესთან და უთხრა: — აბა, დაინახე შენს სასიძოს რა შესძლებიაო! გადმოიხედა ხელმწიფემ და დაინახა მართლაც მშვენიერი სანახავი. ძალიან მოიწონა და უთხრა: — მავან და მავან დღეს მობრძანდეს ჩემი სიძე და წაიყვანოს ქალიო.

წამოვიდა მელია მეწისქვილესთან და უთხრა: მავან დღისათვის წავიდეთ და მოვიყვანოთო. ჩვენს მეწისქვილეს უფრო ელდა ეცა. ეს მელია ადარა ხუმრობს, სახლი არა მაქვს და სად უნდა მოვიყვანო, ამ წისქვილის გაფქვილულ ოთახში ხომ არ შემოვიყვანო?!

დანიშნულმა დღემ მოაწია და მაყრიონი ქალის მოსაყვანად გზას გაუდგა. მელია დაწინაურდა და სულ ცალ ფეხზე ხტუნაობით წავიდა. მიკრიფ-მოკრიფა სხვადასხვა მინდვრის ყვავილი, ჩაყარა წყალში და თვითონ კი კივილით გაიქცა ხელმწიფესთან. ამ ხმაზე გამოვიდა ხელმწიფე და იკითხა მელიას კივილის მიზეზი. — რა გაკივლებს, ჩემო მელიავ, ხომ არაფერი დაგემართა, რა ამბავიაო? დაიწყო მელიამ უფრო ტირილი და თავში ცემა. — რალა რა ამბავია, ჩემო ხელმწიფევ, აბა, გაიხედე წყლისკენ, წითელ-ყვითლად რომ ჩანს, სულ თქვენი სიძის ტანსაცმელია, წყალმა წაგვართვაო. — მაგის გულისათვის რა გატირებსო? — უთხრა ხელმწიფემ, — წადი და, რომელიც საუკეთესო ტანსაცმელი იყოს, ჩამოუღეთ და გაატანეთო, — უთხრა თავის შინაყმებს. წამოიღო მელიამ ტანსაცმელი ნეფისათვის, ჩააცვა და უთხრა:

— არამც და არამც ტანსაცმელზე ყურება არ დაიწყო, თორემ შეგატყობენ, რომ ხამი ხარ და სირცხვილიაო. თავის სიცოცხლეში მეწისქვილე პირველად ხედავდა ასეთ ტანისამოსს და რას არ და-

ხედავდა! მივიდნენ, ნეფიონი დასხდა, მაგრამ ეს ჩვენი რახრახ მე-
წისქვილე სულ ზედ იყურება ტანსაცმელზე. მეფის ვეზირები
ეკითხებიან: — მელიავ, ეს ჩვენი სიძე რათ იყურება ასე ტანისამოს-
ზეო? მელია კი, როგორც მოხერხებული სიტყვის პატრონი, უპა-
სუხებს: — კაცო, ხომ დაინახეთ, როგორი ტანისამოსი იყო მაგისი,
წყალს რომ მიჰქონდა? თავის ტანისამოსთან არ მოსწონს და იმიტომ
იყურებაო.

გათავდა ქალიანთა ქეიფი, შესხდნენ ცხენებზე და წამოვიდნენ.

დაწინაურდა ისევ მელია. წამოვიდა დევების სახლებისკენ და
დაიწყო ყვირილი: — არიქათ, თავს უშველეთ, თორემ ჯარი მოდის
და ყველას გაგწყვეტენო. გამოცვივდნენ დევები, დიდი და პატარა,
და დაედევნენ მელიას: ჩემო მელიავ, ჩვენც გადაგვარჩინეო.
— მომყევითო! — უთხრა მელიამ და გაუძღვა წინ. მიიყვანა თივებ-
თან და უთხრა: — შეძვერით ქვეშ და რამდენიც დაგიძახოთ „გულ-
თან“, თქვენ იმდენი გულში მიქუჩდითო. შეაძვრინა ყველა დევი,
მისცა ასანთი გარშემო, აინთო ცეცხლი. ურბენს თვითონ მელია თი-
ვებს და ყვირის: „გულთან, გულთანო!“ დევები უფრო გულთან მი-
იწევდნენ და სულ შიგ ამოიბუგნენ. გამოიქცა მელია, გააღო სახლის
კარი და თვითონ ისევ შეეგება ნეფიონს. გამოუძღვა წინ და მიიყვან-
ა დევების სახლში. მეწისქვილეს კი უთხრა: არამც და არამც აქეთ-
იქით ყურება არ დაიწყოო. მივიდნენ, მაგრამ ჩვენი ნეფე პირლია
იყურება ხან ერთი კედლისკენ და ხან მეორე კედლისკენ. უკვირს,
ის პირველად ხედავს ასეთ მორთულ სახლს. უყურებენ ქალის მა-
ყრები და ეუბნებიან მელიას: — კაცო, თუ ის ტანისამოსი სხვისი
იყო და თავის ტანსაცმელთან არ მოსწონდა, ეს სახლი ხომ თავისია,
აქ რაღა აქეთ-იქით იყურება, რაშია საქმეო? მელიამ ჩაიციხა და
უთხრა: — იცით, რა ეშპაკი თვალისაა თქვენი სიძე? აი, იქ ერთი
თვალი მარგალიტი აკლია და იმასა ნაკლისობსო, — იცრუა მელიამ.

შუა ლხინში არიან და მელიამ მოიგონა ავადმყოფობა. მოახსენ-
ეს ნეფეს, რომ მელია კვდება და რა ვუყოთო. — გაიტანეთ და სახ-
ლის უკან გადააგდეთო, ბრძანა ნეფემ.

წამოხტა მელია, დაეჭიდა წვერებზე ნეფეს და დაუწყო რყევა,
თან ეუბნებოდა: ვთქვა შენი კარგი კაცობა, ვთქვაო? შეშინდა
ჩვენი მეწისქვილე, მართლა არაფერი თქვასო, და შეეხვეწა: — არა,
არა, ჩემო მელიავ, ნუ იტყვიო, — და უთხრა თავის მოსამსახურე-
ებს, — გაუშალეთ ფარჩის ლოგინი და ჩააწვინეთო! მერე მართლა
მოკვდა ჩვენი მელია.

ლერწმის ქალი

იყო ერთი ხელმწიფე. მას ჰყავდა ერთი ვაჟი. ერთ მშვენიერ დღეს ხელმწიფის ვაჟი გავიდა ბიჭებში საკოჭაოდ. ამ დროს წყალზე გამოიარა ერთმა ქალმა, კოკა ეჭირა ხელში. ხელმწიფის ბიჭმა ესროლა ქვა და კოკა გაუტეხა. ქალი წავიდა სახლში ტირილით და დედას უთხრა: ხელმწიფის შვილმა კოკა გაამიტეხაო. დედამ უთხრა: წაიდე, შვილო, მეორე კოკა, თუ კიდევ გაგიტეხა, ნუ დასწყევლი, რადგან დედისერთაა, მხოლოდ უთხარი: ისეთი ქალის სიყვარული ჩაგივარდეს გულში, რომ ადამიანის ნაშობი არ იყოს-თქო.

ქალმა აიღო კოკა და წავიდა წყაროზე. ხელმწიფის ვაჟმა ის კოკაც გაუტეხა, მაშინ ქალმა უთხრა: შენამც გულში ჩაგვარდნია ისეთი ქალის სიყვარული, ადამიანის ნაშობი არ იყოსო. ეს რომ გაიგონა ვაჟმა, ადგა მაშინვე და წავიდა სახლში. გახდა ავად. ბევრი უწამლეს, მაგრამ ვერაფერი უშველეს. ერთხელ ბიჭმა ნებართვა სთხოვა თავის მამას, შეჰქდარიყო ცხენზე და გაევიღო. მამამ ნება დართო. შეჯდა ცხენზე ხელმწიფის ვაჟი და წავიდა, წავიდა და უკან აღარ დაბრუნებულა.

დიდი ძებნის შემდეგ ხელმწიფემ შვილი რომ ვერ იპოვა, თავისი სახელმწიფო შავეებით შემოსა.

ხელმწიფის ვაჟმა ბევრი იარა, მივიდა ერთ კოშკთან, გარეთ დახვდა ერთი ქალი და უთხრა: დამძობას, ამაღამ შემინახეო. ქალმა უთხრა: მობრძანდი, სტუმარი ღვთისააო. ვაჟი გადმოვიდა ცხენიდან, დააბინავა ცხენი, შევიდა სახლში და ნახა ერთი ბებერი კაცი, წვერზე ხავსი ჰქონდა მოკიდებული. გამარჯობა რო უთხრა, ძლივსდა გააგებინა. ხელმწიფის ვაჟმა ამ ბებერ კაცს უთხრა: ჩემი საქმე ესეა, ისეთი ქალის სიყვარული მაქვს გულში ჩავარდნილი, რომელიც ადამიანის ნაშობი არ უნდა იყოსო. ბებერმა კაცმა უთხრა: ასეთი არაფერი გამიგია რა, მხოლოდ აქედან რომ წახვალ, ნახავ ერთ კოშკს, იქა ცხოვრობს ჩემი უფროსი ძმა, თუ ეცოდინება, იმასაო.

გათენდა დილა. შეკაზმა ცხენი, შეჯდა ხელმწიფის ვაჟი და გაუდგა გზას. კარგა ხნის სიარულის შემდეგ მივიდა იმ კოშკთან, დაინახა ერთი ქალი და უთხრა: დამძობას, ამაღამ შემინახე თუ შეიძლებაო. ქალმა უთხრა: მობრძანდი, სტუმარი ღვთისააო.

ვაჟი გადმოვიდა ცხენიდან, ცხენი დააბინავა. თვითონ შევიდა სახლში, დაინახა ერთი ბებერი კაცი, წვერზე ხავსმოკიდებული.

გამარჯობა რომ უთხრა, ძლივსღა გააგებინა. შემდეგ კი უამბო თავისი თავგადასავალი. ამ ბებერმა კაცმა უთხრა: ასეთი არაფერი გამოგია, მხოლოდ ჩემს იქით ჩემი უფროსი ძმა ცხოვრობს, თუ ეცოდინება, იმასაო.

გათენდა დილა. წავიდა ბიჭი და გზაში ფიქრობდა: ეს უმცროსი ძმები ესე დაბერებულები არიან, იმას ხომ სულ ვერაფერს გავაგებინებო. მივიდა იმ კოშკთან. დაინახა ქალი, დაუძახა: დედაშვილობას, ამაღამ შემინახეითო. ქალმა უთხრა: დიდი სიამოვნებით, ჩემ ქმარს ვეტყვი და რას იტყვისო.

ჩამოვიდა ბიჭი ცხენიდან, ელოდებოდა ქალის პასუხს. ქალი სახლში შევიდა, დიდხანს დაიგვიანა, რადგან ქმარს სძინებოდა და ვერ უბუდავდა გაღვიძებას. ბოლოს ჩაიცვა ოქროს ქოშები, ატეხა ერთი ბრახანბრუხი და ასე გამოაღვიძა თავისი ქმარი.

ქმარმა უთხრა: რატომ გამაღვიძეო. — ერთი სტუმარი მოგვივიდა, მთხოვა ამაღამ შემინახეთო და ამიტომ გაგაღვიძეო. ქმარმა უთხრა: წადი, დაუძახე, მოვიდესო. დაუძახა ქალმა: მობრძანდი სახლშიო.

ვაჟმა ცხენი დააბინავა, შევიდა სახლში, დაინახა ქალის ქმარი, ძლიან ახალგაზრდა კაცი იყო, დაჯდა და საუბარი გაუბა. თავის თავზე უთხრა: ასეთი და ასეთი ქალის სიყვარული მაქვს ჩავარდნილი გულში და ხომ არსად გაგიგონიათო.

კაცმა უპასუხა: ეგეთი ქალი არ გამიგონია, მხოლოდ ჩვენს საზღვარზე ცხოვრობენ დევები, სამნი ძმანი არიან, ერთი დედა ჰყავთ, ძმები დილით მიდიან სანადიროთ, დედა კი მატყლს ართავს ხოლმეო. დედას პირი იქითკენ აქვს ყოველთვის, საიდანაც მზე არის. შენ იმდენს უნდა ეცადო, უკანიდან მოექცე და უთხრა: დედაშვილობას, წყალი მწყურია და წყალი დამალეინეო, მაშინ არ შეგქამს და მას ელაპარაკე. თუ ეცოდინება, იმას, თუ არადა, სხვას არავის ეცოდინებაო. ამით დაამთავრეს ლაპარაკი. შემდეგ თავის ცოლს უთხრა: პური გვაჭამეო. ცოლმა უპასუხა: რა გავაკეთოო. — სხვენში რომ გოგრა გვაქვს, ის გოგრა მოხარშეო. ჩამოიტანა გოგრა ქალმა. ქმარმა უთხრა: ეს გოგრა ისევ აიტანე და მეორე გოგრა რომ არის, ის ჩამოიტანეო. წავიდა ქალიც და ჩამოიტანა ისევ ის გოგრა.

ქალმა ვახშამს დაუწყო მზადება. ხელმწიფის ვაჟმა უთხრა: კაცო, შენი ორი ძმა ვნახე შენზე უმცროსები, ისინი ისე არიან დაბერებულები, ძლივს ვაგონებდი, რომ ველაპარაკეო. შენ იმათზე უფროსი ყოფილხარ, და ასე ჭეელი ხარო? ამ კაცმა უპასუხა: ჩემს ერთ ძმასა ჰყავს ცოლად ვირის გვერდი, მეორე ძმას — ძაღლის ყბაო. იმ ცოლებმა დააბერეს ისინი, თორემ ასე ადრე არ

დაბერდებოდნენო. ჩემი ცოლი კიდევ ისეთი ადამიანია, რომ ახლა სხვენში ერთი გოგონის მეტი არა გვქონდა, მაგრამ მე რომ ვუთხარი, აიტანა გოგრა უკან და ისევ ჩამოიტანაო. იმათი ცოლები რომ ყოფილიყვნენ, შიგ თავში დაარტყამდნენ და ეტყოდნენ: ერთი გოგონის მეტი როდისა გვაქვსო! რომ დაწვეები და დავიძინებ, ვიღრმდის არ გამომეღვიქება, სახლში არ შემოდის, ფეხის ხმაზე არ გავეღვიძრო. ეს პირველი შემთხვევა იყო ჩემი გაღვიძებისაო. ჩაიხედა სარკეში და დაინახა, რომ ერთი თეთრი თმა უკვე ამოსულიყო, იმ ერთ გაღვიძებაზე. აი, ამიტომ არიან ჩემი ძმები ბებრებიო.

ლაპარაკს როდესაც მორჩინენ, ივანშემს და დაიძინეს. მეორე დილას ადგა ხელმწიფის ვაჟი, შეკაზმა ცხენი და გაუდგა გზას. როგორც ამ კაცმა უთხრა, დევების დედას მიეპარა და მუდარით უთხრა: დედი, დედაშვილობას, წყალი მწყურია და დამალევინეო. დედაბერმა სწრაფად მოიხედა უკან და უთხრა: დედაშვილობა რომ არ გეთქვა, რა კარგი ვახშამი იქნებოდიო. დედაბერმა გამოუტანა წყალი და დაალევინა. მერე უთხრა ხელმწიფის ვაჟს: ჩემი შვილების შიშით ქვესკნელს ქიანპველას ვერ გაუვლია, ზეცაში ფრინველი ვერ გაფრენილა და შენ აქ რამ მოგიყვანაო. ხელმწიფის ვაჟმა უპასუხა: მე ისეთი სატკივარი მაქვს ატეხილი, რომ გინდა დევების შვილებმა შემჭამონ და გინდა ვინც უნდა იყოს, თუ საწადელს ვერ მივალწვეო. დედაბერს უამბო თავისი თავგადასავალი. დედაბერმა უთხრა: ასეთი ქალი მე არ გამიგია, ოღონდ მაინც ვეცადოთო.

სალამომ მოაწია, დედაბერმა დამალა ხელმწიფის შვილი. მოუვიდნენ შვილები და უთხრეს დედას: დედი, ადამიანის სუნი მოგვდისო. დედამ უპასუხა: შვილებო, მზით უკან ვინმე გადმოყრიდა ნაგავს ქრისტიანი და მისი სუნი მოვიდოდაო. დედამ დააჯერა თავისი შვილები, შემდეგ გაატყავეს თავიანთი ნანადირევი, მოხარშეს და ჰამეს.

გათენდა დილა. დევის შვილები წავიდნენ სანადიროდ. ბებერმა დედაკაცმა გამოიყვანა ხელმწიფის ვაჟი, მისცა ერთი დანა და უთხრა: წადი აგერ იმ ტყეში შენი ცხენით, მოსკერი სამი ხე და მოიტანე აქაო. წავიდა ეს ვაჟი, მოსკრა სამი ხე, ისეთები, რომ ძლივს მოიტანეს თვითონ და მისმა ცხენმა. ბებერმა დედაკაცმა მოსწია ხეებს მუხლზე და სამივენი დაამტვრა: როგორებიც მინდოდა, ვერ მომიტანეო. წავიდა თვითონ ტყეში, მოსკრა სამი ხე, მოიტანა სახლში. მერე ხელმწიფის ვაჟს უთხრა: შეჯექი ცხენზე და მომყევო. დედაბერს სამი ხე მიჰქონდა ხელით, ისე გარბოდა, რომ ვაჟი ცხენით ძლივს მისდევდა. მივიდნენ ზღვის პირას, გადმოვიდა ხელმწიფის

ვაჯი ცხენიდან. მისცა ბებერმა ერთი დანა და ქასური¹ ბიჭს და უთხრა: ეს დანა ისე უნდა გალესო, ამ ხეს რომ დავადო, გადას-ქრასო. ბიჭმა დაუწყო დანას ლესვა, ბოლოს ხელები აუქანკალდა: შეეშინდა ბიჭს, უთუოდ იმისათვის მალესვინებს დანას, რომ მე მომჭრას თავიო. ეს რომ შენიშნა ბებერმა, უთხრა: რატომ გიკან-კალებს ხელებიო. ბიჭმა უპასუხა: მეშინია, ვაითუ თავი მომჭრაო. ბებერმა უთხრა: რათ მინდა რომ თავი მოგჭრა, მაშინვე შეგკამდი, თუ კი მნდომოდა, მაგრამ დედაშვილობამ გიშველაო. ბიჭმა დანა გალესა, ამ ბებერმა ეს სამივე ხე გადაყარა ზღვაში და დაჰკიჟლა. მთე-ლი წყალი იქით გაქანდა და სამი ლერწმის ხე გამოჩნდა წყალში. ბებერმა უთხრა: გაიქე, ის ხეები მოსჭერ ძირში და მალე გამოიტა, წვიმამ არ მოგისწროსო. შევარდა ბიჭი, საჩქაროდ მოსჭრა ლერწმის ხეები და როდესაც ნაპირში გამოვიდა, ზღვამ ცოტათი დაჰკრა ტალ-ლა. გამოაჩანა სამივე ხე ბიჭმა. ბებერმა დედაკაცმა დაუკვერცხა ხეებს თავი და დაიწყო ლოცვა. როდესაც ილოცებოდა, გასკდა ერთი ლერწმის ხე შუაზე და გადმოვარდა ისეთი მშვენიერია ქალი, რომელ-საც თვალი აღარ მოშორდებოდა. წამოიყვანეს ქალი ამ ბებრის სახ-ლში. როცა სახლში მოვიდნენ, ბებერმა გამოუცხო ერთი თონე პური, მისცა ერთი ცხენი, ერთი კოკა წყალი და უთხრა: წადით ახლა. სანამდე შინ არ მიხვიდეთ, არ ჩამოხვიდეთ ცხენებიდანაო.

წვიდნენ, მართლაც, ასე იქცეოდნენ. როდესაც სახლს მიუახ-ლოვდნენ, მაშინ ვაჟმა უთხრა: ახლა უკვე მამაჩემის სახელმწიფოში ვართ მოსული და როგორც ჩემს სახლში, ისე ვგრძნობ თავსო. მოდი, ჩამოვიდეთ ცხენებიდან და ცოტა დავისვენოთო. ქალმა უარი უთხ-რა: გახსოვს, იმ ბებერმა დედაკაცმა რა გვითხრაო? ბიჭმა მაინც შე-აცდინა და ჩამოვიდნენ. ცხენები საძოვარზე გაუშვეს. თვითონ ერთი მდინარის პირას ჩრდილში დასხდნენ. ვაჟს ქალის კალთაში დაეძინა. მოვიდა ერთი შავი არაბის ქალი, მიესალმა ამ ქალს და დაუწყო ლაპარაკი. ამ ქალს შავმა არაბმა უთხრა: მოდი ვიბანაოთო. ლერწმის ქალმა უარი უთხრა ბანაობაზე, რადგან მის ქმარს კალთაზე ეღო თავი და ისე ეძინა. არაბის ქალმა მაინც შეაცდინა და თავქვეშ უნა-გირი დაუდეს ვაჟს. ჩავიდა, ჯერ არაბის ქალმა იბანავა, შემდეგ უთხრა ლერწმის ქალს: ახლა შენ იბანავე და მე გიღარაჯებ, არავინ მოვიდესო. ქალმა გაიხადა ტანისამოსი, ჰკრა არაბის ქალმა ხელი, გადაავდო წყალში და უთხრა: შენამც იქცევი თევზადაო.

ლერწმის ქალი იქცა თევზად. არაბის ქალმა ჩაიცვა ლერწმის

¹ დანის საღესო.

ქალის ტანისამოსი, გამოაცალა უნაგირი და თავის კალთაში დააძინა. როდესაც გამოეღვიძა ვაჟს, შეხედა ქალსა, ელდა ეცა: ეგ რა მოგსვლია, როგორ გაშავებულხარო?! ქალმა უთხრა: გახსოვს, ბებერმა რომ გვითხრა: სანამდის სახლში არ მიხვალ, ცხენებიდან არ გადმოხვიდეთო. შენ რომ გადმომიყვანე ცხენიდან, ალბათ, იმიტომ გავშავდიო.

შეკაზმეს ცხენები, გაუდგნენ გზას და მივიდნენ მამის სახლში. მამას, ერთი მხრით, გაუხარდა, სახელმწიფოს შავები გადააძრო, მაგრამ, მეორეს მხრით, ძალიან ეწყინა, და უთხრა: შვილო, მაგის გულისათვის იკლავდი თავსო? შვილმა უთხრა თავის მამას: ეჰ, მამი, ალბათ ბედი ესა ყოფილა და რას ვიზამდიო. გადაიხადეს ქორწილი.

ეს თევზი წამოვიდა წყალდაწყალ და სადაც ხელმწიფის ნახირი სვამდა წყალს, იქ ამოვიდა. წყალზე რომ მიჩვენი საქონელს, თევზი გაიფრთხილებს და საქონელი ფრთხება, უწყლობით იხოცებიან, წყალს ვერა სვამენ. მწყემსებმა მოახსენეს ხელმწიფეს ეს სამწუხარო ამბავი.

იმ წყალზე თევზაობა აკრძალული იყო, მაგრამ ხელმწიფემ მაშინვე ბრძანა, მთელი მებადურები გასულიყვნენ სათევზაოდ. ბევრი თევზი დაიჭირეს მებადურებმა, მაგრამ ის თევზი მაინც ვერ დაიჭირეს. როდესაც წყლიდან ამოდიოდნენ მებადურები, ერთმა კოჭლმა მებადურმა თქვა: მოდი, ერთხელ კიდევ გადავაგდე ბადეს, დავიჭერ კარგია, არადა ჯანი გავარდესო. გადააგდო ბადე და მოჰყვა ეს თევზი. დაიჭირა და წამოიყვანა. შავი არაბის ქალმა უთხრა: ეგ თევზი მოხარშეთ, ჭამეთ, მხოლოდ ფხა, რაც იქნება, ცეცხლში ჩაყარეთო. მართლაც ასე იქცეოდნენ, მოხარშეს თევზი, დაუწყეს ჭამა, ფხას კიდევ ცეცხლში ყრიდნენ.

ბოლოს ერთი ნაქეიფარი კაცი მოვიდა და უთხრა: თუ შეიძლება, თევზი მინდა, ცოტა მაჭამეთო. უთხრეს: თევზს გაჭმევთ, მხოლოდ ფხა რაც შეგხვდეს, ცეცხლში ჩაყარეთ. მართლაც, ისე იქცეოდა ეს კაცი. ბოლოს გადაავიწყდა და თევზის ერთი ფხა გადაუვარდა გომურის კარების უკან.

თევზი შექამეს, ხალხი წავიდა სახლში, საქონელი დააბინავეს. დილა რომ გათენდა, ნახეს ერთი დიდი ხე ამოსულა, საქონელი კარში ვერ გამოუშვიათ. როდესაც უნდა გამოვიდნენ კარში, ხე დაიბრიალებს და მთელი საქონელი სულ ერთიმეორეს მიეხლება. შავი არაბის ქალმა უთხრა: ააგეთ ერთი საკირე, მოჭერით ეგ ხე და როგორც გინდა პატარა ნაფოტი იყოს, სულ საკირეში ჩაყარეთ და დაწვითო.

მართლაც ასე მოიქცნენ: დაუწყეს ჭრა, შეუკეთეს საკირეს. ბოლოს, ხეს რომ სჭრიდნენ, მოვიდა ერთი კაცი და უთხრა: დღეს სამკედლოში ცული გავაკეთებინე და თუ შეიძლება ვცადო ამ ხეზე, გასჭრის თუ არაო. ხის მჭრელებს კიდევ გაუხარდათ და დაუწყო ხეს ჭრა. ხის ჭრის დროს მოსკდა ერთი ნაფოტი და წავიდა მალლა ჰაერში. ეს ხე მოჭრეს და სულ დაწვეს, გარდა ამ ერთი ნაფოტისა, რომელიც ჰაერში წავიდა.

ეს ნაფოტი ჩამოვარდა დაბლა ერთ სახელმწიფოში, შუა გზაზე. ერთ მშვენიერ დღეს ხალხი წავიდა ხატში სალოცავად. მათ შორის ერთი ქვრივი დედაკაცი იყო. ეს ქვრივი დედაკაცი ხატიდან რომ დაბრუნდა, დაუწყო ფიჩხს შეგროვება და ნახა ეს ნაფოტი. წამოიღო ნაფოტი სახლში, დასაწვავად ვერ გაიმეტა და თქვა: ეს გამოდგება ქოთნის საფარებლადაო.

დედაბერი რომ წავიდოდა სადმე, ეს ნაფოტი იქცეოდა ქალად, დაგვიდა, დაასუფთავებდა სახლს, მოუმზადებდა კერძს ბებერს და ისევ ნაფოტად იქცეოდა. ამ ბებერმა დედაკაცმა უთხრა თავის რძლებს: ვიდრე გავიყრებოდით, ყურს არ მიგდებდით, ახლა რამ შეგაყვარათ ჩემი თავი, ყოველდღე მისუფთავებთ და კერძაც მახვედრებთო?! რძლებმა უთხრეს: ჩვენო დედამთილო, ძველი ანდაზა ხომ გაგიგონია, ცეცხლიდან გავიყარენით, განა ძმობიდანაცაო. ჩვენი საქმეც ეგრე იყო. ერთად რომ ვიყავით, ჩხუბი მოგვდიოდა, ახლა კი რაღაზე მოგვივა ჩხუბი, თანდათან ერთმანეთი უფრო შეგვიყვარდებოა.

ამ ბებერმა დედაკაცმა ბოლოს გადაწყვიტა: მოდი ვუთვალთვალებ, რომელი რძალია რომ მისუფთავებს ოთახსაო.

იქვე ოთახთან დაიმალა. იქცა ნაფოტი ქალად, დაგავს სახლი, გადმოყარა ნაგავი გარეთ, თვითონ კარში არ გამოვიდა. ამ დროს ბებერმა დაიჭირა ეს ქალი: ქალს ძალიან შეეშინდა და დაიწვილა: ნუ მომკლავ, შენი ჭირიმე, ქრისტიანი ვარო. ბებერმა ჰკითხა ვინ იყო, საიდან მოვიდა. ამ ქალმა უამბო ყველაფერი, რაც თავს გადახდა და ბოლოს უთხრა, რომ მე ის ნაფოტი ვარ, რომელსაც შენ ქოთნის დასახურავად იყენებო: ბებერმა არ დაიჯერა. მაშინ ეს ქალი იქცა ნაფოტად და ქრთანს დაეფარა. ბებერმა წაიშინა მუხლღებში ხელი: რაზე დავლუპე ჩემი თავი და ამისთანა ქალი ნაფოტად რაზე ვაქციეო.

ამ დროს ნაფოტი იქცა ისევ ქალად და დაიწყეს ტკბილად საუბარი. ამ ქალმა ბებერს უთხრა: დღეის შემდეგ ვიცხოვროთ როგორც

დედა და შვილო. მართლაც, ასე ცხოვრობდნენ. ერთხელ ჰკითხა ქალმა: დედი, ოჯახში რა გეყავს ისეთი, რომ ბაზარზე გაუყიდოთო?— შვილო, აი ეს ერთი ქათამიაო. ამ ქალმა უთხრა: წაიყვანე, დედი, ეგ ქათამი, რომ გაპყილო, ერთი აბაზის აბრეშუმის ძაფი მიყიდეო.

წავიდა ბებერი ბაზარზე და წაიყვანა ქათამი. გაყიდა ხუთ შაურად. აბაზის ძაფი უყიდა და დარჩა ერთი შაური. ამ ქალმა ძაფისაგან მოქსოვა ერთი ხალიჩა. ერთხელ უთხრა ბებერსა: წაიღე, დედი, ეს ხალიჩა გაყიდე ბაზარზე და ორი აბაზის ძაფი წამომიღეო. ბაზარში რომ წაიღო ხალიჩა, შეევაჭრა სამი გენერალი: რას აფასებ ხალიჩასაო? განა თქვენ არ იცით ამის ფასი, რაღა ღირსო? გენერალმა უთხრა: ას თუმანს მოგცემო. ამ დედაკაცს კი ეგონა სასაცილოდ მიგდებსო, ეს ხალიჩა ბევრი, ბევრი ღირდეს ორი მანეთით, და უთხრა: რა სასაცილოდ მიგდებო?! მეორე გენერალმა უთხრა: ორას თუმანს მოგცემო. იმასაც უთხრა: სასაცილოდ ნუ მიგდებო, რაცა ღირს ის მომეციო. მესამემ მისცა სამასი თუმანი და გაიქცა: არ შემეშალოს ბებეროო. ბებერი კიდევ აქეთ გამორბის სახლისკენ: ფული არ წამართვანო.

მოვიდა სახლში, მოიტანა ფული და თავის შვილს უთხრა: შვილო, არ ვიცი რამ დააგიუა იმ ხალიჩაზე ხალხი, სამასი თუმანი მომცეს. თუ სამი კაპიკი ეგონა, ხელში მაინც როგორ არ ებევრაო. ამაზე უთხრა თავისმა ქალმა: დედი, შენ არ იცი მაგ ხალიჩის ფასი, ათასი თუმანი რომ დაგეფასებინა, მაინც გაიყიდებოდაო. ასეთი ხალიჩა რამდენიმე მოქსოვა და გაყიდა.

შემდეგ ამ ფულით აიშენეს დიდი სასახლეები. მოქსოვა ერთი ხურჯინი, რომელზედაც ამოქარგა ხელმწიფის ვაჟის დასაპატიჟებელი წერილი: თუ გვიკადრებთ, მთელი შენი სახელმწიფოთი მობრძანდი ჩვენთანაო. თავისი სურათიც ჩააკრა ხურჯინში. ქალმა თავის დედობილს უთხრა: ერთ ალაგას უნდა გაგზავნოო. ზოგან მოგიხდება ფეხით სიარული, ზოგან ცხენით. გაისარჯე ჩემი გულისათვის, თხოვნაზე უარს ნუ მეტყვიო. დედობილმა უპასუხა: სადაც უნდა მითხრა, წავალ, შვილო, თუნდაც ვიცოდე, რომ იქიდან ცოცხალი ველარ დაგბრუნდებოო. მისცა ეს ხურჯინი ამ დედაკაცს და უთხრა: ეს ხურჯინი უნდა წაიღო ამა და ამ ხელმწიფის ვაჟთან, შენი ხელით უნდა მიუტანო. ვინც არ უნდა გითხრას, რომ მე შევეუტან ხურჯინსაო, არავის არ დაანებოო.

წავიდა ბებერი დედაკაცი. წაიღო ხურჯინი. ქალმა გაატანა ბლომად ფული. იარა ბებერმა, ხან ფეხით, ხან ცხენით და ბოლოს მივიდა სახელმწიფოში, სადაც ის ხელმწიფის შვილი ცხოვრობდა. სახლთან

რომ მივიდა, შავი არაბის ქალი დახვდა კარში, ბებერს უთხრა: სად მადიხარო? ბებერმა უპასუხა: ხელმწიფის შვილის ნახვა მინდა, უნდა ვადავცე რამეო. არაბის ქალმა უთხრა: მომეცი, მე შევეუტანო. ბებერმა არ მისცა, თვითონ შეუტანა. მაგრამ ქალმა ისე ჩაარტყა კისერში, რომ ერთ წლამდე სულ გაშეშებული კისერი დაჰქონდა. ხურჯინი გადასცა ხელმწიფის ვაჟს. როცა წაიკითხა წერილი, დასწერა პასუხი, რომ ამა და ამ დროისთვის იყავი მზად და მოვალო.

დედაბერი რომ მივიდა ქალთან, უთხრა: რა ჰქენიო? ბებერმა უპასუხა: ხურჯინი შევეუტანე, ერთი შავი არაბის ქალი იყო იქ, ისეთი ჩამარტყა კისერში, რომ ახლაც მტკივაო, და აი ეს წერილი გამოგიგზავნა. წაიკითხა ქალმა წერილი. დანიშნული დროისათვის შეუდგა მზადებას, რომ მოაწყოს კარგი ვახშამი, არ შერცხვებს.

როდესაც მოვიდა დრო, რომ უნდა მისულიყვნენ, ამ ქალმა ჩაიცვა ვაჟკაცური ტანისამოსი. მოვიდნენ კადეც მოწვეული სტუმრები და დაიწყეს ქეიფი. ხელმწიფის შვილი და შავი არაბის ქალი დასხდნენ ერთად, დანარჩენი ხალხი, ვისაც სად ეკუთვნოდა, ყველა ისე გაანაწილა. როცა ქეიფი დაიწყეს, თვითონ დადგა თამადად, ბოლოს ხალხს გამოუტყხადა: მე ცოტა ცუდად გავხდი, ცოტა ხანს ოთახიდან უნდა გავიდე და ჩემს დას გამოგიგზავნით, რომელიც ჩემზე უკეთეს თამადაობას გაგიწევთო.

გავიდა მეორე ოთახში, გაიხადა ვაჟური ტანისამოსი, ჩაიცვა ქალის ტანისამოსი, გავიდა ხალხში ისევე და დაიწყო სადღეგრძელოების თქმა. როცა ხალხს სმისა და ჭამის თავი აღარა ჰქონდა, მაშინ ამ ქალმა უთხრა: მოდი, ახლა ყველა თავის თავგადასავალს მოვეყვებო.

მაშინ სთხოვეს: ჯერ თქვენი თავგადასავალი გვიამბეთო. ქალი დასთანხმდა და გამოაცხადა, ორი კაცი დაეყენებინათ კარებში, რომ კარში არავინ გასულიყო. დაიწყო ქალმა დაწვრილებით თავგადასავალი. როდესაც ახსენა შავი არაბის ქალი, წყალში რომ გადააგდო და თვითონ ხელმწიფის ვაჟთან იჯდა, არაბის ქალი მაშინვე წამოიწია ფეხზე, მაგრამ ხალხი რას გაუშვებდა. ქალმა რომ დაამთავრა თავისი თავგადასავალი, გამოიყვანეს შავი არაბის ქალი, მოაბეს ცხენის კუდზე, გააქციეს ცხენი და სულ დააჩქლეთინეს. ხელმწიფის ვაჟმა უთხრა თავის მამას: აი, ამ ქალის გულისთვის ვიკლავდი თავსაო და რა მექნა, რომ ვერ გავიგე როგორ გამომეცვალაო. დაიწერა იმ ლერწმის ქალზე ჯვარი, ერთი კაი ქორწილი გადაიხადეს და დაიწყეს ტკბილი და საამური ცხოვრება.

ხელმწიფის ზღაპარი

ერთი ხელმწიფე იყო და ჰყავდა სამი შვილი. როცა მოხუცდა ხელმწიფე და ავადაც გახდა, თავის შვილებს დაუბარა ანდერძად: როდესაც მოკვდები, სამნი ხართ და თითო ღამეს საფლავზე მიდარაჯეთო. მალე მოკვდა კიდევ ხელმწიფე და დაასაფლავეს, როგორც წესი იყო. ხელმწიფეს ერთი შვილი ჰყავდა ისეთი, რომელიც არაფერს არ აკეთებდა და ნაცარქექიას ეძახდნენ. ამ ნაცარქექიამ სთქვა: აბა, ძმებო, მაშინ ანდერძი როგორც იყო, წავიდეთ ვუდარაჯოთო. ძმებმა თავში ჩაარტყეს, მკვდარს რაღა დარაჯობა უნდაო. მაშინ ადგა ნაცარქექია და წავიდა სადარაჯოდ. თან წაიღო ბარი და წერაქვი. საფლავთან რომ მივიდა, საფლავის თავში ამოჭრა ერთი ორმო, ჩაჭდა შიგ და ზემოდან ფოთლები დაიფარა. იმ ღამეს არავინ არ მოსულა. მეორე ღამესაც ისე დაუდარაჯა, მაგრამ ახლაც არავინ ჩანდა. მესამე ღამეს შუალამისას მოფრინდა ერთი მამალი და დაუწყო საფლავს ქექვა. ამ დროს ამოხტა ნაცარქექია ორმოდან, დაიჭირა მამალი, გაუჭრა ფეხები და საფლავს კი მიწა წააყარა.

გათენდა და დაბრუნდა სახლში. მიიტანა წერაქვი და ბარი, ჩააბარა თავის ძმებსა და უთხრა: ახლა მშვიდობით იყავით, სამუდამოდ გშორდებითო და გაუღდა თავის გზას.

გზაში ნაცარქექიას შემოხვდა ერთი ვაჭარი და რომ დაინახა მამალი, მაშინვე შეევაჭრა. ნაცარქექიამ მამალი არ მიჰყიდა. ბოლოს უთხრა: თუ გინდა, ერთად ვიაროთ და სადამოზე, როცა დაგვიღამდება, იქ დავკლათ და ერთად ვჭამოთო გავიდნენ ერთ სახელმწიფოში და დაღამდა კიდევ. ვაჭარმა უთხრა: შენ წადი ბაზარში, იყიდე რამეები, მე ცოტა ხანს დავიძინებ, როცა მოხვიდები და ქათმის დაკვლა დააპირო, გამაღვიძეო.

წავიდა ნაცარქექია ბაზარში, იყიდა რაც უნდოდა სასმელ-საჭმელი და დაბრუნდა უკან. ნახა ვაჭარს ეძინა და შეეცოდა, რომ გამოეღვიძებინა. დაკლა ქათამი. გამოწელა და ნახა — ნაწლავებში რაღაც ბრჭყვიალებდა. გამოჭრა ნაწლავი და გადმოვარდა ბეჭელი. ეს ბეჭელი გარეცხა და ჯიბეში ჩაიღო. ნაცარქექიამ მოხარულა ქათამი და გააღვიძა ვაჭარიც.

ვაჭარმა რა წამსვე გაიღვიძა, მაშინვე მამალი მოიკითხა. ნაცარქექიამ უთხრა: დავკალიო. ვაჭარი ძალიან გაწყრა და უთხრა: ნაწლავები სად გადაყარეთ? ნაცარქექიამ შეიტყო ნაწლავები რისთვისაც

ოკითხა და უბასუხა: ზოგი იქით გააქანა კატამ და ზოგი აქითაო და შეეჭამაო. ვაჭარი დაღონდა, ადგა და შინ წავიდა.

დალამდა და დაწვა ნაცარქექია. ამოიღო ბექედი და დაუწყო შინჯვა. ბექედს ერთ ადგილას რაღაც თვალივით შენიშნა. დააჭირა იქ ხელი და ამოიშალა ჯარი და დაუწყეს კითხვა: რას გვიბრძანებ, ბატონო, და რას გვიბრძანებო? ნაცარქექიას შეეშინდა და უთხრა: ჩადით, ჩადით ისევ უკანვეო. ჩავიდნენ ბექედში ისევ ის ჯარისკაცები. დაწვა და დაიძინა ნაცარქექიამ.

მეორე დღი გათენდა. ნაცარქექიამ გაიგო, რომ აქაურ ხელმწიფეს ჰყავდა ერთი გასათხოვარი ქალი. ნაცარქექიაც იმ დღეს ბებერ დედაცათან იდგა და უთხრა დილით: დედი, თუ შეიძლება ხელმწიფის ქალთან უნდა გამეგზავნო მაქანკლადაო. უთხარი ამა და ამ ხელმწიფის შვილი გთხოვს შვილსაო.

ბებერს ძალიან ეზარებოდა, მაგრამ წავიდა, რას იზამდა. მივიდა ხელმწიფესთან და უთხრა: დიდებულო ხელმწიფევე, წუხელ ერთი ხელმწიფის შვილი იყო ჩემთან სტუმრად და იმან გამომგზავნა მაქანკლად შენს ქალთანო.

ხელმწიფე ძალიან გაწყრა და უთხრა: რაკი ხელმწიფის შვილი ყოფილა, ურჩევნია ცოტა ხანს ცოცხალმა იაროსო. მე ჩემს ქალს ისეთ ვაჟს მივცემ, რაც არ უნდა დავავალო, უსათუოდ შემისრულოსო. თუ ვერ შეასრულა რასაც ვუბრძანებ, თავს მოვჭრი იმ ვაჟსო. ჩემი ქალიშვილის ოთახის გაღავანს ადამიანების თავებით ვაკეთებ და სწორედ ერთი თავილა აკლიაო. ურჩევნია წავიდეს სახლში, თორემ სიკვდილი არ ასცდებაო!

დაბრუნდა ბებერი სახლში და მოუყვა სუყველაფერს, რაც ხელმწიფემ უთხრა. ნაცარქექიამ უბასუხა ბებერს: მიდი და მოახსენე რა სურს დამავალოს, მითხრას და შევასრულებო. ბებერი წავიდა ხელმწიფესთან, მაგრამ მუხლები უკან რჩებოდა. მოვიდა ხელმწიფესთან ბებერი: რაცა სურს დამავალოს, შემომითვალოსო.

ხელმწიფემაც შეუთვალა იმ ვაჟსა: სადაც თვითონა დგას ამჟამადო, იმ საცხოვრებლებიდან ჩემს სახლამდე სწორი ხილი გააკეთოსო, ისე რომ ჩემი სახლი და მისი სახლი ჩანდეს იმ ხიდის თავბოლოსო. ხიდს როცა დაამთავრებს, უნდა ხეხილი ჩაყაროს იქეთაქეთო, ისეთი, რომ რიგი მწიფდებოდეს, რიგი ყვარდეს და რიგიც შემოდიოდესო. ამ ხეებზე კიდევ იატონი და ბულბული გზლობდესო. ყოველივე ეს უნდა შეასრულოს ორი დღის განმავლობაში, თუ არადა, თავს მოვჭრიო.

წამოვიდა ბებერი უკან ტირილით, ეცოდებოდა ხელმწიფის ვაჟი. ბებერი დაბრუნდა უკან და მოუყვა სუყველაფერს ვაჟს, რაც ხელმწიფემ დაავალა.

დაბინდა. დაწვინ და დაიძინეს.

შუალამემ რომ მოატანა, ადგა ნაცარქექია ლოგინიდან, გახსნა თავის ბეჭედი და ამოიშალა ჭარი. ეუბნებოდნენ: რას გვიბრძანებ, ბატონო? ნაცარქექიამ გასცა ბრძანება, რომ ხელმწიფის სახლიდან მის სახლამდე გაეკეთებიათ ხიდი, იქით-აქეთ ხეხილი დაერგოთ ისეთი, როგორიც ხელმწიფემ შემოუთვალა და ზედ იადონი და ბულბულიც ყოფილიყვნენ. გასცა ბრძანება, რომ გაეკეთებინათ ორ დღეში.

ორი დღის ნაცვლად იმ ჯარს ორი საათი დრო დასჭირდა დავალების შესრულებისათვის. გამოალვიდა ბებერი ნაცარქექიამ და უთხრა: წადი, დედი და უთხარი ხელმწიფეს, შენი სურვილი შესრულებულია-თქო.

ადგა ბებერი, ტანთ ჩაიცვა და გაუდგა ხელმწიფის სასახლისაკენ. წინათ თუ მორცხვად მიდიოდა, ახლა გული მიეცა და ფეხების ბაქიბუკით მიუბრახუნა კარზე. ხელმწიფეს ეძინა: გამოალვიძეს და კარში რომ გამოვიდა და დაინახა, კინალამ ჭკუიდან შეიშალა.

უთხრა ხელმწიფეს ბებერმა: რაც უბრძანე, შესრულებულია და ახლა ვაჟმა და ქალმა უნდა ნახონ ერთმანეთიო. ხელმწიფემ სთხოვა ბებერს — ვაჟი მოეყვანა.

მიიყვანა ბებერმა ვაჟი ხელმწიფესთან. ნაცარქექიამ დაუყინა ხელმწიფეს: შენი ქალი უნამუსოა, უნამუსო, უნამუსო! სამჯერ გაუმეორა.

ხელმწიფეს ძალიან ეწყინა, მაგრამ რას იზამდა. ქორწილი დანიშნეს. დიდი ქორწილი გადაიხადა. ქალ-ვაჟი კარგა ხანს ცხოვრობდნენ ერთად. ვაჟი ბეჭედს ხელიდან არ იშორებდა. ერთხელ ნაცარქექია გააპატიყეს სხვის ქორწილში ნათლიად. ცოლმა უთხრა: ვაითუ ბეჭედი დაქვარგო, მორდი და სახლში შეგინახავო. ნაცარქექია შეაცდინა ცოლმა, გამოიძრო ბეჭედი თითიდან და ქალს მისცა.

ნაცარქექია წავიდა ქორწილში. ეს ამბავი გაუგია ვაჭარს და უშოვნია ბლომად ბეჭედები. მოვიდა ამ ხელმწიფის სახლის წინ და იძახის: ბეჭედი ბეჭედებზე გასაცვლელიო! ხელმწიფის ქალმა ჩაუტანა ბევრი ბეჭედი. თითო ბეჭედში ვაჭარი აძლევდა ათ-თხუთმეტ ბეჭედს: იქნება როგორმე შეეცდინა და ის ბეჭედიც გამოეტანინებია. ბოლოს უთხრა ხელმწიფის ქალს: თუ კიდევ ბეჭედი რამე ვაჭვთ, ასი ბეჭედი რომ მთხოვოთ, მოგცემთო.

წავიდა და ამ ქალმაც ჩამოუტანა ის ბეჭედიც. დახედა ვაჟარმა და იცნო: ჯაღოსანი ბეჭედი ყოფილაო. მაშინვე მისცა ასი ცალი ბეჭედი.

დალაპდა. გახსნა ბეჭედი ვაჟარმა, ამოიშალა ჯარი და უთხრეს: რას გვიბრძანებ, ბატონოო? ვაჟარმა ჯავრობა და თავში ცემა დაუწყყო ჯარისკაცებს: საღ იყავით ამდენ ხანსო! ბოლოს გასცა ბრძანება: რაც თქვენ გაგიკეთებიათ, აიღეთ სულ მთლათ, თეთრი ზღვის კუნძულზე დადგითო. ეგ ქალიც თან წამოიყვანეთო. ჯარმა შეასრულა ბრძანება: მთელი შენობა აიღო და დანიშნულ ადგილზე დადგა. ქალიც იქ წაიყვანეს და ვაჟარიც.

დაბრუნდა ნაცარქექია ქორწილიდან, დანახა — იმ ადგილზე თავის გაკეთებული აღარაფერი აღარა ჩანს რა. ხელმწიფე იჭდა და ტაროდა. მაშინ უთხრა ნაცარქექიამ ხელმწიფეს: მე გითხარი — შენი ქალი უნაპუსოა-თქო და ტყუილი ხომ არ გამოდგაო.

ხელმწიფემ უთხრა: რას იზამ, შვილო, ოღონდ ეს მომითმინე და უკეთეს ქალს გიშოვნო.

ნაცარქექია ძალიან დაღონებული იყო. ბოლოს მეთარეებს გააკეთებინა ერთი თარი, აავსო ერთი ტომარა ნამცხვრით, მოიკიდა ზურგზე და გაუდგა გზას. დღეში თითო ცალ ნამცხვარსა სჭამდა და ერთობოდა თარის დაკვრით.

ბევრი ხნის საიარულის შემდეგ გავიდა ერთ ტრიალ მინდორზე და რასა ხედავს! წინ მიუძღვის ერთი კაცი და როგორც ჯარი სამწყობროში, ისე ჩაუყენებია ძაღლები და მოუდის. ნაცარქექია დაუპირდაპირდა ძაღლებს. ძაღლები გაიფანტნენ. ძაღლების უფროსმა, რომ ნაცარქექია არ დაეგლიჯათ, ჩუმად დაუცაცხანა: ხმა არ ამოიღოთო! მივიდა ნაცარქექია ძაღლების უფროსთან და ძაღლების უფროსმა უთხრა: ამათი შიშით ახლომახლო კაცს არ გაუვლია და შენ რამ გაგაბედინა აქ გამოვლო?

ნაცარქექიამ პასუხი მისცა: მე თავი მაქვს გადადებული სასიკვდილოდ და გინდა ძაღლს შევუქამივარ და გინდა მგელს, სულერთია ჩემთვისაო.

ძაღლების უფროსმა უთხრა: რა გავჭირვებია ისეთი, რომ მაგას ლაპარაკობო? ნაცარქექია მოუყვა: ასეა, ასეა ჩემი საქმეო და ამ ერთ კვირაში ხომ არაფერი გავიგია რაო? ძაღლების უფროსმა უპასუხა: სწორედ ერთი კვირა იქნება, შუადამის დრო იქნებოდა, მაღლა იცქირებოდნენ ჩემი ძაღლები და სულ წკმუტუნებდნენო.

გამოემშვიდობა ნაცარქექია და წავიდა. ძაღლების უფროსმა მო-

მბრუნა ის უკან და მისცა ერთი ძალლი: ეს ძალლი შენთვის მიჩუქნია, როგორც გინდი ისე მოიხმარეო. მხოლოდ მაგ გზათ რომ მიდიხარ, ვერაფერს ვერ შეხვდებიო. ნაცარქექია მაინც წავიდა და წაიყვანა თან ძალლი. ბევრი იარა თუ ცოტა, გავიდა ერთ ტრიალ მინდორზე და დაინახა, რომ წინ მიუძღვის კაცი და თან უკან მთელი მინდორი კატებს უკავია. გადაუხტა ძალლი კატებს და დაიწყეს ჩხუბი. როგორც იყო დააშოშმინეს.

უთხრა კატების უფროსმა: სად მიდიხარ, აქეთკენ არავინ არ ცხოვრობსო. ნაცარქექიამ უთხრა: ესე, ესეა ჩემი საქმე და იმის საქმებზელად მივდივარო. ამ ორ კვირაში ხომ არაფერი არ გაგიგიაო?

კატების ხელმწიფემ აცნობა: სწორედ ორი კვირა იქნება მას აქეთ, შუალამის დრო იქნებოდა, როცა ჩემი კატები ყალყზე იდგნენ და მალლა იტყირებოდნენ. ძალიან შხუილით გადაიარეს, მეც მესმოდა ხმაურიო.

ადგა და გამოემშვიდობა ნაცარქექია და წავიდა. ბოლოს კატების ხელმწიფე მიუბრუნდა და ერთი კატა მისცა. ეს კატა როგორც გინდა ისე მოიხმარე, შენი ნებააო. წავიდნენ სამნი: ნაცარქექია, ძალლი და კატა.

ძალიან შეუყვარდა ნაცარქექიას ეს ძალლი და კატა, ხან ერთს კოცნიდა და ხან მეორეს. თარს რომ დაუკრავდა, ორივენი თამაშობდნენ. წავიდნენ, იარეს, იარეს და გავიდნენ ერთ ტრიალ მინდორზე.

დაინახეს, რომ წინ მოდის ერთი კაცი და უკან სულ წითელი თაგვებით არის სავსე მინდორი. გადაუხტა ძალლი და კატა თაგვებს და სულ ერთმანეთში არივ-დარაა.

თაგვთა ხელმწიფემ დაუწყო ნაცარქექიას ჩხუბი, რაზე მიხოცავ ჯარსაო.

ბოლოს დააშოშმინეს ძალლიც და კატაც და დაიწყეს ლაპარაკი. ნაცარქექიამ მაშინვე ჰკითხა თაგვთა ხელმწიფეს: ასეთი ამბავი ხომ არაფერი გაგიგია ამ სამ კვირაშიო?

თაგვთა ხელმწიფემ უპასუხა: სწორედ სამი კვირის წინათ, შუალამის დროს ჩემი თაგვები სულ უკანა ფეხებზე დადგნენ, მალლა იყურებოდნენ და წრუწუნებდნენო. გამოემშვიდობა თაგვების ხელმწიფეს ნაცარქექია. მანაც აჩუქა ერთი თაგვი და უთხრა ნაცარქექიას: მანდეთ ტყუილათლა წახვალო. ერთი დღე რომ იარო, ზღვას მიადგები და ვერსად წახვალო. ნაცარქექია მაინც წავიდა. მივიდნენ ზღვის პირას, დასხდნენ და ისაღილეს თაგვმა, ძალლმა, კატამ და ნაცარქექიამ.

ცოტა ხანს დაუკრა თარი, ათამაშა თავგვი, ძაღლი და კატა და შემდეგ მწარედ ამოიოხრა. თუმცა კატამ, ძაღლმა და თავგვმა ლაპარაკი არ იცოდნენ, მაგრამ იცოდნენ თუ რა მდგომარეობაში იყო ნაცარქექია. როგორც კი შებინდა, ადგნენ სამივენი, დაიწყეს ზღვისაკენ ცქერა და კუნძულების დათვალიერება.

კატა უფრო კარგა ხედავდა ღამე და ერთ კუნძულზე რაღაც შენიშნა. უთხრა მაშინვე ძაღლსა და თავგს: ამა და ამ კუნძულზე რაღაც შევნიშნე და უნდა წავიღეთო. მივიდა კატა და ნაცარქექია წამოაყენა ფეხზე, დაუჭირა ხელი ვაჟს და უჩვენა იქითკენ, საითაც უნდა წასულიყვნენ და მერე თავად უჩვენა კატამ — შენ აქ დარჩი და ჩვენ წავალთო.

თავგი შემოაჯდა ძაღლს კისერზე და ეცნენ კიდევ ზღვას. გავიდნენ ერთ კუნძულზე. მოილაპარაკეს ჯერ, თუ როგორ უნდა მოქცეულიყვნენ.

ძაღლმა უთხრა კატას: მოდი, შენ წადი, შემოუარე იმ კოშკს გარშემო. კატა ყველასათვის საყვარელია; ისინი იტყვიან: შეიძლება გემიდან გადმოუვარდა ვინმეს და გაგიღებენ კარებსო.

წავიდა კატა. მართლაც, ისე მოიქცა: შემოუარა კოშკს ირგვლივ და დაიწყო კნავილი. გამოიხედა კარში კაცმა და უთხრა თავის ცოლს: კატაა და შემოუშვით სახლშიო. გაუღეს კატას კარები, შევიდა სახლში. შესვლისთანავე კატამ დაურბინა ყველა თაროს, მერე კამოდის უჯრებში ჩასუნა. ისინი იძახოდნენ: ალბათ, თავგია და იმისი სუნი საიდანმე მოსდისო და იმას ეძებსო. მაგრამ იმათ არ იცოდნენ, რომ კატა ბეჭედს ათვალიერებდა — სად ექნებათ შენახულიო.

დაღამდა. დაწვნიენ და შენიშნა კატამ, რომ კაცს ყელზე რაღაც ეკიდა და იმაში შიგ რაღაცა ჰქონდა ჩადებული. უყურა კატამ და ლოგინში როდესაც დაწვნიენ, კაცმა ყელზე რომ რაღაც ჰქონდა, ის მოიხსნა და ცხვირის ნესტოში შეიღო. კატამ მაშინ დაინახა, რომ ეს ბეჭედი იყო.

დაიძინეს თუ არა, კატა გამოიქცა ძაღლთან და თავგთან, მივიდა და უამბო ყველაფერი, რაც ნახა.

მოითათბირეს და გადაწყვიტეს, რომ თავგი და კატა უნდა წასულიყვნენ.

თავგმა უთხრა კატას: მე კარში ვიქნები, შენ ხომ სახლში შეგიშვებენ, როდესაც პურს სჭამენ, ათვალიერე ან ჰურჭელს სად დააწყობენ, ან მლოგვს სად შეინახავენ, ან პილპილი თუ ექნებათ, იმას სადღა შეინახავენ. ესენი ნახე კარგად და როდესაც დაწვებიან, მაშინვე შემატყობინე და შემოვალ შეგნითო.

კატა შევიდა, ქალმა და კაცმა ჰამეს პური, მოემზადნენ დასაწო-
ლად. ჰურჭელი გაშალეს. კატა ათვალეირებდა, თუ სად რას დად-
გამდნენ.

როდესაც დაწვნენ და დაიძინეს, კატამ შეატყობინა თავეს ყო-
ველივე და შეიყვანა ოთახში. აჩვენა ჭერ სადაც იდგა მღოვგი. მივი-
და თავი და ამოუსვა კუდი შიგ, შემდეგ პილპილთან მიიყვანა,
მღოვგში ამოვლებული კუდი ახლა პილპილში ჩადო და უთხრა კა-
ტას: ცხვირის რომელ ნესტოში აქვს ბეჭედით? კატამ უთხრა: მარჯ-
ვენაშიო. მივიდა თავი და მარცხენა ცხვირის ნესტოში შეუყო მღო-
ვგსა და პილპილში ამოვლებული კუდი. კაცმა ისე მაგრა დააცემინა,
რომ ბეჭედი გამოვარდა. დასტაცა ფისომ პირი და გამოიქცნენ ორი-
ვე ძაღლისაკენ. მიიტანეს ძაღლთან. ფისომ უთხრა ძაღლს: ბეჭედი
მე მქონდეს, თორემ შენ დაინახავ თუ არა ზღვაში რაიმეს, დაყეფავ
და პირიდან გამოგივარდებო.

ძაღლმა მაინც თავისი არ დაიშალა, გამოართვა ბეჭედი, შემოახტა-
თავი კისერზე და გაუდგნენ გზას. ზღვა რომ გაიარეს, აღარ ექნე-
ბოდათ ათი მეტრი გამოსასვლელი, ძაღლს წინ წეეფეთა წითელი-
თევზი. ძაღლმა დაჰყეფა და ბეჭედი პირიდან გამოუვარდა. ბეჭედი-
მაშინვე თევზმა ჩაყლაპა. ეს დაინახა მარტო კატამ. გამოვიდნენ
დაღონებულები და მივიდნენ პატრონთან.

კატა ადგა და დაჰყვა ზღვის პირზე. ქვემოთ რომ ჩავიდნენ ცოტა,
იქ ნახეს მებაღურები თევზებს იჭერდნენ. მებაღურებს ძალიან გა-
უხარდათ ძაღლისა და კატის დანახვა და ეალერსებოდნენ. კატა სულ
წითელ თევზს ათვალეირებდა. რამდენი თევზიც დაიჭირეს, იმდენი
გამოწელეს და გადაუყარეს ძაღლსა და კატას. კატა ყურს არ უგდებს.
იმ ნაწლავეებს, მაგრამ ბოლოს წითელი თევზი გაება ბადეში. გაჭრეს.
თევზი და ნაწლავეები გამოყარეს თუ არა, მაშინვე ეცა ნაწლავეებს,
იპოვა ბეჭედი და გაიქცა პატრონისკენ გახარებული.

როცა მიუტანეს ბეჭედი ნაცარქექიას, მის სიხარულს საზღვარი
არ ქონდა და ჰკოცნიდა ხან ძაღლს, ხან კატას და ხან თავგსა.

წამოვიდნენ სახლისაკენ. მოვიდნენ ჭერ თავგთა სახელმწიფოში-
ნაცარქექიამ ჩააბარა თავისი თავი მეფეს და მადლობა გადაუხადა.
შემდეგ კატათა სახელმწიფოში ჩააბარა კატაც იმათ მეფეს. წამოვი-
და ახლა ძაღლთა სახელმწიფოში და ძაღლიც დაუბრუნა პატრონს.
გადაუხადა მადლობა და მოვიდა თავის სიმამრთან.

რაკი შუალამემ მოატანა, ამოიღო ბეჭედი ნაცარქექიამ, გახსნა
და ამოუშვა ჭარი. ჭარმა უთხრა: რას გვიბრძანებ, ბატონო?

ნაცარქექიამ გასცა ბრძანება: რაც აქ იყო გაკეთებული და წაი-

ღეთ, ერთ საათში აქვე დადგითო. ის ვაჭარიც აქ მოიყვანეთ და ჩემი ცოლიცაო! წავიდნენ და მართლაც ასე მოიქცნენ. ერთ საათში სუ-ყველაფერი თავის წესზე დააყენეს.

გათენდა ღილა. გამოაღვიძა თავისი სიმამრი ნაცარქეჩიამ და უთხრა: წამოდი შენი ქალი გაჩვენო ვისთანაც არისო. მოიყვანა და დაანახა, რომ ვაჭართან იწვა.

ხელმწიფემ უბრძანა თავის მეჭინბეებს, გამოეყვანათ ორი ცხენი, მოებათ ის ქალი და ვაჭარი ცხენის კუდებზე და დაეგლეჯინებინათ. მეჭინბეებმა ბრძანება შეასრულეს.

ნაცარქეჩიამ და ხელმწიფემ იწყეს ბედნიერი ცხოვრება.

ცხვრის შვილი

ერთ მეცხვარეს თურმე ცხვარი მიუდიოდა შინ. ერთი ჯანდაგი ცხვარი დარჩა გზაზე; არც მეცხვარემ უგლო ყური და დაანება თავი. იმ ცხვარმა ერთი ნატყლაპი იპოვა და ის შეჭამა. იმისგან გაინერბა. მოუხტნენ მგლები: უნდა შეგკამოთო. ცხვარი შეეხვეწა: ახლა ხომ მხედავთ, ლუბი ვარ, ან თქვენ რა გემოს ჩამატანთო, დამაცალეთ, გავსუქდები და მაშინ თქვენ ხელთა ვარო, სამღირველოც ვიქნები და გემრიელიცაო. მგლებმაც უსმინეს ვედრება და არ შეჭამეს.

ცხვარს გაუჩნდა ვაჟი, იმის სახელი — „ცხვრის შვილი“. ის ვაჟი თურმე დღეში თითო მათრახის ტარს იზრდებოდა. ათის დღისა რომ გახდა, მკედელს მშვილდ-ისარი გააკეთებინა. როდესაც გაიგო, რომ ის მგლები ახლა კი მოვლენო, იმათ მოსასვლელ კარებში ცხრა ისარი შეინახა. მგლები მართლაც ცხრანი მოვიდნენ. ესროლა თითო და სათითაოდ დახოცა. მერე დედას ერთ-ერთ კლდეში გაუკეთა ბინა და მუდამ იქ უზიდავდა წყალსა და ბალახსა. ბოლოს თქვა ცხვრის შვილმა: ერთი ისეთი კაცი უნდა ვიშოვო, რომ ძმად გამომადგესო, ჩემისთანა იყოს და მტრის წონა ჰქონდესო. ბევრი იარა თუ ცოტა იარა, შეხვდა ერთს კაცს; ერთმანეთს გამარჯობა უთხრეს. მერე ჰკითხა: — შენ ვინა ხარო? — მე ის კაცი ვარო, ემ გორას მოვგლეჯო და იმ გორას მივარტყამო, — უპასუხა იმან. — მეც ეგეთი კაცი მანდაო, დავძმობილდეთო! — აგრეო!

დამძმობილდნენ. ბევრი იარეს თუ ცოტა, შეხვდნენ ერთ კაცსა. — შენ რა კაცი ხარო? — ჰკითხეს. — მე ის კაცი ვარო, — უპასუ-

ხა იმან. — ამ წიფლიანს ავივლი — ავამტკრევო, ჩამოვივლი — ჩამოვამტკრევო. — კარგიო, ჩვენც ეგეთი გვინდოდა, დავძმობილდეთო! — ძალიან კარგიო!

დაძმობილდნენ. წავიდნენ. ერთ მაღალს მთაზე გავიდნენ, ჩახედეს და ნახეს, რომ ქვევით ერთი ჭყანტიანია, და იმ ჭყანტიანს იქით, კარგა შორს, დევების სახლია.

ძმობილებმა თქვეს: აბა, რომელიც იმ დევების სახლს დავკრავთ, ის ვიქნებით კარგი ბიჭიო.

გაპკრა გორთა მგლეჯელმა და ჭყანტიანს აქეთ დაეცა ისარი, სახლამდე ვერ უწია.

გაპკრა წიფლიანის მტკრეველმა და ჭყანტიანში ჩაარქო ისარი, ცოტათი აჯობა გორიდრეკიას. დევების სახლთან ვერც იმან უწია.

ახლა ცხვრის შვილმა გაპკრა. ისარი დევების სახლის ბანზე მივიდა, შიგ თავში მიიჭედა, წვერი სახლში ჩააჩინა. დევებმა თქვეს:

— რამ დააგრიალა ეს ბანი, რომ კინალამ დაიქცაო, გავიდეთ, ვნახოთ რა არისო? გამოვიდნენ, ნახეს, ისარი არის დაცემული. აპხედეს მაღლა მთაზე და ნახეს, რომ კაცები გადმომდგარან და მშვილდ-ისარი უჭირავთ ხელში. სთქვეს: აბა, ვცადოთ, ამოვადროთ ისარიო! ეზიდნენ, ეზიდნენ და, რაკი ვერ ამოადრეს, გაიქცნენ და გადიყარნენ ცხრა მთას იქით. იმათ კი დაპკივლეს და დაუტიეს.

დევებს ერთი ბებერი ჰყავდათ, ის ველარ გაიქცა, მაღლა თავხეზე შესვეს და დაანებეს თავი. მოვიდნენ ძმობილებიც. ცხვრის შვილმა ნეკურა თითით ამოადრო ისარი და შეინახა. მერე ჩაიარეს და სახლი ძალიან მოეწონათ. აქ დავდგეთო, თქვეს. მეორე დღეს გორთა მდრეკელს უთხრეს:

— ჩვენ სანადიროდ წავალთ, ეს ხორცი კი არისო, და სადილი მოგვიმზადეო. — ესენი წავიდნენ. იმან ყველაფერი გააქეთა. ბებერმა დაუძახა: აქ ამომაწოდე რაც რამ გააქეთე, თორემ ჩამოვხტები და შენც შეგკამ და მაგასაცაო. აწოდა გორთა მდრეკელმა. მოვიდნენ ისენი და, რომ არაფერი დახვდათ, ჰკითხეს:

— ყველაფერი იყო და რატომ არ მოამზადეო?

— დამძინებოდა და ველარ მოვასწარიო.

მერე წიფლების მტკრეველი დარჩა. ბებერმა იმასაც ისე უყო.

მესამე დღეს ახლა ცხვრის შვილმა უთხრა:

— წადით თქვენ, და, აბა, ახლა მე დამეძინოს აქაო. — გააქეთა იმანაც და დადგა. ბებერმა იმასაც დაუძახა: ამომაწოდე რაც მანდ

გააკეთე, თორემ ჩამოვხტები და შენც და მაგათაც ერთად შეგქამ-
თო. შეიხედა ცხვრის შვილმა მალლა და დაინახა, რომ თავხეზე ღე-
ვების დედა ზის და დაუტყვერეცია თვალები. მაშინვე ესროლა ისარი
და თავხეს ზედ მიაკრა.

ლადგნენ იქ სამივე, მოიყვანეს ცხვარი და დაიწყეს ცხოვრება.

ს ი ზ მ ა რ ა

ერთი ყმაწვილი იყო და დედინაცვალი ჰყავდა. ერთხელ დედი-
ნაცვალმა პური გაფინა გასაშრობად და გერი გვერდით მიუსვა. ყმა-
წვილს დაეძინა. პურს ქათმები მიესიენ და კენკვა დაუწყეს. დედი-
ნაცვალი გაჭავრდა, გერს სცემა. — რა ეშმაკმა დაგაძინა, პური შექა-
მეს ქათმებმაო! — დედი, დედი მაცალე რა გითხრაო! — რაო? —
ჰკითხა დედინაცვალმა. — ძილმა წამიღო, ბურანმა: ცალი ფეხი ბალ-
დადს მედგა, ცალი ბალდადის ბოლოსა; აქეთ მზე მეჭდა, იქით მთვა-
რე, შუქურ-ვარსკვლავი ხელ-პირს მახანინებდაო.

დედინაცვალს სიზმარი მოეწონა, სტაცა გერს ხელი და უთხრა:
მომეცი ჩქარა ეგ სიზმარი — ეს ხომ სიზმარი იყო, აბა, რა მოგ-
ცეო? დედინაცვალმა სცემა და გააგდო ეს სიზმარა. წავიდა, იარა,
ხელმწიფის კარს მივიდა. — რას დადიხარ, ბიჭო, რას ეძებ? — ჰკი-
თხა ხელმწიფემ. — ასე და ასე იყო ჩემი საქმე, დედინაცვალმა მცე-
მა და გამაგდო, — მოახსენა ყმაწვილმა და სიზმარი უამბო ხელ-
მწიფეს.

ხელმწიფესაც მოეწონა ეს სიზმარი და უბრძანა: მომეცი ეგ სი-
ზმარიო! — აბა, რა მოგართვა, სიზმარი იყოო! აიღო ხელმწიფემ
და ეს ყმაწვილი ხაროში ჩააგდო.

ამ ხელმწიფეს ერთი მზეთუნახავი ქალი ჰყავდა. ქალს ყმაწვილი
შეეცოდა: სადილის შემდეგ აიღებდა ხოლმე საკმელს, სიზმარას
ჩუმად მიუტანდა და ხაროში ჩაუყრიდა.

ეს ხელმწიფე დასავლეთის ხელმწიფე იყო. ამ მზეთუნახავ ქალს
აღმოსავლეთის ხელმწიფე სთხოვდა, მაგრამ მამა არ აძლევდა.

ერთხელ აღმოსავლეთის ხელმწიფემ მზეთუნახავის მამას ოთხი
ჭაკი ცხენი გამოუგზავნა და შემოუთვალა: გამოიციან, რომელია ამ
ცხენებში დედა, რომელი უფროსი კვიცი, რომელი საშუალო და

და რომელი უმცროსი. თუ გამოიცნობ, ხომ კარგი, თუ არადა შენი ქალი ჩემიაო.

ხელმწიფე და მისი ქალი დაღონდნენ, რადგან ეს გამოცანა ვერ გამოიცნეს. წავიდა ქალი სიზმარასთან და უთხრა: რა გეშველება, შე საწყალო სიზმარავ! მე ხომ აღმოსავლეთის ხელმწიფეს მივყევარ, შენ აქ მშიერი მოკვდებიო და უამბო გამოგზავნილი ცხენების ამბავი. — ნუ გეშინიათ, — უთხრა სიზმარამ, — დაუდეთ ცხენებს მარილი და ბლომად აჭამეთ; მერე თავლაში შერეკეთ და კარი დაუკეტეთ. მეორე დღეს, კარებს რომ გააღებთ, დაუკვირდით: პირველად წყლის დასალევად გამოვა დედა, იმას გამოჰყვება სულ პატარა კვიცი, პატარა კვიცს მოჰყვება იმაზე უფროსი და სულ ბოლოს გამოვა დიდი კვიცი. ქალი წავიდა და ყველაფერი მამას უამბო. მართლაც ასე მოხდა.

ეს გამოცანა რომ გამოიცნო, აღმოსავლეთის ხელმწიფემ ახლა მარილის ქვა გამოუგზავნა და შემოუთვალა: ამ მარილის ქვას თუ კობად დაჭხევ, დაგეხსნები, თუ არა და შენი ქალი ჩემიაო.

ქალი ისევ სიზმარასთან წავიდა და ეს გამოცანაც უამბო. — ნუ გეშინია, — უთხრა სიზმარამ, — მამაშენმა ეს მარილის ქვა უკანვე გაგზავნოს და შეუთვალოს: პირი აართვას ამ მარილის ქვას — როგორ უნდა დახევა მსხვილად თუ წვრილად, რომ მეც იმის მიხედვით დავხიო-თქო.

ესეც რომ მიუგო, მაშინ აღმოსავლეთის ხელმწიფემ მშვილდს მოზიდა, ისარი იმ ხელმწიფის სახლის წინ ჩაერკო და ადგილიდან ვერავინ ვერ დასძრა.

ქალი ისევ სიზმარასთან მივიდა და ყველაფერი უამბო.

— ნუ გეშინია, — უთხრა სიზმარამ, —ამაღამ მე ამოვალ და ამოვიღებო.

მართლაც, იმ ღამეს სიზმარა ამოვიდა, მიანძრ-მოანძრია ისარი, ამოიღო და იქვე დააგდო, თვითონ კი ისევ ხაროში ჩაჭდა.

მეორე დილას გამოვიდა და ხელმწიფე გაკვირდა: ვინ ამოიღო, ვინა, ჩემი ქალი იმას უნდა მივცეო.

ყველა იძახის: მე, მეო, მაგრამ ხელმწიფე რომ ეტყოდა: აბა, თუ შენ ამოიღე, ახლაც დასძარ ადგილიდანაო, ისარი ვერავინ ვერ დაძრა. მაშინ ქალმა უთხრა: მამავ, იქნება ის სიზმარა ცოცხალი იყოს და იმან ამოიღოს?

გაგზავნეს ვეზირები, ნახეს: სიზმარა დევს დამსგავსებია. მოიყვანეს, აიღო ხელში ისარი, გაკრა და აღმოსავლეთის ხელმწიფის სახლში ჩაერკო.

მეფეს გაუხარდა და თავისი ქალი სიზმარას მიათხოვა. ორი-სამი კვირა ქალი და ვაჟი ერთად იყვნენ, შემდეგ სიზმარა ადგა და იმ ხელმწიფის საომრად გაემართა.

კარგა გზა რომ გაიარა, ერთი კაცი დაინახა. ეს კაცი თან ხნავს და თან მოხნულ ბელტებს ჰყლაპავს. — კაცო, კაცო, ძალიან ძნელ საქმეს არ ჩადიხარ, რომ მაგოდენა ბელტებსა ჰყლაპავ? — ჰკითხა სიზმარამ. — ეჰ, ეს რა ძნელი საქმეა. ძნელი ის არის, სიზმარამ რომ ჰქნა: ჩვენი ხელმწიფის ქალი შეირთო და მეორე ხელმწიფეს ეომებ. — მე ვარ სიზმარა. მოდი დავძმობილდეთო.

წავიდნენ. ერთ ალაგას შენიშნეს, ერთი კაცი ზღვას დაყუდებია და სრუტავს. — ძალიან საქმე არ არის, მაგოდენა ზღვას სრუტავ, — უთხრა სიზმარამ. — ეჰ, ძნელი საქმე ის არის, სიზმარამ რომ ჩაიღინა: ერთი ხელმწიფის ქალი შეირთო, მეორეს კი ეომება. — მე ვარ სიზმარა. მოდი ჩემთან, შენც ჩვენი ძმა იყავიო.

წავიდნენ სამნი. ნახეს — ერთ კაცს ფეხებზე წისქვილის ქვები შემოეცვა და კურღლებს იჭერდა. ყველას გაუკვირდა და უთხრეს: კაცო, კაცო, რა ძნელ საქმეს ჩადიხარ? — ეჰ, ეს რა ძნელი საქმეა, ძნელი ის არის, სიზმარამ რომ ჩაიღინა: ერთი ხელმწიფის ქალი შეირთო, მეორეს ეომება. — სიზმარაც მე ვარ. წამოდი ჩემთანო.

წავიდნენ ოთხნი ერთად. ნახეს: ერთ კაცს ყური მიწაზე დაუდვია და რაღაცას ლაპარაკობს. — კაცო, რას შვრებიო? — ჰკითხეს. — ქვესკნელს ჰიანჭველები იბრძვიან და მე აქედან ვაშველებ და სამართალს ვაძლევ. — ძალიან ძნელი საქმე უნდა იყოს ესა. — უთხრა სიზმარამ. — ეჰ, ძნელი საქმე ის არი, სიზმარამ რომ ჩაიღინა: ერთი ხელმწიფის ქალი შეირთო, მეორეს ეომებაო. — მე ვარ სიზმარა, წამოდი ჩვენთანო.

წავიდნენ ხუთნი ერთად. ნახეს ერთი კაცი ზევით შეჰყურებს. — რას შეჰყურებო? — ჰკითხეს. — სამი ღლეა რაც ისარი ცისაკენ ვტყორცნე და ავერ ახლა დაბრუნდა ქვევით, — უთხრა უცნობმა. — ოჰ, ძალიან ძნელი საქმე გიქნიათ, — უთხრა სიზმარამ. — ეჰ, რა ძნელი საქმეა, ძნელი ის არის, სიზმარამ რომ ჩაიღინა: ერთი ხელმწიფის ქალი შეირთო, მეორეს ეომება. — მე ვარ სიზმარა. შენც ჩვენთან წამოდიო.

წავიდნენ ექვსნი. ნახეს ერთი კაცი მტრედებს მიპარვია, ფრთებს აძრობს და ერთის ფრთას მეორეს უკეთებს, მეორისას — მესამეს, მესამისას — მეოთხეს და მტრედები კი ვერას იგებენ. — უჰ, ძალიან ძნელი საქმე არ არის, მტრედები ვერ გებულობენ ფრთებს ისე უცვ-

ლი. — ეჰ, ეს რა ძნელი საქმეა, ძნელი ის არის, სიზმარამ რომ ჩაი-
დინა: ერთი ხელმწიფის ქალი შეირთო და მეორეს ეომება. — მე
ვარ სიზმარა. აბა, შენც ჩვენი ძმა იყავიო.

წავიდნენ შვიდნი. ნახეს, ერთ მღვდელს ეკლესია აეკიდა და სა-
დაც უნდოდა იქ დასდგამდა და სწირავდა.

— ოჰ, მღვდელო, მღვდელო, სწორედ ძალიან დიდი საქმეა. მა-
გოდენა ეკლესიას რომ დაარბენინებ. — ეჰ, ეს რა ძნელი საქმეა,
ძნელი ის არის, სიზმარამ რომ ჩაიდინა: ერთი ხელმწიფის ქალი
შეირთო, მეორეს ეომებაო. — მე ვარ სიზმარა. აბა, შენც ჩვენი
ძმა იყავიო, — უთხრა სიზმარამ.

წავიდნენ რვანი. მივიდნენ აღმოსავლეთის ხელმწიფესთან და
ქალი სთხოვეს. ამ ხელმწიფემ უთხრა: ჭერ გამოგცდით, რა კაცები
ხართ და მერე ქალს მოგცემთო. სამ ღღეს ჩემს ხაბაზებს პურს ვა-
ცხობინებ და თუ ერთ ღღეს შესჰამთ, ხომ მოგცემთ ქალს, თუ არა-
და, თავებს დაგაყრევინებთ.

— არიქა, — უთხრეს ბელტიულაპიას, — კაცო, თუ იმოდენა
ბელტებსა ჰყლაპავდი, ამ გამტკიცულ პურს როგორ ვერ შესჰამო?
— თქვენ არხეინად იყავით, ისე შეეკვამ, რომ ერთი ნამცეციც არ
დარჩეს, — თქვა ბელტიულაპიამ. მრავალის უმრავლესი პური გა-
მოაცხვეს, მაგრამ ბელტიულაპიას ერთი ნატეხიც არ დარჩენია. —
კარგიო, — უთხრა ხელმწიფემ, — ახლა კიდეც ღვინოს დაგალევი-
ნებთ. თუ ჩემს ექვსურმიან ქვევრს ერთ დასხდომაზე დასცლით, ხომ
მოგცემთ ქალს, თუ არადა თავებს დაგაყრევინებთო. — აბა, ძმაო,
ზღვახვრებია, თუკი იმ მლაშე წყალსა ხვრებავდი, ამ ღვინოს განა
ვერ დალევ? — თქვენ მიმიყვანეთ და მე ვიციო.

ზღვახვრებია ქვევრთან მიიყვანეს, დახედა ქვევრს, გაიცინა და
თქვა: აბა, ძმაო, ხრუპი ვქნა, ხრაპი არ არის და სრუპი ვქნა, სრაპი
არ არისო.

დაეწათა ქვევრს და სულ ამოსრუბა. — კარგიო, თქვა ხელმწი-
ფემ, — ახლა მოდით და სამი ღღის სავალიდან წყალი მოვატანინოთ;
თქვენ თქვენი კაცი გაგზავნეთ, მე ჩემ კაცს გაგზავნი. თუ ჩემმა
კაცმა მოასწრო, არც ქალს მოგცემთ და თავებსაც დაგპრით. თუ
თქვენმა კაცმა მოასწრო, მაშინ ჩემი ქალი წაიყვანეთ.

ახლა კურდღელს რომ იჭერდა, იმას უთხრეს: კაცო, ფეხებზე
წისქვილის ქვებწამოცმული კურდღელს იჭერდი, წყალს მალე რო-
გორ ვერ მოიტან? — ოღონდ გამგზავნეთ და მე ვიციო.

წავიდნენ ისა და ხელმწიფის კაცი. ერთი ღღე ირბინეს. ჩამორჩა
უკან ხელმწიფის კაცი, ქვებიანი კი მირბის და მარბის. ხელმწიფის

კაცმა ხერხი მოიგონა, დაუძახა და უთხრა: კაცო, მოიცა, ნელა წავიდეთ, თავს რასთვის ვიხოცავთ, ცოტა შევისვენოთ და ისე ვიაროთო! ამანაც დაუჭერა. დასხდნენ, პური სჭამეს, ღვინო დალიეს. პურის ქამის ღროს ხელმწიფის კაცმა ქვებიანს ღვინის მაგივრად ბანგი შეაპარა.

დაწვა ქვებიანი და დაეძინა. ხელმწიფის კაცი კი წავიდა ორი ღლის სავალი გზა გააარა, მივიდა წყალთან, აავსო ჭურჭელი და გამოიარა კიდევ ერთი ღლის სავალი გზა. ქვებიანს კი ისევ სძინავს.

სიზმარამ მეისრეს უთხრა: აბა, ერთი გაიხედე და გაიგე, ის კაცი მოდის, იქვე არის, თუ რა დაემართა. გაიხედა და სთქვა: ვაიმე, ვაიმე, ჩვენს კაცს შუა გზაზე სძინავს და იმათ კაცს კი ჭურჭელი აუვსია და მოდის. — აბა, თუ გვიშველი რასმე, — შესძახეს ყველამ.

მეისრემ მშვილდ-ისარი მომართა, გასტყორცნა და ისარი წისქვილის ქვას მოახვედრა. დაიმსხვრა ქვა; გამოელვოდა მძინარეს, წყლისაკენ მოჰკურცხლა, ჭურჭელი წყლით აავსო და ერთი ღლის სავალთ კიდევ მოასწრო ხელმწიფის კაცს. — ახლა კი დაიწერეთ ჭვარი, — უთხრა ხელმწიფემ. სიზმარამ მიწის მხენელს მისცა ქალი.

წაიყვანეს და ჭვარი დასწერეს. იმ დამეს ხელმწიფემ კარგი ნაღიმი გაპართა, მაგრამ თავის კარისკაცებს ჩუმად უთხრა: სტუმრების კერძში ისეთი წამალი ჩააყარეთ, ყველანი მოიწამლონ და დაიხოცონო.

ამ საიდუმლო ლაპარაკს ყური მოჰკრა ჭიანჭველების მოსამართლემ და ეს ამბავი მტრედებს რომ ფრთებს უცვლიდა, იმას უთხრა. ამანაც ისე შეუტვალა თეფშები, რომ მეფის ხალხმა ვერაფერი გაიგო რა, და ვინცა სჭამა, ყველა დაიხოცა. — ახლა მომიყვანეთ ისეთი კაცი, რომ ჩემი ქალის მზითევი დასძრასო, — სთქვა ხელმწიფემ. — არიქა, მღვდლო, გვიშველე. თუკი იმოღენა ეკლესიას დაარბენინებდი, ამ მზითევს როგორ ვერ დასძრავ? — თქვენ დარდი ნუ გაქვთ, — სთქვა მღვდელმა, — მზითევს კი არა, თუ გინდა თქვენც ზედ დასხედითო.

აჰკიდეს მღვდელს მზითევი, ის იძახის: მოიტათ, მოიტათო. წამოვიდნენ ყველანი და შინ მშვიდობით მივიდნენ. ყველამ თავ-თავისი ადგილი მონახა და საქმეზე დადგა.

ამ მოგზაურობაში გავიდა ხუთი-ექვსი წელიწადი. სიზმარას ქალვაჟი უკვე დიდები გამხდარიყვნენ. როცა სიზმარა თავის ხელმწიფე სიმამართან მივიდა, ცოლი ერთ მხარეს მოისვა, ქალიშვილი — მეორეს. ვაჟიშვილმა აიღო ოქროს სურა, თავის მამას წინ ოქროს ტაშტი დაუდგა და ხელპირი დააბანინა. — აი, ეს მზეა და ეს მთვარეო, —

მოახსენა სიზმარამ და მოხვია ხელები ცოლ-შვილს. აი ეს კიდევ შუქურვარსკვლავია, ხელ-პირს რომ მახანინებს. აბა, ესენი როგორ მოგცე შენო...

ხელმწიფემ თავისი ტახტი დაულოცა და თავისი სამეფო გვირგვინიც იმას გადასცა.

შავ-თეიმურაზი, მზამ-თეიმურაზი და მთვარე-თეიმურაზი

იყო და არა იყო რა, ღვთის უკეთესი რა იქნებოდა, იყო ერთი ცოლ-ქმარი, რომლებსაც ერთი შავი ცხენის მეტი არა გააჩნდათ რა. ეს ცხენი იყო მათი საზრდო და იმედი. წავადოდა დილით ცხენი ტყეში, დამაკდებოდა იქ, მოვიდოდა საღამოზე, მოიგებდა კვიცს, დაკლავდნენ ცოლ-ქმარი კვიცს და შეჭამდნენ. ასე გადიოდა დღეები და წლები. ბოლოს მოსწყინდათ კვიცის ჭამა და სთქვეს: როცა ცხენი მოვა და მოიგებს კვიცს, თვით ცხენი დავკლათ, შევჭამოთ და მერე ისე ვიცხოვროთ, როგორც ღმერთი გვიჩვენებსო.

ცოლ-ქმარს ჰყავდა ერთი გულთმისანი ფინია. შეებრაღა ფინიას ცხენი, შეეგება გზაში და ყველაფერი შეატყობინა. ცხენმა უპასუხა, თუ ასე გებრალეები, აბა მიშველე, მე ფეხებს თოკით შემიკრავენ, შენ წადი წინ, ეს თოკი დაკეფსე და როცა გამიჭირდება, ადვილად გავწყვეტავ, ავდგები და წიხლებით დავხოცავ ყველასო. ფინიამაც და ცხენმაც ყველაფერი ასე შეასრულეს. ცხენი გადარჩა წაიყვანა კვიცი, წავიდა შავ ტყეში და დაიწყო იქ ძველებური ცხოვრება: დილით წავიდოდა, დამაკდებოდა, საღამოს კი კვიცს მოიგებდა. როცა დიდი ჯოგი გაუხდა ცხენებისა, დედა-ცხენმა სთქვა, ასეთი ყოფნა რა ყოფნაა, სულ კვიცების შობა მომწყინდა. ღმერთო, როგორც გამაჩინე, ისე დამარჩინე და ერთი ადამიანის შვილიც ჩამისახე მუტელში, რომ ამ ცხენებს მოუაროსო. შეუსრულა ღმერთმა ნატვრა და ეყოლა ისეთი ვაჟი, რომ სხვა რომ წლობით იზრდებოდა, ის დღით იზრდებოდა. დავაჟკაცდა შვილი და მოინდომა ქვეყნის გაცნობა. მივიდა დედა-ცხენთან და სთხოვა:

— დედა, გამიშვი, წავალ, გავიგებ ქვეყანაზე რა ხდებაო. ბევრი უშალა დედამ, მაგრამ არ დაიშალა. ბოლოს დედამ უთხრა:

— შვილო, რაკი აგრეა, აი ჯოგი, აირჩიე, რომელი კვიციც გინდა, შეჯექი და წადიო.

აარჩია ვაჟმა ერთი კვიცი და შეჯდა. დაიწყო კვნესა და გმინვა კვიცმა: ეს რა უსამართლობაა, უმცროსი ძმა უფროს ძმას ზურგზე აჯდებაო. ვაჟმა რა იცოდა, რას ნიშნავდა კვიცის სიტყვები. მივიდა დედასთან და ჰკითხა: დედა, რას ამბობს ეს კვიციო? დედამ უთხრა: შვილო, ეგ გაუშვი და სხვაზე შეჯექიო. მეორე კვიცმაც ისე თქვა და იწყო გმინვა. ვაჟმა ისევ დედას ჰკითხა: ეს კვიცი რატომ ამბობს ამ საყვედურსო? დედამ არ გაუშხილა საიდუმლო და დაარიგა: სხვაზე შეჯექი და როცა დაიწყოს, ლაგამი ჩაჰკარ მაგრა პირში და ხმას აღარ გაიღებსო. ვაჟიც ასე მოიქცა და წავიდა.

მიდის გზაზე ვაჟი, მიდის და თანაც ფეკრობს: მივდივარ, მაგრამ რომ ვინმე შემხვდეს და მკითხოს: ვინა ხარ, რა გქვია, ან ვისი შვილი ხარ, რაღა ვუთხრაო. მობრუნდა ისევ დედასთან და ჰკითხა: დედა, მითხარი რა მქვია, ვისი შვილი ვარ, მამაჩემის სახელი რა არისო? დედამ არც ახლა უთხრა ყველაფერი, მხოლოდ დაარიგა: წადი, შვილო, და თუ ვინმემ გკითხოს, მიუგე, რომ შენ ხარ შავ-თეიმურაზი, შავი ცხენის შვილი და ტყეში შობილი.

წავიდა ვაჟი, მიდის და მიდის. იარა, იარა, ცოტა იარა თუ ბევრი იარა, ბოლოს შემოხვდა ერთი ჰაბუკი, რომელსაც მზე-თეიმურაზი ერქვა. შეუტია შავ-თეიმურაზს და შეჰყვირა:

— ვინ ხარ და როგორ გაბედე ამ ჩემს სამფლობელოში შემოსვლა, აქ ჩემი შიშით ჰიანჰველასაც ვერ გაუვლია! — შავმა თეიმურაზმა შეუტია:

— ვინა ვარ და მე განლაგარ შავ-თეიმურაზი, შავი ცხენის შვილი, შავმთაში გაზრდილიო. შეშინდა მზე-თეიმურაზი და ძმობა სთხოვა. შეჰფიცეს ერთმანეთს ძმობა და წავიდნენ ერთად.

იარეს, იარეს, ბევრი იარეს თუ ცოტა, შეხვდნენ ერთ ჰაბუკს. ჰაბუკმა შეუტია მათ:

— ვინ ხართ, აქ რომ გაგიბედაათ მოსვლა? აქ ჩემი შიშით ჰიანჰველასაც ფეხი ვერ დაუდგამს მიწაზე, მე ვარ მთვარე-თეიმურაზიო. შავ-თეიმურაზი არც აქ შეშინდა, შეუტია მთვარე-თეიმურაზს და უთხრა:

— მე განლაგარ შავ-თეიმურაზი, შავი ცხენის შვილი და შავმთაში გაზრდილიო. შეშინდა მთვარე-თეიმურაზი და ძმობა სთხოვა. დაძმობილდნენ და გასწიეს ერთად.

იარეს, იარეს ძმობილებმა და მივადნენ ერთ სახელმწიფოში. როცა შემოალამდათ, ერთ დედაბრის ქოხს მიადგნენ და ლამის გა-

სათეგი ბინა სთხოვეს. დედაბერმა გაუღო კარები და, როცა დაისვენეს, პკითხა:

— შვილებო, ვინა ხართ, ან რაზე მოსულხართო? — სტუმრებმა უთხრეს:

— ჩვენ ესა და ეს ვართ, საცოლეებს დავეძებთ, ერთი კაცის შვილები უნდა იყვნენ და მზეთუნახავები, სხვას ვერ შევირთავთო. თუ იცი ისეთი კაცი, რომ სამი მზეთუნახავი ქალი ჰყავდეს, დედაშვილობას, გვასწავლეო. — დედაბერმა უთხრა:

— შვილებო, ასეთი კაცი როგორ არ ვიცი, მაგრამ მისი ქალები, აი, იქ რომ გზაჯვარედინი მოჩანს, მარჯვნივ ერთ ხაროში ჰყავს სამ ძმა დევს ჩამწყვდეული და იქ რომ მიხვიდეთ, ვერც ერთი ცოცხალი ვერ დაბრუნდებითო. ხაროდან ისეთი სიცხე ამოდის, რომ ვინც მიეკარება, იწვისო.

ვაუებმა სთქვეს: ჩვენი საქმე ეს ყოფილა, რაც მოგვივა მოგვივა, წავიდეთ და ბედი ვცადოთო. რადგან აღარ იშლიდნენ, დედაბერმა ურჩია: — შვილებო, თოკი მოიბით და თითო-თითო ჩადით ქვესკნელში, ერთმა თუ ვერ გაუძლოთ სიცხეს, მეორემ სცადეთ, ან მესამემო.

წავიდნენ ვაუები, მაადგნენ ქვესკნელის პირს და ნახეს, რო აღმური ამოდის ქვესკნელიდან. მოიბა მზე-თეიმურაზმა თოკი და ჩაუშვეს ხაროში. შუაზე რომ მიატანა, იყვირა: დავიწვი, დავიწვი, ძმებო, ზევით ამწიეთო. ძმებმა ამოიყვანეს. შემდეგ მთვარე-თეიმურაზმა მოიბა თოკი, მაგრამ იმასაც ისე დაემართა. ბოლოს მიდგა ჯერი შავ-თეიმურაზზე. მოიბა თოკი და სთხოვა ძმობილებს: — ჩამიშვიო, მაგრამ თუ ვიყვირო, სულ ძირსა და ძირს ჩამიშვიო, ზევით არ ამომიყვანოთო. ჩავიდა თუ არა შუაძღის, იყვირა: — დავიწვი, მიშველეთ, ზევით ამიყვანეთო, — მაგრამ რას გაუგონებდნენ! სულ ქვევით და ქვევით ჩაუშვეს.

შავ-თეიმურაზი ჩავიდა ქვესკნელში. იარა, იარა და დაღამებისას მიადგა ერთ დედაბრის ქოხს და შეეხვეწა: — დედაშვილობას, მზეთუნახავ ქალებს ვერ მიმასწავლიო? დედაბერმა მიუგო: — სწავლიოთ კი გასწავლი, შვილო, მაგრამ ქალები დევებსა ჰყავს ცოლებად. უფროსი თორმეტთავიანს, საშუალო ცხრათავიანს და უმცროსი რვათავიანს; რომ მიხვიდე, წაგახდენენ, შეგკამენო. ვაჟმა არ დაიშალა და გასწია დევებისაკენ.

იარა, იარა და მიადგა თორმეტთავიანი დევის სასახლეს. ჰკრ დაკეტილ კარებს წიხლი, შელეწა და შევიადა. ქალი შინ იყო, დევი კი სანადიროდ იყო წასული. შავ-თეიმურაზი ისე მოეწონა ქალს,

ისე რომ, თვალეები ზედ დარჩა, თანაც შეებრალა და უთხრა: — რა ლამაზი ყმაწვილი ხარ, ბრალი არაა, შენ რომ ახლა დევი შეგკამ-სო? ვაჟმა მიუგო — ჩემი ჭავრი ნუ გაქვს, მე ვიცი და დევმა, შენ საკმელი გექნება და ის მომიტანეო. ქალმა მიუგო: — აბა, რა უნდა მქონდეს, რომ გაქვამო, მარტო თორმეტი თონე პურიც გამომცხვარი, თორმეტი ბულა კამეჩი მოხარშული და ეს იმასაც არ ეყოფაო. — ვაჟმა მოატანინა სუყველაფერი და ხელად გაათავა.

ამ დროს მოვიდა დევიც, გადმოხტა რაშიდან. შავ-თეიმურაზი ზის ოქროს ტახტზე, უკრავს ოქროს ჩონგურს და ათამაშებს ოქროს კრავს. რაშმა იკრა ადამიანის სუნი და შეფრთხა. დევმა შეუტია: — შე ოხერო, რა გაფრთხობს, შავ-თეიმურაზი ხომ არ მოსულაო?! — შიგნიდან შავ-თეიმურაზმა დაუძახა: — აქ გახლავარ და მობრძანდიო! შევარდა დევი და ეცნენ ერთმანეთს. გეგონებოდით ორი მთა ეცა ერთმანეთსაო. სძლია შავ-თეიმურაზმა, დასცა ძირს დევი და გააგდებინა თორმეტივე თავი. შემდეგ ამოიღო ოქროს ბეჭედი და დანიშნა ქალი. ქალს მოსწონდა ვაჟი და გაუხარდა, მაგრამ შავ-თეიმურაზმა უთხრა: შენ ჩემი უფროსი ძმის ცოლად გნიშნავო. ქალი დაღონდა, მაგრამ რაღას იზამდა.

მეორე დილას წაიყვანა ქალი და მიადგა ცხრათავიანი დევის სა-სახლეს. იქაც შეამტვრია კარები, შეკვამა ცხრა თონე პური და ცხრა ბულა კამეჩი. შეება დევს, მოსკრა ცხრავე თავი, დანიშნა ქალი საშუალო ძმისთვის და წავიდა მესამე დევთან, მოკლა ისიც და წაიყვანა უმცროსი ქალი თავისთვის. ქვესკნელის კარს რომ მიადგა ზევით ამოსასვლელად, ჯერ უფროსი ქალი მოაბა თოქს და აუშვა, მერე საშუალო. როცა ჯერი მის ცოლზე მიდგა, მან უთხრა:

— ჯერ შენ ადი, მერე მე ამოვალ თუ არა ძმები გიღალატებენ, შენ ქვესკნელში ჩაეტოვებენო.

ვაჟმა არ დაიჯერა, ჯერ ცოლი აუშვა, მერე თვითონ მოეჭიდა თოქს, მაგრამ შუაზე რომ ავიდა, ძმებმა გადაჭრეს თოქი და ისევ ქვესკნელში მოადინა ბრავანი შავ-თეიმურაზმა. ქალმა ჩასძახა: — აკი გეუბნებოდა, რატომ არ დაიჯერეო. მერე ასწავლა: ნუ გეშინია, მანდ ბაღში სამი თხაა: წითელი, შავი და თეთრი. თეთრს თუ დაიჭერ და შეჭდები, მალლა ამოგაგდებს, წითელი აქეთ-იქით მიგა-ხეტქებს და შავზე თუ შეჭდები მეორე ქვესკნელში ჩაგაგდებსო.

ირბინა, ირბინა ვაჟმა, მაგრამ ვერ დაიჭირა ვერც თეთრი და ვერც წითელი თხა. მხოლოდ შავი დაიჭირა და სთქვა: რა ვუყო, რაც იქ-

ნება, იქნება, ამაზე შეეკლებიო. შეჯდა და იმწამსვე ქვედა ქვესკნელში მოადინა ბრაგვანი.

რალას იზამდა ვაჟი? ადგა და გაუდგა. იარა, იარა და მიადგა ერთ დედაბრის ქოხს და ლამის გასათევად ბინა სთხოვა. დედაბერმა მიიღო და შეუდგა ვახშმის მზადებას. მოიტანა შარდი და დაუწყო შავ ფქვილს ზელა. იყვია ვაჟმა:

— ბებერო, ეგ რა ჰქენიო?

— რა ვუყო, შვილო, უპასუხა ბებერმა, — წყაროზე გველვეშაპია, არავის წყალს არ გვანებებს, ვინც მივიდა, ყველა შეჭამა და მე რაღა ვქნაო. ჩვენი ხელმწიფე წელიწადში თითო ქალს აძლევს, მაშინ ისიც, ვისაც ჭურჭელი აქვს, ყველას უვსებს წყლით, მე კი ჭურჭელი არა მაქვს წყლის სამყოფი და ასე ვიტანჯებით. ვაჟს სულ ცეცხლი მოედო ბრაზისაგან. დავლო ხელი კოკას, მშვილდ-ისარს და გასწია წყლისაკენ. წყალთან აბია ხელმწიფის მზეთუნახავი ქალი და მწარედ ტირის. ვაჟმა ჰკითხა:

— რა გატირებსო?

— როგორ რა მატირებს, გველვეშაპი მოვა საცაა და შემჭამსო.

— ნუ გეშინია, — მიუგო ვაჟმა, — დაჩქი და ერთი კალთაში დამაძინეო. ჩაუდო ქალს კალთაში თავი და ტკბილად ჩაიძინა. იმხუვლა ცაში გველვეშაპმა და დაეშვა ძირს. ქალმა ცხარე ცრემლები გადმოუშვა თვალებიდან. ერთი ცვარი ლოყაზე დაეცა მძინარე ყმაწვილს და გამოეღვიძა. მოსწია მშვილდს, გასხლტა ისარი, ეცა ჰაერში მომფრინავ გველვეშაპს და შუაზე გააპო. იმოდენი იყო ის წყეული, რომ სისხლი ზღვად დადგა და ხორციდან დიდი მთები აღიმართა.

გახარებული ქალი მამასთან გაიქცა, ვაჟმა კი აავსო კოკა წყლით და მიურბენინა დედაბერს ქოხში. დედაბრის სიხარულს საზღვარი არ ჰქონდა. მაგრამ ხელმწიფეს ძლიერ შეეშინდა, ქალი რომ ცოცხალი დაინახა; იფიქრა, გველვეშაპს გამოპარვია, მოვა ახლა ის წყეული და მთელ სახელმწიფოს დამიქამსო. ქალმა რომ უამბო, რაც მოხდა, გაუხარდა ხელმწიფეს, მაშინვე მოიპატიჟა მთელი სამეფო და გამართა ლხინი. ქალს უთხრა: — ვინ იყო ის შენი მხსნელი ჰაბუკი, დაუარე სტუმრებს და მიჩვენეო. ქალმა დაუარა, მაგრამ ჰაბუკი იქ არ აღმოჩნდა. თურმე, ჰაბუკს ეთქვა დედაბრისთვის: — ვინც მოვიდეს, არ უთხრა, რომ სტუმარი მყავსო. ხელმწიფემ მეორედ გამართა ნადიმი და ყველა მოაყვანინა. მეტი გზა რომ არ იყო, ყმაწვილი გავიდა ქალაში, დაიჭირა კურდღელი, ჩაისვა ჭიბეში და ისე დაჯდა სტუმრებში. დაუარა ქალმა და შეამჩნია ვაჟი, მაგრამ ახლოს

ვერ ბედავდა მისვლას, ვაჟი მაშინვე კურდღელს ამოაყოფინებდა თავს ჯიბიდან და შეაშინებდა ქალს. ბოლოს გაუჭირდა ქალს და მოახსენა მამას: აქ გახლავს ის ვაჟი და მოაყვანიეო.

მოიყვანეს ხელმწიფესთან ვაჟი. — რა მოგცე, შვალო. მაგ სიკეთისათვის? — ჰკითხა ხელმწიფემ ვაჟს, — გინდა ნახევარ სახელმწიფოს გაჩუქებო. — შენი არათფერი არ მინდა, ოღონდ ზევით ამიყვანეო, — უთხრა ვაჟმა.

ხელმწიფეს ემძიმა ეს თხოვნა, მაგრამ მაინც აღუთქვა. მოაყვანინა ფასკუნჯი და უთხრა: შენ რომ გველეშაპი შეილებს გიჰამდა, აი, ამ ყმაწვილმა მოჰკლაო. მივარდა ფასკუნჯი ვაჟს და თაყვანი სცა. მერე ხელმწიფემ უთხრა ფასკუნჯს, ზევით უნდა აიყვანო ვაჟიო. მაშინვე შეისვა ფრთებზე ვაჟი და წამოვიდა წიწინ-წიწინით. ზურგზე თორმეტი უღელი ხარი ეკრა საგზლად. რამდენს დააღებდა მოშეებული ფასკუნჯი პირს, იმდენჯერ თითო-თითო ხარს ჩაუგდებდა ვაჟი. ცოტადა აკლდა ამოსვლას, რომ შემოეღია ვაჟს ხორცი. ფასკუნჯი წვიხს: შია, ხორცი უნდა ვაჟმა მოიგლიჯა ბარძაყზე ხორცი და შეაჭამა ფასკუნჯს. ერთი მძლავრად შეატრიალა ფრინველმა ფრთები და ამოფრინდა ზედა ქვეყანას. ვაჟს ჰკითხა: — რა იყო ისე ტკბილი, ზოლოს რო მაჭამეო?

ვაჟმა უჩვენა მოგლეჯილი და სისხლიანი ბარკალი. ფასკუნჯმა მოუსვა ფრთა და ჰკრილობა მოუჩინა, მერე გამოეთხოვა ვაჟს და ჩაფრინდა ისევ ქვესკნელში.

ჭირი იქა, ლხინი აქა,
ეატო იქა, ფქვილი აქა.

ზღაპარი ივანე ცისკრისა

იყო და არა იყო რა, ღვთის უკეთესი რა იქნებოდა, იყო ერთ ქალაქში ერთი მკედელი. შეილები არ ჰყავდა და გულით კი უნდოდა. ერთხელ მკედლის ცოლი წყალზე იყო. კოკას რომ ავსებდა, ნახა, რომ წყალს სამი ვაშლი მოჰქონდა. მკედლის ცოლი დასწვდა ვაშლებს, ამოიღო წყლიდან და წაიღო სახლში. ერთი ვაშლი ქმარს მისცა, ერთიც თვითონ შეჭამა და ერთიც შუაზე გაიყვეს.

დაორსულდა მკედლის ცოლი. დადგა მეცხრე თვე, ასტივდა

მუცელი და დაუძახეს ბებერს, რომ ეშველა. საღამოზე ბავშვმა დედის მუცლიდან დაიძახა:

— წადით, მღვდელი მოიყვანეთ, რომ მომნათლოთ, თორემ დავიბადები თუ არა, გავფრინდები ცაშიო! მართლაც, ბინდუნედ დაიბადა ვაჟი, მონათლეს და დაარქვეს ივანე საღამოსი. მოწოვა ვაჟმა ძუძუ და გაფრინდა ცაში. ის იყო მღვდელი უნდა წასულიყო სახლში, რომ მეორე ვაჟმა დაიძახა:

— მღვდელი არ წავიდეს, შუალამის დროს მეც დავიბადებიო! — შუალამის დროს დაიბადა მეორე ვაჟიც; მონათლეს და დაარქვეს ივანე შუალამისა. მოწოვა მანაც ძუძუ და გაფრინდა ცისაკენ. თენებაზე, ცისკარზე დაიბადა მესამე ვაჟი. მონათლეს და დაარქვეს ივანე ცისკარი. მოწოვა ივანე ცისკარმა და გასწია ცისაკენ.

ამის შემდეგ ძმები ცხოვრობდნენ ღრუბლებთან და დასრიალებდნენ ვარსკვლავების ახლოს. დედასთან მარტო დღეში ერთხელ მოფრინდებოდნენ ხოლმე ძუძუს მოსაწოვად: ივანე საღამოსი საღამოზე მოფრინდებოდა, ივანე შუალამისა შუალამის დროს და ივანე ცისკარი ცისკარზე. მოსწოვდნენ ძუძუს და გაფრინდებოდნენ ისე, რომ ერთხელ არ უნახავთ ძმებს ერთმანეთი.

გავიდა კარგა ხანი, მოიზარდნენ ძმებიც. ახლა, რაკი ძუძუს არა სწოვდნენ, გვიან-გვიან მოდიოდნენ სახლში. მოვიდოდნენ კვირაში ერთხელ, წაიღებდნენ საკმარის პურს და წავიდოდნენ ისევ.

იმ ქალაქში ერთი ხელმწიფე იყო, ხელმწიფეს სამი მზეთუნახავი ქალი ჰყავდა. ქალები არ გამოდიოდნენ გარეთ არც დღე და არც ღამე, ეშინოდათ, არ მოგვეკიდოს ან მზე და ან სიცივეო. ერთხელ მამამ უთხრა ქალებს:

— შვილებო, მუდამ სახლში სხედხართ, გადით გარეთ, ნახეთ მზე, ქვეყანაო! — ქალებმა უსმინეს მამას და გამოვიდნენ სასეირნოდ. შუადღე იქნებოდა როცა უცებ მოიღრუბლა, დაიწყო ელვა-ქექა და ჩამოხველდა. მოფრინდა ერთი დევი, მოიტაცა ეს ქალები, და შეერია ღრუბლებში. გავარდა ხმა ქალაქში, ხელმწიფის ქალები დაიკარგნენო.

შეწუხდა მთელი ქალაქი, დადონდა ხელმწიფეც; შველა აღარსაიდან იყო. გაგზავნეს მაძებრები, მაგრამ კვალი ვერსად იპოვეს. ბოლოს მოვიდა ბებერი — ბებია ივანე ცისკრის დედისა და უამბო ხელმწიფეს, რომ ამ ქალაქში ერთ მჭედელს სამი ვაჟი ჰყავს, სამივე ცაში ცხოვრობს, როგორც ფრინველები, ცაც იმათ ხელშია და ქვეყანაცა, თუ ეცოდინებათ, ისევ იმათ ეცოდინებათ, რა იქნენ ზენი ქალებიო. ხელმწიფემ მაშინვე წვეულება გამართა და გაგზავნა კაცი

მკედლის შვილების დასაპატიჟებლად. დედამ პირობა მისცა ხელმწიფის კაცს, რომ დაეაბრუნებ სახლში და გამოგზავნი ხელმწიფესთანაო.

სალამო ხანზე მოვიდა ივანე სალამოსი, უფროსი ვაჟი. დედა ძლივს დაესწრო შვილის ნახვას, ასვა-აჭამა და, როდესაც შვილი უნდა წასულიყო, დედამ დაუწყო თხოვნა: — დარჩი, შეილო, ჩემთან ამაღამ, ხვალ ხელმწიფეს წვეულება აქვს და დაგვატიჟათო. დარჩა ივანე სალამოსი დედასთან; დედამ დაუგო ლოგინი და დააწვინა. შუალამის დროს ივანე შუალამისა მოვიდა. მასაც გაუშასპინძლდა დედა და სთხოვა: — დარჩი აქ ამაღამ, ხვალ უნდა ხელმწიფესთან წავიდეთო. ივანე შუალამისა დასთანხმდა დედის თხოვნას და დარჩა. სახლში მძინარე კაცი ნახა და ჰკითხა დედას: — ეს ვინლა არის, რომ აქა სძინავსო? დედამ უთხრა: — ეგ შენი უფროსი ძმა არისო, ორივე ერთ ლამეს დაიბადენითო. დაიძინა ივანე შუალამისამაც. თენებას ივანე ცასკარიც მოჰყვა. იმასაც გაუშასპინძლდა დედა და დააწვინა ისიც ძმების ახლოს.

თენება იყო. უფროსი ძმა ივანე სალამოსი ძილით იყო გამომცხვარი, ივანე შუალამისა შუა ძილში იყო და ივანე ცისკარს მაშინდა ჩაეძინა. უფროსი ძმა ადგა და რომ ნახა ორი უცხო კაცი, ძალიან გაჯავრდა: — სხვას რა ხელი აქვს, რომ ჩემს სახლში შემოდიან ჩემს დაუკითხავადო? უნდოდა მათი დახოცვა, მაგრამ არც ისარი ჰქონდა და არც ხმალა. მივიდა, სწვდა ივანე ცისკრის ხმალს (აბჯარი მარტო ივანე ცისკარს ეშოვა), მაგრამ ძვრა ვერ უყო. დედამ დაინახა, ივანე სალამოსი რომ ხმალს ეზიდებოდა და შეშინებულმა ჰკითხა: — რად გინდა, შეილო, ხმალი, აქ რა მტრები გაწუხებდნენ? — ესენი ვან შემოგიყვანა სახლშიო? — ჰკითხა ივანე სალამოსამ. — ეგენი შენი ძმებია. სამივე ერთ ლამეს დაიბადენით და ეგენიც მოვიდნენ პურის საკმელად და დაეაბრუნეთო.

გამოიღვიძეს ძმებმა, გადაეხვივნენ ერთმანეთს და გადაჰკოცნეს. მერე წავიდნენ ხელმწიფესთან, ხელმწიფემ დიდი პატივით მიიღო ძმები და ბრძანა, რომ კარგად გაშასპინძლებოდნენ მათ. საღილის ბოლოს ხელმწიფემ ჰკითხა უფროს ძმას, ივანე სალამოსას, — ცაში დაღიხარ, ქვეყანას ხელავ, ნახავდი, ჩემი ქალები სად არიანო. ივანე სალამოსამ უარი უთხრა, მე არ მინახავს არსად ისინიო, ივანე შუალამისამაც ისე უთხრა. ივანე ცისკარზე მიდგა ჭერი.

ივანე ცისკარი წაშოდგა, დაუტრა თავი ხელმწიფეს და უთხრა:

— ბედნიერო ხელმწიფევე, ერთ მალალ მთის წვეკრზე ვიწქეა, ცას ვუყურებდი და ღრუბლების რეყასაო. უცებ მომესმა წივილი და ქა-

ლების ტირილიო. შეეხებდე და დავინახე, მოფრინავს დევი და მოაწივლებს ქალებსაო. მე მაშინვე მშვილდს მოვავლე ხელი, მაგრამ მალე ისევ დავაგდე, დევის მოვკლავდი, ჩამოვარდებოდა და ქალებიც დაიხოცებოდნენ; წავიდა და წააყვანა ქალები. მას შემდეგ აღარაფერი არ გამიგიაო.

ხელმწიფეს გაუხარდა, რომ ბოლოს კვალი იპოვა თავის ქალები-სა. ივანე ცისკარს უთხრა:

— წადი, იპოვე ჩემი ქალები და თქვენ მოგცემთ ცოლებადო. უმცროსი ისეთი ლამაზია, რომ მზეს შეშურდება იმას სილამაზე, ის შენი ცოლი იქნებაო.

ივანე ცისკარი დათანხმდა; მან აზრით იცოდა, სადაც ცხოვრობდა ის დევი. წაასხა ძმებიც და გაუღვა გზას. ბევრი იარეს თუ ცოტა, მივიდნენ ერთ მთასთან. მთას ცალი ფეხი ერთ ზღვაში ედგა და მეორე—მეორე ზღვაში. მაღალი წამოხურული კლდე იყო, თვალი ვერ ასწვდებოდა. კლდის ძირს ერთი კარავი ნახეს. კარავში ერთ რკინის კაცს ეძინა, თავი მთასავითა ჰქონდა.

ივანე ცისკარმა გაგზავნა ძმები: წადით, გააღვიძეთო. მივიდნენ ძმები დევის გამოსაღვიძებლად, მაგრამ ვერაფერი შეასმინეს. მობრუნდნენ და უთხრეს ივანე ცისკარს, რომ ვერ გავაღვიძეთო. ივანე ცისკარი მივიდა დევთან და ჩაჰკრა თავში მშვილდი. რკინის კაცმა სთხოვა ივანე ცისკარს: მიძმეო და გამოვადგებო. ივანე ცისკარმა უთხრა:

— შენი თავი იმაში მეჭირვება, რომ ამ კლდეზე აგვიყვანო. რკინის კაცმა უთხრა:

— შენ მძვდელი ხარ, გააკეთე ერთი დიდი ჯაჭვი, შევტყორცნოთ ზევით, მოვდოთ კლდეს და ავიდეთო.

ივანე ცისკარმა მოიტანა ბლომად რკინა, კვერები, მაგრამ გრდემლი კი დავიწყებოდა. რკინის კაცმა უთხრა:

— აი, ჩემი თავი იყოს გრდემლად და ამაზე გამოკვერე ის ჯაჭვო. დადგა ივანე ცისკარი და გამოკვერა უზარმაზარი ჯაჭვი. ჩასვეს ერთი დიდი მარგილი, დაამაგრეს იმაზე ერთი პირი ჯაჭვისა, ხოლო ნეორეზე ჩანგლები მოაბეს; და უთხრა ივანე ცისკარმა ძმებს:

— აბა, სცადეთ შეგდება, იქნება შეუწიოთო. მივიდნენ ივანე საღამოსი და შუალამისა, მაგრამ ვერც კი დაძრეს.

— აბა, ახლა შენ, რკინის კაცო, — უთხრა ცისკარმა. რკინის კაცი მოაველო ჯაჭვს ხელი, შესტყორცნა, მაგრამ ერთი სამი-ოთხი ადგილი კიდევ დააკლდა წვერამდე. — ეგ არის შენი ღონეო? — ჰკითხა

ცისკარმა. — ეგ არისო. მაშინ ცისკარმა მოავლო ხელი, სტყორც-
ნა და აიყვანა წვერაძღე. მოეჭიდნენ ყველანი, მოედო ჩანგალი
კლდეს, გამაგრდა ისე, რომ ასვლა კარგად შეიძლებოდა. აგზავნა ძმე-
ბი ცისკარმა, მაგრამ ძმები ვერ ავიდნენ, კინალამ ჩამოცვივდნენ ში-
შით. მერე რკინის კაცი აგზავნა და უთხრა, არ ჩამოიხედო, თორემ
ჩამოვარდებიო. წავიდა რკინის კაცი და ცოტაღა უკლდა ასვლას,
რომ ჩამოიხედა ძირს, თავმა დასძლია და კინალამ ჩამოვარდა. რის
ვთა-ვაგლახით ჩამოვიდა.

მერე დატოვა ძმები ცისკარმა და უთხრა რკინის კაცს: თუ რამ
დაუშავდება ამათ, შენი კისრიდან ამოვიღებო. ავიდა ცისკარი და
გასწია დევის გზაზე. ბევრი იარა, თუ ცოტა იარა, მივიდა ერთ სპი-
ლენძის სახლთან. სპილენძის სახლი სპილენძის დევისა ყოფილიყო.
შევიდა სახლში, ნახა ერთი ლამაზი ქალი. ვაჟმა გამოჰკითხა ყველა-
ფერი. გაიგო, რომ ეს ქალი ხელმწიფის უფროსი ქალი ყოფილიყო.
ქალმა დალონებულმა უთხრა: — ნეტავი არ მოსულიყავი, შეიდთავა
დევი მოვა და მოგკლავსო. — ნუ შეწუხდები, მე ვიცი და იმანაო, —
უთხრა ცისკარმა. — მაშ, მე შენი ცოლი ვიქნებიო, — უთხრა ქალმა.
— არაო, — მიუგო ცისკარმა, — შენ რძალი და მე მახლიო.

სალამო ხანზე შვიდთავა დევი ცხენით სახლში მოდიოდა. როდეს-
საც მოუახლოვდა დევი სახლს, ცხენმა წაიბორძიკა. — აჩუ, შე სა-
ოხრევ, ივანე ცისკარი ხომ არ დაგხვდება სახლში, რა გაშინებსო.
შოვიდა შინ და მართლა ივანე ცისკარი კი დახვდა. ცისკარი საჩრდი-
ლობელში იჯდა გარეთ. დევმა დაუძახა: — ცისკარო, გამაგებინე:
სამტროდ მოსულხარ თუ სამოყვროდო? — შენთან სამოკეთო რა
მაქვსო, — მიუგო ცისკარმა, — სამტროდ მოვედიო. გადმოხტა
ცხენიდან სპილენძის დევი და დაუძახა: — შეუბერე ემანდ მიწასაო.
-- შეუბერე კიდევ და რაც გინდა ისა ქენიო, — უთხრა ცისკარმა.
შეუბერა დევმა და ფეხის სამაგრებლად მიწა აქცია სპილენძად. დაი-
ჭოდნენ კიდევ. მოიქნია ცისკარმა და ჩასვა მუხლებამდე, მოიქნია
დევმა და ჩასვა მუხლებამდე. მოიქნია ცისკარმა და ჩასვა წელამდე,
შოუსო ხმალი და მოსჭრა სამი თავი. გაცოფდა დევი, დაიქნია ცის-
კარი — ჩაიყვანა საზარდულამდე. ამოფრინდა ისევ ივანე და მოსჭრა
ი. ოთხი თავიც, გამოართვა ქალს ბეჭედი ძმისათვის, გამოეთხროვა და
წავიდა ცხრათავა დევთან, რომელსაც შუათანა და ჰყავდა.

იარა ცისკარმა და მივიდა ვერცხლის სასახლესთან. აქ შუათანა
და დახვდა. აქაც საგრილობელში დაისვენა და ელოდებოდა დევს.
ქალი ეხვეწებოდა, წადი, მოგკლავსო, მაგრამ ცისკარმა არ დაუჭერა.
მოდის საღამოზე ცხრათავა დევი და უცებ ცხენმა წაიბორძიკა.

— აჩუ, შე სატიალევ, რა ივანე ცისკარი დაგხვდებაო. მოვიდა სახლში და მართლაც ივანე კი დახვდა წამოწოლილი ხის გრილში. დაუძახა:

— ცისკარო, სამტროდ მოხველ თუ სამოკეთოდაო?

— მე შენთან სამოკეთო რა მაქვსო, — უთხრა ცისკარმა.

— მაშ შეუბერე მიწასაო.

— არც არას შეეუბერავ და არც არაფერიო, — უთხრა ცისკარმა. მალე მოკლა ცხრათავა დევი. დანიშნა თავისი ძმისათვის მისი ცოლი; გამოეთხოვა და წავიდა თორმეტთავიან დევთან.

მივიდა მის სახლში ცისკარი, მიდამო სულ ოქროსი იყო. შევიდა ვაჟი და ნახა იქ უმცროსი ქალი. მივიდა ცისკარი, გადაეხვია თავის საცოლეს და დაუწყო კოცნა. ქალს შეუყვარდა ცისკარი. ცისკარმა უთხრა:

— მე მოვედი, ის დევი უნდა მოვკლაო. ქალმა ტირილი დაიწყო:

— ნუ, თორემ მოგკლავს, შენ იმას ვერაფერს უზამ, იმის მომრევი არ არისო. ცისკარმა უთხრა ქალს:

— ნუ გეშინია, თორმეტთავიანი დევი მე ვერ მომკლავსო გავიდა, დაჟდა ხის ძირში და დაუწყო მოლოდინი დევს.

დევი საღამოზე მოდის შინ, დაიბოძრძოცა ცხენმა.

— აჩუ, შე სატიალევ, იქნება ივანე ცისკარი გაშინებსო? შენა ნახავ, რომ მის მძორს ყორნები ჭამდნენ და მისი სისხლი ღვარივით მიდიოდესო! — მოვიდა დევი შინ, დაინახა ცისკარი და შეკუეღა: — ცისკარო, სამტროდ მოხვედი, თუ სამოკეთოდაო? — სამტროდ მოვედი, — უთხრა ცისკარმა, — შენთან მოკეთობა რას გამომადგებაო. — შეუბერე მიწასაო, — დაუძახა დევმა. — შეუბერე, და მანდა ხარო, — უპასუხა ცისკარმა.

გადმოუხტა დევი და ცისკარაც მიეგება. შეუბერა დევმა და ადგილი ოქროდ აქცია. იბრძოლეს. დაიყვანა საზარდულამდე დევმა ცისკარი და ცისკარმა დევი მხრებამდე, ცხრა თავაც მოსჭრა. დევი დაიღალა. ცისკარსა ჰკითხა: — როგორ იციან თქვენში ომარო? — ჩვენში ომობენ და დაისვენებენო, — უპასუხა ცისკარმა: — მაშ, დამასვენეო, — სთხოვა დევმა. ცისკარმა იფიქრა, ეს რომ დავასვენო და ამომასწროს, ხომ მომკლაო. ამოფრინდა მიწიდან და მოსჭრა დევს ის სამი თავიც. ეს კი ვაჟეცობა აღარა ქნა ცისკარმა: სამი თავი ლალათით მოსჭრა.

წამოიყვანა ქალი ცისკარმა და წავიდა. რო გამოსცდნენ სახლს, ქალმა უთხრა: — ცისკარო, გაიხედე რამდენი ოქრო რჩება ტუუი-

ლადაო! — დევებს ოქრო ვინ მისცაო, — უთხრა ივანემ, — ეგ სულ თვალის მოტულება არისო. მან მოგაჩვენა შენ, რომ ამ სიმღღორით მაინც გართობილიყავ, რაკი მამის სახლს მოშორდიო. შეუბრა ივანემ და აქცია მტვრად. მოვიდნენ შუათანა დასთან, იქაც მტვრად აქცია ვერცხლის სახლი; წაიყვანა შუათანაც, უფროსიც და მივიდნენ კლდესთან.

ცისკარმა ჩაუშვა ჯერ უფროსი ქალი და დაუძახა უფროს ძმას, მოსკიდე მაგას ხელიო. ჩაუშვა შუათანა და ის კიდე შუათანა ძმას ჩააბარა. მერე თავის საცოლეს უთხრა, მაგრამ ქალი არ უჩერებდა, ის რკინის კაცი გოლალატებსო. შენთვის ამომდის მზეც და მთვარეცო, რომ გოლალატოს, მე მაშინ რალა ვქნაო. ცისკარმა არ დაუჭერა და ჩაუშვა. ჩავიდა თუ არა ქალი, რკინის კაცმა შემოჰკრა ჯაქვს ლახტი და გაწყვიტა.

დარჩა ივანე ცისკარი მალლა. რალას იზამდა. ჩამოვარდნილიყო — მოკედებოდა. მაგრამ აღარც სხვა გზა იყო. ქალმა დაუძახა: ივანე, წადი, იმ დევს ერთი რაში ჰყავდა, ზღვაში რომ ცხვირივით კლდე დგას, იქ აბია, ერთხელ ჩამოაგდო და იქ დააბაო. წადი გამოიყვანე ის რაში და თუ რამეს გიშველის, ის გიშველისო. წავიდა ცისკარი, ჰკრა წიხლი კლდეს, გადაანგრია და ნახა რაში. ხელის სისქე მტვერი და ქუქუცი ეღო ზურგზე. რაშმა უთხრა: სამ დღეს შავ მთაზე გამიშვი, რომ ღონე მოვიკრიბო, თორემ დასუსტებული ვარ და ვერა გზიდავო. გაუშვა ცისკარმა სამ დღეს რაში. მესამე დღეს შოიყვანა. შეკაზმა და შედგა ზედ ფეხი, მაგრამ რაშმა ერთი ფეხით წაიბორძიკა. რაშმა კიდევ უთხრა: ამალამ კიდევ დამასვენეო. იმ ღამესაც დაასვენა რაში ცისკარმა. მეორე დღეს შეკაზმა, შეჯდა და გასწია საჩქაროდ. რაში გაფრინდა ისარივით და ორი დღის წინ, სანამ რკინის კაცი მივიდოდა, ქალაქში მოიღო გრიალი.

როგორც რაშმა დაარიგა, ცისკარმა შეკაზმა რაში, დააკრა ზედ თავის აბჯარი, გამოაძრო სამი ძუა და გაუშვა ისევ შავ მთაზე. თერთონაც ჩაიკვა ერთი ძველი ფარაჯა და დაიწყო ქალაქში სიარული. ზოლოს ერთ მკედელთან მივიდა და უთხრა: — შენი არაფერი არ მინდა, ვიმუშავებ, ოღონდ პური მაქამეო. მკედელმა უთხრა: — ძალიან კარგიო! — ცულს აკეთებდა მკედელი, უთხრა, — მოიტა, კვერი დამიკარიო. ცისკარმა მოავლო ცალი ხელი ერთ დიდ კვერს, დაარტყა ამ გრდემლს და კუნძიანად დაამტვრია. მკედელს ძალიან გაუკვირდა მისი ღონე. გააკეთეს დიდი გრდემლი დიდ კუნძში, და დაიწყო ცისკარმა მუშაობა, მკედლის ხუთი დღის საქმეს ერთ საათში აკეთებდა. მკედელს ძალიან უხაროდა, რომ ამისთანა მუშა იშოვა.

ბოლოს მოვიდა რკინის კაციც და მოიყვანა ცისკრის ძმებიც. დანიშნეს ქორწილის დღეც, მაგრამ მეორე ბეჭედი აღარ აღმოაჩნდა უფროს დას, რადგანაც ივანე ცისკარმა გამოართვა. გაგზავნეს ეს ბეჭედი, რომ ამნაირი ბეჭედი უნდა სხვა გაგვიკეთონო, მაგრამ ყველა მკვედელმა უარი უთხრა. მერე ცისკრის უფროსთან მოიტანეს. მანაც უარი უთხრა, მაგრამ ცისკარმა წაუჭურჩულა, გამოართვა, მე გავაკეთებო. იმ დამეს დაიძინა მკვედელმა. ცისკარმა ცოტა-მატა მხარაკუნ-მოარაკუნა, ამოიღო შენახული ბეჭედი, შეახვია და შედო მალლა თაროზე. მეორე დღეს შევიდა მკვედელი და დაჰკრა წიხლი: რა ჰქენ, იქნება ხელმწიფესთან შემარცხვინეო? ცისკარმა გადმოუღო ბეჭედი და მისცა.

გაგზავნეს ბეჭედი, მკვდელიც წავიდა ქორწილში, ივანესაც სთხოვა, მაგრამ უარი უთხრა. როდესაც უნდა გამოსულიყვნენ ეკლესიიდან უფროსი ძმა და უფროსი ქალი, ივანე გამოვიდა მინდვრად, შეტრუსა ძუა რაშისა და რაში იმასთან დაიბადა. შეჯდა ცისკარი და უთხრა: — წადი და ცას მიეკარ, იქიდან უნდა დავეცე და ერთი სილა გავკრაო. აფრინდა რაში და მიეკრა ცას. როდესაც ეკლესიიდან გამოვიდა ცოლ-ქმარი, ჩამოეშვა ივანე, ერთი სილა სთხლიშა თავის უფროს ძმას.

მერე გაუშვა ისეც რაში, დაბრუნდა შინ და დაჯდა, ვითომ არაფერი არ მოუხდენიაო. მოვიდა მკვდელი და ყველაფერი უამბო: ცენმა ზოგი ფეხით გაიტანა, ზოგი კაპკითაო. — აბა, რომ წამოვსულიყავ. ხომ შიშით მოვეკვდებოდიო, — უთხრა ცისკარმა.

მერე ცისკარმა მეორე ბეჭედიც ისე გაუკეთა. ქალებმა იცნეს, მაგრამ არაფერი სთქვეს; უმცროსი ქალი კი ტირიდა: თუ მოვიდა, რატომ არ გამომიხსნის კიდევაცაო. შუათანა ძმასაც ერთი სილა უთავაზა.

ახლა ჭერი რკინის კაცზე მიდგა. დაუძახა თავის რაშს ცისკარმა, შეჯდა, აიღო ლახტი და უთხრა აფრინდიო. აფრინდა რაში და მიეკრა ცას. რკინის კაცი რომ მიდიოდა ეკლესიაში და ქალი მიჰყავდა, დაეშვა ივანეც ციდან. ის იყო საყდარში უნდა შესულიყვნენ, რომ ნოვარდა ივანე, მოუქნია რკინის კაცს ლახტი, დაარტყა თავში და სულ-ხორციანად მიწაში დაჰკარგა. გადმოხტა თვითონ, გადაეხვია თავის საცოლეს და გადაჰკოცნა.

ყველაფერი უამბო ხელმწიფეს. შეირთო უმცროსი ქალი და, როდესაც ხელმწიფე მოკვდა, თვითონ გახდა ხელმწიფედი.

ჭირი იქა. ლხინი აქა.

ქათო იქა, ფკვილი აქა.

მზის ასული

იყო და არა იყო რა, ღვთის უკეთესი რა იქნებოდა, იყო სამი ძმა. მოხნეს სამი ღლის მიწა და დათესეს. ერთმა იქით, ერთმა აქეთ და ერთმაც შუაზე. მოვიდა ისეთი ჭექილი, რომ უკეთესი არ იქნებოდა, აღელდა ყანა ზღვასავით. აღელდა პატრონის გულიც სიხარულით, იმ ყანის მნახველი.

ერთს დღეს ცა მოიღრუბლა, დაუშვა სეტყვა და შუა ყანა სულ გაანადგურა. ის ორი ნაპირისა კი გადარჩა.

მოვიდა პატრონი. დახედა ყანას და დაწყდა გული, მაინც არაფერი სთქვა, აიღო ნამგალი და გაუდგა გზას ბედის საძებნელად. იარა, იარა და ერთს მდიდარ კაცთან მივიდა. ასი ღლის ყანა ჰქონდა იმ მდიდარ კაცს. მივიდა და უთხრა: — რას მომცემ, რომ ეგ ასი ღლის ყანა ერთ დღეს მოგიმკაო? — შუაზე გაგიყოფო, — უპასუხა მდიდარმა კაცმა.

წავიდა და დაუწყო ულოს გრეხა. შუადღემდი ულო გრიხა, მერე მოუდო ნამგალი და გაუსვა. ის იყო ერთი ძნაღა ჰქონდა შესაკრავი, რომ ჩადის მზე. მოუხადა კაცმა ქული მზეს და შეევედრა:

— ნუ ჩახვალ ჭერ, ცოტა მოიცადეო!

მაგრამ მზემ აღარ მოიცადა. შეკრა ის ძნაც და მოვიდა ყანის პატრონიც. ძალიან გაუკვირდა, ყანა რომ მომკილი დაინახა, და უთხრა: — გაიყოთ ახლა შუაზე, როგორც პირობა გვაქვსო. მომკელმა არ უსმინა, გადუგდო ნამგალი და უთხრა: — მაინც ბედი არ მაძლევს და არ მაძლევს, პირობა დროზე ვერ შევასრულე, შენ შენთვის და მე ჩემთვისო!

წავიდა. ბევრი იარა, თუ ცოტა იარა, მივიდა ერთს ხელმწიფესთან და დაუდგა მეცხვარედ ოთხი წლის ვადით. პირობა დაუდო, რომ არც მგელს რაიმე შეეკამა ამ ოთხ წელში, არც ჰირს მოეკლა, ერთის ლიტყვით, ბეწვი არ უნდა დაკლებოდა; ბოლოს კი შუაზე გაიყოფდნენ: ნახევარს ერთი წაასხამდა, ნახევარს — მეორე. თუ დააკლებოდა რამე, მეცხვარე ცარიელი უნდა წასულიყო. დადგა კაცი მეცხვარედ. გვიდა ოთხი წელი, ერთი თიკნის ყური არ დაკლებია. ისე მოაშენა ცხვარი, რომ მიწას უმძიმდა. ის იყო ბაკში ერეკებოდა ცხვარს გასაყოფად, რომ უცებ ერთი მგელი გამოვარდა, ეცა ერთ ცხვარს, მოიტაცა და გააქანა ტყისაკენ. პატრონი მაინც შუაზე უყოფდა ცხვარს, მაგრამ მეცხვარემ გადუგდო კავი და წავიდა თავის გზაზე.

ბევრი იარა, თუ ცოტა, მივიდა ერთს მდინარესთან, დაჯდა და დაისვენა. გაიხედა და დაინახა, რომ სამი მზის ქალი ჩამოსულა და ბანაობენ წყალში; ისეთი მშვენიერები არიან, რომ კაცის თვალი მათზე უკეთესს ველარას ნახავს! ადგება ეს კაცი, მიეპარება ამ ქალებს, მოიტაცებს ერთს და გამოიქცევა. ირბენს ბევრს, ირბენს, გაიყვანს ერთ ტრიალს მინდორზე, გაუკეთებს ქოხს და დადგებიან იქ. მაგრამ არაფერი კი არ აბადიათ. ქმარი აღარც სამუშაოდ წავიდა: სადაც ვაყავი, რასაც ხელი მოვკიდე, ბედი არა მქონდაო და ახლა სადღა უნდა წავიდეო.

ქალს ერთი ნატვრის ბეჭედი ჰქონდა. მისცა ის ბეჭედი ქმარს და უთხრა: — ჩემი სიმდიდრე და მზითვეი ეს არის, ამის მეტი არც მე მებაღია არაფერი და არც შენ. მიწაზე დადებ — სუფრა გაიშლება, სუფრაზე დადებ — სასმელ-საჭმელი ჩამორიგდება, ჩამოიტან ქვევით — ქურქელი დარიგდებაო.

გაიხარა ქმარმა და უფრო მეტს განცხრომას და შვებას მიეცა. ხელმწიფის დაპატრეება ჩაიდო გულში. ცოლმა დაუშალა, შენ ქერქში იყავ. მიუწვდომელს ნუ ეწვდებიო. ხელმწიფის სტუმრობა ადვილი ნუ გგონიაო. ეგ ერთი ბეჭედი გვიგდიაო და გაგკვირვებია. გინდა ეგეც თავიდან მოიშორო? — არ იქნება და იქნებაო, — დაიყინა ქმარმა, უნდა დავპატიოთ და ჩვენი გლეხური ცხოვრება ვაჩვენოთო. ნახოს, რომ ჩვენც შეგვიძლია ხელმწიფეს გავუმასპინძლოთო.

ადგება ერთ დღეს ეს კაცი და გასწევს ხელმწიფესთან დასაპატრეებლად. მიართმევს საჩუქარს და სთხოვს, გაგვაბედნიერეთ და მობრძანდით ჩვენსა სადილადო. ხელმწიფეს გაეცინა: — შენ რა ხარ. შენი სადილი რა უნდა იყოსო! — მანც უთხრა: — მე კი ვერ წამოვალ და ნაზირ-ვეზირს გამოგაყოლებო. ხელმწიფემ დაიბარა ნაზირ-ვეზირნი და უბრძანა: — წადით, ნახეთ. ეს კაცი რომ შეპატრეება, რით მეპატრეება, აქვს რამე, თუ აბუჩად მიგდებსო.

გაუძღვება კაცი და გაჰყვებიან ნაზირ-ვეზირნიც ჯარით. გზაზე რომ მიდიან, ნაზირ-ვეზირსაც პური მოშვივდებათ. მოკლეს ერთი ხოხობი, მისცეს ბიქსა და გაგზავნეს შესაწვავად ქოხში.

სწვავს ხოხობს ბიჭი, თვალი მზის ქალზედა აქვს. ისე მოსტაცა გონება ქალმა, რომ სრულებით დაავიწყდა, თუ ხოხობს სწვავდა. ნახევარი ხოხობი სულ ჩაებუვა. მოართვა ნაზირ-ვეზირს დამწვარი ხოხობი. ჰკითხავენ, რად დასწვი ხოხობიო? — ღმერთმა ჰკითხოს! ერთი ქალი იყო ამ კაცის ქოხში, ისე მომტაცა გონება, რომ ველარაფერი გავიგეო.

ნაზირ-ვეზირებმა დააჩქარეს ჯარი, შესხდნენ და გასწიეს იმ ქობისაკენ. ქალის ნახვა მოუნდათ. მივიდნენ შორი ახლოს და ჩამოხტნენ. ჩამოუყოლა მზის სიძემ ბეჭედი ცხენებს და სათითაოდ თივა და ქერაანი თოფრები დაჰკიდა კისერზე. ცოტა ხნის მერე ცარიელი თოფრები ჩამოჰხსნა. დაღო ბეჭედი და გაუშალა სუფრა ჯარს: მოვიდა და მოვიდა საქმელი და სასმელი, სულ ახალი და ახალი!

ნაზირ-ვეზირნი გაევირვებულნი იყვნენ: სახლი არ უდგას, ნაგებობა არაფერი უჩანს და ეს რა ამბავიაო! ნახეს ახლა მისი ცოლი და სულ ჰკუთაზე შეიშალნენ. გაუშასპინძლდა გულუხვად მზის სიძე და გააკვირვა ნაზირ-ვეზირნი. მოვიდნენ ხელმწიფესთან.

— როგორ გაგიშასპინძლათ ის ჩემი ყმაო? — ჰკითხა ხელმწიფემ.

ნაზირ-ვეზირებმა ძალიან უქეს, სულ უცეცხლო საქმელები გაგვიკეთაო. მაგრამ მას რომ ცოლი ჰყავს, იმისთანა კი აღარაფერი იქნებო, ის იმას კი არა, ხელმწიფეს ეკადრებაო. — როგორ წავართვაო? — ჰკითხა ხელმწიფემ, — უმიზეზოდ ცოცხალი არ დამანებებსო. ნაზირ-ვეზირმა ურჩია: — დაიბარე ის კაცი და შეუკვეთე: მზეს რომ ოქროს ერკემალი ჰყავს, ის მომიყვანეო. ის იქ წავა, იქიდან ველარ მოვა და ცოლი შენ დაგრჩებაო.

მაშინვე დაიბარა ხელმწიფემ მზის სიძე და უთხრა: — უნდა წახვიდე და მზეს რომ ოქროს ერკემალი ჰყავს, ის მომიყვანოო. დაბრუნდა შინ მზის სიძე, შესჩივლა ცოლს: — ხელმწიფე მზესთან მგზავნის, ოქროს ერკემალი უნდა მომიყვანოო. — ახლა რაღა გეშველებაო! — უთხრა ცოლმა. — ეგ წინაღვე უნდა გეფიქრა, ახლა ჯავრობით ველარაფერს გააწყობ და ისევ ისა სჯობია, ადგე და შეუდგე გზასაო. მისცა ნიშანი და გაგზავნა.

ბევრი იარა მზის სიძემ, ბევრი ჰქვეყანა გაიარა, გაათავა სახმელო და სამზეოს მიაღწია. იარა და მივიდა იქ, სადაც მზე და მთვარე იყვნენ. მზე გზაზე ყოფილიყო, ჰქვეყნის სანათობლად წასულიყო. მთვარემ ნახა მზის სიძე, იცნო და ძალიან გაუხარდა. დედას ახარა: ჩვენი სიძე მოვიდაო. გამოჰკითხა სიძეს მოსვლის მიზეზი. სიძემ უამბო ყველაფერი. მთვარემ უთხრა: — მზე მოვა, შენ ვერ გაუძლებ იმის ნათელს, დაიწვებიო! — აქცია ნემსად და შეარჭო ბოძში. საღამოზე მოვიდა მზეც. — სულიერის სუნი მომდისო, — დაიძახა მზემ, — ვინ მოსულა ჩვენს საბრძანებელნიო? — რას ამბობო? — გაუჯავრდა მთვარე, — ჰქვეყანაზე შენ დადიხარ, შენ მოგყვებოდა სულიერის სუნიო. ახლა შენი სიძე რომ იყოს აქა, ხომ არ დასწვა-

ემო? არაო, — უფიცა მზემ, ოღონდ თვალით კი მაჩვენეთ როგორი კაცია ჩემი სიძეო. აქცია მთვარემ სიძე ისევ კაცად და წამოაყენა მზის წინ.

მზე მივალერსა სიძეს და გამოჰკითხა მისვლის მიზეზი. — ხელმწიფე შენს ქალს მეცალებაო. — უთხრა სიძემ. — გაუგონია, მზეს ოქროს ვერძი ჰყავსო და გამომგზავნა წასაყენადა.

— ფიქრი ნურაფრის გაქვსო, — გაუმაგრა გული მზემ, — წამოდი ჩემ ბაღში, დაისვენეო. შევიდა ბაღში სიძე, ნახა, სადაც რამ იყო, ძალიან მოეწონა. მართლაც მშვენიერი სანახავი იყო: ზოგი მწიფე იყო, ზოგი მაშინდა ყვავდა, ზოგი მაშინ იფოთლებოდა, ზოგს კი ჩამოსდიოდა... მზემ სიძეს უთხრა: — აქ, ბაღში იყავი და სადილს მგელი და ელია მოგართმევენო... — მოშვიდა მზის სიძეს, დაჭდა და დაუწყო ლოდნი. მოვდა მგელი და მოუტანა სუფრა, მოვიდა ელია და მოართვა სასმელ-საჭმელი.

მზის სიძეს ერთი კომბალი ჰქონდა; გაიკითხა მგელი იქით და უთხრა: — მე რომ ოთხი წელიწადი ერთი თიყნის ყურიც არ დამკლებია, ისე ვუვლიდი ცხვარსა, და ყავლის გათავების დროს შენ რომ მოხვედი და მომტაცე, რადა ჰქენ ეგ საქმეო? წაუდო და წაუდო მგელს, იმდენი სცემა, რამდენიც ენება. მერე გაიკითხა ელია და იმასაც ჰკითხა: — მე რომ სამ მამულში შუა მამული მეჭირა, შენ წამოუშინე სეტყვა და სულ მიწაში ჩაატანინე ჩემი ყანა, რადა ჰქენიო? დაუდო და დაუდო იმასაც, ჰკრა კომბალი თვალეებში და გამოაჩინა.

დაჭდა და შეეჭკა სადილს. მერე ადგა, დაერია მზის ბაღს, დაამტვრია, დასკრა ხეხილი, გაატიალა და გაავერანა ერთიან. მერე დაჭდა და დაისვენა. წვიდნენ მგელი და ელია მზესთან საჩივლელად. მოვიდა მზე სიძესთან და ნახა: ბაღიც ისე გაუვერანებია, რომ მტერს აეტირება. — რადა ჰქენ ასეო? — ჰკითხა სიძეს. — თქვენ რაღად ჰქენით ისე, რომ ერთი საწყალი მამული მეგდო, წამოუშინა ელიამ სეტყვა, გამოიხრაო: ოთხი წელიწადი ხელმწიფეს ტყუილად ვემსახურე, წილი დამაკარგვინა მგელმაო, ან მე რომ ასი დღის ყანა ერთ დღეს მოვკე, შევკონე. ერთი ძნალა მქონდა შესაყრავი, გთხოვე, ნუ ჩახვალო, და შენ რატომ ყურიც არ შეიბერტყეო?

მზემ ველარაფერი უთხრა. მისცა ოქროს ვერძი და გაისტუმრა მშვიდობით. მიუყვანა ოქროს ვერძი ხელმწიფეს. ხელმწიფეს იმედი დაეკარგა ქალის ხელში ჩაგდებასა. ნაზირ-ვეზირს ჰკითხა: რადა მეშველებაო? ნაზირ-ვეზირმა ურჩია: საიქიოს გაგზავნე, თქვენმა მშობელმა დედამ რომ ბეჭედი წაიღო, ის მოგიტანოსო.

დაიბარა ხელმწიფე მზის სიძე და უბრძანა: — საიქიოს წადი, დედაჩემმა რომ ბეკედი წაიღო, ის მომიტანეო.

მივიდა ცოლთან მზის სიძე და შესჩვილა: — ხელმწიფე ახლა საიქიოს მგზავნის, შენი თავი უნდა წამართვასო. ცოლმა ერთი ვაშლი მისცა და უთხრა: — გააგორე ეს ვაშლი და, სადაც ის წავიდეს, გაყევე შენც კვალდაკვალო. აიღო ვაშლი მზის სიძემ, გააგორა და მიყევა კვალზე. მიგორავს ვაშლი და აი, გამოვა ერთ მინდორზე. ერთი ირემი დგა, რქები ცამდე აქვს აწვდილი. — გამარჯობა შენით! — ეტყვის მზის სიძე ირემს. — გაგიმარჯოსო — უპასუხებს ირემი, — სად მიდიხარ, აქ რამ მოგიყვანაო? — საიქიოს მივდივარ, ხელმწიფის დედას ბეკედი უნდა გამოვართვა და მივეტანოო. — მეც რამე წამალი მომიტანე. რქებს ველარ ვზიდავო, — შეეხევეწა ირემი.

გასცდა ირემს მზის სიძე და მივიდა ერთ კლდესთან, შიგ ერთი ხარი აბია; არც სასმელი წყალი აქვს, არც საკმელი ბალახი, და ისეთი მსუქანი კია, რომ ხორცი ზედ ასკდება სიმსუქნით.

მზის სიძეს ძალიან გაუკვირდა და ჰკითხა ხარსა: — არაფერს კი არ სჭამ და რამ გაგასუქა ასეო? — რომ ჩამოივლი, მაშინ გეტყვიო, — უპასუხა ხარმა. გასცდა ამას მზის სიძე და ერთს მშვენიერად მორთულს მინდორზე გამოვიდა. ნიაგის ქროლაზე ბალახი ზღვასავით ღელავს. წყაროებს ჩუხჩუხი და ლურლური გააქვს ბალახებს შუა. მინდორში ერთი ხარი ღვას. პირაკრულია, ვერცარასა სჭამს და ვერცარასა სჭამს, ისეთი მკლეა, რომ კაქკაქი ვერაფერს გამოირჩება. გაეკვრებულნი მზის სიძე იმასაცა ჰკითხავს: — რამ გაგხადა ეგრე, ასეთი სასმელი და საკმელი წინა გაქვსო? ხარმა ამაზე უპასუხა: — ამეღელი ბევრი მინახავს, ჩამომვლელი კი აღარც ერთიო. მზის სიძე გასცდა მკლე ხარს და ერთ მღვდელს შეხვდა, ზურგზე საყდარი ჰკიდია, დადის და, სადაც ერთს კაცს ნახავს, დასდგამს და ულოცავს. მზის სიძე მღვდელსაც მიესალმა. მღვდელმა მგზავრობას მიზეზი ჰკითხა და მზის სიძემ კადევ — საყდრის ზურგზე აკიდებდა. მღვდელმა სთხოვა — საიქიოს რაკი მიხვალ, შემიტყევე. რა ვუყო ამ საყდარს, მულამ ზურგზე ხომ არ შეკიდება, ამპავე მომიტანეო.

გასცდა იმასაც მზის სიძე და წავიდა. ბევრი იარა, თუ ცოტა იარა. მივიდა ერთს ადგილას, ცულის ტარზე ცოლ-ქმარნი წვანან, და ცულის ტარი აქეთ და იქეთ კიდე გადაქარბებულა. მზის სიძე გაეკვირვებულნი შესცქეროდა ცოლ-ქმარს: — თუ ღმერთი გწამთ. ებროგორ არის. რომ ცულის ტარზე წევხართ ორი სული და იქათაქეთ კიდე ადგილი დარჩენილაო?

— ამეღელი ბევრი გვინახავს და ჩამომვლელი კი აღარავინაო! —

უპასუხა ცოლ-ქმარმა. — აიარე, ჩამოიარე და მაშინ ყველაფერს გაამბობთო. გასცდა იმათაც გაკვირვებული მზის სიძე და წავიდა.

ბევრი იარა თუ ცოტა იარა, მივიდა ერთ ცოლ-ქმართან: კამეჩის ტყავზე დაწოლილან, ერთი იქით გორავს, მეორე აქეთ და კიდევ ერთმანეთს სწიხლავენ: იქით მიწეკ, მიიწიეო!

მზის სიძე მივიდა, სალამი მისცა და ჰკითხა: — ეგ რა უბედურებაა თქვენ თავს, რომ კამეჩის ტყავზე წევხართ და კიდევ ვიწროდ გეჩვენებათო. — ამვლელი ბევრი გვანახავს, ჩამომვლელი კი აღარავინაო! — უპასუხა ცოლ-ქმარმა, — წალი და თუ ჩამოვილი, მიზეზს შეიტყობო.

გასცდა ამათაც მზის სიძე და მიდის. გზაზე ერთი დედაკაცი შეხვდება. მოუგროვებია კვერცხები და კოშკს აშენებს. აიყვანს ცოტად, ააცილებს მიწას, იგრიალევენ კვერცხები და ჩამოცვივან დაბლა. დედაკაცი ხელახლა მოჰყვება და ააშენებს კოშკს. მივა მასთან მზის სიძე და გაკვირვებული ჰკითხავს: — რას შერება, კვერცხების კოშკი სხვას ვის აუშენებია, რომ შენ ააშენოო?! — ჩამოიარე და მაშინ გეტყვიო, — უპასუხა დედაკაცმა. გასცდა ამ დედაკაცსაც მზის სიძე და წავიდა თავის გზაზე. მიადგა ერთ თონეს. ერთი დედაკაცი დგას და აცხობს პურსა, ჩააკრავს თეთრს პურს, როგორც ბამბას, და ამოიღებს შავს, როგორც ტალახს. მზის სიძე მივა იმასთან და გაკვირვებული ჰკითხავს: — ეგ რისგან არის, რომ თეთრ პურს ჩააკრავ და შავს ამოაკრავო? — ჩამვლელი ბევრი მინახავს, ამომვლელი არც ერთიო, — უპასუხა პურის მცხობელმა დედაკაცმა. — ჩაიარე და თუ კიდევ ამოვილი, მაშინ გეტყვიო. გასცდა იმასაც მზის სიძე და წავიდა. გზაზე ერთი კაცი ნახა: ხევზე ხიდადა ძევს: ყველა იმაზე გადის და გამოდის. — ეგ რა ამბავია შენს თავსაო? — ჰკითხა მზის სიძემ კაც-ხიდას. — ჩამვლელი ბევრი მინახავს, ამომვლელი აღარც ერთიო, — უპასუხა კაც-ხიდამ, — ჩაიარე და თუ ამოვილი. მაშინ გეტყვიო. გასცდა იმასაც მზის სიძე და მ-ვიდა ხელმწიფის დედასთან. — შვილმა დაგიბარაო. — უთხრა ხელმწიფის დედას. — მანდ რომ ბეჭედი წაიღე. ის გამომაგზავნეო. — მისცა ბეჭედი მზის სიძეს ხელმწიფის დედას და უთხრა: — წაიღე. მიეც ჩემს შვილს და უთხარ: დედას დაგბარა. რადგანაც აქაც არ ჰაძლეე მოსვენებას და მაშფოთებ. შენამც იქნები წყეული, შენა საქმე ისე მოვიდეს, რომ შენმა ვეზირებმა შეგკამონო.

მზის სიძემ ჰკითხა: — ესე, ესე გზაზე ერთი ირემი ვნახე, რქები ცამდის ჰქონდა აწვდილი. სიარული აღარ შეეძლო. წაჩალი დამბარაო, და თუ შეიძლება მასწავლეო. ერთი მღვდელი იყო კიდევ,

ზურგზე საყდარი ეკიდა, სადაც ერთს კაცს ნახავდა, მიიტანდა, დას-
დგამდა და იქ ულოცავდაო, იმასაც დაუბარეთ — რა უყოს იმ საყ-
დარსა.

ხელმწიფის დედამ უთხრა: — ირემმა მაისის წყალი დალიოს და
გასკვივა რქებიო, მღვდელმა კიდევ წაიღოს ის საყდარი, დადგას შუა
სოფელში, ზარი დაკიდოს, ლოცვაზე რომ ღვებოდეს, დარეკოს ზა-
რები. ვისაც ლოცვა უნდა მიეა და ილოცებსო, ვისაც არ უნდა,
არ მოეა, მისი ბრალი არ იქნებაო. წამოიღო ბეჭედი და წამოვიდა
მზის სიძე: გზაზე კაც-ხიდას ჰკითხა მიზეზი ასე ტანჯვისა. კაც-ხიდამ
უთხრა: — მე ხიდი მებარა, ზედ არავის გავატარებდი უფასოდ. საწ-
ყალი და გაქირავებული არ ვიციოდი, ყველას ერთნაირად ვაძრობდი
ტყავს და აი ახლა ხომ ხედავ, როგორა ვარო?!

გასცდა ამას მზის სიძე და წამოვიდა თავის გზაზე. პურის მცხო-
ბელმა დედაკაცმა უთხრა: — მე იმქვეყნად ისეთი წუწკი ვიყავი,
პური რომ ჩამეკრა და იმ დროს მშვიერ მგზავრს გამოევიღო, ან გლა-
ხას, თვალებს ჩავიწყედი თონეში, რომ არ დამენახა ისინი და პურის
მიცემა არ მონდომოდა. ახლა ასე ვარ, როგორიც უნდა თეთრი პური
ჩაეკრა — მიწად მექცევაო. კვერცხების კომეს რომ აგებდა, იქ
მოვიდა. დედაკაცმა უთხრა: — მე იმქვეყნად კვერცხებს ვიპარავდი
და აი, ახლა ასე ვიტანჯებიო.

დასტოვა მზის სიძემ კომის ამგები და წავიდა თავის გზაზე. ბევ-
რი იარა თუ ცოტა იარა, მოვიდა კამეჩის ტყავზე მწოლიარე ცოლ-
ქმართან, მათ უთხრეს: — იმქვეყნად ჩვენ ერთმანეთი გვძულდა. ქვე-
ყანა ჩვენთვის ვიწრო იყო, ვერ ვთავსდებოდით და აი, ახლა კამე-
ჩის ტყავზედაც ვერ ვეტევითო. რამდენიც უნდა გვძულდეს ერთმა-
ნეთი, ვეღარ მოვშორდებითო.

მზის სიძე ცულის ტარზე მწოლიარე ცოლ-ქმართან მივიდა. მათ
უთხრეს: — იმქვეყნად ერთმანეთი გვიყვარდა და აქაც გვიყვარსო.
მოყვარულ ცოლ-ქმარს ცულის ტარიც არ ეპატარავება საცხოვ-
რებლად, ოღონდ ერთმანეთის თავი ჰყავდეთ ცოცხალიო.

ბევრი იარა მზის სიძემ თუ ცოტა იარა, მივიდა იმ მღვდელთან,
ზურგზე რომ საყდარი ეკიდა და მოუტანა ამბავი, ხელმწიფის დედის
დაბარებული.

გასცდა მღვდელსაც და იმ ხართან მოვიდა, მშვენიერ მღვლოზე
რომ ება. სასამელი და საკმელი მრავალი ჰქონდა და მკლე კი იყო.
ხარმა უთხრა: — მე ჩემს პატრონს არაფერში გამოვადეგ, არაფერს
ვუკეთებდი და აი ახლა ასე ვარო.

მკლე ხარს გასცდა და კლდეში რომ მსუქანი ხარი ება, მასთან

მივიდა. მსუქანმა ხარმა უთხრა: — მე ჩემი პატრონისათვის თავდა-
დებული ვიყავ, არა ვლალატობდი და პატრონიც კარგა მივიღიდაო.
ახლა თუნდა არც არაფერი ვქამო და ვსევა, მაინც მსუქანი ვიქნებიო.

გასცდა ამასაც მზის სიძე და წამოვიდა ირემთან. მივიდა, მიუტანა
ამბავი: — მაისის წყალი დალიე და რქები გაგცივავო. დალია
ირემმა მაისის წყალი და გასცივდა რქები.

მოვიდა და მოუტანა მზის სიძემ ხელმწიფეს დედის ბეჭედი და
წყევლა... იქცა ხელმწიფე კურდღლად, ნაზირ-ვეზირნი მგლებად
და შექამეს.

ხელმწიფის ქონება მზის სიძეს დარჩა.

იამ რა უთხრა ვარდსა

იყო და არა იყო რა, ღვთის უკეთესი რა იქნებოდა, იყო ერთი
დიდი და დიდებული ხელმწიფე: ჰყავდა სამი ვაჟიშვილი. სამივეს
ნადირობა საშინლად უყვარდა და ყოველ ცისმარე ღღეს სანადი-
როდ დადიოდნენ.

ერთ ღღეს ძმები სანადიროდ ერთ უცხო მთაში წაყიდნენ. ნადი-
რი ბევრი იყო. ინადირეს, დახოცეს ნადირი, მოეწონათ ადგილი, გა-
შალეს კარავი და დადგნენ. იმ ღამეს კარავში ეძინათ, ღლით ადგ-
ნენ და ისევ ტყეს მიაშურეს. ძმები როგორც კი მიეფარენ თვალ-
სა, მოვიდა გველი და შემოეხვია კარავს. საღამოზე დაბრუნდნენ ძმე-
ბი, ნახეს კარავს გველი შემოხვევია, დაუშინეს თოფები, მაგრამ ტყვია
არ მიეკარა გველსა. რაკი ველარაფერი გააწყვეს, ჰკითხეს გველს: —
გეითხარი, რა გინდა ჩვენგან, მოგეთხოვე და კარავი კი დაგვანებო.
გველმა უთხრა: — მე სხვა არაფერი არ მინდა, არც არას ბევრსა
გთხოვთ. ის შემიტყვეთ: იამ რა უთხრა ვარდსაო, ვარდმა რა უთხრა
იასაო? ძმები დაღონდნენ. ვინ რა იცოდა, იამ რა უთხრა ვარდსა
და ან ვარდმა — იასა?! ბოლოს უმცროსი ძმა ადგა და სთქვა: — მე
წავალ, ერთი წლის ვადა მომეცი და ჩემი ძმებიც გებარებოდესო.
ახსენა ღმერთი და გაუდგა გზას.

ბევრი იარა, თუ ცოტა იარა, გამოვიდა ერთ ტრიალ მინდორზე,
სამი კაცი ნახა. ისინი ძმები ყოფილიყვნენ: უფროსი ძმა პირტრტვე-
ლა იყო, მაშინდა ამოსდიოდა წვერი; შუათანა ჰალარა იყო და პატა-
რა ძმა კი სულ ბატივით თეთრი იყო. მგზავრი მივიდა, მიესალმა და,
რაკი გაიგო რომ ძმები იყვნენ, ჰკითხა, ვინ არის უფროსიო? მათ

პირტიტველაზე უთხრეს—უფროსი ის არისო. მგზავრს ძალიან გაუკვირდა, ჰკითხა: ეგ რისგან არისო? მათ უთხრეს: — სად მიხვალო? — მე მივდივარ იმის გასაგებად. თუ იამ რა უთხრა ვარდსა და ვარდმა რა უთხრა იასაო. გველმა გამომგზავნა, კარავს შემოეკრა და აღარ გვიშვებსო, პასუხი უნდა მივუტანო. კაცებმა სთქვეს:

— ის წყეული ისევ ცოცხალიაო? ამ გზაზე ჩამვლელი ბევრი გვიანხავს, ამომვლელი კი აღარავინაო. რომ ამოივლი, ყველაფერს მაშინ გიამბობთო. აჩვენეს თავიანთი სასახლე, დალოცეს და წავიდა.

ბევრი იარა და ერთ ტრიალ მინდორზე გამოვიდა. იმ მინდორზე ერთი ხე იდგა. იმ ხეზე ფასკუნჯი ბუდობდა. გამოჩეკდა ყოველ წელიწადს ბარტყებს ფასკუნჯი, მაგრამ მოფრინდებოდა არწივი და როცა ფასკუნჯი არ იყო, დაუქამდა ბარტყებს. მგზავრი მივიდა და დაისვენა ხის ძირას. უცებ არწივი მოფრინდა. მომართა მგზავრმა შვილდი, ესროლა ისარი და ჩამოაგდო. მოფრინდა ფასკუნჯი, ნახა არწივი მკედარი, შვილები ცოცხლები, სიხარულს მიეცა. ფასკუნჯმა ჰკითხა: — რა სულიერი ხარ, რომ შვილები გადამირჩინე და ასეთი სიკეთე მიყავო? რა გინდა, რასა მთხოვ, რომ მოგკეო? — მე ქვეყანაზე არაფერი არ მინდა სხვა, ის ქვეყანა მიმასწავლეთ, სადაც იციან იამ რა უთხრა ვარდსაო, ვარდმა რა უთხრა იასაო. — იმ წყეულმა გამოგზავნაო? — ჰკითხა ფასკუნჯმა, — ეს ალაგი ქვესკნეთს არის: ქვესკნეთის ხელმწიფე გეტყვის. მოგკლავს კიო. მაგრამ, ღვთის შეწევნით, მე გადავარჩენ, რადგან შენ მე გადამირჩინე შვილებიო. ერთი ფრთა მისცა: ეს ფრთა დახრუყე, როდესაც შევლა დაგვარდეს. და მე იქ დავიბალებიო. დაისვა მხარზე მგზავრი, დაიქეკა, გაიხსნა მიწა და ჩაიკრა ქვესკნეთს. ფასკუნჯმა მიიყვანა და დასვა ვაჟი იმ ალაგას, სადაც ეს აშბავი ითქმებოდა. ერთ ქვაზე იჯდა. მივიდა ხელმწიფე და ჰკითხა: — შვილო, რა გინდა, რისთვის მოსულხარო? — მე ის მინდა, შევიტყო იამ რა უთხრა ვარდსაო, ვარდმა რა უთხრა იასაო, — უპასუხა ბიჭმა. — გეტყვი, შვილო, და მოგკლავო, — უპასუხა ხელმწიფემ, — თუ გინდა ნუ მათქმევიანებ და არ მოგკლავ, წადიო აი, ას კაცს ერთილა მიკლია მოვკლაო, ორი ათასი ცოცხლები მყავს და ვინახავო. თუ გინდა. აქ შეგინახავ, და თუ არადა წადიო. — არა, მითხარიო, უთხრა ბიჭმა.

დასხდნენ და დაიწყეს ბაასი. უამბო ხელმწიფემ: მე მყავდა ისეთი ლაშაზი ცოლი, რომ ბნელ ღამეს ანათებდა. იმ სილამაზისა ერთი ქალი გამეზარდა, იმაზე უკეთესი იყო. მე ერთი მათრახი მქონდა, რასაც დავკრავდი — რადაც მინდოდა, იმად ვაქცევდი, მინდოდა ძაღლად, მინდოდა ჯორად და ცხენად. ჩემი მათრახის ძალა ჩემმა

ცოლმაც კი არ იცოდა. როცა ქალიშვილი გამეზარდა, მას ვასწავლე, მან კიდევ დედას ასწავლა. თურმე იმ ჩემ ცოლს კურო ჰყოლია, უვლია იმასთან, იმ არაბსაც უვლია ჩემ ცოლთან. ერთხელ ჩემი ცოლი დროს სატარებლად წავიდა, თან ქალიშვილი და მოსამსახურე წაიყვანა. წინ მე წავედი. როდესაც ისინი არაბთან მივიდნენ, მე იქ ვიყავი დამალული. მოვიდნენ, ისადილეს და წავიდნენ სახლში. ისინი რომ წავიდნენ, მე გამოვედი საფარიდან, შევეუვარდი არაბს, მოვეკერი თავი, წამოვიღე სახლში და დავმალე. დილა რომ გათენდა, მაგიდაზე დავდე. ჩემმა ცოლმა იცნო, წამოხტა და ის მათრახი დამკრა — მაქცია ძალღალდ; ისეთი დღე დამაყენა, რომ მტერსაც კი შევებრალებოდი. სამ დღეში ერთხელ მაქმევდა: შიმშილით და წყურვილით სულს მართმევდა. ის კიდევ ჩემს თვალწინ საყვარელს ეხვეოდა. მუდამ დღე ამ დუხჭირში ვიყავი. ერთხელ ჩემი ცოლი და ქალი სხვაგან წავიდნენ. ერთი მოახლე მყავდა. იმ მოახლემ ის მათრახი დამკრა და ისევ კაცად ვიქეცე. მერე ის მათრახი დავიჭირე ხელში და, როცა დედა და შვილი მოვიდნენ, გადავკარ მათრახი — ცოლი წყლად ვაქციე, და აი, ახლა ჩემ წინ მიდის, ნაგავი და ნეხვი შიგ ჩადის, ღორები და ძაღლები შიგ იწუმებებიან. ქალი ვერ გავიმეტე თვალით საყურებლად. დაეწყველე და ის არის ჩემი შვილი, რომელმაც გველმაც შენ გამოგგზავნა. ახლა რომ შენ წახვიდე და ყველა ეს ამბავი ჩემს ქალს უამბო, ის ქალად იტყვევა, ეს ჩემი ცოლი აქ ისევ დედაკაცად იტყვევა და იმავე ტანჯვაში ჩამაყენებენ, რა ტანჯვაშიც წინათ ვიყავი. აბა ცოცხალი როგორ უნდა გაგიშვაო?!

ეს ლაპარაკი რომ გაათავა ხელმწიფემ, ბიჭებს უბრძანა: — აბა, ბიჭებო, მოსქერით თავიო! ვაჟმა უთხრა: — ყალიონს დაჩვეული ვარ, ერთი კიდევ მომაწევიანეთ სიკვდილის წინ და ისე მომკალითო. მოუტანეს ყალიონი და ცეცხლი, დაიწყო წვევა. ამოიღო ფასკუნჯის მოცემული ბუმბული, დაადო ყალიონს და დაუწყო ტრუსვა. ამ დროს იქეჭა ფასკუნჯმა, ერთ წამს დაეშვა ვაჟთან, მოიტაცა, შეისვა მხრებზე და ერთიან აიტაცა ზექვეყანას. ვაჟი გადარჩა, ხელმწიფემ ველარ მოკლა.

წამოვიდა ვაჟი და მოვიდა იმ სამ კაცთან, გზაზე. რომ შეხვდნენ: უფროსი რომ უწვერული იყო, შუათანა ქალარა და უმცროსი სულ გათეთრებული. პირველად უმცროსთან მივიდა. — აბა, ახლა მოთხარი, რადა ხარ გათეთრებული, ბოლო რამ მოგიღოო? მან უთხრა: — ისეთი საძაგელი ავი ცოლი მყავს, ღმერთიც რომ მოვიყვანო სახლში, იმასაც კი ვალანძლავს და გაათრევსო, მე ხომ მლანძლავს და მკრულავსო. ერთი წუთი მოსვენება არა მაქვს, ქვეყანაში თავი არ გამო-

შეყოფათ. იმის ჭაერმა და ვარამმა გამათეთრა და მომხარა წელშიო.

შუათანა ძმამ უთხრა: — ჩემი ცოლი ცოტა უკეთესიაო, მაგრამ წმინდა წყლისა არც ის არისო; არც ის მაყრის ხეირსაო. მეც იმან გამათეთრა და უღროოდ დამაბერაო.

უფროსმა ძმამ უთხრა: — რაც უნდა გაჭაერებული მოვიდე სახლში, რაც უნდა ჭაერი მაწვეს გულზე და პირი არ მეღებოდეს, მოვა ჩემი ცოლი, ისეთ სიტყვას შეტყვის, ისე მომექცევა, რომ სულ სიცილით დავსუსტდებიო, და რაღა დამაბერებს იმის შემყურესაო.

გამოეთხოვნენ ერთმანეთს, დალოცეს ერთუერთი და განშორდნენ. ვაჟი თავის გზაზე წამოვიდა, ის ერთი წელი ისე წასულა და გაპარულა, რომ ერთი დღეღა აკლია მისვლას. ვაჟმა მშვილდ-ისარი მოიხსნა, გასტყორცნა. ისარი გველთან დაერქო. გველმა თქვა, მოდიხო, სიხარულით ზეცას ეცა, მიწას დაეცა, ცხრა მთას იქით გადავიდა, ვიდრე ბიჭი კარავთან მოვიდოდა, ის გველი კიდევ მალე მოვიდა. შევიდა უმცროსი ძმა და ძმებიც იქ დახვდნენ დაჯდა ეს ბიჭი და დაუწყო გველს მასლაათი, ყველაფერი უამბო ხელმწიფის ნათქვამი. დაამთავრა თუ არა მოყოლა, გველი მშვენიერ ქალად იქცა და ქალ-ვაჟი გადაეხვივნენ ერთმანეთს, გახდნენ ცოლ-ქმარი. მას შემდეგ ეს ამბავი დაუვიწყარია და იტყვიან ამბად.

პირი იქა. ლხინი აქა.

ქათო იქა. ფქვილი აქა.

ზღაპარი მონადირისა და დიდი არწივისა

იყო და არა იყო რა, ღვთის უკეთესი რა იწინებოდა, იყო ერთი ღარიბი მონადირე. ერთხელ მინდორში ნადირობდა და ნახა: სამ მუხაზე ერთი დიდი არწივი იჯდა, საძივე მუხა ეჭირა. მოზიდა მშვილდს მონადირემ, დაუმიზნა ისარი. არწივმა უთხრა: — ნუ მომკლავ, მხარი მაქვს მოტეხილი, წამიყვანე სახლში, მომიარე, მომარჩინე, ბარტყი ვარ და ბოლოს მეც გამოგადგებიო. აღარ მოკლა მონადირემ, წაიყვანა სახლში. ცოლს ძალიან ეწყინა: ჩვენთვის არაფერი გვაქვს, მაგას რა ვაჭამოთო!

მართლაც ისეთი ღარიბები იყვნენ, კბილის გამოსაჩიჩქნი ჩხირიც კი არ ჰქონდათ. ორ კვირას უწამლა. დაეტყო რჩენა. არწივმა მონადირეს უთხრა: წამიყვანე მუხებთანაო.

წაიყვანა მონადირემ. დაუქროლა არწივმა და ერთი მუხა ძირიანად მოკვლიჯა და სამი მთის იქით გადასროლა. მონადირეს უთხრა:— კიდევ წამიყვანე. ცოტა კიდევ მაკლიაო! მონადირემ ისევ წამოიყვანა. ორ კვირასა ჰყავდა კიდევ. არწივმა უთხრა: წამიყვანე მუხებთანაო. წაიყვანა მონადირემ. დაუქროლა არწივმა, მოკვლიჯა მეორე მუხა და ცხრა მთას იქით გადააბზრიალა. — კიდევ მაკლია ცოტა მორჩენა, კიდევ წამიყვანე ცოტა ხანსაო! მონადირემ ისევ წაიყვანა. ცოლი ძალიან გაუწყრა, ჩვენთვის არაფერი გვაქვს, ეგ რაღა მოათრეო. არწივი ორი კვირა კიდევ იყო; მონადირე წამლებს ადებდა, უხვევდა მხარსა. ორი კვირის უკან სრულებით გაჭანააღდა და მონადირეს უთხრა: ახლა წავიდეთ მუხებთანაო. წავიდნენ. დაუქროლა არწივმა და მესამე მუხა სრულებით დაქარგა: ველარ გაიგეს, სად გადავარდა. მაშინ არწივმა უთხრა: — ახლა კარგადა ვარ. უნდა შემაჯღე მხრებზე, ერთი დაკლული ხარი წამოიღო თან. ჩემს დედამასთან წაგიყვან და დაგასაჩუქრებენო. ამას კი გეტყვი, რაც უნდა გაძლიონ არ გამოართვა, მარტო სთხოვე: — თქვენ რომ ჟანგიანი ყუთი გაქვთ. ეგ მომეცი-თქო.

წავიდა მონადირე, დაამზადა ერთი ხარი, დაუღო არწივს მხრებზე და თვათონაც ზედ შეაჯდა. არწივი აფრინდა და წავიდა სულ მალა და მალა. რამდენიც შემოტრიალდებოდა, მონადირე იმდენ ნაჭერ ხორცს ჩაუღებდა პირში. ის იყო, მივიდნენ, რომ ხორციც გაუუთავდა. გამოიჭრა კანკი მონადირემ და შეაქაშა.

— ოჰ, ეს რა გემრიელი რამე შემაქამეო! — უთხრა არწივმა, გადმოსვა დაბლა. ბინაზე რომ მივიდნენ, მონადირემ კოკლობა დაიწყო. — რათა ჰკოკლობო? — ჰკითხა არწივმა. — წელან შენ რომ თქვი, ეს რა გემრიელი რამე შემაქამე, ის ჩემი ხორცი იყო; ხარის ხორცი გამითავდა და კანკულან გამოვიქერო! მოუსვა ფრთა არწივმა და გაუშრთელა. მიიყვანა დედასთან მონადირე. დედას უთხრა: — დედაე. მხარშოტეხილი ვიყავ, ამ კაცმა სიკვდილს გადამარჩინა და რაც ისურვოს, ყველაფერი მიეცითო.

გადმოუღო და გადმოუღო არწივის დედამ მონადირეს ოქრო და ვერცხლი, თვალი და მარგალიტი, ჩასაცმელი და დასახური, მაგრამ არაფერს ხელი არ მოჰკიდა. — რაღა გინდაო? — ჰკითხა არწივის დედამ. — თქვენ რომ ჟანგიანი ყუთი გაქვთ, ის მომეცითო! კიდევ ძვირფასი და ძვირფასი გადმოუღო დედამ. მონადირე ადგა და წასვლა დააპირა. — მოდი, მოდი, წაიღეო! — დაუძახა არწივის დედამ. გადმოუღო კიდევ ძვირფასი და ძვირფასი რამე. ყუთი კი არ მისცა. მონადირე წამოვიდა. — მოდი, მოდი, წაიღეო! — მობრუნდა

მონადირე. კიდევ ძვირფასი და ძვირფასი რამეები გადმოუღო. ყუთს მაინც არ აძლევს. მონადირემ მაინც სხვას არაფერს მოჰკიდა ხელი. შესამედ დაუძახა არწივის დედამ და მისცა ყუთი. უთხრა: — სანამ შინ არ მიხვიდე. არამც და არამც არ გახსნა, თორემ ძალიან ინანებო. შეისვა არწივმა მხრებზე მონადირე და ისევ ძირს ჩამოიყვანა.

მოდის მონადირე, მოაქვს ყუთი, იფიქრა — იქნებ იმათ მომატყუილეს და ცარიელი ყუთი მომცესო. ვნახავ რა არის შიგაო. იქნება იაეთი რამე ძვეს, მომკლასო. გახსნა. ამოვიდა და ამოვიდა დუქან-ბაზარი და სასახლეები. გაიჭიმა უზარმაზარი ქალაქი, გაჩაღდა ვაჭრობა. გარბიან და გამორბიან ვაჭრები. ერთი ხმაურობა და ამბებია. მონადირე კი დგას და შესცქერის. უნდა დაკეტოს, მაგრამ ვერა კეტავს. იცემს გულში ხელს, იბღღენის თმას. ამ დროს ჩამოივლის ერთი დევი. — რასა სტირი, კაცო? — რას არა ვტირი, ეს ყუთი გაეხსენ, ეს ქალაქი იქიდან ამოვიდა და ველარ დაეხურეო. — რას მომცემ, რომ დაეხეროო. ხომ მომცემ იმას, რაც შენ არ იციო? — მოგეცეო, — უთხრა მონადირემ. იმისი ცოლი ორსული იყო და, სანამ მონადირე მივიდოდა, იმას ოქროს ქოჩრიანი ვაეი ეყოლა და მონადირემ კი არა იცოდა რა. დაუხურა დევმა ყუთი, ეს ქალაქიც აიკრიფა და ისევ ისეთი აღგილი დარჩა, როგორც წინათ იყო. ამა და ამ დროს მოვიკითხავ მე ჩემსას და გამომიგზავნეო, — უთხრა დევმა. კაცი წავიდა სახლში, გახსნა ყუთი და ამოვიდა და ამოვიდა ისევ დუქან-ბაზარი და სახლეები. გაიმართა ქალაქი. ეს კაცი ქალაქის პატრონია, მაგრამ შვილი ადარდებს: დევს უნდა გაუგზავნოს, ჭავრი არა სცილდება. როცა მოიზრდება ეს ვაეი, ადგება და წავა დევთან. ივლის, ივლის და გზაზე ერთი დედაკაცი შეხვდება. — სად მიდიხარ. შვილო — კითხავს. — დევთან მივდივარ, უნდა შემეჭამოსო. — შვილო, — უთხრა დედაკაცმა, — რომ მიხვალ, წყალს ნახავ, იმ წყალზე დევს ქალები ჩამოდიან საბანაოდ. შენც იქვე დაიმაღე. ზევით რომელიცა დგას — უფროსია; იმის ქვევით რომ დგას — შუათანაა და ბოლოს რომ არის. — ის უმცროსი, იმას დაუმაღე ტანისამოსი. გამოვა. მისი დები წავლენ და ის ტრტველი რაღას იზამს? რაკი ტანისამოსს არ მისცემ, შენი ცოლი გახდებაო. მერე ის გიხსნის გაქირვებიდანო. ბიჭმა ისე ქნა, როგორც დაარიგა იმ დედაკაცმა.

მივიდა წყლის პირს, ჩასაფრდა. როცა ქალები მოვიდნენ, დაიწყეს ბანაობა, ის მივიდა და აიღო უმცროსი ქალის ტანისამოსი. ქალები ბანაობას მორჩნენ. გამოვიდნენ. უფროსებმა ჩაიციეს, უმცროსმა ვერ იპოვა ტანისამოსი და დაიძახა:

— ვინა ხარ, გამოჩნდი, შენ ძმა და მე დაო! — ბიჭი არ გამოვიდა. ქალმა კიდევ დაიძახა: — გამოჩნდი, ვინა ხარ, შენ ძმა და მე დაო! — ბიჭი არ გამოვიდა. ბოლოს ქალმა დაიძახა: — გამოჩნდი, ვინა ხარ, ჩანი წავივიდეს, შენ ქმარი და მე ცოლიო! მაშინ გამოვიდა ვაჟი და მისცა ტანისამოსი. ქალმა შეხედა, ეს ოქროს ქოჩრიანი ვაჟი ძალიან მოეწონა. უთხრა: — რათ მოსულხარ აქაო? — მამაშენის ლუკმა ვარო, — უთხრა ვაჟმა, — უნდა შემეპამოსო. — ნუ გეშინია, — უთხრა ქალმა, — როცა გაგიპირდეს, მე შემატყობინეო. მივიდა ვაჟი დევთან. დევმა უთხრა: — ერთ რამეს გეტყვი, და, თუ ვერ აასრულე, იცოდე, შეგვკამო; ჩემი ეზო და კარები სულ ოქროქსოვილით უნდა დაჰფინო! წამოვიდა ვაჟი ცოლთან დაღონებული: მამაშენმა ასე მიბრძანაო. — წადი, შენ დაიძინე, და მე ვიციო, — უთხრა ქალმა. იმ ღამეს დაიბარა თავისი კაცები და სულ ძვირფასი ოქრო-ქსოვილებით დააფენინა ეზო-კარი. დილით უთხრა ქმარს: — მიდი, დაჭექი და დაუწყე სწორება, ვითომ შენ დაჰფინეო.

გამოვიდა დევი. ზის ვაჟი და ასწორებს ოქრო-ქსოვილებს. რაღა იქნებოდა! მეორედ უბრძანა: — ხვალისათვის ისეთი სასახლეები უნდა დამიდგა, რომ ხელმწიფეს ეკადრებოდესო! წავიდა ვაჟი ცოლთან. ცოლმა უთხრა: შენ წადი, არხეინად დაიძინე, მე თვითონ ვიციო. წავიდა ვაჟი, დაიძინა. ქალმა დაიბარა თავისი კაცები და უბრძანა:

— აბა, როგორ მარდად მოიქცევით, თქვენი იმედი მაქვსო. დილისთვის ისეთი სასახლეები დადგით კაცს თვალსა სტატებდეს. უთხრა ქმარს ქალმა:

— ადი, ზედ აიტანე ჩაქუჩი, ვითომ რამეები დაგკლებია, აკაკუნეო. ავიდა ვაჟი სასახლეზე, უქირავს ჩაქუჩი და აკაკუნებს. გამოვიდა დევი. ნახა მშვენიერი სასახლეები დაუდგამს; იკბინა ტუჩზე, მაგრამ რაღა იქნებოდა! მერე უთხრა: — ერთი ცხენი მყავს გასახედნი და ის უნდა გამიხედნოო. — კარგო! — უთხრა ვაჟმა. წავიდა ცოლთან. ცოლს უთხრა: — მამაშენს გასახედნი კვიცი ჰყოლია, ის უნდა გამახედნინოო. — აქამდე არაფერი, საქმე ახლა არისო, — უთხრა ცოლმა; თვითონ მამაჩემი იქცევა კვიცად და იმას უნდა უმხედროო. მე ერთ ლაგამს მოგცემ, ის ლაგამი ამოსდე იმას პირში, თან ერთი რკინის კვერი წაილე, აღმა აფრინდეს თავში სცემე, დაღმა წავიდეს — ცხვირშიო. ნუ შეიბრალებ, რაც ძალა და ღონე გქონდეს, მაგრა დაჰკარ, თორემ ცოცხალს არ გაგიშვებსო.

მეორე დღეს წაიღო ვაჟმა ლაგამი და ჩაქუჩი. შეჭდა ამ კვიცზე და გაფრინდა ცხენიც ცისკენ. რამდენიც ის ცხენი ზევით აიწევდა,

იმდენს დაუშენდა თავში კვერსა, და რამდენს ძირს დაეშვებოდა, იმდენს ცხვირში სცემდა. ისე მოლალა, რომ ძალა გამოეღია და დადგა ცხენი. მოიყვანა დევის კარებზე, შეიყვანა თავლაში, წამოკყარა ლაგამი და გამოვიდა. იქცა ცხენიც ისევე დევად და გამოვიდა ისიც. დევი კარებზე დგას. — რა ჰქენ, გაჰხედნე ჩემი ცხენი, თუ არაო? — ჰკითხა წყრომით ვაჟსა. ვაჟი ხედავს, რომ დევს ყბები სულ ჩამოლადრული აქვს ცემისაგან. — რა გკირს სახეზედო? — ჰკითხა ვაჟმა. — ეს შენი ნაცემი არისო, — უთხრა დევმა, — შენ რომ იჯექი, ის ცხენი კი არ იყო, მე ვიყავიო. ხვალ კი აღარაფერი აღარ გიხსნის, უნდა შეგჰამოო! შეწუხებულნი ბიჭი მივიდა ცოლთან. — რა ჰქენ, უმხედრე ცხენსა თუ ვერაო? — ჰკითხა ცოლმა. — მამაშენმა მითხრა, ხვალ უნდა შეგჰამოო. ველარაფერი ვერ გიშველისო. იმ ღამესვე ადგნენ ეს ქალი და ვაჟი და გასწიეს. იარეს, იარეს რაც ძალი და ღონე ჰქონდათ. რომ გათენდა, გაიგო დევმაც მათი გაპარვა და გამოევიდა ისიც.

მიდიან ქალი და ვაჟი. ქალი ეტყვის ვაჟსა: — აბა, მიიხედე, ხომ არავინ მოგვდევსო! მიიხედავს ვაჟი: — ბუზის ტოლად შორს რაღაცა მოჩანსო! იქცა ქალი შემოსულ ყანად. ვაჟი მომკალად. დგას, მკის და გადასდის ხვითურთ. მოვა დევი. — ამაზე ქალსა და ვაჟს ხომ არ ჩამოუვლიაო, — შეეკითხა მომკელსა. — მთელი დღე ვმკი, სიცხით ვიწვი, რა ამვლელისა თუ ჩამომვლელისათვისა მცხელაო? — ეტყვის დევსა, — არავინ მინახავსო. გაბრუნდება დევი უკან და გასწევს თავის სახლში. — ვერავინ ვნახე იმათი მნახველიო. — სრულებით არავინ იყოო? — ჰკითხა ცოლმა.

— როგორ არა, ერთ ალაგას ყანა იყო და მომკალი მკიდაო. მიველ ვკითხე და არავინ მინახავსო. — აბა, შენი ქალი და სიძე ისინი ყოფილანო, — უთხრა ცოლმა.

როცა დევი შინ გამობრუნდა, იქცა ყანა ისევე ქალად, მომკალი ვაჟად და გაუდგნენ გზასა. იარეს, იარეს, დიდი გზა გაიარეს. დევიც დაბრუნებულა ისევე სახლიდან და გამოჰკიდებია. ქალი ეტყვის ვაჟსა: — აბა, მიიხედე, ხომ არავინ მოჩანსო? — ბუზის ტოლად რაღაცა ჩანსო, — ეტყვის ვაჟი. — ის მამაჩემიაო! იქცა ქალი დაბურულ ტყედ, იმის ქალწულ გულში მზის სხივი არ ჩავარდება; ვაჟი — მოხუცებულ კაცად, დადის ტყის პირებში და ჩინჩხვრებს ჰკრეფს. მოვა დევი. — აქეთკენ ქალსა და ვაჟს ხომ არავის ჩამოუვლიაო? — ჰკითხავს დევი ბერიკაცსა. — ამ ტყის მადლმა, რაც ეს ტყე გაჩენილა, აქა ვარ და მე აქ სხვა არავინ მინახავს შენს მეტიო. მოხუცებული ვარ, მე რა მგზავრების დარდი მაქვსო. — გაბრუნდა

დევი და წავიდა სახლში. იქცა ტყე ისევ ქალად, მოხუცებული ვა-
 ეად და გაუდგნენ გზასა. მოვიდა დევი სახლში. — რა ჰქენ, ვერსად
 დაეწიე, ვერ დაიჭირეო? — ჰკითხა ცოლმა. — ვერაო, — უთხრა
 დევმა. მათი მნახველი ძე-ხორციელი ვერა ვნახეო! გზაზე ერთი უღ-
 რანი ტყე იყო, ერთი ბერიკაცი ჩინჩხვრებსა ჰკრეფდა, სხვა არავინ
 მინახავსო. — შე გამოყრუებულო, ის ტყე შენი ქალი იყო და ის
 მოხუცებული — შენი სიძეო, — უთხრა ცოლმა. ახლა კი მეც წა-
 მოვალ და ვნახოთ, სად წამივლენო! შესხდნენ რაშებზე ორივე
 ცოლ-ქმარი და გამოეკიდნენ ქალსა და ვაჟსა. მიდიან ქალი და ვაჟი,
 მისდევენ დევი და მისი ცოლიც. ქალი ეტყვის ვაჟსა: — აბა, მიიხე-
 დე, ხომ არავინ მოგვდევსო? — მიიხედა ვაჟმა. — ბუზის ტოლად
 რაღაცა მოჩანსო, — ეტყვის ვაჟი. მიიხედა ქალმა, მიიხედა და ორად
 მოჩანდა. — ახლა დედაჩემიც მოგვდევს, ახლა კი ველარ გაღვეურ-
 ჩებიტო! იქცა ქალი უძირო ტბად და ვაჟი იხვად. ლაპლაპებს
 ტბა და დაეცურავს იხვიც არხეინად. მივიდნენ დევი და იმისი ცო-
 ლიც. დაეწაფა დევის ცოლი ტბას, დაუწყო სმა, უნდა ამოეცალა სუ-
 ლა. დაუწყო სმა დევმაც. სვეს, სვეს და ორივერი დასქდნენ. იქცა
 ტბა ისევ ქალად, იხვი ვაჟად. გადაეხვივნენ ერთმანეთს და დაჰკოც-
 ნეს. შესხდნენ დევისა და იმის ცოლის რაშებზე და გასწიეს ვაჟის
 მამასთან.

კირი.იქა, ლხინი აქა;
 ქატო იქა, ფჰვილი აქა.

ხასან-ხუსანა

იყო და არა იყო რა, ღვთის უკეთესი რა იწნებოდა, იყო ერთი
 ხელმწიფე. ჰყავდა სამი ვაჟიშვილი. გავიდა დრო, მოხუცდა ხელმ-
 წიფე, დაიბარა შვილები და უთხრა: — ვიცი, მე უნდა მოვკვდე, ან-
 დერძად ამას გიტოვებთ: ამა და ამ ქვეყანაში დევებს გატაცებული
 ჰყავთ სამი ქალიშვილი და თუ შეგიძლიათ, ისინი მოიყვანეთო და
 სათითაოდ დაირიგეთო! კიდევ უთხრა მეორედ: — შვილებო, მე
 მყავს ბევრი მტერი, სანამ ცოცხალი ვიყავი, ვერაფერს მაკლებდნენ
 და მე რომ მოვკვდები, არ მოუშვათ ჩემს ახლოსო.

ხელმწიფე მოკვდა. დაკრძალეს შვილებმა და დაუწყეს დარაჯო

ბა. წავიდა პირველ ღამეს დიდი ძმა-მამის საფლავზე. როდესაც გათენება ახლოვდებოდა, ბიქს თვალეში რალაც მოებლანდა. შეეშინდა და გამოიქცა სახლისკენ. მოვიდა და შევიდა ბოსელში. იმ ღამეს იქ გაათია. გათენდა თუ არა, შევიდა ბიჭი სახლში. ძმები დაეკითხნენ: — ხომ არავეინ მოსულაო! — ძმამ უთხრა: — არავეინ არ იყოო. მაგრამ იმ ღამეს მოვიდა ვიღაცა და მთელი საფლავი დათხარა.

მეორე ღამეს მოვიდა შუათანას ჯერი. ისიც ისე გამოიქცა, როგორც პირველი ძმა.

ბოლოს ადგა და წავიდა სულ პატარა ძმა. აისხა იარაღი და დაიწყო დარაჯობა. როდესაც ძილი მოერია, არ დამეძინოსო, ადგა, თითი გაიჭრა და სიმწრით არ დაეძინა. უცბად ჰაერში გაისმა რალაც შრიალი. ბიჭი მიიმალა საფლავების ქვების უკან და დაიწყო ცდა. ამ დროს ჩამოეშვა წითელ რაშზე მჯდომი ხელმწიფე, დაახტა საფლავს და უთხრა: — სიცოცხლეში ვერაფერი ვერ დაგაკელი, ახლა ხომ მოკვდი, უნდა ამოგიღო და სულ ლუქმა-ლუქმა დაგკრაო. გაიგო ბიჭმა ეს თუ არა, ესროლა ისარი და ჩამოაგდო ძირს. მიიყვანა ცხენი და დააბა ძეგლის გვერდით. მოიცადა კიდევ ცოტა ხანი ბიჭმა და უცბათ კიდევ გაისმა შრიალი. ადგა და მიიმალა. ჩამოეშვა ხელმწიფე ძირს, რომელიც იჯდა თეთრ რაშზე, და უთხრა: — სიცოცხლეში ვერაფერი ვერ დაგაკელი, მაგრამ ახლა ხომ მოკვდი, უნდა ამოგიღო და რაშის ფეხებით უნდა გადაგქელოო. გაიგო ბიჭმა თუ არა ეს სიტყვები, ესროლა ისარი და ჩამოაგდო ძირს. მიიყვანა რაში და რაშის გვერდზე დააბა, მიიმალა კიდევ თავის ალაგას. ამ დროს მოისმა კიდევ ჰაერში შრიალი, მოდის ხელმწიფე, რომელიც ზის შავ რაშზე. დაახტა რაში საფლავს და დაუწყო თხრა. ბიჭმა აღარ დააცადა სიტყვების თქმა, ესროლა ისარი და ჩამოაგდო ძირს.

იტყვდა ბიჭმა კიდევ დიდ ხანს. რომ არავეინ მოვიდა, გათენებისას ადგა და წამოვიდა. წამოიყვანა სამივე რაში. წამოსვლის დროს მამამისმა საფლავიდან ამოსძახა: შვილო, შენ ღმერთმა ისეთი ძალა მოგცეს, რომ დედამიწას უქირდეს შენი ტარება, შენ ძმებს ძალა ისე დააკლოს ღმერთმა, წინ რომ პური ედოთ, ვერა შექამონო მართლაც, მოემატა ბიქს ღონე და დევგმირულად მოდის გზაზე. მიიყვანა რაშები და დააბა ბოსელში. მივიდა კარებთან, გააღო და შევიდა. ნახა რომ ძმებს სძინავეთ. ადგა და დაუყვირა: — აღექით, თქვე ზარმაცებოო. მაგრამ ძმები ადგილიდან ვერ ინძრეოდნენ. მაშინ მივიდა პატარა ძმა, მოჰკიდა ხელი ძმებს და დასვა სკამზე. შეეკითხა: მამის ანდერძი არ უნდა ავასრულოთო? ძმებმა უთხრეს: აღვომა აღარ შეგვიძლია და იქ როგორ წამოვალთო.

მაშინ ადგა პატარა ძმა და შეუდგა მამის ანდერძის შესრულებას. შეჭდა წითელ რაშზე და გაუდგა გზას. ბევრი სიარულის შემდეგ შეხვდა ვერცხლის ტბა. გადაათრინა რაში, მაგრამ რაშმა მეტი წასვლა ვეღარ შეძლო და დაეშვა ძირს. მაშინ მობრუნდა ბიჭი და გადმოიყვანა ისევ პირველ ნაპირზე, მოიყვანა უკან სახლში და შეჭდა შავ რაშზე. შემოპკრა ბიჭმა შავ რაშს მათრახი თუ არა, რაშმა ნიაევივით გააქროლა მეორე ნაპირზე. ბევრი იარა ბიჭმა, ბოლოს დაინახა კვერცხივით მრგვალი კოშკი. შემოუარა გარშემო, კარები ვერ ნახა. მაშინ ადგა და ერთ ალაგას გაპკრა და შეანგრია კოშკის კედელი. თურმე ეს კოშკი ყოფილიყო დევებისა. სწორედ ის სამი ქალიშვილი აქ ყოფილიყვნენ. შეიარა ბიჭმა. შემოხვდა დევი, რომელიც გაგულისებული მოდიოდა. დაეტაკა ბიჭს, მაგრამ ვერაფერი უყო. მოუქნია ბიჭმა ხმალი და ქათამივით წააგდებინა თავი.

განაგრძო გზა. მივიდა ერთ ალაგას. გაიხვდა და დაინახა ათსართულიანი სახლი. ყველა სართულში იდგნენ მცველები. დაიწყო ბიჭმა პირველ სართულზე ასვლა. ამ დროს შემოხვდა ადამიანის მსგავსი კაცი, სახელად ხასანა. აიარა მეორე სართული და შემოხვდა მეორე ადამიანის მსგავსი კაცი — ხუსანა. ბიჭს გაუკვირდა აქ ადამიანის მსგავსი ხალხი რომ ნახა. თურმე ეს ვაჟები იმ ქალების შვილურბია, ორი დისა. მესამეს კი არ ჰყავდა. ავიდნენ ზევით. მიიყვანეს ბიჭებმა თავიანთ დედებთან. გაიგო ბიჭმა მათი ვინაობა და დაიწყო გამოძიება. თურმე ეს ქალები გამოტაცებული ყოფილან ამ ბიჭის სახელმწიფოდან. ბიჭმა უთხრა: — მე მოვსულვარ თქვენდა წასაყვანადო! მაშინ ქალებმა უთხრეს: ახლა ჩვენი ქმრები მოვლენ და მოგკლავენ. გირჩევთ აქედან წახვიდეთ. არ დაუჭერა ბიჭმა და მოუცადა იქ.

ამ დროს გაგულისებული დევები მოდიოდნენ სანადიროდან. ვერაფერი ენადირათ და გაჭავრებულები იყვნენ. შემოვიდნენ სახლში თუ არა, დაინახეს უცხო კაცი. მოვიდა დევი, შექმა დაუპირა, მაგრამ ხასანამ, მისმა შვილმა, არ მიუშვა, დევი გაგულისდა და შეებრძოლა თავის შვილს. როდესაც ხელავდა ბიჭი, რომ იმას უნდა ეძლია, მოუქნია ხმალი, ფეხებიდან გადასჭრა და დავარდა დევი ძირს. ხასანა მოეხვია მეგობარს.

მოკლა მეორე დევიც და წამოიყვანა ორივე და. თურმე მესამე და ჰყოლია ერთ გიჟ ქოსას, რომელიც თმებით არის ჩამოკიდებული. ქალებმა უთხრეს ბიჭს: როდესაც მიხვალ ჩვენი დის წამოსაყვანად, არამც და არამც არ შესცდე და ქოსა არ ჩამოხსნა, თორემ ის ლო-

ნიერია, შემოგკრავს და დაგარეტიანებსო. მაგრამ ბიჭმა ეს არ დაუჯერა. შევიდა სახლში, ნახა, რომ ქოსა მართლა თმებით იყო ჩამოკიდებული. ქოსამ რომ დაინახა ადამიანი, მიმართა: — ადამიანის შეილო, ჩამომხსენაო. ქალმა უთხრა: — ეს რომ ჩამოხსნა, ვერც მე წამიყვან და შენც ცოცხალი ვერ გადარჩებიო!

ბიჭმა არ დაუჯერა და ჩამოხსნა ქოსა. მოუბრუნდა ქოსა მაშინვე, შემოჰკრა მუშტი და კვახივით დაახეთქა ბიჭი ძირს. მოიტაცა თავისი ცოლი და გაიქცა. ბიჭი ძირს დაეცა გულწასული. მოვიდნენ ხასან-ხუსანა და ძლივს ააყენეს. ბიჭმა უთხრა: — სად წავიდა, მაჩვენეთო. ხასანამ უთხრა: — აი, ის ხე, მინდორში რომ ჩანს, იქ მრდი. იმ ხესთან ყოველ საღამომობით ამოდის ერთი კვიცი და სძოვს; ადი შენ ხეზე, როდესაც კვიცი ახლოს მოვა, დააფრინდი ზედ, მიეკარ მუტელზეო, და ეგ კვიცი იმ ქოსასთან ჩაგიყვანსო. ასეც მოიქცა ბიჭი. მივიდა ხესთან, ავიდა ზედ და დაიცადა.

საღამოს პირას გამოვიდა კვიცი და დაიწყო ძოვა. მოისამთა* ბიჭმა ადგილი და გადაეშვა კვიცზე, მიეკრა მუტელზე. კვიცი მაშინვე გაქრა თავის ბინისკენ და ჩაიყვანა მიწის ქვეშ. როდესაც მივიდა ადგილზე, გაჩერდა. გადმოვიდა ბიჭი. გაალო კარი და შევიდა ოთახში. ნახა, ქოსას სძინავს. ქოსამ თურპე ერთი თვე ძილი იცის, ერთი თვე სიფხიზლე. გაალო მეორე ოთახი და ნახა ქალი, რომელიც ძალიან ტირის. ქალმა დაინახა ბიჭი თუ არა, გახარებული წამოხტა და მოეხვია. ამ ქალმა ბიჭს უთხრა: — ჩქარა, ახლავე წავიდეთო! — წამოიყვანა ბიჭმა, მოიყვანა მის დებთან და გაგზავნა თავის სახელმწიფოში. თვითონ კი უკან დაბრუნდა. ჩავიდა ქოსასთან და ნახა, ქოსა ახლად იღვიძებს. შემოაჯდა კვიცს და გამოქუსლა. გამოიღვიძა ქოსამ. ნახა, რომ ცოლი იქ აღარ არის, გამოეკიდა ბიჭს... ბევრი სდია, მაგრამ ვერ დაეწია. ბიჭმა გააჩერა კვიცი, გადმოხტა მიწაზე და გმირულად დაუხვდა ქოსას. გაუქანა ხმალი და კისერი მოაგდებინა. მოჰკლა ქოსა და წამოიყვანა მისი ცხენი. მოიყვანა თავის სამშობლოში და დაიწყო იქ ცხოვრება. დიდი და მისცა დიდ ძმას, შუათანა შუათანას და პატარა თვითონ შეერთო. დაჯდა ხელმწიფედ და დაიწყო მხიარული ცხოვრება.

ჭირი იქა, ლხინი აქა,
ქატო იქა, ფქვილი აქა.

* მოისამთა — მოიხერხა.

იყო და არა იყო რა, ლეთის უკეთესი რა იქნებოდა, იყო ცხრა ძმა. მათი დედა მეთებზე ორსულად იყო. ძმებმა ერთხელ სანადიროდ წასვლა დააპირეს და დედას უთხრეს: — ჩვენ წავალთ, თუ ვაჟი გაგიჩნდეს, უღელი გამოდგი ბანზე და თუ ქალი — ჯარაო. თუ ვაჟი გაგიჩნდა, ჩვენ წავალთ და დავიკარგებითო, — წავიდნენ სანადიროდ.

გაუჩნდა იმათ დედას ქალი და ლაღვა ჯარა ბანზე; ერთმა წყეულმა ბებერმა უპტრო: აიღო ჯარა, და უღელი გამოდგა. მოდიან ძმები სახლში, დაინახეს გამოდგმული უღელი და თქვეს: დედაჩვენს მეთებ ვაჟი გასჩენიაო; ეწყინებათ საშინლად, წავლენ და გადაიკარგებიან ცხრა მთას იქით. მათი და კი იზრდება და შვენდება. სხვა რომ წლით იზრდება, ის დღით იზრდება. ისეთი გაიზარდა, თითქოს დევიაო.

ერთხელ ქალი ბავშვებთან თამაშობდა და თამაშობაში ერთი გოგონა აატირა. გოგოს დედამ დასწყევლა ქალი და დააყვედრა: — შე გასაწყვეტო, თუ ეგეთი ღონიერი ხარ, ცხრა მთას იქით რომ ცხრა ძმა გადაგეკარგა, მათ რატომ არ იპოვი და უშველიო. ქალს ჩაეჭრა გულში დედაკაცის სიტყვები, მივიდა დედასთან და უთხრა: — დედავ, ეინმა მომიარა და ძუძუ მომაწოვეო! — რაღა დროს შენი ძუძუა, შვილო, ახლა გასათხოვარი ხარო!

ქალმა უთხრა კიდევ: — დედავ, თუ გიყვარდე, მაინც მომაწოვეო! — დედამ აუსრულა თხოვნა. ქალმა ძუძუ რომ ჩაიგდო პირში, რაც ძალი და ღონე ჰქონდა მოუჭირა კბილი და უთხრა დედას: — მითხარი, თუ მართლა ცხრა ძმა მყავსო! — არა, შვილო, — უპასუხა დედამ, — მე იმის ღირსს ვინ გამხდის, რომ ცხრა შვილი მყავდესო! — სწორად მითხარ, თორემ ძუძუს მოგაგლეჯავო! — უთხრა ქალმა. დედა რომ შეწუხდა ტყვილისაგან, მერე უთხრა: — მართალია, შვილო, ცხრა შვილი მყავდა; შენზე ორსულად რომ ვიყავ, ისინი სანადიროდ წავიდნენ; ვაჟი გამიჩნდებოდა, უღელი უნდა დამედგა, ქალი — ჯარაო. მე ჯარა გავდგი, მაგრამ ერთმა სულის მტერმა ბებერმა მიღალატა, ის ჯარა აიღო და უღელი გადგაო. ახლა შენი ძმები ცხრა მთას იქით არიან გადაკარგულებიო. — მაშ, მე ცოცხალი ნუ ვიქნებო, — სთქვა ქალმა, — თუ არ წავიდე და არ მოვძებნო ჩემი ძმებიო! — ჩაიცვა ქალმა კაცური ტანისამოსი, დაიჭირა რკინის ჯოხი და გაუღდა გზას.

ბევრი იარა ჭალმა, თუ ცოტა იარა, მივიდა იმ მთაში, ცხრა მთას იქით, სადაც მისი ძმები იყვნენ, ცეცხლის შუქს მიჰყვება და მივიდა ძმებთან. ჯერ მიესალმა და მერე ჰკითხა: დამაყენებთ თუ არაო? — რატომაც არაო, — უპასუხეს დიდი სიხარულით. ჭალმა უამბო ყველაფერი. ძმები გადაეხვივნენ და დაუწყეს კოცნა: შენა ხარ ჩვენი და, ახლა ერთად ვიცხოვროთო. იმ ღამეს სიხარულით ივანშემს და დაიძინეს. მეორე დღეს ძმები სანადიროდ დაემზადნენ და დას უთხრეს: არამც და არამც ცეცხლი არ გააქრო, თორემ ძალიან ძნელი საშოვარიო. წავიდნენ ძმები სანადიროდ. ჭალს ცეცხლი გაუქრა. ბევრი იტირა, იტირა, მერე ავიდა ბანზე და გაიხედა, იქნება ცეცხლი სადმე დაინახო. გაიხედ-გამოიხედა ჭალმა, შორს, ერთ დაბურულ ტყეში დაინახა ცეცხლი; ადგა, გაჰყვება სინათლეს, იარა, იარა, და მივიდა ცეცხლთან; ცეცხლი დევების სახლში ენთო, თვით დევები კი სახლში არ იყვნენ, სანადიროდ წასულიყვნენ. მათი დედა იჯდა მარტო კერიას პირას.

ქალი მივიდა და სარკმლიდან ჩასძახა დევების დედას: — დედავ, დედაშვილობას, ცოტა ცეცხლი მომაწოდეთ! — დედაშვილობა არ გეტყება, მე ვიცოდი, როგორ დღესაც დაგაყენებდიო, — უპასუხა დევების დედამ, — ჩამოდი და წაიღეთ. დაუყარა ცხრილზე ნაცარი, ზედ ცეცხლი დაუდო და გაისტუმრა. მოდის ქალი, მოაქვს ცეცხლი და თან გზაგზა ნაცარი ებნევა, თეთრი ნაცრიანი კვალი მისდევს. მიიტანა ჭალმა და დაანთო ცეცხლი. მოვიდა დევი სახლში, დედას უთხრა: — დედავ, ადამიანის სუნი მომდისო. — არა, შვილო, აქ ადამიანს რა უნდოდაო, — უთხრა დედამ. — მითხარ, დედავ, არაფერს დავუშავებო! დაუეინა დევმა. — ერთი ქალი იყო, ცეცხლი წაიღო, წადი, კვალს გაჰყევ და ის კვალი პირდაპირ იმ ქალთან მიგიყვანსო, — უთხრა დედამ. მივიდა დევი სახლთან და ჭალს დაუძახა: — ქალო, კარი გამიღეთ!

ჭალმა იქიდან უპასუხა: — წადი, აქედან დაიკარგე, თორემ ჩემი ძმები მოვლენ და სულ აგკუწავენო. დევმა უთხრა: — თუ კარს არ გამიღებ, ხელი მაინც გამოყავიო! ჭალმა ნეკა-თითი გაუყო. დევმა წოვა დაუწყო. დევი მუდამ დღე მიდიოდა ქალთან, ქალი ძალიან დასუსტდა. ძმებმა შეატყვეს დას, რომ ხდება, თანდათან ბეჩავდება, ჰკითხეს:

— დაო, რატომ არ გვეტყვი, რა დაგემართა, რა არის შენს თავსაო? დამ უთხრა: — თქვენ რომ სანადიროდ წახვედით, მე ცეცხლი გამიქრა, ავდექ, ბევრი ვიარე, ერთ უღრან ტყეში ცეცხლი დავინახე, დევის სახლი ყოფილიყო, მივედი და ჩავძახე ბანიდან, ცეცხ-

ლი მომეცი-თ-მეთქი. დევის დედამ ცხრილში ჩამიყარა ნაცარი, ცეცხლიც ისე ჩამიდო და წამოვიღე. კვალს დევი მოჰყვა და დამიძახა, კარი გამიღეო. მე კარი არ გავუღე. მაშინ მან დამიძახა, ხელი მაინც გამოყავიო. მე ნეკა თითი გავუყავი, იმან კიდევ წოვა დამიწყო სისხლისა. მას შემდეგ ისე მწოვსო.

ძმები ძალიან შეწუხდნენ და სთქვეს: ზოგი სანადიროდ წავიდეთ და ზოგნიც აქ დავიმალეთ, როდესაც დევი მოვა, მოვკლათო. მართლაც, ზოგნი სანადირო წავიდნენ, ზოგნიც კარებს უკან დაიმალნენ. მოვიდა დევი და დაუძახა ქალს: — ქალო, კარი გააღეო! ქალმა გაუღო კარი, შევიდა დევი, მაგრამ კარებში გაიქედა. ამოუბტნენ ძმები, აუწყეს და ჩაჰყარეს კარებს უკან ორმოში. თვითონ სანადიროდ წავიდნენ. დას უთხრეს: ახლა მაინც გაუფრთხილდი, ცეცხლი არ გააქროო. ქალს ცეცხლი ისევ გაუქრა. ადგა მტირალი, ავიდა ბანზე და გაიხედ-გამოიხედა. შორს, დაბურულ ტყეში დაინახა ცეცხლი, ისევ იმ დევის სახლში ენათო ცეცხლი. წავიდა ისევ იმასთან ქალიბევრი იარა თუ ცოტა იარა, მივიდა და დევის დედას ჩასძახა ბანიდან: — დედავ, დედაშვილობას, ცოტა ცეცხლი მომაწოდეო! ბებერმა უთხრა: — დედაშვილობა არ გეთქვა, შავ ღღეს დაგაყენებდიო; ჩამოდი, წაიღეო. მისცა ბებერმა ცეცხლი და თან ერთი მუჭა ჭინძის თესლი გაატანა: — წაიღე, შვილო, და სახლში კარებს უკან რომ ორმო გაქვთ, იმაზე დათესეო. საღამოზე შენი ძმები ირემს მოიტანენ; ირემს რომ მოხარშავთ, შენ ჭინძი მოკრიფე, ხორცს დააჭერი, გემოს მისცემს და ძმებს ის აჭამეო. წამოიღო ქალმა ცეცხლი, ისევ დაინთო, დათესა ის ჭინძიც კარებს უკან. მოვიდნენ ძმები, მოიტანეს ირემი. ორმოზე მშვენიერი ჭინძი ამოვიდა; ძმებმა დაჭრეს ირემი და მოხარშეს. ქალმა მოკრიფა ჭინძი, დაუჭრა ძმებს ხორცზე და აჭამა. ხორცის ქამაზე ცხრა ძმა ირმად გადაიქცა. ტირის ქალი მათი შემხედვარი. დილით მინდორზე წაასხამს, აძოვებს ბალახს, საღამოს მორეკავს და დააყენებს.

ერთხელ ქალს ირმები ბალახზედა ჰყავდა, თვითონაც იქ იჯდა. ამ დროს სანადიროდ ერთი ხელმწიფის შვილი გამოსულიყო. ნახა ირმები და დაუმიზნა მშვილდ-ისარი, უნდოდა მოეკლა, მაგრამ ქალმა შეასწრო თვალი და დაუძახა: — არ მომიკლა, ჩემი ძმები არიანო. ხელმწიფის შვილს ძალიან მოეწონა ქალი, მივიდა მასთან და უთხრა: — ამას იქით შენ ცოლი უნდა იყო ჩემი და მე ქმარიო! არა, — უპასუხა ქალმა, — შენ ძმა და მე დაო. ხელმწიფის შვილმა არ დაიჯერა: შენ ცოლი და მე ქმარიო. მაშინ ქალმა უთხრა: — თუ ღვთის ფიცს მომცემ, რომ ამ ირმებს არ დამიკლავ, ნებას მოგცემ.

თუ არადა არაო! შეპფიცა დიდი ფიცით ხელმწიფის შვილმა, არც შენ გილაატებ და ეგ ირმებიც ჩვენთან გვეყოლებათ. წაჰყვა ქალი ხელმწიფის შვილს, წავიდნენ და ჯვარი დაიწერეს. ჯვარწერის შემდეგ მოახლემ უთხრა ქალბატონს: — ქალბატონო, წყლისაკენ გავისეირნოთო. გაისეირნეს წყლისაკენ. მოახლემ უთხრა: — აბა, ქალბატონო, წყალში ჩავიხედოთ, რომელი უფრო ლამაზი ვართო? ჩაიხედეს წყალში; ქალბატონი ლამაზი იყო. მოახლემ უთხრა: — აბა, ქალბატონო, შენი ტანისამოსი მე მეცვას, თუ უფრო ლამაზი არ გამოვჩნდეთ?! — გაიხადა ქალბატონმა ტანისამოსი, მოახლეს ჩააცვა თავისი და მოახლისა კიდევ თვითონ ჩაიცვა. ჩაიხედეს წყალში, კიდევ ქალბატონი გამოჩნდა ლამაზი. შეშურდა მოახლეს ქალბატონის სილამაზე, ჰკრა ხელი და თვითონ სასახლეში წამოვიდა და ხელმწიფის შვილს უთხრა: — მოახლე წყალში ჩამივარდაო. ხელმწიფემ ვერ იცნო, რადგან დედოფლის ტანისამოსი ეცვა. — თქვენი ჰირის სანაცლო იყოს, — უთხრა მოახლეს, — იმისათვის რას დალონებულხარო. მოივადმყოფა თავი დედოფალმა და ხელმწიფის შვილს უთხრა: — თუ დამიკლავთ უფროს ირემს, მოვრჩები, თუ არადა მოვკვდებიო.

დალონდა ხელმწიფე: — როგორ უნდა დავკლა, აკი ფიცი მოგეცი და შენც ფიცი ჩამომართვი, არ დამიკლაო?

შეწუხდა დედოფალი. ხელმწიფის შვილმა უბრძანა მსახურებს: დაჰკალით ირმებიო. დაიწყეს ხანჯლის ლესვა. ჩარეკეს ირმები წყალზე. ჩაჰყვნენ წყლის პირს ირმები და ტირიან. მივიდა უფროსი ირემი წყალთან და დასძახა:

დაო, დაო, ვაშლა,
პირწითელა ვაშლა;
შენსა ძმასა ირემსა,
უღესავენ დანასა.

თურმე ქალი წყალში თევზად იყო ქცეული, ნახევარი ტანი თევზისა ჰქონდა და ნახევარი კაცისა. ქალ-სირინოზი წყალში დაიწყებდა მღერას, ირმები ნაპირას მიუვიდოდნენ და დაიწყებდნენ გართობას. ქალ-სირინოზმა ამოსძახა:

წადი უთხარ ხელმწიფესა,
ღვთისა ფიცსა რად გატეხსა?!

გაიგონა ეს ვეზირმა, წავიდა და ხელმწიფეს მოახსენა: — დიდებულო ხელმწიფე, ირმები წყალზე ჩავრეკეთ, უფროსი ირემი

მივიდა და წყალს ჩასძახა: დაო, დაო, ვაშლა, პირწითელა ვაშლა, შენსა ძმასა ირემსა, ულესავენ დანასაო! ახლა წყლიდან ვილაცამ ამოსძახა: — წადი უთხარ ხელმწიფესა, ღვთისა ფიცსა რად გატეხსაო? გაგზავნა მაშინვე ხელმწიფემ მებაღურები და უთხრა: სადაც იქნება და სადაც არა, უნდა დაიჭიროთ ის ცხოველი და აქ მომიყვანოთო. წავიდნენ მებაღურები, ესროლეს ბადე, გააბეს ქალ-სირინოზი და მოუყვანეს ხელმწიფეს. გააკეთებინა აუზი ხელმწიფემ და ჩასვა შიგ თევზი. უყვარს ძალიან ხელმწიფეს ეს თევზი. მუდამ მის ალერსშია. გახდება ისევ ავად დედოფალი.

— თუ მომიხარშავთ იმ თევზს და მაკმევთ, მოვრჩები, თუ არადა მოვკვდებიო, — იძახდა. შეწუხდა ისევ ხელმწიფე. ბოლოს მაინც უბრძანა, მოხარშეთო. გამოწელეს და მოხარშეს. დედოფალმა უბრძანა: ისე მოხარშეთ და მომიტანეთ, რომ ერთი ფხა არსად გადავივარდეთო. ერთმა მოახლემ აიღო ერთი ფხა და გარეთ გადააგდო. თევზის ფხაზე ისეთი ალვის ხე ამოვიდა, რომ წვერი ცაში ჰქონდა მიბჯენილი. გააკეთებინა ტახტი ხელმწიფემ ალვის ხის ქვეშ, სიცხეში ჩავიდოდა და დაბრძანდებოდა მის ჩრდილში.

მოიავადმყოფა ისევ თავი დედოფალმა — თუ მაგის ფიცრის ტახტს შემოიკრავთ, მოვრჩები, თუ არადა მოვკვდებიო. დაღონდა ხელმწიფე: როგორ უნდა გავიმეტო და ეს მშვენიერი ხე მოვკრაო. რომ შეწუხდა დედოფალი, უბრძანა ხელმწიფემ, მოქერითო. ისე მოქერითო, უბრძანა დედოფალმა, რომ ერთი ნაფოტი არსად გადავარდესო.

მოკრეს ალვისხე. ბედად ერთი ნაფოტი გაფრინდა და შორს, სადაცა სოფლის ბოლოს დაეცა. ამ დროს ბებერი სალოცავიდან შოდოდა, დაინახა ნაფოტი, მოეწონა, აიღო და წაიღო სახლში ქოხის საფარებლად. მეორე დღეს ბებერი ისევ ლოცვაზე წავიდა. იქცა ნაფოტი ქალად, დაუგავა სახლი, დაუწმინდა ჭურჭელი, იქცა ისევ ნაფოტად და დაეფარა ისევ ქოხს. მოვიდა ბებერი, ნახა დაგვილი სახლი, შეჭამანდი მოხარშული და მეზობლებს ლანძღვა დაუწყო: — თქვენ რა საქმე გაქვთ, რომ ჩემს სახლში შემოდინხართ, ან შეჭამანდსა დგამთ და ან სახლს მიგვიტოვებთ? მეზობლები გაჭავრდნენ: — ვისა აქვს შენი ჯავრი, უთვალთვალე და ვინც შემოდის, დაიჭირო. უთვალთვალა ბებერმა. ნაფოტმა სთქვა, ახლა კი წავიდოდა ბებერი ლოცვაზეო და იქცა ქალად, გადმოვიდა, აიღო ცოცხი და დაიწყო სახლის გვა. ამ დროს მისწვდა ბებერი და დაიჭირა ქალი... — შენ რა ხარ, რა სულოერი ხარ, რომ ჩემ სახლში შემოსულხარო. ქალმა უთხრა: — ადამიანი ვარ და ადამიანის შვილიო, შემობრალე და მიშვე-

ლეო. ბებერს ძალიან გაუხარდა: მაინც შვილი არა მყავს და ჩემი ქალიშვილი იქნებო. დაიწყეს ქალმა და ბებერმა ერთად ტკბილად ცხოვრება.

ერთ წელიწადს უბალახობა იყო. ხელმწიფეს სულ ეხოცებოდა შიმშილისაგან ცხენის ჯოგი. ქალმა დედობილს უთხრა: — დედობილო, ხელმწიფეს ერთი ცხენი, რომელიც დავარდნილი ჰყავდეს, გამოართვი, მოიყვანე და გავასუქოთო. წავიდა ბებერი ხელმწიფესთან და უთხრა:—დიდებულო ხელმწიფევ, ერთი, რომელიც უვარგისი ცხენი გყავდეს, ის ცხენი მე მომეციო! მისცეს ერთი ცოცხალ მკვდარი ცხენი. წამოიყვანა ბებერმა და მოჰგვარა თავის ნაშვილებს. დაიბანა ქალმა ხელები და ისეთი ბალახი მოვიდა, რომ შიგ გაცურდებოდა საქონელი. ისე გასუქდა ცხენი, ისე გათქვირდა, რომ ველარ იჭერენ. გაგიყებული დარბის. ქალმა უთხრა დედობილს: — წადი, უთხარი ხელმწიფეს, თავისი ცხენი მიიბაროსო. მივიდა ბებერო ხელმწიფესთან და უთხრა: — დიდებულო ხელმწიფევ, ნაზირი გამოგზავნეთ და თქვენი ცხენი წამოიყვანეთო. ქალმა დაარიგა ცხენი: რომ მიხვიდე ხელმწიფის კარებზე, დაწევი და რამდენიც უნდა გცემონ, არ აღგეო, მინამ მე არ მოვიდე და არ გითხრა: აღევი, შე პატრონივით მუხანათოო.

მოვიდნენ ვეზირები ცხენის წასაყვანად. ისეთია ცხენი, სულ ვარსკვლავებს ეთამაშება. წაიყვანეს გახარებულებმა ცხენი და მიიყვანეს სასახლესთან. აქ კი ჩაწვა ცხენი და აღარა ქნა ძერა. ბევრი სცემეს, ეწივნენ, მაგრამ არ აღგა. მაშინ ბებერმა მოახსენა ხელმწიფეს: დიდებულო ხელმწიფევ, მე ერთი შვილობილი მყავს, რომელმაც ეს ცხენი გაჰკვება, იმან რომ უთხრას, აღგება ეს ცხენიო! მაშინ უბრძანა ხელმწიფემ ბებერს: წადი და მოიყვანეთო. მოვიდა ქალი და უთხრა ცხენს: — აღევი, შე პატრონივით მუხანათო!— აღგა მაშინვე ცხენი და შეითამაშა. ჰკითხა ხელმწიფემ ქალს: — რად დაუძახე ჩემ ცხენს ან მე მუხანათიო?... — ქალმა უამბო ყველაფერი. ხელმწიფემ მეორედ დაიწერა ჯვარი; მოახლე ცხენის ძუას მიაბეს და ლუქმა-ლუქმად აქციეს.

ჭირი იქა, ღზინი აქა,
ქატო იქა, ფევილი აქა.
მთას ურემი ავაშენე,
წამოვიდა გორებითა:
აქ სიცოცხლით გამიძებნით.
საიჭიოს ცხონებითა.

გაუცინარი ხელმწიფე

იყო და არა იყო რა, ღვთის უკეთესი რა იქნებოდა, იყო ერთი გაუცინარი ხელმწიფე. თავის ღღეში ის გაცინებული არავას ენახა და გაუცინარს იმიტომ ეძახდნენ.

ხელმწიფეს სამი ვაჟი ჰყავდა: ვაჟებს გაუცინარი ხელმწიფის შვილებს ეძახდნენ. ერთხელ ძმებმა თქვეს: წავიდეთ, ვკითხოთ ჩვენს მამას, რად გვეძახიან გაუცინარი ხელმწიფის შვილებსაო? წავიდნენ მამასთან საკითხავად. ჯერ უფროსი ვაჟი შევიდა. მამამ ჯამით ღვინო მიაწოდა და უთხრა: — ჯერ ეს დალიე, მერე ერთს სილას შემოგკრავ და გეტყვიო! — აილო ვაჟმა ჯამი და დალია. შემოჰკრა სილა ხელმწიფემ და ქოჩორზე დაატრიალა: — წადი და მერე გეტყვიო! ახლა შუათანა შვილი შევიდა. — რა გინდაო? — ჰკითხა ხელმწიფემ. — გაუცინარი ხელმწიფის შვილებს გვეძახიან და რათა ხარ გაუცინარი, მითხარიო, — უთხრა შვილმა. — აბა, დალიე ეს ჯამი ღვინო და მერე გეტყვიო! აილო ვაჟმა ღვინო და დალია. ხელმწიფემ სილა გაატრია და ქოჩორზე დაატრიალა: წადი, მერე მოდი და გეტყვიო! — უთხრა შვილსა. წავიდა ძმებთან. ძმებმა ჰკითხეს: — რა გითხრაო? — წადი და მერე გეტყვიო.

ახლა უმცროსი ძმა წავიდა. — რა გინდაო? — ჰკითხა გაუცინარმა. — ჩვენ გაუცინარი ხელმწიფის შვილებს გვეძახიან და რათა ხარ გაუცინარიო? — მიაწოდა ხელმწიფემ ჯამით ღვინო და უთხრა: — აბა, დალიე ეს ჯამი, ერთ სილას შემოგკრავ და მერე გეტყვიო! — ჩამოართვა ჯამი ღვინო და დალია. შემოჰკრა ხელმწიფემ სილა, მაგრამ ფეხიც ვერ მოაცვლეინა.

— დამკარ მეორე და მითხარიო! — უთხრა შვილმა. შემოჰკრა კიდევ მეორედ გაუცინარმა, მაგრამ კიდევ ვერ მოაცვლეინა ფეხი.

— შემომკარ მესამედ და მითხარიო! — უთხრა კიდევ გაუცინარს შვილმა. შემოჰკრა კიდევ მესამედ სილა, მაგრამ მაშინაც ვერ მოაცვლეინა ფეხი. მერე უთხრა: — წადი და ჩემი თავის ტოლა ბროწეულები მომიტანეო. სადაც იდგა, ისიც ასწავლა და უთხრა: მოხვალ და მოიტან, გეტყვი ჩემს ამბავსაო! ძმებთან მივიდა. ძმებმა უთხრეს: — რა გითხრაო. — ჩემი თავის ტოლა ბროწეულები მომიტანე და მაშინ გეტყვიო.

იარეს, ბევრი იარეს და ტრიალს მინდორზე გავიღნენ; გზაგასა-

ყარზე ნახეს, ერთი ქვა იდგა, ქვაზე ეწერა: აქეთ წახვალ — მოხვალ, აქეთ წახვალ — მოხვალ, ასე წახვალ — ველარ მოხვალ.

უფროსი ძმა იქით წავიდა, საითაც მოვიდოდა, შუათანა იქით წავიდა, საითაც მოვიდოდა, უმცროსი იქით წავიდა, საითაც ველარ მოვიდოდა. ბევრი იარა უმცროსმა ვაჟმა თუ ცოტა იარა, დაინახა შავი ჯარი, სულ ცხენოსანი. ბიჭმა იმედი გადიწყვიტა და სთქვა: ახლა კი მოვკვდებიო. დაიწერა პირჯვარი და გასწია ჯარისაკენ. ახლოს რომ მივიდა ჯართან, ნახა — გაქვავებული ლაშქარია, გასცდა და წავიდა.

ცოტა ხნის შემდეგ შორს წითელი ცხენოსანი ჯარი დაინახა; შეშინდა: ახლა კი მოვკვდებიო, და დაიწერა პირჯვარი. მიუახლოვდა და დაინახა, რომ წითელი ცხენოსანი ჯარი გაქვავებული იყო. გასცდა ამასაც და გაიარა. მერე თეთრი ცხენოსანი ჯარი ნახა.

ბევრი იარა თუ ცოტა იარა, დაინახა ერთი ციხე; მისი წვერი ცამდე იყო აწვდილი! ციხის ძირს ბროწეული იდგა. ბროწეულს ხუთი თავის ტოლა ბროწეულები ება, ჩავიდა გაუცინარი ხელმწიფის შვილი, მოსწყვიტა ბროწეულები. ერთი შექამა, სამი ჯიბეში ჩაიღო და ერთიც ზედ შეარჩინა.

გადმოიხედა ქალმა ციხიდან და დაუძახა: — ვაიმე, შვილო, რა ჩემს შვილსა ჰგავხარ, აქ ვინ მოგიყვანაო? ბინძური დევი მოგკლავსო. — მე მანდ უნდა ამოვიდე და რაც მომივა, მომივაო, — უთხრა გაუცინარი ხელმწიფის შვილმა ქალსა. ქალმა თმა გამოუკვანძა და ჩაუშვა. შეხტა ვაჟი, სტაცა მას ხელი და ავიდა ციხეში. ქალმა დამალა: რომ მოვიდეს და გნახოს, მოგკლავსო. გაუცინარი ხელმწიფის შვილმა სთხოვა: — როგორმე გაიგე, ჰკითხე, რაში არის იმის სული და მერე მე ვიციო. მოვიდა დევი და სთქვა: — ხორციელის სუნი მომდისო! — არაო, — უთხრა ქალმა, — აქ ადამიანს რა უნდოდა, შენ თვითონ მოგყვებოდაო. ჩამოეკიდა ყელზე ქალი ბინძურ დევს და დაუწყო სურვილება: — ძალიან მიყვარხარ, უშენოდ ველარა ვძლებ, როდესაც შენ აქ არა ხარო. მითხარ, რაში არის შენის სულიო?

— ჩემი სული ცოცხში არისო, — უთხრა ბინძურმა დევმა. ბინძური რომ სანადიროდ წავიდა, ქალი ადგა და მორთო ცოცხი ათასნაირად, შემოახვია ბაღდაღები და ფარჩები, მიიტანა და ლოგინზე დადო.

მოვიდა ბინძური დევი, ნახა ცოცხი და დაიწყო სიცილი: — მოგატყუე, განა მართლა მაგ ცოცხში არის ჩემი სულიო?! ჩემი სული დედაბოძში არისო. წავიდა ბინძური ისევ სანადიროდ. აიღო და

გარეცხა და გაწმინდა დედაბოძი, მორთო და მოკაზმა, ეხვევა და ესურვილება. მოვიდა ბინძური და ნახა ცოლი ამ ამბავშია. — მაგას რასა შერებო? — ჰკითხა. — შენ სულს ვეხვევიო! — რამე გაგასულელაო, — უთხრა ბინძურმა საცილით, — ჩემ სულს შენ ვინ მოგცემს, ამა და ამ ალაგას რომ ერთი ტახია, იმის თავში ერთი კოლოფია, იმაში სამი ჩიტია: წითელი ღონეა, თეთრი — გონება და შავი — სულიო! — ვინ მოჰკლავს იმას, არი ვინმე იმისთანაო? — იმას ვერაფერი მოჰკლავს, თუ ჩემ შარდში ნაწრთობა ისარი არ მოხვდაო, — უპასუხა ბინძურმა.

წავიდა თუ არა ბინძური დევი სანადიროდ, ადგა გაუცინარი ხელმწიფის შვილიც, აიღო ორი პური და წავიდა მკედელთან. გააკეთებინა ოცი ლიტრის მშვილდ-ისარი, მოსწია და მოდრიკა. გააკეთებინა ორმოცისა, მოსწია და მოდრიკა, ბოლოს სამოცისა გააკეთებინა, მოსწია მშვილდი, მაგრა იღვა. მკედელს უთხრა: — შენ არ აწრთო, საწრთობელ წყალს მე თვითონ მოგიტანო. წავიდა და გამოიტანა ბინძური დევის შარდი, აწრთო მკედელმაც მშვილდ-ისარი. გადიგდო გაუცინარ ხელმწიფის შვილმა მხარზე და გაუდგა გზას ღორის საძებნელად.

იარა, იარა და მივიდა იმ წყალზე, სადაც ტახი წყალსა სვამდა. წყალზე ქალი იჯდა და ტირიდა. რა გატირებსო? — ჰკითხა ვაჟმა, — რად იტყენ მაგ მშვენიერ თვალებსაო? — თუ ქრისტიანი ხარ, წადიო! — უთხრა ქალმა, — დრომ მოაწია, ღორი მოვა, უნდა შემქმამოსო. თურმე ღორს ყოველდღე თითო ქალი ჰყავდა გადადებული შესაჰმელად. ვაჟმა უთხრა: შენ იმისი ნუ გეშინია, ახლა სულ ცოტას დავიძინებ და დავისვენებ, შენ მუხლზე მივდებ თავს და, როდესაც ტახი მოდიოდეს, ერთი სილა შემომკარი და გამომალციეო.

დაიძინა გაუცინარი ხელმწიფის შვილმა. გავიდა ცოტა ხანი და გამოჩნდა ღორიც; ილესავდა კბილებს და ქაფსა ჰყრიდა. ქალმა ვაჟს შესძახა, შემოჰკრა სილაც, მაგრამ ტყუილად! ტირის ქალი, ტირის, დედამიწა იწვევა მისი ცოდვით. უცებ ქალის ცრემლი დაეცა ლოყაზე ვაჟს და ცხრა პირი კანი ასძვრა. წამოხტა ვაჟი, მოავლო მშვილდ-ისარს ხელი და ესროლა ღორს, ესროლა და ერთს გვერდში ნაკრავი მეორე გვერდში გაჩნდა. წაიქცა ღორი და დალია მაშინვე სული. მოსჭრა საჩქაროდ თავი, გაჩეხა და ამოიღო იქიდან ყუთი. ყუთში ჩიტები იყვნენ.

ჯერ ჯანს წაგლიჯა თავი და მერე გონს. სულის ჩიტი კი ცოცხალი წამოიყვანა და წავიდა კოშკში.

სანადიროდ იყო ბინძური დევი; გაეგო გრძნობით, რომ ღორის თავს უბედურება რალაცა არისო და წამოსულიყო საჩქაროდ. მაგრამ ამ ღროს მოასწრო ვაჟმა და ღონის ჩიტსაც თავი მოსწყვიტა.

ბინძურს ძალა აღარ ჰქონდა და ძლივსძლივობით მიეთრია კოშკთან. მივიდა და დაეგდო კოშკის ძირას; აღარათფერი არ შეეძლო. დაინახა ზევიდან ქალმა, ჩამოვიდა, დაუჯდა თავით და დაუწყო კითხვა:—რა გკირს, ჩემო სიცოცხლევ, რა დაგემართათ? მოვიდა ვაჟიც და დაუქვივლა ბინძურს:—რას უდგინხარ, ძაღლო, ადევ, დაიკარგე მანდედანაო! მითხარი, სად არის შენი ცხოვრებაო, ან ის ჯარებო რომ გაგიქვავებია, მათ რაღა გააცოცხლებსო? მაშინ დევმა უთხრა:—წადი, მალღა ადი, იქ სამი მათრახია, ერთი თეთრი, ერთი წითელი და ერთი შავიო. შავი მათრახი შავ ჯარს დაჰკარი, წითელი წითელს და თეთრი თეთრსაო. ჯარები გაცოცხლდებიან და შენი ყმები იქნებიანო. — მასწავლე ლოცვაცაო!—უთხრა ვაჟმა. ასწავლა ბინძურმა ლოცვაც. — შენი სიმღიდრე რაშიღა არისო?—ჰკითხა ვაჟმა. — აი, ეს გასაღები წაიღე, სულ ნაპირის ოთახი გააღე და ჩემი ცხოვრება იქ არისო,—უთხრა ბინძურმა. წავიდა ვაჟი, გააღო კარი და სამი წყეული კი დახვდა. — ოჰ, ეს რა კარგი საქმეა ჩვენთვისაო! — თქვეს წყეულებმა. ვაჟმა უთხრა: — ცოტა ხანს აქ იყავით, გარეთ გავალ და ისევ შემოვალო. გამოვიდა და გადმოიკეტა გარეთ კარი, მივიდა დევთან და ჰკითხა: — იქ რისთვის შემიყვანე, იქ წყეულებმა კინაღამ შემეპამესო. — არაო, — უთხრა ბინძურმა, — შენ წადი, ესა და ეს ოთახები გააღე, იქ თვალ-მარგალიტია, ის წყეულები შენ აღარათფერს გიზამენ, რაკი ნათელი აჩვენეო; აჰკიდე მათ და წაიღეო. ადგა ბიჭი, გააღო ოთახები, აუარებელი თვალ-მარგალიტი წამოიღო და წამოვიდა, წამოიღო თან ის ბროწეულებიც. მივიდა იმ ქვესთან, გზის გასაყარში რომ იღო, დაჯდა იქა და დაისვენა. გაუცინარი ხელმწიფის შვილს ძმები იქ დახვდნენ. ამოიღო ბროწეულები და თითო-თითო დაურიგა. ძმებს შემუხრდათ: ჩვენი მოტანილი ბროწეულები წვრილებია და მაგის მოტანილი მსხვილებიო. ადგნენ და ღალატი დაუპირეს. მაინც ერთად წავიდნენ. გზაზე წყალი მოსწყურდათ. ერთი ქალა იყო; იმ ქალას ეძახდნენ ბულაყს. მივიდნენ ძმები ბულაყთან და წყალი უნდა ამოეღოთ. ჯერ უფროსი ძმა ჩაუშვეს. ცოტა რომ ჩაუშვეს, ყვირილი მორთო: ამწით, ამწით, დავიწვიო. ამოსწიეს და ამოიყვანეს. ახლა შუათანა ძმა ჩაუშვეს, მანაც ისე დაიწყო ყვირილი. ამოსწიეს და ისიც ამოიყვანეს. უმცროსმა ძმამ თქვა:

— მე ჩამიშვით და რამდენიც ვთქვა „დავიწვიო,“ იმდენი ძირს ჩამიშვითო. ჩაუშვეს უმცროსი ძმა და დაიძახა: „დავიწვიო“ და უფრო

ჩაუშვეს. ჩავიდა ვაჟი და დალია წყალი. ჯერ წყალი ააწოდა ძმებს, ახლა თვითონ მოიბა წელზე, მაგრამ შუა გზაზე გადაჰრეს ძმებმა თოკი და ჩააგდეს ძირს. წამოვიდნენ ძმები, წამოიღეს ბროწეულე-ბი და მოუტანეს მამას.—მესამე ძმა რაღა უყავითო? — ჰკითხა მამამ. — არ ვიცით, არ გვინახავსო, — უპასუხეს ძმებმა. — აბა, მამ შენ გზაზე რა ნახეო? — ჰკითხა მამამ უფროს შვილს. — არაფერიო, — უპასუხა შვილმა. დაუძახა ახლა შუათანას და მასაც ისე ჰკითხა. არც არაფერი მე მინახიაო, უთხრა მანაც. გაჯავრდა ხელმწიფე. მაშინვე გაგზავნა საქმებრად ნაზირ-ვეზირი და გაატანა ჯარი. წავიდა ჯარი, ბევრი ეძებეს და ბოლოს ბულაყში იპოვეს. ამოიღეს და წამოიღეს შინ მკვლარი.

ხელმწიფემ უფლის ხელსახოცი წაუსვა თუ არა, ვაჟი მაშინვე გაცოცხლდა. გაუცინარმა ისეთი გაიცინა, რომ მიწა შეინძრა, ცა გაიხსნა და იქიდან აუარებელი ოქრო-ვერცხლი გადმოიზნა. მაშინ ხელმწიფემ უთხრა: — რა უყავი ბროწეულებიო? — მე წამოვადე, ცოტათი მახსოვსო, — უთხრა შვილმა. — მამ რა ნახე, შვილო, გზაზე-დაო? — ჰკითხა მამამ. შვილმა ყველაფერი უამბო, რაცა ნახა: გზაზე შავი ცხენოსანი ჯარი იდგა გაქვავებული, იმის იქით წითელი და იმის იქით თეთრიო. გავიარე კიდე და ერთი ციხე ვნახე, წვერი ცამდი ჰქონდა აწვდილიო და სამი ფანჯარა ჰქონდაო. იმ კოშკის ძირში ერთი ბროწეული იდგა და ეს ბროწეულები იმაზე დავკრიფეო. — მამ, იქ ქალი კი ვერავინ ნახეო? — ჰკითხა ხელმწიფემ. — ვნახეო, — უთხრა ვაჟმა. მაშინ უთხრა ხელმწიფემ: — შვილო, გაუცინარს იმიტომ მეძახიან, რომ ის ქალი ჩემი ცოლია, იმ ბინძურმა დევმა მომტაცა და ის შავი ცხენოსანი ჯარი, ის წითელი და ის თეთრიც ჩემია და იმან გამაქვავაო. ახლა მოდი შენა და გაიცინე, ვისაც იმოდენა დაგიკარგავსო. აღმა მაშინვე ვაჟი, წავიდა კოშკში, მოჰკლა ბინძური, წამოიყვანა დედა, წამოიღო მათრახები, ერთი ერთს ჯარს გადაჰკრა, მეორე მეორესა, მესამე — მესამესა, გააცოცხლა და წამოვიდა შინ მშვიდობით.

კირი იქა. ლხინი აქა,
ქატო იქა. ფქვილი აქა.
ელასა, მელასა,
კიქა შეკიდა ყელასა;
მთქმელსაც და გამგონებელსაც
ილი გაამოთ ყველასა!

ზღაპ. რი უხეიროსი

იყო და არა იყო რა. ღეთის უკეთესი რა იქნებოდა, იყო შაშვი-
მგალობელი. ღმერთი ჩვენი მწყალობელი. ღმერთს დიდება, ჩვენ
მშვიდობა, ღმერთი მაღალი, კაცი დაბალი! იყენენ ცოლ-ქმარნი ღარი-
ბებო და უქონლები. ერთი ვაჟი მათათ. დაარქვეს „უხეირო“, მაგრამ
ვერ გაზარდეს. ძუძუ არა ჰყოფნიდა. წაიყვანეს ქალაქში, იქნება სა-
მღლოდ ვინმემ აიყვანოსო. ხელმწიფემ აიყვანა და დაუწყო ზრდა.
მაგრამ ეს ბავშვი ისეთი მკამელი გამოდგა. რომ ძლივს აძლებდნენ.
როცა მოიზარდა. თითო თონე პური და თითო ცხვარი არა ჰქმარო-
და. როცა ვაჟკაცი გახდა, მაშინ ხომ ველარაფრით ველარ აძლებდნენ.
რამდენიმე ხარს ერთად შექამდა და იმდენსავე კოკა ღვინოს დალევ-
და. მაშინ ისე იყო. თითქო არაფერი უქამიაო! გაბეზრდა ხელმწიფე,
ხაბაზები პურის გამოცხობას ვერ ასწარებდნენ და მზარეულები მო-
ხარშვას.

რაკი გაბეზრდა, ხელმწიფემ დაიბარა უხეირო. მისცა ორასი თუ-
ქანი ფული, ერთი გუთნეული და გაგზავნა მამასთან. მოვიდა დედ-
მამასთან უხეირო, მაგრამ ერთი-ორი დღეც ვერ დარჩა. რა უნდა
ეკამა. რით უნდა გაეძლო მუცელი? ადგა და ისევ ხელმწიფეს მიადგა
კარებზე. ხელმწიფეს უხაროდა — ეგ არის მოვიშორე თავიდანაო,
მაგრამ. რაკი ისევ კარებზე მოადგა. რაღას ზტყოდა! იფიქრეს. ამას
ძალით ვერ გავაგდებთ და ისევ ისა სჯობია, ხერხით მოვიშოროთ
როგორმეო.

საშინელი ღონიერი იყო უხეირო, რომ მისი გამწევი კაცი არ გა-
მოვადოდა! უბრძანეს უხეიროს: ამა და ამ ადგილას რომ დიდი მთა
არის და მთაზე ტყე, იმ ტყადან უნდა შეშა მოატანო! ის ტყე ას-
თავიან ღვეებს ეკუთვნოდა: მათი შიშით ნიავიც კი ვერ გაიჩუქუნებ-
და. ფრინველიც ვერ შეფრინდებოდა იმ ტყეში.

— კარგი, მომიტანეთ ცულიო! — დაიძახა უხეირომ. მოუტანეს
აღნიასის ცული. შემოჰკრა იქვე კედელს და სულ მიფშენიტა. გაუყე-
თეს ათფუთიანო, ისიც მიამტვრია. ბოლოს ოცფუთიანი გაუკეთეს,
გაიღო მზარზე და გასწია ღვეების ტყისკენ. მივიდა ტყეში, შემოჰ-
კრავს წიფლებს. სულ ჩხირებივით ამტვრევს; დგას ერთი ლეწა-
მტვრევა და ჩახიჩუხი. გაიგეს ღვეებმა და მისკენ გამოქანდნენ მა-
შინვე. არ მოგაკვდეთ უხეირო. არც შემდრკალიყოს და არც გაქვეუ-
ლიყოს! სტაცა ორავე დევს ხელი, ამოიჩარა იღლიაში, მიიყვანა, შეა-

ბა კამეჩებევით, დაუწყო ეს მთელ-მთელი წიფლები და დაირეკა. სულ გუგუნით მიატანინა ხელმწიფის კარებზე!

მოახსენეს ხელმწიფეს: გამობრძანდა, რამდენი შეშა მოიტანა უხეიროშაო. გამოვიდა ხელმწიფე, კინალამ გულა წაუვიდა ამ დევე-ბის დანახვაზე. მოსსნა შეშა უხეირომ დევებს, ახსნა უღელა, გაუშვა ნებაზე და უთხრა: — კაცის ნათესავს ამას იქით აღარა ავნოთ რაო!

გავიდა ხანი. დაუწყეს უხეიროს, უნდა წახვადე და უკვდავების წყალი მოიტანო. უხეირო რა უარს იტყოდა, მაგრამ რომ არ იყო-და საითკენ იყო ის უკვდავების წყარო. ამ უკვდავების წყაროს ორა ბულა კამეჩი იცავდა. რომ დაინახავდნენ ეს კამეჩები იქითკენ მიმავალ კაცს, გაექანებოდნენ. დაეჯახებოდნენ და გაჰყლტდნენ. უხეირომ უთხრა: — წავალ, მაგრამ მოხეცით. რით მოვიტანო! მოუტანეს გოზაურები. სთხლიშა ერთმანეთს და დაამსავრია: — ბავწვი ხომ არა ვარ, ანეებიტ საღ წავიდეო. მომიტანეთ დიდი რაშეო! ახლა ქვევრები მოუტანეს. ჰკრა ეს ქვევრები ერთმანეთს და დაამსხვრია. — მომიტანეთ დიდი რაშეო! მაშინ მოუტანეს ორი ას-ას კოკიანი რუმბი. გადწყო მსარზე და გასწია.

ბევრი იარა, თუ ცოტა იარა. მივიდა უკვდავების წყაროსთან. გამოქანენ კამეჩები, უნდა დაეჯახონ და გაჰყლტონ. სტაცა უხეირომ ყურებში ხელი, დაჯრიხა სქელი ხეები. მოგლიჯა ერთი ჭადარი. დაადო კისერზე უღლად. მერე რუმბები დაავსო, დასცხო და დაირეკა კამეჩები ხელმწიფისკენ.

ხელმწიფეს მოხსენდა: უხეირო თვითონაც უჭარველი მოვიდა და იმ კამეჩებასთვისაც ის რუმბები მიუბამს და მოტანაო. რომ დაინახა ხელმწიფემ ეს კამეჩები. კინალამ გული გაუსკდა: ჭარ უხეიროს ვერ ვუძლებდი. მაგათ საღლა გუუძლოო: უთხარით. ეს კამეჩები ისევ გაუშვასო. უხეირომ გაუშვა კამეჩები. მოსცხო თითო-თითო სახრე და გარეკა: — გასწით. როგორც გიცხოვრიოთ, ისევ ისე იცხოვრეთო!

მაინც კიდეც არ დაწყნარდა ხელმწიფე. კიდეც ეძებდა მიზეზს, აადრე იმასთანა ადგილს გაეჯახვნა უხეირო. რომ დაღუპულიყო. ერთ ადგილას ელიას ყანა იყო. ასი დღის მიწას გარს სულ გალავანი ევლო და შიგ ყანა ეთესა. უხეიროს უთხრეს: ეს ცხვრის ფარა ელიას ყანაში უნდა გარეყო და აძოვო. გარეკა უხეირომ ერთი ფარა ცხვარი ელიას ყანისკენ. შერეკა ყანაში. ფარას თავი მიანება. თვითონ წამოწვა და დაიძინა. გადმოიხედა ელაამ. ხედავს. მის ყანას ცხვარა შესეკია და აოხრებს: დაუშვა და დაუშინა სეტყვა. ისეთს

ისვრის, სულ ხის ტოტებს ამტვრევს. ეს ფარა ისე გაწყვიტა, რომ ერთი თხალა დარჩა, ისიც სადღაც ჯაგებში შემძვრალიყო და იმიტომ გადაჩინილა. ამ უხეიროს კი აინუნშიც არ მოსდის, სძინავს გულიანად.

რაც ძალი და ღონე ჰქონდა, არახუნა ელიამ სეტყვა, მაგრამ მაინც ვერ გააღვიძა. მაშინ განრისხებული გადმოვიდა და დააწვა უხეიროს ზევიდან. წამოდგა უხეირო, გადააბრუნა ელია და დააჯდა ზევიდან. ამიშვიო! — უთხრა ელიამ. უხეირო არ უშვებს. ამიშვიო! — სთხოვა კიდევ ელიამ. — დამლოცე და ავიშვებო! — უთხრა ელიას უხეირომ.

მაშინ დალოცა ელიამ, რომ ჯერზე ნახევარი პური ექამა, ნახევარი ჩარქვა ღვინო ესვა და ნახევარი გირკვანჯა ხორცი ექამა. აუშვა უხეირომ და გამოსწია თავის გზაზე. ახლა კი დედ-მამისკენ წამოვიდა, მათი ნახვა მოუნდა. ცოტა ხანს იყო უხეირო თავის დედ-მამასთან, ისევე გმირობის სურვილმა მოუარა, ვეღარ დადგა დედ-მამასთან, ადგა და წავიდა თავის თავის საცდელად.

ბევრი იარა თუ ცოტა იარა, თავის სახელმწიფო გადაიარა, უცხო ქვეყანაში გავიდა. დაინახა ერთი დევი მორბის, თან ერთი გორა უჭირავს და ბურთივით მოაქვს. დადგა უხეირო და დაუწყო ცქერა: — კაცო, მე ლამის ქალამნებიც გავიხადო, და შენ მაგოდენა გორა სად მიგაქვსო? — ხელმწიფის კარზე რომ უხეიროა, ის უნდა გამოვცადო! — გამოართვა ეს გორა უხეირომ, მოიქნია და სამი მთის იქით გადაისროლა. მერე უთხრა დევს: — მეძმობი თუ მეყმობიო? — გეძმობიო, — უთხრა დევმა. ეძმო დევი და ორივენი წავიდნენ.

მოდინ, ერთი დევი მორბის, ხელში ორჯერ იმაზე დიდი გორა უჭირავს და მოათამაშებს. — სად მიხვალ, კაცო, მე ლამის ქალამნებიც გავიხადო და შენ მაგოდენა გორას მიარბენინებო? — ეკითხება უხეირო. — ხელმწიფის კარზე რომ უხეიროა, ის უნდა გამოვცადო! გამოართვა უხეირომ გორა და ორ მთას იქით გადაისროლა. მერე უთხრა: — მეყმობი თუ მეძმობიო? — გეძმობიო, — უპასუხა დევმა. ეძმო და წავიდნენ.

მოდინ, ახლა მესამე დევი შემოხვდა, მასაც ორჯერ მეტი გორა დაუჭერია, ვიდრე მეორე დევსა, და ბურთივით მოაქანებს. — კაცო, სად მიგაქვს მაგოდენა გორა, მე ცარიელამ ლამის ქალამნებიც გავიხადო? — ეუბნება უხეირო. — ხელმწიფის კარზე რომ უხეიროა, აქებენ, და მის საცდელად მივდივარო. — შორს სიარული რად გინდა, — უპასუხა უხეირომ, — უხეიროც მე ვარო. გამოართვა გორა, მოიქნია და ერთი მთის იქით გადაადგო. — მეყმობი თუ მეძმობიო? —

ჰკითხა დევსა. — გეძმობიო, — უთხრა დევმა. ეძმო და წავიდნენ ოთხნი ძმად შეფიცებულნი.

ბერი იარეს თუ ცოტა იარეს, მივიდნენ თეთრი დევის სამფლობელოში; ტყეში დადგნენ, არც პური აქვთ, არც ცეცხლი. უხვირომ უთხრა: — უნდა წახვიდეთ და სადაც იყოს შეშა და პური იშოვოთო. დევები ისე შეშინდნენ, სულ კანკალმა აიტანა: — შიმშილით რომ დავიბოცნეთ, თეთრი დევის შიშით იქ რა მიგვიყვანსო? ადგა მაშინ უხვირო და თვითონ წავიდა, — მე თვითონ მოვიტანო. შორს დაინახა ბოლი, მიჰყვა და დევის დედასთან მივიდა: — დედაშვილობას. ორიოდე პური და ცეცხლი გამომიტანე, პური მშვიანო! — შენ ვინა ხარო? — უთხრა დევის დედამ. — ჩემას შვილის შიშით ფრინველსაც ვერ გადუფრენია ცაში, და რა სულიერი ხარ, აქ რომ მოსულხარო? წადი ჩქარა, თავს უშველე, თორემ ჩემი შვილი სანადიროდ არის. მოვა და შეგკამსო! — რა მხარეზე არისო? — ჰკითხა უხვირომ. ბებერმაც ასწავლა. — თუ წყალს გაასწარ, არა გიშავსო, — უთხრა დევის დედამ, — და თუ წყალს აქეთ მოგაწერო, კი იცოდევ, ვერ გადაურჩებიო. უხვირო სწორედ იქით წავიდა, საიდანაც თეთრი დევი უნდა მოსულიყო.

შორიდანვე დაინახა უხვირომ თეთრი დევი, ნადირობიდან რომ ბრუნდებოდა. ერთი ხარ-ირემი მოუკლავს, ერთი ჰადარი მხარზე გაუდვია და ისე მოდის ღიღანით. უხვირო ჩაიშალა და ხიდის ყურთან და. ცხენი რომ მოახლოვდება, ამოჰყოფს თავს, „ყვიტ“ იტყვის, და შეუფრთხება ეს ცხენი დევს. უჭაერდება თეთრი დევი, მაგრამ ცხენი ფრუტუნებს და წინ არ მიდის. აჩუ, შე ოხერო, ხელმწიფის კარზე რომ უხვიროა იმას მოვკლავ, და მანდ ვინა ზის, ვინ გაშინებს ისეთი, რომ მე ვერ მოვერევიო! მაშინ კი წამოდგა უხვირო და დაუძახა: — აბა. თუ მომკლავ, უხვირო მე ვარ და ჩამობრძანდიო! შეიბნენ უხვირო და თეთრი დევი. დაახეთქა უხვირომ ეს თეთრი დევი და მოჰკლა. მერე დააკრა ცხენს მკვდარი და გაავლო დევას დედისკენ: „აბა, თუ თეთრი დევი მძლავრიაო!“

წამოიღო ცეცხლი და პურები. ისეთებია ეს დევები, სადღა აქვთ იმედი, თუ უხვირო კიდევ ცოცხალი მოვა, მაგრამ მოვიდა. დასხდნენ. დაანთეს ცეცხლი, ჰამეს პური. მერე ისევ წავიდნენ. გზაზე აღარა შემთხვევიათ რა, სანამ წითელი დევის საბრძანებელში არ მივიდნენ. დადგნენ აქაც ტყეში, მაგრამ არც პური ჰქონდათ და არც ცეცხლი. უხვირომ შეუთვალა დევებს: წადით, აქ ახლომანლო ესახლება ვინმე, გამოართვით ორიოდე პური და ცეცხლიო! — აქ წითელი დევი სახლობს და ჩვენ არ შეგვიძლია ფეხი მივდგათ იქაო; წი-

ნათაც გვიცდია, მაგრამ მაშინაც ძლივს გადავრჩით ცოცხლებიო. კარგი, მე წავალ, — სთქვა უხეირომ.

წამოვიდა და წითელი დევის დედასთან მოვიდა. — დედი, ორიოდ პური მომეც და ცეცხლიო! — აქ რამ მოგიყვანა, ძე-ხორციელს აქ ვერ გაუვლია ჩემი შვილის შიშითაო, — უთხრა დევის დედამ, — წადი. სანამ მოსულა, ეცადე წყალს გაასწრო, თორემ თუ აქეთ მოგასწრო, გაგაფუქებსო. მისცა პურებიც, ცეცხლიც და წამოვიდა. არ გავიდა ხიდსა, აქეთვე დადგა. მოდის წითელი დევი, მხარზე ერთი წიფელა გაუდვია, ცხენისათვის ხარ-ირემი გადუყიდა.

— შენ ვინა ხარ, აქ ჩემის შიშით ძირს ჭიანჭველას ვერ გაუვლია და მაღლა ფრინველს. რა სულაერი ხარ, რომ აქ მოსულხარო? ჩამოუხტა დევი და შეიბნენ. იბრძოლეს კარგა ხანს, მაგრამ დასცა უხეირომ და მოკლა ისიც. გადაჰკადა მკვდარი ცხენს და დედას გაუზზავნა: „აბა, თუ შენი შვილის შიშით აქ ვერავინ გაივლისო!“

აპკრა ირემს საწვადეები, წამოიღო პური, ცეცხლი და მოიტანა თავის ამხანაგებთან. იმ დღესა და იმ ღამეს კაი დროება გაატარეს. მეორე დღეს აღგნენ და გზას გაუდგნენ. სულ იმისთვის კი დადიან, რომ თავი სცადონ. რამდენიც მიდიოდნენ, ამ დევებს შიში ეტყობოდათ. ბოლოს ერთ ქვეყანაში მივიდნენ. შავი მთაა, შავი ტყე დგა, შავი ფრინველი დაფრინავს. დადგნენ, დაისვენეს. კალდე შესთავაზა დევებს უხეირომ პურისა და ცეცხლის მოტანა. ისინი კი შიშით კონაღამ დაქრნენ. — ამ შავ მთას ხომ ჰხედავო, — უთხრეს უხეიროს, — იქ შავი დევი ცხოვრობს, იმისი მომრევი ჯერ არავინ არისო, და მას თვალით როგორ დავენახებითო. ის გვიარჩევნა, ავდგეთ, წავიდეთ. გავეცალოთ ამ დაწყევლილ ადგილსაო. ერთხელ ჩვენც ვეომეთ მაგას, მაგრამ ცოცხლები ძლივს გადავრჩითო.

— არა, ძმაო, მე უკან ველარ დავიხევე, თუ თქვენ არ წახვალთ, მე წავალ და მე მომკლას იმ შავმა დევმაო! ბევრს ეხვეწნენ ძმობილები, ნუ წახვალთ, მაგრამ მაინც არ დაიშალა, წავიდა და მივიდა. შავი დევის დედასთან. — დედაშვილობას, ორიოდ პური მოგვეცე და ცეცხლიო! — ვინა ხარო, — უთხრა დევის დედამ, — პური არ მიძევს, ცეცხლი არ მინთაა, წადი, საიდანაც მოსულხარ, თორემ ჩემი შვილა მოვა და შეგკამსო. — რა მხარედან მოდისო? დევის დედამაც ასწავლა. შევიდა უხეირო, გამოიტანა ძალით პურები, ცეცხლიც წამოიღო და წამოვოდა სწორედ იმ მხრისაკენ. საიდანაც შავი დევი უნდა მოსულიყო. წყალთან რომ მივიდა, ხიდის ყურთან დაიმაღლა. ამ დროს მოდის შავი დევიც, ხარ-ირემა მოუკლავს, ერთი წიფელა მხარზე გაუდვია და მოლიღინებს. ხიდზე რომ შედგა. უხეი-

რომ თავი ამოყო და „ყვიტ!“ დაიძახა. ცხენი დაფრთხა, ფრუტუნნი დაიწყო. ერეკება დევი ცხენს, უჭაგრდება, მაგრამ ცხენი ფრუტუნებს, არ იძვრის ადგილიდან... — აჩუ, შე საოხრევე, ხელმწიფის კარზე რომ უხეიროა, ისიც კი ცოცხალი ვერ მომჩრება და ვინ გაშინებლო! — აბა, თუ ვერ მოაგრძობ! — და ამოუხტა კიდევ უხეირო. შეიზნენ. ძალიან დიღანს იბრძოლეს. უხეირო დაიღალა და თითქო გაუჭირდა შავი დევის მორევა. ბოლოს, როგორც იყო, მოიკრიბა რაც ჯანი ჰქონდა. დასცა და იქვე სული გააფრთხობინა. დააკრა ჰკედარი ცხენს და იმის სახლისაკენ გააგდო. ააკრა სამწვადეები ირემს. წამოიღო და მოვიდა. დევებს ძალიან გაუხარდათ, ცოცხალი რომ ნახეს უხეირო. როგორ გადარჩიო. ეკითხებოდნენ. არ იცერებდნენ, თუ უხეირო შავ დევს მოერეოდა. კაი პური ჰამეს და დაიხვეწეს.

მეორე დღეს დევებმა უთხრეს უხეიროს: — ჩვენ გზას დასასრული არ უჩანს, აღარ შეგვიძალაა შენ მოგყევით, ჩვენ აქ დავრჩებითო. — კარგო. — უთხრა უხეირომ. — მე უთქვენოდაც ვევილო. წაიყვანა ეს დევები, ერთს თეთრი დევის ცოლი ზერთო. მეორეს — წითლისა და მესამეს — შავი დევისა. სამივეს გამოეთხოვა და უთხრა: — ნუ დამივიწყებთ. აი, ამ ბურთს დავკიდებ. უცქარეთ და. როცა სიხსლმა დაიწყოს წვეთა ამ ბურთიდან, მაშინ იცოდეთ, მიჭირს და მომეშველენათო.

წავიდა უხეირო. ბევრი იარა თუ ცოტა იარა, ერთ ქალაქში მივიდა. ხედავს, რომ ეს ქალაქი, როგორღაც მიჩუმებულია. ექვსი წლისაზე ზევით კაცს ვერა ნახავ. უხეირო ერთ ბებერთან დადგა. ეს ბებერი უფრთხილდება უხეიროს. თავს შვილივით ინახავს. — რისთვის მოხვედი, შვილო, აქ რა გესაქმებაო? — უხეირო მოუყვა და უამბობ თავისი თავგადასავალი.

მეორე დღით შეხედავს უხეირო, რომ ეს ბებერი სადაც რამ ჰუჭრუტანებოა ქოლავს, ისე რომ შეუქი ვერ შემოიპარება. უხეიროს გაუყვირდა. ჰკითხა ბებერს: — დედილო, მითხარ, რატომ არ არიან დიდი კაცები ამ ქალაქშიო? — რა ვიცი, შვილო, რატომღაც არა რჩებიან, სულ იხოებიანო. არ უნდა რომ უთხრას, მართალს არ ეუბნება კიდევ კითხა უხეირომ. კიდევ არ უთხრა ბებერმა. ბოლოს უხეირომ უთხრა: — დედი, ძუძუ უნდა მომაწოვო. — რაღა დროს შენი ძუძუა, შვილო, ვაჟაკი ხარ, — უთხრა ბებერმა. უხეირო არ მოეწვია. რომ ჩაიდო პირში ძუძუ, მოუჭირა კბილები: — მითხარ მართალი, რათ არის გაწყვეტილი ამ ქალაქში კაცები, რომ ბავშვებილა დარჩენილანო? რაღა უნდა ექნა ბებერს. მანაც უამბო: შვილო ქალაქის ახლოს, ზღვაში ერთი რკინის კაცია. იმ რკინას კაცს ერთი

მოტაცებული ქალი უზის კოშკში; როცა ის ქალი გარეთ გამოვა, შუქი ქალაქში შემოდგებაო. ხომ გახსოვს, სახლის კედლებს რომ ვქოლავდი, არ მინდოდა შენ იქასი შუქი დაგენახა; ახალგაზრდა ხარ, წაგახდენდაო. ამ ქალაქის ხელმწიფეს უნდა ის ქალი, ეომება რკინის კაცს, მაგრამ ვერას აკლებს. იმ რკინის კაცმა ისე გაუწყვეტა ჩვენს ხელმწიფეს ხალხი, რომ ექვსი წლისაზე ზევით აქ მამაკაცს ველარა ნახავ. იმას ვერავინ ვერ მოერევაო. — მაშ რაღა ბიჭი ვყოფილვარ, — თქვა უხეირომ, — თუ ის ქალი არ წავართვიო! იმ ღამეს ისევ ბებერთან გაათია. მეორე დღეს რომ გათენდა, გამოვიდა გარეთ. ცოტა ხნის მერე გამოვიდა კოშკიდან რკინის კაცის ცოლიც და შუქი შემოადგა ქალაქს. გასწია უხეირომ და მივიდა კოშკთან. რკინის კაცი ამ დროს ცაში იყო წასული სალოცავად. უხეირო ქალთან ავიდა.

— აქ რათ მოსულხარ, ვინ ხარ, რა სულიერი ხარო? — ჰკითხა ქალმა — რკინის კაცმა რომ აქ მოგასწროს, ხომ მოგკლა და აღარ დაგარჩინაო. დადის უხეირო ამ ოთახში და იმის ნავალზე სულ ვარდი იშლება. ქალს ძალიან მოეწონა, მაგრამ რკინის კაცს როგორ გადაურჩებოდნენ ცოცხლები! — მაგის ფიქრი ნუ გაქვსო, — უთხრა უხეირომ, — შე ვიცი და რკინის კაცმაო. რომ მოდიოდა ქალისკენ, ბებერმა უთხრა უხეიროს: იმ ქალს შეეხვეწე და ის გამოჰკათხავს, რა მოჰკლავს რკინის კაცსაო. მართლაც შეეხვეწა უხეირო ქალსა: — მითხარ, რა მოჰკლავს რკინის კაცსაო? — მე არ ვიციო, — უთხრა ქალმა, — ის არავის არ ეტყვისო. კიდევ შეეხვეწა ვაჟი ქალს, რომ რკინის კაცისთვის როგორმე ეთქმევიანებინა. — კარგო, — უთხრა ქალმა, — შენ წადი, დაიმალე, და მე ვიცი თვითონაო. შუადღისას რკინის კაციც მოვიდა. ჩამოეკიდა ყელზე ქალი, დაუწყო ალერსი და ჰკითხა: — მითხარი, გენაცვა, რამდენი მტერი გყავს, შენი სიცოცხლე მუდამ საფრთხეშია, რა მოგკლავს, მაშინ შენ თავს უფრო გავუფრთხილდებიო — რკინის კაცმა უთხრა, რომ ჩემ შარდში დასველებული იარაღის მეტი ვერაფერი მომკლავსო, ისიც თუ იღლის ძარში დამკრესო. თუ იღლის ძირში არ დამკრეს, არ მოგკვდებიო.

აღგა ქალი ამ ლაპარაკის შემდეგ და, როცა დრო იპოვა, სადაც დევი შარდზე დგებოდა, იქ ორი დიდი ნაჯახი მიაყუდა. მართლაც დევი შარდზე მამდგარიყო, ეჭვი ვერაფრისა აელო. როცა რკინის კაცი წავიდა კიდევ სალოცავად, მივიდა უხეიროცა, მოამზადა ორივე ნაჯახი და დადგა საომრად. მოვიდა რკინის კაცი და შეიბნენ. დიდხანს იბრძოლეს ძალიან, ოფლი სულ წყალივით სდიოდათ. ბოლოს

დასცა უხეიროჲ და დასცხო ილლიის ძირში ხაჯახი, მაგრამ ერთი ნაჯახი გატყდა; მაშინ მეორე დასცხო და იქვე სული გაათრთხოზიანა. ამის შემდეგ დაიწყო ქალთან კოშკში ცხოვრება და ფეხს აღარსადა სდგამდა, აღარა შორდებოდა ქალსა.

გაიგო ხელმწიფემ, რომ რკინის კაცი მოკლეს, და ის მზეთუნახავი ახლა სხვა კაცსა ჰყავსო. შეკრიბა ნაზირ-ვეზირები და უბრძანა: უექველად ის ქალი როგორმე ხელში უნდა ვიგდოო. ომით ვერას გავხლებითო, — თქვეს ვეზირებმა, ისევ ხერხით როგორმე თუ შევძლებთ მაგ საქმესაო.

ამ დროს მოვიდა ხელმწიფესთან ერთი ბებერი და მოახსენა: — დადებულო ხელმწიფევ, დამაქართ ფიცარზე, ჩამაგდეთ ზღვაში და მე მოვიყვან იმ ქალსაო. ხელმწიფეს ძალიან გაუხარდა. მაშინვე დააქრეს ბებერი ფიცარზე და შეაცურეს ზღვაში. მიცურდა ბებერი კოშკის ძირში და დაიწყო ყვირილი: — მიშველეთ, ვინა ხართ ქრისტიანი, გამომხედეთ, ზღვაში ვიხრჩობი, თქვენი ღვთის გულისათვის მიშველეთ რამეო. გამოიხედა უხეირომ, დაინახა ფიცარზე დაკრული წყალში ჩაგდებული ბებერი. ქალს უთხრა: — ჩავალ, გამოვიყვან, მადლიაო. — ეს ჩვენი მტერია, დაანებე თავიო, — უთხრა ქალმა.

უხეირომ მაინც არ დაიშალა, ერთმა წვინტილიანმა ბებერმა რა უნდა მიყოსო. — რომ ინანო, მე ნულარ დამაბრალებო, — უთხრა ქალმა. ჩავიდა უხეირო, გადაარჩინა ბებერი და ამოიყვანა კოშკში.

ბებერი ემსახურება ერთგულად, ყველაფერს მშვენიერად აკეთებს. ამ დროისთვის იშოვა ბებერმა ბანგა, შეაზავა ღვინო და შეინახა. გაუკეთა ერთხელ სადილი და მოართვა ეს ღვინოც. თვითონ ღვინოსა სვამს ბებერი, ქალ-ვაჟს კი ბანგნარევს ასძევს. ცოტა ხნის შემდეგ ქალსაც და ვაჟსაც მიეძინათ.

ეს ბებერი კულანნი იყო. იცოდა, რომ უხეიროს ვერაფერი მოჰკლავდა თუ, თავში რომ სამი თმის ბეწვი ჰქონდა, იმას არ ამოაძრობდნენ. მივიდა, ამოაძრო თავიდან ის სამი ბეწვი, შეახვია წითელ ჩვარში და ზღვაში გადაუძახა. უხეიროც მოკვდა მაშინვე. მერე შეუჟრა ფეხები, მოაბა ერთ ქაღარს ფეხებით და ყელთავქვე ჩაჰკადა ქვევრში; ქალი კი მოიგდო ხელში, ჩაისვა ნავში და მოუსვა ხელმწიფისაკენ. გამოიღვიძა ქალმა, მიიხედ-მოიხედა, ნახა რომ თავის სახლში არ არას. მიხვდა ყველაფერს და დაიწყო ტირილი. მერე ჩაჭდა საბნელოში და ხმა აღარავისათვის გაუტია. ეფერება ხელმწიფეც, ცდილობს, როგორმე მოიგოს მისი გული, მაგრამ ტყუილად.

ამ დროს დევებთან დატოვებული ბურთი სისხლის წვეთას დაიწყებს. „უხეიროს უქირსო“ — თქვეს დევებმა. მაშინვე წავიდნენ უხეიროს საძებნელად, მოსდევენ მის ნავალზე გაშლილ ვარდს და მოვლენ ამ კოშკთან. გადავლენ და ნახავენ, რომ მკვდარი უხეირო ყელთაკვე ჩაკიდებულია ქვევარში. შემოიკრეს თავ-პირში, მაგრამ ტირილით რას არგებდნენ? ბოლოს თქვეს: უნდა შევიტყოთ, ის თმები სად არის, ვის ხელშიაო. ერთმა თქვა: მე ხმელეთზე გავიგებ, თუ სადმე არისო. მეორემა თქვა: მე ცაში შევიტყობო. მესამემა თქვა: მე ზღვაში მოვძებნაო. ეძებეს ხმელეთზე — არ იყო; აძებნინა მეორე დევმა ფრინველებს ცაში — არც იქ იყო. ზღვის თევზთა მეფე მესამე დევას სიძე იყო. დაუძახა სიძეს და სთხოვა: — აბა, შემიტყუე, სამი ბეწვი თქა ხომ არაგვს ჩაუყლაპავს შენს საბრძანებელშიო. დაუძახა თევზთა ხელმწიფემ თევზებს, დიდსა და პატარას, მოვიდა და მოვიდა თევზი! ამა და ამნაირი ბეწვები ხომ არავენ. ჩაყლაპეთო, ჰკითხავს ხელმწიფე. ყველამ უარი თქვა: არაფერი არ გვინახავსო. ხომ არავენ გაკლიათო? — ჰკითხა ხელმწიფემ. — როგორ არა. დიდებულო ხელმწიფემ, ერთი ბებერი თევზი გვაკლია, ზღვის ძარზე წევს. სიბერით ვერ იძვრისო. ხელმწიფე მაშინვე იმისკენ დაეშვა. ბებერმა უთხრა: — ეს არის ახლა მოიტანა წყალმა წითელ ჩვარში შეხვეული და მე ჩაყლაპეო; ოღონდ ნუ მომკლავთ კი და ჭიკჭინები ჩავიდნენ ჩემს მუცელში და ამოიღონო. ჩაგზავნეს ჭიკჭინები, ამოიტანეს ეს ბეწვები და მიუტანეს დევებს. მიუხ-მოუხსვეს თავზე ეს ბეწვები უხეიროს, გაუხსნეს ფეხები და საღ-სალამათივით მაშინვე ფეხზე დადგა.

— ოჰ, რა ბევრი მძინებიაო! — თქვა.

— ბევრი გეძინებოდა, რომ ჩვენ არ მოვსულიყავითო, — უთხრეს დევებმა.

ოთხმა მეგობარმა გამოსწია ქალისაკენ. სულ აიკლეს ხელმწიფის საცხოვრებელი. ხელმწიფემ მოკლეს და ქალიც წამოიყვანეს. იქორწინა უხეირომ. შეირთო ცოლად ეს მზეთუნახავი და მრავალ წელს ზედნიერად იცხოვრეს.

ჭირი იქა. ლხინი აქა,
 ქატო იქა. ფქვილი აქა.
 მთას ურემი ავიტანე,
 წამოვიდა გორებითა.
 აქ სიციცხლით გამიძებნით —
 საიქიოს ცხონებითა!

სუთკუნჭულა

იყო და არა იყო რა, ღვთის უკეთესი რა იქნებოდა, იყვნენ ცხრანნი ძმანი. ისეთი ღარიბები იყვნენ, რომ იპათას ვერც არას ცეცხლი დასწვავდა და ვერც არას წყალი წაიღებდა. ნახევარზე მწივრები იყვნენ. ბოლოს თქვეს ძმებმა: წავიღეთ, ან ძოჯამაგირედ ვისმე დავუდგეთ ან კიდე ვიმუშაოთ, დღაური ლუკმა ვიშოვოთო. წავადნენ. იარეს და ერთს ქვეყანაში მივიდნენ. იქ ერთი დევი წესდათ. დევმა ჰკითხა: — სად მიდიხართო? ამათ უპასუხეს: — სამეწაოდ, ლუკმის საშოვნელად. გვინდა მოჯამაგირედ ვისმე დავუდგეთო.

— მე დამიდექითო, — უთხრა დევმა.

— კარგო, — უპასუხეს ძმებმა.

წაიყვანა დევმა და წავადნენ. დევს ცხრა ქალი ჰყავდა. ამასთან აუარებელი საქონელი, ძროსა და ცხენი. იმ დამეს დევმა კარგი ვახშამი აჭამა, დააწვინა და თვითონაც დაუწყო თვალის წერა. თუ როდის დაეძინებოდათ. რვა ძმასა სძინავს, ხუთკუნჭულა კი, უმცროსი ძმა, არ იძინებს, ლოგინში წევს და დევზე აქვს თვალი.

— დაგეძინათო? — დაუძახებს დევი.

— არაო, — უპასუხებს ხუთკუნჭულა.

— რა არ გაძინებსო? — ჰკითხავს დევი.

— შენი ბატების ყიყინო, — უპასუხებს ხუთკუნჭულა. წავა მაშინვე დევი, გადაჰყლაპავს ბატებს და ცოტას მოიყდის.

— დაგეძინა თუ ისევ გღვიძავსო? — ჰკითხა ხელახლა დევმა.

— არაო, — უპასუხებს ხუთკუნჭულა.

— რა არ გაძინებსო? — ჰკითხა ხელახლა დევმა.

— შენი ძროხების ფეხის ხმო, — უპასუხებს ხუთკუნჭულა. წავა დევი, გადაჰყლაპავს ძროხებს და დაბრუნდება; დაეგდება ყურს, ყველას სძინავს ვითომ.

— დაგეძინათო? — დაუძახა ხუთკუნჭულას.

— არაო, — უპასუხებს ისევ ხუთკუნჭულა. — რა არ გაძინებსო? — დაუძახებს გაცეცხლებული დევი. — შენი ცხენების ჰახვინო, — უპასუხებს ხუთკუნჭულა. დევი ისევ წავა. ახლა ცხენებს დასაკუმელად. ამ დროს ადგება ხუთკუნჭულა, აიღებს დევის ქალების ტანისამოსს და ძმებს დაუწყოებს, ძმებზე და თავის ხანჯლებს და ტანისამოსს დევის ქალებს, და გაიტრუნავს სულს, თითქო დაეძინათ. მოვა დევი, დაუვლის თავის ქალებს — ვაყები ჰგონია, დასკრის თავებს და დაჰყრის. ხუთკუნჭულა ჩააძმევს ძმებს ქალების ტანისა-

მისს, მათ კი გაისტუმრებს, ეტყვის, თქვენ წადით, ხიდს გადითო. თვითონ იქ დარჩება. მეორე დღეს ქალად ჩაცმული დევს ეტყვის:

— ხორცს ჩავეყრი, ის ვაუბები რომ დავხოცეთ იმათას, და მეც ჩემს დებთან წავალ, საყდარში წავიდნენო.

— კარგი, წადიო, — ეტყვის დევი. წავიდა ხუთკუნჭულა და ვაჟიდა ხიდს, ამოიღებს ხორცს დევი, ჭამს, და აკი ძუძუები ამოუჩნდება! მაშინვე ეტყვის: ეს ხუთკუნჭულამ მიყოო. აგდებს ხორცს და გამოუდგება ხუთკუნჭულას. კარგა გზას გაივლის და დაუძახებს:

— ხუთკუნჭულავ, გამასწარ ხიდსაო?

— გაგასწარ და თვალიც მოგთხარეო! — უპასუხებს ხუთკუნჭულა. ის ხადი დევისა და ერთი ხელმწიფის საზღვარზე იდო. იმ ხიდს დევი ვერ გავილოდა და ძალიანაც ეშინოდა. ამიტომ, რაკი ხიდს გავიდა ხუთკუნჭულა, სამშვიდობოს იყო გასული.

დაბრუნდა დევი სახლში კბილის კრაჭუნით. ძმები კი წავიდნენ და მივიდნენ იმ ხელმწიფესთან, ახლა მას დაუდგნენ მოჯამაგირედ. ძმები აუხირდნენ ხუთკუნჭულას, მოინდომეს იმისი თავიდან მოშორება. ხელმწიფეს უთხრეს:

— ერთ დევს ერთი თხა ჰყავს. ის თხა გულთმისანია და, რასაც ან ნახავს, ან გაიგონებს, ყველაფერს იტყვისო. ის თხა რომ მოიყვანოს, კარგი იქნებაო. ის თხა იმ დევისა იყო, ვისთანაც ძმები იყვნენ. ხელმწიფემ დაიბარა ხუთკუნჭულა და უთხრა:

— წადი და ამა და ამ დევს რომ თხა ჰყავს, აქ მოიყვანეო; თუ არ მოიყვან, ვერაფერი გიხსნისო. რას იზამდა ხუთკუნჭულა! ადგა და წავიდა თხის მოსაყვანად. მივიდა დევის სახლში და დაენახა თხას. თხამ დაუძახა დევს:

— ხუთკუნჭულა, ხუთკუნჭულაო! — გავიდა დევი გარეთ, ეძებს ხუთკუნჭულას. ხუთკუნჭულა კი კარის უკან არის დამალული. ეძებს დევი, მაგრამ ტყუილად. ხუთკუნჭულა კიდევ დაენახა თხას. თხა კიდევ დაიძახებს. ხუთკუნჭულას კიდევ ეძებს დევი, მაინც ვერა პოულობს. ბოლოს გაბრაზებული გადაისვრის თხას გარეთ. ხუთკუნჭულა დაავლებს ხელს, გაიქცევა და გავარდება ხიდს. დევი იფიქრებს: „ბიჭო, იქნება ის ოხერი ხუთკუნჭულა მართლა სადმე იყოს, თხა მომტაცოს და წაიყვანოსო“, და გამოიხედა გარეთ, სადღაა თხა! იმის კვალიც აღარ იყო. მაშინვე გამოეკიდება დევი, ირბენს და მოუახლოვდება ხიდს:

— ხუთკუნჭულავ, გახველ ხიდს თუ არაო?

— თვალი კი არ მოგთხარეო! — მოაძახა ხუთკუნჭულამ და წაი-

ყვანა თხა. დევი შინ დაბრუნდა გაბრაზებული. მოუყვანა ხუთკუნჭულამ თხა ხელმწიფეს; ძმებს კი, რასაკვირველია, ვერაფრად ეპიტნავათ. ხელმწიფეს უთხრეს:

— დიდებულო ხელმწიფევე, მაგ თხის პატრონს ისეთი ხალიჩა აქვს, რომ მისი ფასი დედამიწის ზურგზე არაფერი იქნებაო. თუ ხუთკუნჭულამ მისი თხა მოიყვანა, ხალიჩასაც მოიტანსო. ხელმწიფემ ისევ დაიბარა ხუთკუნჭულა და უთხრა, უნდა წახვიდე და იმ დევს რომ ერთი ხალიჩა აქვს, ის მოიტანო. ხუთკუნჭულას რა მეტი ღონე ჰქონდა! ადგა და წავიდა. ხელმწიფეს კი მოახსენა, რომ ერთი მუჭა ნემს-მახათი მიბოძეთო. მისცეს და წაიღო. ბევრი იარა, ცოტა იარა, მივიდა დევის სახლში, შეიპარა, საღაც ხალიჩა იყო დაგებული, და დაარქო ხალიჩაში ნემსები. მოვა დევი, დაჯდება ნემსებზე — შეერჭობა, იქით გადაიწევეს—იქიდან შეერჭობა, აქეთ გადამოიწევეს — აქედან. ბოლოს, რაკი ძალიან შეწუხდა, მოავლო ხელი ხალიჩას და გადაუძახა გარეთ. დაავლო ხელი ხალიჩას ხუთკუნჭულამ, გააქცია და გავარდა ხიღს. დევმა იფიქრა: „ის ეშმაკი ხუთკუნჭულა კი არ იყოს სადმე და ის ხალიჩა არ წაიღოსო“. გამოიხედა. მაგრამ სადღაა ხალიჩა! დარჩა დევი ხახაყარიელი. გამოეკიდა ხუთკუნჭულას და დაუძახა:

— ხიღს გახველი, ხუთკუნჭულავ, თუ არაო?

— გაველ და თვალის მოგთხარეო! — უპასუხა ხუთკუნჭულამ. მოვიდა და მოუტანა ხალიჩაც. ძმებს უფრო მოუვიდათ გული. ხელმწიფეს მოახსენეს:

— ხუთკუნჭულამ მაგ თხისა და ხალიჩის პატრონიც მოიყვანოსო. ძალიან კარგი რამ სახილველი იქნებაო. დაიბარა ისევ ხუთკუნჭულა ხელმწიფემ და უთხრა:

— უნდა წახვიდე და ამ ხალიჩის პატრონიც აქ მოიყვანო.

— კარგიო, — მოახსენა ხუთკუნჭულამ, — მაგრამ ერთი ხელი იმერული ტანისამოსი კი მიშოვეთ და ხუროს იარაღები, რაც რამ არისო. ხელმწიფემ უშოვა, ჩაიცვა ხუთკუნჭულამ, აიღო ხელში ხერხი, ეჩო, ხუსტარა, საწარბელა, შალაშინი და გასწია. ბევრი იარა თუ ცოტა იარა, მივიდა დევის საბრძანებელში. უცებ დევს შეხვდა ტყეში.

— ოჰ, შენ არა ხარ ხუთკუნჭულაო? — დაუძახა დევმა.

— აი, ასე და ისე მოუვიდეს ხუთკუნჭულას და ჩემი ცოდო ნუ დაუღიოს ღმერთმაო, — უთხრა დევს ხუთკუნჭულამ. — იმ ვერანას ვშველოდი, იმერელი ვარ, არაფერი მომცა და გამომაგდოო. დევმა მართლა დაუჯერა.

— თუ იმერელი ხარ, — ჰკითხა, — მაშ შენ კაი ხელობა გეცოდინება. რას გააკეთებ საკვირველსაო?

— შე ისეთს კილობანს გააკეთებ, — უთხრა ხუთყუნჭულამ, — რო შიგ ჩაჯდე და ფიცარაიც ვერ გააგდებინოო.

— აბა გააკეთო, — უთხრა დევმა. საჩქაროდ გააკეთა კილობანი ხუთყუნჭულამ და უთხრა დევს:

— აბა ჩადი, ნახე, ძირს გააგდებინებ თუ ვერაო. — ჩაჯდა დევი. ჰკრა წიხლი და გააგდებინა. გააკეთა მეორედ, ჩასვა დევი და უთხრა: — აბა ასლაც გააგდებინებო? დევმა მართლაც ველარ გააგდებინა. დაუღერსმა და უთხრა: — ფეხით არ იარო, ზურგზედ აგაიკიდებ და შენ სახლში, ისე მიგიტანო. დათანხმდა დევი. მოიკიდა ხუთყუნჭულამ და ხუსხუს ხელმწიფისაკენ! ხიღს რომ გაეიდა. დევს გულმა გაუგო: — აი. გადამიყვანე განა ხიღსაო? — უთხრა ხუთყუნჭულას და დაიზიდა. მაგრამ სად წავიდოდა. წამოიღო ხუთყუნჭულამ და მოუყვანა ხელმწიფეს. შეიკრაბა მთელი ჯარი, ნაზირ-ვეზირი, ხელმწიფე და სხვა დიდებულები დევის სანახავად. ხუთყუნჭულა კი გაიქცა. წაიღო ერთი მარილის ქვა და ავიდა ერთ მაღალ ქადარზე, იქიდან უცქერის სეირს. ახადეს კილობანს. ამოვარდა იქიდან გაგიჟებული დევი. დაერა ხალხს და ყველა ერთად კი მოაქცია თავის ხელმწიფით და რვა ძმით შავ მუცელში.

რაკი ყველა მიყლაპ-მოყლაპა. ხუთყუნჭულას დაუწყო ძებნა და მერე ქადარზე შეიხედა. იქ მჯდომი ხუთყუნჭულა დაინახა და დაუძახა: — ხუთყუნჭულავ. მანწავლე. მანდ როგორ ასეეღო? — ამ მარილის ქვას ხომ ხედავო. — დაუძახა ხუთყუნჭულამ დევს, — ეს მარილის ქვა გულზე დავიდე. ამოვფრინდი და ამოვედიო. — სად ვიშოვო მაგისტანა ქვაო? — ჰკითხა დევმა. — გულალმა დაწეკი, მე ჩამოვეწეებ, გულზე დაგეცემა და ამოხტებო, — დაუძახა ხუთყუნჭულამ.

დაწვა დევი გულალმა. ჩამოუშვა მარილის ქვა. დაეცა დევს და წუთზე გახვრიტა. ამრიგად. ხუთყუნჭულამ დევი მოიწორა თავიდან. ჩამოვიდა ხიდან. ის იპოედნა სარჩო იმას დარჩა. გახდა სიმდიდრისა და წეძლების პატრონი. გახდა ქვეყნის ბატონი და პატრონი. აქვს მუდამ ძველი პური და ძველი ღვინო.

მთას ჟრუმი აუიტანე,
წამოვიდა გორებითა,
აჰ სიოთხლო გაგვიძხვით,
საიქიოს ცხონებითა.

მეცხვარე ბრმა დევი და ფიქრის შევირდი

იყო და არა იყო რა, ღვთის უკეთესი რა იქნებოდა, იყო ერთი ღარიბი ცოლ-ქმარი. ჰყავდათ ერთი ბავჯი, მაგრამ ის ისეთი ჭიუტი. კერპი და გაუგონარი იყო, რომ დედ-მამას არაფერს არ უგონებდა. თავი შეაქულა თავისი სიზარმაცით. ადგნენ და, რომ ვეღარა მოაგვარეს რა, ერთ ფეიქარს მიიბარეს შევირდალად.

ერთხელ ფეიქარმა სახლში გაგზავნა გორგლების მოსატანად. წამოიღო ამ ბიჭმაც გორგლები, საფეიქროში უნდა მიეტანა, მაგრამ დახე ებედურებას! გზაზე ბიჭები კოჭაობდნენ. თვათონაც სულმა წასძლია, გორგლები იჭვე დააწყო და თვითონ კოჭს ჩაუყდა. სანამ ის კოჭაობდა, გორგლები ვალაცამ მოჰპარა და ცარიელი მიბრძანდა ოსტატთან. აბა ოსტატი რა პირს დაუკონიდა, მერე ისიც ფეიქარი? სცემა და გააგლო.

წავიდა ბიჭი იქიდანაც. აბა დედ-მამასთანაც რაღა მიესვლებოდა? ძალიან მოშივდა. საგზალი არ ეღო და ფული არ ებადა, რომ ეყიდა და ექამა. გზაზედაც არაფერს არ აქამა. ძალიან დაიღალა და მოშივდა. ერთ ადგილას ნახა, რომ ერთ ღვეს ერთი დიდი ფარა ცხვარი გამოურეკავს და აძოვებს. ბიჭმა თქვა: ერთი ავეყვარებო, ეგების რამენაირად სახლში შევყვე. რომ შიმშილით არ მოეკვდე, თორემ აქ ახლომახლო არა ჩანს რა კაცის საზრდო.

როცა დაღამდა, დემა ცხვარი დაარეკა და წაასხა სახლში. დევს ჩვეულებად ჰქონდა: როცა ფარჯში წერეკავდა ცხვარს. კარებში გაღაჯებოდა, ცხვრებს ისე უწვებდა და თან ხელითა სთვლიდა, ხომ არაფერი დამაკლდაო. ბიჭი ერთ ერემალს შეუძვრა ქვეშ და, როცა ერემალი შევიდა. ისიც თან ნიყუა. დემა ზურგზე გადაუწვა ხელი ერემალს. რას იფიქრებდა. თუ მის მუცელქვეშ ბიჭი იყო დამალული?! დათვალა დემა ცხვრები. დაკრტა კარები. ერთი ცხვარი გამოაყვანა, დაკლა. მოსრაკა. ნახევარი შეჭამა და ნახევარი დილისთვის შეინახა; მერე დაწვა და დაიძინა.

დევს რომ დაეძინა, ბიჭი მივიდა. შეჭამა ცხვრის ხორცი და ისევ დაიძინა. მეორე დღეს, დევს რომ გამოვლვოდა. ნახა ხორცი, უნდა ექამა და ცხვარი გაერეკა, მაგრამ იქ აღარაფერი დახვდა.

დევს გული მოუვიდა. უნდოდა გაეგო. ვინ იყო იმისი ქურდი და დაუძახა: — რა ხარ, რა სულაერი ხარ. ხორცი რომ შეგაქამა. მითხარ და არაფერს გერჩო. ბიჭმა დაუძახა: — მე შვილი და შენ მამაო! ამდენი და ამდენი ხანია მშიერი ვიყავ, შენს ცხვარს შემოვეყვი

და ახლა შენ იცი, რასაც მიზამო. კარგიო, — უთხრა დევმა, — შენ შვილი და მე მამაო. მაინც ღმერთმა სხვა ნუგეში არა მომცა რა, შენ მაინც იყავ ჩემთანაო!

დარჩა იქ ბიჭი და დაიარხენინა გული. დადიოდა ცხვარში და უღლიდა ერთგულად. ისე უფრთხილდებოდა, რომ ერთი ციკნას ყურიც არ დაჰკლებია.

ერთხელ დევმა უთხრა ბიჭსა: შავი მთა რომ არის, შვილო, იმ მთაზე არ გარეკო ცხვარი, თორემ იქიდან ცოცხალი ვეღარ დაბრუნდებიო!

ეს რომ გაიგონა ბიჭმა, ძალიან მოუნდა იქით წასვლა. იმ ღამეს აღარც კი სძინებია, გათენებას მოუთმენლად ელოდა. გათენდა თუ არა, გარეკა შავი მთისაკენ ცხვარი. შავ მთაზე რომ ავიდა, ნახა, ერთი შავი მეცხვარე გამოვიდა, შავი კომბალი უჭირავს, შავი ნაბადი ასხია, შავი ცხვარი ჰყავს და შავი ძაღლები. მეცხვარემ დაუძახა: — ვინა ხარ? რა სულიერი ხარ, რომ ჩემ მთაზე მოსულხარ და ცხვარს აძოვებო? — ახლოს მოდი, — დაუძახა ბიჭმა, — ჩხუბს და დავიდარაბას, ნარდი გექნება, მოიტანე, ვითამაშოთ და გავერთოთ! — ძალიან კარგიო!

მოიტანეს ნარდი, ითამაშეს. ბიჭმა ცხვარი სულ წააგო, მხოლოდ ათი სულიდა დარჩა. ბიჭმა სთქვა: „მოდი, კიდევ ვითამაშები, იქნება ღმერთმა ახლა ჩემსკენ გადმოიხედოს და მოვიგოო. თუ წავაგებ დავკრავ ფეხს და გავიქცევი, სად მიპოვნის ბრმა დევიო?“

ითამაშეს და ამ ბიჭმა სულ კი მოუგო მეცხვარეს ცხვარიც, ძაღლებიც, ნაბადიც, კომბალიც და ცარიელი გაისტუმრა.

საღამოზე მორეკა ცხვარი და დევს დაუძახა: — გამოდი, მამი, ჩადექი კარებში და დათვალო! გამოვიდა დევი, ჩადგა ფარების კარებში და დაუწყო თვლა. თავისი ცხვარი რომ დათვალა, დევი უნდა წასულიყო, მაგრამ ბიჭმა შეაყენა: — კიდევ, მამი, დათვალო! დევმა დათვალა და ერთი იმდენი კიდევ მომატებია, რაც დევსა ჰყავდა. — აბა, მამი, შენ რომ მითხარი, შავ მთაზე არ წაასხა ცხვარიო, მე იქ წავასხი და ეს ცხვარი სულ ერთ შავ მეცხვარეს მოვუგე ნარდშიო. — კარგი, შვილო, მაგრამ წითელ მთაზე არ წაასხა, თორემ იქიდან ცოცხალი ვეღარ დაბრუნდებიო.

ბიჭმა არ დაინალა და ახლა წითელ მთაზე გარეკა ცხვარი. გამოვიდა წითელი მეცხვარე, გამორეკა სულ წითელი ცხვარი და წითელი ძაღლები, თვითონაც წითელი ნაბადი ასხია და წითელი კომბალი უჭირავს.

— ვინა ხარ, რომ ამ ჩემ მთაზე ცხვარს აძოვებო? — დაუყვირა ბიქსა.

— წამოდი, ერთი ნარდი ვითამაშოთ, რა ღროს ეგენიაო? — დაუძახა ბიქმა. წამოვიდა წითელი მეცხვარე და ითამაშეს. როგორც შავ მეცხვარეს, ამასაც სულ მოუგო ცხვარი.

რალა ბევრი გვაგაგრძელოთ, მერე თეთრ მთაზე წაასხა და იმასაც ისევე მოუგო, როგორც შავსა და წითელსა. იმოდენა ცხვარი შეაგროვეს, რომ აღარ იციან, სად დატიონ. უხარია დევს, რომ ამისთანა შვილობილი იპოვა. ბიქს უთხრა: — შვილო, ამადამ ჭალაში არ წახვიდე, თორემ მეც იქ დაებრძავდი და დაიღუპები. განა მუდამა სწყალობს ბედი კაცსაო!

ვაჟმა არ დაიშალა და სწორედ იმ ჭალაში ჩარეკა ცხვარი. ისეთი ჭალაა, თვალს ვერ მოაშორებს კაცი, საესეა ტყითა და ბალახითა.

გაძღა ცხვარი და დაეყარა. დაკლა ბიქმაც ერთი ბატკანი, შეწვა, დაჭდა და სჭამს. ამ ღროს მოვიდა ერთი ბებერი, დაუჯდა გვერდზე და სთხოვს: — მაჭამე, შვილო, ხორციო! — ბიქმაც აჭამა. ბატკანი რომ გაათავეს, ბებერმა უთხრა: — ადექი და ერთი ცხვარი კიდეც დაკალიო.— ამ წუთასაო,— უთხრა ბიქმა, ადგა და უკანიდან მოუარა ბებერს. ბებერი ერთ დიდ ხესთან ზის. ისეთი თმები აქვს, რომ მიწაზე ათრევს. მოუარა ბიქმა უკანიდან, სტაცა ხელი თმებში, ხეზე შემოახვია და მაგრა დააბა. — მითხარ, როგორ დააბრძავე მამაჩემი, ან რა უშველის, წამალი მომეცი, თორემ ახლავე აგუწუწავო! — უთხრა ვაჟმა. ბებერმა უპასუხა: — ოლონდ ნუ მომკლავ და... წადი ჩემ სახლში, იქ ჩემი ქალია, ასე უთხარ: დედაშენმა შემოთვალა, უკვდავების ხელსახოცი რომ მაქვს, ის გამომიგზავნეო. მოგცემს და გეტყვის: დაქეჟი, ცოტა ხანს ჩვენთან გული გაართეო, მაგრამ არამც და არამც არ დაჭდე, მაშინვე წამოდი, როცა მიიტანო სახლში, მამაშენს ერთი ოქროს წყარო აქვს, იმ წყაროში დაასველე, მოუსვი თვალეებზე და მაშინვე აეხილებო. შენც თავი იმ წყაროში დაიბანეო.

წავიდა ვაჟი ჯადოქარი დედაკაცის ქალთან. ქალი გამოეგება, შეიყვანა სახლში. ისეთია ეს ქალი, კაცს თვალს მოსტაცებს. ვაჟმა უთხრა: — დედაშენმა შემოგითვალა, უკვდავების ხელსახოცი რომ მაქვს, ის გამომიგზავნეო. მისცა ქალმა ხელსახოცი და თან სთხოვა: — მოდი, დაქეჟი ჩემთან პატარა ხან, რა გეჩქარებო? — ვაჟმა შემოჰკრა ხმალი და შუაზე გააფა. წამოიღო ხელსახოცი, ის ბებე-

რიც სულ ლუკმალუკმა აკუწა, წამოასხა ცხვარი და წამოვიდა გახარებულნი.

სახლში რომ მოვიდა, მამას დაუძახა: — მამი, ოქროს წყარო სადა გაქვსო. — ამა და ამ ეზოში არის, შეილოო! — შევიდა ვაჟი, დასველა წყაროში ხელსახოცი, თვითონაც თავი დაიბანა და სულ ოქროს თმა დაესხა თავზე. წამოიღო ხელსახოცი, მოუსვა მამას თვალებზე და აუხილა. ისეთია დევი, ისე გახარებულა, ჰკოცნის ამ ბიჭს: შენ გენაცვალე, შეილო, ჩემ მხსნელ ანგელოზად მომიფრინდი ზეციდანაო; აბა, შეილო, ვისთვის რა მინდა, ჩემი სარჩო-საბადებელი სულ შენი იყოს, იყავ ჩემთან, ნულარ მომშორდებო.

გავიდა ხანი, ცხოვრობენ ტკბილად და ბედნიერად. მაგრამ ვაჟს მობეზრდა იქ ყოფნა და თავის დედ-მამისა და ქვეყნის ნახვა მოუნდა. დევს უთხრა: — მართალია, მამი, მიყვარხარ, მაგრამ მე სხვა დედ-მამაც მყავს და იმათთვის ძალიან შეეწუხდი, მინდა წავიდე, ვნახო ისინიც და ჩემი ქვეყანაცაო.

დევს ძალიან ემძიმებოდა შეილობილის წასვლა, მაგრამ როგორ დაუშლიდა. — კარგი, შეილო, წადი და დმერთმა ხელი მოგიმართოს, მხოლოდ ამა და ამ თავლაში შედი, სამი რაში აბია, აუშვი, ერთზე შეეჭეტი და ორიც თან წაიყვანე. როცა აღარ გინდოდეს, ძუა გამოაძრე, გაუშვი და, როცა დაგჭირდეს, ამოიღე ძუა, ახსენე და ისევ შენთან მოვლენო.

წავიდა ბიჭი, გამოეთხოვა მამობილს. შევიდა, ნახა, სამი ისეთი რაშია, ერთი მეორეს სჯობია, სამივე შეკაზმული და გამართულია; ერთი შავია, ერთი წითელი და ერთი თეთრი. შავს ერთი ხელო შავი ტანისამოსი და იარაღი აქვს უკან დაკრული, წითელს — წითელი და თეთრს — თეთრი. გამორეკა, ერთზე შეჯდა, ორი თან წაიყვანა.

ბევრი იარა, თუ ცოტა იარა, მოვიდა იმ ქალაქში, სადაც ხელმწიფე იყო; ჩამოხტა, რაშები გაუშვა, მხოლოდ ძუა გამოაძრო, თვითონაც თავზე ერთი ცხვრის მაჭიკი ჩამოიცვა, რომ ოქროს თმა არ გამოსჩენოდა, და მივიდა ხელმწიფის სასახლესთან: მოსამსახურე არა ნებავეს ხელმწიფესა, დამიყენონო. არაო, უპასუხეს. ბოლოს მაინც, რაკი აღარ მოეშვა, მებატედ დაიჭირეს. დილით გაირეკავს ბატებს და სადამოთი მორეკავს. რადგან თავზე გამხმარი მაჭიკი ჰქონდა ჩამოცმული, მათ ქაჩალი ეგონათ და ქაჩალ-მებატე დაარქვეს.

ამ ხელმწიფეს სამი გასათხოვარი ქალი ჰყავს. უმცროსი ისეთია, როგორც მზეთუნახავი. ერთხელ უმცროსმა თვალი შეასწრო ბიჭს,

რომ მაჰიკიდან ოქროს თმა ჩამოშლია, ისე ანათებს, როგორც მზე. გულში მისი სურვილი ჩაუვარდა და გადაწყვიტა მას მისთხოვებოდა. ერთხელ თავის დებს უთხრა: — გათხოვება რომ მოგვინდეს, როგორ უნდა ვუთხრათ მამასაო?

დებმა არაფერი უპასუხეს, წავიდნენ და მამას მოახსენეს, რომ გათხოვება მოგვინდა და უნდა გავგათხოვოთ. მამამ დაიბარა თავისი ჯარი-ჯამაათი და ყველანი დაამწყრივა. თავის ქალებს უთხრა, მიდით და ვინც მოგეწონთ, ის აირჩიეთ ქმრად. მივიდნენ ქალები, უფროსმა ვეზირი ირჩია, მივიდა და კალთაში ჩაუჯდა, შუათანამ ნაზირი, უმცროს ქალს კი არავინ მოუვიდა თვალში, იმას ქაჩალ-მემატე უნდა, ის-კი აქ არ არის.

მერე მამამ უთხრა: — აირჩიე, შეილო, შენც ხაქმრო, თუ არაო? — არა, მამავ, მე ვინც მომწონს, ის აქ არ არისო.

იკითხა ხელმწიფემ, ვინლა გვაკლიაო, და უთხრეს, რომ თქვენი ქაჩალ-მემატელა გვაკლია, ბატებში იყო და არ წამოვიყვანეთო.

— წადით და მოიყვანეთ ისიცაო, — უბრძანა ხელმწიფემ. წავიდნენ და მოიყვანეს. მივიდა ხელმწიფის ქალი და ჩაუჯდა კალთაში. ისეთია ხელმწიფე, ლამის სიბრაზით თავისი დაემართოს. უფროსი სიძეები ხომ დასციინიან, იგდებენ მასხარად, ქაჩალ-მემატეს მისთხოვდაო. გამოაგდო ორივე მამამაც, ჩავიდნენ და დადგნენ ერთ საცოდავ საბატეში.

ერთხელ ხელმწიფის ცოლი ავად გახდა. დაიბარა სიძეები და უთხრა, ამა და ამ ალაგას რომ წყაროა, თუ იმის წყალს მომიტანთ და დამალევინებთ, მოვრჩები, თუ არადა — მოკვდებიო. შეხსდნენ უფროსი სიძეები და წავიდნენ წყლის მოსატანად. ქაჩალ-მემატე-მაც სთხოვა: — ერთი ცხენი მომეცით, იქნება მე მოვიტანო! — მაგრამ კინწის კვრით გააგდეს: — გასწი, დაიკარგე აქედანაო!

სიძეები რომ წავიდნენ, ქაჩალ-მემატემ გამოხსნა ძუა, ახსენა თავისი შავი რაში. იმ წამს იქ დაიბადა, ჩაიცვა შავი ტანისამოსი, შავი აბჯარი აისხა, წავიდა, მოიტანა და დაჯდა უფროსი სიძეების გასავალ გზაში. როცა მათ გამოიარეს, ბიჭმა უთხრა: — რაც თქვენ წყალი გინდათ, აი, მე მაქვს; შორს რომ არ იართ, ვინ იცის, მოხვალთ კი იქიდან კიდევ თუ ვერა, მე მოგცემთ, მხოლოდ თქვენი ყურის ბიბილოები მოიჭერით და მომეცითო.

რადას იზამდნენ, მოიჭრეს ყურის ბიბილოები. ბიჭმა მისცა წყალი და წამოიღეს. ვაჟმა კი ის ყურის ბიბილოები შეინახა, გაიხადა ტანისამოსი, დააკრა ისევ შავ რაშს და გაუშვა. თვითონ ისევ ძველი

ტანისამოსი ჩაიცვა, თავზე ისევ მაჭიკი ჩამოიცვა და გასწია სახლში.

მოუტანეს წყალი სიძეებმა, მაგრამ ხელმწიფის ცოლი მაინც კი-
ლევ არ მორჩა. დაიბარა უფროსი სიძეები და უთხრა: — სანამ უკვ-
დადების ყურძენს არ მომიტანთ, არ მოვრჩებიო. იმ ვენახს, სადაც ეს
ყურძენი ასხია, ღობედ გველვეშაპი ავლია, სარად გველი უდგას და
ხელი საყელავად.

წამოვიდნენ უფროსი სიძეები. აბა უმცროს სიძეს რა კაცად ჩას-
თვლიან?! წამოვიდა ბიჭიც მინდორში, გამოხსნა თეთრი რაშის ძუა,
ახსენა და იმ წამში იქ დაიბადა. ჩაიცვა თეთრი ტანისამოსი, თეთრი
აბჯარი აისხა, მოახტა რაშს, გააფრინა, გადახტა გველვეშაპის ვენახ-
ში, მოკრიფა ყურძენი და წამოიღო. სწორედ იმ გზაზე დაჯდა, სადაც
მის ქვისლებს უნდა გამოეცლოთ. გამოიარეს იმათაც დაღონებუ-
ლებმა. — გამარჯობა თქვენო! — გაგიმარჯოსო! — სად მიდიხართ,
ვინა ხართო? — ჩვენ ამადამ ხელმწიფის სიძეები ვართ, სიდედრი
ავად გაგვიხდა, ახლა მივდივართ, უკვდავების ყურძენი უნდა მოვი-
ტანოთ, მაგრამ იმ ვენახს თურმე გველვეშაპი ღობედ არტყია, გვე-
ლები სარად უდგას და ხელიკები საყელავადა. არ ვიცით, მივდივართ
კი, მაგრამ დავბრუნდებით თუ არა, ეგ ღმერთმა იცისო. — იქიდან
მე მოვიტანე ყურძენი, მოგცემთ, თუ ჩემს ცხენს ღუმებზე თიოო
წიხლს მიარტყმევინებთო. — ოღონდ მოგვეცი და რაც გინდა ჰქე-
ნო, — უთხრეს მეფის სიძეებმა. ჩაახდევინა ნიფხვები, დაუარა
რაშმა და ყველას თითო წიხლი უთავაზა, ისე რომ რაშის ნალი ზედ
ბეჭედვით დააჩნდათ. მისცა ყურძენი და წავიდნენ.

მიუტანეს სიდედრს, აჭამეს და მორჩა.

გავიდა ხანი. ერთხელ ერთმა ხელმწიფემ შემოუთვალა ამათ სი-
მამრს, უნდა გეომო და მოემზადეო. ამან შეუთვალა: მე მზადა ვარ,
შენ მოემზადეო. მოემზადნენ უფროსი სიძეები წასასვლელად.
— ქაჩალ-მებატე გააგდეთ, არ მოკლას ვინმემაო, — თქვეს სიძეებ-
მა და გააგდეს.

ქაჩალ-მებატე გავიდა მინდორში, მოიშვლიბა თავიდან ცხვრის
მაჭიკი, გამოხსნა წითელი რაშის ძუა, ისიც იმ საათში იქ დაიბადა.
ჩაიცვა წითელი ტანისამოსი, წითელი იარალი აისხა, შეჯდა წითელ
რაშზე და გასწია, სადაც ომი იყო. სწორედ იმ დროს მოვიდა, როცა
მისი სიმამრი ხელმწიფე უკვე დაემარცხებინათ და გაქცევას აპირებ-
და. შეუტია ვაჟმა, ხოცა და ხოცა; რაც მან დახოცა, ორი იმოდენა
მისმა რაშმა. თავზარი დაეცა მტრის ჯარსა; აირივნენ და სულ თხე-

ბივით გაიფანტნენ. ქაჩალ-მებატე ხელში დაჭრილიყო. ხელმწიფემ თავისი ხელსახოცით შეუხვია ჭრილობა და დიდი მადლობა გადაუხადა.

ხელმწიფე გამარჯვებული დაბრუნდა თავის სახელმწიფოში. ბრ-
კიც წავიდა, გაიხადა იქ ტანისამოსი, დააკრა ისევ რაშსა და გაუშ-
ვა. თვითონ ისევ მაჭიკი გაიკეთა და მივიდა ცოლთანა. უამბო: ასე
და ასე იყო ჩემი საქმეო. დაიბატოჟა ხელმწიფემ თავისი ქვეშევრ-
დომნი, გაუშალა სუფრა და თვითონ მელვინედ დადგა: უნდა ნახოს,
ვისა აქვს მისი ბალდადით ხელი შეხვეული და ამით გაი-
გოს, ვინ იყო ამის გამარჯვების მიზეზი. ჩამოუარა ყველას, მაგრამ
იმის ბალდადი არავის აღმოაჩნდა. — აკლია კიდევ ვინმე თუ
არაო? — იკითხა ხელმწიფემ. — ქაჩალ-მებატელა აკლიაო, — მოახ-
სენეს. — მოიყვანეთ და დააგდეთ სადმეო.

მოიყვანეს და ყველაზე ბოლოს დასვეს. ქაჩალ-მებატეს ეცინება
გუნებაში.

დაუსხა და მიაწოდა თასი ხელმწიფემ. გამოუწოდა ხელი ქაჩალ-
მებატემ. ხელმწიფემ იცნო თავისი ბალდადი.

— შენ ვინ მოგცა ჩემი ბალდადიო? — ჰკითხა ხელმწიფემ.

— შენ თვითონ შემიხვიე ამით ხელი, ომი რომ გათავდაო, —
უთხრა ვაჟმა.

ხელმწიფეს არა სჭეროდა. მაშინ მოიშვლიბა თავიდან მაჭიკი
ბიჭმა და ოქროს თმამ კი გამოანათა. ისეთია ხელმწიფე, თვალებს
არ უჭერებს.

— რად გიკვირს, დიდებულო ხელმწიფევ, შენი უფროსი სიძე-
ები რომ დამცინოდნენ, ჩემი ყმები არიან, აბა ყურის ბიბილოები
უნახეთ, რა უყვესო. თქვენ რომ უკვდავების წყლისთვის გამოგზავ-
ნეთ, მაგათ მე მივეცი და სამაგიეროდ ყურის ბიბილოები დავაქე-
რო. აბა ნახეთ, თუ არ გჯერათო. — ნახეს, მართლა, ყურის ბიბი-
ლოები დაჭრილი აქვთ. — აბა, ახლა ნიფხვები ჩახადეთ, ნახეთ,
დუმებზე ჩემი ცხენის ნალები ატყვია თუ არაო? ნახეს, მართლა
ასეა.

ამის შემდეგ ხელმწიფემ ძალიან შეიყვარა თავისი უმცროსი სი-
ძე და დიდი ქორწილიც გადაუხადა. როცა ხელმწიფე მოკვდა, ხელ-
მწიფობა იმას დარჩა და ქვისლებიც მისი ყმები გახლნენ. დედ-მამაც
მოიყვანა და იცხოვრეს ბედნიერად.

ჭირი იქა, ლხინი აქა,

ჭატო იქა, ფქვილი აქა.

დედაბრის შვილი

იყო და არა იყო რა, იყო ერთი ხელმწიფე. ამ ხელმწიფეს დიდხანს არ ჰყავდა ვაჟი. ბოლოს ეყოლა. ხელმწიფე თავის შვილს ძალიან უფრთხილდებოდა და არსად უშვებდა სასახლის გარეთ. ერთხელ ხელმწიფის შვილი სწორებში მშვილდ-ისრობასა თამაშობდა. ამ დროს წყლიდან ერთი ბებერი მოდიოდა და წყლიანი კოკა გამოატარა ბავშვების ახლოს. ბიჭებმა უთხრეს ხელმწიფის შვილს: — აბა, აიმ კოკას თუ გაუტეხავ იმ ბებერსაო? — ხელმწიფის შვილმა ჩააგდო ისარი კილოში და ესროლა. ისარი მოხვდა კოკის ძირს, გატეხა და წყალი კისერზე გადაესხა ბებერს. მობრუნდა ბებერი, უნდა დაეწყებლა კოკის გამტეხი, მაგრამ, რაკი დაინახა, რომ ხელმწიფის შვილი იყო, უთხრა: — ხელმწიფის შვილო, დასაწყევლად მენანები, დედისერთა ხარ, მაგრამ გეტყვი: ცხრა დევ ძმას რომ და ჰყავთ, იმის სურვილიმც ჩაგვარდნია გულშიო.

ხელმწიფის შვილმა ეს დაიხსომა.

ხანი გადიოდა. ხელმწიფის შვილი გაიზარდა. ახლა ხელმწიფე იმის საცოლესათვისდა ზრუნავდა. გაუგზავნეს ხელმწიფის შვილს საკითხავად, ვინ გინდა ცოლად რომ შეგერთოთო. ხელმწიფის შვილმა უთხრა: — თუ იქნება, ცხრა ძმა დევს რომ ჰყავთ და ის იყოს, თორემ მე არც ცოლი მინდა და არც ხელმწიფობაო. — დალონდა ძალიან ხელმწიფე: ცხრა ძმა დევის და საიდან უნდა მოვკვარო ჩემ შვილსაო! ხელმწიფემ დაიბარა შვილი და უთხრა: — შენგან არჩეულ საცოლეს მე ვერას გზით მოგგვრიო. — შვილმა უთხრა: — დედაბრის შვილი და მე წავალთ და მოვიყვანთ იმ მზეთუნახავსაო. — ხელმწიფე ჭერ არ დაჰყვა, შვილი როგორ უნდა გავგზავნო დევებთანაო, ბოლოს დაიყოლია, როგორც იყო, შვილმა. ხელმწიფემ დაიბარა დედაბრის შვილი და უთხრა: — ჩემს შვილს შენ გაბარებო. დედაბრის შვილი და ხელმწიფის შვილი სწორები იყვნენ და ერთად იზრდებოდნენ.

დედაბრის შვილი ძალიან ღონიერი იყო: ეჭვას რომ ხელს მოუჭერდა, მაშინვე ფქვილად აქცევდა, და ძალიან ჰკვიანიც იყო. დედაბრის შვილმა უთხრა:

— მშვილდ-ისარი გამიკეთეთ რკინისა და წავალთო. — დაიბარეს მჭედლები, გააკეთებინეს თხუთმეტლიტრიანი მშვილდი და მიუტანეს დედაბრის შვილს. მოსწია დედაბრის შვილმა და მიგრიხმოგრიხა. გააკეთებინეს ოცლიტრიანი, იმასაც ასე უყო; ოცდახუ-

თიანი — იმასაც. ბოლოს გააკეთებინეს ორმოცლიტრიანი. ეს კი კარგად მოხდა ხელში დედაბრის შვილს; გადიკიდა მხარზე და გაუდგნენ გზას.

სანამ იმათი სახელმწიფო იყო, იგნებდნენ გზას, მაგრამ მერე კი აღარ იცოდნენ, საითკენ წასულიყვნენ. ბოლოს დედაბრის შვილმა უთხრა: — გავკრავ ისარს და ჩვენ გავყვეთ მის კვალსაო. — ჩაგდო კილოში ისარი, მოზიდა ბაწარს და გასტყორცნა. წავიდა ისარა, გადაიარა შვიდი მთა და ჩაესო შვიდი ძმა-დევეების ბაღში. დედაბრის შვილი და ხელმწიფის შვილი გაპყვნენ ისარის კვალს. ზოგან ხე იყო ისარისაგან მოტეხილი, ზოგან მთას ჰქონდა პირი მოგლეჯილი. იარეს, იარეს და მიადგნენ დევეების სახლ-კარს. დევეებს ვენახი ჰქონოდათ, ღვინო ესვათ. შევიდნენ შიგ: ხილსა ხილობდნენ და ჩრდილსა ჩრდილობდნენ.

დევეების დედა მალა იჯდა ბანზე. ჰადარივით ტარი ეჭირა ხელში და ზედ დოლაბი ჰქონდა კვირისტავად. დევის დედამ თქვა: — ვინ არიან ეგენი, რომ აქ მოსულანო? ჩემი შვილების შიშით ცაში ფრინველს ვერ გაუფრენია, ეგენი კი მანდ დასეირნობენო. — აიღო და გადმოაგდო კვირისტავი და დაუძახა დედაბრის შვილს: — წამოდი, შვილო, კვირისტავი გადმომივარდა და ამომაწოდეო. — მივიდა დედაბრის შვილი, მოავლო ხელი დოლაბს, ესროლა ამ ბებერს და კბილები შეამტვრია. ბებერმა დაუძახა: — შე დამეხილო, რატომ ფრთხილად არ ამოაგდეო. — აი, შე სულელო ბებერო, — დაუძახა დედაბრის შვილმა, — იქნებ შენა გგონია, რომ მე მომატყუებ; განა არ ვიცი რადაც გადმოაგდეო?

საღამოზე მოვიდნენ შვიდნი ძმანიც, მოიტანეს შვიდი ირემი, შვიდი ჰადარი და დაყარეს კარებზე. დევებმა დაინახეს დედაბრის შვილი და ხელმწიფის შვილი და უთხრეს ერთმანეთსა: — კარგი ვახშმის ჩიტებია, რატომ საშამფურეები არ მოვიტანეთ, რომ შეგვეწვაო? — მერე დაუძახეს: — ჩვენი შიშით ცაზე ფრინველი ვერ გადაივლის და თქვენ როგორ გაბედეთ, რომ ჩვენს ვენახში ხილსა ხილობთ და ჩრდილსა ჩრდილობთო? — დედაბრის შვილმა დაუძახა: — თქვენ ბაღში გვიშლით სიარულს და მე ვახშმადაც თქვენსას ვიქნებიო! დევებმა იფიქრეს: ღონიერი რომ არ იყოს, ეგრე გულადად ვერ ილაპარაკებდაო. დაატყავეს ირემები, ჩაკაფეს ქვაბში და დაუძახეს დედაბრის შვილს: — წამოდი, ქვაბი შემოგვიკიდეო! — გამოცდა უნდოდათ დედაბრის შვილისა. დედაბრის შვილი მივიდა, მოავლო ხელი ქვაბს და შედგა ცეცხლზე. მოიხარშა ირემები; მოიტანეს დევებმა ვახშამიც. დედაბრის შვილმა უთხრა:

— მე უღვინოდ არ შემიძლია ჭამა და არც ამ ხელმწიფის შვილსაო. — დევებმა უთხრეს: — ღვინო გვაქვს, მაგრამ ძალიან ძირს არის ჩადგმული და, სანამ გავთხრით, კიდევ გათენდებო. დედაბრის შვილმა მოითხოვა: ბარი მომიტანეთო, და ასწავლებინა, სადაც ღვინიანი ქვევრი იყო. მივიდა, გადააცალა ზევიდან მიწა, მოანგრია ქვევრის ნაპირები, ამოსწია ოთხმოცწაფიან ქვევრს, ამოიღო ილიაში და მოიტანა კერაზე. იმ ღამეს კარგად დალიეს.

მეორე დღეს გასწიეს თავიანთ გზაზე. დედაბრის შვილმა სტყორცნა ისარი; ისარმა გადაიარა რვა მთა და დაეცა რვა ძმა დევის კარებზე. გაჰყვნენ ისრის კვალს და მიაღწენ დევების სახლს. შევიდნენ ბაღში და ხილი იხილეს. ის ღამე რვა დევთან გაატარეს. მეორე დღეს დედაბრის შვილმა ისროლა ისარი, ისარმა გადაიარა ცხრა მთა და ჩაერჭო დევების სახლის კარებში. გაჰყვნენ ისრის კვალს და მივიდნენ ბოლოს ცხრა ძმათ სადგომთან. შევიდნენ ბაღში, მიიარა-მოიარეს და ვაშლთან მივიდნენ; ვაშლის ძირში ჭიანი ვაშლი ეყარა. ხელმწიფის შვილმა აიღო და დაუწყო ჭამა, დედაბრის შვილი გაუჯავრდა: — განა ვაშლი დაილია, რომ ჭიანსა სჭამო? მოავლო ერთ რკინას ხელი, ესროლა ვაშლს, ჯერ ზევით აახვეტინა ვაშლის ტოტები, მერე ძირს წამოვიდა და ჩამოამტვრია. ვაშლი ყვითლად გაიშალა ხელმწიფის შვილის ფეხებთან.

დევების დედა მალა მჯდარიყო და ართავდა. დაინახა თუ არა ბაღში დაუბატოებელი სტუმრები, დაუძახა: — თქვენ რა ხალხი ხართ, რომ ჩვენს ბაღში შემოსულხართო? ჩემი შვილების შიშით ცაზე ფრინველი ვერ გადაივლის, მიწაზე — ჭიანჭველა, და თქვენ ხილსაც ჰხილობთ, ჩრდილსაც ჩრდილობთ და ვაშლსაც ამტვრევთო? — ამაღამ ვახშამსაც თქვენთანა ვჭამო! — დაუძახა დედაბრის შვილმა. დევების დედამ იფიქრა, რომ არ შეეძლოს, აგრე ამაყად არ ილაპარაკებდაო. მოდი, კვირისტავს გადვუგდებ და, თუ მოერია და ისევ ამოაწია აქნობამდე, ღონიერი იქნებო. გადმოავლო კვირისტავად ნადები დოლაბი და დაუძახა დედაბრის შვილს: — არიქა, კვირისტავი გადმომივარდა და მომაწოდეთო! — მივიდა დედაბრის შვილი, მოავლო ხელი დოლაბს და გაანება თავი ბებრისკენ. დოლაბი მოხვდა კბილებში ბებერს და სულ ერთიანად ჩაალეწა. დევების დედას ერთი კბილი ქვესკნელში ჰქონდა ჩაშვებული და ერთიც ცაში ჰქონდა მიბჯენილი.

სალამოზე მოვიდნენ ძმანიც, მოიტანეს ცხრა ირემი და ცხრა ხმელი ხე. დაინახეს დედაბრის შვილი ბაღში და გაუხარდათ: საქმელი გავჩენიაო. ერთ ძმას შინ შესვლა მოუხდა, მაგ-

რამ შეიქვდა, ველარ შეეცია: დედაბრის შვილის ისარს ნახევარი კარები დაეჭირა. ცხრა ძმა დევმა ბევრი ებრძოლა, მაგრამ ვერ ამოიღეს დედაბრის შვილის ისარი. ბოლოს იფიქრეს, ეგ ძალიან ღონიერი უნდა იყოს, რომ ისარიც ვერ დაეძარით იმისიო. ბოლოს იმათაც ისა თქვეს: დაუძახოთ და ქვაბი შევადგმევინოთო. ჩაკათეს ირმები, ჩაყარეს ქვაბში და დედაბრის შვილს დაუძახეს: — შენ ქართველი იქნები, წამოდი, ერთი თქვენებურად მოგვიხარშე ხორციო! — ჩვენებურად მოგიხარშავთ და ჩვენებურად ვკამოთო, — მიუგო დედაბრის შვილმა. — აილო ოთხყურა ქვაბი, რომელსაც ოთხი ძმა ძლივს დგამდა ცეცხლზე, შედგა ზედადგარზე. ვახშამზე დედაბრის შვილმა ღვინო მოითხოვა, ჩემი ხელმწიფე უღვინოდ ვერა სჭამს პურსაო! დევებმა იფიქრეს: თუ ყმა ასეთი ღონიერია, ხელმწიფე რაღა იქნება, მოდი, მოვეფეროთ, რომ არ დაგვხოცონო. — ერთი წლის სათვალავი გვაქვსო, — მიუგეს დევებმა, — და ღრმად არის ჩაფლულიო, თუ ამოიღებ, დავლიოთო. მირეკა დედაბრის შვილმა დევები, ამოათხრევინა ქვევრი, დაავსეს რუმბები, მოიტანეს და დაიწყეს სმა. დედაბრის შვილი გამოხრავდა ძვალს, მიარტყამდა ერთ-ერთ დევს და დაუმატებდა: — ქართულად მოვხარშე და ქართულად გიახლებითო.

ბოლოს დედაბრის შვილმა გამოუტყხადა დევებს: — მე გავიგე, რომ თქვენ კარგი და გყავთ, თუ იმას მისცემთ ჩემ ხელმწიფეს, ხომ კარგი, არადა — გაგწყვეტთო. დევებს მეტი ღონე აღარა ჰქონდათ, უნდა მიეცათ და ხელმწიფის შვილისთვის.

მეორე დღეს ხელმწიფის შვილი და ქალი ერთად დატოვეს მართოკები, დედაბრის შვილმა კი დევები სანადიროდ წაასხა; როდესაც წავიდნენ ყველანი, ქალ-ვაჟმა ბევრი უაღერსა ერთმანეთს, ქალმა ყველა გასაღები მისცა თავის ქმარს. დაატარა ოთახები და აჩვენა თავის ძმების სარჩო. ბოლოს დაღალულს დაეძინა ვაჟის კალთაზე.

ვაჟმა თმების ქექვაში და ალერსში, ერთ ნაწნავის ძირში, იპოვა ერთი პატარა გასაღები. ვაჟმა იფიქრა: უყურე ამ მოუხნათლავს, ჩემთვის რომ ყველაფერი არ უთქვამსო. აილო, შეხსნა გასაღები და წავიდა ოთახებში. გაიარა რვა ოთახი სავსე ოქრო-ვერცხლით და თვალ-მარგალიტით და მიაღვა ერთ ოთახს. ოთახის კარი დაკეტილი იყო გარედან. ვაჟმა იფიქრა, აქ რაღაც იქნებაო, გააღო კარი და რა ნახა? შვილდკეცა ჯაჭვებით დაბმული იყო დევკაჟიანი.

დევკაჟიანი ცხრა ძმათ დევების მტერი იყო, დის მოტაცება უნ-

დოდა და ღრუბლით ეომებოდა დევებს; დევკაჟიანი იმიტომ ერქვა, რომ არც ისარი და არც ხმალი არ მიეკარებოდა, არაფრით მისი მოკვლა არ შეიძლებოდა; ბოლოს ცხრა ძმა დევმა დაიჭირა და დააბა. დევკაჟიანმა, რაკი დაინახა მზის სხივი, მიიწ-მოიწია, მოზიდა ჯაჭვებს, მიწყვიტ-მოწყვიტა, გამოვარდა გარეთ, გაიტაცა ქალი და გაუდგა გზას. ვაჟს გულს შემოეყარა; როდესაც გონს მოვიდა, ადგა და მოძებნა ქალის ოთახი, მაგრამ სადღა იყო ქალი? დაიწყო ტირილი ხელმწიფის შვილმა, მაგრამ ტირილით რაღას უშველიდა.

დედაბრის შვილმა ერთი სროლით გაატანინა ცხრა ირემი, მოჰკიდა დევებს და წამოვიდნენ შინ. დედაბრის შვილმა ნახა ნამტირალევი ხელმწიფის შვილი და მაშინვე გულში მოხდა, აქ რაღაც უბედურება მომხდარაო. ხელმწიფის შვილმა უამბო, რაც მოხდა. დაუკრიკეს კბილები დევებმა ხელმწიფის შვილს, მაგრამ დედაბრის შვილმა უთხრა დევებს: — მე წავალ იმ დევის მოსაძებნად და ხელმწიფის შვილს აქ დაგიტოვებთ; ოცი დღე რომ გავა, თუ მოვედი ხომ კარგი, ვერაღა — რაც გინდათ, ის უყავით ხელმწიფის შვილს, თქვენი ტყვეაო.

ადგა დედაბრის შვილი, აიღო თავის ორმოციტრიანი, ახსენა ღმერთი და გაუდგა გზას. იარა დედაბრის შვილმა, იარა და მივიდა ერთ სახელმწიფოში. შეხედა, ერთ მღვდელს ზურგზე ეკიდა საყდარი, ხან ერთ სოფელში დასდგამდა და ლოცულობდა, ხან სხვაში. დედაბრის შვილს გაუკვირდა და უთხრა: — შენ ძალიან ღონიერი იქნები, რომ საყდარი მოგიკიდია ზურგზეო. მღვდელმა უთხრა: — ღონიერი მე კი არა ვარ, ღონიერი დედაბრის შვილია, რომ ცხრაძმა დევს და წაართვა და თავის ხელმწიფეს დაუსვა ცოლადაო. — დედაბრის შვილმა უთხრა: — მე ვარ ის დედაბრის შვილიო. — მღვდელს ძალიან გაუხარდა და მოახსენა: — ან მიძმე და ან მიყმეო! — დედაბრის შვილმა იძმო და გასწიეს.

იარეს, იარეს და მიადგნენ ერთ დიდ მდინარეს. მდინარის პირს ზის ერთი დაღონებული კაცი, მივიდნენ მღვდელი და დედაბრის შვილი და ჰკითხეს: — რას დაღონებულხარ, ან ამ წყალთან რას ზიხარო? — კაცმა უთხრა: — წყალი მწყურია და ვერ დამილევია, ერთი ყლუპი რომ გამომივიდეს, მეორე აღარ გამომივიაო. დედაბრის შვილმა უთხრა: — კაცო, ჩვენ გასვლაც არ შეგვიძლია და შენ სასმელადაც არა გყოფნისო? — წყალისხერებიამ უთხრა: — მე რა ვარ, რაც არის, დედაბრის შვილია, ცხრა დევს რომ და წაართვა და თავის ხელმწიფეს ცოლად დაუსვაო. — დედაბრის შვილმა უთხრა: — ის მე ვარ და გაგვიყვანე წყალსაო. — წყალისხერების ძალიან გაუხარ-

და და დედაბრის შვილს სთხოვა: ან მიყმე და ან მიძმეო. დედაბრის შვილმა იძმო და წავიდნენ სამნი.

კარგა გზა გაიარეს და ნახეს ერთი კაცი, მიწაზე გაწოლილა, დაუდვია ყური მიწისთვის და იცინის. დედაბრის შვილი მივიდა მასთან და ჰკითხა: — რას იცინი, ან მიწაზე ყური რად დაგიდვიაო? — როგორ არ გავიცინო, — უთხრა იმ კაცმა, — აქ წამოვწექი, მინდოდა დამესვენა, ხმა რალაც მომესმა, აღარ მასვენებს, ერთი ალიაქოთი დგას, დავადე ყური მიწას და გავარჩიე: ჭიანჭველებს ომი აქვთ, ერთ ჭიანჭველას ბარძაყი მოსტეხეს, იმას უხვევენ და ის მაცინებსო. — ჩვენ კაცის ფეხის ხმა ვერ გავგირჩევია დედამიწაზე და შენ კი დედამიწის ძირში ჭიანჭველების ომსაც ყურს უგდებო; საკვირველი კაცი ყოფილხარო, — უთხრა დედაბრის შვილმა. — საკვირველი მე კი არა ვარ, საკვირველი დედაბრის შვილია, რომ ცხრა დევს და წაართვა და თავის ხელმწიფეს დაუსვა ცოლადაო. — მე ვარ ისაო, — უთხრა დედაბრის შვილმა. ჭიანჭველების მაყურებელმა უთხრა: — ან მიძმე და ან მიყმეო, მე შენთან მინდა ყოფნაო. — დედაბრის შვილს ძალიან გაუხარდა: სწორედ ისეთ კაცებს პოულობდა, როგორებიც იმისთვის იყო საჭირო; მაშინვე იძმო და გაუდგნენ გზას.

ნახეს, კაცი დგა, აუღია თავი და იცქირება ცისაკენ. — რას დგახარ და ცაში რას იცქირებო? — ჰკითხეს იმას. ცაში მაქქერალმა მოახსენა: — შარშან ისარი შევტყორცნე, ახლა დაბრუნდა და ველი, როდის ჩამოვარდება, ან საითკენ მიჰხრის ქარიო. როდესაც დედაბრის შვილმა და მისმა ამხანაგებმა გაიკვირვეს მისი თვალის გაჭრა, მანაც უთხრა: მე კი არა, საკვირველი დედაბრის შვილია, რომ დევებს და წაართვა და თავის ხელმწიფეს ცოლად დაუსვაო. — დედაბრის შვილი გამოემცნაურა, იძმო და წავიდნენ.

ახლა გასწიეს ხუთმა. გზაზე ერთ კაცს შეხვდნენ — მოკვლეჯად ერთ გორას, აიტანდა სხვა მთაზე და დააგორებდა. დედაბრის შვილმა ჰკითხა: — მაგას რადა შერებო? — სხვა ველარაფერი მომიგონებია ჩემ გასართობადა და გორებსა ვგლეჯო, — უთხრა გორიგლეჯიამ. ესეც იძმეს და გასწიეს.

ერთ კაცს შეხვდნენ გზაზე, ფეხებზე დოლაბები ჰქონდა წამოცმული, დასდევდა წვრილიანში კურდღლებს და იჭერდა. ესეც იძმეს და წავიდნენ.

ახლა უთხრა დედაბრის შვილმა: — ჯერ ჩვენ უნდა გავიგოთ, სად არის დევკაჟიანი, მიწაში თუ ცაშიო, და ისე მოვიძებნოთო, თორემ

ეგრე წარაუგონთ სიარული რას გვარგებსო. ცაჭვრეტის უთხრა: აბა, აიხედე, იქნება ცაში იყოსო. აიხედა ცაჭვრეტამ, ბევრი ეძება და ბოლოს სთქვა: ცაში არსად არისო. ახლა კიანჭველების მაყურებელმა ჩაიხედა ქვესკნელში, დაადო ყური დედამიწას და გაუძღვა წინ აშხანაგებს, დევკაჟიანთან მე მიგიყვანთო.

იარეს, იარეს და ერთ გორას მიაღწენ. გორაში საშინელი ხმა ისმოდა. კიანჭველების მაყურებელმა უთხრა: — აჟა აქეს ბინა დევკაჟიანსა, მაგრამ როგორ უნდა ჩავიდეთ, კარი არა აქვსო. — დედაბრის შვილმა უთხრა: — აბა, გორიგლეჯიავ, თუ რამ შეგიძლია, ახლა გამოიჩინეო. გორიგლეჯიამ მოსდო გორას ხელი, მოგლიჯა და გამოაგორა. მღვდელმა მოიკიდა და გაიტანა შორს. მიაღწენ ციხის წვერსაც. ციხის წვერიდან ალი ამოდიოდა. თურმე დევკაჟიანი, როდესაც ამოისუნთქებდა, ცეცხლს ამოჰყრიდა. ვინ უნდა ჩავიდესო, დაიწყეს ამხანაგებმა. ვერავენ ვერ გაბედა ჩასვლა. დედაბრის შვილმა უთხრა: — მე მომავით თოკები და, როდესაც ცეცხლი ჩადგება, ჩამიშვითო. მოაბეს თოკები და ჩაუშვეს. დაიძახა დედაბრის შვილმა: დავიწვიო, მაგრამ უფრო ჩაუშვეს. ბოლოს დედაბრის შვილმა ფეხები დაადგა მიწაზე და ამოიქცია სული. მერე დედაბრის შვილს ფეხლოლაბაც ჩაჰყვა. გაიარეს დევის ოთახები და ქალის ოთახს მიაღწენ.

ქალს კიდევ გაუხარდა დედაბრის შვილის მისვლა და კიდევ გაჯავრდა: — აქ რამ მოგიყვანაო, — უთხრა ქალმა, — დევკაჟიანი ხომ მოგკლავსო. — მომკლავს და მომკლასო, — უთხრა დედაბრის შვილმა, — თუ შენ ვერ წაგიყვან და ჩემი ხელმწიფის სურვილს ვერ ავასრულებო. ქალმა უთხრა: — მან ხუთი დღე ძილი იცის, მაშინ თუ რასმე უზამს კაცი, თორემ უიმისოდ მას არაფერი მოჰკლავსო; მაგრამ არც მძინარე მოკვდება, რადგანაც იმისი სული სხვა რალაცაში არისო. დედაბრის შვილმა უთხრა: — თუ გინდა ხელმწიფის შვილი, გამიგე, რაში უდგა სული დევკაჟიანსაო. ქალმა დედაბრის შვილი და ფეხლოლაბა დამალა. ქალმა დევკაჟიანს დაუწყო ალერსი: — ეგრე რომ მიყვარხარ, რატომ არ მეტყვი, შენი სული რაში არის, რომ ის სალოცავად გავიხადოო — დევკაჟიანმა იფიქრა, რაღა ახლა შეეუყვარდი ამ ქალს, აქამდე თავისთან ახლოსაც არ მიკარებულაო, იქნება მცდიდესო, აიღო და ასწავლა: — ჩემი სული ე მაგ ქოთნის ნატეხში არისო. ქალმა იმ დროისთვის, როდესაც დევკაჟიანი ნადირობიდან მოვიდოდა, აიღო ქოთნის ნატეხი, გარეცხა, გაწმინდა, შემოსა აბრეშუმის ბაღდადებში და ჩადო კიღობანში. როდესაც დევკაჟიანი დაბრუნდა, ქალმა აჩვენა ქილის ნატეხი: — აი,

როგორ ვინახავ შენ სულსაო. დევმა უთხრა: — შე საწყალო, ჩემი სული მაგაში კი არა, ცოცხშიაო. მეორე დღისათვის ცოცხიც ისე შორთო ქალმა. მერე კი თქვა დევმა, უთუოდ აღარა მცდისო, და ასწავლა: — აქა და აქ, ცხრა მთას რომ გადავა კაცი და ერთ დიდ ველში რომ ჩავა, იქ შვიდი მთიბელი სთიბსო; ის მთიბელები უთიბენ ირემსაო. ის ირემი შუადღემდე შავ მთაზე არის, შუადღისას ჩამოვა და, თუ საკმარისი არ არის გათიბული, სულ ფეხით გათელავსო. ამ ირემს ვერავენ ვერ მოჰკლავს, არც ისარი და არც ხმალი, თუ ჩემ შარდში არ არის ნაწროთბიო. თუ იმას მოჰკლავენ, იმაში შველი ზის და ახლა ის გაიქცევაო; თუ შველს დაიჭერენ, იმაში კურდღელი ზისო, კურდღელში ყუთია, ყუთში სამი ჩიტია: ერთია სული, ერთი ჯანი და ერთიც გონიო. როდესაც ისინი დაიხოცებიან, მაშინ მეც მოვკვდებიო.

ქალმა ეს ყველაფერი დედაბრის შვილს შეატყობინა. იპოვეს ნატეხარი და დადგეს იმ ადგილას, სადაც დევი მიდგებოდა ხოლმე შარდზე. დედაბრის შვილმა აწრთო ისრები და ფეხდოლაბასთან ერთად საჩქაროდ გასწია ირმის საქებნელად. გაიარეს ერთი მთა, მეორე, მესამე, მეოთხე, მეექვსე, არსად არის ირემი. გაიარეს მეშვიდე და მერვე, მეცხრე გადაიარეს და გადაიხედეს, იქით ერთი უშველებელი ველია გაქიმული, არსად ბოლო და არსად სიგრძე და სიგანე. შორს სადღაც კი ჩანს შვიდი რაღაც შავად. დედაბრის შვილს გულში მოხვდა, მთიბელები იქნებიანო, და დაეშვა მათკენ.

მივიდნენ მთიბლებთან, მთიბლებს გაუყვლეთიათ ერთი უშველებელი ადგილი და ნათიბი დაუგროვებიათ გროვა-გროვად. დედაბრის შვილმა ჰკითხა: — რისთვის სთიბავთ მაგოდენა თივასაო? მთიბლებმა უთხრეს: — აი იმ შავ მთაზე ირემია, გვიცქერის, შუადღისას ჩამოვა, თუ საკმარისი არ დახვდება მოთიბული, სულ ფეხით გაგვიტანსო. დედაბრის შვილმა უთხრა ფეხდოლაბას: — აბა, შენ მოემზადე, დავიმალთ აქვე თივის უკანაო.

მოვიდა შუადღე და მოვარდა ირემიც. ირემმა შეხედა, მერე მოავლო პირი და ერთი ბულული თივა ერთ ლუკმად გადაყლაპა. მერე ისევ თავი აიღო და დაუწყო ცქერა ერთ ადგილას. სუნი თუ დაიყარა! გაბრუნდა ირემი გასაქცევად. დაადენა დედაბრის შვილმა ისარი. ირემმა დაიჩოქა, დაეცა მიწაზე და დალია სული. დედაბრის შვილმა გაჭრა ირემი; იქიდან მართლა ამოხტა შველი და გაიქცა მინდორზე, მაგრამ ფეხდოლაბამ მალე დაიჭირა, გაჭრეს და მუცლიდან კურდღელი ამოვარდა, მაგრამ ფეხდოლაბას კურდღელი ვეღარსად

გაეხვეწა. დაიჭირა კურდღელი, გაჭრეს და ამოაცალეს ყუთი; გააღეს ყუთი და შიგ ჯერ უბუმბულო ჩიტის ბარტყები ისხდნენ.

დევი სანადიროდ იყო. გულმა გაუგო, რომ ირემს რაღაც დაემართაო, და გასწია შინისაკენ გაცეცხლებულმა ქალის დასასჯელად. მივიდა ხერელის პირზე, ასწია გორას და უნდა შესულიყო, მაგრამ ამ დროს დედაბრის შვილმა ჯანის ჩიტს მოსწყვიტა თავი. მაშინვე დადუნდა დევი და ბოძად მიედგა გორას. მერე მივიდა დედაბრის შვილი და უთხრა: — გვითხარ, რა გაქვს ამ სახლში, სხვა ხომ აღარავინ მოიტაცეო? დევმა გაიფიქრა: სიკვდილს ისევ სიცოცხლე სჯობიაო, მისცა გასაღები და უთხრა: — ამ გასაღებით რომ ოთახს გააღებ, ექვსი ქალია, და გამოიყვანეთო; ამ გასაღებით გააღებთ ერთ ოთახს და იმაში შვიდ ცხენს ნახავთო, გამოიყვანეთ და ღმერთმა მოგახმაროთო. — მოჰგლიჯა გონების ჩიტსაც თავი დედაბრის შვილმა, აერია გონება დეკკაიანს და ველარაფერი გაიგო. გააღეს ოთახები და ნახეს მზეთუნახავი ქალები. გააღეს სხვა ოთახი — იქ რაშები ება.

დედაბრის შვილმა მოკრიბა ყველა, წინ გაიძლოლია ფეხდოლაბა და ამოვიდა ციხის წვერიდან. დაურიგა ამხანაგებს ექვსი მზეთუნახავი ქალი, დაითითოვეს რაშები, წამოიყვანეს ხელმწიფის შვილის საცოლედ და წავიდნენ. წასვლის დროს სულსაც მოსწყვიტა თავი და დევი დარჩა ბოძად.

მიიწურა დედაბრის შვილის მისვლის დროც, მიიწურა იმათი გზაც. დევები ძლივს ელოდნენ დაღამებას, რომ დაეგლიჯათ ხელმწიფის შვილი ნაწილ-ნაწილ. ხელმწიფის შვილი კი იჯდა და გასცქეროდა გზას, სად და როდის გამოჩნდება დედაბრის შვილიო. ბოლოს გამოჩნდნენ. წინ დედაბრის შვილი მოდიოდა, უკან ექვსი უცხო მოჰყვებოდა და მოჰყავდათ ქალები. მოჰგვარეს ხელმწიფის შვილს მზეთუნახავი; გააჩაღეს დევებმა ქორწილი, მოჰხადეს ასკოკიანებს.

ქორწილის შემდეგ გასწიეს ხელმწიფისთან, აქაც გაღიხადეს ლხინი და იცხოვრეს ყველამ ტკბილად.

მალე ხელმწიფის შვილი ხელმწიფედ გახდა; დედაბრის შვილი თავის ვეზირად გაიხადა და სხვებიც უფროსებად, ზოგი რისა და ზოგი რისა.

ჭირი იქა, ლხინი აქა,
ქატო იქა, ფქვილი აქა.

ზღაპარი ტიტველი მგლისა

იყო და არა იყო რა, ღვთის უკეთესი რა იქნებოდა, იყო ერთი ხელმწიფე, ყავდა ერთი ვაჟიშვილი. როცა დაბერდა, დაიბარა და უთხრა: — შვილო, ყველგან ინადირე და წითელ მთაზე არ წახვიდე სანადიროდ, თორემ იქიდან ცოცხალი ვეღარ დაბრუნდებო. ყველგან ნადირობდა ხელმწიფის შვილი და წითელ მთაზე კი არ მიდიოდა, არა სტეხდა მამის ანდერძსა. ბოლოს ვეღარ მოითმინა და წავიდა. ბევრი ინადირა იქ, სახიფათო არა შეხვედრია რა, ბოლოს სამი ტიტველი მგლის ლეკვი ნახა და დახოცა.

წავიდა შინა. მამამ გაიგო, რომ წითელ მთაზე ყოფილა სანადიროდ, დაიბარა შვილი, შვილიც ეახლა. — რომელ მთაზე იყავ სანადიროდო? — ჰკითხა მამამ. — რომელსა და წითელ მთაზეო. — მერე იქ რა ნახეო? — ტიტველი მგლის სამი ლეკვი ვნახე და ისინი დავხოცეო.

ხელმწიფე ძალიან შეაწუხა ამ ამბავმა. შვილს უთხრა: — ჩადი სალაროში, აირჩიე, რაც იარაღი მოგეწონოს, ჩაიცივი, რაც ტანისამოსი მოგივიდეს თვალში, შედი თავლაში, რომელიც საუკეთესო რაში იყოს, იმაზე შეჯექი და წადიო, თორემ მოვა ტიტველი მგელი, შენც შეგჭამს და მეცო. ვაჟმა გაუგონა, ჩავიდა სალაროში, მოირთო ლამაზად, აისხა იარაღები, შეჭდა საუკეთესო რაშზე და წავიდა.

მართლაც, მოვიდა ტიტველი მგელი. — შენ შვილს რა დავუშავე, რომ შვილები დამიხოცაო? — ჰკითხა ხელმწიფეს. ხელმწიფემ უთხრა: — ჩემი შვილი აქ იყო, მაგრამ ამ კარებიდან შემოვიდა და იმ კარებიდან გავიდა, როგორც შენ არ იცი, ისე მე არ ვიცი იმისი არაფერიო. — მისცა იმ მგელს, რაც საქონელი ჰყავდა. გადაჭამა მგელმა რაც საქონელი იყო და წავიდა საძებნელად.

ხელმწიფის შვილი მამის სახლიდან რომ წავიდა, დასაველეთის ხელმწიფეს შეეხიზნა: — ასეა ჩემი საქმე და უნდა მიშველოო. ხელმწიფემ უთხრა: — იყავ, რაც მოგვივა, მოგვივიდესო.

გაუგია ტიტველ მგელს, რომ ხელმწიფის შვილი დასაველეთის ხელმწიფესთან არისო, მივიდა და უთხრა: — აქ აღმოსაველეთის ხელმწიფის შვილი მოსულა შენთან, მან ლეკვები დამიხოცა და მინდა გავიგო, რა დავუშავე, რად დამიხოცაო? — ხელმწიფემ დაუძალა ვაჟი.

— მართალია, აქ იყო, მაგრამ ერთი კარებიდან შემოსულა და

შეორედან გაპარულაო, მისი სხვა არაფერი ვიცო. აი, ჩემი ცხვარი და ძროხა, მიირთვი, როგორც შენი ნება იყოსო.

მანამ ტიტველი მგელი იმ საქონელს შექამდა, ხელმწიფემ უთხრა ვაჟსა: — აი, შვილო, შენი გულისათვის რამოდენა ზარალი მომივიდა, მაგრამ შე არაფრად ჩავაგდე, ოღონდ შენ გადარჩიო. შენ ვერავინ გიშველის ერთი მეცხვარის მეტი. იმას იმოდენა ცხვარი ჰყავს, რომ თვითონაც არ იცის იმის ანგარიშიო, მაგრამ ისეთი ავი ქოფაკები ჰყავს, რომ ადამიანს დანახვისთანავე შექამენო. წაიღე დაკლული ცხვრები, როცა დაგეწივნენ, სათითაოდ გადაუგდე ცხვრები და შენც მეცხვარესთან მიდიო.

მართლაც ვაჟი ისე მოიქცა, როგორც ხელმწიფემ დაარიგა. წაიღო გატყავებული ცხვრები და, როცა ფარას მიუახლოვდა, გამოცვივდნენ ძაღლები, ვაჟმა სათითაოდ გადაუგდო ცხვარი და გასცდა. მივიდა მეცხვარესთან:

— ტიტველი მგელი მომდევს და უნდა დამიფაროო.

— მე როგორ დაგფარავ, შვილო, ამ ცხვარს შენთვის არ დავინანებ, მაგრამ ტიტველ მგელს ჩემი უთვალავი ცხვრის შექმა არ გაუჭირდება, გადაყლაპავს და შენც იმათთან შეგკამსო. შენ თუ გიშველის, ამ და ამ კლდეზე რომ კოშკი დგას, იმ კოშკში ერთი ქალია, შვიდ წელიწადში ერთხელ ეღება იმ კოშკს კარები, სადაც პირველად მზე მიადგება. თუ შეგინახავს და დაგიფარავს ისა, თორემ შენ სხვა ვერავინ გიშველისო. შენს იღბალზე დღეს ღიაა იმისი კოშკის კარი და წადი, შეეხვეწე, იქნება დაგიფაროსო.

ვაჟმა მადლობა გადაუხადა და წავიდა. იარა, იარა და მივიდა იმ კოშკთან. კარები მართლა ღიაა, ისეთი ქალი გადმომდგარა, რომ თვალს ვერ გაუშტერებს კაცი. ვაჟი მივიდა და შესძახა: — დამძობას, ტიტველი მგელი მომდევს, უნდა შემქამოს და დამფარე შენს კოშკშიო! — დაგფარავო, — ჩამოსძახა ქალმა, — მხოლოდ შენ ქმარი და მე ცოლიო!

აიყვანა და დამალა. დაიკეტა კარებიც. დაიკეტა თუ არა კარები, მოვიდა ტიტველი მგელიც. დაწვა ამ კოშკთან, წევს და ელის, სანამ კოშკის კარი გაიღებოდეს. შვიდ წელიწადში ისე დაილია, ისე დაილია ეს მთასავით ნადირი, რომ ხბოსტოლა აღარ არის.

გავიდა შვიდი წელიწადი. მგელი კიდევ აქა წევს. კარები რომ გაიღო, მგელმა დაუძახა: — რა ხარ, რა სულიერი ხარ! შვიდი წელიწადია აქ გელი, ერთი მაინც გადმოიხედე, დაგინახო, რა სახისა ხარ, ან რა ადამიანი, რომ შეილები დამიხოცეო? ქალმა უთხრა ბიჭს: — მოდი, დავუდგათ კიბე და ამოვიდესო! — ძალიან კარ-

გიო — ჩაუდგეს კიბე. მოდის მგელი. შუა საფეხურზე რომ შეადგა ფეხი, ჰკრეს ერთბაშად კიბეს ხელი, გადმოაგდეს და მგელი სულ ერთიანად დაიმსხვრა.

ცხოვრობენ იქ ქალი და ვაჟი ბედნიერად. ამ ქალმა ყველა ოთახის გასაღები მისცა ვაჟს, მხოლოდ ერთი ოთახისა არ მისცა. იმ ოთახში ქალის კაბა ეკიდა, ვინც იმ კაბას ქალის მეტი ხელს ახლებდა, ის კაბა მაშინვე გაფრინდებოდა, ამის შემდეგ კოშკსაც კარი გაუღებოდა და აღარ დაიკეტებოდა.

ერთხელ ქალს რომ ეძინა, ვაჟმა მოჰპარა გასაღები, წავიდა და ის ოთახი გააღო. ხედავს, ერთი ისეთი კაბა ჰკიდა, სულ მზესავით ანათებს. ვაჟი მივიდა და მოავლო ხელი. შეახო თუ არა ხელი, მაშინვე აფრინდა კაბა, წავიდა და ჩავარდა ზღვაში.

ხელმწიფის მეჭინბეები რომ ცხენებს ჩამორეკენ წყლის დასალევად, კაბას ზღვა აქანებს და საქონელი ფრთხება, ველარ სვამს წყალსა მივიდნენ, ნახეს, ზღვა ერთ მზესავით კაბას აქანებს. წავიდნენ, მოახსენეს ხელმწიფეს. შეგზავნეს მცურავები და გამოატანინეს ეს კაბა.

ისეთია ხელმწიფე, აღარ იცის რა ქნას. — თუ ამ კაბის პატრონი არ ვიპოვე და ცოლად არ შევირთე, არ იქნებაო. — დაატარეს, ვისაც კარგად მოუვა, ის უნდა შეირთოს. მაგრამ ზოგს დიდი მოსდის, ზოგს პატარა. არ იქნა, ვერ იპოვეს და ვერა.

ერთხელ ხელმწიფესთან ერთი ბებერი მოვიდა და მოახსენა: — დიდებულო ხელმწიფე, იმ ქალს მე მოგიყვან, ოღონდ შენ უღელი ხარი მომეცი, ნახევარი თუნგი ბანგი და ერთი თხაო. — ხელმწიფემ მისცა ყველაფერი, რაც ბებერმა ითხოვა.

წამოასხა ბებერმა ხარები, წამოიღო ბანგი და წამოიყვანა თხა. მოვიდა იმ კოშკთან, ხან ხარებს აძოვებს, ხან ცეცხლს ანთებს და აბოლებს, ხან თხას სადგისითა ჩხვლეტს და აჩხავლებს. გადმოიხედეს ქალმა და ვაჟმა. ქალმა გადმოსძახა: — ან მაგ თხას რად აჩხავლებ, ბებერო, ან მაგ ცეცხლს რად ანთებ და აყროლებ ბოლით აქაურობასაო? — თქვენს ხმას ვენაცვალე, რომ თვალთ დაგინახეთი — ეალერება ბებერი. — ერთი ტიალ-ოხერი ვარ, მინდა ეს თხა დავკლა, ვერც ცეცხლი ამინთია და ვერც თხა დამიკლავს, იმოდენა თავი აღარა მაქვსო. თუ შიპატრონებთ და თქვენთან მოსამსახურედ წამიყვანთ, ჩემ თავს თქვენ განაცვალეთო. — ვაჟმა უთხრა ქალსა: — მოდი და ამოვიყვანოთ მოსამსახურედ, მაღლი არისო. — არაო, — უთხრა ქალმა, — ეგ კარგს არ დაგვაყრის, ნუ გინდა, წავიდეს თავის

გზაზედაო. თუკი მოსამსახურე გვინდა, განა სხვა აღარ არის, რომ ეგ არ დავიჭიროთო?

მაინც აიყვანეს და იმსახურებდნენ. ერთხელ შეაპარა ბებერმა ბანგი, დაათრო ქალი და ვაჟი. ვაჟს ყელი გამოსჭრა, ქალი ჩამოიყვანა, დააწვინა მარხილზე და წაიყვანა ხელმწიფესთან. ხელმწიფესთან რომ მოიყვანეს, ქალს ისევ ეძინა. გაუშალეს მშვენიერი ლოგინი, თავით თავისი კაბა დაუდეს და დააწვინეს.

გამოიღვიძა ქალმა, მიიხედ-მოიხედა, სახლი ეუცხოვა. დაიწყო ტირილი, აქ რა მინდაო. ასეა ეს ქალი, არ მიიკარა არავინ ერთი გოგოს მეტი. ასეთია ხელმწიფე, რაც შეუძლია, ცდილობს ასიამოვნოს რამე, მაგრამ ქალი არც ხმასა სცემს და არც იკარებს.

ის ვაჟი დარჩა იქ ყელგამოჭრილი. იმქამად ამ კლდესთან მწყემსებმა მორეკეს საქონელი. ხედავენ, რომ კიბე იქვე აყუდია და კლდის კარიც ღიაა. თქვეს:

— ამდენი ხანია აქ დავდივართ და ამის მეტად აქ კარები არ გვინახავსო; ავიდეთ, ბიჭებო, ვნახოთო. ზოგს ეშინია, ეშმაკები იქნებიან შიგაო. სხვები იძახიან: ამ შუადღისას ეშმაკებს რა უნდაო. ავიდნენ, ნახეს, ერთი მშვენიერი ვაჟკაცი გდია ყელგამოჭრილი. ნეტა ვიცოდეთ რამე, რომ ვუწამლოთო, ამბობენ პატარა მწყემსები.

ჭერში სამი წკებლა იღო: შავი, თეთრი და წითელი.

შავმა წკებლამ თქვა: „მე რომ ვინმე ჩამომიღებდეს და მაგ ყელგამოჭრილ ვაჟკაცს დაჰკრავდეს, მაშინვე თავი მოებმისო.“

თეთრმა თქვა: „მე რომ ვინმე ჩამომიღებდეს და იმ ბიჭს დამკრავდეს, მაშინვე სული ჩაედგმისო.“

წითელმა თქვა: „მე რომ ვინმე ჩამომიღებდეს და იმ ვაჟკაცს დამკრავდეს, მაშინვე ფეხზე დადგებაო.“

ეს გაიგონეს ბიჭებმა, ხელად ჩამოიღეს სამი წკებლა. დაჰკრეს შავი და მოება თავი. დაჰკრეს თეთრი — ჩაედგა სული. დაჰკრეს წითელი და — ვაჟკაცი ხელად სალი-სალამათი ფეხზე წამოდგა. — უჰ, რამდენი მძინებიაო! თქვა ამოოხვრით ვაჟმა. — ისე შენს მტერს ეძინოს, როგორც შენ გეძინაო, — უთხრეს ბიჭებმა, მოუყვინენ და უამბეს ყველაფერი დაწვრილებით. ვაჟმა უთხრა: — ამ წკებლებს კი ვერ მოგცემთ და, რაკი მაგისთანა სიკეთე მიყავით, ფულს მოგცემთ, რამდენიც გინდათ წაიღეთო. — ბიჭმა მისცა ფული მწყემსებს, თვითონაც კარი დაკეტა და წავიდა დაღონებული. მაშინვე მიხედა, ვინც დამართა ამისთანა უბედურება. იარა, იარა და მოვიდა იმ ხელმწიფესთან, რომელსაც ის ქალი ჰყავდა მოტაცებული, ჩააცვა გლეხურად, მივიდა ხელმწიფის სასახლესთან; კარის კაცებს უთხ-

რა: — ხელმწიფეს მოახსენეთ, მებაღეს ხომ არ დაიჭერსო? — დაღდა ის ვაჟი მებაღედ. ისეთია, სულ ყვავილის კონებს აკეთებს და უგზავნის ხელმწიფეს. აბა რა იცის ქალმა, თუ მისი ქმარია.

ერთხელ მოგლიჯა ვაჟმა ერთი საზამთრო, ამოკრა გვერდში ისე, რომ არ შესტყობოდა, ჩააგდო თავისი ბეჭედი და გაატანა ქალის მოსამსახურეს.

— ეს საზამთრო შენს ქალბატონს მიართვი, საკუთარი ხელით გაჭრასო. — მიუტანა მოსამსახურემ ამ ქალს ეს საზამთრო და უთხრა:

— ერთი ახალი მებაღე გვყავს, იმან გამომატანა და ასე მითხრა, ქალბატონმა საკუთრად გასჭრასო. — გაჭრა ქალმა და თავის ქმრის ბეჭედი კი გადმოვარდა იქიდან. ერთი ისეთი გაიცინა, რომ ბანი და ჭერი სულ დაინძრა. ხელმწიფეს გაეხარდა: „გუნებაზე მოსულა და ბედი ჩემი, რომ ახლა მაინც მომცემს ნებას მასზე ჯვარი დავიწერო.“ ჩამოგზავნა მოსამსახურე, — ჰკითხე, რაზედ გაეცინა, ამდენი ხანი აქ არის და ერთხელაც არ გაუცინიაო.

ქალმა შეუთვალა: — ბალი კარგი გაქვს, მაგრამ ფრინველებს უსკორებიათო.

ხელმწიფემ შემოუთვალა: — არც ახლა დაიწერ ჩემზე ჯვარსაო? — თუ ამ ბალის ზემოდან სულ რკინას გადააკრავ. ირგვლივაც სულ რკინით შელობავ, ზევით და ქვევით ისეთ კარებს შეაბამ, რომ კაცი გავიდოდეს და ისე დაიკეტოს, რომ შიგნიდან ველარ გაიღებოდეს, ხომ დაიწერ შენზე ჯვარს, თუ არა და არაო.

დატრიალდა ხელმწიფე. ხელად ბალს ისეთი რკინის გალაგანი შემოართყა, რომ ფრინველიც ვერ გამოფრინდება. ზევით და ქვევით ისეთი კარები შეაბა, კაცი რომ გავა, თავისთავად დაიკეტება და შიგნიდან ველარაფრით ველარ გააღებენ.

ქალმა ამ დროისთვის ვაჟს ყველაფერი შეატყობინა: ამა და ამ დროს მე და ხელმწიფე ჩამოვალთ სასეირნოდ, შენ და ჩემს გოგოს სამი ცხენი მზათა გყავდეთ, მე ავიცდენ მეფეს. გადავსჯაუთ და წავიდეთო. კარები დაიკეტება და სულ შიგ მოემწყვდევნიან ხელმწიფე და მისი ნაზირ-ვეზირებიო.

როცა ბალი მზად იყო, ხელმწიფემ შეუთვალა ქალსა: — მზად არის, როგორც ინებე, და რას იტყვი, ჩამოვიდეთ? — ქალმა შეუთვალა, ჩამობრძანდითო. როცა ხელმწიფე და ეს ქალი სასეირნოდ ჩაბრძანდნენ, ცოტა რომ გაიარეს, ქალმა უთხრა ხელმწიფეს: — ცოტა ხანს აქ მომიცადე, ცოტა საქმე მაქვს და მოვალო. წავიდა ქალი. ელის ხელმწიფე. იქვე კი ქმარს და გოგოს ცხენები მზადა

ჰყავდათ, ქალს თავისი კაბაც თან წაეღო, გადასხდნენ ცხენებზე, გაიქურეს კარები და გაუდგინენ კოშკისაკენ. რაკი კაბა მიიტანეს, კარებში ისევ იწყო დაკეტივა და გაღება. ხელმწიფე და მისი ნაზირვეხ-რება დღესაც იქ არიან გამომწყვდეულები. ქალი და ვაჟი კი თავის მისამსახურით ტყვილად ცხოვრობენ.

ახარეშა და ტოლჩაო,
ეს გათავდა და მორჩაო.

იადონი და ბულბული

იყო და არა იყო რა, ღვთის უცეთესი რა იქნებოდა, იყო ერთი ხელმწიფე, ჰყავდა მას სამი ვაჟი. ამ ხელმწიფემ სიბერის ეამს ააშენა ერთი უმშვენიერესი ტაძარი. როცა დაასრულეს შენობა, ხელმწიფე? ზააყენა დარაჯეზი და უბრძანა: — გაიგეთ შემომსვლელებისაგან, რა წუნს დასდებენ ამ ტაძარსაო! — ერთ დღეს ამ შენობაში შეჰაოვიდა ერთი კოჭლი დევი, მიიხედ-მოიხედა, მოეწონა და სთქვა თავისთვის: „ძალიან მშვენიერი რამ არას, საუცხოოდ აგებულაო, მაგრამ ამაში ნაკლი ის არის, რომ იადონი და ბულბული არ არიან აქა და არ ჰიკეციებენო,“ — თქვა და წავიდა.

დარაჯმა მოახსენა ხელმწიფეს. რომ თქვენს შენობას იადონი და ბულბული აკლია, თორემ სხვაფრივ ყველაფრით სრულიაო. დაღონდა ხელმწიფე, არ იცოდა სად ეშოვნა ბულბული და იადონი. მოუხმო თავის სამ შვილს და უბრძანა: — წადით, იადონი და ბულბული იპოვეთ, მიგვევარეთ და ვინც მომიყვანთ, ჩემს სახელმწიფოს იმას დავულოცავო. — ადგნენ სამთავ ძმები და წავიდნენ საძებნელად. მივიდნენ ერთ სოფელში. სოფლის თავში სამართლის ქვა ეგდო. იმ ქვაზე ეწერა: „ზევით წახვიდე, მალე მოხვიდე,“ „მარჯვნივ — გვიან მოხვიდე მშვიდობითა“ და „მარცხნივ წახვიდე და ველარ მოხვიდეო“. ით:თბირეს ძმებმა. თუ საით წასულიყო თვითეული მათგანი, სამივე ხომ ერთად ვერ ივლიდა! ორი ძმა მარჯვნივ გაემგზავრა და უმცროსი კი მარცხნივ.

იარა, ბევრი იარა და ერთ ქალაქში მივიდა. ძალიან შემკობილი იყო ეს ქალაქი. ერთ ღუქანში შევიდა, გამოჰკითხა ხელმწიფის შვილმა ქალაქის ამბავი მდელქნეს, იმანაც ყველაფერი უამბო. — ძალიან ცუდი საქმე მოგელის, რომ აქ მოხვედი, ამ ქალაქის ხალხის

ჩვეულება ასეთია: ღამე ძაღლებად იქცევიან და ჭურჭ-ქუჩა დაძრ-
წიან, თუ ვისმე აღამიანს მოაწრეს, შეაკამენო; მე ალაგი არა მაქვს.
აი, იმ მელტქნესთან მიღი, კარგი ოთახები აქვს და ის შეგინახავს. —
მადლობა უთხრა ხელმწიფის შვილმა მელტქნეს და მეორესთან მი-
ვიდა. იმან მიიღო, შიგნით ოთახში შეიყვანა და უთხრა: — არამც
და არამც კარები არ გააღო, მაგრად გქონდეს ჩაქეტილიო. რომ და-
ღამდა, ამ ქალაქის მცხოვრებნი, ღიღი თუ პატარა, ქალი თუ კაცი;
ყველანი ძაღლებად გადაიქცნენ. ასტეხეს საშინელი აურზაური,
ჩხუბი, იმისთანა ყუფა-ყმულია, კაცს შეზარავდა. იყნოა ალა-
მიანის სუნი, მიაღგნენ ამ მელტქნეს, ხან აქედან მოუვლიან, ხან იქი-
დან, კინალამ კარები შეამტკრიეს. იბრალა ღმერთმა და როგორც
იყო გადარჩა განსაცდელს ხელმწიფის შვილი.

გათენდა დილა. ყველანი ისევ ხალხად გადაიქცნენ. გაიღო კარე-
ბი, საბრალო ხელმწიფის შვილი გამოვიდა, ქამა პური მელტქნესთან
და თავისი ამბავი უამბო, თუ რად წამოსულა და არც კი იცის. სად
წავიდეს, ან როგორ იშოვოს იაღონი და ბულბული. მელტქნემ
უთხრა: — მეტად ძნელს საქმეს დასდგომიხარ. ძნელია იმათი შოვ-
ნა. ის იაღონი და ბულბული ჰყავს ერთ მზეთუნახავს. ჩარექის ქალს;
ის ქალი ხელმწიფის ქალია, დილით ასწონიან—ჩარექი მოდის. ს.ღა-
მოს ასწონიან—მინც ჩარექი. არც ემატება და არც აკლდება. მარჯა-
რილოს კოშკში ზის ის, ბულბული და იაღონი ჭიკჭიკით შეაქევენ
მას. წადი, აი ამ გზაზე, შორს მანძილს რომ გაივლი, ერთი მშვენიე-
რი წალკოტი დაგხვდება. რაგი მწიფს, რაგი ჰყვავის, რიგიც მკვახეა,
ვინ მოსთვლის მის ქებას, ის ბალი ცალთვალა დევისაა. რომ გაი-
რო, არამც და არამც ხელი არ ახლო, — დაარიგა ის და გაისტუმ-
რა.

ბევრი იარა, თუ ცოტა იარა, მივიდა იმ ბაღთან. ნაბთლაც რომ
სანაქებოა! რა გინდა სულო და გულო, რომ იქ არ ყოფილიყო! ხელ-
მწიფის შვილმა ითმინა, ბევრი ითმინა, არას მისწვდა, მაგრამ ბოლო-
ში რომ გავიდა, სწვდა ერთ მსხალს. როგორც კი გაკბიჩა, დაუძახა
ცალთვალა დევმა: — ეი, შენ, ყმაწვილო, მოითმინე პატარა ხანს,
გარედან რას სწვდები, შიგ შემობრძანდი და ხილი იხილეო. —
ხელმწიფის შვილმა იმ წამს გადაადლო მსხალი, მაგრამ გვიანდა იყო,
დევს ვერ წაუვიდოდა, დამორჩილდა, მივიდა დევთან. დევმა აათ-
ვალ-ჩაათვალა, მიიპატრეა. მამაშენიც ხამი არ არის ჩემთან
სტუმრობასაო. დევმა მიატარა, მოატარა, ძალიან მოეწონა
ხელმწიფის შვილს ბალი, მერე ამ დევმა უთხრა: — წამობრძანდი,
ჩემი სახლიც ნახეო. — წაჰყვა, გააღო დევმა ოქროს კარები და

შეიყვანა სახლში. მაგრამ დახე მის განცვიფრებას! შესვლის უმალ სამოცმა მიჯაჭვეულმა კაცმა ერთხმად დაიძახა: — შე უღმერთოვ, შენ რაღამ მოგიყვანა აქაო. — მივიდა დევი, აუშვა ერთი ტყვე და ეს ხელმწიფის შვილი იმის ადგილას ჩააბა, შენ აქ მოითმინეო. მერე ცეცხლი აანთო, გადმოიღო ოქროს შამფური, გააცხელა ცეცხლზე, ააგო ეს ცოცხალი კაცი, შესწვა ცეცხლზე, დაჯდა და თავ-ფეხიანად დაძმუნდა, მერე დაწვა და დაეძინა. ამოუშვა საშინელი ხერხევა. ხელმწიფის შვილმა იკითხა: — ამ კაცს რა ხასიათი აქვსო? — ტყვეებმა მიუგეს: — ერთ კაცს რომ შესქამს, დააწვება ძილქუში და სამ დღეს აღარ გამოიღვიძებსო. — მაშინ ხელმწიფის შვილმა უთხრა: — აბა, ეს ჭაჭვების კვანძი ავწიოთ, ეგებ სიმძიმისაგან გაწყდეს და ჩაიშალოსო. — მოგროვდნენ სულყველანი ერთად, დაებლაუჭნენ, ასწიეს და ოდნავ შეანძრიეს. მერე ხელმწიფის შვილმა უთხრა:

— შეისვენეთ და მერე მთელი ძალით ავწიოთ. — შეისვენეს და ასწიეს — მხოლოდ ქარი გაუყენეს. მესამედ კიდევ შეისვენეს: — აბა, ახლა კი ძმურად, ერთად და ძალით ავწიოთო. — ასწიეს და როგორც იყო აიტანეს მუხლზე, გაწყდა ერთი წვერი და ჩამოიშალა ჭაჭვები. გაინთავისუფლეს თავები და გაიქცნენ. ხელმწიფის შვილი ეუბნება: მოიცადეთ, ეს თვალ-მარგალიტი და სიპლიდრე წაიღეთო, მაგრამ თავი რომ ცოცხალი დააღწიეს, იმას რა სჯობდა!

ხელმწიფის შვილმა აიღო შამფური, გაახურა ცეცხლში, ასწია, ჰკრა იმ ცალ თვალში დევსა და გამოუქექეჭა. წამოვარდა დევი ზეზე, აქეთ-იქით მიაწყდა, ვერა გაიგო რა. მაშინ ხელმწიფის შვილმა გაისვა ხმალზე ხელი და დევი ლუკმა-ლუკმა აჩეხა. გამოსწია და თავის გზას დაადგა. იარა რამდენიმე ხანი და ერთ ადგილას დაინახა, რომ სამი ძმა დევი დგას და ერთმანეთს საშინლად სცემენ ლახტებითა. მივიდა ახლოს და დაუძახა: — სამ ძმას დევს გაუმარჯოსო მათ ზმა არ გამოსცეს. მეორედ კიდევ დაუძახა, მესამედ კიდევ: — სამ ძმას დევს გაუმარჯოსო! — მაშინ გაანებეს ჩხუბს თავი და უთხრეს: — რა იცი, რომ ძმები ვართო? — როგორ არ ვიცი, განა არ გეტყობათო?! მაგრამ რაზე ხოცავთ ერთმანეთსაო? — რახან გვეკითხები შუაკაცობაც შენ უნდა გაგვიწიოო, ჩვენ ვიყრებით და ვერა ვრიგდებით: ჩვენ გვაქვს ერთი ნატერის სუფრა, ერთი მფრინავი ხალიჩა და ერთი ც უჩინმაჩინის ქუდი; ესენი ვერ გაგვიყვია და შენ გაგვინაწილეო. მაშინ ხელმწიფის შვილმა მოატანინა მშვილდ-ისარი. გაისროლა სამი ისარი სხვადასხვა მხარეს და უთხრა: — წადოთ. ისრები მოიტანეთ. ვინც უწინ მოიტანს, ნატერის სუფრა იმას ერგოს;

ვინც მეორედ მოვა, ნატვრის ხალიჩა იმას და ვინც ბოლოს — უჩინ-
მაჩინის ქუდი იმასო. გაუხარდათ. წავიდნენ ისრების მოსატანად,
მაგრამ სად იპოვნინდნენ? მგონი ცხრა მთას იქით იყვნენ გადაკარ-
გულები. დევები რომ შორს წავიდნენ, ხელმწიფის შეიღმა მოსინჯა
ეს ნივთები, გაშალა მფრინავი ხალიჩა, აიღო ხელში ნატვრის სუფ-
რა, უჩინმაჩინის ქუდი და უთხრა ხალიჩას: — აბა, ხალიჩავ, შენსა
მზესა, შენი გამომცემის მზესა, ამიყვანე და იქ მიმიყვანე, სადაც ჩა-
რექის ქალი ცხოვრობსო. — აფრინდა ეს ხალიჩა და თვალის დახამ-
ხამებაზე იმ ქალაქში მიიყვანა. მადლობა უთხრა ხალიჩას, დაკეცა
და ერთ დედაბერთან შევიდა, სთხოვა, მისტუმრეო. დედაბერმაც სი-
ხარულით მიიღო. გამოჰკითხა ქალაქის ამბავი. დედაბერმა უამბო,
რომ კარგი ქალაქია, კარგი ვაჭრობააო; ისიც უამბო, რომ ჩვენ ხელ-
მწიფეს ჩარეჯის ქალი ჰყავს, დილით ასწონიან ჩარეჯია, საღამოზე
კიდევ ისევ ისევე, არც აკლდება და არც ემატებაო; იმასა ჰყავს ია-
დონი და ბულბული, რომლებიც თავის მშვენიერი ჭიკჭიკით შეაქცე-
ვენ იმ ქალსაო. მერე ამ ყმაწვილმა უამბო, თუ რისთვის მოსულა.
დედაბერმა უთხრა: — ტყუილად გარჯილხარ, ის ქალი მარმარილოს
კოშკში ზის, ცივ ნიავეს არ აკარებენ და შენ როგორ შეხვალ იქაო.
დაანახა ის კოშკიც. იმას მარტო ერთი ფანჯარა ჰქონდა. გაშალა იმ
საღამოზე ხალიჩა, დაჯდა ზედ, დაიბურა უჩინმაჩინის ქუდი და უთხ-
რა ხალიჩას: — ხალიჩავ, შენსა მზესა, შენი გამომცემის მზესა,
ამიყვანე და, სადაც ჩარექის ქალი ზის, იმ ოთახში შემიყვანეო! აფ-
რინდა ეს ხალიჩა და შიგ კოშკში კი დამალა ეს ყმაწვილი.

ჩარეჯის ქალს ეძინა, იადონი და ბულბული შესჭიკჭიკებდნენ
მძინარეს, კაცი უამესს ვერას გაიგონებდა. ქალს თავით და ფეხთით
სანთლები ენთო. აიღო, თავის სანთელი ფეხთით დაუდგა, ფეხთისა
თავით და ერთი აქეთ ლოყაზე აკოცა და მეორე იქით. ქალს გამო-
ელვოდა, წამოჯდა ზეზე, მიიხედ-მოიხედა, ვერავენ ნახა, გაუკვირდა,
ისევ დაიძინა. შუალამე რომ შეიქნა, კიდევ შეუცვალა სანთლები და
აკოცა. გამოელვოდა ქალს, დაიძახა: — რა სულიერი ხარ, რა გინდა
ჩემგანაო, თუ ეშმაკი ხარ, ჩემთან ეშმაკს რა უნდაო, თუ ადამიანი
ხარ და აქ როგორ გაბედე მოსვლაო? — მაგრამ ვერას ხედავდა.
ვაჟმა მესამედ კიდევ აკოცა, ქალმა ბევრი იჯავრა, მაგრამ ვისზე,
ვერავენს ხედავდა.

გათენდა დილა, ჩააცვეს ქალს, გაიყვანეს, ასწონეს და ჩარექს
კიდევაც დააკლდა. განრისხდა ხელმწიფე მზარეულელებზე: კაი საქმე-
ლი არ გიკმევიათო. გაუსვა ხელი და თავები წააყრევიანებინა საწყალ
მზარეულებს. ის დღე ხელმწიფის შეიღმა კოშკში გაატარა. რომ და-

ლამდა და ქალმა დაიძინა, კიდეც შეუცვალა სანთლები და აკოცა. წამოდგა ქალი და ხვეწნა დაიწყო: — თუ კაცი ხარ მე და და შენ ძმა, თუ ქალი — მე შეილი და შენ დედაო! მაგრამ ხმა არავინ გასცა. ქალს კიდეც დაეძინა, ვაჟმა კოცნა გაუშეორა. კიდეც წამოვარდა, ეხვეწებოდა: — გამოჩნდი ვინა ხარ, ხომ გაიგე მზარეულებს რა უყვეს. რაზე იხვევ მათ ცოდოს თავზეო? გამომიჩნდი და რა ვქნა, შენ ქმარი და მე ცოლიო. მაშინ მოიხადა ქუდი ყმაწვილმა და გამოჩნდა. ქალს დიდად გაუკვირდა. ჰკითხეს ერთმანეთს ამბავი. დააწყეს როგორ წასულიყვნენ. მერე გაშალა ნატვრის სუფრა, შეექცენენ ვახშამს, როცა ისინი შეექცეოდნენ, დაიწყეს საამო სტვენა იადონმა და ბულბულმა. გაათავეს ვახშამი, დასხდნენ ხალიჩაზე, იადონი და ბულბული გალიით ხელში დაიჭირეს და შეულოცეს ხალიჩას: — ხალიჩავ, შენსა მზესა, შენი გამომცემის მზესა, აგვიყვანე და იმ ქალაქში მიგვიყვანე, სადაც ჩემი ძმები არიანო! — აფრინდა ხალიჩა და იმ ქალაქში ჩამოსხა. დაიჭირეს ერთი სახლი და მოისვენეს. მეორე დღეს ყმაწვილმა დაუწყო ძებნა თავის ძმებს. აგერ, დაინახა, რომ უფროსი ძმა ხაბაზთან არის მოჯამაგირედ. მივიდა, პური იყიდა და ხაბაზს უთხრა: — შენს მოჯამაგირეს გამოატანე პური, ფულს ვაჩუქებო. როცა გაჰყვა ძმა, უმცროსმა უთხრა: — რა გაგიჭირდა ისეთი, რომ ხაბაზს დაუდექიო? იმან უამბო თავის გაჭირვება. მაშინ წაიყვანა აბანოში, გაბანა, ჩააცვა ტანისამოსი როგორც ხელმწიფის შვილს ეკადრებოდა და თავის დანიშნულთან მიიყვანა. ახლა წავიდა მეორე ძმის საძებნელად, ისიც მეხაშეს დასდგომოდა მოჯამაგირედ. იყიდა ხაში, გაიყოლა ძმა თანა, ისიც გაბანა, ჩააცვა და მიიყვანა შინ.

როცა ძმებმა დაინახეს გამარჯვებული უმცროსი ძმა, შური აღებრათ; ჩუმად მოილაპარაკეს, დააწყვეს საქმე. თუ როგორ დაედუპათ იგი. გაიტყუეს და უთხრეს: — წამოდი, ერთი საკვირველება გიჩვენოთო! წაიყვანეს. ერთ ღრმა აკლდამასთან მიიყვანეს და ჩაახედეს შიგ. თავი წინ რომ წაიღო და ჩახედა, ჰკრეს ხელი და შიგ ჩააგდეს. წამოვიდნენ, მივიდნენ ქალთან, ქალმა საქმრო იკითხა. მათ უთხრეს: მოვაო. იადონმა და ბულბულმა ფრთები ჩამოუშვეს. ქალმა იფიქრა: რაღაც უბედურებაა ჩემს თავსაო. იტირა ბევრი, მაგრამ მახლებმა გაუქარწყლეს. დასხდნენ ხალიჩაზე და მამის ქალაქში წავიდნენ. მიეგება მთელი სახელმწიფო — ხელმწიფის შვილები მშვიდობით დაბრუნდნენო, მოჰყავთ იადონი, ბულბული და მზეთუნახავი ქალიო! მოეგება მამაც. მიიღო სიხარულით, ჰკითხა ამბავი. მათაც უამბეს, როგორც უმცროსი ძმისგან გაეგონათ. გაურიეს ბევრი ტყუ-

ილიც და ძმის ამბავიც უთხრეს: ის მოუსავალი გზით წავიდა, უმკველად დაიღუპებოდაო. მერე ქალს ურჩია ხელმწიფემ ერთ-ერთი ძმა შეერთო, მაგრამ არა ქნა: მაზლს ვერ წევირთავო. ჩაჯდა ერთ ბნელ ოთახში, იადონი და ბულბულიც თანა ჰყავდა, და საქმროს დაკარგვას გლოვობდა.

უმცროსი ძმა რომ ხერელში იჯდა, იმ დღესვე ერთი მკვდარი თოკებით ჩაუშვეს შიგა. რამდენიმე ხნის შემდეგ შემოეხვივნენ მგლები ამ ხერელსა, რაკი ლეშის სუნი აიღეს. ემაწვილმა დაინახა, რომ ერთ სოროდან მგელი მოძვრება; გააქნია მკვდარი და შიგ პირში მისცა მგელსა, მგელმა გაათრია. თვითონაც უკან მიჰყვა და გარეთ გამოძვრა. გასწია და წავიდა მამის სამფლობელოსაკენ. მივიდა, მაგრამ ყველამ სიცილი დაუწყო, აბუჩად აიგდო. ამ დროს ქალს ოთახში იადონმა და ბულბულმა ჭიკჭიკი მორთეს. ქალმა იფიქრა: „იქნება ჩემი საქმრო საიღმე გამოჩნდეს, ამათ რომ ასე გაიხარესო“. მართლაც, უმცროსი ძმა მივიდა შინა, ჯერ საცოლო ნახა და მასუკან დაიბარა ძმები და მშობლებს უამბო ყველაფერი. მაშინ დარჩა მეფობა უმცროსს და დასაჯა ძმები. იადონი და ბულბული ტაძარში შეიყვანეს, იქვე დაქორწინდნენ და ბედნიერად ცხოვრება დაიწყეს.

ჭირი იქ დავაგდე,
ლხინი აქ მოვიტანე.
ნაცარი იქა, ფქვილი აქა.

ხელმწიფის სამი ვაჟი

იყო და არა იყო რა, ღვთის უკეთესი რა იქნებოდა, იყო სახელგანთქმული ხელმწიფე. ხელმწიფემ მოისურვა ტყეში ნადირობა, თან წაიყვანა თავისი სამი ვაჟიშვილი, უფროსმა ძმამ მოჰკლა ირემი, შუათანამ—კურდღელი, პატარამ კი—სპილო. წამოვიდნენ სახლში. როცა მოიტანეს ნანადირევი სახლში, ხელმწიფემ შვილებს უთხრა:

— რაკი თქვენ ნადირობის ხალისი გაქვთ, ერთ უღრან ტყეში არის დევი. რომელსაც გატაცებული ჰყავს მშვენიერი ქალიშვილი, ის დაიხსენით და მომიყვანეთ ცოლადაო. ძმები დათანხმდნენ ამ სიტყვაზე და გაუდგნენ გზას. ბევრი იარეს თუ ცოტა, პირველი ძმის მოკლული ირმის დედა შემოხვდათ გზაზე. ირემი ცხარე ცრემლითა

ტიროდა. შეეკითხა უფროსი ძმა: — რა გატირებსო? — ირემმა უთხრა: — ვინც ჩემ შვილს მომიყვანს, იმას დიდ სიკეთეს ვუზამო მაშინ უფროსმა ძმამ უთხრა: — შენ შვილს მე მოგიყვანო, ოღონდ ერთ დავალებას გეტყვი და ის შეშისრულეო. — გახარებული ირემი დათანხმდა. დაბრუნდა უფროსი ძმა უკან და მკვდარი, მოკლული ირმის შვილი მიუყვანა. გახარებული ირემი გადაეხვია თავის შვილს, აკოცა და იმ წამს გაცოცხლდა. მაშინ ბიჭმა უთხრა: — შენ შენი ხომ შეგისრულე, ახლა ჩემი დავალება შეასრულეო. — მითხარიო, — უთხრა ირემმა. ადგა ბიჭი და რაც რომ მამამისმა უთხრა, გადასცა. ირემმა უთხრა: მაგას შეგისრულებ, მაგრამ იცოდეთ მამათქვენს თქვენი ღალატი უნდაო.

ძმები შეფიქრდნენ. ირემმა უთხრა: — როდესაც მაგ ქალს მოიყვანთ, ერთი თმა ამოაცალეთ და შეინახეთო. მამათქვენი ორ დავალებას კიდევ მოგცემთ, ამ ორ დავალებას მევე შეგასრულებინებთო. როდესაც ამ სამივე დავალებას შეასრულებთ, მაშინ ვეზირი გიღალატებთო, — ეს თქვა და გაჰქრა.

წვიდნენ ძმები ქალის მოსაყვანად; ბევრი გზა გაიარეს, შეხვდათ ერთი უზარმაზარი სახლი, რომლიდანაც ბოლი ამოდიოდა. მივიდნენ ამ სახლთან. ნახეს, რომ დევს სარჩო აღარა აქვს, შეუდგამს წყალი და თავის ცოლი უნდა მოხარშოს. მაშინ ძმებმა მოისაზრეს; უფროსმა ძმამ თქვა: მე პურს დავტოვებ, როდესაც დევი სუნს გაიგებს და გარეთ გამოვა, მაშინ თქვენ შედით და ქვაბი გადააბრუნეთო. ასეც მოიქცნენ, აიღო უფროსმა ძმამ, გამოიტანა პური, დატოვა კარგა შორ მანძილზე. გაცოფებული დევი, როდესაც პურის სუნი გაიგო, გახარებული გავიდა გარეთ. მანამდე იმ პურთან მივიდოდა, ძმებმა დიდის ვაი-ვაგლახით ძლავს გადააბრუნეს ქვაბი და გამოვიდნენ გარეთ. როდესაც დევმა პური შექპა, მაშინვე შევარდა სახლში, მდულარე წყალში ფეხი ჩაჰყო, შეღრიალა და ახტა მაღლა, მერე გარეთ გამოვარდა და გაიქცა რაც ძალა და ღონე ჰქონდა.

როდესაც დევი გადაიკარგა, ძმებმა სტაცეს გოგოს ხელი და წამოიყვანეს. გზაზე ქალს უფროსმა ძმამ თავიდან ერთი ბეწვი თმა ამოაძრო და შეინახა. მიიყვანეს სახლში და ჩააბარეს მამამისს.

ხელმწიფეს ჰყავდა ერთი გულთმისანი, მოიყვანა ეს გულთმისანი და უთხრა: — ამ ქალს რამე ხომ არ აკლიაო? — გულთმისანი ბევრს აკვირდებოდა, მაგრამ ვერ გამოიცნო.

პირველ ტანჯვას ასე გადარჩნენ ძმები. ახლა მისცა მეორე დავა-

ლება ხელმწიფემ: — ამა და ამ ალაგას დევკაცა ცხოვრობს და მისი რძე მომიტანეთო.

დალონებული ძმები გაუდგნენ გზას. ამ დროს შემოხვდათ კურდღელი, რომელიც ძალიან ტიროდა თავის შვილზე. შეეკითხა შუათანა ძმა ვინაობას, თუ რაზე ტიროდა. გაიქცა და თავისი შვილი მოუყვანა. კურდღელმა რომ დაინახა თავისი შვილი, გახარებული გადაეხვია, გადაუსვა კუდი და გააცოცხლა. მაშინ კურდღელი ადგა და მისცა თავის ბეწვი: — სადაც რა გაგიჭირდეს, ამოიღე და მახსენეო.

გაუდგნენ ძმები გზას. ბევრი იარეს თუ ცოტა, მივიდნენ ერთ მდინარის პირს. დალიეს წყალი, ჭამეს პური და ისევ გაუდგნენ გზას. მივიდნენ ერთ ალაგას, ნახეს დიდი მთა, რომელიც შვიდ წელიწადში ერთხელ იღებოდა და ერთხელ იხურებოდა. სწორედ მეშვიდე წელიწადი იყო, მთა გაღებული დახვდათ. დიდის კანკალით, შევიდნენ ძმები. შევიდნენ და ნახეს, რომ დევკაცის მოწვეული რძე ორ სურაშია ჩასხმული. სტაცა უფროსმა ძმამ ერთ სურას ხელი. როცა უკან ბრუნდებოდნენ, ამ დროს მოდიოდა დევკაციც. ძმები მიიმაღნენ იქვე. დევკაცამ გაიარა, ძმები წამოუდგნენ და გამოუდგნენ გზაა. გამოიარეს გზა და თქვეს: ნეტავ ვიცოდეთ, ეს რძე მამაჩემს რად უნდაო?! აიღეს ძმებმა ეს რძე და დააწვეთეს შეშაზე. ნახეს, იმდენი ჭიანჭველა დაესია, რომ შეშა ერთიანად გადაფარა. მაშინ ძმებმა თქვეს: მამაჩემს ეს რძე სახეიროდ არ უნდაო, და გამოუდგნენ გზას. მოიტანეს და მისცეს რძე.

ხელმწიფემ თავისი გულთმისანი იხმო და უთხრა: — ამას ხომ არაფერი აკლიაო? — გულთმისანი დააკვირდა და თქვა:

— ამას ერთი წვეთი რძე აკლიაო. — გაგულისებულმა ხელმწიფემ დაუყვირა თავის შვილებს: — წადით და ის ერთი წვეთი რძე მომიტანეთო! — წავიდა შუათანა ძმა, გაიარა ცოტა ტყე და ახსენა კურდღელი. მაშინ კურდღელი მის თვალწინ დაიბადა. უთხრა ბიჭმა კურდღელს თავისი გასაჭირი. გაიქცა კურდღელი, იმ დროს, როდესაც მთა უნდა დახურულიყო. შეასწრო, სურაში კუდი ჩაყო და უკანვე გამოჰკურცხლა. მოვიდა და ბიჭს უთხრა: — მომიჭირე კუდზე ხელი და ერთი წვეთი რძე მოიწურეო. მოუჭირა ბიჭმა კუდზე ხელი და ერთი წვეთი რძე მოიწურა. მოიტანა, სურაში ჩაამატა და სურაც გაივსო. ხელმწიფეს გულთმისანმა უთხრა: — ეს ორი დავალება ხომ შენ მიეცი, ახლა ერთ დავალებას მე მივცემო. — მისცა ხელმწიფემ ნება გულთმისანს. გულთმისანი ადგა და სამივე ძმას უთხრა: — წადით და მამათქვენს სპილოს ძვლის სახლი აუგეთო. გულშემოყრი-

ლი ძმები გაუდგნენ გზას. ბევრი იარეს თუ ვოტა, შემოხვდათ სპილო, რომელიც დაღონებული დადიოდა, შეეკითხნენ ვინაობას, სპილომ უთხრა ყველაფერი. წაყიდა და უმცროსმა ძმამ სპილოს შვილი მოიყვანა და ჩააბარა პატრონს. გახარებულმა სპილომ ხორთუმი გაუსვა თავის შვილს და გააცოცხლა. როდესაც გააცოცხლა სპილომ თავისი შვილი, უთხრა: — რა დარდი გაქვთ მითხარითო. ადგა და უმცროსმა ძმამ უთხრა: — მამაჩემს ასეთი და ასეთი სახლი უნდა ავუშენოთო. სპილომ აიღო და თავის ფეხით ბიჭს მარჯვენა ხელზე ჯვარი დაუხატა, თან უთხრა: — წახვალ მამაშენთან, მოსთხოვ ხუთას ფუთ თაფლს, მოიტან და დაასხამ ამ ტრიალ მინდორზეო. სპილოები მოვლენ, მაშინ ყველას ეს ჯვარი უჩვენე და ყველა სპილო ბოძებად იქცევაო. მერე მე მოვალ და სახლსაც ავაშენებო. უმცროსი ძმა ასეც მოიქცა. მოვიდა მამამისთან, მოსთხოვა ხუთასი ფუთი თაფლი. აიღო ბიჭმა ეს თაფლი, მიიტანა და ტრიალ მინდორზე დაასხა. გავიდა რამდენიმე ხანი. გაიხედა და ნახა, რომ იმდენი სპილო მოდის — საზღვარი არა აქვს! დაიჭირა ბიჭმა მარჯვენა ხელი, გაუშვირა და ჯვარი უჩვენა, ყველა სპილო სვეტებად იქცა. დააგროვა ბიჭმა ბევრი სვეტი და როდესაც აღარაფერი მოდიოდა, დადგა და თვლა დაუწყო. ამ დროს დაინახა, რომ მოდის უზარმაზარი დევი, რომელიც პირიდან ცეცხლსა ჰყრის. ბიჭმა იფიქრა: „მოდის ამ ღვეს ამ სვეტებს გადავაზიდვინებო“. ადგა და ჯვარი ნახევრად უჩვენა. ეს დევგპირი დევიც მონა გახდა ბიჭისა.

მიაბა ბიჭმა სვეტები და აზიდვინა. მოიტანა მამამისის კარებთან და დაყარა. დაიბარა შემდეგ სპილო და სპილოც შეუდგა საქმის გაკეთებას. ააგო სპილოს ძვლის სახლი, რომელშიც ორმოცი ოთახი იყო. მოაწყო შიგ სხვადასხვა რამეები და მეორმოცე ოთახი დაიტოვა თავისთვის საიღუმლოდ. მერე უთხრა მამამისს: — მზად არის, მოდით და ნახეთო!

შევიდა მამამისი და გაუკვირდა. მოიყვანა გულთმისანი და უთხრა: — ამას ოთახები რამე ხომ არ აკლიაო? — გულთმისანმა უთხრა: — ოცდამეცხრამეტე ოთახი აკლიაო. — მაშინ ბიჭმა უპასუხა: — ოცდამეცხრამეტე თქვენთვისო და მეორმოცე კი ჩემთვისო! — ხელმწიფე დათანხმდა. დაიწყეს ძმებმა შიგ ცხოვრება. ძმებმა იფიქრეს: „ჩვენ ვიშრომით, ჩვენ ვიწვალათ და თან მამაჩენი ასეთს დავალეებებს გვაძლევდეს, აბა მასთან როგორ უნდა დავდგეთო?“ გადაწყვიტეს ძმებმა გაყრა მამისაგან. ეს გულთმისანმა იგრძნო და შეატყობინა ხელმწიფეს: თქვენი შვილები გაყრას გიპირებენო. ადგა

იმ ლამეს ხელმწიფე, მოეპარა ძმებს და გადაასხა ის რძე. დაეხვია ბიჭებს ჭიანჭველა.

ამ დროს მოაგონდა პირველ ძმას მამამისის ცოლის თმა და თქვა: „თმავ, თუ რამე ძალა გაქვს, ახლა გვიშველეო!“ მაგრამ თმამ შველა ვერ მისცა. იფიქრა მეორე ძმამ კურდღლის ბეწვი: გაჩნდა კურდღელი. მაგრამ კურდღელმაც შველა ვერ მისცა. იფიქრა მესამე ძმამ სპილო: მოვიდა სპილო, ნახა, რომ ძმები ძალიან დიდ გაჭირვებაში არიან. ადგა და დიდი ძალით დაუწყო შებერვა და მთელი ჭიანჭველები გადაფანტა. მერე სპილომ უთხრა: — ვიცი მამათქვენი ცოცხალს არ დაგტოვებთ, მოდი და იმის ოთახს სვეტი გამოაცალეთო, სახლი მაშინვე ჩაინგრევა და შიგ მოემწყვდევინაო.

მივიდა უფროსი ძმა, გამოაცალა სვეტი და ოთახი დაინგრა. ხელმწიფე, მისი ცოლი და გულთმისანი სახლის ქვეშ მოემწყვდნენ...

აქ ვიღაცა დამალულა.
ჭირი იქა, ლხინი აქა,
ქაჯო იქა, ფჭელი აქა.
აღალულა, მალალულა.

მონადირის შვილი

იყო და არა იყო რა, ღვთის უკეთესი რა იყო, იყო ერთი გამოჩენილი მონადირე. მონადირე ნადირს მუდამდღე ხოცავდა და მოჰქონდა სახლში. ერთხელ მონადირე ერთ ტრიალ მინდორზე გავიდა. უცებ ერთი თეთრი ირემი ამოუხტა, დაუდგა წინ და უთხრა: — მესროლე, თუ დამკარ, ხეტავი შენ, და თუ ვერ დამკარ — ვაი შენაო!

ესროლა მონადირემ და დააცდინა. ირემი გაჰქრა. დაბრუნდა შინ მონადირე და ცოლს უთხრა: — დღეს თეთრ ირემს თოფა ვესროლე, ვერ დავკარ, მოვკვდები, სუდარა მომიშადეო. — მართლაც, იმ ლამეს მოკვდა მონადირე. მონადირის ცოლი ორსულად დარჩა. გაუჩნდა ვაჟიშვილი, ისეთი ღონიერი და ყოჩაღი, რომ იმის დარი იმ ქვეყანაში არავინ იყო. ერთხელ ჩაპოილა თოფი შვილმა, გატენა, შევიდა დედასთან და ჰკითხა: — დედავ, მამაჩემი რამ მოკლაო? — წერავ, შვილო, — უპასუხა დედამ. — არა, უნ-

და მითხარა, — გადაეკიდა შვილი. ბოლოს დედამ უამბო ყველაფერი.

მონადირის შვილი ადგა, ჩამოათალა ერთ ხეს, ესროლა სამი და ნატყვიარი ნატყვიარში გაატარა. გადაიკიდა მერე მხარზე თოფი და გასწია იმ ირმის საძებნელად.

გაიარა ტყეები, ხეები და იმ მინდორზე გამოვიდა, სადაც მის მამას ესროლა ირმისათვის თოფი და დაეცდინა. უცებ გამოუხტა მასაც თეთრი ირემი, დაუდგა წინ და უთხრა: — მესროლე. თუ დამკარ, ნეტავ შენ, და თუ დამაცდინე — ვაი შენაო! დაუმიზნა ვაჟმა და შიგ გულში გაახედა. წაიქცა ირემი და მოკვდა. მივიდა ვაჟი, ხორცი ამოაჭრა, გადაყარა, ტყავი თავის კუდით, ფეხებით და თავით წამოიღო შინ და მოვიდა დედასთან; დადო ტყავი და დაისვენა. შევხედოთ, გაცოცხლებულა ირემი, ბეწვზე თვალმარგალიტი ასხია, დადის და დააეღარუნებს. მონადირის შვილი გაკვირვებულა. შეიყვანენ მაშინვე ირემს სახლში და დასტრიალებენ თავს. შეიბერტყება ირემი, სულ მარგალიტი და თვალი სცვივა: ერთ კვარაში ერთ სახლს ავსებს. გამდიდრდა ძალიან მონადირის შვილი; ისეთი სახლები დადგა, რომ ხელმწიფეს ეკადრება. ბოლოს შვილი ეტყვის დედას: — დედავ, რად გვინდა ამდენი სარჩო და ქონება, თუ ან ხალხში არ გამოვალთ და ან ქვეყანაში არ გამოვჩნდებითო; დავპატიოთ ხელმწიფე და ერთი ჩვენი სიმდიდრე ვაჩვენოთო. — არა, არ გვინდა ხელმწიფეო, — უთხრა დედამ შვილს, — ის ჩვენ აქ სიკეთეს არ მოგვიტანსო. — არა ქნა შვილმა: — უთუოდ უნდა დავპატიოო. — როგორც გინდოდესო, — უთხრა დედამ. მაშინვე მოამზადებინა მშვენიერი სადილი, ვაჟმა ჩაიკვა მდიდრულად და წავადა ხელმწიფესთან საპატიოოდ. ხელმწიფე როგორც იყო წამოიყვანა, აჰამა კარგი სადილი და მერე თავისი ირემი უჩვენა. ხელმწიფეს თვალები დაებრიცა ირმის ცქერით. — ეგ ირემი მე უნდა წავიყვანოო, — უთხრა ხელმწიფემ ვაჟს. ვაჟი უარზე შედგა, მაგრამ რა გაეწყობოდა? — წაართვის და წაიყვანეს.

ღარჩა ხახამშრალი მონადირის შვილი. გავიდა რამდენიმე ხანი და, აი, ერთ დღეს ეძახის ხელმწიფე ვაჟს თავისთან. ვაჟი წავა. ხელმწიფე ეტყვის: — აი, ეს ოთახები სავსეა თვალ-მარგალიტით (ოთხი ოთახი სავსე იყო და მეხუთე ნახევარზე) ისეთი სახლები უნდა ამიშენო, რომ კაცს არ ენახოსო. ვაჟი შეწუხდა, ხელმწიფეს უთხრა: — დიდებულო ხელმწიფევე, მე არც ხურო ვარ, არც კალატოზი, არც სხვა რამ ხელოსანი და საიდან აგიშენოთ სახლიო. — როგორც გინდა, ისე ააშენო, — უთხრა ხელმწიფემ. ვაჟმა იფიქრა და უთხ-

რა: — კარგი, ორასი ურემი კირი მომიტანეთ, ორასი ურემი ლამი და მე ვიციო. — მოუტანეს ყველაფერი. ვაჟმა ალების ერთი ტბა იცოდა. იმ ტბაზე სასმელად მთელი ალების ჯარი მიდიოდა. წაიღო ეს იმოდენა კირი და ლამი, ჩაყარა შიგ და ამოლესა ტბის ძირი და გვერდები, მერე მიუშვა შიგ ბანგი.

მოვიდნენ ალები, დალიეს ეს წყალი, დათვრნენ და დაეყარნენ იქვე. მიუსია კაცები მონადირის შვილმა მთვრალ ალებს და ყველასათვის კბილები კი დაახერხინა. წამოიღო ის კბილები, მოიწვია ხელოსნები და ისეთი სახლი დადგეს ალების კბილებისა, რომ იმაზე საკვირველი აღარა იქნებოდა რა. გამოვიდა ხელმწიფე. ნახა ეს სახლი და იქვე წაიქცა, ძლივძლივობით მოაგონეს გულწასული ხელმწიფე და შეაბრძანეს შინ.

ერთი ბებერი იყო ამ ხელმწიფის მოსამსახურეებში. ის ადგა და ხელმწიფის მოახსენა: — დიდებულო ხელმწიფე! დროს ნუ ჰკარგავ, ეგ ბიჭი ყოჩალი ყოფილა, მაგას შეუკეთე: რომ აღმოსავლეთის ხელმწიფის ქალი მოგიყვანოსო! — დაიბარა ხელმწიფემ მონადირის შვილი და უთხრა:

— შენ უნდა წახვიდე და აღმოსავლეთის ხელმწიფის ქალი მომიყვანო. — მონადირის შვილი ეტყვის: — დიდებულო ხელმწიფე! თუ აღმოსავლეთის ხელმწიფის ქალი გინდა მოგიყვანო, ათასნაირი ფარჩა მომეცი და ერთი ხომალდიც გამიკეთეო. — უწოვა ხელმწიფემ ათასნაირი ფარჩა, ისეთი ჭრელი, რომ კაცს თვალს მოჰკეთდა. ჩააწყო ხომალდში და გასწია ზღვით. კარგა გზა რომ გაიარა, უცებ ერთი ქუხილი და ქექა მოესმა, შეხედა და ნახა: თეთრ ქორს გამოუგღია წინ მტრედი და მოსდევს. მტრედი შევარდება ხომალდში — ნუ მიმცემო, ეხვეწება ვაჟს. მომეციო, ეტყვის თეთრ ქორი მონადირის შვილს და გამოგადგებო. მისცემს ვაჟი მტრედს და გასწევს ქორიც. გაივლის კიდევ და უცებ ერთი საშინელი შხაბუნნი და წყლის ხევა მოისმის. მოიხედავს ვაჟი და დაინახავს, რომ ერთ თეთრ თევზს გამოუგღია წინ ერთ: წითელი თევზი და მოსდევს. ამოხტება თევზი და შევარდება ხომალდში. თეთრი თევზი შეეხვეწება მონადირის შვილს: ეგ თევზი მომეცი და, თუ დაგჭირდეს ჩემი თავი, გამოგადგებო. მისცა თევზი თეთრ თევზს და გასწია თავის გზაზე.

ბევრი იარა თუ ცოტა იარა, მივიდა ქალის სახლთან. ამოალაგა რაც ფარჩა ჰქონდა და გაფინა ქალის კარებზე. გამოვიდა ქალი და შლის გაკვირვებით ფარჩას. ვაჟმა უთხრა: — ქალბატონო, ეგ რა არის, საქმე იქაა, მე რომ გემი მაქვსო. თუ გნებავთ, წამობრძანდით


და ნახეთო! ჩაიტყუა ამრიგად ვაჟმა ქალი, ჩასვა ხომალდში და გააჟანა.

გზაზე ქალმა უთხრა: — რა არის, რომ ერთი სანათურიც არ გიქნია, რომ ცა დაინახოს კაცმაო. — ვაჟმა მაშინვე ამოჰკრა ზევით ხომალდს, იქცა ქალი მტრედად და გაფრინდა. დარჩა ცარიელი მონადირის შვილი. ერთიც ვნახოთ, დაუჭერია თეთრ ქორს ეს მტრედი და მოუყვანა ვაჟს. ამრიგად, გაიარეს ქალმა და ვაჟმა კარგა გზა. ბოლოს ქალი ეტყვის: — ამ ცის ლაქვარდს ხომ არ მაჩვენებ, ეს ზღვის ტალღები მაინც მაჩვენეო. — ამოჰკრა ვაჟმა ხომალდს; ქალი დგას და უტკერის ვითომ ზღვას; უცებ იქცევა თევზად და დაიკარგება ზღვაში. დაიწყებს მონადირის შვილი თავპირში ცემას, მაგრამ რალას გააწყობს. უცებ შხლათუნი მოესმის, გაიხედავს და ნახავს, რომ თეთრ თევზს დაუჭერია ეს თევზი და მოჰყავს. მოუყვანა თევზმა და შეუგდო ხომალდში. ქალმა ჰკითხა მონადირის შვილს: — ვისთვის გინდივარო? — ხელმწიფისთვისაო, — უპასუხებს ვაჟი. — არა, მე ხელმწიფის ცოლად არ გამოგყვებიო, — ეტყვის ქალი, — შენ ქმარი და მე ცოლიო! — ეგ როგორ მოხერხდება, ხელმწიფე წამართმევს შენს თავსო. — ეგ მე ვიციო, — უპასუხა ქალმა, — შენ მართო ის წაუღე ხელმწიფეს, რაც გაგატანოო. უთხარი: საჩუქარია ქალის გამოგზავნილი, თქვენა და თქვენმა ნაზირ-ვეზირმა გახსენითო. წაიღო ვაჟმა, რაც ქალმა გაატანა, და წავიდა. მიუტანა ხელმწიფეს და უთხრა: — თქვენმა კაცებმა გახსენით, ქალმა მოგართვათო. თვითონ კი გაერიდა. ხელმწიფემა და მისმა ნაზირ-ვეზირმა დაუწყეს ხსნა ქალის საჩუქარს. უცებ გატყვრა და იქვე მიაწვინა ყველანი. ქალიც მონადირის შვილს დარჩა და სახელმწიფოც.

კირი იქ დავაგდე.

ლხინი აქ მოვიტანე.

ქატო იქ დავაგდე.

ფშვილი აქ მოვიტანე. 

გოქონის ყვავილი

იყო და არა იყო რა, ღვთის უკეთესი რა იქნებოდა, იყო შაშვი მგალობელი, ღმერთი ჩვენი მწყალობელი. იყო შვიდი ძმა. ძალიან მღაღრები იყვნენ, აუარებელი სარჩო-საბადებელი ჰქონდათ; თვალისა და მარგალიტას ანგარიში არ იცოდნენ. მუდამ ლხინსა და გა-

ხარებაში იყვნენ; ერთი არც მტერი ჰყავდათ და არც მოკეთე; ქვეყნისა არაფერი არ იცოდნენ. ბოლოს თქვეს ძმებმა: — ასე სიცოცხლეს არ შეიძლება; მოდი, წავიდეთ, ან მტერი ვინმე შევიძინოთ და ან მოკეთეო! — თქვეს და აასრულეს. აჰკიდეა შვილ ცხენს შვილი საპალნე თვალ-მარგალიტი, აისხეს თვითონაც იარაღი და წავიდნენ.

ბევრი იარეს, თუ ცოტა იარეს, მივიდნენ ერთ დიდ ტრიალ მინდორზე. გაიხედეს: სხვა არაფერი არა ჩანს, მთელი მინდორი მარტო ცხვრით არის თეთრად დაფარული და ერთი მეცხვარე უდგას. ძმები მაშინვე მივიდნენ იმასთან და უთხრეს, რომ ასეა ჩვენი საქმე. გვიან და დავიმოკეთოთ ვინმეო. მეცხვარეს გაუხარდა, მაშინვე მიიპატიჟა სახლში და მშვენიერად გაუმასპინძლდა. შვილი ჰყვანდა მოსანათლი, ძიცი მოანათლინა და დანათესავდნენ. როცა ძმებმა წასვლა დააპირეს, მეცხვარემ იმდენი ცხვარი გაატანა, რამდენსაც კი შეიძლებდნენ და წაასხამდნენ.

წამოვიდნენ გახარებული ძმები, რომ კარგი მოკეთე იშოვეს. ცხვარი როდი უხაროდათ, იპიტოჰ, რომ თავის სარჩოც ბევრი ჰქონდათ. გავიდა კარგა ხანი. აღარც არაფერი ძმებმა იცოდნენ მეცხვარისა, აღარც მეცხვარემ მათი, ერთმანეთი აღარ ენახათ. ბოლოს ძმებმა თქვეს: — მოდი, წავიდეთ, ჩვენი ნათლული და ნათლიმამა ვნახოთ. — წავიდნენ, ნახეს — აღარსად ნათლული, აღარსად ცხვარი, აღარც სადმე მეცხვარე. ძალიან გაუკვირდათ, ბევრი ეძებეს, ბევრი თავიც შეიწუხეს, ბოლოს ერთი ბებერი ნახეს და ჰკითხეს: — მავანი და მავანი მეცხვარე თუ გაგიგონია, რა იქნა, სად წავიდაო?

ბებერმა უთხრა: — ეგეთი მეცხვარე დიდი ხანია ამოწყდა, ერთი შვილი დარჩა; სამაღლოდ ხან ვინ აჰმევეს და ხან ვინაო. დღეს ერთთან გაძლება, ხვალ მეორესთან; სადაც დაუღამდება, იქ გაუთენდება, ერთი თავშესაფარი არა აქვსო. ძმებმა თხოვეს ბებერს, რომ ერთი ის ბიჭი გვიპოვე და რასაც გვთხოვ, მოგვეძებო. ბებერმა მოუყვანა ნათლული. კარგა მოზრდილი ბიჭი იყო. ძმებს ძალიან გაუხარდათ. წამოიყვანეს სახლში. ასვეს, აჰაჰეს, ჩააცვეს, დაჰხურეს; დაბანეს და გაურეცხეს. გაუშალეს ბუმბულის ლოგინი და უთხრეს, მოისვენეო. მაგრამ ბიჭმა უარი უთხრა. მე არ შემიძლია, მაგაზე ვერ დავიძინებ, ბანზე ავალ და იქ დავიძინებ, ერთ საბანს კი დავიხურავ ზევიდანაო. ძმები რალა თავს შეაწყენდნენ? როგორც გენებოსო, მოახსენეს. ავიდა ბიჭი და დაიძინა ბანზე.

თურმე იმ ღამეს ერთ ხელმწიფის ქალს და ხელმწიფის შვილს პირობა ჰქონოდათ, მოსულიყვნენ იმ ბანზე და მერე წასულიყვნენ ჯვარის დასაწერად. მოვიდა ქალი პირველი. ნახა, არსად დაპირებული მივიდა, ასწია საბანი, იქნება ეს იყოსო. ის არ აღმოჩნდა. ქალმა დიდხანს უცადა კიდევ. ბოლოს რომ არა და არ მოუვიდა ხელმწიფის შვილი, ქალმა სთქვა: „ხოპ მაინც მომატყუა და მომატყუა, შემარცხვინა და, რასაც ღმერთი მაძლევს, მოდი ნუ დავკარგავო“. ასწია საბანი და ჩაეხუტა ვაჟს. გააღვიძა და უთხრა: — ჩქარა წავიდეთ, ჯვარი დავიწეროთ, მე შენ ჰმარად მინდინხარო! — ვაჟი დათანხმდარის ვაი-ვაგლახით: — ერთი ღარიბი კაცი ვარ, რასაც არა მხედავ, ამაზე მეტი არც სახლი მაქვს, არც კარი, არც სარჩო-საბადებელი, არც საკმელ-სასმელიო. — არაფერი უშავსო, — უთხრა ქალმა, — ყველაფერი მე მაქვსო. — ქალმა წაიყვანა ვაჟი თავის სახლში. მერე წავიდნენ იქიდან და ერთ ქალაქში მივიდნენ, იქირავეს ხელმწიფისაგან სახლი და დადგნენ იმაში. ქალი ისეთი ღამაზია, რომ ხელმწიფე გაგიჟდა მისი სიღამაზით. დაიბარა ნაზირ-ვეზირი და უთხრა: — მე ისეთი ცოლი მყავს, რომ ქრისტიან კაცს პური არ ექმევა იმასთან და დახეთ ამ მთიულს როგორი ღამაზი ცოლი ჰყავსო! — რა ვუყოთ, დიდებულო ხელმწიფევე, — უპასუხეს ნაზირ-ვეზირებმა, — ძალით ხომ ვერ წავართმევთო. — ხელმწიფემ უბრძანა: — ნაზირ-ვეზირებმა ისეთი რამე იღონეთ, რომ იმას ის ცოლი წავართვათო. — ნაზირ-ვეზირებმა იფიქრეს და მოახსენეს: — ის მთიული კაცია, არაფერი არ უნახავს, სადილად მოვიპატიოთ, ის წესზე ვერ მოიქცევა, ვერ ადგებ-დაჯდება. განურისხდი და წაართვი ცოლიო. — მაშინვე გაუგზავნეს ვაჟს კაცი, რომ ზვალ ხელმწიფე გეპატიეება სადილზეო. ვაჟი ცოტა არ იყოს შეფიქრიანდა: — რა ვიცი, არაფერი მინახავს, ან როგორც უნდა ადგომა და დაჯდომა, ან სხვა საქციელიო. — ცოლმა დაარიგა: — რომ შეხვიდე, არ გაიცინო. თუ გაიცინონ, შენც გაიცინე, დაილაპარაკონ — შენც დაილაპარაკეო. — ბოლოს ექვსი ვაშლი მისცა. — სადილი რომ გათავდეს, ეს ექვსი ვაშლი თეფშზე დააწყევ და მართვი ხელმწიფესო. ხელმწიფე ისევ შენ დაგიბრუნებს, შენ დასკერი და ისევ ხელმწიფეს შესთავაზეო. საკმელი რომ მოგიტანონ, ყველა საკმელიდან აიღე თითო ლუკმა და გადადგიო. მერე ადექი, დაუკარი თავი და წამოდიო.

ვაჟი სწორედ ისე მოიქცა, როგორც ცოლმა დაარიგა. სადილი როცა გაათავეს, ადგა, დაუკრა თავი და წამოვიდა. ხელმწიფე ძალიან განურისხდა ნაზირ-ვეზირებს: — თქვე ვირებო, ვირები მართლა თქვენ ყოფილხართ და არა ის მთიულიო! რაზე შემარცხვინეთ და

მომკერით თავიო! ახლა სხვა რამე მოიფიქრეთ, თორემ ცოცხლები ვერ გადამირჩებიო. — ნაზირ-ვეზირებმა უთხრეს: — სასეირნოდ წაბრძანდით და ისიც დაიბარეთ, რომ თან გახლდეთო. ან წინ წავა, ან უკან დარჩება, არაფერი არ ეცოდინება და განურისხდითო. მაშინვე დაიბარა ვაჟი და უბრძანა, რომ სასეირნოდ მივდივარ ხვალ და შენც თან უნდა მახლდეო. — ვაჟს მეტი რა ღონე ჰქონდა. წამოვიდა სახლში ცოლთან დაღონებული. — რას დაღონებულხარო, — უთხრა ცოლმა, — აჰა, ეს ძუა, ეს ბურთი ჭიბეში ჩაიდე და, როდესაც მათ მიუახლოვდე, ძუა გამოხსენი და შენი რაში გაჩნდებაო. დანიშნულ ადგილას რომ მიხვიდე, — უთხრა ცოლმა, — უცებ მოატრიალე რაში, ბურთი ამოხტება ჭიბიდან და თამაშობას დაიწყებსო. რაშიც იმას დაუწყებს თამაშობას და ხელმწიფეც შენ დაგიწყებს შემოცქერასაო. გზაზე კი, არა და არ ჰქნა, ან წინ არ წაასწრო და ან უკან არ ჩამორჩეო. გააქციონ ცხენები — შენც გააქციე, დააყენონ — შენც დააყენეო.

წავიდა ვაჟი და წაიღო ძუა და ბურთი. როდესაც ხელმწიფე დადილებულები სასეირნოდ წამოვიდნენ, გამოხსნა ვაჟმა ძუა და ერთი მშვენიერი რაში იმასთან დაიბადა. მოახტა ვაჟი რაშსა და ამოუდგა გვერდში ხელმწიფეს. გააჩქარებს ხელმწიფე — გააჩქარებს ვაჟიც; ნელა წავა ხელმწიფე — ვაჟიც ნელა წავა. იარეს და, როდესაც დანიშნულ ადგილას მივიდნენ, უცებ რაში მოატრიალა და მოაბრუნა. ამოხტა ბურთი ჭიბიდან, და დაიწყეს რაშმა და იმან თამაშობა. მთელი დიდებულები და ხელმწიფე იდგნენ და პირდაღებულები შესცქეროდნენ რაშისა და ბურთის თამაშს. როდესაც მორჩა თამაშობას, დაუკრა ვაჟმა თავი ხელმწიფეს და სახლში გააშურა. ხელმწიფე ახლა უფრო მეტადაც გაუწყრა ნაზირ-ვეზირებს: — თქვე ვირებო, მეც ვირად გამხადეთ და გამაბრძვიეთ! იმაზე კარგი და შესაქცევი მხედარი ვის უნახავსო!? თუ ისეთი არაფერი არ მოიგონეთ, რომ იმას არ შეეძლოს გაკეთება, ვაი თქვენს ტყავსო! — ნაზირ-ვეზირებმა ბევრი იფიქრეს, ეძიეს და ბოლოს გადაწყვიტეს, ბოქმის ყვავილზე გავაგზავნოთ და იქიდან კი ვერას გზით ვეღარ მოვაო.

წავიდნენ და მოახსენეს ხელმწიფეს. ხელმწიფესაც ძალიან გაუხარდა. დაიბარა მეორე დღეს ვაჟი და უბრძანა, ბოქმის ყვავილს უნდა მომიტანოო. ვაჟმა დაუკრა თავი და გამობრუნდა. მოვიდა ცოლთან და უთხრა: — ასე არის ჩემი საქმე და რა ვქნაო? — ცოლმა უთხრა: — წადი, ხელმწიფეს ცხრა თვე, ცხრა დღე და ცხრა საათი გამოსთხოვე ვადა და ჩემთვის კიდევ სასამელ-საქმელიო. წავიდა ვაჟი ხელმწიფესთან და ყველაფერი ესენი გამოსთხოვა. მოვიდა ცოლთან.

მოუტანა ცხრა თვის საზრდო და თვითონ კი წავიდა ბოქმის ყვავილის მოსატანად. ბევრი ეძება, ბევრი იარა. რა სოფელზედაც გაივლიდა, იკითხავდა, ბოქმის ყვავილი ხომ არ იცით სად არისო? და ყველა ერთ პასუხს აძლევდა: ჩაპვლელი ბევრი გვინახავს ბოქმის ყვავილის მოსატანად და ამომვლელი ბოქმის ყვავილით აღარც ერთი.

ვაჟმა ბევრი იარა თუ ცოტა იარა, მივიდა ბოლოს ერთ ადგილას. სამი დღის ყანა დგას, სამი ძმა მკის; ერთი ბოლოს დგას, ერთი შუაზე და ერთიც თავში, მკიან და ვერ მოუშკიათ. მივიდა ქვევითა კაცთან ვაჟი და მიესალმა. ერთმანეთს გამარჯობა უთხრეს და ამბავი ჰკითხეს. ვაჟმა უთხრა, რომ ბოქმის ყვავილისთვის ვარ წამოსული და იქნება იცოდე რაჟე, მასწავლეო. ის კაცი ისეთი ბებერი იყო, რომ თეთრი დახავსებული წვერი წელზე ედო. ამ ბებერმა უთხრა:

— მე კი არ ვიცი და ასე აიარეო. ზევით რომ ყანას მკის, ის ჩემი უფროსი ძმა არის და იქნება იმან იცოდესო. — გადაუხადა ამ კაცს მადლობა ვაჟმა და წავიდა.

შუათანა ძმასთან მივიდა. ნახა, რომ კაცს თეთრი ძლივს ურევია. ყოჩაღად არის. მიესალმა, გამარჯობა უთხრეს ერთმანეთს, დაახდნენ, დაისვენეს. სამი დღე აქ მოუგვიანდა ვაჟს, სამი იმ უმცროს ძმასთან, ცხრა თვე გასულია და ექვსი დღეც, სამი დღე და ცხრა საათიღა დარჩა ვადა! ჰკითხეს ერთმანეთს ამბავი; ვაჟმა უამბო თავისი თავგადასავალი და უთხრა, რომ ახლა ბოქმის ყვავილის მოსატანად ვარ წამოსული და არ ვიცი, გავიმარჯვებ თუ ვერაო. იქნებ შენ იცოდე სად არის? როგორია? როგორ იშოვება, მასწავლეო. კაცმა უთხრა, რომ მე კი არ ვიცი და იქნება ჩემმა უფროსმა ძმამ იცოდესო. აგერ ზევით რომ აივლი, იქ არის ჩემი ძმაო.

გამოეთხოვა ამასაც ვაჟი, მადლი გადაუხადა და წავიდა უფროს ძმასთან. იმას ეძინა. კარებში მისი ცოლი დახვდა, მშვენივრად მიიღო, პატივი სცა და გამოჰკითხა ასე შორიდან წასვლა-მოსვლის მიზეზი. ვაჟმა უთხრა, რომ ბოქმის ყვავილის მამებარი ვარ და იქნება თქვენმა ქმარმა იცოდესო. ქმარსა სძინავსო, უთხრა დიასახლისმა, გავღვიძებ, ვკითხოთ, იქნება იცოდესო.

აბაღა სკივრს, ამოიღო იქიდან ცხრა წლის ნიშნობის ქოშები, წაიცივა და გაიარ-გამოიარა ქმრის ოთახის კარებზე, ეგება ქოშების ზმამ გამოაღვიძოსო. გავღვიძა ქმარს და ცოლს უსაყვედურა, რად გამაღვიძეო. ჩაიხედა საარკეში, ერთი თეთრი თმა გამოჩნდა, გამოიგ-

ლიჯა და გადააგდო. ცოლმა უთხრა: — ეს ყმაწვილი ბოჟმის ყვავილისათვის არის მოსული და ხომ არ იცი, სად არისო? — მოიცადეო, — უთხრა ქმარმა, — ჯერ ვისადილოთ, დროება გავატაროთ და მერე ვასწავლიო, მაგრამ ადვილი კი არ არის მისი მოტანაო!

გამალეს სუფრა. სადილს რომ შორჩნენ, ქმარმა უთხრა ცოლს, ჩადი და ერთი ნესვი ამოიტანეო. ცოლი ორსულად იყო და უკანასკნელ თვეში იდგა. ჩავიდა ცოლი ნესვისთვის ძირს, მეოთხე სართულში, ამოიტანა ერთი ნესვი; ქმარმა დაუწუნა, ეს არ ვარგა, სხვა ამოიტანეო. ჩავიდა მეორედ ცოლი, ამოიტანა კიდევ, ქმარმა ისიც დაუწუნა. მესამედ ჩავიდა ცოლი, ატყობდა ვაჟი, რომ ცოლს ძალიან უჭირდა, სულ ოფლი დაასხა. ქმარი მაინც არ მოეშვა, სანამ ცხრაჯერ არ ჩაგზავნა, არ ამოატანინა და ჩაატანინა.

ვაჟი ეხვეწებოდა მის ქმარს, ნუ აწუხებ ცოლს — ცოდო არისო, მაგრამ მან არ გაუგონა. ბოლოს უთხრა: ხომ ნახე, ჩემი უმცროსი და შუათანა ძმები, როგორნი არიან და მე როგორი ვარო. მე ერთხელ ჩემდა უნებურად გამაღვიძა ცოლმა და მაშინვე თეთრი თმა გამოჩრეოდაო. ისინი უფროსები ეგონება კაცს და მე უმცროსიო, იმეტომ, რომ ასეთი სიამოვნების ცოლი მყავსო. ცხრა წელიწადია და ჩემ ცოლს ჩემთვის ერთი ჩემი უნებური სიტყვაც არ წამოსცდენიაო.

ამ ჩემს ცოლზე დანიშნული ვიყავი, ჩემი ძმები შემეცალნენ, დიდხანს არ ვანებებდით ერთმანეთს, ბოლოს ღმერთმა ჩამოიარა და გაგვაპაშართლა: „ვინც პირველი დაინიშნეთ, ცოლი მისი არისო“. მას შემდეგ ჩემს უმცროს ძმას ძალღის ყეფის მეტი არაფერი ესმის თავის სიცოცხლეში, შუათანას — ვირის ყროყინის მეტი და მე — მამლის ყვილის მეტი, ღმერთმა ასე ინებაო.

მერე უთხრა, ბოჟმის ყვავილი სადაც იყო. ერთი კლდე უჩვენა, თავი თეთრი ჰქონდა, შუაგული წითელი და ძირი შავი. ისეთი მაღალი კლდე იყო, რომ ქადრის წვერი ვერ აუწვდებოდა. — იმ კლდეზე ქაჯთ ქალი დაჯდება და გადმოჰფენს თქვებს, თმაზე სულ ბოჟმის ყვავილი ასხია; მისი თმა კლდის ძირზე დაეფინება, ვინც მივა და კლდის ძირზე დაიმალება, აი, იქ იშოვის იმ ყვავილსაო. ბევრი ახალგაზრდა ვაჟი დალუპა და დაანელა იმან. შენ რომ მიხვიდე, ის თმა ხელზე დაიხვიე და თვითონ იცის, მოგკლავს თუ დაგარჩენსო.

წავიდა ვაჟი და დაჯდა კლდის ძირას. გამოვიდა ქაჯთ ქალი და გადმოჰფინა თავის ოქროს თმა კლდეზე, ათასნაირი ყვავილით აჭრელებული. მივიდა ვაჟი, დაიხვია, დაიხვია მიაი თმა მკლავზე და უნ-

დოლა დაქერა. ქალმა სიმძიმე იგრძნო, გაიგო, ვინც იყო მიზეზი, აიწია, აკრიფა თმები და ვაჟი თავის ოთახში გადასტყორცნა. თვითონაც თან მიჰყვა. ვაჟი უვნებლად ფეხზე იდგა. ქალმა ჰკითხა: — რა გინდოდა, რისთვის მოხველ, რამ გაგაბედინა აქ მოსვლაო? — ბოჟმის ყვავილი მინდაო, — უპასუხა ვაჟმა. — ვიცი, რადაც გინდაო, — უთხრა ქალმა, — ნულარ დავიგვიანებთ, ცხრა საათილა არის დარჩენილი, წავიდეთ, მეც წამოვალო.

შესხდნენ ნიავექრის ცხენებზე და გაეშურნენ. ღამე იყო, რომ მის ცოლთან მივიდნენ. ჩამოხტნენ კარებზე, ვაჟმა კარები დაუკაკუნა ცოლსა. ქალი გულგახეთქილი წამოვარდა, იმას ეგონა ხელმწიფიანი შოვიდნენ ჩემს წააყვანადაო. — თქვე უღმერთოებო, გათენებას მაინც მოუცდიდით, რა გაუძლებარი გქირთო! კარებს უკან გასანთლული თოკი ჰქონდა ჩამობმული, თუ ვადა გადავიდოდა და ქმარი არ დაბრუნდებოდა, გაჰყოფდა შიგ თავს და დაიხრჩობდა. ქაჯთ ქალმა უთხრა ვაჟს: — არაფერი გაქვს განა შენი ცოლისა, რომ აჩვენო არ შესწუხდესო? ვაჟს ხელზე ბეჭედი ჰქონდა, გამოიძრო და კარებიდან შეუგდო ქალსა. ცოლს საშინლად გაუხარდა, გაუღო კარი და გადაეხვია თავის ქმარს.

მეორე ღღეს ქაჯთ ქალმა გაუგზავნა ხელმწიფეს ბოჟმის ყვავილი და შეუთვალა: — დიდებულო ხელმწიფევე, ეს როგორი ხელმწიფე ყოფილხარ, ზღვაზე გამოვიარე და ხიდი არ იდოო. სამი ქალი მიშოვე და გამომიგზავნე, მე ხიდს ავუშენებ, ასწიონ და გაღონ ზღვაზედაო.

როგორც იყო ის სამი ქალი უშოვა ხელმწიფემ და გამოუგზავნა. იქცია თავის ნაწნავეები ხეებად და უბრძანა იმ ქალებს, ზღვაზე ხილად გაედოთ. ასწიეს ქალებმა და გააკეთეს ხიდი. თვითონ ქაჯთა ქალიც იქვე ჩაეკრა. ხიდია ისეთი, რომ კაცი უკეთესს ვერ ინატრებს. შეუთვალა ქალმა ხელმწიფეს, რომ შენი ცოლის გარდა წამოიყვანე შენი დიდებულები და ნახე ხიდიო.

ხელმწიფე წავიდა თავის დიდებულებით, ნაზირ-ვეზირებით ხიდის სანახავად; შედგნენ და გაისეირნ-გამოისეირნეს. მართლა, ძალიან მოეწონათ. მესამედ რომ გაიარეს და შუა ადგილას მივიდნენ, ასწია ხიდს ქაჯთა ქალმა, აქცია ხეები თმებად, შეიკეცა და ხელმწიფეს თავის ნაზირ-ვეზირ-დიდებულებით წყალში კი გაღუძახა. მათი ღღემით თევზები დააძლო.

ვაჟი ხელმწიფედ დასვა, ცოლიც მას დაუნარჩუნა, ხელმწიფის ცოლი კიდე ხელზე მოსამსახურედ დაუყენა. გამოემშვიდობა და წავიდა თვითონ თავის ადგილას.

ჳირი იქა, ლხინი აქა,
 ნაცარი იქა, ფქვილი აქა,
 ელასა, ბიჭო, მელასა,
 კოკა მეკიდა ყელასა;
 მთქმელსა და გამგონებელსა
 ძილი გვაამოს ყველასა!
 უნაგირი მცხეთას დამრჩა,
 მოსართავი არაგვზედა,
 ღმერთმა ყველა გაღღერძელოსთ.
 ვინცა სხედხართ ალაგზედა!
 ჩიტი გაფრინდა ცხრაფრთანი,
 ასი ტყუილი, ერთი მართალი

მ ძ რ მ კ ა ც ა

იყო და არა იყო რა, ღვთის უკეთესი რა იქნებოდა, იყო ერთი ხელმწიფე, ჰყავდა ერთი ვაჟიშვილი. ერთხელ ხელმწიფე სანადიროდ წავიდა ტყეში. ტყეში შენიშნა პატარა ქოხი. მიგზავნა მასთან ორი ვეზირი. ვეზირებმა შეიხედეს და დაინახეს ოქროს კაცს ეძინა. მივიდნენ ხელმწიფესთან და უთხრეს ოქროკაცას სძინავსო. მაშინ ხელმწიფემ მისი დაჰკერა მოინდომა.

ამ ოქროკაცას ჰქონდა ჩვეულებად ერთი კვირა ძილი და ერთი კვირა სიფხიზლე. სწორედ იმ დროს ძილის დრო იყო. მიგზავნა ხელმწიფემ ვეზირები და დაიჰკირეს; მოიყვანეს და ჩასვეს ციხეში. გამოაქვეყნა ხელმწიფემ ყველა სახელმწიფოში: ოქროკაცა დავიჭირე და მოდიოთ, ნახეთო!

ხელმწიფის ვაჟს თამაშის დროს ფანჯრიდან ბურთი ჩაუვარდა ოქროკაცასთან. ბურთის ჩავარდნამ ოქროკაცა გააღვიძა, შეხედა, თავისთავი დატუსაღებული ნახა. კედელს შემოჰკრა მუშტი, მეორე კედელს კადევ, მაგრამ დანგრევა ვერ შესძლო. პატარა ბიჭი ავიდა ფანჯარაზე, ოქროკაცას ბურთსა სთხოვს, მაშინ ოქროკაცამ უთხრა: -- წადი, კარები გააღე და ბურთს მოგცემო! — შევიდა ბიჭი დედაპისთან და ციხის გასაღები სთხოვა. ამ დროს ყველა სახელმწიფოდან ჩამოსული იყვნენ ხელმწიფეები ოქროკაცას სანახავად. ბიჭმა გააღო კარი, გამოუშვა ოქროკაცა. ოქროკაცამ ბიჭს შეხედა, მისცა ბურთი ხელში და გაიქცა.

ხელმწიფემ ჩამოსული სტუმრები მიიყვანა ციხის კარებთან ოქ-

როკაცას სანახავად. შეხედა, კარი ღიაა! მაშინ გაჯავრებული ხელმწიფე შევიდა ცოლთან და უთხრა:

— კარი ვინ გააღო? — ჰკითხა მეფემ.— ჩვენს ბიჭს ბურთი ჩავარდნოდა და გასაღები მომთხოვაო, კარის გაღების დროს ოქროკაცა გაქცეულაო.— მიუგო ქალმა. მაშინ ხელმწიფემ დაიბარა ვეზირი და უბრძანა: წაიყვანეთ და ჩემი შვილი გადაკარგეთო! აიღო ბიჭმა რაც რომ საჭირო ჰქონდა. გაუდგნენ გზას ვეზირი და ხელმწიფის შვილი.

ბევრი იარეს თუ ცოტა იარეს, შეხვდათ ერთი ქა. ხელმწიფის შვილმა წყლის დაღევა მოინდომა და ვეზირს უთხრა: — ჩაგკიდებ და წყალი ამომიღეო. — ვეზირმა მიუგო: — როგორ გეკადრება შენ, რომ მე ჩექმით წყალი დაგაღვიწყო! მაშინ ადგა ბიჭი და თვითონ ჩავიდა. დაღია წყალი და, როდესაც ზევით უნდა ამოსულიყო, ვეზირმა უთხრა: — თუ შენ ტანსაცმელს მე მომცემ, მაშინ ამოგიყვანო, თუ არა და დაგახრჩობო! ბიჭმა მიუგო: — ამწიფე და ჩემი ტანსაცმელი შენი იყოსო. ამოაწია ვეზირმა ხელმწიფის შვილი. გაიძრო ტანსაცმელი და მისცა ვეზირს, ვეზირის ტანსაცმელი კი თვითონ ჩაიკვა. ვეზირმა უთხრა: — ახლა მე ვიქნები ხელმწიფის შვილი და შენ იქნები ვეზირი, ვინც დაგეკითხოს, ასე უთხარიო. კვლავ გაუდგნენ ორივენი გზას. დიდი სიარულას შემდეგ ჩავიდნენ ერთ სახელმწიფოში, მივიდნენ ხელმწიფესთან, დაიწყეს იქ სახსახური. ვეზირი დააყენეს ხელმწიფის მოადგილედ, ხელმწიფის შვილი კი მენახირედ.

გამოვიდა ხელმწიფე და უთხრა მენახირეს: ჩვენი სასაძოვრე ალაგი იქნება — სამხრეთი, ჩრდილოეთი, დასავლეთი, არ შეცდვ და აღმოსავლეთით არ გადარეკოო. ერთ დღეს ბიჭმა გადარეკა სამხრეთით, შემდეგ ჩრდილოეთით და დასავლეთით. დიდი ხნის შემდეგ ბიჭმა მოინდომა აღმოსავლეთით გაერეკა. ბოლოს ადგა და გადარეკა საქონელი. დახვდა მშვენიერი ბალახი, საქონელი ხარბად ძოვდა, ბიჭმა დაიძინა.

ამ დროს გაიგო ოქროკაცამ, რომ მის ადგილში საქონელი შემოურეკათ, წამოვიდა და საქონელს ხოცვა დაუწყო. გაწყვიტა ბევრი, ბოლოს მივიდა ბიჭთან, ის იყო უნდა ეტაცა ხელი, დააკვარდა და ცნო ხელმწიფის შვილი, რომელმაც იგი გაანთავისუფლა. გააღვიძა ფრთხილად და უთხრა: შენ აქ ვინ მოგიყვანაო? ბიჭმა უამბო თავისი თავგადასავალი. წაიყვანა ოქროკაცამ თავის დებთან. აქაშეს პური და გააძღეს. ოქროკაცამ უთხრა თავის დებს: — გამოიტანეთ და საღონიერო წამალი დააღვიწითო. — წამლის დაღვიწითანავე ბიჭი მძღავრად შეიქნა. ადგა და გამოერეკა საქონელი. ხელმწიფემ

შეხედა, რომ მისმა ნახირმა დაიგვიანა და ვეზირები გაგზავნა მის სა-
ნახავად. დაინახეს, რომ ბიჭმა აღმოსავლეთის მხრიდან გადმორეკა
საქონელი. მოვიდნენ და უთხრეს ხელმწიფეს: — ჩვენმა მენახირებ
აღმოსავლეთიდან გადმორეკა საქონელიო.

ჩამორეკა ბიჭმა საქონელი ბოსელში და დააბა.

ხელმწიფეს ჰყავდა სამი ქალიშვილი გასათხოვარი; მან გამოაცხა-
და ყველა სახელმწიფოში: ჩემს ქალიშვილებს ვათხოვებ, ვისაც რა
შნო გაქვთ გამოიჩინეთო. ყველა სახელმწიფოს ვაქცალები ჩამოვიდ-
ნენ ხელმწიფის კარზე. გამოიყვანა ხელმწიფემ თავისი სამი ქალიშვი-
ლი აივანზე. დააყენა სამივე ერთად და უთხრა: — ვისაც რომელი
ვაჟი მოგწონთ, მითხარითო.

გამოიარა ერთმა ვაქცაბმა, ამოიღო ცხვირსახოცი ოქრო-მკედლით
მოქარგული, დიდმა ქალიშვილმა ინდომა იმ ვაჟის ამოყვანა. გამოი-
არა კიდევ მეორემ და ჩაახველა. შუათანა ქალიშვილმა ინდომა მისი
ამოყვანა. მას მოჰყუა მესამე ვაჟი, რომელიც პატარასთვის უნდოდათ,
მაგრამ პატარამ არ ინდომა. მაშინ გაჯავრებულმა ხელმწიფემ თავის
ქალიშვილს სახალხოდ კარგად სცემა, რომ იმდენ ხალხში არც ერ-
თი ვაჟიშვილი არ ამოარჩია.

ამ დროს მენახირე იყო ოქროკაცასთან და ეუბნებოდა: — ხელ-
მწიფემ თავის სამი ქალიშვილი უნდა გაათხოვოსო. — ოქროკაცამ
დააღივიანა საგმირო წამალი, შესვა რაშზე და უთხრა:

— გაფრინდიო!

გაგიჟებული რაში გაქრა ჰაერში. ბიჭმა მოუწია რაშს კისერი და
გამოსწია ხელმწიფისკენ. დაქროლავს ბიჭი ხელმწიფის კარებთან.
ხელმწიფემ დაინახა ჰაერში მოფრინავე კაცი, გამოიყვანა პატარა ქა-
ლიშვილი და უთხრა: — ეგ მაინც მოიწონეო და ძირს ჩამოვსვამო.

გოგომ შეხედვითანავე იცნო მათი მენახირე და ისიც არ მოინ-
დომა. გაჯავრებულმა ხელმწიფემ და მისმა საძებებმა მოინდომეს გო-
გოსთვის სასჯელი. მოიყვანეს გოგო კიბებთან, სუყველამ ერთად
ჰკრეს ხელი და დააგორეს. მის შემდეგ ხელმწიფემ გააგლო თავისი
ქალიშვილი ბოსელში.

ბიჭმა ჩამორეკა თავისი ნახირი; ბოსელში რომ შემორეკა, დაი-
ნახა — ხელმწიფის ქალიშვილი ბაგანი წევს. ბიჭი გაოცდა და შე-
ეკითხა: რატომ ხარ აქაო?

გოგო მოუყვა თავის ამბავს. შემდეგ ჰკითხა. — რაშით რომ გად-
მოფრინდი, შენ იყავი თუ არაო? — ბიჭმა უარი განაცხადა. უარის
თქმისთანავე გოგომ უთხრა:

— მითხარი, თუ არა ხელმწიფესთან დაგაბეზლებო!

ოქროკაცს ნათქვამი ჰქონდა ბიჭისათვის — არამც და არამც არ ილაპარაკო, თორემ ოცი წლით გავქრებით ორივენიო. შეშინებული ბიჭი ამიტომ არაფერს ეუბნებოდა. გოგომ ბევრი უჩიჩინა, მაგრამ ენა ვერ ამოაღებინა.

ერთ დღეს ხელმწიფემ გამოაქვეყნა, რომ ამა და ამ დღეს ჰიდაობა იქნება ჩემს კარზე და ვთხოვ ყველა გმირი ჩამოვიდესო. სწორედ იმ დროს, როდესაც ჰიდაობა იწყებოდა, ბიჭმა გაიგო, გაიქცა ოქროკაცისთან და უთხრა: — ჩემი ხელმწიფის მოჭიდავე ჰიდაობს და მინდა იმას დავეჭიდო — ოქროკაცამ დააღევიანა სამივე დის საგმირო წამალი და ბიჭი შეიქნა მძლავრი. ოქროკაცამ უთხრა: — რასაც დაგაბარებ, ისე მოიქეცი; როდესაც გახვალ მოედანზე საჭიდაოდ, ხელის წავლებასთანავე მაგრაღ მოეჭიდე ისე, რომ თითები დაეკროსო.

წამოვიდა ბიჭი, მივიდა ხელმწიფისთან და სთხოვა: — ბატონო ხელმწიფე, შენს მოჭიდავეს დამაჭიდო! — ხელმწიფემ უთხრა: — ხელი რომ მოგაჭიროს, მუკაში ჩაიმალებიო! — დიდი ხვეწნის შემდეგ გაუშვა ხელმწიფემ საჭიდაოდ. მოაწერეს სახალხოდ ხელი ორივემ და გავიდნენ მოედანზე. ხელის ჩამორთმევისთანავე ხელმწიფის მოჭიდავემ მოუჭირა ხელზე, მაგრამ ვერაფერი ვერ დააკლო. მაშინ მენახირემ მოუჭირა ხელზე და შეუწება თითები, სტაცა ფეხში ხელი, დაატრიალა ჰაერში ორჯერ-სამჯერ და გადაუძახა ოქროკაცსაკენ. ოქროკაცამ სტაცა ხელი და გადმოსროლა ხალხში. ხელმწიფემ ნახა, რომ მისი მენახირე გმირი იყო, დაუძახა თავის ქალიშვილს და უთხრა: — ეს მაინც შეირთეო, მაგრამ გოგომ უარი უთხრა. მენახირემ გაირეკა თავისი საქონელი ოქროკაცსაკენ. საღამოს პირას ჩამორეკა ნახირი და დაწვა. ამ დროს მოვიდა გოგო და უთხრა: — უნდა წამიყვანო თუ არაო?

ბიჭმა უარი უთხრა, მაგრამ გოგომ მაინც ენა ამოადგმევინა. მაშინ ხელმწიფემ გაიგო, რომ თავისი მენახირე ოქროკაცს მხრით იყო ღონიერი. დაიბარა მენახირე, მაგრამ რადგან ბიჭმა ყველაფერი ალაპარაკა, ოქროკაცა მაშინვე გაქრა. ბიჭმა გოგოს უთხრა: — ჩვენ ახლა გავქრებითო. შენ მკედელს გააკეთებინე დიდი ლომი, რკინის ქალამნები და წამოდი ჩვენს საქმეზნელადაო. ბიჭმა ბეჭედი დაუტოვა გოგოს. და ისიც იმ წამსვე გაქრა.

მივიდა გოგო მამამისთან, სთხოვა რაც მისმა ქმარმა დააბარა. გოგოს მისცა ხელმწიფემ რაც სჭირდებოდა. გამოუყვანეს ერთი ქეცია — ნი ცხენი და შეავეს ზედ. ავიდა გოგო ოქროკაცს ღებთან, მათ აჩვენეს ალაგი საითყენაც უნდა წასულიყო. უთხრა დიდმა დამ: როდესაც ათას ვერსს გაივლი, შეგხვდება დედაჩემი, რომელიც უწე-

ლებელ გობში ცოშს ზელსო, ძუძუებოც შიგა აქეს ჩატანილიო. მიდი და მოასწარ მარჯვენა ძუძუზე ხელის წავლება და უთხარი, თქვენი რძალი ვარ-თქო, და ის გიჩვენებს გზასაო.

გამოიყვანა უმცროსმა დამ თავისი რაში და მისცა გოგოს, შეგ-და და გაუდგა გზას. ბევრი იარა თუ ცოტა იარა, მივიდა დანიშნულ ალაგას. დაინახა, რომ ქალი უზარმაზარ გობში ცოშს ზელს, მოეპარა და სტაცა მარჯვენა ძუძუში ხელი. მოუბრუნდა ქალი და უთხრა: — შენ ვინა ხარო? — გოგომ უთხრა: — თქვენი რძალი ვარო. — უამბო თავისი თავგადასავალი და მაშინ ქალმა უთხრა: გაივლი ორიათას ვერსს, შეგხვდება დედაჩემი, რომელიც საზღვარზე დგას, მიდა და გზას ის გასწავლისო. წავიდა გოგო და რამდენიმე ხნის შემდეგ გაჩნდა იქ. მივიდა ქალთან და უთხრა ყველაფერი. ამ ქალმა ასწავლა გზა და გადაიყვანა საზღვარზე. გავიდა გოგო და დაჯდა წყაროს პირას. როდესაც წყალი უნდა დაეღია, ამ დროს დაინახა სამი ქალი, რომლებსაც დიდი დოქები ეჭირათ ხელში. გოგომ წყლის დაღევას თავი დაანება. მოვიდნენ გოგოები, გააესეს დოქები და, როდესაც მოდიოდნენ, გოგომ სთხოვა: — მომეცით, წყალი დავლიოო. მასცეს დოქი ხელში. როცა წყალი დალია, გამოიძრო ჩუმად ბეჭედი და ჩააგდო შიგ. გოგონებმა მიიტანეს წყალი, სადაც ბევრი ხალხი იჯდა. დალია ყველამ. რომელშიც ცოტა წყალი დარჩა, ის დოქი პოითხოვა ბიჭმა. წყალს რომ სვაჰდა, პარში ბეჭედი ჩაუვარდა. გამოიღო, დააკერდა და ნახა, თავისი ცოლის ბეჭედი იყო. ბიჭმა უთხრა ოქროკაცას: — ჩემი ცოლი მოსულა და მოიყვანონ აქაო. მაშინვე მოიყვანეს ქალი. ილაპარაკეს ბევრი, ოქროკაცამ უთხრა: — ეს ქალი ჩვენი რძალიაო, წაიყვანეთ და საზღვრები დაათვალიერებინეთო. — იმ სამმა ქალმა უთხრა:

— წაიყვანე და შენ თვითონ დაათვალიერებინეო. — აღგნენ და გაუდგნენ გზას. როდესაც გადმოსვლას უკლდა ათი ათასი ვერსი, იმ სამი ქალიშვილის ცხენებმა ბრაგუნი დაიწყეს. შეცვივდნენ გოგოები და უთხრეს: რა ამბავი გაქეთო. ცხენებმა უთხრეს: ჩვენი სტუმრები გაიქნენ და დავიჭიროთო. გამოუდგნენ გზას, მოეწივნენ; მაშინ ოქროკაცამ ძირს დაუშვა რაშები, თავისი ცხენები აქცია თავგებად, თვითონ კატად, ქალი კურდღლად, ბიჭიც ვირთხად.

მოვადნენ მღევრებიც. დახეუეს, ტრიალ მინდორზე არავინ არ არის და გაბრუნდნენ, როდესაც დააბეს რაშები ადგილას, მაშინ ოქროკაცამ აქცია ადამიანად ყველა, რაშები ისევ რაშებად და გამოუდგნენ გზას.

ცხენებმა კიდევ დაიწყეს ბრაგუნი, შეცვივდნენ ქალიშვილები,

შეიხდნენ რაშებზე და გამოეკიდნენ. როდესაც მოეწივნენ, ოქროკაცამ ძირს დაუშვა რაშები, აქცია ხეებად, თვითონ ტყის მცველად. მოვიდნენ, შეეკითხენ ოქროკაცას: აქეთ სამ სულს ხომ არ გამოუვლიაო? ოქროკაცამ უთხრა: ჩრდილოეთამდის წავიდნენო. გაუდგნენ ისინი იქით, ესენი აქეთ. როდესაც რაშები კიდეც დააბეს ადგილზე, ხელმეორედ დააწყეს ბაგაბუგი. მოეწივნენ. დაუშვა ოქროკაცამ ძირს რაშები და აქცია ისინი სივინდად, თვითონ თონა დაუწყო სიმინდს. ამჭერადაც მოატყუეს.

დაბრუნდნენ გოგოები უკან, ამ დროს ამათაც გადმოაღწიეს საზღვარზე.

ჩამოვადნენ პირდაპირ ხელმწიფესთან, დაიბარეს ვეზირი და უთხრეს: როგორ მოხდა, რომ შენ ხელმწიფის შვილი გახდიო? ვეზირი მიხვდა, რომ კარგი ამბავი არ იყო და სიმართლის ლაპარაკი დაიწყო.

როდესაც ოქროკაცამ მოისმინა ყველაფერი, დაჰკრა ხელი და კისერი მოაგდებინა. მიჰყვა ხელმწიფის სიძეებს, ქალიშვილებს — დახოცა; ხელმწიფეს თავისი ხელით ჩამოგლიჯა ორივე ყური და ისე გაუშვა.

ჭირი იქა. ღხინი აქა,
ქატო იქა. ფჭვილი აქა.
ელასა. მელასა,
ჭიქა მეკიდა ყელასა;
მთქმელსა და გამგონებელსა
დავალევინე ყველასა.

საწყალი კაცი და მისი შვილი

იყო და არა იყო რა, ღვთის უკეთესი რა იქნებოდა. იყო ერთი საწყალი კაცი და დედაკაცი. მათ ჰყავდათ ერთი ვაჟიშვილი. ცოლქმარი უწყალოდ ღარიბები იყვნენ. როდესაც ვაჟი გახდა თხუთმეტი წლისა, თქვეს: სამუშაოდ სადმე გავგზავნოთო. დედ-მამამ უყიდა შვილს ერთი ხელი ტანსაცმელი, კარგი ჩოხა-ახალუხი, ფეხსაცმლები, კარგი ქუდი, გაამზადეს და უთხრეს: გგზავნით მეფესთან, იქნებ ისწავლო რამე და ოჯახს გამოადგეო.

მივიდა მეფესთან ეს ვაჟი. — ბატონო, მიმიღებთ თუ არა მოსამსახურედო? — ბატონმა აიყვანა ბიჭი ცხენების მომვლელად საჯინობოში. დარჩა რამდენიმე წელიწადი ეს ვაჟი მეფესთან. მსახურობს

პირნათლად. რასაც დაავალევენ, ასრულებს. ბატონს ჰყავდა სამი ქალი გასათხოვარი, ცოტა ხნიერი ქალები. ეს ბატონი ქალების გათხოვებაზე არაფერს ფიქრობდა. ერთ დღეს მოწყვეტა მწიფე ნესვი ბაღში უფროსმა ქალმა და მამას მიაართვა: — ნახეთ, მოწეულია თუ არაო. მეფემ უთხრა: — რაში გჭირია, ქალო, მწიფე ნესვის გაჭრაო? — იმიტომ, რომ დრო მაქვს ახლა გათხოვებისა და თქვენ არას ფიქრობთო.

მეფეს ეწყინა ქალის პასუხი და დაითხოვა თავისი ოთახიდან. ქალი ნაწყენი დარჩა. უაშბო დებს, რაც გადახდა: მამა ჩვენზე არაფერს ფიქრობსო. დაღონდნენ. ბოლოს მივიდა უმცროსი ქალი და სთხოვა მამას, — უნდა გამათხოვოო.

— ვიზე, შვილო? ჯერ უფროსებიც არ გამითხოვებიაო.

— მე მათი ყურება რაში გამოჰადგება, მამა, მე საქმრო მყავს უკვეო.

— ვინა?

— მეჩინაზე ჩვენიო.

— ის საწყალი გლეხის შვილი? — მეფეს ძალიან ეწყინა. უთხრა ვეზირებს: ქალიც და ვაჟიც ისეთ ადგილზე გადაკარგეთ, სადაც ხალხი არ ცხოვრობსო.

მართლაც, შეასრულეს ვეზირებმა მეფის ბრძანება. წაიყვანეს ეს ქალი და მეჩინაზე ისეთ ადგილას, სადაც არაფერი არ არის: არც ტყე, არც ქვა და გაუშვეს. ამ უდაბურ ადგილზე მხოლოდ ანწლი იდგა მალაღი. ამ ანწლით ქოხი გააკეთეს მაგარი. ცხოვრობდნენ ღარიბულად. ხან მშვიდები იყვნენ, ხან კი მაძღრები. ასე ატარებდნენ დროს. ამ ქალს ეყოლა ქალიშვილი. როდესაც დაიბადა, მივიდა სამი ზედის მწერელი მის დასალოცავად. დასხდნენ და მსჯელობენ, თუ როგორი სიციცხლე უნდა ჰქონდეს ამ ბავშვს. ერთმა თქვა: იყოს კოჭლიო. მეორემ თქვა: ბრმა და ქაჩალიო. მესამემ თქვა: ეს ქალი ისეთი ბედნიერი უნდა იყოს, რომ სიციცხლეში ქვეყანა მას შენატროდესო. ეყოლოს ოქროსთმიანი ქალი. ეს ქალი იცინოდეს — პირიდანა ოქრო-ვერცხლი სცივოდეს; ტიროდეს — თვალ-მარგალიტი სცივოდეს; რომ დადიოდეს — ოქროს აგური იჭრებოდეს და საითაც გაივლ-გამოივლის, ყველგან ოქროს ფილაქანი ეგებოდესო.

ქალი იზრდება. იცინის — ოქრო-ვერცხლი სცივავ, ტირის — თვალ-მარგალიტი სცივავ, დადის — ოქროს ფილაქანი იგება. ამ საწყალმა გლეხის შვილმა და ქალმა მეფისამ დიდ ცხოვრებას მიაღწიეს. დაიწყეს ისეთი სახლები, რომ ხელმწიფე ვერ ეღირსებოდა ისეთს. დაათავეს შენობები და ცხოვრობენ კარგად, კეთილშობილად.

ამ დროს ერთი აღმოსავლეთის მეფის შვილი წამოვიდა სანადიროდ ქორ-მეძებრებით. ბევრი იარა, თუ ცოტა იარა, მიადგა ამ შენობას თავისი ქორ-მეძებრებით. ძალიან გაუჟვირდა სასახლის ნახვა მონადირეს: ნეტავი ვიცოდე, რომელი მეფე არის აქ დასახლებულიო. დიდხანს უცქერის განცვიფრებულად.

ბოლოს ქალი გაღმოდგა აივანზე, იცინის — ოქრო-ვერცხლი სცივია პირიდან, გადის-გამოდის აივანზე — ოქროს აგური იჭრება.

დაინახა თუ არა მეძებრები და თოფიანი კაცი, მონადირე, სიცილი ცრემლად გადაიქცია. ცრემლები თვალ-მარგალიტად სცივია, გროვდება. მეფის შვილს ძალიან მოეწონა ქალი: ეს ცოლად რომ არ შევიერთო, არ შეიძლებაო. გამობრუნდა მაშინვე მეფის შვილი სახლში, მამასთან. — მამავ, შენ რა მეფე ხარ, მეფე სხვა ადგილას ყოფილაო. მთელი მიდამო ოქრო-ვერცხლით არის სავსეო. აბა, ავიდეთ მალლა და გაიხედე, მისი შუქი ჩვენს სახლს ადგებაო. ავიდა მამა მალლა და დიდხანს უცქირა. — ოჰ, ეს ვილატაა, რა ბედნიერი ყოფილაო. — ქალი ჰყავს იმას, მამა, მზეთუნახავი, რომელიც თითქმის მზეს ეუბნება ჩამოდო, მთვარეც კი ბნელდება მისი შუქისაგან. — მერე, რა გინდა, შვილო? — სწორედ საცოლედ მინდა. თუ იმას არ შემრთავთ, თავს მოვიკლავო. — აბა, როგორ? იქნება არ გვიკადროსო? — რატომ არ გვიკადრებს, მამა, შენც მეფე ხარ, ისიც მეფე ჩანს, ქალს არ დაგვარიდებენო — მაშ, ვინ გავგზავნოთ მაქანკლადო? — არ ვიცი, მამავ, ეს შენი საქმეაო. — დაუძახე შენს აღმზრდელ ძიძასო.

ბებერი ჰყავთ ერთი სახლში, რომელმაც აღზარდა ეს ვაჟი. ეს გავგზავნოთ, და საქმეს გაგვიკეთებსო. ამგზავრებს ამ ბებერს, თან აყოლებს ვეზირებს, გზის მაჩვენებელია თვითონ მეფის შვილი.

მივიდნენ ამ საწყალი კაცის დიდ შენობასთან, რომლითაც ჭკუიდან იშლებიან მისი მაცურებლები.

ვაჟი ბრუნდება მამასთან, მაქანკალი კი რჩება. ბებერი ეუბნება ამ საწყალ კაცს: — შენი ქალი უნდა მიათხოვო ამომავალი მეფის შვილს და უარს ნუ მეტყვიო. — არა, გენაცვალე, მეფე ხომ ჩვენ არ გვიკადრებსო, — ეუბნება დედა. — მე მაქანკლად ვარ გამოგზავნილი, დავალბა მაქვს მეფისაგანო.

თანხმდებიან მშობლები. ეუბნებიან, რომ ისეთი გზები უნდა გააკეთოთ თქვენი სახლიდან ჩვენს სახლამდე, რომ იქ ჩასხდეთ — აჭნოხვიდეთ, აქედან ჩასხდეთ და წახვიდეთ; გზის იქით-აქეთ ხეხილის ბალები უნდა გააშენოთ საუცხოო, ისეთი, რომ ყველას ესია მოვნებოდესო.

გაბრუნდება მოხუცი მეფესთან სიხარულით, უამბობს ყველადღერს. მეფესაც გაუხარდება, ვაჟიც გამხიარულდება, შერე მოხუცი ეტყვის: — უნდა გააკეთოთ ისეთი გზები, რომ აქედან ჩავსხდეთ — იქ მივიდეთ, იქ ჩავსხდეთ — აქეთ წამოვიდეთო.

შეუდგება მეფე გზების გაკეთებას. დაუძახებს თავის სახელმწიფოს ხალხს და გააკეთებს მშვენიერ გზებს თავისი სახლიდან ქალის სახლამდე. დამთავრების შემდეგ იმართება ნიშნობა, — მეჭლისი. როდესაც ჰვარი დაიწერეს, ამ ჰვრის დაწერის წინ ეს ბებერი იყო მომზადებული თავისებურად; მასა ჰყავდა გასათხოვარი ქალი და თავისთვისა ფიქრობდა: თუ ეს ჩემი ქალი ვერ დაგისვა გვერდით, ყმაწვილო, მაშინ ჩემი ქალობა რაღა უნდა იყოსო. როცა წავიდნენ ჰვრის დასაწერად და ქალის მოსაყვანად, თავისი ქალი დაუსვა მდადედ მეფის ქალიშვილს. ჰვრისწერის დროს ქეიფის შემდეგ გამოემგზავრნენ თავიანთ საკუთარ სასახლეში. მოჰყავთ პატარძალი დიდი ამბით. ასე, ნახევარი გზა ექნებოდათ გამოვლილი, რომ ერთ ჯაგნარიანში გადმოხტნენ შვლები. მთელი ხალხი დაედევნა დასაქერად შვლებს. მეფეც გადახტა, უნდა დაიჭირონ. დარჩნენ მარტო ბებერი, პატარძალი და ბებრის ქალი.

ბებერმა გახადა პატარძალს ტანისამოსი. ამ პატარძალს ჩააცვა თავისი ქალის ტანისამოსი, პატარძლის ტანისამოსი კი თავის ქალს ჩააცვა. გადმოიყვანა ჯაგებში პატარძალი, თავისი ქალი კი დასვა პატარძლის ადგილას, ხოლო თავისი ქალის ადგილას დასვა სხვა ქალი, — მდადეც შეეცალა. ბებერმა პატარძალს დასთხარა თვალეზი, შეახვია ქალაღღში და ჩაიდო ჯიბეში. ამ დროს მობრუნდა მყარიონი, შვლებიც დაუხოციათ. — წავიდეთ, ვაშა, ვაშა! — იძახიან.

თვალეზდათხარილი ქალი დარჩა ამ ბუჩქნარში. მეფის ვაჟი გონს ვერ მოვიდა. საცოლე გვერდით უზის. მივადნენ თავიანთ სამეფოში. მიეგებნენ მეფეს. დიდი სროლა, დიდი თამაში. შევიდნენ შენობაში. მთელ სამეფოში ხმა გავარდა: ისეთი ქალი მოჰყავს ამ მეფის შვილს ისეთი, რომ გაიცინებს — ოქრო-ვერცხლი სცევივა პირიდან, იტირებს — თვალ-მარგალიტი სცევივაო, დადის—ოქროს ფილაქანი იშლებოაო. ასეთი სახელია გასული.

დაბინავდნენ, დაწყნარდნენ დიდი მილოცვის შემდეგ. ხალხი ფიქრობს: სად არის თვალ-მარგალიტი ან ოქრო-ვერცხლი? — უცქერიან. არაფერი არ არის. ზის ქალი როგორც კუნძი. ამ დროს ეკითხება ვეზირი მეფეს: — აბა, ერთი გავაცინოთ თქვენი პატარძალიო. გავაცინეს, გაახუმრეს, არაფერი არ არის. აბა, ახლა ვატროთ, თუ

თვალ-მარგალიტი ჩამოცვივა თვალებიდანო. ატირეს. მაინც არაფერი არ არის.

ახლა ვათავაშოთ. აბა, ოქროს აგური მოიქრება თუ არაო. არაფერი. ჩაცვივდნენ მწუხარებაში მშობლები. ყმაწვილი ფიქრობს: ჩემი ცოლი ასეთი არ იყო, ეს რა არის ასეთიო? უყურებს სახეზე და რალაც ექვეში შედის. აღგება შემდეგ და ეტყვის მამას: ამ ქალს ცალკე მიეცი თინა, არ მსურს ამასთან ცხოვრებაო.

ასეც მოხდა. ეს ვაჟი გახდა ავად. არის ერთ წვალებასა და ვაგებაში.

ტყეში დარჩენილი ქალი ამ ხნის განმავლობაში ტირის. ტირის ისე, რომ მთელი ეს ჭაგნარი ოქრო-ვერცხლით გავსილა. ერთხელ წაშობადგა მონადირე. ჰკითხა: შენ რა სულიერი ხარ, რათა სტირიხარო? — მე ვარ ბრმა, — ეუბნება ქალი, შენ ძმა და მე და. წამიყვანე, მნატრონე და ეს ქონებაც გინდა წაილე, თუგინდ დასტოვე, მე ზედა მაქვს ყველაფერიო.

ეს მონადირე იყო საწყალი, ღარიბი კაცი. მოიკიდა ზურგზე ქალი და მიიყვანა სახლში, თავის პატარა ბუდრუგანა ქონში.

ქალმა უთხრა: — ძმაო, დაიჭირე ურმები, მოიტანე ის ოქრო-ვერცხლი და მოიხზარეო.

მართლაც, მოიტანა და დაიწყო სახლის შენება. ამ ქალს ინახავს როგორც თავის დას.

გაიგო ამ ბებერმა, რომელიც მეფესთანაა, ამა და ამ სოფელში ის ქალი ცოცხალი არისო. „ის ოქრო და ვერცხლი უნდა დავეცინელო იმ მონადირესო“, — მოიფიქრა ბებერმა. ერთ მშვენიერ დღეს ჩაიწყო ჭიბეში ბებერმა ქალის თვალები და დადის და კითხულობს სოფელში, თვალებს ვყიდი თვალ-მარგალიტზეო. გაიგო ამ მონადირემ და გაღწევიტა, ჩემს დას თვალები უნდა ვუყიდოო.

დახვდა წინ ბებერს: — აბა, რა მოგცეთო? მორიგდნენ. თვალებს აძლევს ბებერი, ის აძლევს ოქრო-ვერცხლს თვალებში, რამდენიმე ჯორ-აქლემაკიდებულს. მონადირეს თვალები მიაქვს თავის დასთან, მიიყვანს ექიმს და ჩაუდგამს. ახლა ეს ქალი ისეთივე გახდება, როგორც პირველად იყო — თვალხილული. ქალი აწყობს ოჯახს. ამ ბებერმა, თქვა: — „რაღა ჩემი სიცოცხლე იქნება, თუ ის ვაცოცხლეო“. მოდის ბებერი ამ ქალის სახლში. მაშინ გაიქცევა ქალი წყლის პირას, იქცევა თევზად და ცხოვრობს წყალში.

დაბრუნდება ბებერი და მოვა მეფესთან ცარიელი. ერთხელ მეზადურებმა მოაყოლეს ბადეში ერთი მშვენიერი, წითელი, ლამაზი თევზი. ერთი ამბობს, გავანაწილოთო; მეორე ამბობს, მეფეს მივართვათ

ეს თევზი, ყოველი გაჭირვებულს დროს გამოგვადგება მეფეო. მართლაც, მიართვეს მეფეს. ბებერმა მაშინვე უთხრა მეფეს: — ეს თევზი უნდა მოვხარშოთ და ვაჭამოთ შენს ვაჟს, რომ მორჩესო, თუ არა და არ მორჩებაო. მეფემ ბრძანა: ამოიყვანეთ, გააკეთეთ და აჭამეთო, თუ წამლად გამოდგება, დაგაჯილდოვებო.

როდესაც გაჭრეს თევზი, გადაეარდა ერთი ძვალი და იქ ამოვიდა მალალი, მშვენიერი ალვის ხე, გააქვს დღე და ღამე შრიალი. ალვის ხის ქვეშ გაუშართეს საწოლი ამ ვაჟს და ძალიან სიამოვნებდა, ატარებდა დროს დღე და ღამე. ბებერს, მის აღმზრდელს, სწყინდა, რატომ ჩემ ქალთან არ არის, რად ჩამოშორდაო. როცა იგრძნო ბებერმა, რომ კაცს ძლიერ შეუყვარდა ხე და თანაც ქალს ყურს არ უგდებსო, მუხლის ჩოქით სთხოვა მეფეს: — მოსჭერით ეს ხე, რომ თქვენი ვაჟი მორჩესო. ისე დაწვით, რომ ერთი ნაფოტიც არ გადაჩეს, თორემ ვაჟი მოგიკვდებაო.

დაუწყეს ალვის ხეს ქრა. ერთი ნაფოტი შეუმჩნევლად გადაზუზუნდა შორს ქუჩაში ცულის დარტყმის დროს. ეს ხე დაკუწეს და დაწვეს მთლიანად. მოისვენა ბებერმა, ახლა მაინც შეუყვარდება ჩემი ქალიო.

ამ დროს ერთი ბებერი მოდის ქუჩაში, კოკა უდგას მხარზე. ამ ბებერს მოეწონა ეს ნაფოტი. ფიქრობს: რა კარგი სახაშეს საფარებელიაო, მივიტან და დავაფარებო. მართლაც, წაიღო, მიიტანა სახლში და დააფარა სახაშეს. ბებერი წავიდა საპუშაოდ. ეს ქალი-ნაფოტი გუდამოხტება სახაშედან, ასუფთავებს ბებრის ქოხს, სალამოს ჩადის ისევ შიგ და ეფარება ზედ. ბებერი მოდის და ფიქრობს: ამ ჩემ ყურეს ვინ ასუფთავებსო.

ერთ დროს მიატანს ქალს თვალს, ვეღარ მოასწრო სახაშეში ჩაჭლომა. გაუხარდება ბებერს, გადაეხვევა და აკოცებს: გენაცვალე, შვილო, ვისი ხარ და საიდან მოხვედიო. ქალი გადაიხარხარებს:

— ჰა, ჰა! — და წამოსცივია პირიდან ოქრო-ვერცხლი. როცა დადის — ოქროს აგური იჭრება და ოქროს ფილაქანი ეგება მის გარშემო, თვალებიდან კი თვალ-მარგალიტი სცივია.

ეს ბებერიც გამდიდრდა. — შენ დედა და მე შვილი! — ამ დროს გაიგებს ძმა, მონადირე, მივა დასთან, გაუხარდებათ. და ეტყვის: — ძვაო, მე მოვეკვლები, ცხოვრება და ქონება ბევრი გაქვს. წაღი, ერთ მალალ შორ მთაზე ააშენე ერთი მონასტერი, სადაც არავინ არ შეგხვდება. გააკეთე კარგი კუბო ოქროსი, წამიღე და ამ მონასტერში დაჰაყუდე შიგ და დაკეტე კარებიო.

ძმამ აასრულა დის ნათქვამი სიტყვები.

ქალი მოკვდა. მაშინ ძმამ წაიღო მონასტერში, დააყუდა, დაკეტა კარები. დაბრუნდა და წამოვიდა შინ.

ერთ დროს მეფის შვილმა, ავადმყოფმა, მოინდომა სანადიროდ წასვლა. წავიდა რამდენიმე თვით, საგზლით. ბევრი იარა თუ ცოტა, ატარა დრო, დღე და ღამე ხეებქვეშ იყო. გუნებაც გადაეწმინდა. ერთ დღეს მიაღვა ამ მონასტერს. შესცქერის შორიდან. უახლოვდება. იწერს პირჯვარს: ოჰ, ღმერთო, მიშველე, ეს რა ვნახე, სიზმარშიც არ მომაგონდება ასეთი. ნეტავი, რა ვქნა, რით გავალო კარებიო? — ენატრება შინ დაბრუნება. გააკეთებინებს მჭედელს გასაღებს. სიხარულით მიაშურებს მთაში მონასტერს. გააღებს კარს და რას ნახავს: მთელი ეკლესია გაჩირალდნებულია სინათლით! ვაჟი მიუახლოვდება კუბოს. ევედრება მუხლის ჩოქით: ღმერთო, გამიცოცხლეო. ამს-გავსებს სახეზე.

აკოცებს ქალს, დაკეტავს კარებს და წამოვა სახლში მამასთან. მორჩა ავადმყოფობისაგან ვაჟი. იარა სამი წელიწადი მონასტერში ამ ქალთან, მიცვალებულთან.

სამი წლის შემდეგ მივიდა. დახვდა ოქროსთმიანი ვაჟი. ის ასაზრდოებდა ნადირის ხორციით დედას. როდესაც მივიდა მეფის შვილი მონასტერში, ქალი გაღვიძებული დახვდა.

ვაჟი ბრუნდება სახლში და მიყავს თავისი მშობლები მონასტერში. — დედავ და მამავ, მე ვიპოვე ჩემი პირველი ცოლიო!

წავიდნენ ქალის წამოსაყვანად. მოიყვანეს დიდი სიყვარულით. მეფემ დაჰპატიჟა დიდებულნი და გამართეს დიდი მეჭლისი, დროსტარება.

ახლა ეუბნება ვაჟი ცოლს:

— გაიცინე, გენაცვალე! — ქალი იცინის — ოქრო-ვერცხლი სცივია პირიდან.—აბა, ერთი ათამაშეთ, საზოგადოებამ დაინახოსო!

დაუკრეს დოლი, დუდუკი. ქალი თამაშობს. მის თამაშზე იკრება ოქროს აგური.

— ახლა ერთი იტირეო. — მართლაც, ცრემლის მაგივრად თვალმარგალიტი სცივია. ბებერი ძლიერ ღონდება.

ეკითხებიან ქალს: — სად იყავ, როგორ მოხდაო? — მომეცით სიტყვის უფლებათ. — აბა, დაიწყეო. — ჯვარი რომ დავიწერეთ და წამოვედით, შუაგზაზე შვლები გადმოხტნენ. მთელი მაყრიონით ჩემი ქმარი მათ დაედევნა, მე იქ დავრჩი. ჩემი ქმრის აღმზრდელმა, ამ ბებერმა, რომელიც გვერდით მეჭდა, გამხადა ტანისამოსი. ჩემი ტანისამოსი ჩააცვა თავის ქალს, რომელიც მღაღღ მეჭდა, თავისი ქალის ტანისამოსი მე ჩამაცვა და გადაამაგლო ჯაგებში. დამთხარა თვალებო

და ჩაიდო ჭიბეში. თავისი ქალი დაუსვა ჩემს ქმარს ცოლად. მობრუნდა მაყრიონი. წავიდეთ, წავიდეთ! ვაშა, ვაშაო! — იძახდნენ. მიდის ეტლები. დიდხანს ვიყავი ბუჩქებში მარტოკა. ტირილის მეტს არაფერს ვაკეთებდი. მოღვა ერთი მონადირე. ვუთხარი: შენ ძმა და მე და. წამიყვანე, მომიარე — ეს ქონება შენ. ვიცხოვროთ ერთადო. წამიყვანა თავის სახლში.

ბოლოს ამ ბებერმა გაიგო და ოქრო-ვერცხლის გამოცანცვლა განიზრახა. მოიტანა თვალები ოქროზე გასაყიდად. მონადირემ გაიგო, იყიდა თვალები, მოიყვანა ექიმი, ჩამისვა და ისევ ისეთი გავხდით. გაიგო ბებერმა ეს და მოვიდა. მაშინ ვიქეცი თევზად, შევეცურდი წყალში. თევზი ბაღეს მომაყოლა მეზადურმა. რადგანაც ლამაზი ვიყავი, მიმართვეს მეფეს: როცა გაგვიპირდება, მეფე წყალობას მოიღებსო. ბებერმა იცოდა, რომ ეს მე ვიყავი: დაკუწეთ და აქამეთ ვაჟს და მორჩებაო. ერთი ძვალი გადავარდა და მისგან ამოვიდა ალვის ხე. ეს ხე მშვენიერი იყო. ვაჟს მუღამ იმ ხის ქვეშ ეძინა. ეს ბებერი იძულებული გახდა, ხე მოექრევინებინა. სთხოვა ბატონს, მოკრეს, დაწვეს, მაგრამ პირველ ცულის დარტყმაზე ერთი ნაფოტი გადავარდა შორს ქუჩაში.

მოდის ერთი ბებერი, კოკა უღვას მხარზე. მოეწონება ნაფოტი: წავიღებ, სახაშეს დავაფარებო. ბებერი სამუშაოდ მიდის, ნაფოტი უვლის მის სახლ-კარს. მოდის ბებერი, — ისევ ჩაჯდება სახაშეში, საღაპოთი მოდის ბებერი, დუდუნებს თავისებურად: ნეტავ, ვინ არის ჩემი მომვლელი? რატომ არ ვხედავ თვალითო. ერთ დროს მიატანს ბებერი თვალს ქალს. მერე ცხოვრობენ ასე. ეს ბებერაც გამდიდრდა. ამ დროს გაიგებს ძმა თავისი დის კეთილდღეობას, მოვა დასთან. და ეტყვის: მე მოვკვდები, შენ არ გაგიპირდება ჩემი დასათვალავება. ქონება ბევრი გაქვს, ძმაო, ოქრო, ვერცხლი. წადი და ერთ მაღალ მთაზე გააკეთე მონასტერი, შემიტანე და დამაყუდე შიგ, მერე დაკეტე კარები, წადი შინ. დაიწყო მონასტერი ძმამ, აასრულა ანდერძი. ოქროს კუბო დააყუდა მონასტერში, ჰკეტავს კარებს. მიდის მონასტერში რამდენიმე წლის შემდეგ მეფის შვილი. ავადმყოფი გაემგზავრა სანადიროდ, მიაღდა მონასტერს. ნეტავ, რა ვქნა, რით გავალო ეს კარებო? დაბრუნდება შინ, გააკეთებინებს მკვლელს გასაღებს, წავა ისევე, გააღებს კარებს და წავა სახლში. ასე მიდის და მოდის ამ ქალთან. სამი წლის შემდეგ მივიდა, დახვდა ოქროსთმიანი ვაჟი. იცნეს ერთმანეთი. მოიყვანეთ ჩემი ქმრის აღმზრდელი თავისი ქალით, ალაპარაკეთ ხალხის წინაშე, ტყუილია თუ მართალი, რაც მე ვთქვიო.

ახლა იწყებს ბებერი ლაპარაკს. — საღლა წავალ თქვენი ხელიდან,

სუყველაფერი ჩემი ბრალია. თვალები მე დავთხარე და გადავაგდე
ჯაგებში. ჩემი ქალი დაეუსვი ცოლად, მეგონა მოკვდებოდა. მე კარგად
ვიცი, დანაშაული არ შეპატიება. გლოცავთ, გვირგვინოსანნო! დიდ-
ხანს იცოცხლეთ, მე რაც გინდა მიყავითო!

გამოიყვანენ დედა-შვილს გარეთ ეზოში, გამოაბამენ ცხენის ძუა-
ზე. მთელი ხალხი მათ უყურებს. ასე დახოცეს ეშმაკ-ჯადოსნები.

ქალსა და ვაჟს ბედნიერება. ქალი თამაშობს — ოქროს ფილაქა-
ნი ეგება, იცინის — ოქრო-ვერცხლი იშლებს, მისი ცრემლები თვალ-
მარგალიტად ცვივა. ასე დამთავრდა მათი საქმე. დარჩნენ ბედნიე-
რად. ქორწილში გახლდით და ერთი თხუთმეტი ჯამი ღვინო დავლიე-

ჭირი იქა. ლხინი აქა. ნაცარი იქა. ფჭელი აქა.

ალი ყანთარი — ავი ზამთარი, სამი ტყუილი — ერთი მართალი.

ჯეირნის ქალი

იყო და არა იყო რა, ღვთის უკეთესი რა იქნებოდა.

ზღაპარ იყო, ზღაპარ იყო,
ჭალას ჩიტი ჩამკვდარიყო,
დიდ ქვაბში არ ეტეოდა —
პატარაში ლაღე იყო;
ასი კაცი ვერ შესჭამდა,
ერთი კაცის ლუკმა იყო.

იყო ერთი ძეგე, რომელსაც ჰყავდა ოცი ვაჟიშვილი, ოცივე საქორ-
წილოდ მოდიოდნენ. მიგზავნეს უფროსი შვილი მამასთან: — მამავ,
დრო გვაქვს ქორწილისაო. საუბარმა ვერაფერი შედეგი მოიტანა.
მოილაპარაკეს წასულიყვნენ იმ ადგილას, სადაც ოცი და იქნებოდა
ერთად. მართლაც, ასე გააკეთეს. შეკაზმეს რაშები, აკილდეს სურსა-
თი, საჭმელ-სასმელი და გაემგზავრნენ. მეფეს ჰყავდა ერთი კარგი
რაში; მისი შეკაზმულობით, თავისი ლახტით. მიბრუნდა უფროსი
ვაჟი და უთხრა: — უნდა მოვიცე შენი რაში, თავისი შეკაზმულობი-
თო. — მამამ უპასუხა შვილს: — აბა, დადექი კარგად, სილას გაგარ-
ტყამ, თუ გაუძელ, მოიხმარებ კიდეცაო. — დადგა ვაჟი. ერთი შე-
მოპკრა მამამ, ვაჟი ადგილზე დაემხო. — წადი, შვილო, შენ ვერ მოიხ-
მარო. — შეჯდა თავის რაშზე ეს ვაჟი და დაეწია ძმებს.

მერე მიბრუნდა უკან უმცროსი ვაჟი. სთხოვა მამას რაში. მამამ უთხრა: სილას გაგარტყამ და თუ არ წაიქეცი, მოიხმარ კიდევცაო. — დადგა. გაარტყამს სამ სილას, მაგრამ ფეხსაც ვერ მოაცვლევინებს. მაშინ მისცემს თავის რაშს, ულოცავს გზას. ვაჟი შეჭდება, დაეწვევა ძმებს. ეწყინათ ძმებს: რატომ შენ მოგცა და ჩვენ არაო.

წავიდნენ. ბევრი იარეს თუ ცოტა, გავიდნენ ერთ ჯვარედინ გზაზე. არ იციან საით წავიდნენ. წყალი სწყურიათ ძლიერ და ვერსად უპოვიათ. ამ დროს დაინახეს: ერთ ბებერს სველი კოკა უღვას მხარზე და მოაძუნძულებს. გადაუხტა წინ უმცროსი ძმა: დედი, დედაშვილობას, წყალი დამალევიანო. ვაჟმა გაიკრა მათარას ხელი, დაასხა წყალი და მიართვა უფროსს. ყველას დაალევიანა, თვითონ კი არ შეხვდა. ეკითხება ეს ბებერი: — შვილო! ვინა ხართ, სად მიხვალთ, ერთმანეთს გეცხართ ყველანიო. — ძმები ვართ, დედილო. — საით მიემართებით? — კიდევ ეკითხება ბებერი. — სადაც ოცი დანი ერთად არიან. — არა, შვილო, გაბრუნდით უკან. მათი შიშით ზეცას ფრინველი ვერ გაივლის და მიწაზე ქიანჭველაო, დაგჭამენ და დაგხოცავენო. — აბა, დედი, გვითხარი მათი გარემოება. — ოცი დანი არიან, შვილებო, მარტო დედა ჰყავთ ცოცხალი და ცხრა ძმა, თითოს ცხრა თავი აბია. თუ არ დაიშლით და მიდიხართ, დიდი ბალი აქვთ ეზოში, რაშები გაუშვით ამ ბაღში უშიშრად. მაშინ დედა გამოვა ეზოში და დაგიძახებთ: „ვინ ხართ, ჩემი შვილების შიშით აქ როგორ მოხვედითო!“ შენ დაუძახე: „სამოყვროდა ვართ მოსული და არა სამტროდ“. მიგიღებთ მაშინ, გაგიშართავთ სადილს.

დაათავა ბებერმა. — მშვიდობით, დედი, ნახვამდის! — შემოკრავს რაშს მათარას და მალე წამოეწვევა დაწინაურებულ ძმებს ვაჟი. — ძმებო, საით მივდივართ, იცით? — მეზი კი დაგეცა მაგ თავში, შენ კი იცი, საით მივდივართ? — აბა, მაშ, მომყევით უკანო.

გაპყვნენ ბუტბუტით. მივიდნენ, სადაც ცხოვრობენ ოცნი დანი, იმ სასახლის კარზე. გახსნეს ბაღის კარები. შვეიდნენ ბაღში. დახსნეს შეკაზმულობა რაშებს და მოისვენეს გრილოში. ამ დროს გამოდის ქალების დედა.

— ვინ ხართ, რა სულიერები, საიდან? ჩემი შვილების შიშით ზეცას ფრინველს ვერ გაუვლია და თქვენ რამ მოგიყვანათო? — წამოდგა უმცროსი ძმა. — ჩვენა ვართ მოსული სამოყვროდ და არა სამტროდ.

ეს ბებერი აწყობს სუფრას. შეიპატიჟებს შინ. დაიწყებენ ჭეიფს. ბებერი ევლება თავს ამ ვაჟებს, დევები კი სანადიროდ არიან წასული მთაში. დაღამდა. საღამოთი მოიტანეს ცხრა ირემი და ცხრა წიფელო.

მისალმნენ სტუმრები. მოხარშეს ცხრა ირემი და გამართეს ვახშამი. დაიწყეს ჭეიფი. დათვრნენ ყველანი. გაუშალეს ლოგინი და მოასვენეს სტუმრები.

დღეა მუდამ ღამე ჩაჭვით აბამს თავის შვილებს. შუალამისას მოვა კარებზე სტუმრებთან: ვისა გლვიძავთ, ვისა გძინავთ, ვინ ხართ მოსვენებაშიო? — ხმას არავინ იღებს. მეორედაც მივა და უკაყუნებს კარებს, მაგრამ ხმას არავინ სცემს. მესამედ რომ მივიდა, კიღევ თქვა: ვისა გლვიძავთ, ვისა გძინავთ, ვინ ხართ მოსვენებაშიო?

ამ დროს უმცროსი ძმა დაუდგება: მე მღვიძავს, შენს სიძესო! ეს ვაყი თავის საწოლზე ბალიშ-მუთაქას დაღებს და წაახურავს საბანს. მეოთხედაც მიდის ბებერი, ხმას არავინ სცემს.

ამოიღებს ვაყი თავის მამის ხმალს და ჩადგება მარჯვნივ კარებში. უშვებს უფროს შვილს ბებერი. დევი მიდის სტუმრების შესაჭმელად. შეაღებს კარებს. ვაყი ჩამოუსვამს ხმალს, ჩამოსჭრის ცხრა თავს, გაიტანს და გადაჰყრის. ძმებს სძინავთ, ვერაფერს ვერ იგებენ. გამოუშვა ბებერმა რიგრიგობით მეორე, მესამე, მეოთხე, მეხუთე, მეექვსე, მეშვიდე, მერვე და მეცხრე დევი. ყველა ასე დახოცა უმცროსმა ძმამ. დარჩა მარტო დღეა ცოცხალი. დაგვიანების შემდეგ იფიქრა დედამ, ჩხუბი თუ მოუვიდათ ჩემს შვილებს და ერთმანეთი დაჰამესო. გამოვიდა ბებერი კარებზე. აქ ვაყიც დახვდა.

— რა იქნენ ჩემი შვილებიო?

— მთაში წავიდნენ სანადიროდო.

— ეგრე ადრე? კარგი, მაშ, მობრძანდით ჩემთანო. — სადა გყავთ ქალებიო? — ბებერი მიხვდა, ახლა ცუდად არის საქმეო. გაუძღვება წინ. ჩამოართმევს გასაღებს ვაყი და გააღებს მეთორმეტე ოთახს. ნახავს — მზეთუნახავი ქალები ცხოვრობენ შიგ, თამაშობენ... გაბრუნდება უკან ვაყი ძმებთან. მიჰყავს გვერდით ეს თავისი სასიღედრო. მიიყვანს დახოცილ შვილებთან და აჩვენებს; მერე მასაც მოსჭრის თავს, გადააგლებს და ეტყვის: შენც იმათი ყადრი ხარო.

ვაყი ძმებს დააძრობს ბექლებს, წაიღებს ქალებთან, დაჰყვება უფროსიდან და გაუკეთებს ბექლებს, უმცროსს კი თავის ბექელს გაუკეთებს. მერე ქალებს დააძრობს ბექლებს და ძმებს გაუკეთებს. ძმებს კი ისევ სძინავთ.

უმცროსი ძმა წაწვება კარებში. გათენდა დილა. იღვიძებენ ვაყები. წაჰკარავენ წიხლს: — რა დაგემაართა, ვერ გაძეხ ძილითაო?

ადგება უმცროსიც. — რა არი, ძმებო, რა ამბავიაო. — რაღა რა ამბავია, წავიდეთ ჭანაბის კვალზე. აქ არც ოცი დანი არიან და არც სხვაო.

უმცროსი იცინის. აზრზე ვერ მოდიან, რომ ხელებზე უცხო ბეჭდები აქვთ გაკეთებული ვაჟებს. ეს ვაჟი ხან გადააბრუნებს ხელს, ხან გადმოაბრუნებს, იქნებ ანიშნოს, რომ ისინი დანიშნულები არა-ან. ძმები ვერაფერ აზრზე ვერ მოდიან. — აბა, ძმებო, დაიბანეთ პირი, დაივარცხნეთ ქოჩრები და მომყევით გვერდშიო.

დაიბანეს პირი, გასუფთავდნენ. ერთმანეთს ეუბნებიან ეს ძმები: — წავიდეთ აქედან, თორემ დაგვხოცავენო.

გაუძღვება წინ უმცროსი. მიდიან მეთორმეტე ოთახში. რა ნახეს სიხარულისაგან აღარ იციან რა ქნან. — აი, ძმებო, ჩვენი ცოლები!

დააყოლებს უფროსიდან და დაუყენებს გვერდზე ყველას. უმცროსთან რომ მივა, — ეს კიდევ მეო.

დიდი კოცნა, დიდი თამაში და ლხინი. ეუბნებიან უმცროს ძმას: შენა ყოფილხარ ჩვენი მხსნელი. აქამდის მასხარად გიგდებდით, რადგან გვეგონა არაფერი შეგეძლო. მართლა ბიჭი ჰყოფილხარ, კარგი მხედარიო.

რამდენიმე თვის შემდეგ ტოვებენ იმ ბინას და მიდიან თავიანთ სამეფოში. შუაგზაზე რომ მივიდნენ, ერთი გასავალი შეხვდათ გზაწვრილი. წევს სიგრძეზე გაშაპული ცეცხლია დევი. გააქროლებს რაშს წინ უმცროსი და დაუძახებს: — წითელო დევი, გახსენ გზა, გაგვიშვიო. — არა, არ გაგიშვებთ, სანამ ჩემს გულის მურაზს არ ამისრულებთო. — ხომ შეიძლება, რომ მე დავრჩე შენთან და აგისრულო გულის მურაზიო? — შეიძლებაო.

მამინ დასხდნენ, ჭამეს პური, ისადილეს. უთხრა ძმებს უმცროსმა: — ძმებო, მელოდეთ სამი წელიწადი, სამი თვე, სამი კვირა, სამი დღე, სამი საათი და სამი წამი. თუ მოვედი ამ ვადაზე, თუ არადა ეს ჩემი დანიშნული გაათხოვეთო.

დაემშვიდობნენ ძმები. — მშვიდობით, ძმაო, აბა, შენ იციო!

უმცროსი ძმა დარჩა ცეცხლის დევთან. შეეკითხება: რა არის შენი გულის წადილიო? — წადი ამა და ამ სახელმწიფოში და ჯეირნის ქალი არის მეფედ, ის მომიყვანეო ცოლადო.

მიდის ვაჟი და უბარებს დევს: — დაწექი ცალ გვერდზე სამი წელიწადი, სამი თვე, სამი კვირა, სამი დღე, სამი საათი და სამი წამი. ამ ვადამდე უნდა იწვევ ცალ გვერდზე. თუ გადაბრუნდი, ვერაფერსაც ვერ ვიბრძოლებო. — მიდის ვაჟი ამ პირობით.

ბევრი იარა თუ ცოტა, გავიდა ერთ მინდორზე. რას ნახავს სამი კაცი ზის. სამ სოფელში ყოფილან: ერთი სოფლიდან მოუტანიათ სუფრა, მეორე სოფლიდან — ხალიჩა, მესამედან — ქული. ამას იყოფენ და ვერ გაუყვიათ. არ იციან, რომელი რას ნიშნავს: ხალიჩა დი-

დია, სუფრა — საშუალო, ქუდი — პატარა. ვერ თანხმდებიან, ვის რა ერგოს. ამ დროს მიდის ეს ვაჟი. დაინახეს კაცებმა: — აგერ ღვთის კაცი და ის გაგვინაწილებსო! — დაუძახებენ: — მობრძანდით ჩვენთანო. უმცროსი ძმა უპასუხებს:

— აქედანაც მეშინია და ახლოს ვერ ვბედავ, მომკლავთო. — არა, ღმერთმანი, არაფერს გერჩითო. — მიდის ვაჟი. — აი, ძმაო, სამ სოფელში ვიყავით საქურღლად. ერთი სოფლიდან მოვიტანეთ ხალიჩა, მეორედან — სუფრა, მესამედან — ქუდი. ახლა ერთი გვითხარი ამათი გარემოება და მოგვაშველეო. ვაჟი ეუბნება:

— ხალიჩას ასეთი მნიშვნელობა აქვს, რომ დაჯდე — წაგიყვანს, სადაც გინდაო; სუფრას, რომ არა გქონდეს რა, გაშლი და სუყველაფერი გექნება საკმელ-სასმელიო; ქუდი ასეთია: ვინც დაიხურავს, ვერავინ დაინახავსო. — ძალიან მოეწონათ სტუმრის ამბავი. — მაშ, რა ვუყოთო? — აი, რა ვუყოთ! მომეცით სამივემ მშვილდ-ისარი და მოემზადენით გასაქცევად.

გაუკრავს მშვილდ-ისარს სამ მთაზე და გაუშვებს მათ მოსატანად, თან ეტყვის: ვინც წინ მოხვალთ, — მას ხალიჩა, ვინც მას მოყვებით — სუფრა და ვინც ბოლოს — იმას ქუდიო.

გარბიან. ამ დროს თვითონ სუფრას დაკეცავს, ჯიბეში ჩაიდებს, დაიხურავს ქუდსაც და დაჯდება ხალიჩაზე: — ხალიჩავ, შენსა მზესა, შენი გამომცემლის მზესა, მიმიყვანე იქ, სადაც ჭეირნის ქალი მეფობსო. — ხალიჩა წავიდა შხულით. ჰიატანა ქალაქს. ჩამოვიდა ვაჟი დაბლა. ხალიჩა გადიგლო ზურგზე და მივიდა ერთ ღარიბ ბებერთან. — გამარჯობა, დედი! ამაღამ გამათენებინე. — არა, შვილო, თქვენი საკადრისი არა მაქვს რა. პურიც არა მაქვს, რომ გაჭამო. — ნუ შეწუხდები, დედი, სასმელ-საკმელი მე მაქვსო. ულებს ბებერი კარებს და შედის ქოხში.

დაღამდა. ბებერი წუხს, არაფერი არ აქვს. ბევრი ირბინა, მაგრამ ვერაფერი იშოვა. მას არა ჰქონდა, არც არვინ აძლევდა. დაჯდება ბებერი და ოხრავს, რცხვენია. ამოიღებს და გაშლის სუფრას ვაჟი: — სუფრავ, შენსა მზესა, შენი გამომცემლის მზესა, გვეკუთვნის თუ არ გვეკუთვნის, ყველაფერი მრავალი იყოსო! — ეს ბებერი გაოცებული დარჩა, როცა ქოხი საკმელ-სასმლით გაივსო.

პურის ჭამის შემდეგ ეკითხება ვაჟი: — დედი, უნდა გამიგო, თქვენ ხელმწიფეს ადამიანის სუნი რად ეჯავრებაო. — შვილო, ჩემი გაზრდილია პატარაობით და ეგ არ გამიგიაო! — აბა, მაშ, ხვალ წადი, დედი, და გაიგე, ადამიანის სუნი რად ეჯავრება.

გათენდა მშვენიერი დილა. წავიდა ბებერი მეფესთან,

დაუძახებს მოსამსახურეებს, მიმიყვანეთ მეფესთანაო. ისინიც მიიყვანენ. ეკითხება ბებერი მეფეს: — თქვენთან ვიყავი დიდი ხანი, ამაგი მაქვს, ვიცი, არ დამიშადლით და მეტყვიეთო. — რაა, დედაბერო, რა გაგჭირვებიაო? — ის, რომ, მითხარი, რად გეჭაერება ადამიანის სუნი? მეფეს ეწყინა. უბრძანა მოახლეებს: ეს ბებერი გადაადგეთ ძირსაო.

ვაეს ხურავს უჩინმაჩინის ქული და ვერავინა ხედავს. ბებერს გადმოადგდებენ დაბლა. ვაჟი შეაშველებს ხელებს, დაიქერს, მიწაზე არ დაუშვებს. ვაჟი წამოვა სახლში, მოიხდის ქულს და ჩვეულებრივად დახვდება ბებერს. ბებერი ეუბნება: — შვილო, აივინდან გადმომაგდეს, რბილად რომ არ დაეცემულიყავ, მოვკვდებოდიო. — კარგი, დედი, მამ, დაისვენე. ოქრომქედლები ხომ არიან ამ ქალაქშიო? — დიახ, შვილო. — აბა, წავიდეთო.

შევიდნენ ქალაქში. მივიდნენ ოქრომქედლებთან. გააკეთებინებს ძვირფას თეფშს ვაჟი აწერს ზედ დიდი ასოებით: „ჩვენ ვიყავით დედალ-მამალი ჩეირანი. დაგვაფრთხო მონადირემა; დედალი აქეთ გადმოვეარდი, მამალი დავკარგე და დღესაც მის გზას ვტირი“. დაიდგა თავზე ვაჟმა. მივიდა მეფის სასახლესთან და გადის-გამოდის. ორივე ხელით დაბლუჭული უჭირავს თავზე. — თეფში გასაყიდი! თეფში გასაყიდი! — იძახის. დაინახა მეფის კარისკაცმა.

— ქალბატონო, რა მშვენიერი რაჟე აქვს ამ კაცს, ვიყოლოთ. დაუძახეს. ადის კიბეზე. მეფე კითხულობს მაღლიდან: „ჩვენ ვიყავით დედალ-მამალი ჩეირანი, დაგვაფრთხო მონადირემა; დედალი აქეთ გადმოვეარდი, მამალი დავკარგე და დღესაც იმის გზას ვტირი“. დაათავა წაკითხვა მეფემ. უკეთებს მკლავს მკლავში ვაჟს და აპყავს თავის ოთახში. მოეხვევა, კოცნის. ხან ტარის, ხან იცინის.

— სად იყავ, საიდან მოხვედიო?

ცხოვრობენ ერთად. ატყუებს ჩეირანს ვაჟი. ვერ მიხვდა მოტყუებას მეფე. ასე გააგრძელეს ერთად ცხოვრება. ამ დროს ჟამიც მოდის შინ წასვლისა. ძილიც აღარ ეკიდება ღამე ვაჟს, პირობა უნდა აუსრულოს ცეცხლის დევს. ერთხელ ეტყვის მეფეს: — ნება მომეცით ქალაქში და განაპერა სოფლებში გავიაროო. — რათა, რა გაგჭირვებია, მოსამსახურეებს გავგზავნიო. — არა, მე უნდა წავიდე. ერთ ბებერთან მაქვს საქმეო.

მიდის ვაჟი ბებერთან. სუფრას აჩუქებს. ახლა ბებერი გახდა უზრუნველყოფილი. ვაჟმა უთხრა: ეს არავის მისცე, სანამ მოკვდებოდე, გქონდეს ჩემს სახსოვრადო.

ბებერი გადაეხვევა, აკოცებს.

— მშვიდობით, შვილო, ჩემს მოსაგონებლად დიდხანს იცოცხლო.

მიდის ვაჟი მეფესთან. ხალიჩა გაახვია, შეკრა ბოხჩაში. სალამოს უთხრა მეფეს: — ამაღამ ამ ხალიჩაზე უნდა დავიძინოთ, თუ გინდა რომ მოვისვენოთო. — რად გინდა, ეს რომ გავშალოთ, განა ამაზე უკეთესი არაფერი გვაქვსო? — არა, სანამ ამაზე არ დავწვები, ვერ მოვისვენებო. — დაწვინე ზედ. შუალამის დროს ქალს სძინავს, ვაჟს ღვიძავს. გააღებს კარებს და ეტყვის: „ხალიჩავ, შენსა მზესა, შენი გამომცემლის მზესა, მიმიყვანე ცეცხლის დევთანო.“ — ხალიჩაც მიდის, მიფრინავს. ქალი იღვიძებს და ეუბნება: — ოჰ, შე ჩემი ცოდვის მუხანათო, გავიგე, მაგრამ მაინც მომატყუე. მოდი, ნუ ჩამაგდებ იმის ზელში, ცოლად შენ წამიყვანეო. — აბა, რა გიყო, არ გამიშვებ; ვერც მოვერევი, რომ მოვკლაო. — მაშ, მე გასწავლი. სამი წელიწადია ხომ ცალ გვერდზე წევს? — სამი წელიწადი, სამი თვე, სამი დღე, სამი საათი და სამი წამი. — ახლა ცალი გვერდი დამპალი აქვს. ველარ იძვრება. რომ მიხვიდე, გაუხასდი, გამოუცხადე და დაუძახე: „წითელო დევო!“ ის დაგიახებებს: „ჰა!“ „ვაი შენ და ცეცხლი, ხომ აგისრულე შენი გულის წადილი“. მაშინ მას მოეკიდება ცეცხლი და შენ დაგრჩებითო.

ამ დროს კიდევაც მივიდნენ ცეცხლის დევთან. ვაჟი ეძახის: — წითელო დევო — ჰა, რა გინდა? — ვაი შენ და ცეცხლი, ხომ აგისრულე გულის წადილი, მომყავს ჭეირნის ქალი, არც ახლა გამიშვებ! — თავისუფალი ხართო! დევს ცალი გვერდი დამპალი აქვს, მეორე გვერდსაც ცეცხლი ეკიდება და იწვის.

ესენი ისვენებენ. პური ჭამეს. შემდეგ გაემართნენ თავის სამეფოსკენ. დასხდნენ ხალიჩაზე. „ხალიჩავ, შენსა მზესა, შენი გამომცემლის მზესა, მიმიყვანე ჩემ მამასთან და ძმებთანო!“ ხალიჩა წავიდა. ესენიც ტბილად მღერიან. მივიდნენ ვადაზე. გავიდა სამი წელიწადი, სამი თვე, სამი კვირა, სამი დღე, სამი საათი და სამი წამი. სამ წამზე მივიდნენ სწორედ თავის დედ-მამასთან. ამ დროს პირველად დანიშნული გაუთხოვებიათ მეფის შვილზე. სხედან. დიდი მილოცვაა, დიდი სიმღერა, თაშაში და გართობა. ამ ხანში ესენიც შევიდნენ. უფრო გაუხარდათ მშობლებს, ძმებს. გაგრძელდა სამი დღე და ღამე ქორწილი. მოეხვია პირველად დანიშნულს და აკოცა მარჯვენა მხარზე. — შენ იქნები ჩემი და, მე ვიქნები შენი ძმა. იცხოვრეთ და იცოცხლეთ!

თვითონ უმცროსმა ძმამ ჭეირნის მეფე-ქალზე დაიწერა ჭვარი. გააგრძელეს მერმე ქორწილი. იყო დიდი ღვინი და დროსტარება.

ბერნადის შვილი

იყო და არა იყო რა, ღვთის უკეთესი რა იქნებოდა. იყო ერთი გლუხკაცი, გვარად ბერნადე. ჰყავდა სამი ვაჟიშვილი და ერთი ქალი. იმ დროს ისეთი კანონი იყო, ვაჟი რომ გაიზრდებოდა, სამი-ხუთი წელიწადი მეფეს უნდა მსახურებოდა.

როდესაც ოცი წლის გახდა უფროსი ვაჟი, მამას უნდოდა გაეგზავნა სამსახურის მოსახდელად. მამამ გაამზადა წასასვლელად. შეჭდა ცხენზე ვაჟი და წავიდა. მამაც შეჭდა ცხენზე, წაპოურბინა მეორე გზით და ქალაში შეხვდა წინ, ეუბნება: — გადმოდი ცხენიდანო. — ბიჭს გული გაუსკდა, დაბრუნდა სახლში. მამა მასზე აღრე მივიდა. — რა ამბავია, შვილო, რათ დაბრუნდიო? — დავბრუნდი, მამავ, ყაჩაღები დამხედნენ გზაში და კინალამ მომკლესო.

ახლა მეორე წავიდა მეფესთან. იმასაც ინე უყო... ვერ შესძლო. მესამესაც ასე დაემართა. როცა ყველა ძმა გაწბილდა, უმცროსმა ქალმა უთხრა მამას: — გამომაწყე, მამი, ბიჭის ტანისამოსით, მომეცი ცხენი, ხანჯალი, ხმალი, შევჯღები და წავაქლ, მე მოვიხლი მეფის სამსახურსო.

გამოაწყვეს ქალიშვილი. ქალი იცვამს ვაჟურად, დაიკაიებს ზმალს, ხანჯალს, ჯდება ცხენზე და მიდის მეფესთან. მამა ამასაც უხედება ისევე იმ ადგილას. — ჩამოდი ცხენიდანო! — მამაჩემს რომ არ ჰგავდე, ამ წუთში თავს მოგჭრიდი. წადი, ჩამომეცალეო. — მამამ იფიქრა: ეს უთუოდ ვარგისიაო. — მამ, წადი, საითაც მიდიხარ, დამილოცნია, შვილო, გზა შენთვისაო.

ქალი მიდის მეფესთან. მივიდა, გადმოხტა ცხენიდან, მუხლის-ჩოქით სთხოვა მეფეს: — გეახელით სამსახურისთვისო. რა საქმეს მომცემთ, მუშაობა სად დავიწყეო?

მეფეს ძლიერ მოეწონა მშვენიერი ყმაწვილი, ლამაზი, ტანადი. მისცა მსუბუქი საქმე.

ეს ვაჟი ემსახურება ბატონს. უყვარს ძლიერ. მეფეს ერთი გასათხოვარი ქალი ჰყავს. ამ ქალს ჩაუვარდა ეს ყმაწვილი გულში: თუ ეს არ შევირთე, რაღა ჩემი სიცოცხლეო, ფიქრობს. ვაჟი შედის ხშირად ქალთან. ქალი უერთებს გულითა და სულით სიყვარულს, მაგრამ ბერნადის შვილი ყურს არ უგდებს. მეფის ქალს ჩაეჭრა გულში დარდი. — თუ შენ ვერ მოგკლა, მაშინ მე რაღა ქალი ვარო!

ჩავარდა ქალი ლოგინად. შინაური ექიმები, გარეული ექიმები, ყველანი ადგანან თავზე, მაგრამ ქალს მაინც ვერ არჩენენ. მშობლები ეკითხებიან: — შვილო, რა მოგარჩენსო? არაფერს არ მარგებს ექიმე-

ბის წამლებიო. — მაინც, გვითხარი, რა გიშველისო? — გეტყვით, მაგრამ ძნელია. — რაა, შვილო, იქნება ისა სჯობს, გავიგოთ შენი გულის პასუხი. — მამავ, ვერავინ ვერ მომარჩენს მე ბერნაძის შვილის მეტი. — როგორ მოგარჩენს ბერნაძის შვილი? — იმას აქვს უნარი, უკვდავების წყალს მომიტანს. დავლევ თუ არა, მოვრჩებიო. — ქალმა იცის, ეს უკვდავების წყარო ისეთ ადგილას არის, რომ იქ ვერავინ მივა.

იბარებს ბერნაძის შვილს მეფე და ეუბნება: — ჩემს ქალს უნდა მოუტანო უკვდავების წყარო და მაშინ მორჩება. შენი იმედი აქუსო. — ბატონო, თქვენი წყალობით, თქვენი წყალობა არ მომაკლდება, სადაც გამგზავნით, ყველგან თავდადებული ვიქნებიო.

ბერნაძის შვილი მიემგზავრება უკვდავების წყაროს მოსატანად. ბევრს ივლის თუ ცოტას, მივა წყაროსთან. ამ წყაროს აქვს ალმასის კარები, თავისთავად იღება და იკეტება. როდესაც კარი გაიღება, თუ ვერ მოასწარი შესვლა, აქეთ-იქით ლომები აბია და ისინი შეგკაპენ. კარებთანაც არის ლომები. ბერნაძის შვილი შეებრძოლა ამ ლომებს და დახოცა. დაამტვრია კარები. შევიდა. წყაროს თავზე ზის ერთი მოხუცებული კაცი. წვერი აქვს მუხლებამდის დაფენილი და სახეზე ხავსი მოკიდებული. მოხუცმა უთხრა: წადი აქედან, შვილო, თორემ მოგკლავენ. ამ წყალს პატრონი მძღავრი ჰყავსო.

ბერნაძის შვილს სიცილად არ ეყო. აავსო ჰურჭელი უკვდავების წყლით. მიაწოდა ამ მოხუცს და უთხრა: დალიეო — დალია ხავს-მოკიდებულმა წყალი. ეს მოხუცი ისევ ისეთი გახდა, როგორც იყო ადრე. — მშვიდობით, შვილო, გმადლობ ჩემი განთავისუფლებისათვისო!

ბერნაძის შვილი კვლავ აავსებს ჰურჭელს წყლით. გამოემგზავრა მეფესთან, მივიდა და უთხრა მეფეს: მოგართვი უკვდავების წყალიო. შეუტანეს ქალს გახარებულმა მშობლებმა, ეგონათ ქალი ამით მორჩებოდა. ქალი უფრო ავად გახდა. ქალს არ უნდოდა ცოცხალი დაბრუნებულიყო ვაჟი.

— აბა, დალიე, შვილო, წყალი. ახლა კი წამლად მოგიხდებოდა ქალმა დედ-მამა დაითხოვა ოთახიდან, — მე დავლევო. გამოვიდნენ თუ არა, ჩემად დაღვარა წყალი და სურა დადგა ცარიელი. ისევ შევიდნენ მშობლები. — რა ქენი, შვილო, კარგია თუ არაო? — კვდები, ვეღარ მოვრჩებიო. — უფრო ავად გახდა ქალი, თავი მოიმკვდარუნა. — მაშ, რა გიყო, რა მოგარჩენს, შვილოო? — ბერნაძის შვილი. — წყალმა რომ არ გარგო? — მაინც მაგან უნდა მომარჩინოს. — აბა, როგორ და რით? — ამ ჩვენს დიდ მაღალ მთაში ირემი ცხოვ-

რობს თავისი შვილით. იმისი რძე უნდა მომიტანოს, დავლემ თუ არა, მოვრჩებიო.

დაიბარებენ ბერნადის შვილს.—უნდა წახვიდე და ირმის რძე მოიტანო, უთხრეს. — მოგართმევთ, ბატონო!

მიემგზავრება მთაში ბერნადის შვილი. უახლოვდება ირემს. ისეთი მძლავრია ეს ირემი, რომ მასთან მისვლას ვერაფერს ბედავს. სტაცა ხელი, წააბა თოკი ყელზე და მიიყვანა მეფესთან. მეფეს ძალიან გაუკვირდა. მოწველეს, რძე მიაართვეს ქალს. დალია, მაგრამ უფრო შეწუხდა. — რაღა ვქნა, შვილო, მოდი, ექიმებს დავუძახებ ისევო. — არა, მამი, მე მომარჩენს ბერნადის შვილიო.

ქალი მძიმე ავადმყოფი გახდა. — მაშ რა გიყო? ექიმები არა გწამს, არცა გრგებს მათი წამალი. — გეუბნები, მამავ, ბერნადის შვილი მომარჩენს. — როგორო. — იქ, დასავლეთის მხარეს, სამნი ძმანი არიან დევები. ერთი კოჭლი დევი არის მძლავრი, აი იმის ღვიძლს თუ მომიტანს, მაშინ მოვრჩები.

იბარებს მეფე ბერნადის შვილს: უნდა მოჰკლა კოჭლი დევი, გასჭრა და იმის მთლიანი ღვიძლი მოიტანო.

გასწია, მივიდა დევების სასახლეში. მიიღეს სტუმარი, კარგი მასპინძლობა გაუწიეს. გათენდა დილა. დევმა უთხრა: უნდა ვიბრძოლოთო. ბერნადის შვილი ეკითხება: ჯაჭვი ხომ გაქვს დიდიო? აბა, ვცადოთ, თუ გასწყვეტავ, თუ არა, მაინც ვიბრძოლოთო.

მოაბა ხეზე ჯაჭვი დევმა, გასწია და გაგლიჯა. ბერნადის შვილმა უთხრა: შავკრათ ერთი დიდი ყუთი, ჩააქვი შიგ, მიიწ-მოიწი, გასტეხავ თუ არაო. — გააკეთეს დიდი ყუთი. ჩასვეს შიგ დევი: მიიწ-მოიწი, დაამტკრევე თუ არაო.

დევმა ვერაფერი ვერ დააკლო, მაშინ დააქედა თავი, მაგრად დალურსმა. მერე ძმებს უთხრა: გაუკეთეთ გოგორები ყუთს, შეებით და წავიდეთ მეფესთანაო.

შეაბა ეს დევები ბერნადის შვილმა უღელში, თვითონ უკან გაჰყვა. მიიტანა მეფესთან ჭიჭინით. ამოიყვანეს დევი, დაკლეს, გასჭრეს, ამოაცალეს ღვიძლი, შეუწვეს და მიაართვეს ეს მეფის ქალს. — აბა, შვილო, ჭაპე და მორჩებიო. — ქალმა ჭამა, მაგრამ მაინც არ მორჩა. ამ ვაჟის სიყვარულს ვერ ინელებს. — მაშ რა გიყოთ, რა მოგარჩენსო? — ბერნადის შვილიო.

იბარებენ ბერნადის შვილს. ქალი ეუბნება: გაქვავებული ქალაქი რომაა, იმის ამბავს თუ მომიტან, მოვრჩებიო.

გაემგზავრა ბერნადის შვილი. ბევრი იარა თუ ცოტა, მივიდა გა-

ქვავებულ ქალაქში. მართლაც რას ხედავს: ყველა მოგზაური, მოვა-
ჭრე გაქვავებული არის.

ღალამდა. ერთი ადგილიდან გამოდის პატარა სინათლე. მიუახ-
ლოვდა შუქს, მივიდა ახლოს, არავინ არის. დააბა ცხენი მახლობლად.
ნახა ერთ კუთხეში გაქვავებული მეფე — ქალაქის თავი. შუალამის
დროს მოვიდა ერთი ქალი, რომელიც ყოფილა ამ მეფის ცოლი.
სცემს და აწვალებს. გავიდა რამდენიმე ხანი და ამ ქალს მოუვიდნენ
საყვარლები, მაშინ ეს ქალი წავიდა. მივიდა გაქვავებულთან ბერნაძას
შვილი და ეკითხება: რათა ხარ გაქვავებული და რათა სტირიო.

— ეს ჩემი ცოლი ჯადოსანია, მას ჰყოლია საყვარლები, რაც არ
ვიცი. მე მყავდნენ რაშები; ვაჭმევდი ნუშ-ქიშმიშს, მაგრამ რაშები
მანც დამიხდნენ. მეჩინებეს ვეჩხუბებოდი, რათ არიან დამხდრები-
მეთქი. მეჩინებე ვერ მიბედავს თურმე, ეთქვა, რომ, ჩემი ცოლი, შუა-
ღამე რომ გახდება, გაამზადებს ხარკს, გადაჰკიდებს ყველაფერს, შე-
სხდებიან რაშებზე მეჩინებესთან ერთად და ეახლებიან ქაჩეთის მე-
ფეს. იქ ქეიფობენ და მერე მოდიან სახლში ღამე. ერთ დროს მეჩინი-
ბეს ვუთხარი: მე უნდა ვუყარაულო-მეთქი ცხენებს. მეფე მეჩინიბეს
დახდის ტანისამოსს, მას მეფე იცვამს, მეფისას კი მეჩინიბე. მეჩინიბე
მიღის მეფის ოთახში, ისვენებს, მეფე კი რაშებს ყარაულობს. ამ
დროს შედის მეფის ქალი საყვარლებთან გასამგზავრებლად: — აბა,
ჩქარა შეკაზმე რაშები, მეჩინიბე!

ღატრიალდება მეჩინიბე, შეკაზმავს სამ რაშს. ერთზე თვითონ
შეჯდება, ერთზე სასპელ-საჰმელს აჰკიდებს და მესამეზე მეჩინიბე
ჯდება. მიღის ქალი გახარებული ქაჩეთის მეფესთან. იქ დიდხანს გა-
აგრძელეს ქეიფი, ხვეენა-კოცნა. ქეიფის შემდეგ უბრძანა მეჩინიბეს:
შეკაზმე რაშები, თორემ გათენება მოგვისწრებსო და მეფე შეგვი-
ტყობსო. მეჩინიბე შეკაზმავს საჩქაროდ. — გამობრძანდი, დედოფა-
ლო, მივდივართ! — ეტყვის მეჩინიბე. გამოვა დედოფალი, ერთ კარგ
სილას გაატყვამს: რატომ მარდად არ შეკაზმეო. — უკაცრავად, დე-
დოფალო, ცოტა შემიგვიანდაო. მოდიან. ცოტა გზა რომ გამოიარეს,
მეჩინიბემ უთხრა დედოფალს: დედოფალო, ხურჩინი დამავიწყდა
სახლში, ცოტა ხანი მოითმინეო. გარბის მეფე მეჩინიბურად ჩაცმული
და შევა, სადაც ქაჩეთის მეფე და ორი ვეზირია (დედოფლის საყ-
ვარლები), დააჭრის სამივეს თავებს, ჩაალაგებს ხურჩინში, მოიკი-
დებს ზურგზე და მორბის დედოფალთან. — ჰაი, რად დაიგვიანეო? —
ეუბნება დედოფალი.

მოჰკიდებს რაშს ხურჩინს. დედოფალი ერთ მათრახს წამოჰკრავს
კიდეე. მოასხდნენ ცხენებს და მოვიდნენ მეფის სასახლეში. დედო-

ფალი შევიდა თავის საწოლში. მეჭინბემ ცხენები დააბა საჭინბოში. მერე ხელდახელ გაიძრო თავისი ტანისამოსი, ჩააცვა მეჭინბეს. მეჭინბეს დახადა ტანისამოსი და თვითონ ჩაიცვა. მეჭინბე საჭინბოში რაშებთან წავიდა, მეფე თავის ოთახში შევიდა. დედოფალმაც საუზმე მიართვა თავის ქმარს, ვითომღა არაფერი. დასხდნენ ერთად. მეფემ ხურჩინი შეინახა. თან შეექცევიან საუზმეს, თან საუბრობენ. მეფე ეუბნება თავის ცოლს: წუხელ შესანიშნავი სიზმარი ვნახეო. — რაო? ჰკითხა დედოფალმა.

— არ ვიცი, რალაცა მომელანდა, ვითომ თქვენ ქაჯეთის მეფეს, და მის ორ ვეზირს ყვარობდით, აპირებდით წასვლას, მე ჩამეცვას მეჭინბის ტანისამოსი, მეჭინბეს ჩეპი ტანისამოსი. მეჭინბე დამეჩინოს ჩემს მაგივრად. მე შემეკაზმოს რაშები, ამეკიდოს სურსათი, მოვსულიყავით ქაჯეთის მეფესთან და იმ ღამეს მექეიფოს. მერმე მეუბნები შენ: ჩქარა წავიდეთ, გათენება მოგვისწრებს და გაგვიგებს მეფეო. მეც დავტრიალდი, შევკაზმე. თითქმის ცოტა შემიგვიანდა. ამაზე ერთი კარგი სილაქიც მქუუტეთ. გამოვცდით ცოტა გზას და მე გითხარ, ხურჩინი დამავიწყდა-მეთქი. თქვენ მომიცადეთ, მე გავიქეცი უკან. შევედი სახლში, სამივეს თავები დავაქერი, ჩავაწყვე ხურჩინში, მოვიტანე, დავიკიდე და წამოვედი სახლში. ასეთი უცნაური სიზმარი ვნახე.

— რას ამბობ, შე უხეირო, რას ბოდავ?

— აი, თუ რას! — გაპოილებს ხურჩინს, ამოილებს თავებს და ეუბნება:

— არც ახლა გჯერა? ამ დროს მისი ჯადოსანი ცოლი დასწყევლის თავის ქმარს, დაარტყამს ჯადოს, გადასწერს უკულმა ჯვარს ქალაქს და გაქვავდება მთლიანად კაცი და ქალი. მეფესაც გააქვავებს. ამ კაცს ესე აწვალებს. დღეში სამჯერ სცემს, ნახევარი ქვაა, ნახევარი ცოცხალი კაცი. ასეთია ჩემი ამბავიო.

ამ დროს მოვა ქალი საცემრად. ბერნაძის შვილი მოემზადა, იკრეფს მთელს ძალას, სტატებს დედოფალს ხელს თმაში: თუ გინდა, რომ გაცოცხლო, დამლოცე, თუ არა და მოგკლავო. — წაართვა ჯადო.

— როგორ დაგლოცო? — ისე დამლოცე, თუ ქალი ვიყო — ბიჭად ვიქეცე, ბიჭი ვიყო — ქალად ვიქეცო. — მართლაც დალოცა. იქცა ეს ქალი ბიჭად. დალოცა ქალაქი: როგორც ყოფილა, ისევ ისე იყო-სო. მოძრაობდეს ისე, როგორც მოძრაობდაო. — გააცოცხლე შენაქმარი, დალოცეო! — გაცოცხლდა მეფეც. მერე ბერნაძის შვილი დედოფალს კლავს. მოუტანა ბატონს დედაქალაქის ამბები. უთხრეს

ქალს: ახლა მორჩები თუ არა, ხომ მოგიტანა იქაური ამბებიო? —
თუ შემირთავს ბერნადის შვილი, მოვრჩებიო — აბა, ბატონო, მე რა
თქვენი საკადრისი ვარ, მე გლეხი ვარ, თქვენ ბატონიო.

მეფეს ძალიან მოსწონს ბერნადის შვილი. დართო ნება. ბერნადის
შვილმა თანხმობა მისცა ქორწინებისა და ქალიც მორჩა. იქორწილეს.
ახალგაზრდული სიყვარული აფრქვეის ერთმანეთს. დედ-მამაც მოიყ-
ვანეს და ცხოვრობდნენ ტკბილად.

მთას ურემი ავიტანე. წამოვიდა გორებითა.

აქ სიციცხლით ბრძანდებოდეთ, საიქიოს ცხოვნებითა.

ტყეში სახრე გამოვკერი. გამოვიდა ნავადა,

თუ მე სიტყვა შეგაწყინეთ, ნუ იქნებით მწყარალადა.

ზღაპარი ხელმწიფის ცოლისა, გველი რომ გაუჩნდა

იყო და არა იყო რა, იყო ერთი ხელმწიფე. ამ ხელმწიფეს შვილი
არა ჰყავდა. ღმერთს ევედრებოდა, ღმერთო, ერთი შვილი მომეციო.
ზოლოს დაორსულდა ხელმწიფის ცოლი. გაუხარდა ხელმწიფეს და
ბევრი ზვარაკი დაკლა და ბევრიც გასცა საწყალ ხალხზე. როცა დრო
მოუვიდა მშობიარობისა, ნახეს, რომ გველი ეყოლა. დაღონდა ხელ-
მწიფე: ნეტავი შვილი სხვისაც არ გამეგონაო! მაგრამ რას იზამდა,
შვილი იყო, ხომ ვერ მოკლავდა. ეს გველი იზრდებოდა, და ნახეს,
რომ ყმაწვილებს დაუწყო ქამა. ორმო გათხარეს, რბილად ჩაფინეს
და შიგ ჩააგდეს. ეს გველი ადამიანის მეტს არაფერსა სჯამდა. ყოველ
ღამეში ერთს უგდებდნენ. თუ მოაკლებდნენ, წიოდა, რომ იმის წივი-
ლი ცაში ადიოდა.

ერთ სოფელში ცხოვრობდა ერთი საწყალი ცოლ-ქმარი და ჰყავ-
დათ ერთი ქალი. იმ კაცს ცოლი მოუკვდა და დარჩნენ მამა და შვილი.
ამ კაცმა სხვა ცოლი მოიყვანა და იმასაც მოჰყვა ერთი გერი ქალი.
ამ გველვეშაპის სადილ-ვახშმის ბეგარა რიგით მოჰყვა, ჯერი ამ გლეხ-
ზე მიდგა. დედაკაცმა თქვა: თვალმც გამოსქდება, სწორედ
ახლა ჩემ შვილს გაეუგზავნიო, შენი შვილი გაუგზავნე, რაც გინდა
ქენიო.—ძალიან კარგი. ჩემ შვილს გაეუგზავნი, ხელმწიფის წინააღ-
მდეგი ხომ არ გავხდებიო.—ისე რომ მეორე დღეს უნდა წასულიყო
ქალი. იმ ღამეს ქალმა სიზმარი ნახა: არ შეგეშინდეს, შენ უნდა ხელ-
მწიფის რძალი გახდეო. რომ მიხვალ, ხელმწიფეს რასაცა სთხოვ, შე-
გისრულებს. უთხარი: შენ რომ ცხვარში ყვითელი ბატკანი გყავს, ის

დაიკალი და მომიხარშე-თქო, ოქროს სინზე დამიწყვე და მომიტანე-თქო. დაგიკლავს, მოგიხარშავს, დაგიწყობს ოქროს სინზე. დაიდვი თავზე და რომ დაღამდეს, პირდაპირ ჩაეარდი ორპოში, არ შეგეშინდესო. — მეორე დღით წავიდა ეს ქალი უშიშრად და ყველას უკვირდა, რომ ტირილი არ მოსდიოდა. წავიდა. მივიდა ხელმწიფესთან. ხელმწიფეს უთხრა: ბატკანი უნდა დაიკლაო. — ამაზე ხელმწიფემ უარი გამოუცხადა. მაგრამ ქალმა უთხრა: — თუკი მე შენი შვილიათვის თავი გამოვიმეტე და ჩემი ფეხით მოვედი, შენ ერთი ბატკანი არ გემეტებაო?

რალას იზამდა, ხელმწიფემ აუსრულა და დაუკლა ყვითელი ბატკანი, მოუხარშა და დაუწყო სინზე, და რომ დაღამდა, დაიდგა თავზე სინი და ჩახტა ორპოში. იმ ღამეს არავის არ ჩაუხედავს. მეორე დღით ჩაიხედეს, ნახეს ქალი და ვაჟი ერთმანეთს ჩახუტებიან და სძინავთ. ხელმწიფეს ახარეს: წამობრძანდი, შენი თვალითა ნახე, რა სანახავიაო. — ხელმწიფე ლოგინიდან წამოხტა ტიტლიკანა და ხელმწიფის ცოლიც დაედევნა. რომ ნახეს, სიხარულით გულეები წაუვიდათ. როცა გონზე მოვიდნენ, ხელმწიფემ ბრძანება გასცა: — ისე ამოიყვანეთ, რომ არ გაიღვიძონო. ჩაუშვეს ორი კაცი საკაცით და ისე ფრთხილად ასწიეს და დადეს რომ არ გაუღვიძიათ. ამოიყვანეს, საკუთარ ოთახში მოიყვანეს და ოქროს ქსოვილ ლოგინში ჩააწინეს. ერთი ხელი ვაჟური ტანსაცმელი დაუწყვეს. ქალს გამოეღვიძა და ბიჭიც გააღვიძა, ტანისამოსი ჩააცვა და აღგნენ. შეცვივნენ ხელმწიფე და ხელმწიფის ცოლი და დაუწყვეს კონცა და ღმერთს ევედრებოდნენ იმ ქალის გაჩენისთვის.

ხელმწიფემ გამართა დიდი მეჯლისი და დიდი ქორწილი გადაიხადა, მთელი ორი კვირა სუფრა აულებელი იყო. ეს საწყალი ქალი გახდა ხელმწიფის რძალი. ეს ამბავი რომ დედინაცვალმა გაიგო, თქვა გუნებაში: ნეტავი რალა მიქნია, რო ჩემი გერი ხელმწიფის რძალი იყოს და ჩემი შვილი კი აქ მყავდესო. ჩაიცვა საგარეო ტანისამოსი და წავიდა. მივიდა ხელმწიფის სასახლეში და უთხრა კარის კაცებს: — უთხარით ხელმწიფეს, შენი რძლის დედა მოვიდა და ქალის ნახვა უნდა-თქო. — ხელმწიფეს მოახსენეს, ძალიან გაუხარდა და ბრძანა, მოიყვანეთო. მოიყვანეს. ხელმწიფემ ხელი ჩამოართვა, მოიკითხა, სიძე და ქალიც ნახა, დაკონცა და მიულოცა ბედნიერება. იმ დღით იქ დაანარჩუნეს, აქეიფეს და იმავე ღამეს უთხრა, თუ შეიძლება ერთი-ორი დღით ჩემს შვილს წავიყვანო. ქალმა უარი თქვა და ბიჭს უთხრა, არ გამაყოლო, თორემ ინანებო. ბიჭმა უარი უთხრა სიდედრს, მაგრამ არ მოემშვა. იმდენი ქნა, რომ დაიყოლია წასაყვა-

ნად. ქალმა იცოდა, რაც მოელოდა, მაგრამ მათი ხათრით უარი ვე-
ლარ თქვა.

წამოიყვანა ეს ქალი. შინ რომ მოიყვანა, მაშინვე უთხრა: ჩქარა
გაიხადე ეგ ტანისამოსიო, ნეტავი კი რაღა მიქნია, შენ ხელმწიფის
რძალი იყო და ჩემი შვილი კი აქ იჯდესო. გახადა ტანისამოსი, წა-
აქცია და დანა დააჭირა ყელზე, უნდა მოგკლავო. ქალი შეეხვეწა: ნუ
მომკლავ, ხეთის ფიცს გაძღვევ, არსად არ ვიტყვიო, გამიშვი, წავალ
საითმე, დავიღუპებიო; ერთი სიტყვით, ჩვენ სახელმწიფოში აღარ
დავდგებიო. მაშინ აღარ მოკლა. ჩააცვა თავისი ქალის ძველმანი და
გაუშვა. იმისი ტანისამოსი კი თავის ქალს ჩააცვა და ორი დღის
მერე წაუყვანა ხელმწიფის შვილს. რომ მოუყვანა, გაუხარდა ხელ-
მწიფის შვილს. დედაკაცი ჩქარა წამოვიდა, ქალი კი იქ დატოვა.
ხელმწიფემ და დედოფალმა ვერა გაიგეს რა, მხოლოდ ბიჭმა კი მა-
ლე შეამჩნია: ეს ქალი ისე აღარ იქცევა. ბიჭი სახტად დარჩა, რა და-
ემართა ორ დღეში, ეგრე როგორ გაჰოცივალავო, მაგრამ ხათრით ვერ
ეუბნება დედ-მამას. ეს ბიჭი ზეზეურ ჩამოხმა დარღისაგან. აჲ მათ
თავი დავახებოთ და გადავიღეთ იმ ქალთან, დედინაცვალმა რომ
სახლიდან გააგდო.

წავიდა ეს ქალი და დაიწყო მათხოვრობა. როცა ორი დღის საგ-
ზალს იშოვიდა, თან მიდიოდა. იმდენი ქნა, გადავიდა სხვა სახელმწი-
ფოში. შევიდა ერთ ტყეში და ტყის ნაყოფს დაუწყო ჰამა: შინდს,
ზღმარტლს, პანტას, მაჟალოს და კუნელს. იარა, იარა და ბოლოს
ერთ ტრიალ მინდორს მიადგა. ნახა ერთი პატარა ეკლესია დგას,
თქვა: მოდი, მივალ, პირჯვარს დავიწერ, იქნება ღმერთმა მომხედო-
სო. მოვიდა, ნახა, კარი არ იყო დაკეტილი. შეაღო კარი და ნახა, რომ
შიგ ერთი მიცვალებული ასვენია, ვაჟი იყო. გვერდზე მონადირის
იარალი ელაგა, თავით ერთი პური ედო, ერთი კერძი ქათმის ხორცი
და ერთი ღოჭი ღვინო ედგა. დაჭდა და ნახევარი პური შეჭამა, ნახე-
ვარი კერძი ქათამი და ნახევარი ღოჭი ღვინო დალია. წავიდა უკან
და საკურთხეველში დაიმალა.

მზე რომ ჩავიდა, ეს მკვდარი წამოჭდა, მოიფშენიტა თვალები,
კერძს რომ დახედა, ნახევარი იყო: ღმერთო, შეღმუვლა, შე და-
ლოცილო, ისეთი რა შეგკოდე, რომ აქამდე სრული კერძი მქონდა,
ძლივს მყოფნიდა. ახლა ეგეც გამინახევრეო. შეჭამა, რაც იყო, შე-
ისხა იარალი და წავიდა. გათენებამ რომ მოატანა, მოვიდა, ისევე
დაწვა და მოკვდა. ისევე სრული კერძი დაედგა, ეს ქალი კიდე გამო-
ვიდა, ჰამა ნახევარი კერძი და წავიდა.

იარა, იარა ტყე-ტყე და საღამოთი მოვიდა. მეორე დღესაც ეგრე

უყო. მერე ამ ბიჭს რომ არა ყოფნიდა, თქვა: ანამც ხეთისგან არ იყოს და აქ იყოს ვინმე, გამოდი, ნუ გეშინიან, არას გიზამო. ვაჟი ხარ, ძმობას გეტყვი და ქალი ხარ — და რადაც შენ ისურვებ, იმად მივიღებო, თუ გინდა დად. თუ გინდა ცოლალო. — მაშინ გამოვარდა ეს ქალი და უთხრა: შენ ქმარი და მე ცოლიო. — მოეხვივნენ ერთმანეთს და დაკოცნეს. ქალმა თავისი თავგადასავალი უთხრა და ბიჭმა თავისი. ბიჭმა უთხრა: — კარგი, მაგრამ მე რომ დღისით მკედარი ვარ და ვერა ვმონაგრობ, ეს ერთი კერძი რას გვეყოფათო. ქალმა უთხრა: ნუ გეშინია იარალი გვაქვს, დღისით ვინადირებ, ცეცხლს გავაჩენ, ნადირს მოვკლავ, მოვიტან და იოლაღ წავალთო. დარჩა ის ქალი იმასთან და ძალიანაც უყვარდათ ერთმანეთი. ამასობაში ეს ქალი დაორსულდა. როცა თვეში ჩადგა მშობიარობისათვის, ბიჭმა უთხრა: — ახლა როგორ მოვიქცეთ, თუ ღამე მოგიხნდა მშობიარობა, მე მოგეშველები, მაგრამ ვაი თუ დღისით მოგიხდეს, ვინ იქნება შენი პატრონიო. მოდი, შენ წადი მამაჩემთან, ძალიან მოწყალე ხელმწიფეა ჩემი სახელი ახსენე და უთხარ: ღმერთი იმას გაპოვინებს, მგზავრად მოვეტანე. მშობიარობამ გზაში მომისწრო და თუ ერთი პატარა ოთახი გაქვთ, მომეცი-თქო. მოგეცემს, მხოლოდ სხვებიც ბევრი დგანან გლახები და შენ ფანჯარას ნიშანი დაადე, რომ ღამე მოვიდე და ვიცოდე, როგორ არის შენი საქმეო.

წავიდა ეს ქალი და ხელმწიფესა სთხოვა: შენი დაკარგული შვილის პოვნას, ერთი პატარა ოთახი მომეცი, მშობიარე ვარ და მგზავრად მოვეტანეო. მაშინვე მოსამსახურეებს უბრძანა: ერთი სუფთა ოთახი მიეცი და ერთი ხელი ლოგინიო. ღამთა, ტანისამოსი და საქმელი ყოველდღეო და როცა მშობიარობა ჰქონდეს, ბებიაც მოუხუანეთო. დარჩა ის ქალი იმ ოთახში და ფანჯარას ქაღალდი გამოსწრა. იმ ღამეს ბიჭი მოვიდა, ფანჯარაზე დაურახუნა და ჰკითხა, როგორა ხარო? — ქალმა უთხრა: — ძალიან კარგადა ვარ და ძალიანაც კარგა დავბინავდიო. უეჭველად ხვალ მშობიარობა მექნება, ვატყობ, მუცელი ნელ-ნელა მტკივაო. ბიჭი გამოემშვიდობა, წავიდა და უთხრა: — ხვალ საღამოს ამ დროს მოვალო და ბიჭი დამახვედრეო. — მართლაც, მეორე დღეს ბიჭი ეყოლა. საღამოს მოვიდა ის ბიჭი და ბევრი ურახუნა კარი, მაგრამ ქალი ლოგინზე იწვა და ვერადგა. გარედან შესძახა: — როგორა ხარო? — ძალიანაც კარგი ვარ და ბიჭიც დავახვედრეო, მხოლოდ ეს არის. რომ ბავშვის შესახვევები არა მაქვს. მოახლეები ყურს არ მიგდებენ და ხელმწიფესთან კიდეც, აბა, ვინ მიმიყვანსო. — ბიჭმა უთხრა: — რა იცის მამაჩემმა,

თუ არა, ოქროქსოვილში არ ჩაგაწვენს და ყმაწვილსაც ოქროს აკევან-
ში არ ჩააწვენსო! — გამოემშვიდობა ბიჭი და წაიღია.

ეს მკვებლებმა სულ წმინდად გაიგეს და ხელმწიფეს აშბავი მო-
უტანეს. ხელმწიფემ დალანძლა ყარაულები, რატომ არ დაიჭირეთო.
მკვებლებმა უთხრეს: — იარაღით იყო და იმიტომ ვერ შევბედეთო.
მოვიდა ხელმწიფე და ქალსა ჰკითხა: — ვინ არის რომ მოდისო? —
ქალმა უთხრა, ჩემი ქმარიო.—მაშ, რატომ დღისით აქ არა რჩებაო?
ქალმა უნაპო ყველაფერი, როგორც შეხვდა ბიჭს და როგორც არის,
დღისით კვდება, ღამე ცოცხლდება და სახელიც ამბროსი ჰქვიაო. —
ხელმწიფემ უთხრა: ალბათ ნათქვამი ექნება რისგან მოსვლიაო. —
ქალმა დაიწყო: — ეგ ვაჟი სანადიროდ ყოფილა, ირმისთვის თოფი
უსვრია, ირემს არ მოხვედრია, წასულა ტყვია და მზის სხივს მო-
ხვედრია. მზე ძალზე გაჭაგრებულა და დაუწყევლია. ტყეში ერთი
ბატარა ეკლესია არის, მოუკლავს და იმაში დაუსვენებია. ღამე ცო-
ცხლდება და დღისით კი მკვდარია. საზრდოდ ღვთიდან ერთი კერძი
აქვს მიცემული დღეში. ერთი პური, ერთი კერძი ქათმის ხორცი და
ერთი დოქი ღვინო. — ხელმწიფემ უთხრა: ეგ ხომ ჩემი შვილიაო.
ქალმა უთხრა: მე ვიცი, თვითონ მან გამომგზავნაო. ხელმწიფემ უთხ-
რა: — ამაღამ რომ მოვიდეს. შინ შემოიტყუე, ეგებ დაეიჭიროთო.
თუ არ შემოიტყუებ, მაშინ შენ დაგახჩიობო. ორი წელიწადია, არ
მინახავს, მთელი ქვეყანა გადავაბრუნე და ვერსად ვიპოვეო. უთხ-
რა, — ყოჩაღად მოიქეცითო.

იმ ღამეს მოვიდა, დაუბრაახუნა და ჰკითხა: — როგორა ხარო?
— კარგადა ვარ, მხოლოდ შემოდი, არ გინდა შენი ძე ნახო? — რა
უქნა, ალაგს ველარ მივალწევ და უადგილო ადგილას მოვკვდები სა-
მუდამოდო. — შემოდი, დიდხანს არ გააჩერებო. — შევიდა თუ არა,
კარი ჩაუკეტეს და დაიჭირეს. ბევრი ეხვეწა, მაგრამ არ გაუშვეს,
ხელმწიფეს შეატყობინეს. მოცუედნენ ხელმწიფე და დედოფალი,
ნახეს თავიანთი შვილი, მოეხვივნენ და ჰკოცნიდნენ. გათენდა დილა
და ეს ვაჟი მოკვდა საბოლოოდ, აღარც დღე ცოცხლობდა და აღარც
ღამე. ჩამოვარდა იმ ქალაქში გლოვა და საცოდაობა. სამი დღე-ღამე
თავებს იხოცავდნენ და მერმე უნდა დაემარხათ. ქალმა უთხრა: არ
დამარხოთ, ეს მკვდარი არ არის, ამის წამალი უნდა ვიშოვოთო.

წავიდა ეს ქალი და ყმაწვილი იქ დატოვა. მიდის და თვითონაც
არ იცის, სად მიდის. ერთ ადგილას ვენახში გადავიდა და ბილიკზე
მიდიოდა. ნახა, რომ ერთი ბებერი და ერთი ქალი ვენახს მარგლიან.
ქალმა უთხრა: ბებო, ჩვენ ქალაქში რა დიდი ცოდო მოხდაო, ხელმ-
წიფის შვილი რამდენი ხანი დაკარგული იყო და თურმე დღისითა

კვდებოდა და ღამე ცოცხლდებოდა, ახლა სამუდამოდ მომკვდარაო. რომ ნახოთ, ისეთი სანახავია, გეგონება—სძინავსო.—ქვ შვის მკვდარია, მე ვიცი მაგის წამალი, მაგრამ მე ვინ დამიჯერებსო. ეჰ, შვილო, პატრონი რომ ჰყავდეს, გაიმეტოს თავი, წაივლეს მზის ღელასთან, მზის პირის ნაბანი სთხოვოს, მოუტანოს და იმაში აბანოს, სამუდამოდ გაცოცხლდებაო.—ქალმა რომ გაიგო, გაუხარდა და მივარდა ბებერთან, კარგად გამოჰკითხა და წავიდა.

იარა, იარა. ბევრი ტანჯვა გამოიარა და მივიდა მზის ღელასთან და უთხრა თავისი გაჭირვება. მზის ღელამ ქალი დამალა და მზე რომ მოვიდა, ღელამ უთხრა: — შვილო, ამქვეყანაზე დახვალ და მიახმებ, რა ნახეო? — ეჰ, ღელავ, ქვეყანაზე ბევრ რამესა ვხედავ, მაგრამ ერთ ქალაქში რომ საცოდაობა მოხდა, იმისთანა არაფერიაო. — ასეთი რა მოხდაო? — ჰკითხა ღელამ. შვილმა უთხრა: — მე შენთან ნათქვამი მაქვს, რომ ერთმა ხელმწიფის შვილმა გამაჯავრა და მოკვალი ისე, რომ სანამ ჩემი შუქი არის ხველეთზე, ის მკვდარი უნდა ყოფილიყო, მხოლოდ ღამე უნდა გაცოცხლებულიყო. ერთ პატარა ეკლესიაში ესვენა, თავის საკუთარი კერძიც მივეცი: ერთი პური, ერთი კერძი და ერთი დოქი ღვინო. ამ პირობით ყოველ დღია, სანამ მე ამოვიდოდი, სწორედ ამ ალაგას უნდა მოსულიყო და იქ უნდა მომკვდარიყო, თუ სხვაგან გაუთენდებოდა, სამუდამოდ მოკვდებოდა. ახლა ის მამასთან წასულა, მამას ადარ გამოუშვია და სამუდამოდ მომკვდარა. ახლა იმას რომ ჰყავდეს თავგამოდებული ვინმე და ჩემი ხელპირის ნაბანი წაილოს და იმაში აბანოს, მთლად გაცოცხლდებაო. ღელას გაეცინა. მზემ უთხრა: — რა გაცინებს, ღელაო? — ღელა მოეხვია, დაკოცნა და უთხრა: საწყალი იმისი ცოლი დამალული მყავს. ხომ არას უზამო? — არა, ღელავ, მამინ გამაჯავრა და მოკვალიო. მას აქეთა ვნანობ, მაგრამ სხვა წაშალი არა არის რაო. ჩემი პირის ნაბანი ჩაუსხი ოქროს სურაში, გაატანე და ნუგეშიც ეცაო.

მეორე დღით მზემ ხელ-პირი დაიბანა, ჩაასხეს სურაში და გამოატანეს. წამოვიდა გახარებული. მოვიდა. ხელად გაბანეს და ბიჭი წამოდგა. თვალები მოიფშენიტა და თქვა: — ეჰ, რა ერთი მძინებიაო. — გადაეხვივნენ და ყველამ სათითაოდ დაუწყეს კოცნა და არ იცოდნენ, რა ექნათ. გამართა ხელმწიფემ მეჭლისი, დიდი ქორწილი და შვილსა და რძალს ჯვარი გადასწერა. ახლა ამათ აქ თავი დავენებოთ და გადავიდეთ გველკაცთან.

როცა მეორე ქალი მოუვიდა, ვაჟმა მაშინვე იგრძნო და შეატყო მიხვრა-მოხვრაში, ლაპარაკში, მაგრამ ვერ ამბობდა, რადგან ტყუილად: ქალმა მაშინვე უთხრა, დედინაცვალს ნუ გამატანო. ეს ბიჭი

დარდისაგან გახდა ავად. მოჰყავდათ მთელი ქვეყნის ექიმები, მაგრამ არაფერი წამალი არ უდგებოდა და ყველა იმას ამბობდა, ამას რაღაცა დარდი აქვსო. დედ-მამა ეკითხებოდა: — რა გაქვს, შვილო, დარდი, გვითხარი და აგისრულებთო. — მაგრამ ბიჭი არაფერს არ ამბობდა, ან რა უნდა ეთქვა, ცოლი შემიცვალესო, ხომ ვერ იტყვოდა. მერე ექიმებმა ურჩიეს, გაგზავნე სხვა ქვეყნებში, გაატანიე დიდძალი საქონელი, მოვაჭრენი გააყოლე, ვაჭრობაში გაერთობა, გულს გადააყოლებსო და შეიძლება კარგა გახდესო. ეგრეც აასრულეს. გაგზავნეს სხვა ქვეყნებში, გაატანეს ჯორ-აქლემებით საქონელი და ხელქეითები.

ბევრი იარეს თუ ცოტა იარეს, სწორედ იმ ქალაქში ჩამოხდნენ, სადაც იმის პირველი ცოლი იყო. დაეხვია დიდძალი მუშტარი. გავარდა ხმა: სხვა სამეფოდან დიდი ვაჭარი მოსულა და დიდი ძალი საქონელი მოუტანიაო. ხელმწიფის შვილმა უთხრა თავის ცოლს: გავიაროთ, ვნახოთ, იქნება მოგვეწონოს რამეო და ვიყიდოთო. — ძალიან კარგო, — უთხრა ცოლმა. გაიარეს, ნახეს. რაც მოეწონათ, იყიდეს. ახლა კი რაკი ამ ქალმა და ვაქმა ერთმანეთი ნახეს, მაშინვე იცნეს ერთმანეთი, მაგრამ არაფერი არა თქვეს. ამ ქალმა უთხრა თავის ქმარს: — პატიოსან ვინმესა ჰგავს, დაჰპატოე სადილად და უთხარი, საქონელიც თან წამოიღოსო. აქ რომ რამე შეემთხვეს, ჩვენი სირცხვილი იქნებაო. — მერე უთხრეს: ვაჭრობას რომ მორჩე, ჩვენთან მობრძანდი სადილად და საქონელიც თან გადმოიტანეო. ვაქმა უთხრა: მე აქაური ხელმწიფის შვილი ვარო, და ეს ჩემი ცოლიაო. — კეთილი და პატიოსანიო, — გაუხარდა სტუმარს.

სალამოს დაკეტა სავაჭრო, დაჰკიდა ჯორ-აქლემსა და გადავიდა ხელმწიფის სასახლეში. დასხდნენ და კარგად იქეიფეს, ბოლოს ყველანი წავიდ-წამოვიდნენ, ქალმაც დაიძინა და დარჩნენ მარტო ხელმწიფის შვილები. მაშინ გველკაცამ უთხრა: — ერთი რამე უნდა გკითხო და არ დამიმალოო. ვაქმა უთხრა: — ბრძანეო, თუ ვიცი, არაფერს არ დაგიმაღავო. — გველკაცამ უთხრა: მართალია, მეხატრება, მაგრამ უთქმელობაც არ შემიძლიაო. შენ უნდა მითხრა, ეგ ქალი სად იშოვე, ცოლად რომ შეგირთავსო. — მერე ხელმწიფის შვილმა უთხრა: ჩემი საქმე არაკიაო. დადგა და წვრილად უამბო. გველკაცამ გაიცინა და უთხრა: ეს ქალი წინათ ჩემი ცოლი იყო, ჩემი საქმეც საარაკო არისო, მაგან მომარჩინაო. დადგა და დაწვრილებით უამბო თავისი თავგადასავალი: ამ ქალსა ჰყოლოდა დედინაცვალი, დედინაცვალსაც ჰყოლოდა ერთი ქალი, შეშურებოდა გერის ხელმწიფის რძლობა და ერთ დღეს მოვიდა, გვითხრა ერთი-ორი დღით ჩვენთან

წავიყვანო, და მეც ნება დავრთე, რა ვიცოდი, რაში იყო საქმე. თუმცა ამან მაშინვე უარი მითხრა, ნუ გამატანო. მე კიდევ ვუთხარ: წადი, ნუ აწყენინებ-მეთქი. წაიყვანა და ამისი ტანისამოსი თავისი ქალისთვის ჩაეცმევინა და მომიყვანა და ეს კიდევ გაეგდო. მე მაშინვე ვიგრძენი, მაგრამ ვერ გავაზნილე ჩემ დედ-მამასთან. რა სათქმელი იყო, ცოლი შემიცვალეს-მეთქი; ყველა სასაცილოდ მე ავიგდებდა, რისთვის გაგზავნეო, ავდექი და ჩემ გულში ეხარშავდი ჩემ ბოღმას. გავხდი ავად და მერე ექიმებმა ურჩიეს მამაჩემს, სავაჭროდ გაგზავნე, გულს გადააყოლებსო. ავდექი და წამოვედი. ახლა როგორც გინდა იფიქრე, შენთვისაც დიდი საკეთე გაუწევია და ჩემთვისაც და როგორ მოვახერხოთ? შუაზე გავჭრათ, არც შენთვის იქნება, არც ჩემთვისაო.

იქაურმა ხელმწიფის შვილმა თქვა, მოდი ერთ რამეს ვიტყვიო: — ხვალე მზარეული დავარიგოთ, მაგისტვის სულ მლაშე საქმელი მოამზადოს, სადილი დიდხანს გავაგრძელოთო. მერე ეგ გავა თავის ოთახში დასაძინებლადო, მოახლე დავარიგოთ: შინ წყალი არ დაანარჩუნოს და გარედან კიდევ კარი დაუკეტოთ. ძილში წყალი მოსწყურდება, ადგება და წყალს ძებნას დაუწყებს, ახლა კარებს ეცემა, კარი დაკეტილი დაუხვდება, ახლა მოახლეს დაუწყებს ძახილს და მოახლე ხმას ნუ გასცემს, ბოლოს, რომ შეწუხდება, ვნახოთ ვის სახელს დაიძახებს. ვის სახელსაც დაიძახებს, ეს ქალიც იმას დარჩესო. ეგრეც მოახერხეს.

მეორე დღეს სადილზე მლაშე საქმელები აჭამეს. იმ ქალს ეგონა, სუყველასი ეგრეაო. ბოლოს დრო რომ გადიოდა, ადგა ქალი, ბოდიში მოიხადა და წავადა თავის ოთახში დასაძინებლად. როცა დაეძინა, მოახლემ, როგორც დარიგებული იყო, წყალი აართვა და გარედან კარი დაუკეტა. ქალს რომ გამოეღვიძა, წყალი ძალიან სწყურროდა, წამოხტა და ლიტრას ეცა, მაგრამ ცარიელი იყო. მივიდა კართან, კარიც დაკეტილი დაუხვდა, ბოლოს, რომ შეწუხდა, დაიძახა: — გველკაცავ, ღმერთი არა გყავს, ერთი წყალი დამალევიწიეო. — წამოხტა მაშინვე და მიუბრუნინა წყალი. მაშინვე დაჰკრეს ტაში და უთხრა: — ალალი იყოს, შენი სიყვარული უფრო ჰქონია და შენი უპრიანიოა. — მეორე დღეს დიდი მეჭლისი გადაუხადეს და გაისტუმრეს. გველკაცა გახარებული მივიდა შინ და თავის მეორე ცოლს უთხრა: — აი ჩემი ცოლი ეს არის, შენ სად მოსდევდი დედაშენსაო? — დაიბარეს ის დედაკაცი, მოიყვანეს ცხენი, ძუაზე მოაბეს ქალიცა და ის დედაკაციც და დააჩქლეთინეს ცხენს. მოიყვანეს იმ ქალის მამა და თავიანთთან აცხოვრეს. ისე ინახავდნენ, ცივ ნიაეს არ

აკარებდნენ. ადგნენ, ხელმეორედ ქორწილი გადაიხადეს და ცხოვრობდნენ და ხარობდნენ.

ელასა მელასა, ჭიქა ჭეკიდა ყელასა,

ღმერთმა ყველას გავიმარჯოთ, მთქმელსა და გამგონესაცა.

ხელმწიფის შვილი

იყო ერთი ხელმწიფე, ჰყავდა ერთი ვაჟიშვილი. ხელმწიფემ უთხრა: — შვილო, უნდა დაგნიშნო შენაო. — კარგი, თუ დამნიშნავ, ამომავალი ხელმწიფის ქალი მინდა. თუ მომიყვან იმას — სხვა არ მინდაო. — ის ღარიბი ხელმწიფის შვილიაო, — უთხრა მამამ, — მდიდარი ხელმწიფის შვილი ითხოვეო. — ის მე არ მინდა, მე ვინც მინდა, ის უნდა მოვიყვანოო. — არა, შვილო, ჩემი ხარ და ჩემ სიტყვაზე უნდა გაიაროო. — გაჯავრდა ეს ვაჟი, გამოიყვანა ცხენი, გამოიტანა ნაბადი, თოფი, შექდა ცხენზე და გაუდგა გზას. გადავიდა ტყეში, იპოვა ერთი გამოქვაბული, შეიყვანა ცხენი, დააბა შიგა, გავადა თვითონ სანადიროდ. დღეში ერთ ირემს მოჰკლავდა. ეს ერთი კაცი იმ ირემს ვერა სჰამდა, ნახევარ ირემს ისევ ავდებდა. იცუნცულა ერთმა მშვიერმა მელამ და მიაგნო ამ აყროლებულ ლეშს, ერთი არწივიც მიფრინდა იქ, ერთიც კატა, ერთიც კურდღელი მივიდა. გახდნენ ამხანაგები.

მელამ თქვა: — მოდი ერთი, მშვიერ დათვისა და მგელს დავუძახებ, ამ ძვლებსაც იმათ ვაქმევო. გავიდნენ ისინი — დაუძახეს და მოიყვანეს. ამათ იცხოვრეს ერთ კვირას ასე. ბოლოს, მელა ჰკვიანო იყო და იფიქრა: ჩვენთვის ერთი მამასახლისი არის საჭირო, თუ არა ერთი ერთმანეთს დაეაზრჩობთო. დაუძახა თავის ამხანაგებს, შენ ხარ ჩემი ბატონი, და უთხრა: — აი, ძმებო, ჩვენ უნდა ამოვირჩიოთ მამასახლისი, იპიტომ რომ, ის მამასახლისი რასაც მოჰკემს, ლუკმაც რომ იყოს, თანახმა უნდა გავუხდეთო. როგორ ფიქრობთ, კარგი აზრიაო? — ძალიან კარგი აზრიაო, — წამოიძახა ყველამ. მელას ფიქრში თვითონ უნდოდა მამასახლისად დადგომა და უთხრა მგელს, დაასწრო: მამასახლისი შენ უნდა იყოო. — ოჰ, ძმაო, — მგელმა უთხრა, — შე არ შემიძლია გაყოფა, შე მეტს დავიტოვებ და შერე საყვედურში ჩავვარდები და აქედანაც დამითხოვთო. — კარგი, დათვო, შენ იყა-

ვიო, — უთხრა მელამ. — არაო. ერთბაშად წამოიძახეს: ისევ წენ უნდა იყო, მელაო. — მე ვიქნები, მაგრამ ჩემ სიტყვას არ უნდა გადაუხვიოთო. — კარგი, ძმაო, კარგიო. — მე რალაცას გეტყვით თქვენაო, უთხრა მელამ: ამ ხორცს რომ ვკვამთ, ტყუილად ხომ არ გგონიათ თქვენაო? აი ეს ვაჟკაცი გვაქმევს და რა უნდა ვუყოთ ჩვენ ამასაო; მოდი, ამომავალი ხელმწიფის გოგო რომ არის, ის მოვევაროთ მაგასაო. მაგრამ ვინ გაბედავს, რომ მოიყვანოს ის გოგო? მგელო და დათვო, თქვენ წახვალთ, შეებმებით კავში, მიხვალთ ხელმწიფის ეზოში და დაიწყებთ ხენას: ხელმწიფეს გაუკვირდება — მხეცებშიც გავლენა მქონიაო. დაუძახებს თავის ცოლ-შვილს — ისეირეთ, როგორი საკვირველი ამბავიაო. ხელმწიფის გოგოც გამოვა აივანზე, არწივიც აქ იქნება — ზევიდან დასტრიალებს ხელმწიფის სახლს. გოგო რომ გამოვა, არწივი აიტაცებს და წამოიყვანსო.

რა ჰქნან, ბრძანებაა, ისე მოიქცნენ და წავიდნენ. გოგო გამოვიდა მკლავტიტველა. დაეცა არწივი, აიტაცა და წამოიყვანა გამოქვაბულში.

ამ დროს დადამდა. ხელმწიფის შვილი სანადიროდან მოვიდა. მოვიდა და ნახა, ადამიანის შვილი ზის იმის გამოქვაბულში. გაუკვირდა ხელმწიფის შვილს და შეეკითხა: — ვინა ხარ შენაო?

— ამომავალ ხელმწიფის შვილი ვარო.

— ოჰ, შენ გენაცვალე, მე შენთვის ვარ გადმოვარდნილი, შენთვის ვკვდები, ვინ მოგიყვანა აქაო?

ქალმა უთხრა როგორც იყო. ხელმწიფის შვილი მიხვდა, ამ ნადირებმა თუ მოიყვანესო. მაშინ უფრო მოუშატა მათ და აჰქვედა ხორცს. მელამ კიდევ მოაგროვა ეს ნადირები და უთხრა: — ესენი ადამიანის შვილები არიან, მათი ტიტველა ალაგზე წოლა არ შეიძლებაო.

— აბა რა უნდა ვქნათ?

— აი რა უნდა ჰქნათ თქვენა. თქვენ წახვალთ ქალაქში. მგელი შევა ბაზარში, ხალხი მაგას გამოეკიდება, დუქნები უპატრონოდ დაჩჩება. დათვო, შენც შეხვალ ერთ ფარჩის დუქანში, მოჰკიდებ ხელს ერთ თოფ ფარჩას და გამოიქცევი.

— მე ხომ მომკლავენ, ძალებს დამახრჩობინებენო. — მელამ უყვირა: — აი, შე მამაძაღლო, აქამდე მშიერი დაეთრეოდი, ახლა ღორივით გასუქდი და არ გინდა რამე გაშიგონო. თუ მოკლავენ, მოგკლან, — მგელს ჩაუცივდა ენა და ველარაფერი უთხრა. წავიღეთო. ადგნენ და წავიდნენ. მართლაც, ასე მოიქცნენ. შევიდნენ ქალაქში.

მგელი ბაზარზე დაეშვა, ხალხი იმას გამოეკიდა, ღუქნები დარჩა უპატრონოდ. დათვი შევიდა ერთ ღუქანში. მოიკიდა დიდი შეკვრა ფარჩა და გამოიქცა. ამოიტანა და მგელიც გადარჩა სიკვდილს.

ესენი აქ დაეტოვოთ, მივიდეთ ხელმწიფესთან. ამან გასცა ბრძანება, ვინც ჩემს ქალიშვილს მომიყვანს, თავის წონა ოქროს მიეცემო. ადგა ერთი კუდიანი ბებერი, დაიბჯინა ჯოხი და მივიდა. მე მოგიყვან შენ შვილსო.

— კარგიო. — ხელმწიფემ უთხრა: აი, შენი წონა ოქრო, ნახევარს ახლა მოგცემ, ნახევარს რომ მომიყვან შვილს, მაშინაო. უთხრა ხელმწიფეს ბებერმა: — მომცემ ერთ ჭურსაო? — მისცა ჭური. გაზივთა შაგნით, გარეთ, აიღო ერთი გველი მათრახად, გადაალაჯა ჭურზე, აფრინდა ჭური და წამოვიდა. მოვიდა გამოქვაბულთან, დააგდო ჭური, გველმათრახიც შიგ ჩააგდო. დაიბჯინა ჯოხი და დაიწყო კვნესა. ამ დროს ეს ხელმწიფის შვილი სანადიროდან მოდიოდა. უთხრა: — გამარჯობა, დედიო!

— გაგიმარჯოს, შვილოო!

— სადაური ხარ, სად მიდიხარ, დედიო?

— ასპინძის აბანოზე ვიყავი, შვილო, გამასწრეს ამხანაგებმა, ზიზაბერელი ვარ, ახლა არ ვიცი, მოხუცებული ქალი სად წავიდეო.

— წამოდი, დედი, ჩემთან დადექიო.

— სად ცხოვრობ შენა, შვილო?

— აგერ ჩანჩხერელა კლდეშიო.

— შენ გაძებ დღითა და სიცოცხლითა, შვილოო! — შემოისოსნა ეს მოხუცებული უკან. დაფრთხა ცხენი და დავარდა. ცხენი მიხვდა, რომ ბებერი ქაჯი იყო, ბიჭისთვის ავი უნდოდა. ცხენს დაუწყო ცემა, მათრახით თავპირი გამოულაყა. ცხენმა იფიქრა, რაზე ვიკლავ თავსაო, და შემოისვა ბებერი. მიიყვანა ბიჭმა თავის ტყეში. გაუწყრა, გაუჭავრდა ცოლი.

— კარგი, ქალო, ამალამ გაათიოს, დილაზე წავიდესო. — დააყენეს.

ამ ბებერმა წყალი გაათბო, ბიჭის ცოლს თავი დაბანა. გაეხარდა ამ ქალს, ეს რა კარგი მოხუცებული ყოფილაო.

— ეს აღარ უნდა გაუშვა აქედანა. — ქმარს უთხრა.

— რა ვიცი, წუხელი მიჯავრდებოდი. მოგწონსო? — რა ბევრი გავავრძელოთ, ეს ქალი სასეირნოდ დაჰყავდა ბებერს. ეს მელა კი მიხვდა, რომ ბებერი კუდიანი იყო, ქაჯი.

ერთხელ ამ ბებერმა სასეირნოდ წაიყვანა ქალი, როდესაც ნადი-

რები სანადიროდ წავიდნენ; აქეთ-იქით ატარა და ბოლოს თავის
ჭურისკენ წაიყვანა. ქალმა უთხრა: — დედი, ეს რა ჭური ჩანსო?

— არ ვიცი, შვილო, მივიდეთ, ვნახოთ რა ჭურიაო.

მივიდნენ, შიგ რაღაცა გდია. უთხრა: — დედი, შიგ რაღაცა გდია,
ამოიღეო.

— მე წელი მტკივა, შვილო, შენ ამოიღეო. — ჩაეკიდა გოგო
ჭურს, უნდა ამოიღოს მათრახი. ამ დროს ბებერმა ხელი ჰკრა და
ჩააგდო შიგა. შეჭდა ეს ბებერი, გაფრინდა ჭური და მიიყვანა გოგო
მის მამასთან, — ხელმწიფესთან. ქალმა უთხრა სად ცხოვრობდა და
ვისთან იყო.

მოვიდა მელა და ნახა, ქალი აღარ არის. ჰკითხა კატას: — გოგო
სად არისო?

— არ ვიციო.

— კაცო, — მელა დაფიქრდა, — მამასთან თუ წაიყვანა ბე-
ბერმაო. მაშინ მელა გაჯავრდა, დათესაც სცემა, მგელსაც და არწი-
საც. გაბრაზებულმა მელამ დაიყვირა: დამიძახეთ, კატა სად არი-
სო.

დაუძახეს კატას იმ წამსვე, გამოვიდა კატა მელასთან, უთხრა
მელამ კატას: შენ წახვალ იმ ხელმწიფესთან, თუ გიცნობს, გოგო
გეტყვის: ფისო, აქ რამ მოგიყვანა, შენ პატრონს ვენაცვალეო. მა-
შინ გამობრუნდი, ორივე ამბავი მომიტანე — თუ გითხრას გენა-
ცვალე და თუ არ გითხრასო. — წავიდა კატა. მივიდა ხელმწიფის
სახლში. შევიდა, ნახა ის ქალი. ქალმა იცნო კატა. ეს ხომ ჩვენი კა-
ტაო. ქალმა უთხრა: ფისო, აქ რამ მოგიყვანა, შენს პატრონს ვენა-
ცვალეო. გაბრუნდა, ხორცი უნდა გამოუტანოს. კატას გაეხარდა,
ხორცს აღარ მოუცადა და გამოიქცა უკან. მოვიდა, მელიას უთხრა
ყველაფერი. მაშინ მელიამ უთხრა არწივს: — აბა შენი საქმეა ახლა
ყველაფერი: ხელმწიფის სახლში მიფრინდები, ის გოგო გიცნობს
და გამოგვეება. შეისვი მხრებზე, გამოფრინდი და ამოიყვანე აქაო.
გაფრინდა არწივი, მივიდა ხელმწიფას სასახლესთან. დასტრიალებ-
და ზევიდან სასახლეს. ქალმა გამოიხედა და იცნო არწივი, გამოჰკრა
ბოხჩა, გამოვიდა აივანზე. მივარდა არწივი და წამოიყვანა ხელმწი-
ფის შვილთან. მაშინ თქვა მელიამ: ჩვენ ასე ხელს არ მოგვეცემ-
სო. — მგელს უთხრა: — ჩახვალ შენ ჩიხორიშში, იდარაჯებო; დათეს
უთხრა: შენ ჰალაშიო. კურდღელს უთხრა: შენ ჰანდარას სერებზეო,
არწივსაც უთხრა: შენ ჰაერიდან უთვალთვალეო.

ხელმწიფემ შეყარა ჯარი და წამოვიდა საომრად. ჩიხორიშის ყა-

ნებში, დადგეს კარვები. ხელმწიფემ შავი კარავი დადგა. გამოიქცა გულგახეთქილი მგელი დათვთან, უთხრა: ხელმწიფე საომრად მოდის, არიქა, გაიქე მელიასკენ და უთხარ, ხელმწიფე საომრად მოდის, ქალი უნდა წაგართვასო! მოვიდნენ, მოიყარეს თავი ყველამ: დათვმა, არწივმა, მგელმა, მელამ, კატამ და კურდღელმა. ვახშმობაც გახდა. თურმე დათვი იყო დათვების ხელმწიფე, მგელი — მგლებისა და ასე ყველა. მელამ, როგორც მამასახლისმა, დაავალა მგელს, ასიათას მგელს შენგან ვთხოულობ საომრადო. დათვს კიდევ ისე, არწივს კიდევ ისე, კატას კიდევ ისე, კურდღელს კიდევ ისე. შუალამისას ყველამ უნდა ჩამაბაროთ თქვენი ჯარებიო. მგელი ავიდა გომარეთის ტყეში დაიღმუელა. რაც დაავალა, ერთი იმდენი მოაგროვა, ცოტა მეტი. დათვიც ჭაიტის ტყეში გადავიდა, — იმანაც შეასრულა თავისი დავალება. არწივიც ბნელის კლდეს გავიდა, იმანაც წამოიყვანა ჯარი, რაც დავალება ჰქონდა. კურდღელი გადავიდა ყიშლაში, მელაც გავიდა ხოროგვერდში. კატაც მოვიდა ხიზამბავრაში და მოაგროვა ჯარი. აღნიშნულ დროზე მოიყარეს თავი სახიზრის გვერდში (გავერანებული სოფელია...) შედგა მელა ერთ ჯირკზე, დაუწყო ხმამალა ლაპარაკი ჯარებს: — ადამიანი არ ჰკამოთ, მარტო დაახჩეთ, ცხენები სჭამეთო. მე რომელ კარავთანაც მივალ, იმას ახლოს არ გაუაროთო, — დაავალა ხელმწიფეებს: მგელს, დათვს, არწივს, კატას, კურდღელს და ყველას. ამათაც თავიანთ ჯარებს გადასცეს. წავიდნენ საომრად. დაეწივნენ ხელმწიფის ჯარებს. სანამ ინათა, მთლად გაჟლიტეს ხელმწიფის ჯარები. ადამიანი დაახრჩეს და ცხენი ჰამეს. გარეკა ყველამ თავიანთი ჯარები. გათენდა და გამოვიდა ხელმწიფე თავისი კარავიდან. მელამ გაუარა წინ და უთხრა: — ვისზე მიგდიოდა ფიქრი, სად მიდიოდა შენ საომრადო? — უთხრა ხელმწიფემ მელას: — ოღონდაც ჩემი სიძე მანახე, მაშინ მეც მომკალ, თუ გინდაო. — წამოზნედიო, — უთხრა მელამ. წავიდნენ. ავიდნენ თავის სიძესთან. ნახა თავისი სიძე, ილაპარაკეს. უთხრა მერე ხელმწიფემ: წამობრძანდი, შვილო, ჩემ საბრძანებელში, აქ რა გინდა, კლდეებში რომ ცხოვრობო. — მელამ იცისო, — სიძემ უპასუხა. მელას შეეკათხნენ. მელამ უთხრა: — ძალიან კეთილიო. — ადგნენ წავიდნენ: მელა, მგელი, დათვი, არწივი, კატა და სიძე-ქალიშვილი. მგელს დღეში ერთი ცხვარი ჰქონდა სადილად, დათვს — ხარი, არწივს — ბატი, მელას — მოხრაკული ინდაური, კატასაც ერთი ჯამი რძე. ხელმწიფესთან იცხოვრეს ერთი-ორი კვირა. ხელმწიფემ გულში ჩაიდო სიძის მოკვლა. მელამ შეატყო და ვითომდა სიზმარი ნახა. — კაცო, წუხელი სიზმარში პაპაჩემი და ბებიაჩემი მოსულიყე-

ნენ და მემღურებოდნენ: რატომ არ მოხვალ საიქიოს, არ გვნახავო. უნდა წავიდე, ვნახო, — უთხრა მელამ ხელმწიფეს და ლალას. — როგორ უნდა წახვიდე, კაცო, — ხელმწიფემ და ლალამ პკითხეს მელას. — მიყურეთ თქვენაო. გამოიტანეთ ერთი-ორი ურემი ხმელი შეშა, შუა კალოზე დაანთეთ ცეცხლი, მე შეეძვრები ქვეშა, გადაასხით ნავთი, მიეცით ცეცხლი, მოეკიდება ცეცხლი, ავარდება კვამლი, წავყვები კვამლს და ავალ ზეცაშიო.

მართლაც ასე მოიქცნენ. გადაასხეს ნავთი, მისცეს ცეცხლი, სანამ ცეცხლი მისცეს და ნავთი გადაასხეს, — მელამ ამოთხარა მიწა და ჩაძვრა. უყურებენ ხელმწიფე და ლალა ამ კვამლს, მელა მისდევს კვამლს თუ არაო... გავიდა ორი-სამი დღე. ამოძვრა მელა ვახშობისას ცეცხლნანთებ ადგილიდან. გაიბერტყ-გაპოიბერტყა ბალანი და შევიდა ხელმწიფესთან. გამარჯობა თქვენი, პაპაშენი და ბებიაშენი გემღურებიან ძალიან, რატომ არ მოდიან და არ გვნახავენ საიქიოსაო. — ლალა! — ხელმწიფემ უთხრა, — კაცო, ეს თუ ნადირია და წავიდა, განა ჩვენ ვერ წავალთო! — გაიტანეს ორი ურემი შეშა, დაყარეს კალოზე, შეძვრნენ ქვეშა, უთხრეს: — გადაასხი ნავთი და მიეცით ცეცხლიო. ასეც მოიქცნენ. ჩასწვეს ხელმწიფე და ლალა ცეცხლში. მაშინ უთხრა მელამ იმ გახვანებულ ხელმწიფის შვილს: — ადი ახლა ტახტზე, უპატრონე ქვეყანას, შენ იქნები ამ სახელმწიფოს ხელმწიფე დღეის იქითაო. — ისიც ავიდა ტახტზე და უპატრონა ქვეყანას. მგელი, დათვი, მელა ყველა იმასთან ცხოვრობდნენ.

წისქვილს პური დავყარე.

ჩამოვიდა მინდობითა,

თქვენ წახვალთ და ჩვენ დავრჩებით.

კიდევ გნახავთ მწვიდობითა.

კონსტანტინეს ზღაპარი

იყო და არა იყო რა, ღვთის უკეთესი რა იქნებოდა. იყო ერთი შეფე უშვილო, მდიდარი, დიდი საბრძანებლის პატრონი. უშვილობა ძლიერ აღონებდა. ადგა ერთხელ და დარდის გადასაყრელად გაისეირნა სხვა სახელმწიფოში. შემოხვდა კაცი და მიესალმა, — გამარჯობა შენო. — მეფეს ასეთი კადნიერება გაუკვირდა, მაგრამ მაინც მიუგო,

გაგიმარჯოსო. — რამ დაგალონა, მეფევე, — ჰკითხა კაცმა. — უშვილო-
ბამაო, — უპასუხა მეფემ. — მერე სად მიხვალო? — სასიეროდ,
რომ გული გადავაცოლოო. — შვილი რომ ვინმემ გაგიჩინოს, ნახე-
ვარს მისცემო?

— ნეტავი შვილს შემახედებდეს და მთლად მისი იყოსო.

— მაშ, ეს ვაშლი წაუღე შენ ცოლს, შეაქამე და ეყოლება
შვილი.

გამოართვა მეფემ ვაშლი, დაბრუნდა ცოლთან, შეაქამა და ელის
შვილს. მართლა დაორსულდა ცოლი და ეყოლა ვაჟი. დაორსულდა
შეორედ და ისევ ვაჟი ეყოლა. მესამე წელიწადს მესამე ვაჟი მიეცა.
უმცროსს დაარქვეს კონსტანტინე. მეფის სიხარულსა და ბედ-
ნიერებას საზღვარი აღარ ჰქონდა. ყოველდღე ნადიმი იყო გამარ-
თული სასახლეში. მეოთხე წელიწადს ეწვია ის კაცი, ვინც ვაშლი
მისცა. მეფეს მის დანახვაზე ფერი ეცვალა, პირობა რომ გაახსენდა.
— როგორა ხარ პირობაზეო, — შეეკითხა მოსული. — კარგადაო, —
მიუგო მეფემ. — მაშ ამისრულე დანაპიროო, — უთხრა კაცმა. მეფე
შემობრუნდა შინ, მოიხმო შვილები და ჰკითხა: შვილებო, მამის
ვალი ვის გადახდება? — შვილს, — მიუგეს შვილებმა ერთხმად. მაშ,
ერთ-ერთი თქვენში ამ კაცს უნდა გაჰყვეთო? — შვილებმა შეხედეს
ერთი მეორეს, მაგრამ ორი უფროსი უარზე დადგა, ვერ გაბედეს და
ბოლოს კონსტანტინემ განაცხადა თანხმობა. შემოუჭდა მგზავრს
ცხენზე უკან და წაყვა. — თასმით მაგრად მომაკარით ბავშვი, რომ არ
გამექცესო, — თქვა კაცმა. — რისი თასმაო, — უთხრა კონსტანტი-
ნემ, — ჩემი სურვილით მოგყვები და მიბმა რაღად მინდაო.

იარეს, იარეს და შევიდნენ ერთს დაბურულს ტყეში და მიად-
გნენ ერთს სასახლეს, რომელსაც კარებზე ცხრა კლიტე ედო. გაალო
კაცმა კარები და შეიყვანა კონსტანტინე. შეხედა კონსტანტინემ და
რას ხედავს? ცხრა მზეთუნახავი ქალი ღვას მის წინ და მწარედ ტი-
რის. — რა გატირებთო? — ჰკითხა ვაჟმა. — რა გვატირებსო და ჩვენ
რომ დაღუპულები ვართო, შენ რაღად იღუპავ თავს აქ მოსვლი-
თაო, — იყო პასუხი. — ჩვენ სულ ვიყავით ოცო, თერთმეტი დაკლა
დევმა და შექამა. ხვალ უნდა ამათი ზეკმა, მერე დაწვება და იძინებს
სამ წელიწადს. როცა გაიღვიძებს, ჩვენც შეგვქამსო. — დაიძინეს.
სიზმარი ნახა უფროსმა ქალმა, რომ კონსტანტინეს უბეში აქვს
კვერი, კაჟი, სავარცხელი და სახლების გასაღები. როცა გაიღვიძა,
სიზმარი ვაჟს უთხრა. ჩაიხედეს ვაჟის უბეში და მართალი
გამოდგა.

ღევს სძინავს. კონსტანტინემ გაალო კარები, ჩამოიღო ღვეის

ხმალი, დაჰკრა მძინარე დევს, მაგრამ მარტო ორი ღერი თმა შეაქრა, მეტი ვერა დააქლო. მერე რაშს, უთხრა: — ჩემს სახლში წამიყვანო. — კარგო — უთხრა რაშმა. შეჭდა ვაჟი და წამოვიდა შინ. გამოიანგარიშა ვაჟმა და სამი წელიწადი უკვე გასულა მას აქეთ, რაც დევს დაეძინა. რაშმა უთხრა: უკან მიიხედე, ხომ არაუინ მოგვდევსო? — რაღაცას შავ წერტილს ვხედავო, — ვაჟმა მიუგო. — მამ ჯერ ძლიერ შორს ყოფილაო. — კიდევ მიიხედო, — უთხრა რაშმა მეორედ. ვაჟმა მოიხედა და უთხრა: კაცი უნდა მოგვდევდესო. — გადააგდე კაჟო, — უთხრა რაშმა. ვაჟმა გადააგდო კაჟი და აიშართა გზაზე დიდი სალი კლდე. მოატანა დევმა, ამტვრია, ამტვრია და ძლივს გამოვიდა. ამთ ამასობაში დიდძალი გზა გამოიარეს. — კიდევ მიიხედო, — უთხრა რაშმა. ვაჟმა ისევ დაინახა კაცი. რაშის ბრძანებით გადააგდო კვერი და აიშართა რკინის კლდე. დევმა ამტვრია, ამტვრია და როგორც იქნა, გამოვიდა. მესამედ სავარცხელი გადააგდო და უღრანი ტყე გაჩნდა. დევმა ესეც გამოიარა და უნდა, რომ კონსტანტინეს მიეწიოს, ამ დროს კონსტანტინემ აღელვებულ მდინარემდის მიატანა და უთხრა: „წყალო კარგო, მშვიდო, მიშველე!“ წყალი დაწყნარდა, გაიყო და კონსტანტინე გაღმა გავიდა. მოატანა დევმა და შესძახა ვაჟს: — როგორ გახვედიო. — როგორა და წყალს ვუთხარი: „წყალო ფინთო, გიჟო, გაღმა გამიყვანე“, და გამიყვანაო. უთხრა ასე დევმა და წყალი უფრო გადაირია. დევი დაღონდა და შესძახა ვაჟს: შენ თუ მიდიოდი, ჩემი რაში რაღატომ წამართვიო. ვაჟმა მოკლა რაში და დევსაც სული გავარდა.

დაბრუნდა ახლა კონსტანტინე ქალების გამოსახსნელად. იარა, იარა და მივიდა ღამის გასათევად ერთს ბებერთან და ვახშ:ში მუსთხოვა. — შეილო, ამ ქალაქის მარჩენალი ერთი ვაშლი იყო ბაღში, მაგრამ რაღაც ფრინველი მოღის ღამღამობით და აღარ გვანებებდა არაფერს და მე საღდა ვიშოვი შენს საკმელსაო, — უთხრა ბებერმა, — ვინც მიღის ახლოს, ყველას ჰხოცავსო. — წავიდა ვაჟი საღარაჯოდ. მოფრინდა ფრინველი და შეება კონსტანტინეს. იბრძოლეს, იბრძოლეს, აჯობა ვაჟმა და წააძრო ფეხზე ქოში. ამის შემდეგ ფრინველი აღარ გაჰკარებია ამ ქალაქს.

ახლა მეორე ქალაქში შევიდა კონსტანტინე და მოეპმის დღეო ტირილი ეკლესიასთან. თურმე ხელმწიფის შვილი ყოფილიყო დამარხული, ღამ-ღამობით მოდიოდა რაღაც ფრინველი, ამოიღებდა მკვდარს საფლავიდან, გააცოცხლებდა, აწვალებდა, მოკლაგდა და ისე დააგდებდა დაუმარხავს. წავიდა ვაჟი საღარაჯოდ. დაინახა თუ არა ვაჟი ფრინველმა, გაექანა მოსაკლავად, ეცა კონსტანტინეც,

აგობა, წაართვა ჯოხი, რომელიც ეკავა და ვაჟი ცოცხალი მიუყვანა მამას. მეფემ ქალი აძლია ცოლად, მაგრამ კონსტანტინე არ დაეთანხნა და წავიდა მესამე ქალაქში.

შეხედა, რომ აქაც ხალხი იტანჯება. ქალაქში დიდი მდინარე ჩამოდის, ზედ გემები, გაღმა შიმშილია, გამოღმა ბევრია ყველაფერი. მაგრამ წაიღებენ თუ არა გემებით გაღმა პურს, ილუპება. გაიგო თუ არა ეს, ვაჟი წავიდა და თვითონ ჩაჯდა გემში. შუა მდინარეზე ვილაცამ ხელი ამოჰყო გემის დასალუპავად, ეცა ვაჟი, წააძრო ხელთათმანი და გემი მშვიდობით გაიყვანა. დიდი სიმდიდრე შეაძლიეს ვაჟს, მაგრამ ხელი არ ახლო. მეოთხე ქალაქში გაეშურა საშველად. ვაჟს მოშივდა. აიღო ქოში და მეპურეს უგირავებდა პურში. დაინახა ქოში მეფის შვილმა და დაიჩემა. იქვე იღგა ვაჭარი. ვაჭარმა დააჩინა, მეფის შვილი მართალს ამბობსო. დანაძლევედნენ ვაჟი და მეფის შვილი ასე: თუ ვაჟი იმისთანა ქოშს კიდევ მოიტანდა, მეფის შვილისთვის და ვაჭრისათვის თავი უნდა მოექრა, და თუ ვერა, მაშინ კონსტანტინეს მოჰკრიდნენ თავს.

იარა, იარა კონსტანტინემ, მაგრამ ვერსად იშოვა. ბოლოს ტყეში ქოხი დაინახა და ღამის გასათევად შიგ დაიძალა. შუა ღამეზე სამი მზეთუნახავი ნემოვიდა, დასხდნენ და მოყვნენ თავის თავგადასავალს. უფროსმა თქვა: — მე ერთს ქალაქში ვაშლს არავის ვანებებდი, ხალხს შიმშილით ვხოცავდი, მაგრამ ერთი ვაჟი მოვიდა და ქოში წამართვაო. ნეტავ, ის ჩემი ქმარი გახდებოდესო. მეორემ თქვა: ერთი მეფის შვილს ვაწვალებდი საფლაგში, მით მთელს სახელმწიფოს თავზარს ვცემდი, მერე ვილაც ყმაწვილმა ჯოხი წამართვა, ნეტავი ჩემი ქმარი მაინც გახდებოდესო. უმცროსმა თქვა: მე ხალხს შიმშილით ვწყვეტდი, გემს დამშეულებისაკენ არ ვუშვებდი, ბოლოს ერთმა ყმაწვილმა ხელთათმანი წამართვა, ნეტავი ჩემი ქმარი მაიხც იქნებოდესო.

გაათავეს თუ არა, შეხედეს ვაჟს, რომ გამოვიდა, მივიდნენ და დაუწყეს კოცნა. როცა მისი სანაძლეო შეიტყვეს, დასვეს ნოხზე, თან ქოში გაატანეს. ხალიჩამ ვაჟი ადგილზე მიიყვანა, ვაჭარსა და ხელმწიფის შვილს ორივეს თავები დააგდებინა, მერმე წავიდა და ცხრა ქალი თავიანთ პატრონებს დაურიგა, თვითონ ისევ ამ სამ ქალთან დაბრუნდა. დააწყვეს მათ ხალიჩაზე თავიანთი სიმდიდრე, თვითონაც ზედ დასხდნენ და წაყვნენ ვაჟს სახლში.

კონსტანტინეს მამას წვერი მოეშვა და ისე გლოვობდა დაკარგულ შვილს. გაიხარა მეფემ. ეს სამი ქალი სამმა ძმამ ცოლებად შეირთეს და დაიწყეს ბედნიერი ცხოვრება.

უჩინმაკინის ქუდი

იყო და არა იყო რა, ღეთის უკეთესი რა იქნებოდა. იყო ერთი საწყალი გლეხი. ჰყავდა მოხუცი დედა.

ძალიან უჭირდათ ცხოვრება. ერთ ღღეს შვილმა უთხრა დედას: დედაჩემო, მე ასე ცხოვრება არ შემიძლია. წავალ სადმე ან ვიპოვი რასმე, ან დავეკარგავ რამესო — კარგისო, — უთხრა დედამ. ადგა შვილი, დაადგა გზას და მიდის. სად მიდის, არ იცის, დაიღალა და დაჯდა გზის ნაპირას. მოდის ერთი მგზავრი. მოვიდა. გამარჯობა უთხრა. გაგიმარჯოსო, — მიუგო დაღონებულმა გლეხმა.

-- რამ დაგაღონაო? — ეკითხება მგზავრი.

— როგორ თუ რამ დამაღონაო? დაბრძანდი და ჩემს ამბავს გაამბობო.

დაჯდა მგზავრი. ეუბნება თავის გაკირვებას ეს საწყალი გლეხი: მე ვცხოვრობდი ძალიან ღარიბად. გამოვირდა ცხოვრება. დაფიქრდი და ვუთხარი დედას: „დედაჩემო, მე ასე ცხოვრება არ შემიძლია, წავალ სადმე, ან ვიპოვი რასმე და ან დავეკარგავო“. დეადექი გზას და მოვდივარ. თუ შევხვდები რამეს, შევხვდები ხეირიანს, თუ არადა შინ ცოცხალი ველარ დავბრუნდებიო.

მგზავრმა უთხრა: — რაკი ეგრე გქონია, ძმაო, საქმე, მე ერთ რამეს გასწავლი, ოღონდ ძნელი შესასრულებელიაო. — ბრძანეო. — უპასუხა გლეხმა. ეუბნება მგზავრი გლეხს: დაადექი ამ გზას და იარე და იარე. ერთ ვერსს რომ გაივლი, შეხვდები ერთ ძალიან ღიდ კლდეს, ის შეიდ წელიწადში ერთხელ იხსნება. შენ მიდი იმ კლდესთან და გაჩერდი, რომ გაიხსნას კლდე, — ახლა მალე გაიხსნება. — უცებ შედი კლდეში. იქ ჰკიდია ქელი. სხვათა ყველაფერი ბევრია, მარტო იმ ქუდს წამოავლე ხელი და უცებ გამოდი გარეთ. იმ ქუდის მეტს არაფერს მოჰკიდო ხელი, თორემ დაიკეტება კლდე და დარჩები შიგ.

მადლობა გადაუხადა საწყალმა გლეხმა და წავიდა. დაადგა გზას. ერთ ვერსს იქით მიუახლოვდა კლდეს. მივიდა იმ კლდის პირზე და გაჩერდა. ფიქრობს გლეხი: მგზავრმა რომ კლდე მასწავლა, ეს იქნე-ზაო. არის გაჩერებული, ამ დროს გაიხსნა კლდე. უცებ შევარდა კლდეში გლეხი. მივიდა ქუდთან და მოჰკიდა ხელი. ამ კლდეში ყურძენიც არის, რა გინდა, სულო და გულო. — ყველაფერია. გლეხი შრშმილით არის გამწარებული. ქუდს წამოავლო ხელი და წამოიღო.

მაგრამ ვერ მოითმინა: ხომ ვკვდები და ვკვდები მშვიერიო, ერთ მტევან ყურძენს მაინც მოვწყვეტ და შეეკვამო! მოსწყვიტა ერთი მტევანი ყურძენი და დაიკეტა კლდე.

ღარჩა კლდეში გლეხი... შვიდი წლის შემდეგ კვლავ გაიხსნა კლდე. გამოვარდა გლეხი გარეთ, გამოიტანა ქუდი და კლდეც დაიკეტა.

კაცი ამ კლდის ახლოს დაჯდა და დაისვენა. ღარჩა რამდენიმე ხანი. იფიქრა, წამოვწვებოო. ის კი არ იცის. რა ძალა აქვს ქუდს! წამოწვა ჩრდილში. დაიღო ქუდი თავკეუშ. თქვა ამ კაცმა: აჰ. ჩემო ქუდო, ერთი ხალიჩა რომ მომცა კიდევე. რა კარგად დავიძინებდიო, ქუდზე რა რბილად მიღევს თავოო! ამის თქმა და. გაჩნდა უცებ ხალიჩა. დაიგო ამ კაცმა და დაწვა ხალიჩაზე. ქუდი თავით დაღო. ლაპარაკობს ეს კაცი: საწყალი დედაჩემი დავტოვე მარტოო. ახლა რომ მამიყვანა და მანახა, რა კარგი იქნებაო!

ხალიჩამ უცებ წამოიყვანა ეს კაცი თავის ქუდიანად და გამოფრინდა დედისაკენ. შოვიდა და დაფრინდა დედასთან. ახლა ეს კაციც ფიქრობს: ეს ქუდი ძალიან კარგი ყოფილაო!.. შემეწია ღმერთო! უთხრა ამ კაცმა ქუდს: აჰა. ქუდო. თუ რამე ძალა გაქვს. ახლა გამოჩნდება, ერთი ძალიან კარგი სახლი დამიშვი ამ ეზოში, უკეთესი სახლი ხელმწიფესაც არა ჰქონდესო ამ სიტყვის თქმა და გაჩნდა სახლი, იმისთანა, რომ უკეთესი არ შეიძლება. თავად წამოწვა და არის არხინად.

გათენდა დილა და გამოიხედა დედაპისმა გარეთ: სახლი დგას მის ეზოში იმისთანა, რომ უკეთესი არ შეიძლება. დაიწყო ტირილი: ვილაცას ჩემს ალაგში სახლი დაუდგამს წუხელისო! მეზობლებმაც დაინახეს ეს სახლი და ძალიან გაუკვირდათ: ამ ღამეს რითი ააშენეს, როგორ ვერ გავიგეთო!

ადგა შვილი და მივიდა დედასთან — დედაჩემო. რა გატირებს. არა გცხვენიაო? — როგორ. რა მტირებს. შვილო. — უპასუხა დედამ, — ვილაცას სახლი დაუდგამს ჩვენს ალაგში წუხელისო! — ნუ გეშინია, დედა! ეს ჩემი სახლი არისო.

მესამე დღეს უთხრა შვილმა დედას: — დედაჩემო, ერთი სიტყვა მაქვს შენთან სათქმელიო. — რა. შვილოო? — უპასუხა დედამ — რა, დედაჩემო, და შენ უნდა გამეგზავნო ჩვენს ხელმწიფესთან უნდა მიხვიდე და უთხრა: მე მყავს შვილი. ამისთანა და ამ-სთანა არის-თქო. ნურც მაქვებ და ნურც მამაგებ მაინც და მაინც; უიხაო: შენი ქალიშვილი უნდა გამოატანო ჩემს შვილსა-თქო.

— არ შემიძლია, — უპასუხა დედამ შვილს, — მე რომ მივიდე ხელმწიფესთან და ეგ ვუთხრა, აუცილებლად თავს წამაჭრისო.

ალარ დააყენა დედა შვილმა. იფიქრა დედამ: წავალ, რაც იქნება იქნება! მომკლავს, მეტი ხომ არაფერი იქნებაო!

გამოემშვიდობა დედა შვილსა და წავიდა ხელმწიფესთან.

გამოიხედეს ხელმწიფის მცველებმა და დაინახეს, ვიღაც მოხუცი ქალი მიდი-მოდის სასახლის წინ. — ვის ეძებო? ეკითხებიან მცველები. — ხელმწიფის ნახვა მინდაო, — უპასუხა მოხუცმა ქალმა. წაიყვანეს და აიყვანეს ხელმწიფესთან. ხელმწიფეს სალაპი უთხრა. ხელმწიფემ უთხრა ამ ქალს: — რამ მოგიყვანა, ქალო, აქ რა გინდაო. — მაქვს ცოტა საქმეო, — მოახსენა ქალმა. აუხსნა თავისი შვილის დანაბარები.

— რას ამბობ, ქალო? — უპასუხა ხელმწიფემ, — შენ იმისთანა შვილი როგორ გეყოლება, მე სიძედ მივიღოო! წადი, უთხარი შენს შვილს: თუ მაგისთანა ვაჟიკი ხარ-თქო, შენი სახლიდან ჩემ სახლამდის ხვალ დილაამდის ბალი გააკეთე-თქო.

წამოვიდა მოხუცი ქალი. მოვიდა შვილთან. — რა გითხრა, დედაჩემოო? — ჰკითხა შვილმა. — ჯერ ძალიან უარი ბრძანაო, მერე მითხრა: — წადი, გადაეცი შენ შვილს, თუ მაგის თავი გაქვს, ახლა გამოჩნდება: ჩემი სახლიდან თქვენ სახლამდის. გზას გადალმა და გადმოლმა გააკეთე ბალიო. — მაგაზე ნუ შეწუხდებიო, — უპასუხა შვილმა, — თქვენ არხეინად იყავითო! ადგა შვილი, ეუბნება ქუდს: თუ რამე ძალა გაქვს, ახლა გამოჩნდება: ჩემი სახლიდან ხელმწიფის სახლამდის გზას გადალმით და გადმოლმით ზღაპრული ბალი გააშენე გათენებამდისო!

გათენდა დილა. გამოიხედა ხელმწიფემ, მოჩანს ბალი. ადგა შვილი, გაგზავნა დედა ისევ ხელმწიფესთან. დააბარა: ახლა ხომ შეიძლება ჩემს შვილს თქვენი ასული გამოატანო-თქო? — მივიდა დედა ხელმწიფესთან: ბატონო ხელმწიფე, ახლა ხომ შეიძლება ჩემ შვილს თქვენი ასული გამოატანოთ?

უპასუხა ხელმწიფემ: წადი, უთხარი შენს შვილს: რაკი მაგისთანა ვაჟიკი ხარ, ჩემი სახლიდან შენ სახლამდის ხვალ გათენებამდის სულ მარმარილოს ქვა იყოს დაგებული-თქო.

გამოტრიალდა დედა და წამოვიდა შვილთან. რა ჰქენიო? ჰკითხა შვილმა. დედამ უთხრა შვილს ხელმწიფის დანაბარები.

ახლა ბიჭმა აიღო ქუდი და ეუბნება: ქუდო, თუ რაიმე ძალა გაქვს. ახლა გამოჩნდება: ჩემი სახლიდან ხელმწიფის სახლამდის სულ მარმარილოს ქვა უნდა დააგო გათენებამდისო. ბიჭმა გამოიხედა დილაზე გარეთ, — სულ მარმარილოს ქვა აგია, სადამდისაც მიაწუ-

დინა თვალი. შეტრიალდა დედასთან და გაგზავნა ხელმწიფესთან: ახლა ხომ შეიძლება ჩემს შვილს თქვენი ასული გამოატანოთ?

წავიდა დედა ხელმწიფესთან და შვილის დანაბარები მოახსენა. უპასუხა ხელმწიფემ: შენი შვილი მართლა კარგი ვაჟკაცი ყოფილა. წადი ახლა ეს უთხარი: თუ რამე შეგიძლია, ჩემი სახლიდან შენ სახლამდის დაფინე გზაზე ხალიჩები, მისთანა, რომ უკეთესი არ იყოს; მობრძანდი და წაიყვანე ჩემი ასულიო.

დედა წამოვიდა სახლისაკენ და რაც დააბარა ხელმწიფემ, მოახსენა თავის შვილს. შვილი ადგა ზეზე, აიღო ქუდი. ეუბნება ქუდს: თუ რაიმე ძალა გაქვს, ახლა გამოჩნდებამ! ჩემი სახლიდან ხელმწიფის სახლამდის სულ ხალიჩები იყოს გაფენილი ხვალ დილამდისო!

გამოიხედა გლეხმა მეორე დღეს: ხალიჩებია გზაზე გაფენილი ხელმწიფის სასახლისაკენ... წაიყვანა ხალხი და წავიდა. მოვიდა ხელმწიფესთან. ხელმწიფესაც ძალიან მოეწონა. თავის შვილზე დასწერა ჯვარი. ერთი ღამე დარჩნენ ხელმწიფის სასახლეში. მეორე დღეს გამოიხმომ და უთხრა ხელმწიფეს ამ კაცმა: თუ რაიმე ჯარი გყავს, სულ ერთიანად წამობრძანდით ჩვენსკენო! ხელმწიფემ იფიქრა: „ჩემი ჯარის საკმელი სად ექნება ამას, მაგრამ წავალ, რაც იქნება-იქნებაო“.

დიდი ჯარით წამოჰყვა თავის სიძესა და ასულს. მოვიდნენ სასახლეში. ხელმწიფემ შეხედა სახლს. სახლი მართლა ძალიან მოეწონა. შევიდნენ შიგნით და დასხდნენ. ცარიელი მაგიდების შეტვი არაფერია. ბიჭმა აიღო ქუდი და ეუბნება: ქუდო! თუ რამე ძალა გაქვს, ახლა გამოჩნდებამ! იმისთანა სუფრა გააწყვე, რომ ხელმწიფეს ეკადრებოდესო!

უცებ გაჩნდა გაწყობილი სუფრა: რა გინდა, სულო და გულო, სუყველაფერი არის. ხელმწიფე თავისი ჯარით დარჩა სამ დღეს. მეოთხე დღეს შინისაკენ გასწია. მეხუთე დღეს ბიჭმა უთხრა თავის ცოლს: მე სანადიროდ წავალ და ჩქარა მოვალ. შენ და დედაჩემი იყავით ერთად. ადგა ზეზე, გადაიკიდა თოფი და წავიდა სანადიროდ.

ეს გაუგია იმ კაცს, რომელმაც ასწავლა კლდისა და იმ ჯადოსნური ქუდის საიდუმლო. ფიქრობს: ის ქუდი როგორ ჩავიგდო ხელშიო? ერთ დღეს იყიდა ახალი ქუდი. მოვიდა ამ კაცის სასახლის წინ. იძახის: ვისა გაქვთ ძველი ქუდი გასაყიდი! ახალი ქუდი ვის გინდათო.

ამ ხელმწიფის მზეთუნახავმა არ იცის, ეს ქუდი რაშა გამოსადეგი. დაუძახა: — მოიცადე, მოიცადეო! — გამოუტანა ეს ქუდი და

ეუბნება: — შეიძლება, ძველ ქუდში რომ ახალი ქუდი მომცეო?
— არ გეკუთვნის, მაგრამ წაიღეო! — უპასუხა.

გამოართვა ეს ქუდი კაცმა. ქალი შევიდა სახლში.

ეუბნება კაცი ამ ქუდს: აბა, ქუდო! თუ რაჟე ძალა გაქვს. ეს სა-
სახლე, ეს ქალიც შიგ იყოს, საჩქაროდ ჩემს ალაგზე დადგეო!
ხელად ეს სახლი — ქალიც შიგ არის, ეს კაციც, გაჩნდნენ იმ ალაგზე.

დარჩა დედაპისი ძველ სახლში, ისე გაჭირვებული, როგორც წი-
ნათ ცხოვრობდა. ის ბიჭიც დაბრუნდა სანადიროდ რომ იყო წასული.
მოვიდა თავის ეზოში, ხედავს მისი სახლი აღარსად არის. ხელმწი-
ფემაც გაიგო: „ჩემ სიძეს აღარც სახლი ჰქონია, ჩემი შვილიც და-
უყარგავს სადღაცაო“. ამ ბიჭმა დაიწყო ტირილი. ადგა, გაღაიკიდა
თოფი და წავიდა. დაადგა ისევ იმ გზას, რომლითაც წინათ წავიდა.

იმ კაცმა, ვინაც ქუდი გამოართვა, და მოტყუებით გაიტაცა ბი-
ჭის სახლი, უთხრა ხელმწიფის ასულს: — მე და შენ დავიწეროთ
ჯვარი და ვიცხოვროთ ერთად. — არ შეიძლებაო! — მოახსენა
ქალმა, — ერთი წელიწადი მე ჩემი ქმარი მინდა ვიგლოვო. მერე
ხომ მაინც ერთად ვართ და სად წავეალო!

ერთხელ უწინდელი ქმარი მოვიდა იმ კაცის სოფელში, გაი-
ხედა — დაინახა თავისი სახლი. მივიდა სახლის წინ, დაჯდა და და-
იწყო ტირილი.

ქალმა გადმოიხედა მალლიდან. ქალსაც ტირილი მოერია. რომ
იცნო თავისი ქმარი, შეტრიალდა ოთახში, აიღო ის ქუდი. გადმოუგ-
დო თავის ქმარს. ახლა კი იცის ქალმა, რა ძალა აქვს ამ ქუდს. კაცმა
აიღო ქუდი და ეუბნება: აბა, ჩემო ქუდო! ვიცი, კარგი ძალა გაქვს,
ეს სახლი საჩქაროდ ასე ერთბაშად მიიტანე და დადგი იქ, სადაც წი-
ნათ იყო.

აბა, რა გაუჭირდებოდა! ორი წამის განმავლობაში როგორც წინათ
იყო ეს სახლი. დაიდგა ისევ იმ ალაგზე. ის კაციც შიგ არის, ვინც ეს
ქუდი წაიღო წინათ ამ სახლიდან. მეორე დღეს შეაღო ოთახი, სა-
დაც იმ კაცს ეძინა, ლუქმა-ლუქმა დაქრა და გადაუყარა ძაღლებს.

ხელმწიფემ გაიგო თავისი ასულის ამბავი, გაიხარეს და ცხოვ-
რობდნენ ერთად.

თუშის შვილი და მეფის შვილი

იყო და არა იყო რა, ჩვენზე უკეთესი რა იქნებოდა — იყო ერთი მეფე. ჰყავდა ერთი ვაჟი. ძალიან უყვარდა. ერთხელ მეფემ უთხრა თავის ნაზირ-ვეზირს, ასეთი ბავშვი კიდეც იქნება სადმეო? ვეზირმა უთხრა: ქვეყანაა, იქნებაო! მეფემ უთხრა: თუ მომიყვანე, შენი წონა ოქრო უნდა მოგცეო და თუ ვერ მომიყვანე, თავს მოგჭრიო. ვეზირმა აიღო სამი თვის ვადა და წავიდა საძებნელად. ბევრი იარა თუ ცოტა, შეუსრულდა სამი თვე. მობრუნდა ცარიელი, ვეზირი შევიდა და მოახსენა მეფეს: დიდებულო მეფევ, თქვენი საბრძანებლის სამი კუთხე მოვიარე და ერთი მხარე დამჩაო. ერთი თვის ვადა მომეცით კიდეც და თუ ვერ მოვანახე, თავი მომკვეთეთო. მისცა მეფემ ერთი თვის ვადაც. დაეთხოვა მეფეს, გასწია და წავიდა საძებრად.

ბევრი იარა თუ ცოტა, ავიდა ერთ მთაზე. დაინახა თუშების ბინაზე ერთი ბავშვი. თუ ჰგავს ესა, თუ არადა არაო. თუშს უთხრა მეფის დავალება და წავიდნენ მეფესთან. მეფეს კაცი მიუვიდა, რომ ვეზირს ბავშვი მოჰყავსო. მეფემ უბრძანა: რომ მოიყვანოს, ვნახოვო. ვეზირი ეუბნება: თუ შეიძლება, ორი ხელი ტანსაცმელი შეეკრონ, ორივეს ჩავაცმევ და ისე ნახოსო. თუ თავის შვილი იცნოს, ნაძლევი მაგას ეკუთვნის, თუ ვერ გამოიცნო, ჩემიაო.

ორივეს ჩააცვეს ერთნაირი ტანსაცმელი და შეიყვანეს მეფესთან. მეფე ხან ერთს გადაეხვევა, ხან მეორეს, მაგრამ ვერა სცნობს თავის შვილს. ვეზირს ეტყვის: ბარაქალა, ვეზირო, მიიღე შენი წონა ოქროო. ვეზირი უპასუხებს:— ჩერ ბავშვის მამა შეიჯერე, მერე ჩვენ გავსწორდეთო. მეფე დასთანხმდა. თუშს უთხრეს: ეს ოქრო-ვერცხლი შენთვის მოგვიცია, არც ხარჯი გვინდა, არც არას გამოვართმევთ შენს შვილსაო. — თუშმა მადლობა გადაუხადა და წავიდა. ვეზირს თავის წონა ოქრო მისცეს, ბავშვებიც სკოლაში მიიბარეს.

ერთი კვირა, ორი კვირა ასე სწავლობდნენ. ერთხელაც მეფე შემოვიდა. ნახა, რომ დედოფალი ისეთი გაჭავრებულია, რომ მეტიც არ შეიძლება. კითხა მეფემ: — რა დაგემართა, რადა ხარ აგრე გაჭავრებულიო? — დედოფალმა უთხრა: — როგორ არ ვიყო გაჭავრებული, სიკვდილი ყველას მოგველის, ვინ რა იცის, რომელია შენი მემკვიდრე შვილი და რომელია მოყვანილიო?

მეფემ უთხრა: მაგაზე რა გაჭავრებსო, ხვალვე ჩემი შვილისთვის ერთ ძაფს მეტს გავაკეთებინებო. მეორე დღეს მართლაც ერთი ძაფი მეტი გაუკეთეს. ყოველთვის მხიარულად დაიარებოდნენ, მაგრამ

ახლა კი ძალიან მოწყენილი დადის თუშის შვილი. მეფის შვილი ეუბნება: — ძმაო, რაღა ხარ დაღონებული, ხომ არ გეწყინა, რომ ერთი ძაფი მეტი გამიკეთეს? აგერ ჩემი ტანსაცმელი შენ, და შენს მე ჩავიცვამო. — არა, ძმაო, რატომ მეც არ გამიკეთესო. — თურმე გულთმისანი იყო.

ერთი დღე, ორი დღე ასე დაღონებული დადიოდა ეს ბიჭი. ბოლოს მეფის შვილს უთხრა: — მეფეს სთხოვე, რომ ორი კარგი ცხენი გაგვიმზადონ, ხვალ სასეირნოდ უნდა წავიდეთ, ცოტა გული გადავყოლოთო. — მეორე დღეს მოემზადნენ და წავიდნენ სასეირნოდ ბაღში. მიიარეს, მოიარეს და ბოლოს თუშის შვილმა ხელი ჩამოართვა და უთხრა: მშვიდობითო, და მოუსვა ცხენით. მეფის შვილიც უკან გაჰყვა. — ძმაო, ნუ მომდევ. შენ მეფის შვილი ხარ, მე კი თუშის შვილი ვარო. — მეფის შვილმა უთხრა: საცა შენ მოკვდები, იქაც მე მოკვდებიო და არ მოგშორდებიო.

ბევრი იარეს თუ ცოტა, მივიდნენ ერთს დაბურულ ტყეში. შევიდნენ. დაინახეს ერთს სახლიდან წმინდა კვამლი ამოდიოდა. თუშის შვილმა გაიგო, რომ დევის სასახლეს მივადექითო. ამ დროს დევის ბებერი მოვიდა და ძალიან გაუხარდა. წავიდა სახლში და შვიდი წლის ღვინო მოუტანა. თუშის შვილმა გაიგო და უთხრა მეფის შვილს: შვიდი წლის ღვინო უნდა მოგვიტანოს და არ დალიო, თორემ შეგეკამენო. თუ პირველად შენ მოგეცეს, მე ვეტყვი. აი, ის გზა საით მიდისო, მე თუ მომცეს, შენ უთხარი. და არც ერთმა არ დავლიოთ, მთლად გადავღვართო. მართლაც, მოუტანა დევის ბებერმა და დაუსხა ღვინო მეფის შვილს. თუშის შვილმა უთხრა: ა, ის გზა საით მიდისო. მეფის შვილმა გადაღვარა, მერე თუშის შვილს მისცა, მანაც ესე აჩვენა. ბოლოს წავიდა და შვილებს უთხრა. უფროსი შვილი გამოგზავნა. მეფის შვილი მანაც დათვრა და ძირს გადმოვარდა. თუშის შვილმა ცხენები მაგრად დააბა და ბებერს გაჰყვა. მივიდა და კარებს უკან გაჩერდა, ხმალიც მოიმარჯვა. ამ დროს დევ-ბებერი შევიდა და უთხრა: კარგი სადილი მოგვივიდა. წადი და შემოათრიეო. გავიდა უფროსი, მერე მეორე. მესამე და ყველას ერთნაირად მოჰკვთა თავი. დევ-ბებერმა დახედა, რომ ჩვენი ლუკმა არ ყოფილანო, ადგა და ორმოში დაიშალა.

თუშის შვილმა გაიგო, რომ აღარავინ დარჩა, წავიდა და მეფის შვილიც მოიყვანა. მეფის შვილმა დაინახა დევის სხეული და ძალიან გაუყვირდა, რა მომხდარაო. თუშის შვილმა უთხრა: ცოცხალი რომ დაგენახა, რაღას იზამდიო? მიზიდეს და ორმოში დევ-ბებერს თავზე დააყარეს. დევის სახლ-კარი მთლად დარჩათ, მათ აუარებელი ოქრო-

ვერცხლი გადაჰკიდეს ცხენებს, გასწიეს და წავიდნენ. ბევრი იარეს თუ ცოტა, მივიდნენ ერთს ქალაქში. ერთი ღარიბი ბებრის სახლი იქირავეს და დაიწყეს ცხოვრება. ერთ დღეს დასეირნობდნენ. დაინახეს ერთ ღერეფანში ზის ერთი ახალგაზრდა ქალი და რაღაცას ევრავს: ერთმანეთს რომ შეხედეს. გული გადაუქანდათ. წავიდნენ და ბებერს უთხრეს: შენ იცი. ერთ მუქა ოქროს მოგცემთ. და ეს ქალი გაგვირიგეო. ბებერმა უთხრა: მეფის ქალი არის, გათხოვილია, როგორ მოხერხდებო? თუშის შვილმა უთხრა: შენ ნუ გეშინია, ქალი თვითონ მოგვლევს, ოღონდ გაგვაცანიო.

აღმა და წავიდა ბებერი, ყველაფერი უამბო მეფის ქალს. ამას უფრო გაუხარდა, ორი მუქა ოქრო მისცა და წერილიც გაატანა. მეფის შვილმა გაიგო ყველაფერი. დაჰყ მივიდნენ. ქალმა თავის საწოლი ოთახი ასწავლა და წავიდა. შუალამისას წავიდა ეს ქალი მეფის შვალთან. ნახა, რომ სძინავს, ველარ გააღვიძა, წერილი დაწერა და ხელში ჩაუდო. თავად წავიდა თავის საქმეზე. მეფის შვილმა გაიღვიძა, დაინახა რომ გათენებულა, ხელში რაღაც ქალაღლი უჭირავს არც კი იცის, ვის მიუცია. ჩუქად გასულა და წასულა. თუშის შვილმა ჰკითხა: რა გითხრა, როგორ არის საქმეო. მეფის შვილმა ყველაფერი უთხრა, რაც დაემართა. წერილი წაიკითხეს: თუ ასე მოიქცეით, ჩემს ცოდვაში ნუღარ შეხვალთ, ორი კვირა დამჩნა. რომ უნდა წამიყვანონ. თუ რას მიშველით, მალე მიშველეთო. — მეორე ღამეს ორივე ძმა მივიდა და უთხრეს: რაც ტანსაცმელი მოგივიდა, იმისი ნაჭერი მოგვეცით. მართლაც, იმნარი ტანისამოსი შეიკერა თუშის შვილმა, მივიდა, ნახა მეფის ქალმა, რომ თავისზე უკეთესი რძალი მისულა მის საკუთარ სახლში. გაუყვირა და ასეთი საქციელი. იმ ღამით ყველაფერი დააწყვეს, რომ როგორ მოვიქცეთო. თუშის შვილმა უთხრა: მე სადაც დევები დავხოცე, თქვენ იქ მადით და მომიცადეთ, მეც მალე მოვალო. დაემშვიდობენ და წავიდნენ.

ღარჩა თუშის შვილი რძლად. მოუვიდნენ მოყვრებიც წასაყვანათ. ნახეს რძალი, უფრო მოეწონათ. ეგონათ ფერი წაუსვამსო. წაიყვანეს რძლად თუშის შვილი. თუშის შვილს გადახვიეს ხელი მულებმა, მეფის დებმა. რძალი ეტყვის: ავადა ვარ, უთხარ შენს ძმას მე და შენ ერთად მოვისვენოთო. კარგო, უთხრა მულმა. ერთი დღე, ორი დღე. ბოლოს უთხრა მულს პატარძალმა: უბრძანე, ორი ცხენი მოგვიყვანონ, სასეირნოდ წავიდეთო. კარგო, უთხრა მულმა. მეორე დღეს შესხდნენ და წავიდნენ სასეირნოდ. თუშის შვილი გაუტყდა და უთხრა: მე კაცი ვარ. ამა და ამ ხელმწიფის შვილი. თქვენი რძალი ჩემმა ძმამ წაიყვანაო. ნუ გაამხელ და ჩვენც იქ წავიდეთო, ნუ შე-

არცხვენ შენს გვარსაო. დათანხმდა და წავიდნენ. მივიდნენ დევის სასახლეში, ნახეს მეფის შვილიც იქ უცდიდათ. იქიდან ძვირფასი ნივთები აკიდეს ცხენებს და პირდაპირ მამის სახელმწიფოში მივიდნენ. მამას მოახარეს: შენი დაკარგული შვილები მოდიანო. მეფემ დიდად დაასაჩუქრა მახარობლები.

კირი იქა. ლხინი აქა: ქატო იქა, ფქვილი აქა.

ელასა. მელასა. ზროლი გვეკიდა ყველასა.

ჩვენს ავად ამხსენებელსა დანა დაესოს ყველასა.

დ ა თ უ ა

იყო და არა იყო რა, ღვთის უკეთესი რა იქნებოდა. იყო ერთი ხელმწიფე, ჰყავდა სამი ქალი და ერთი ვაჟი. ჰქონდა ერთი დიდი ბაღი, ათანაირა ხეხილით სავსე.

ერთ საღამოს ქალებმა მოახლეს ქალი გაგზავნეს ბაღში ხილის მოსატანად. მოახლეს დაიგვიანა. როდესაც მოვიდა, მიზეზი არა თქვა დაგვიანებისა. გავდა შვილი თვე. ქალი ორსული გამოდგა. ვეზირებმა ეს ხელმწიფეს მოახსენეს, მანაც ქალის მოკვლა ბრძანა. ქალმა უთხრა ხელმწიფის ვეზირებს: ჯერ ნუ მომკლავთ, ხელმწიფესთან ერთი საიდუმლო მაქვს სათქმელი, იმას მოვახსენებ და მერე, რაც გასურდეთ, ის მიქენითო.

მივიდა ქალი ხელმწიფესთან და მოახსენა: როცა ბაღში ხილს ვკრეფდი, ხიდან დათვი ჩამოხტა, მეცა და დამაორსულაო. ნუ მომკლავ, გაიგებ მაინცა. როგორი შვილი მეყოლებაო. ხელმწიფემ პატიება ბრძანა ქალისა და კარგად მოვლა. გავიდა ორი თვე და ქალს ვაჟი ეყოლა. ისეთი ვაჟი, რომ ყველა ხელმწიფის შვილებს სჯობდა. ხელმწიფემ ბრძანა: ვაჟს სახელად დათუა დაარქვით და გვიარად დათულაშვილიო. ისეთი კარგი ბიჭი გამოდგა, რომ ერთი წლისა ხუთი წლისას ჰგავდა, ათი წლისა ოცდახუთი წლისას. ათი წლისას მთელს სახელმწიფოში ვერავინ ერეოდა. ერთ ღამეზე ათი კოლის ნაპცხვარი პური არ ჰყოფნიდა და ვეზირები შიშით ხმას ვერა სცემდნენ.

მივიდნენ ვეზირები და შესჩივლეს ხელმწიფეს: ბატონო, რასაც ვაცხოვრებთ, სულ ეგა ჰკამს, ჩვენ შიმშილით ვიხოცებითო. მოუხერხებ რამე, თუ არა შენც ცუდ დღეს დაგაყენებსო. მოიხმო შეშინებულმა

ხელმწიფემ დათუა და უთხრა: შენ ძალიან ღონიერისა და მკამელი კაცის სახელი გაქვს გავარდნილი. თუ ეს მართალია, აი, იქ ცხრა მთის იქით, მეთათე მთის ძირში გარეული ღორია, ღორში ერთი დიდი ფერდელა ტახი ურევია, წადი, ის ტახი მოკალი და მომიტანეო.

წავიდა დათუა და საგზლად ხუთ-ხუთი საპალნე პურ-ღვინო წაიღო ზურგით. მივიდა ტახთან. ნახა რომ ორ-ორი ალაბი ეშვი აქვს. გამოკრა ბზისგან ორი ტაფელა და მოუყარა ღორებს თავი წამოსარკად. ღორებმა საკბენად შეუტიეს, მაგრამ დათულაშვილმა რომელსაც გაარტყა ტაფელა, სიცოცხლე დაავიწყა. წამორეკა წინ ღორები და მოასხა ხელმწიფესთან. ვეზირები უფრო შეშინდნენ და რსევ შესჩივლეს ხელმწიფეს. ხელმწიფემ ახლა ფერდელა ტახის მოკვლა დააუღა, იქნება კბილი დაკრას ღორმამო. მაგრამ ვაჟმა ესეც კარგად შეასრულა. ბოლოს უთხრა: დასავლეთის ხელმწიფის ქალს თუ მოპიყვან სარძლოდ, ჩემს ქალს შენ მოგცემ და ნახევარ სახელმწიფოს დაგიმტკიცებო.

წავიდა დათუა. გავიდა დიდ მინდორზე და ნახა, მონადირეებს კურდღლისათვის ძაღლები მოუტევათ. ნახა კიდევ, რომ ერთმა კაცმა, რომელსაც ფეხებზე წისქვილის ქეები დაეკრა, ეს კურდღელი დაიჭირა. გაუკვირდა დათუას და უთხრა: — ძმაო, ვინ ხარ შენ, ფეხებზე მაგოდენა ქეები გაკრავს და კურდღელს ისე იჭერო? — კაცმა უპასუხა: — მე რა კაცი ვარ, კაცი ის მითხარი, ერთი დათულაშვილი რომ ყოფილა, თურმე ასი გარეული ღორი ჩამოურეკავეს მთიდანაო. დათუამ უთხრა: — ეგ დათულაშვილი მე ვარ და მიახანანგეო. დაამხანაგდნენ და წავიდნენ.

ბევრი იარეს, თუ ცოტა იარეს, ერთს ყანაში გავიდნენ და ნახეს, ერთი კაცი ხნავს, მეორე სახენელის თავს მიჰყვება, ბელტებს ყლაპავს და იძახის: ვაი რა მშვიანო! შესძახეს ძმობილებმა: — ჰეი, კაცო, ვინა ხარ, მაგდენი ბელტი გადაგიყლაპავს და კიდევ გშვიანო! — მან მიუგო: — მე რა კაცი ვარ, კაცი ის მითხარი, ერთი დათულაშვილი რომ ყოფილა, მთიდან თურმე ასი გარეული ღორი ჩამოურეკაო! დათუამ უპასუხა: — ეგ მე ვარო, მეძმე და გამყევით. წავიდნენ ერთად.

გავიდნენ მინდორზე და შენიშნეს: ერთი კაცი ცას მისჩერებოა, მშვილდი ხელში უჭირავს. გაკვირდნენ ესენი, ჰკითხეს: — რას უყურებ ცაშიო? — მან უპასუხა: შარშან ისარი ვისროლე და ახლა შოდის ძირს, ხმა მომესმაო. ამ ლაპარაკში ისარიც დაეცა ძირს. გაუკვირდა დათუას და ჰკითხა: — შენ რა კაცი ყოფილხარ, შარშან ისარი გისვრია და ახლა ჩამოვარდაო! მან უპასუხა: — მე რა კაცი

ვარ, კაცი ის მითხარი, ერთს დათულაშვილს რომ მთიდან ასი გარეული ღორი ჩამოუტრეკიაო! — გაუტყდა დათულაშვილი ვინაობას, დაამხანაგდნენ და წავიდნენ.

იარეს, იარეს და ერთ მდინარეს მიაღწენ. ნახეს — შუა მდინარეში დგას ერთი კაცი, სვამს წყალს ისე. რომ ქვევით მდინარე დაუშრია და კიდეც იძახის: ვაი რა მწყურიაო! შესძახა დათულაშვილმა: — პეი. რა კაცი ხარ შენ, მდინარე დაგიშრია და კიდეც გწყურიაო! — ესეც ისე შეიამხანაგეს და გაუდგნენ გზას. მივიდნენ დასავლეთის ხელმწიფესთან და ქალი მოსთხოვეს. ხელმწიფემ ქალი გამოიყვანა. ქალმა რომ გამოკითხა, ყველაფერი უბრძანა მათ: მე ვნც ნაძლევს მომიგებს. ცოლიც მისი ვიქნებო და თუ წაავო, თავს მოქკრიო. — დათულაშვილი დათანხმდა სანაძლეოზე. ქალმა უთხრა: — მე და შენ უკვდავების წყალზე თითო კაცი გაგზავნოთ და ვისიც უფრო მალე მოვიდეს, ის იქნეს გამარჯვებულიო.

გაგზავნეს კაცები. დათულაშვილმა ქვებიანი კაცი გაგზავნა. ქალმა თავის კაცს ერთი დოქი ბანგი გაატანა და დაუბარა: გზაში დოქიანი კაცი შეგხვდება. ეს დაალევირე, დათვრება, მის დოქში უკვდავების წყალი არის და ის დოქი გამოარბენინეო. დათულაშვილის კაცს გზაში დაძინებოდა. როცა დააგვიანდა, დათულაშვილმა მშვილდიანს ისარი ასროლიხა. ისარი მდინარე კაცის ახლოს დაეცა, გაეღვიძა კაცს, წამოაწყო დოქს ხელი, გაიქცა წყალზე და კიდეც მოასწრო ქალის კაცს.

ქალი ძლიერ დაღონდა. დათულაშვილმა ჰკითხა მიზეზი, ბოლოს დასძინა, თუ გნებავს. კიდეც დაენაძლევედეთ: აგერ ორი კაცი მახლავს, ერთი ღვინით გამიძლე და მეორე პურიითაო. ქალმა იფიქრა: ამ ორ კაცს როგორ ვერ გაეძლებო. დაუძახა მომსახურეებს, მოატანინა რაც ქალაქში პური და ღვინო იყო, მაგრამ ვერ გააძლეს ეს ორი კაცი. ერთი იძახოდა, ვაი რა მშიაო, და მეორე კი — რა მწყურიაო! რაღა უნდა ექნა ქალს, ადგა და წაჰყვა დათულაშვილს. ხელმწიფემ ეს ქალი რძლად ითხოვა, თავისი ქალი და ნახევარი საბრძანებელი დათულაშვილს მისცა და ცხოვრობდნენ ბედნიერად. შარშან იქ ვიყავი და წლევუსს აქ გიახელით.

კირი იქა. ლხინი აქა.

ვატო იქა. ფქვილი აქა.

სასწაულმოქმედი პერანგი

იყო და არა იყო რა. ღეთის უკეთესი რა იქნებოდა. იყო დასავლეთის ხელმწიფე და ჰყავდა სამი ვაჟი. ერთხელ ხელმწიფე ძლიერ ავად გახდა. დაიბარა შვილები და უთხრა: ვიცი, სიკვდილის დღე მომიახლოვდა. ველარ მოვრჩები და ჩემს შემდეგ თუ გაგიჟირლეთ რამე, აღმოსავლეთის ხელმწიფეს მიმართეთ და შექნეობა სთხოვეთო.

მართლაც, გარდაიცვალა ხელმწიფე და დაასაფლავეს. როგორც შეეფერებოდა. გაიგეს თუ არა შორეულმა სახელმწიფოებმა ეს ამბავი. დაესივნენ ობლების ქონებას. თვითონ კი ცოცხლებმა ძლივს გაასწრეს და აღმოსავლეთის ხელმწიფესთან გაიქცნენ. ხელმწიფემ კარგად მიიღო ისინი. მისცა საკუთარი სახლი, მიუჩინა მოსამსახურე და კეთილად ეპყრობოდა. ერთი მეთვალყურე მიუჩინა და დაავალა: ეს ხელმწიფის შვილები კარგი ნაწურთნი სჩანან და აბა, დღეს პირველ საღალზე რას იტყვიან. ამბავი მოპიტანეთო.

ბატკანი დაუკლეს. დასხდნენ სადილზე. როდესაც პური აიღო ხელში, უფროსმა თქვა: ამ პურს ადამიანის სისხლი ურევიაო. საშუალომ თქვა: აი, ეს ბატკანი თავისი დედის რძით არ არის გაზრდილი, ძაღლის ძუძუ უჭამიაო. უმცროსმა თქვა: მე რომ ხელმწიფეს შევხედე. ის ხელმწიფის შვილი არ უნდა იყოსო.

ეს ამათი ნალაპარაკევი მეთვალყურემ ხელმწიფეს მოახსენა. ხელმწიფემ ბრძანა: მოიყვანეთ გუთნისდედაო. დაიბარეს, მაშინვე გამოცხადდა. ხელმწიფემ ჰკითხა: ამ პურს ადამიანის სისხლი რად ურევიაო?

— ხელი გავიჟერ თესვის დროს და მუჭით რომ ხორბალს ვაქნევდი. სისხლიც თანა ჰყვებოდაო, — უპასუხა გუთნისდედამ.

დაიბარეს მეცხვარეები. ხელმწიფემ ამათაც ჰკითხა: ამ ბატკანს რათ აკამეთ ძაღლის ძუძუ. თავის დედას რათ მოაშორეთო?

მეცხვარეებმა უპასუხეს: დედა მოუკვდა, რძითა ვზრდილით და ძაღლსაც შესჩვეოდაო.

დაითხოვა ისინი ხელმწიფემ. შევიდა თავის დედასთან და უთხრა: დედი, წუხელის სიზმარში მასწავლეს, თუ ძუძუს მომაწოვებ, სიბერემდის ვიცოცხლებო. დედამაც მისცა ძუძუ. ხელმწიფემ ძუძუ პირში ჩაიდო. კბილი მოუჭირა და უთხრა: მე ვიცი, ხელმწიფის შვილი არა ვარ და მითხარ. ვინ იყო მამაჩემიო? თუ არ მეტყვი. არ გაგიწვებო. რაღას იზამდა, დედაც გამოტყდა და უთხრა: მეჩინიბის შვილი ხარო. მაშინ დარწმუნდა ხელმწიფე: ესენი მართლა ღირსნი არიან პატივისცემისაო და უფრო კარგად შეინახა, გამოზარდა და

როდესაც სრულწლოვანი შეიქნენ, მაშინ გაისტუმრა თავიანთ სახლში. საპივეს სამი ცხენი დაუტვირთა თვალ-მარგალიტით და ფულით და ისე გაუშვა. წავიდნენ.

ბევრი იარეს, თუ ცოტა იარეს. ერთ ჯვარედინ გზაზე გავიდნენ. ერთი დიდი ქვა იყო და იქ დაისვენეს. იმ ქვაზე ეწერა: ამ გზით წავიდეს მგზავრი — ისევ დაბრუნდეს, ამ გზით წავიდეს — ან დაბრუნდეს, ან არა. და ამ გზით წავიდეს—სულ ველარ დაბრუნდესო. ერთი გზაც თავიანთი სახლის გზა იყო. ეს ქვა ოთხივე გზის შუაზე იყო.

— შინ რომ მივიდეთ, რა გავაკეთოთ. — თქვეს, — მტერი სულ გაანადგურებდა იქაურობასო, და არჩიეს სხვადასხვა გზით წასვლა. უფროსმა ძმამ აირჩია ის გზა, რომელზედაც ეწერა „წავიდეს, ისევ დაბრუნდესო“. — საშუალმა აირჩია მეორე — „ან დაბრუნდეს, ან არაო“, უმცროსმა კი მესამე გზა აირჩია — „წავიდეს, ველარ მოვიდესო“. ბევრი ურჩიეს ძმებმა: ჩვენი გზა აირჩიე, მანდეთ ნუ წახვალთ, მაგრამ არ გაიგონა. ამოიღეს თითო ბეჭედი, დააწყვეს ქვიპქვეშ, მიწაში დამალეს. — ვინც წინ გამოიაროს, თავისი ბეჭედი გამოიღოს და მამის ბინაზე წავიდესო, — დაუმოწმეს ერთმანეთს და წავიდნენ.

გავყვეთ პატარას. წავიდა შორს უგზო-უყვლოდ, არ იცის სად მიდის; გავიდა ერთ დიდ გზაზე და დაადგა იმ გზას. გაიყვანა გზამ ერთ ზღვის პირს და დაუღამდა კიდეც. აქ ნახა ერთი ქოხი. გაუკვირდა: ნუთუ აქ, ამ უდაბურ ალაგას, არის ვინმეო?! გადასწყვიტა მისვლა, ვნახავ რა იქნებაო, და მივიდა. ნახა, რომ ამ ქოხში ერთი დედაბერი იყო.

დედაბერს გაუკვირდა და ჰკითხა: შეილო, აქ რამ მოგიყვანა ამ უდაბურს ადგილასაო. მართლაც, ისეთი უდაბნო იყო ეს ალაგა, რომ არავინა ცხოვრობდა, არც რა ითვისებოდა, მთლად სილა იყო და მუწა არა.

— დედაშვილობას, — უთხრა ხელმწიფის შვილმა დედაბერს, — ბინა მომეცი. ღამე გავათირო. დედაბერმა შეიწვია შინ და ცხენი გარეთ დააბა, ხურჭინები კი მოხადა და ქოხში შეიტანა. დაღამდა კიდეც. გამოხედა კიდეც ცხენს, მოუარა და უეცარმა სანახავმა შეაჩერა: ზღვაში ერთი დიდი სასახლე იყო და მთლად ბრწყინავდა; როგორც ცეცხლი, ისე ანათებდა. ძალიან შეშინდა ხელმწიფის შვალი, მაგრამ ბოლოს როგორც იყო, მოიკრიფა ძალ-ლონე. შევიდა დედობერთან და ჰკითხა: ის რა არის, რომ ანათებს ზღვაშიო? — ეგ ოქროს სახლია, შიგ ხელმწიფის ქალი ცხოვრობს მზეთუნახავი, მრავალკეცი

საბურველი აქვს პირზე ჩამოფარებული, მაგრამ მაინც ეგრე ანათებს მისი სილაშაზვო, — უპასუხა დედაბერმა. — როგორ ცხოვრობს, გვერდით ვინ ახლავს და როგორ შეიძლება მასთან ასვლა, გეცოდნება და მასწავლეო. — შეეხებეწა ვაჟი.

დედაბერმა უთხრა: როდესაც ხელმწიფე ცოცხალი იყო, აქ ქალაქი იყო გაშენებული. ხალხიც მრავლად ვცხოვრობდით და ეგ ქალი რომ ეყოლა. თილისმის მცოდნე პირები შეკრიბა და ეს სასახლე ასე გააჩერა ჰაერში დაკიდებული, ხმელეთიდან კიბე გააკეთებინა იმ სახლამდის და თვითონ იმით აღიოდა ქალთან. იმ კიბეს ათასი მეომარი იცავდა. არვის შეეძლო სხვას ასვლაო. ერთხელ აღელდა ზღვა და რაც სახლები იყო და ან ხალხი. სულ ზღვაში შეიტანა. მე ზევით, მთაზე ვიყავ წასული საზრდოს საშოვნელად და გადავკრი. მას აქეთ აქ ვარ. არც სიკვდილი მელირსა და ასე ვიტანჯები მარტოკა. იმ ქალს უფლიდან თუ საზრდო ეძლევა და ცხოვრობს, თორემ არა ვიცი რა. ის კი ვიცი. რომ ცოცხალია, რადგანაც ღამე ანათებსო. მეც ციდან მანანა მეძლევა და ვცხოვრობო.

ამ ხელმწიფის შვილმა რომ ეს ამბავი მოისმინა, ისე წავიდა ფიქრებში, რომ იმ ღამეს თვალზე ძილი არ მოსვლია. მეორე დღეს წაიღო ცოტა ფული, შეჭდა ცხენზე და წავიდა. იარა, იარა და მიადგა ერთ ქალაქს. იქირავა ხურო, ღურგლები. იყიდა ხის მასალა და მოიტანა. დააყენა ოსტატები და გააკეთებინა კიბე. ოსტატებს ბევრი აჩუქა და სთხოვა: მე რომ ავალ. ეს კიბე დაშალეთ და ზღვაში ჩაყარეთო. გამოეთხოვა დედაბერს და ავიდა ქალის სახლში. კიბე ოსტატებმა დაშალეს და წყალში ჩაყარეს. ხელმწიფის შვილი ავიდა ბანზე და დაიწყო წინ და უკან სიარული. ქალს მოესმა ფეხის ხმა და დაუძახა: ვინ ხარ, რა სულიერი ხარ, აქ ვინ მოსულხარ, თავის დღეში აქ ადამიანს არ გაუვლია და შენ საიდან მოხვედიო?! — მე მამა-უფალმა გამომგზავნა შენს ამხანაგადო! — უპასუხა ვაჟმა.

ქალმა უთხრა: მე მამა-უფლისაგან მეძლევა საზრდო და თუ ახლა შენთვისაც გამოგზავნის, მართალი იქნება შენი სიტყვა, მანამდის კი მანდ გაჩერდით.

გავიდა ცოტა ხანი და, მართლაც, სადილისათვის ორთავეს ტაბლა მოერთვა თავისი პურ-ლეინით.

მაშინ უთხრა ქალმა: მართლა მამა-უფალს გამოუგზავნიხარ ჩემს ამხანაგად. თორემ გაჩვენებდი, მოპარვით მოსვლა როგორც უნდოდაო. შეფიცეს. უსიკვდილოთ არ ელაღატათ ერთმანეთისათვის და დააწყეს სადილობა. იცხოვრეს ერთად და უზრუნველად. ქალმა უჩვენა რვა ოთახი სულ სხვადასხვა სანახაობებით სავსე: ერთში იყო

ფრინველები და გალობდნენ ტყბილს ხმაზე, მეორეში იყო თუთი-
ყუში და როგორც ადამიანი ისე ტრტინებდა, მესამეში იყო თვალ-
მარგალიტი და ოქრო-ვერცხლი აუარებელა, მეოთხეში იყო სულ
ჩასაცმელები ქალისა. ერთი თვითონ საცხოვრებლად ჰქონდა მდიდ-
რულად მოწყობილი და დანარჩენს ოთახებშიც ბალი იყო მოთავსე-
ბული ათასნაირ სხვადასხვა ყვავილებით და ხეხილებით. იმისთანა
ხეხილები არსად იყო დედამიწაზე. იმისთანა ყვავალებიც იყო, რომ
ლაპარაკობდნენ. ერთი ამბობდა: მე რომ შემქმამო, მოკვდები. მეორე
ამბობდა: მე რომ მკვდარს დაჰადო, გაცოცხლდებოდ და სხვა. მეცხ-
რე ოთახი არ აჩვენა და უთხრა: ნუ მთხოვ მაგის ჩვენებასო.

ერთხელ ქალს ეძინა და იმის უჩუმრად აიღო გასაღები და წავი-
და მეცხრე ოთახის სანახავად. გააღო და შევიდა. რა შევიდა. გაოც-
და: კიდევ პატარა ოთახი იყო შიგ. ისე გააოცა აჰ სანახაობაჰ. რომ კა-
რები ღია დასტოვა და მივიდა იმ პატარა ოთახის გასაღებად. გააღო
თუ არა, ნახა ერთი ჩიტი ნისკარტით პერანგსა ქსოვდა. ჩიტმა რომ
უცხო კაცო დაინახა, გაფრინდა და პერანგიც თან წაიღო. ვაჟი მივი-
და დაღონებული და დაჭდა ქალთან.

გაელვიდა ქალს. მაშინვე გაიგო საქმე რაშიაც იყო და უთხრა: თუ
კი ეგრე გულით გინდოდა გენახა, მეტყოდი და გაჩვენებდიო. ის პე-
რანგი რომ მცმოდა. თუნდ მთელი ქვეყანა შემბმოდა. ვერას დამაყ-
ლებდა და ახლა კი მუდამ შიშსა და შეწუხებაში უნდა ვიყოთო.

ჩიტმა პერანგი რომ წაიღო, შორს. ტრიალ მინდორზე გაიტაცა
და ერთ ალაგას დაუეარდა. თვითონ კი გაფრინდა.

გაზაფხული იყო. მწყემსებს ცხვარი მიუღლიოდათ იალალებზე.
ერთ ღამეს ამ მინდორზე მოუხდათ ღამის გათევა და ცეცხლი კი არა
ჰქონდათ. რომ აენთოთ. იყურეს აქეთ-იქით. სხვა მეცხვარეები თუ
არიან სადმე. ცეცხლი მოვუტანოთო. დაინახეს შორს ცეცხლი და
გაგზავნეს ერთი მწყემსი მოსატანად. რაჟღენად მწყემსი უახლოვდე-
ზა. იჟღენად გაკვირვება ემატება: ცეცხლი არ არის და ასე კი ანა-
თებს. მეცხვარე შიშმა შეიპყრო, მაგრამ მაინც ცნობისმოყვარეობა
აღეძრა და მივიდა ახლო. ნახა. რომ პერანგია. აიღო და წაჰოვიდა.
მოაქვს და უხარია: ეს რა კარგი რამ ვიშოვე, ჩვენს ხელმწიფეს მი-
ვუტან და დამასაჩუქრებსო. მოვიდა ამხანაგებთან. გაჰკვირდნენ.
ნაქსოვია. არც ნაქარგია. არც ხელით ნაკერი აქვს რამე. გაგზავნეს
ეს მწყემსი ხელმწიფესთან და გაატანეს პერანგი. ახლა ხელმწიფე
ჰკვირობს: ხელოვნურა რამე არ არის, ცით მოწყვეტილი ჰგონია.
შეატყობინა ნაზირ-ვეზირებს: გამიგეთ ეს რა უნდა იყოს, ამის ჩამ-
ცმელი ქვეყნიურია, თუ ცით არის მოწყვეტილიო. ვეზარებმა მოახ-

სენეს: ბატონო, კაცები გავგზავნოთ და თუ ქვეყნიურია, მაინც გაიგებენ რამესო.

მწყემსი დააიწყდა ხელმწიფეს, მაგრამ მწყემსს თავისი თავი არ დაეიწყებია. ხელმწიფეს მოახსენა: რას მიბრძანებთ. ბატონო, პერანგი წავიღო თუ თქვენა გნებავთ? გაიცინა ხელმწიფემ და დასაჩუქრა. მერე გავგზავნა ყოველმხრივ კაცები: გამიგეთ, ვინ არის ამას პატრონი და ღიდალ დაგასაჩუქრებთო.

წავიღნენ, მთელი წელიწადი ეძებეს, მაგრამ ვერსად რა გაიგეს. დაბრუნდნენ შინ დაღონებულები.

ხელმწიფეჲმაც მოიწყინა, აღარც გამობრძანდა ხილვად სახელმწიფოსა. გასცა კიდე ბრძანება: ვინც შიშის იმ ქალს. ჩემ სახელმწიფოს ნახევარს იმას დავუმტყიცებო. მაშინ მივიდა ერთი დედაბერი და მოახსენა: ხელმწიფე აღლეგრძელა ღმერთმა, რათა სწუხდებოთ აგრე, ერთი პატარა ნავი, ერთი ჩარეჲ ბანგი და ერთი ც ღვინო მომეცოთ და მე მოვუყვან იმ ქალსაო.

გაუხარდა ხელმწიფეს, მისცა ყოველივე ეს და გაისტუმრა.

ჩააშვებინა ზღვაში ნავი დედაბერმა და წავიდა ზღვით. იმდენი იარა, რომ მივიდა იმ ქალის სახლთან და დაიწყო გარშემოვლა. ამ დროს ქალი და ვაჟი ბაღში დასეირნობდნენ და ზღვას გადმოხედეს, ნახეს — დედაბერი მალა იშვერს ხელებს: მიშველეთ, ამომიყვანეთ, ვილუპებიო! ვაჟმა გამოარბენინა თოკები, ქალი არ უშვებს: ნუ ვინდა. არ ამოიყვანო, თორემ დავილუპებითო. მაინც არ გაუგონა. ჩაუშვა და ამოიყვანა. გადარჩენისათვის დედაბერმა მადლობა შესწირა, ნავი კი ისე მოხერხებულად დაამაგრა სახლის კედელზე, რომ ზვიდგან არაფრის შიში არ მოელოდა და არც ქალსა და ვაჟს შეუმჩნევიათ რამე. იყო ამათთან, კარგი სამსახური გამოიჩინა, კარგის ამბებით ატყობდა და ქვეყნიურს ამბებს უამბობდა.

ერთ დღეს გაახსენდა, რომ ჰქონდა ერთი ჩარეჲ ღვინო და ერთი ც ბანგი. თვითონ ღვინო დალია და მათ კი ბანგი შეაპარა. რადგანაც ბანგისა და ღვინოს ჭურჭელი ერთმანეთს ჰგავდა, მათაც ვერ შეამჩნიეს და დალიეს. დაეძინათ ქალსაც და ვაჟსაც. ადგა ეს დედაბერი, გამოსქრა ვაჟს ყელი, ქალი თოკით ჩაუშვა, თვითონაც თოკი სახლს მოაბა, ჩაუშვა ნავში, აუშვა და წავიდა. სწრაფად მივიდა ხელმწიფესთან ქალითურთ. აიყვანეს ქალი და იმისთვის მომზადებულ ოთახში დააწვიანეს მძინარე. როდესაც გაეღვიძა ქალს, გაუყვირდა უცხო სახლში რომ ნახა თავისი თავი.

პირისფარეშებმა მოურბენინეს ამბავი ხელმწიფეს: გაიღვიძა ქალმაო. მასაც გაუხარდა და გაეჲანა ქალთან. ქალმა რომ უცხო ე-

ცი დაინახა, აპოილო დანა ჯიბიდან და გულზე დაიდო: არ მოხვიდე, თორემ მოვიკლავ თავსაო დაუწყო გამოკითხვა: მე აქ ვინ მომიყვანა, რა ჰქვია აქაურობას, ან შენ ვინა ხარო? ხელმწიფემ უთხრა: მე ამ ქვეყნის ხელმწიფე ვარ, შენ მოგიყვანა ბებერმა. შენი ქმარი მოკლა. ახლა მე უნდა შეგიერთო ცოლად, შენი პერანგიც აქა მაქვს და როდესაც ჯვარს დავიწერ, მაშინ მოგართმევ, მანამდის კი მე მექნებაო. — კარგიო, — უთხრა ქალმა, — შენს ხელთა ვარ, რას გავაწყობ, მაგრამ ერთი წელიწადი ვადა მომეცი ვიგლოვო ჩემი ქმარი, არავინ შემოხვიდეთ ჩემთან, თუ ვინმე გაბედავთ შემოსვლას. თავს მოვიკლავო. მთლად შენს სახელმწიფოს შავები ჩააცვი და სახლსაც შავი გააკარო.

ყოველივეზე დასთანხმდა ხელმწიფე, რაც ქალმა მოითხოვა. როდესაც ვაჟს თავისი ძმები გაშორდნენ და სხვადასხვა გზით წავიდნენ, უფროსმა ვაჭრობაში ბევრი ფული მოიგო, მობეზრდა აქეთიქით სიარული და წამოვიდა ძმების შესახვედრად. რა მოვიდა ჯვარედინა ქვასთან, ბექლები ნახა. შუათანას გაუვლია და თავისი ბექელი წაუღია, უმცროსის იქვე არის. ადგა და წავიდა იმ გზით, რომლითაც უმცროსი იყო წასული. ბევრი სიარულის შემდეგ მივიდა იმ დედაბერთან და ჰკითხა: ამ ოთხი წლის წინათ ერთი ვაჟი წამოვიდა აქეთ და ხომ არა იცით რა იმისიო?

დედაბერმა რაც იცოდა, ყოველივე უამბო და ისიც, რომ რაც იმ ქალთან ავიდა, აღარა ვიცი რა და ეს ცხრა დღე იქნება აღარც სინათლე დამინახავსო.

ადგა ეს ხელმწიფის შვილი და წავიდა, დაიქირავა ხურო-ღურგლები, მოატანინა მასალა, გააკეთებინა კიბეები და ავიდა. ავიდა და ნახა საუცხოო სასახლე მდიდრულად მოწყობილი, ნახა თავისი ძმა ყელგამოჭრილი ხრიალებს, თურმე სიჩქარით დედაბერს მთლად ვერ გამოეჭრა ყელო, სასულე ზედვე ჰქონდა. ადგა, დაიარა მთელი ოთახები, ნახა მშვენიერი ბალი სხვადასხვა ხეხილით და ყვავილებით. ერთი ყვავილი იძახის: მე რომ მკამო, მოკვდები, მეორე ამბობს: მე რომ მკვდარს დამადო, გავაცოცხლებო და სხვა. აიღო ამ ვაჟმა და მოსწყვიტა ეს ყვავილი, დაადო ძმას და, მართლაც, გაცოცხლდა გაახილა თვალი და ჩაილაპარაკა: რამდენი მძინებააო. დაინახა თავისი ძმა, გაუკვირდა და ჰკითხა: როგორ მოხვედი. ან ქალი რა იქნაო. ძმამ თავისი მოსელის მიზეზი აუხსნა, ისიც უამბო, თუ როგორ ამოვიდა, როგორ ნახა თვითონ ყელგამოჭრილი, როგორ გააცოცხლა და სხვა. — ქალი კი არ მინახავსო, — უთხრა. მაშინ გაახსენდა ყოველივე, ის დედაბერი იზამდა ყველაფერსო. თავის ბაღში შევიდა, ხის

კენწეროები დაკრა, შეკრა კონად და წავიდნენ. ძმას უთხრა: წადი, ძმაო, სახლში, მე მანამ არ ვიპოვი, იმის გზაზე უნდა მოვეკდეო.

გაშორდნენ ერთმანეთს და წავიდნენ, დიდი — სახლში და პატარა — ქალის საძებრად. ბევრი ძებნის შემდეგ შევიდა იმ ქალაქში, ნახა სულ შავი აქვს გადაკრული, ქალსა და კაცს შავი აცვია და მზეც არ ანათებს რიგიანად. იკითხა მიზეზი და უამბეს: ხელმწიფემ ერთი ქალი მოიყვანა, ეს ქალი თავის ქმარზე არის მგლოვიარე და ყველას შავი ჩაგვაცვეს. არ იცინის, სულ დარდიანია და მზეც არ გვინათებსო.

წავიდა, ხელმწიფის კარზე ჩაიარა და დაიძახა: კარგი ნამყენების გაკეთება ვიცი, საუკეთესო ტოტები მაქვს, ხომ არ ინებებთო?! შეატყობინეს ხელმწიფეს. — მებაღედ აიყვანეთო! — ბრძანა ხელმწიფემ. ვაჟმა დაამყნო და ნამყენებმა ამავე ზაფხულს დაისხა საუკეთესო ხილი. ერთი კალათი აავსო მებაღემ ხილით და ხელმწიფეს მიართვა. გაუკვირდა ხელმწიფეს ხილის მშვენიერება და სიმსხოით ხომ არ ენახა არსად. აიღო და ქალთან გაატანა: იქნება ესიამოვნოსო. მებაღემ ქალის ფანჯარასთან რომ გაიარა, ქალმა მაშინვე იცნო და სიხარულით კარები გააღო. გაიხარეს. ჰკითხეს ერთმანეთს თავიანთი თავგადასავალი. ქალმა უთხრა: რადგან თვალითა გნახე, ახლა გაგვიადვილდება ყოველივეო. ხელმწიფეს მოახსენეს: ქალს ძლიერ ეაჩა ხილი და მებაღე მიიღოო. ასე და ამრიგად დაიწყო ამ ვაჟმა ქალთან სიარული. ხელმწიფემ ნება მისცა ყოველდღე მიეტანა არჩეული ხილი და შეეთავაზებინა ქალისთვის.

ამათაც ის უნდოდათ. მოილაპარაკეს. ქალმა უთხრა: როდესაც წელიწადი შესრულდება, იმ დღით მომიტანენ ჩემს პერანგს. მე ვიტყვი, სანამ ჭვარს დავიწერდეთ, მინდა ერთი ბაღში გავიარო და თქვენის ჯარით ბაღის კარებში გაჩერდით, მე მარტოკა შევალ ბაღშიო. შენც იქ, რაც ხეები ამყნე, კენწეროები დააქერ და მზად გქონდეს, გავშლი პერანგს, დავსხდეთ ზედ და გაგვაფრენს.

ასე, რა წელიწადი შესრულდა, ხელმწიფემ გამოუგზავნა პერანგი და სთხოვა: გამოდი, ჭვარი დავიწეროთო. ქალმა დააბარა: ერთი თხოვნა ამისრულეთ და დიდი სიამოვნებით, სხვას აღარას გთხოვო. მობძანდა ხელმწიფე: აბა, რასა მთხოვო? ქალმა უთხრა: თქვენ თქვენის ჯარით ბაღის კარებში გაჩერდით, მე მარტოკა შევალ ბაღში, ვნახავ იმ ხილს ზედ დასხმულს, რომელსაც აქამდის ყოველდღე მიგზავნიდით. მინდა ჩემის თვალით ვნახო, როგორ ასხია, დავტყებები მისი ყურებით და შემდეგ თქვენი ნებაა, მე წინააღმდეგი არა ვარ ქორწინებისათ.

ხელმწიფემ ნება დართო. ჩაიკვა ქალმა პერანგი, ხელმწიფე და ჯარი კი ჩადგა ბალის კარებში. ქალი შევიდა შუა ბაღში. გაიხად: პერანგი. დაჯდა ზედ, მებაღეც გვერდით მოისვა და უთხრა პერანგს: აბა ამწი და ჩემს სასახლეში მიმიყვანეო. პერანგი აიწია და მალა-მალა გაფრინდა.

დარჩნენ ხელმწიფე და მისი ჯარი პირდაღებულები.

ქალ-ვაჟი მივიდნენ თავიანთ სახლში, რაც საუკეთესო რამ ჰქონდათ, თან წაიღეს, ის კეთილი დედაბერიც არ დაივიწყეს, თან წაიყვანეს და წავიდნენ ძმებთან. შეექმნათ დიდი სიხარული და დაიწყეს მხიარული ცხოვრება.

მანამ ესენი მივიდოდნენ, დიდ ძმებს აეშენებინათ ახალი სახლები. იცხოვრეს გაუჭირვებლად და ბედნიერად.

ჭირი იქა, ლხინი აქა.

ორმოცხვილიანი ხელმწიფე

იყო და არა იყო რა, ღვთის უკეთესი რა იქნებოდა. იყო ერთი ხელმწიფე. ჰყავდა ორმოცი ვაჟიშვილი. თვითელი მათგანი ერთმანეთზე თითო წლით იყვნენ უფროსი (წინანდელ დროში ხალხი ორას წელზე მეტხანს ცოცხლობდა. სამოცი წლის კაცი მაშინ ვაჟ-კაცად ითვლებოდა). მოისურვა ამ ხელმწიფემ თავის შვილების დაქორწილება. მოიხმო ნაზირ-ვეზირები და უთხრა: ვფიქრობ ჩემი შვილების დაქორწილებას და რას იტყვითო? თუ სხვადასხვა ოჯახიდან მოვიყვანე რძლები, ვერ მორიგდებიანო. ზოგმა რა თქვა, ზოგმა რა, ბოლოს ხელმწიფემ თქვა: ვივლო ქვეყანაზე და ვიპოვი ისეთ კაცს, რომ ორმოცი ქალი ჰყავდესო. ნაზირ-ვეზირებმა უთხრეს: თქვენი საქმეა, ჩვენ რაში გავერევით, როგორც გინდათ, ისე მოიქეცითო. თავის ნაზირ-ვეზირებში ერთი-ორი კაცი აირჩია. გაიხადეს თავიანთი ტანისამოსი როგორც ხელმწიფემ, ისე ვეზირებმა. ჩაიკვეს სულ უბრალოდ: წავიდეთ და დავიაროთ ქვეყანა, სადაც შევხვდებით, იქ დავნიშნავთ შვილებსო. იმავ დღესვე შეემზადნენ სუყველაფრით, საგზალი ჩაილაგეს. გათენდა დილა. მშვიდობის დილა გაგითენდათ! ცხენებს მოუჭირეს შვიდ-შვიდი მოსართავი. მოასხდნენ ცხენებს მამლებივით; ხევებში წყალივით, მთებში ქარივით, გაუდგნენ თვალუწვდენელ ტრიალ მინდორს.

გაკრეს უზანგი თავის ტაიჭებს. ბევრი იარეს, თუ ცოტა იარეს, ეს ღმერთმა აცის, ჩავიდნენ ერთ ქალაქში, სხვათა სახელმწიფოს ქალაქში. იკითხეს, სად არის სასტუმრო დარბაზიო? მიასწავლეს, რომ შავან ქუჩაში არისო. მივიდნენ, შევიდნენ და მოთავსდნენ იქა. ეს სასტუმრო ეკუთვნოდა ერთ მდიდარ კაცს, რომელიც იქვე ახლოს ცხოვრობდა სასახლეში. ამათ მოითხოვეს საჭმელი, მიართვეს, პატარა ხანს იმუსაიფეს. ესმით რაღაც მუსიკის ხმა, რაღაც საკრავებისა. ამ დროს შემოვიდა მსახური. შეეკითხნენ: ეს რა მუსიკა ისმის ამ სასახლეშიო. მსახურმა უპასუხა: ამის პატრონს ორმოცი ქალიშვილი ჰყავს. ისინი ყოველდღე კარგა შუალამედე ერთობიან და მერე მონდიან დასაძინებლადო. ხელმწიფეს გულში ჩაანათა ამ სიტყვამ: გვიან დავიწყეთო და მალე ვიპოვეთო. ხელმწიფემ უთხრა: წადი და ამ სასტუმროს პატრონსა სთხოვე ჩვენთან მოვიდესო. წავიდა და დაუძახა თავის პატრონს. ვიდრემდის ის მოვიდოდა, ხელმწიფემ და ნაზირ-ვეზირებმა დაიწყეს თათბირი: აბა ყოჩაღობა და ვაჟკაცობა ახლა უნდა გამოვიჩინოთო. ამ ლაპარაკში იყვნენ. რომ სასტუმროს პატრონიც შემოვიდა ოთახში. სალამი მისცეს. ხელმწიფეს უბრალო ტანისამოსი აცვია. ამათ ნელ-ნელა დაუწყეს ლაპარაკი, დანვრილებით ათქმევიანეს ყველაფერი: ორმოცი ქალი მყავს, ვაჟი არაო. ხელმწიფემ უთხრა, დავმოყვრდეთო, ორმოცი ვაჟი მე მყავსო. ამ კაცს გაუყვირდა ეს ამბავი. მერე უთხრა: არ შეიძლება რამე საბუთი მაჩვენოთ, რომ ორმოცი ვაჟი გყავთო, რომ თქვენი ვინაობა ვიცოდე, ვინა ბრძანდებით. მაშინ უთხრეს: თუ შეიძლებოდეს ხუთი წუთი გვადროვეთ და მერე გვენახეთო. ხუთი წუთის შემდეგ ნაზირ-ვეზირებმა და ხელმწიფემ ჩაიცივეს ისევ თავიანთი ტანისამოსი, შებრუნდნენ და დაალაგეს საბუთები. კაცს შეეშინდა: ვისთანა მაქვს საქმეო. თუ იკადრებთ და მოისურვებთ, დიდი სიამოვნებით დავთანხმდებიო. მე ჩემ თავსაც ბედნიერად ვთვლი, რომ ხელმწიფის მოყვარე გავხდებიო. ახლა ამ ხელმწიფემ უთხრა: არ შეიძლება ჩემი მხლებლებით წამოვიდე და ვნახო თქვენი ქალთა კრებაო? — რატომ არ შეიძლება, მხოლოდ ათი წუთის შემდეგაო.

გამოვიდა ეს კაცი, ჩამოვიდა თავის სასახლეში. ამ ქალებს განწყვეტინა ხმა და უთხრა: მე ესა და ეს ხელმწიფე მეწვია. იმასაც ორმოცი ვაჟი ჰყოლია და თქვენ მათ უნდა მოგცეთო. ახლა მოვა და თქვენ მწკრივად დადგებითო. თუ მოგეწონებათ. თანხმობა გამოუცხადეთ. თუ არადა, მე რა ძალა მაქვსო. ქალებმა, მართლაც. სუყველაფერი ისე გააკეთეს, როგორც უთხრა. დარბაზის კარები გაიღო თუ არა, ქალები რიგში გაჩერდნენ, სალამი მისცეს. მოეწონათ.

— ბედნიერად ვცნობთ ჩვენ თავსო, მხოლოდ ჩვენ გვინდა, რომ მათი სურათები ვნახოთო. ამოიღო ხელმწიფემ და გადასცა თავისი შვილების სურათი. სათვალავი ჩამოუთვალეს, მართლაც ორმოცი იყვნენ. მაშინ მიუთითეს მამამისს, რომ ნება ჰქონოდათ, როგორც მამამთილისთვის, ხელმწიფისთვის ნიშანი ჩამოერთმიათ. მამამ ნება მისცა. ხელმწიფემ ყველას ბეჭდები შეუცვალა. იმ ღამეს იქეიფეს, დროება გაატარეს და ილაპარაკეს, თუ რა დროს შეიძლებოდა მათი ქორწილი. ქალების პატრონმა უთხრა: დიდებულს ხელმწიფეც, ჩვენ ასე აღრე არ შეგვიძლიაო. სამი დღე იქეიფეს. გადაწყვიტეს, რომ ორმოცი ღლის შემდეგ ქორწილი იქნებოდა. დაასრულეს ქეიფე. გამოემშვიდობნენ ახალ მოყვარეს და წამოვიდნენ სახლში. რამდენიმე ხნის შემდეგ მიაღწიეს თავის ციხეს. ტახტზე იჯდა ხელმწიფის მაგიერ უფროსი ვაჟიშვილი. რომ მოვიდნენ ქალაქის დაახლოვებით, შიკრიკის მაგიერ გაუგზავნეს ერთი მეცხვარე: მიხვალ, მოულოცავ ხელმწიფეს, რომ მამაშენი მოდის თავის ნაზირ-ვეზირით და დაუნიშნისხარტ კიდევაო. ეს ხელმწიფე სიხარულით რამდენიმე მანეთსაც აჩუქებს და გამოისტუმრებს მეცხვარეს.

თვითონ თავისი ამალით მიეგებნენ მამას, ხელმწიფემ მოიხმო ორმოცი შვილი თავის ნაზირ-ვეზირით და უთხრა: ქორწილი გვექნება და გადასაწყვეტია — ტახტზე ვინ ავაო. უფროსმა შვილმა ხელმწიფობა არ ინდომა. ადამიანი დაბადებულია ორი ღლისთვის: პირველი — სიმბიარულისთვის და მეორეც — სიკვდილისთვის. ჩვენ რომ არ დავკარგოთ ეს ორი დღე, უარს ვამბობთ ოცდაცხრამეტი შვილი. დარჩა უმცროსი შვილი. ახლა იმასა ჰკითხა. მან ასე გადაწყვიტა: მე რომ უარი ვთქვა, არ ივარგებსო, მაგრამ ჩემი საცოლე ისე წამოიყვანეთ, ცივი ნიავი არ მიაკაროთო. ხელმწიფეს ძალიან გაუხარდა, რომ უმცროსი შვილი ტახტზე რჩებოდა. პირობა დასდო, ცოლს მოგიყვან ისე, რომ ნიავსაც არ მივაკარებთო. გაუდგნენ გზასა. ჩავიდნენ იმ ქალაქში, სადაც მათი საცოლეები იყვნენ. მოჰყვნენ ქორწილს. ოცი დღე-ღამე სულ ქორწილ-ქეიფია, სასმელი, საქმელი იმდენი, რომ ლაპარაკი აღარ უნდა. თითო ქალს გამოატანა ორი აქლემი საპალნე მზითვევი. ოთხმოცი აქლემი გამოიმძღვარეს და მოდიან. ხუთი დღე რომ იარეს, ერთ დიდ ღელეში ჩამოდგნენ. დაღამდა. ძნელი იყო იმ ღელეში გამოსვლა, იპოვეს ერთი ვაკე. ჩამოხტნენ და იმ ღამეს იქ მოისვენეს. განთიადისას გამოვიდა ხელმწიფე და ნახა, რომ ალყა შემორტყმოდა კარავებს გარშემო. გუნება გადმოუტრიალდა. შიშით თავზარი დაეცა და გააღვიძა თავის ნაზირ-ვეზირები და უთხრა: ადექით, კარში გაიხედეთ, რა ხდებაო! გავიდნენ და ნახეს

გველვეშაპი შემოვლებია, კუდი თავზე გადაუდვია და დევს. ამ თავისი ნაზირ-ვეზირიდან ბელადმა გაიფიქრა: ახლა ჩვენი საქმე უნდა მიღგეს ძალაზე. გზა უნდა გავკაფოთო. ეს გველვეშაპი გულთმისანი იყო. გაიგო ყველაფერი და უთხრა: შენ ძალის იმედი ნუკი გაქვს, რაღაც იარაღები რომ ჩამოგიკანტურებია, ერთი კუდი რომ შემოგისვავთ, თქვენი მტვერიც აღარ იქნებაო. მხოლოდ მე პატიოსნად, აღმნიანურ ენაზე გეტყვით ერთ რამეს და თუ შემისრულებთ, გაგისტუმრებთ. თუ არადა, სხვანაირად მოგვეტყევითო. მაშინ ამ ბელადმა უთხრა: ბრძანე და შეგისრულებთო.

გველვეშაპმა დაიწყო: თქვენ მოგყავთ ორმოცი სარძლო. ოცდაცხრამეტს ქმარი გვერდში ჰყავსო, იმ ოცდაცხრამეტს გზას ვაძლევ თქვენთან ერთად, მხოლოდ მე დამიტოვებთ იმ უქმრო რძალს თავის კარვით, გამომიგზავნით მის ქმარს და რაც რომ სალაპარაკო მაქვს, მას ვეტყვიო. წამოვიდა ბელადი, დაუკრა თავი ხელმწიფესა და უთხრა: საქმე ასე არისო. თუმცე დიდად შეწუხდა ხელმწიფე, მისი დატოვება დიდად ეძნელებოდა, ამასთანავე სწუხდა, რომ ოცდაცხრამეტი ახალი საქორწილო აღამიანი ერთად იღუპებოდა და მათთან ამოდენა ჯარი-ჯამაათი. იფიქრა: ისევ ერთის დაღუპვა სჯობს, ვიდრე ოთასისა. დიდად უძნელდებოდა გამოეცხადებინა ეგ თავისი უმცროსი რძლისათვის. მოიკრიფა ძალ-ღონე და გაუბედა თავის რძალს: საქმე ასე არისო, რომ შენ უნდა დარჩე გველვეშაპთანაო, ვიდრე მდის შენი ქმარი მოვიდოდეს და წაგიყვანდესო. ამ ქალს ამოუჭდა გული, ბევრი იტირა, მაგრამ მაინც მოიფიქრა საბოლოოდ, რომ ალბათ მარტო მე ვარ განწირული, რომ ერთი ვიყვე ათასის საღეთოო. მივიდა ეს ქალი გველვეშაპთან. თავი დაუკრა და თანხმობა გამოუცხადა: მე ვრჩები აქა ჩემი კარვით და გთხოვ დანარჩენებს ნება მისცე წავიდნენო. გველვეშაპმა გადიქნია კუდი და ყველა წყნარად გადიოდა იმ ალყიდან გარეთ. თვალსრემლიანი ეუუუნა ქალი რჩებოდა მარტო კარავში. საბოლოოდ გამოემშვიდობა ხელმწიფე, გაიარა თვითონაც.

გველვეშაპმა კვლავ შემოარტყა ალყა და გადადო კუდი თავზე. ეს ქალი დარჩა მარტო. ესენი გაუდგნენ თავიანთ გზას. ერთ დღესაც ჩავიდოდნენ ესენი თავიანთ ქალაქში. შიკრიკები გაგზავნეს. ახალგაზრდა ხელმწიფე დაუხვდა თავის ჯარით-ჯამაათით, სამოცდაათი მოლა-მუღდურით და ასი მღვდლით. დაიარა-მუსიკით შეხვდნენ ქორწილობას. მოიწვიეს, რასაკვირველია, იმ დარბაზში, სადაც უნდა ქორწილი გადაეხადათ. ამ ახალ ხელმწიფეს. ჭეულ ვაჟკაცს თვალები უბრწყინავდა: საცაა დავინახავ ჩემ საცოლესაო, მაგრამ ვერ-

სად მოჰკრა თვალი. ყველა რომ თავთავის ადგილზე დასხდნენ, გამოელთა მოთმინება ამ ახალგაზრდა ხელმწიფეს. მოვიდა, თავი დაუქრა მამა-ხელმწიფეს და მოწიწებით ჯერ მიულოცა შვილების ბედნიერება, მერე მიულოცა თავისი თავის მოტყუება, რომ მე ცოლი არ მომიყვანეთ. ამ ხელმწიფეს ასეთი აზრი ჰქონდა, ჩემი შვილი რომ წავიდეს. შეიძლება გველვეშაპმა გაათუქოსო და იტრუა: შვილო, სანამ ჩავიდოდით, შენი ცოლი გარდაცვლილიყო, ახლა ისეთი ქალი უნდა მოგიყვანო, რომ ამნაირივე ქორწილს გადაგიხსნი მარტო შენაო, როგორც ახლა ყველასაო. ამ ბიჭმა პასუხად მისცა: წავალ იქ, სადაც ჩემი ცოლია. რა საფლავშიც წევს, მეც იქ ჩავწვებიო. მაშ. მე ბედი არა მქონია, რომ ორმოცში მარტო ჩემი ცოლი გარდაიცვალაო. მამა ბევრს ემუდარა, მაგრამ იმისმა ლაპარაკმა ამაოდ ჩაიარა, ბიჭი მაინც თავისას გაიძახოდა. ხელმწიფემ დახედა, რომ ვერაფერი გააგონა, მაშინ დაჭდა და ყველაფერი უამბო. ამ ბიჭმა არც ქორწილს მოუცადა. არც არაფერსა და გაუდგა თრიალეთის მთებსა. ნიავ-ქარივით მიჰქროდა, გული არ უთმენდა, როდის მიაღწევდა თავის სატრფოს. ბოლოს მიაღწია თავის მიზანს, მივიდა, თავის სატრფოს კარავი დაიხახა, მიუახლოვდა, ნახა, რომ გველვეშაპის ალყა ისევ არტყია, როგორც უამბო მამამ. სალაში მისცა და უთხრა: მე ის ვაჟი ვარ, რომელსაც სატრფო მელის ამ თქვენ ალყაშემორტყმულ კარავშიო. გველვეშაპმა გადაიღო ბოლო, გააღო კარები და უთხრა: მიბრძანდი შენ საცოლესთანაო. შევიდა ეს ვაჟკაცი, ხელმწიფის შვილი მიესალმა თავის ცოლს, გადაეხვივნენ, გადაჰკოცნეს. გველვეშაპის სიტყვით. სამი დღე მათ უფლება ჰქონდათ უღარდელად დროება გაეტარებინათ. სამი დღე რომ შეუსრულდათ, მოიხმო ეს ვაჟკაცი, უთხრა, რომ ქაჭეთის ხელმწიფეს ერთი მზეთუნახავი ქალი ჰყავს, იმ ქალს მე მომიყვან და მერე შენ საცოლეს წაიყვანო. რას იზამდა ბიჭი, დასთანხმდა.

გამოემშვიდობა ეს ბიჭი ცოლსაც, გველვეშაპსაც და წავიდა. ზღაპარში ადვილად ითქმის, მაგრამ ჩვენ რა ვიცით, რამდენი გაიარა. იარა, იარა და მივიდა ერთ ღელესთან. გზაზე ერთი ლომი იწვა. იმის ხმით არემარეს ზანზარი გააქვს. ამ ბიჭმა იფიქრა: მე რომ გავიარო. ეს ლომი მავნებს რამეს. ლომი წევს და ვერა დგება, თურმე უკანა ბარდაყში მუწუყი გასჩენია, ჩირქი ჩასდგომია და აწუხებს, ის აღრიალებს. ბიჭმა მოიმარჯვა მშვილდისაჲ. ესროლა და კოკობად სწორედ იმ მუწუყში მიაარტყა, მოარტყა და მუწუყიდან იარამ გადმოჩქეთვა. მორჩა ლომი. ალაპარაკდა ადამიანის ენაზე და დაიძახა: ვინა ხარ, რა ადამიანიშვილი, გამოჩნდი და სიკეთეს გადაგიხსნო. გა-

ბედვა მიეცა ვაჟკაცს, დაუდგა წინ ლომსა: შენ იყავ ჩემი მკურნა-
ლიო? რასაცა მთხოვ, შეგისრულებო. — ჩემი სათხოვარი ის არის,
რომ მივდივარ ქაჯეთის ხელმწიფესთან და თუ შეგიძლია შემწეობა,
იქ აღმომიჩინეო. — შემაჯექ ზურგზეო, მე მიგიყვან იქამდე, სადაც
ჩემი საზღვარიაო. წამოახტა ეს ბიჭი ზურგზე. ლომმა მიიყვანა საზ-
ღვრამდე და უთხრა: დაადგები ამ გზასა და ჩახვალ იქა. როცა დაგ-
პირდები, აი, ეს ჩემი ბალანი, დაადე ტალკვესზე და ჩამოჰყარი, ახ-
სენე ჩემი სახელი და იმავე წუთს იქ გავჩნდებიო.

ბევრი იარა, მივიდა ერთ წყაროსთან. ამ წყაროს სიახლოვეს
იდგა ერთი დიდი ნაძვის ხე. ამ ხეზე ჰქონდა გაკეთებული ბუდე უზარ-
მაზარ არწივს. ამ არწივს ბუდეში ჰყავდა წყვილი მართვე. შვიდი
წელიწადი ბარტყებს ჩეკავდა, ის-ის იყო უნდა დაეფრინა, ნახავდა
რომ აღარ არიან. ის ვაჟკაცი სწორედ იმ დროს მიესწრო, როცა
გველთა-გველვეშაპი დაეშვა ზემოდან და უნდოდა გადაესანსლა არ-
წივის ბარტყები. ბარტყებმა ასტეხეს დიდი ვაი-ვაგლახი. ამ ვაჟ-
კაცს შეჰბრაღდა, გაუშალა მშვილდისარი, სტიკიცა შიგ თავში.
გველვეშაპი დაეშვა ძირსა. დაეშვა ძირსა და ამ დროს მიჰყვა და აკაფა
სულ ერთიანა და მიყარა იმ ხის ძირში მისი ლეში. ვაჟს სწორედ ამ
დაღალვაში მოერია ძილი და დაეძინა. არწივმა იღროვა, სანადირო-
დან უკან დაბრუნდა თავის ბახალებისკენ და რა დაინახა ხის ქვეშ
მიგროვილი რაღაც ლეში და მასთან ერთად მწოლარე ადამიანის
შვილი, დაეშვა ზემოდან, უნდა დაეფლითა, როგორც გულმოკლულს,
ამ შვიდი წლის განმავლობაში თავისი გამაუბედურებელი. ამ დროს
შვილებმა მოჰკრეს თვალი, გადაელობნენ დედას და თავის ენაზე აუ-
ხსნეს, რომ ის იყო მათი მხსნელი. მადლობის სამაგიეროდ არწივმა მო-
იფიქრა: მზის ქვეშ მწოლარე კაცი რომ მზემ არ დასიცხოსო, გადააფა-
რა თვისი ფრთები კარავივით და მოთმინებით უტდიდა, თუ როდის გა-
მოიღვიძებდა. ცოტა ძილის შემდეგ ბეჭმა გაიღვიძა, აიხედა მალლა და
დაინახა, რომ რაღაც შავი კარავივით ადგია თავზე. შეიშმუშნა, და-
აპირა წამოდგომა, კიდევ გული შეეცვალა და შეშინდა, თავი ისევ
ძირს დადო. ეს არწივმა შენიშნა და უთხრა: ადამიანის შვილო, ნუ
გეშინია, ითხოვე, რაც შემიძლია, ყველაფერ საშუალებას აღმოგი-
ჩენო. ვინაიდან ჩემი შვილები შენ გადაარჩინე სიკვდილს, ამისა-
თვის პირველად დიდ მადლობას გიძღვნიო, შემდეგში გთხოვ იმას,
რომ არ დამიშალო, გულახდილად მითხრა შენი აქ მოსვლის მიზეზიო.
წამოდგა ეს ვაჟკაცი, დაიწყო ის, რაც უკვე ვთქვით, ვიდრე არწივ-
მდე შოვიდოდა: უნდა წავიდე ქაჯეთის ხელმწიფესთან და ერთი მზე-
თუნახავი ქალი რომ ჰყავს, ის უნდა წამოვიყვანო საცოლედაო.

არწივმა უთხრა: აბა დამაჯექე ზურგზე, დახუჭე. თვალები და გავ-
ფრინდებიო. მართლაც. ვაჟი ასე მოიქცა, შემოაჯდა არწივის ზურგზე,
დახუჭა თვალები, აიწია არწივმა და გასწია. ჩაიყვანა იმ ქალაქში,
სადაც ცხოვრობდა ქაჯთა ხელმწიფე. ჩამოაჯდა ძირს და უთხრა ვაჟს:
გაახილე თვალებიო. აი, ეს არის იმ ქაჯთა ხელმწიფის ქალაქი, რო-
მელსაც შენ ეძებდიო. კიდევ შეიძლება ჩემი თავი დაგჭირდეს. აილე.
ეს ფრთა და რა წამს ახსენებ ჩემ სახელს, უმალ იქ გავჩნდებიო. და-
ემშვიდობნენ ერთმანეთს, არწივმა გასწია თავის ბარტყებისკენ, ბიჭ-
მა კიდევ ქალაქისკენ.

ბევრი იარა. თუ ცოტა, მივიდა ერთ ბებერ ქალთან. სალამი მისცა
და უთხრა: თუ შეიძლება ამაღამ მისტუმრე, დედიო.—არა შეილო;
არ შემიძლია. მე ერთი ოთახი მაქვს, ჩემ თავსაც ძლივს ვიფარავო.—
არა უშავს რა, დედი, მე ფული მაქვს, არ შეწუხდებიო. დედაცაემ-
რომ ფულის სახელი გაიგონა, უფრო გამაგრდა: იქნება რამე დავ-
ტყუო ამ კაცსაო. ვაჟმა გაიმეორა, ჯიბეს გაიკრა ხელი, ერთი ბლუ-
ჩა ოქრო ამოიღო და აჩუქა. ამ ქალმა სიხარულით აღარ იცოდა რო-
გორ, შეეპატიჟა, მობრძანდითო. შევიდა სახლში ეს კაცი, მიიხედ-
მოიხედა და ნახა. რომ მართლა ერთი პაწია ოთახი აქვს, როგორც
ქალაქში მაცხოვრებელ ადამიანს. ბებერმა ჩაი გაუკეთა, ივანშმეს
კარგად, დაწვინ და დაიძინეს.

გათენდა დილა. მშვიდობის დილა გაგითენდეთ! დაიბანეს პირა.
ამ ვაჟმა დაუწყო კითხვა: აქ ვინ არის ხელმწიფედ, რა ჰყავს. ქალი
თუ ჰყავს გასათხოვარიო? ამ ბებერმა უთხრა: მერე რაში გეკითხება,
გასათხოვარი ქალი ჰყავს თუ არაო?—მე, დედი, ხელმწიფის შვილი
ვარ და იმ ქალის ცოლად თხოვა მინდაო. — ეე, შეილო, შენისთანა
ხელმწიფის შვილების თავი ბევრი გაუგორებიაო. ერთიც შენ იქნე-
ბიო.—არა, დედი. მე ისე არ მოვიქცევი, მე ის ქალი თან მინდა წავე-
ყვანო და არა ჩემი თავიც აქ დაეტოვოო. შენ მხოლოდ მასწავლე მ-
სი სახლი სად არის და ქალი რომელ ოთახში ჰყავთო. ამ ბებერმა ქალ-
მა უთხრა: მე დახეულ-დაგლეჯილი ბებერი ვარ, ქუჩაში ვერ გავივ-
ლი და ვერც გასწავლიო. მაშინ ვაჟმა უთხრა: წამობრძანდი. წაგიყ-
ვან მკერავთან. ერთ ხელ კარგ ტანისამოსს შევაკერიანებ შენთვისო.—
დიდრ სიამოვნებითო. ქალს გაუხარდა. აღგნენ ორთავენი და წავიდნენ.
მისცეს შეკვეთა ერთი ხელი ტანისამოსისა, ისეთი როგორც ეკადრე-
ბოდა ხელმწიფის ხიზანს. ამ ქალმა რომ ჩაიყვა ეს ტანისამოსი, გა-
დინებდა კულზე. გაიპრანქ-გამოიპრანქა და თავისი თავი ვილაც მშვე-
ნივრად სცნო. გაღუხადა მადლობა მკერავს და წამოვიდნენ შინ.
შინ რომ მოვიდნენ, ამ ვაჟმა მაშინ უთხრა: აბა გაემზადე, დედი, წა-

უიღეთ, ქუჩაში გავიაროთო. — რის წასვლა, რის წამოსვლა, რის დედი. ძლივს გაიხსნა ჩემი ბედიო. შენი საფერი პირდაპირ მე ვარო. მე ბებერი კი არა ვარ, ნუზლისაგან დამცვივნია კბილებიო. მაინცდო მანაც ბიჭის გავლენამ მეტად იმოქმედა, ვიღრე ამ ბებრის ლაპარაკ-მა. ადგნენ და წავიდნენ. გაიარეს ქუჩაში და უთხრა: აბა შეხედე, ეს არის ხელმწიფის ქუჩა, აიხედე, აი, მეთორმეტე სართულში. მიიხედ-მოიხედა ამ ვაჟაკმა, დაათვალიერა კარები, სანათურები და დაბრუნდნენ სასახლისაკენ. რომ დაბნელდა, ეს ვაჟაკი გამოვიდა ხელმწიფის სასახლესთან, ამოიღო არწივის ფრთა და ახსენა არწივის სახელი. ნახევარი საათის შემდეგ არწივი დაიბადა მასთან და უთხრა: რა გაქვს. ისეთი გაჭირვება, რომ დაგეხმარო? ვაჟმა უთხრა: ჩემი საქმე ასე არისო: მეთორმეტე სართულზე უნდა ამიყვანო და სანამ მე დავბრუნდებოდე, უნდა დამხედდეთ. არწივმა და ვაჟმა იცადეს იქამდე, მანამ იქ ხმა მისწყდებოდა და დაიძინებდნენ. მერე არწივმა შემოისვა ზურგზე და აფრინდა მეთორმეტე სართულზე. სანათურით გადახტა ვაჟი ოთახში, ნახა, რომ ქალს სძინავს, ერთი ოქროს შანდალი თავით უდგას და ვერცხლისა ფეხით. ფეხთითა შანდალი გადადგა თავთან, თავითა ფეხით შეუცვალა, ერთი მსუბუქადაც აკოცა და გადმოხტა სანათურიდან. მოიხმო არწივი და ჩამოხტა ძირს. მოვიდა კიდევ თავის ბებერთან, გაათია ღამე, დილით კიდევ ადგა გაიარ-გამოიარა.

გოგომ გამოიღვიძა დილით: შეცვლილა სანთელი ერთი მეორის ადგილს. წყრომით დაუძახა თავის მოსამსახურე ქალებს: რომელმა გამოსცვალეთ ჩემი შანდლებიო. ქალებმა პასუხის მაგივრად ტირილი დაიწყეს და მოახსენეს, როგორ გავბედავდით, შენს ნებადაურთველად შემოვსულიყავით და ეგ მოგვემოქმედებო. ბებერი იფიქრეს. შემდეგ ასე უთხრა თავის თავს: შეიძლება წუხელ ეგრე დავტოვეო. სამი ღამე ამ ანგარიშით იქცეოდა ეს ვაჟაკი. ქალმა ვერასგზით ვერ დაიჭირა ქურდი. მეოთხე ღამეს მოიძინარა თავი. ვაჟი კიდევ გადახტა სანათურიდან და მას ჰქონდა ბოთლით დადგმული ღვინო ოქროს ჭიქითა. დაისხა ერთი, გადაჰკრა და როცა ჭიქა დადგა მაგიდაზე, ამ ქალმა ხელი წაატანა და მაჯაში წაავლო. ვაჟი შეკრთა, მაგრამ სწორედ მაშინ თქვა: ახლა კი მივალწიე ჩემს მიზანსო. ნაცვლად იმისა, რომ ქალს დაეყვირა, ჩუმად ჰკითხა: შენ ვინა ხარ და რამ გაგაჩინა აქაო? ამ ვაჟაკმა უპასუხა: მე ვარ ხელმწიფის შვილი და მსურს შენი შერთვაო.

სწორედ ამ ქალსაც მოეწონა ეს ვაჟი. მანაც გამოუცხადა სურვილი, გადაეხვივნენ ერთმანეთს, გადაჰკოცნეს და ფიცი დასდეს: სიკვ-

დილამდე შენ ჩემი ხარ და მე შენით. ქალმა სამაგიეროდ უთხრა: ეს რომ გაგვიგოს მამაჩემმა, შენც მოგკლავს და მეცაო. ვაჟმა ჰკითხა: მამ, როგორ მოვიქცეთო? — აი, შენ ხვალ ვინმეს გაგზავნი მამაჩემთან მოციქულადო, გამოუტყხადებს შენს სურვილს და მამაჩემი დაგვალეებს ისეთ რამეს, თუ ვერ შეასრულე, მოგკლავსო. თუმც არ უნდოდით დაშორება, მაგრამ განთიადმა მოატანა და უნდა დაშორებულიყვენ. წამოახტა თავის არწივს ზურგზე და ჩამოიყვანა ძირს.

არწივი წავიდა თავის ბარტყებთან, ვაჟი კი წავიდა ბებრის სახლში. ბიჭმა ბებერს გამოუტყხადა, რომ მოციქულად უნდა გაგზავნო ხელმწიფესთანაო. ამ ბებერმა, თუმც უარის თქმა უნდოდა, მაგრამ ველარ გაუბედა და ჰკითხა: როგორ უნდა მივიღე მოციქულადო? ვაჟმა უთხრა: მასა აქვს თავის ეზოში სამოციქულო ქვა, ჩამოქდები იმ ქვაზე და თვითონ დაგინახვენ და მიგიწვევენო. მართლაც, ბებერი ეგრე მოიქცა. შევიდა ხელმწიფის ეზოში და ჩამოქდა სამოციქულო ქვაზე. დაინახეს კარისკაცებმა, მოახსენეს ხელმწიფეს, რომ სამოციქულო ქვაზე ვიღაც უცხო ქალი ჩამომქდარაო. ხელმწიფემ მაშინვე უბრძანა, რომ მიეყვანათ მასთან. წავიდნენ კარისკაცები. დაუძახეს, მოიყვანეს ხელმწიფესთან. ქალმა საღამო მისცა ხელმწიფეს და ხელმწიფემ ჰკითხა: რა გსურს, ან რისთვის ჩამომქდარხარ ამ საელჩო ქვაზეო? პასუხად ბებერმა ქალმა მიუგო: ჩრდილოეთის ერთი ხელმწიფის შვილი ჩამოსულა თქვენი ქალის სათხოვნელად და თუ შეიძლება ინახულოთ ვაჟი და მიათხოვოთ თქვენი ქალიო. ხელმწიფეს ძალიან ეწყინა, რომ ვიღაც ბებრუხუნამ გაბედა მასთან ელჩობა და ბრძანა: ეს ბებერი წაეყვანათ და ჩაეგდოთ საყინულეში. მართლაც, კარისკაცებმა მოჰკიდეს ხელი და გაამგზავრეს ორმოცათხურობიან სარდაფში, სადაც ყინულს ინახავდა ხელმწიფე. გაგზავნა მერე კაცები, ჰკითხნენ სად არის მაგის სახლიო. იკითხეს მისი ქუჩა-სახლი კარისკაცებმა, გაიგეს სად ცხოვრობდა, მოვიდნენ მეფესთან და უთხრეს: ამა და ამ ქუჩაზე ცხოვრობს ის კაციო. გაგზავნა თავის კარისკაცები და მოაყვანიან ის ჩრდილოეთის ხელმწიფის შვილი. ჰკითხა ვინაობა. — მე ვარ ჩრდილოეთის ხელმწიფის შვილი, გამიგონია თქვენი ქალის სილამაზე და თუ თქვენი ნება იქნება, მე მსურს რომ ჯიბოვო თქვენი ქალი. ხელმწიფემ უპასუხა: დიდი სიამოვნებით მოგცემ ქალს, თუ შეასრულებ ჩემს სამ პირობას, რომელსაც ახლავე გეტყვიო. პირველი ის იქნება, რომ მოგცემთ ერთ ქრთან რძეს ხელში, სანამ ახვიდე ორმოცი სართული ზევით და ჩამოხვიდე, უკვე მაწვნად იყოს შედეგებულიო. ხვალ დილიდან მოხვალ და შეუდგები პირობის ასრულებასო. თავი დაუჯრა ხელმწი-

ფეს და გამოვიდა გარეთ. პატარა რომ გამოიარა, უეცრად მოაგონდა ის ბებერი, რომელიც გაგზავნა მოციქულად, მიუბრუნდა ხელმწიფეს და ჰკითხა: რა იქნა ის ჩემი გამოგზავნილი მოციქული ბებერი, რომ აღარ დაბრუნდაო? ხელმწიფემ პასუხად მისცა: მანამდის ჩემს აღთქმას არ შეასრულებ, ის შენი გამოგზავნილი ბებერი ველარნახავს თავის სახლსო. გამოემშვიდობა ხელმწიფეს და გამოსწია სახლისკენ.

დიდმა ფიქრმა აიტაცა ეს ვაჟი: ბებერი იქ, სადღაც იყო დამწყვდელი და, მეორეც, რძე როგორ აეტანა ორმოც სართულზე და ჩამოეტანა მაწვნად. დაღამდა თუ არა, ქალმა თავი მოიავადმყოფა და უთხრა მოახლეებს: წადით, დაიძინეთ, უნდა მოვისვენოო. მოახლეები საძინებელ ოთახებში წავიდნენ და ქალი დარჩა მარტო. ვაჟმა იღროვა, მოიხმო თავისი არწივი და წამოახტა ზურგზე. ჩვეულებრივ გადახტა სანათურიდან, მიესალმა ქალსა, დიდი სიამოვნებით დაიწყეს ლაპარაკი და ქალმა ჰკითხა: — რა გითხრა დღეს მამაჩემმა, ანდა რა პასუხი მიეციო? — მამათქვენის პირველი მოთხოვნაა, უნდა მომცეს რძიანი ქოთანნი, ორმოცი სართული ავიტანო მალა და მაწვნად ჩამოვიტანო ძირს, არ ვიცი როგორ მოვიქცეო. ქალმა უთხრა: — მაინც რას ფიქრობს შენ, როგორ უნდა მოიქცე? — მე იმას ვფიქრობ, რომ შენი სიყვარულის გულისთვის ერთს ამაღამაც ალერსით გავატარებ და ხვალ მოკვდებიო.

ქალმა უთხრა: ნუ იღარდებ, ძე მაგის საშუალებას გამოგინახავო. ნუ გეშინია, შენ ამაღამ ჩემთან გაათიე ღამეო. რასაკვირველია. ეს ღამე ლაპარაკში და ალერსში გაათიეს. ამ ქალს ჰქონდა ერთი ბექედი, რომელიც რძეს მაწვნად აქცევდა — აი, მოგცემ ამ ბექედს. ეცადე რძეში ამოავლო და უნდა შეინახო ისე, რომ ვერ გიპოვონო, გაგჩხრეკავენ და ცხვირის ნესტოში შეინახეო. ეს ბექედი ისეთი რბილი იყო, რომ მოიკეცებოდა და ცხვირის ნესტოში ეტეოდა. სწორედ განთიადმაც მოტანა. დაემშვიდობნენ ერთმანეთს. მივიდა ვაჟი სახლში, ბებერი არ დაუხვდა. ეახლა ხელმწიფეს, სალაში მისცა და შეუდგა პირობის შესრულებას.

ხელმწიფემ მოატანინა რძე, მისცა ვაჟს ხელში, მიიყვანა ორმოც სართულიან კიბესთან და უთხრა: ვიდრემდის ჩამოხვიდოდე, უნდა ეგ რძე იქცეს მაწვნადო. ხელმწიფეს სულაც აინუნში არ მოსდიოდა, რომ შეასრულებდა და არაფრად ჩააგდო ეს ვაჟი. ვაჟი მიდიოდა მალა, ეცადა და რძეში ამოავლო ბექედი, მერე ვითომ ხელი მიიტანა მოსახოცად და შეინახა ცხვირში. დაბრუნდა, ჩამოვიდა ძირს. ნახეს და, მართლაც, რძე გადაქცეულიყო მაწვნად. ხელმწიფეს დიდად

ეწყინა და შეწუხდა. უბრძანა თავის კაცებს, გაჩხრიკეს, მაგრამ ვერაფერი ვერ აღმოუჩინეს. მაშინ ხელმწიფემ ჰკითხა: როგორ და რას ძალით გადააქციეო მანვინადო? ვაჟმა მიუგო: რის ძალითაც თქვენ არ მოელოდით, იმით გადავაქციე მანვინადო. — კარგო, ეგ პირველი შესრულება იყოს, ხვალისთვის გაძლეე მეორე დავალებასაო. მე მყავს ერთი ლომი და იმასთან უნდა გახვიდე საჭიდაოდო. ეს ვაჟი დღეს ძალიან გახარებული დაბრუნდა, იმედი ჰქონდა, რომ ხვალაც გამარჯვებული გამოვიდოდა. მოიხმო თავისი არწივი, ქალი დაუხვდა სანათურთან და გადაიყვანა თავის საწოლ ოთახში, გამოჰკითხა გავლილი დღე. ყმაწვილმა ყველაფერი უამბო და შემდეგ მეორე დღისათვის აღსასრულის შესახებ უამბო: რითი და როგორ უნდა შეესრულებინა იმისი წინადადება. ქალს უთხრა: მე მყავს ერთი ლომი, რომელიც იმის შინაურ ლომს ერთი შემოკვრიითაც დაჰფანტავსო. მხოლოდ შენ ის მითხარი, ჩემო მზევე, ჩემო საყვარელო, როგორ მოვიხმო ჩემი ლომი, რომ არავინ არ გაიგოს, ვითომ და მე გადავიქცეო ლომად და ვეჭიდებოდე იმის ლომსო? ქალმა უთხრა: შენ სთხოვე მამაჩემს მოგცეს ორი საათი დრო და იმ ეზოში, სადაც თქვენ უნდა იჭიდაოთ, გააღოს მეორე კარი, რომ ვითომდა იმ მეორე კარიდან ლომადქცეული უნდა შეხვიდე. ის კიდევ თავის კარიდან გამოუშვებს და თქვენ ეზოს შუაგულში დაეტაკებით. დაათვეს ლაპარაკი და შეუდგნენ ერთმანეთის ალერსს.

გათენებამაც მოატანა, ჩამოშორდნენ ერთმანეთს და ვაჟმა გამოსწია სახლისაკენ. მივიდა სახლში, პატარა წაისაუზმა და დათქმულ დროზე მივიდა ხელმწიფის ეზოში. გამოვიდა ხელმწიფე, სალაში მისცა ვაჟმა და სთხოვა, რომ გადაედო დანიშნული დრო ორი საათით და ეზოსთვის გაედო მეორე კარი, რომლიდანაც ვითომდა გამაგებული ლომივით შემოვიდოდა. ხელმწიფეს სიცილად არ ეყო და უთხრა: კეთილი და პატიოსანი, ცოტახნის შემდეგ ჩემი ლომი იღგება შუაგულ მოედანზე და დაგელოდება საჭიდაოდო. დაბრუნდა ვაჟი, გავიდა ქალაქს გარეთ. ამოიღო ლომის ბალანი, ახსენა და იმწამსვე დაიბადა მასთან ლომი და ჰკითხა: რა გაჭირვება დაგადგა, ჩემო კეთილო მოყვარევ, რომ მომიხმეო? ვაჟმა აუხსნა მდგომარეობა. ლომმა უთხრა: მაგისტვის სულაც ნუ იღარდებო. გასწიეს ეზოსკენ. ეზოს გარეთ არც ერთი სულდგმული არ უნდა ყოფილიყო. მივიდნენ ახალ კარებთან, დაუძახა: მე მზადა ვარ, გამოიყვანეთ თქვენი ლომი საჭიდაოდ! გამოიყვანეს ლომი მოედანზე, თვითონ კარებს უკან მიიმალა და ლომს უთხრა: აბა შენი დრო არისო.

შეტაკნენ ორთავ ლომები, გასწიეს და გამოსწიეს. დასცხეს, გა-

მოიჭიმეს ტყავეები. იგდო ზურგზე ამ ვაჟის ლომმა, ისე დაახეთქა ძირს. რომა სულიც აღარ დაჰყვა. გამარჯვებული ლომი დატრიალდა, მიიხედ-მოიხედა და გასწია კარებისკენ. ამ ვაჟმა გადაჰკოცნა ორთავ, თვალბში და უთხრა: დიდი მადლობელი ვარ, მშვიდობის გზა გქონდესო. ამაყად მოუარა იმ კარებიდან და გამოეცხადა ხელმწიფეს; მოახსენა: დამავალეთ მესამე, ეს მეორე უკვე შესრულებულიაო.

ხელმწიფეს ეწყინა თავისი ლომის დამარცხება და მესამე დავალება მისცა. მე მყავს ერთი რაში. ხვალ იმ რაშს მოგცემ და უნდა დააჩვიო შეჯდომასაო. დაემშვიდობა ხელმწიფეს. ჩვეულებრივ, საღამოს კიდევე ავიდა ქალთან. უამბო მასაც და ქალმა უთხრა: ის რაში იქნება მამაჩემი. უბედურებაც ეგ არისო. აი, იმ დროს, როცა რაშს მოგიყვანენ, შეჯდები და წაგიყვანს ცაში, ან მიგახლის ცასა, ან მიგახლის მზესთან დასაწველადაო. შენ ეცადე მოექცე მუცელზედაო, ქვეიდან. ის გნახავს, რომ შენ მუცელზე მოექცეცი, დაეშვება ძირს. მაშინ მოექცეცი ზურგზედაო; რომ დაგინახავს ზურგზე მოექცეციო, მაშინ ეცდება, მარჯვნივ მიგახალოს კედელზე, მაშინ გადმოდი მარცხნისკენ, წამოვა მარცხნისკენ და გადმოდი მარჯვნისკენ. და რომ დაინახავს უშედგოდ მოქმედებს, წავა თრიალეთის მინდვრისკენ, მაგრამ შენ ნუ შეგეშინდება: ის არც წაიბოზძიკებს, არც გადმოგადებს. მას აქვს გარკვეული მიჯნა, მივა და დაბრუნდება სახლისკენაო. რომ მივა თავის ეზოს კარებში, გადმოხტი წინ და აღვირი დაიჭირე ხელში. ერთი მაგრად უშხივლე ყურის ძირში მათრახი, ის გამწარებული გადაიძრობს აღვირს თავიდან და შეეარდება საჩინიბოში. მაშინ შენ დარჩები გამარჯვებულიო. ეს ვაჟს არ მოსწონდა, მაგრამ უნდა ეცადა, რომ ეს ყველაფერი მოეყვანა სისრულეში. ქალი კიდეც იმის იმედის გასაცოცხლებლად ეუბნებოდა: ნუ გეშინია, რახან მაკდენი ჰქენი, მაგასაც მოახერხებო. ამასობაში კიდეც თენდებოდა.

მოახლოვდა გათენება. დაუძახა თავის არწივს სანათურთან, ისკუპეს და ჩამოვიდნენ ძირს. წავიდა სახლში, წაისაუზმა ისე, რომ თვალბმა პრწყიალი დაუწყეს და აღნიშნულს დროზე მივიდა ხელმწიფესთან ნათქვამი სიტყვის ასასრულებლად. ხელმწიფემ უთხრა: მიბრძანდი ეზოში და რაშს მოგგერიან ახლავეო. თვითონ ხელმწიფე გადაიქცა შეკაზმულ რაშად და მიჰგვარეს ვაჟეაცს. ვაჟეაცმა შემოიკალთავა, მათრახი ხელში მოიმარჯვა და მარდად შემოახტა. რაშმა იგრძნო, რომ ჩემზე უკვე კაცი ზისო და აფრინდა. გასწია პირდაპირ მზისაკენ: ეგება დაეწვაო. ეს ვაჟეაცი გადაბრუნდა და ამოეკრა ცხენს მუცელზე. რაშმა იგრძნო, რომ ვაჟი მუცელზე მაკრავსო, დაეშვა ძირს: ეგებ ქვესკნელში ჩავიტანოო. მიწას . რომ მიუახლოვდა, ვაჟი

ისევ ზურგზე მოექცა. რაშმა იგრძნო რომ ვაჟი ისევ ზურგზე მოექცა, მაშინ გაქანდა მარჯვნივ და უნდოდა მიეხალა კედლისთვის, მაგრამ ვაჟმა მოასწრო და გადმოხტა მარცხენა მხრისკენ. რაშმა გაიგო. რომ ვაჟაკი მარცხნივ მომექცაო და გაქანდა მარცხნივ, ვაჟიც გადმოქანდა მარჯვნივ. რაშმა რომ ველარაფერი მოახერხა, და გაქანდა. თრიალეთის მინდვისისაკენ. ხევი, დეღე წყალივითა და მთები აჯახუებულ ქარივით გადაიარა. მივიდა თავის მიჯნასთან და დატრიოდდა: იქნება თავბრუ დაეხვეს და გადმოვარდესო. შემოვიდა ეზოში, ვაჟაკი გადმოხტა წინ, გადმოაგდო აღვირი, ერთი მაგრად აწნა ყურისძირში მათრახი და გამწარებული რაში შევარდა საჯინბოში. ვაჟაკმა ხელში მათრახი შეათამაშა და ამაყად შეჰყვირა: გამობრძანდი, დიდებულო ხელმწიფევე, მიიღეთ თქვენი ცხენის აღვირი და ახლა საითქენაც გასურდეთ, შეჯექით და იქითკენ იარეთო.

გამოვიდა ხელმწიფე, ძალაუნებურად მადლობა გადაუხადა და უთხრა: ხვალ მოხვალ და შეეუდგებით ქორწილსაო. მაგრამ ამ ვაჟს მოაგონდა კიდევ ის ბებერი და სთხოვა, რომ გაეთავისუფლებინათ. საწყალი ბებერი, ამოიყვანეს გაციებული, მოხრუკული, როგორც ზამთრის ბუზი, და ჩააბარეს ამ ვაჟს: აჰა, შენი ბებერი და წაიყვანეო. მოჰკიდა ხელი ამ ვაჟაკმა დიდი სიხარულით, დაუძახა მეეტლეს და გასწიეს შინისკენ. დაუძახა არწივს და უთხრა: აი, ჩემო კეთილო არწივო, ერთი უკანასკნელი თხოვნაცა მაქვს, ერთხელ კიდევ ამიყვანო ჩემს სატრფოსთან. ეს იქნება უკანასკნელი შეწუხებაო. — კეთილი და პატიოსანიო. შემოაჯდა ზურგზე. მიიყვანა სანათურთან. ქალი სიხარულით შეეგება, ყელზე შემოექნა და გადაიყვანა თავის საწოლ ოთახში. ყველას მოგეცეთ ისეთი სიხარული, როგორც იმათ მიეცათ, დარჩენოდათ მხოლოდ ერთი ქორწილი.

დიდ აღტაცებაში იყვნენ და არ იცოდნენ როგორ გაეტარებინათ ეს უკანასკნელი ღამე. ასე თუ ისე, დიდი წვალეებით და ვაი-ვაგლახით გაათიეს ის ღამეც. გათენებისას დაუძახა კიდევ თავის არწივს, გადაეხვია, აკოცა თვალებში და უთხრა: ახლა თავისუფალი ხარ და მშვიდობითო! წამოვიდა თავის ბებერთან და უთხრა: დღეს უნდა ვიქორწილო და შენც იქ უნდა მყავდეო. დაუძახეს მეეტლეს.

წავიდნენ მკერავთან, წინათვე ჰქონდათ შეკვეთილი ტანისამოსი, დაუხვდათ მზამზარეული. ჩაიკვაჟ დაიხურა, ჩასხდნენ ისევ ეტლში და მივიდნენ ხელმწიფესთან. მისცეს სალამი ხელმწიფეს და უთხრეს: აგერ ჩვენ მზადა ვართ და ველით თქვენს განკარგულებასაო. ხელმწიფეს უნდოდა, რომ როგორმე ჩაეშალა ქორწილი. წინადადება მისცა: ჩამოვიყვან ჩემ ქალს და თუ ერთმანეთი მოგეწონებათ,

აქვენი სურვილი აღსრულდებაო. გაუგზავნა მოახლეები თავის ქალიშვილს, რომ მასაც ჩაეცვა თავისი საქორწინო ტანისამოსი და ჩამოსულიყო ხელმწიფის სატახტო ოთახში. ხელმწიფის ქალი მოემზადა, ჩაიცვა საქორწინო ტანისამოსი და ჩამოვიდა დანიშნულ ადგილას: რას მიბრძანებ, მამაჩემო? — აი, ეს ჩრდილოეთის ხელმწიფის შვილია და სურს შენი ცოლობა. მე უკვე აღვეუბნე, რომ უნდა მიგცე მას. ქალმა პასუხად უთხრა: სამი პირობა რომ გქონდა და მის ამსრულებლისათვის ჩემი თავი უნდა მიგეცა ცოლადო? ხელმწიფემ უპასუხა: აღსრულებულია ყველა პირობაო და ჩააბარა თავისი ქალი. — წადით, იცხოვრეთ, იმრავლეთ და გაბედნიერდითო. დაუკრეს ბუეი-ნაღარა, შეგროვდა დიდი ძალის ხალხი და შეუდგნენ ქეიფსა და დროის ტარებას. თხუთმეტი დღე და ღამე იქეიფეს.)

გათავდა ქორწილი. ვაჟმა მოისურვა სახლისაკენ გამგზავრება. გაიარა ერთმა კვირამ. შეამზადა ყველაფრით, გამოემშვიდობნენ და გზას გაუდგნენ. რომ გავიდნენ ერთი დღის სავალზე, ხელმწიფის შვილმა უთხრა ხელმწიფეს: დაბრუნდი შენი ჯარით და მე ჩემი ეტლით წავალო. ეტლში ება ოთხი ცხენი, რომლებიც ცაში ვარსკვლავებს და წყალში თევზებს ეთამაშებოდნენ. განაგრძეს გზა. კარგა ხნის შემდეგ გზაში შემოხვდათ ერთი ქონდრის კაცი, თვითონ იყო ერთი მტკაველი და წვერი ჰქონდა ორი მტკაველი. სალაში მისცა და უთხრა: შეიძლება მე თქვენი მეეტლე ვიყო? ხელმწიფის შვილმა უთხრა: ძალიან კარგო. ცოლმა დაუშალა.

— ეჰ, რას მიზამს, მაგას ერთი სილა რომ შემოგვკრა, ძირს გავკარავო. — ამავე დროს, დასტურის შემდეგ ეს ჯუჯა როგორც რწყილი ისე შეხტა კოფოზე, დაუსვა ცხენებს მათრახი და ნიაქპარივით მიიქროლებდა.

კარგა გზა გაიარეს. ცხენებს დაღლილობა შეამჩნია ხელმწიფის შვილმა. უთხრა მეეტლეს: შეაჩერე ცხენები აქ, პატარა ვაძოვოთო. შეაჩერა. გამოუშვეს ცხენები, გაუშვეს ბალახზე. შეუდგნენ პურის ქამას. მეეტლეც მოიწვიეს. მოსწყურდათ წყალი, მისცა ლიტრა ხელში მეეტლეს და უთხრა: მონახე წყალი და მომიტანეო. მეეტლემ ამაყად შეუბრუნა: მე წყალი კი არ უნდა გიზიდო. მე ვარ მარტო მეეტლეო! თუ ძალიან გწყურია, აი გზა, წადი და მოიტანეო. გაწყრა და გაჯავრდა ხელმწიფის შვილი და უთხრა: — ერთს ისეთს შემოგვკრავ, რომ კვერცხივით დაიმსხვრევიო!

— აბა სინჯე და ვნახოთ ვინ ვის დაამსხვრევსო!

გაჯავრდა ხელმწიფის შვილი, მაგრამ ცოლი შეეხვეწა: მაგისგან

კარგი არაფერი იქნებაო. ჭუჭავც წამოხტა ფეხზე და გაჰკრა ერთი სილა ხელმწიფის შვილს. ეს კაცი დაეცა ძირს როგორც მკვდარი. მოჰკიდა ხელმწიფის ქალს თმებში ხელი, წამოიკიდა ზურგზე და წაიყვანა თავის სადგომში.

სალამოს გამოიღვიძა ხელმწიფის შვილმა, ნახა აღარც ქალია, აღარც მეეტლე. ხელები თავში შემოიკრა, ნეტამც გამეგონა ჩემი ცოლისათვისო, ახლა რაღა მეშველებათ. მიანება თავი ეტლსაც და ცხენსაც, დასტოვა იქ და მიჰყვა იმ კვალს, საითაც ქალის ფეხის ნაკვალევი მიდიოდა (რაკი დაბალი იყო, ქალს ვერ მოერია და მიათრევედა).

კვალმა მიიყვანა ერთ კლდეში გამოჰკრილ გამოქვაბულთან. კარში უზარმაზარი ქვა იყო მიყუდებული. სინჯა ამ ქვის გადმობრუნება, მაგრამ ძვრაც ვერ უყო. ქალმა გაიგო: ჩემი ქმარია კარებს ეჭაჭგურებაო და უთხრა: შენ ტყუილად ეჭაჭგურები, ჩამოშორდი, არ გაიგოს და არ მოგვლასო. წადი ამაღამ საღამე მოისვენე და ხვალ ჩამოხვალ და გეტყვი მაგის ამბავს, როგორ შეიძლება ჭუჭავს დამარცხებათ. დღამეებისას თავის ეტლს მიაშურა. სალამოს დაბრუნდა ჭუჭავ. ნახა ქალი ძალიან შეწუხებულია, ტირის. — რატომ ტირინხარო? ხელმწიფის შვილზეც კარგად შეგინახავ და მამაშენზეცაო. ქალმა მიუგო: თქვენ წახვალთ სანადიროდ და მე მარტო ვრჩები აქ ოთახშიო: არა მაქვს ისეთი გასართობი, რითაც თქვენს მოსვლამდის არ მომეწყინოსო. ჭუჭავმა ჰკითხა: — რით გინდა, რომ გაერთო? — აი იმით, რაშიც თქვენი უკვლავი სული იმყოფება. გაიცინა ჭუჭავ და უთხრა: — ჩემი სული ე მაგ ცოცხლიაო. ამ ქალმა იცოდა, რომ ეს ტყუილი იქნებოდა, მაგრამ მაინც აიღო ეს ცოცხი და მოკაზმა როგორც დედოფალა, ვითომ ეთამაშება. ჭუჭავს ქალის ამნაირ ქცევაზე სიცილი აუტყდა. ჰკითხა ქალმა:—რაზე იცინი, აქ სათამაშოდ მოგიყვანივარ, ჯერ მატყუებ და მერე იცინიო.

— მართლა, ქალო, გატყუებ, ჩემი სული ორ ზღვათა შუა არისო. იქ ერთ ყუთშია მოთავსებული: ჩემი ღონე, თვალთ სინათლე და სიცოცხლეო. ერთ თევზს აქვს ჩაყლაპული და იქ ინახებაო.

— შე კაი კაცო, ეგრე მეტყობდი, რაღას მტანჯავდიო: ახლა იმედინანდ ვიქნები და არხეინანდ ვიცხოვრებ შენთანაო.

გათენდა დილა. ეს ჭუჭავ აღრიან ადგა ჩვეულებრივ და გასწია სანადიროდ. ჩვენი ხელმწიფის შვილი კი მტირალა თვალებით მივიდა კარებთან და დაუძახა: — ჰა, მეტყვი, ქალო, გასახარისაო?!

— შენი გასახარისი ის იქნებაო, წახვალ, დიდრონ ბადეებს მოაქსოვინებ, დაიჭერ მრავალ მებაღურსაო, გემებით და ნავეებით შეგ-

ზენი თეთრი და შავი ზღვის შუაო. ერთ თევზის გეამში ინახება პატარა ყუთი, რომელშიც სამი ჩიტია: იმისი სული, თვალის სინათლე და სიცოცხლეო. მაგ ყუთს რომ იპოვი, დაბრუნდები ჩემთანო. მართლაც, ეს ხელმწიფის შვილი ჩავიდა ზღვის პარას, დაიჭირა მებადურები, დაუნიშნა გასამრჯელო და უთხრა: ესეც თქვენ, თევზიც თქვენ, მხოლოდ თევზს რომ დაიპყრო, უჩემოდ არ გამოწელოთ და არც გამოუწელავი თევზი წაიღოთო. ამ მებადურებს ძალიან უხარიათ, რომ თან თევზიც, თან გასამრჯელოც მათი არის. ნავებითაც და გემებითაც დადიოდნენ და იპყრდნენ თევზს. ერთ დღეს ეღირსათ იმ თევზის დაპყრა, რომელსაც მუცელში ის ყუთი ჰქონდა. გამოწელებს და ნახეს ერთი ყუთი, რომელსაც ხელმწიფის შვილი დიდი სიხარულით დაეტანა, ჩაიღო ჯიბეში და გამოემშვიდობა თავის მებადურებს და უთხრა: მე ჩემი საშოვარი ვიშოვე და ახლა ეგ გემება თქვენთვის მიჩუქნია; მშვიდობითო და გამოსწია ცოლისაკენ. ამავე დროს, როცა მან ჯიბეში ჩაიღო ყუთი, ამ ჭუჭამ იგრძნო რაღაც ავაღმყოფობა. ტანში ერუანტელმა დაუარა. სახლისკენ გაპოეშურა. მავიდა, სახლის კარა გამოაღო და ჩამოჭდა. ცოლმა ჰკითხა: რათა ხარ ეგრე დამძარებული, ჭუჭამო?

— რაღაც დღეს ქეიფზე ვერა ვარო.

ხელმწიფის შვილიც უკვე უახლოვდება ჭუჭას სასახლეს. მაშინ რაღაც აზრად გაუარა ხელმწიფის შვილს თავში და თქვა: მოდი, ერთი ამ ყუთს გავხსნი, ვნახო შუგ რა არისო. როცა ახადა ყუთი, ერთმა ჩიტმა თავი გაღმყო. შეეშინდა ამ ხელმწიფის შვილს: არ გამოფრინდესო. ყუთის სახურავს რომ დააწვა, თავი გადაეკანაპა ამ ჩიტსა, თურმე ეს ჩიტი ჭუჭას ღონე ყოფილა. ამ ჩიტს რომ თავი გადაეკანაპა, ჭუჭას ღონე გამოეცალა. ხელმწიფის შვალი მიუახლოვდა ჭუჭას და ნახა კარებზე ჩამოჭდარი. ჭუჭამ ერთი სცადა ფეხზე წამოხტომა, მაგრამ ველარ დაღმა ფეხზე. უთხრა ჭუჭამ: რახან ეგრე დამართე, დანარჩენებს თავი დაანებე და ეს ქალი წაიყვანეო, მაგრამ ხელმწიფის შვილმა უთხრა: არა, ამდენი წვალეტიისათვის, მე შენ სიცოცხლეს მოგიპობო. ახადა ყუთს თავი და გადმოჰყო თვალის ჩინის ჩიტმა თავი. დახურა და იმასაც გადააკანაპა თავი. დარდა ჩვენი ჭუჭა უსიანათლო. ამ დროს სცადეს მისი უკვდავება, მართლაც მოკვდებოდა თუ არა. მას ჰქონდა შეგროვილი თევზი, მოუკიდეს ამ თევზს ცეცხლი და ჩააგდეს ჭუჭა შიგ. გაიტრუსა, მოიკრუნჩხა, მაგრამ სული მაინც ჰქონდა. ერთი სიტყვით, მესამე ჩიტსაც წააგლიჯეს თავი. ჭუჭაც მოკვდა. ყველა ადამიანი განთავისუფლდეს ჰირისაგან, როგორც ისინი განთავისუფლდნენ ჭუჭასაგან. შევიდნენ საჯინიბოში. სადაც ჭუ-

ჯას ორი შეკაზმული ტაიჭი ება. ოქრო, ვერცხლი, ლალი, მარგალიტი ბლომად ჰქონდა ამ ჭუჭას; ჩაყარეს ხურჩინში, გადააკიდეს ცხენებს და გაშოაწიეს.

ბევრი სიბარულის შემდეგ მიაღწიეს გველვეშაპამდის. გველვეშაპამ დაინახა, რომ მოვიდა ხელმწიფის შვილი, თან მოიყვანა ქალა, რომლის მოყვანაც დააეალა. სალამი მისცა გველვეშაპს. გველვეშაპმა გადაადგო კუდი გვერდზე და უთხრა: მობრძანდით თქვენს საცოლესთანაო. საცოლესაც ძალიან გაუხარდა. ჩაპოხდნენ ორივენი ცხენებიდან და ვიდრეშდის კარავში შევიდოდნენ, გველვეშაპმა შეორედ დაუძახა: მობრუნდი ჩემსკენ, ხელმწიფის შვილო! — გადიძრო გველვეშაპის ტყავი და გამოვიდა ერთი მზეთუნახავი ქალი და უთხრა: აი, ჩემი აღთქმა იყო, რომ მოსპობილიყო ქვეყანაზე ჭუჭა. რაკ ეგ მოისპო, ახლა გზა დამილოცია, ბედნიერები იყავითო. თვითონ კი მოუსვა, საიღანაც ჩამოსულიყო. ესენაც ბევრს აღარ გაჩერდებოდნენ, რაკი თავისუფლება მიეცათ, გამოსწიეს შამს-ოჯახისაკენ და რამდენიმე დღის შემდეგ მიაღწიეს სატახტო ქალაქს.

მამამისს დიდი სიხარული მიეცა, რომ შვილი გადარჩა გველვეშაპს. ორმოცი დღე და ორმოცი ღამე ქორწილი გადაუხადა; ტახტიც კი დაუთმო: შენ იქნები ამას იქით ხელმწიფეო. ჰამეს. სვეს, დროება გაატარეს და თქვენც ავაშორით კირი და ლხენა მოგცეთ.

კირი იქა, ლხინი აქა.

ქატო იქა, ფქვილი აქა.

მთას ურემი ავაგორე. წამოვიდა გორებიოთა.

აქ დღეობით გამოძებით, საიქიოს ცხონებითა.

ელენე მშვენიერის ზღაპარი

იყო ერთი ხელმწიფე. ჰყავდა სამი ვაჟიშვალე და სამი ქალიშვალე. როდესაც მოხუცი ხელმწიფე მოკვდა, ორი დღის შემდეგ მოვიდა ერთი დევი ხელმწიფის პირველი ქალის სათხოვრად და დაჯდა სამოციქულო ქვაზე. გამოვადა ან ხელმწიფის პირველი ვაჟიშვილი და უთხრა: ვინ ხარ შენ მანდ რომ ზიხარო? — მე ვარ მოსული თქვენი უფროსი დის სათხოვნელადო! — უპასუხა დევმა. პირველმა ძმამ უთხრა: წადი, შე ბინძურო, აქედან, ვინ ხარ, მე რომ შენ დაი

მოგათხოვო — დევმა არ დაიშალა. მაინც იქა ზის. გამოვიდა შუათანა ძმა, ისევ იქა ზის. იმასაც სთხოვა და იმანაც უარი უთხრა დის მიცემაზე. დევი კიდევ ზის იქა. ბოლოს გამოვიდა უმცროსი ძმა და ჰკითხა: რა გინდა, რისთვის მოსულხარო? დევმა უპასუხა: — ქალი მინდა, ქალისთვის მოვსულვარო.

— ამ საათშიო, — უთხრა ბიჭმა, — მოიცადე, ახლავე ჩაგაბარებ ქალსაო. — გამოიყვანა თავისი უფროსი და, ჩააბარა ამ დევს და გაატანა. წავიდა დევი, წაიყვანა ეს ქალი და თანაც გულში ჩაითქვა ძმების მოქმედება.

ახლა სხვა დევები მივიდნენ დანარჩენი ორი დის სათხოვნელად და. როგორც პირველ შემთხვევაში, პირველმა და შუათანა ძმამ უარი უთხრეს, პატარა ძმამ ორივე გაატანა. რომ გაათხოვეს ყველა და, დარჩა სამი ძმა და დედა. ერთ დღეს გამოვიდნენ კარში ეს ბიჭები და გამართეს შეჭიბრი სროლაში. ამ დროს მოდის ერთი ბებერი, მოაქვს წყაროდან ქილით წყალი. პატარა, უმცროსმა ძმამ ესროლა ისარი და ქილა გაუხვრიტა ამ ბებერს. მოდის ბებერი, წყალი იღვრება ქილიდან. უცბად შეხედა, წყალი იღვრება. — ვაი, რა დამემართა, ვინ იყო, რომ ასეთი საქმე გამიკეთაო. აქეთ მოიხედა, იქეთ მიიხედა, დაინახა ცოტა მოშორებით ის ბიჭი და უთხრა: — ჰე, შე უბედურო, რა გათხრა, მშვენიერი ვაჟკაცი ხარ, ვერ გამიმეტებო შენი თავი რომ დაგწყევლო, მაგრამ მაინც გეტყვი: შენამც დავარდნილხარ ელენე მშვენიერის ნატვრაშიო. ამ ბიჭმა თქვა: უჰ, ეგ ელენე მშვენიერი რა ყოფილა, ან სად ყოფილა; აბა მე ახლავე წავალ და მოვნახავ ელენე მშვენიერი სად არის, სად იმყოფებაო.

მოვიდა სახლში ეს ბიჭი და უთხრა დედას: დედა, მომეცი სამჯავრო პური, მივლივარ ელენე მშვენიერის საპოვნელადო. დედამ ცივი უარი უთხრა: არ წახვიდე, ჩემო შვილო, შენა ხარ ჩემი ერთადერთი ვაჟკაცი და შენც მიდიხარ შორს გზასა? დაჯექი, ჩემო შვილო. იყავი ჩემთან, ნუ მოჰკლავ შენის ჯავრითაო.

ბიჭმა არ დაიშალა, მაინც გაუდგა გზას. სახლიდან წაიღო მხოლოდ ერთი ხელმანდილი, რომელშიც ერთი თქმით ამოვიდოდა ყველაფერი სასურველი საკმელი.

ბევრი იარა თუ ცოტა იარა, მოიღალა, დაჯდა ერთ წყაროსთან და პურსა სკამს. ამ დროს მოვიდა ერთი გოგო, შეხედა ამ ბიჭს თუ არა, თავის გულში თქვა: ეს რა ჩემს ქალბატონსა ჰგავსო. აავსო წყაროზე ქილა და სწრაფად გაბრუნდა სახლისკენ. სახლში რომ მოვიდა, ქალბატონს მოახსენა: ქალბატონო, რა ვნახე! აგერ, ჩვენ წყაროზე მოსულა ერთი ბიჭი, შეხედულობით სულ თქვენა გგავთო.

ქალბატონი გაუწყრა გოგოს და უთხრა: რას ამბობ, შე უბედურო, მე როგორ მემსგავსება?! მე ვარ ხელმწიფის შვილი და შორიდან გამოთხოვილიო. — არა ქალბატონო, არა, უეჭველად ეს თქვენი რალა-ცა უნდა იყოსო. — აბა, რაკი აგრეა, წადი და დაუძახე, ერთი აქ მოვიდეს, ვნახო, ვინ არისო.

ადგა ეს გოგო, მოვიდა წყაროსთან და უთხრა ბიჭსა: აბა წამოდიო, ქალბატონი გეძახითო. ადგა ეს ბიჭი და გაპყვა. გამოვიდა ქალბატონი და ბიჭს შეხედა, იცნო, რომ ის იყო თავისი უმცროსი ძმა და ბიჭმაც იცნო, გადახევივნენ ერთიმეორეს: საიდან, ჩემო ძმაო, რამ გადმოგავდო შენ ამ უცხო ქვეყანასაო? — რა ექნა, ჩემო დაო, მივიღივარ შორ გზას, ელენე მშვენიერის საძებნელადაო. — ეკ. ყველა კარგი, ჩემო ძმაო, მაგრამ შენი სიძე რომ მოვა ახლა აქ და შეგქამს, ამას რალა ვუყოთო? — რატომ, რათ უნდა შეგქამოსო. — შენ ხომ იცი, რომ შენი სიძე დევია და არა ადამიანი? — რა ვუყო, თუ შესაქმელი ვარ, შეგქამს და შეგქამოსო. — აბა, მოდი ჯერ მაინც იმ დოლაბში დაიძალეო. შევიდა ბიჭი დოლაბში და დაიძალა.

ცოტა ხნის შემდეგ მოვიდა დევი, მოაქვს მთელი ქვეყნის არეშარე: შეშა, ხორცი თუ სხვა. როგორც შევიდა სახლში დევი, იმ წამსვე სუნი ეცა.

— ქალო, აქ რალაც უცხო ადამიანის სუნია, შენ ვილაცა შემოგიყვანია ჩემს სახლშიო.

— აბა შენ ეგრე ნუ იცი, მეც ადამიანის შვილი არ ვარ? ნუთუ აგრე მალე უცხო ადამიანის სუნი გაარჩიეო. — დევმა გაწყროპით უპასუხა: — მალე მითხარი აქ ვილაცაა, თორემ შენც შეგქამ და იმასაცაო. ქალს შეეშინდა და უთხრა: ერთი რამ უნდა გითხრა და არ გამიწყრე: ჩემი სამშობლოდან რომ ვინმე იყოს, როგორ მოეპყრობი მას, რას უზამო? დევმა უპასუხა: — ააა, შენი სამშობლოდან? ქალო, სტუპარი თუ არის უფროსი ან შუათანა ძმა, მათ აუცილებლად შეგქამ და თუ არის პატარა, უმცროსი ძმა, მას ჩემს ჯამში ჩავისვამ, ჩემთან ვაქმევ პურს და რა გაჭირვებაც აქვს, კიდევ მოვეხმარებო. ამ ქალს გაუხარდა დევის ნათქვამი. მაშინვე დაუძახა თავის ძმას, გამოიყვანა დოლაბიდან და უთხრა: აი ჩემი ძმაო.

დევმა იცნო ბიჭი და უთხრა: ააა, შენა ხარ ჩემი პატარა ცოლი-ძმა?! მობრძანდი, მობრძანდი, კარგია რომ გვენახეო. ერთი შენი დარდი მითხარი, რატომ გადმოხველ ამ ჩვენს მხარეზე, რა გაგჭირვებიაო? — ბიჭმა უარი უთხრა პირველად: არაფერი, თქვენს სანახავად მოველო.

— არა, უეჭველად შენ რალაც დარდი გაქვს, თორემ ისე არ

გენახედო. ბიჭი იძულებული გახდა, რომ თავის გულის დარღვები ეთქვა იმ სიძისათვის. უთხრა: მე მივდივარ ელენე მშვენიერის სანახვადო.

— უპ, ეგ რა მძიმე რაჲე მითხარო,—უთხრა დევმა,—მე ფრინველთა ხელაწიფე ვარ და არ ვიცი ეგ ელენე მშვენიერი სად ცხოვრობს: აბა ახლავე შევაგროვებ ჩემს ფრინველებს, შეიძლება იცოდნენ მისი აცხოვრებელი ბინაო.

დაუძახა დევმა მთელ თავის ფრინველებს, მოაგროვა აუარებელი ფრინველი და ეკითხება: აბა მითხარო, სად ცხოვრობს ელენე მშვენიერი? ფრინველებმა ერთხმად დაუძახეს თავის ხელაწიფეს: არ ვიცი ელენე მშვენიერის ბინა და არც გაგვიგია ჩვენ იმის ხსენება!

— რადგანაც არ იცი, წადით თქვენს ალაგასაო.

ბიჭმა უთხრა, აბა ახლა მე უნდა წავიდე ჩემს გზაზე, სადმე უნდა მოვინახო მაინც ელენე მშვენიერიო. — მოდი, ნუ წახვალ, არ გინდა ის ოხერი ვილაცაა, ვერ იპოვი და მებრალები, თავს დაიღუპავო. — უთხრა დევმა. ბიჭმა მაინც არ დაიშალა. დევმა უთხრა: — რადგანაც არა გჯერა, მოიცადე, აი, ეს ხელმანდილი წაიღე, გამოსადეგია შენთვისაო.

— რა გამოსადეგიაო?

— როცა პური მოგშივდება, ეტყვი: ხელმანდილო, პური მშინაო და რაც გენებებათ, მიირთმევთო. ბიჭმა უპასუხა: რაკი შენ ჩემთვის საკეთე გლომებია, მაშ, აგერ ჭიქა, ჩაასხი შიგ რძე და შედგი მე რომ ვიჭეჯი, იმ დოლაბში. როცა ეს რძე გასისხლდება, მაშინ იცოდე, რომ მე მკვდარი ვარ. თუ გინდა სიკეთე მიყო, წამოდი და მეძებო.

გაუდგა ბიჭი გზას, მივიდა ერთ წყაროსთან, დაისვენა და სადილობს. აქაც მოდის ერთი გოგო და აქაც ისევე ხდება, რაც მოხდა პირველ წყაროზე. აქ შუათანა ქალს და სიძეს ნახავს ბიჭი, მათგანაც ხელმანდილს წაიღებს და წავა. ახლა მესამე დის სახლში მივიდა. მოვიდა დევი და უთხრა: — სად მიდიხარ, ჩემო ცოლისძმავ? — ჩემო სიძევ, მივდივარ ელენე მშვენიერის მოსაყვანადო.

— ოპ, ელენე მშვენიერი? მე მთელი ბაყაყების ხელაწიფე ვარ, არ ვიცი ეგ ელენე მშვენიერი და შენ საიდან გაიგეო. — დაუძახა ამ ხელაწიფემ მთელ თავის ბაყაყებს და ჰკითხა: აბა ვინ იცი ელენე მშვენიერის ბინაო? მოვიდნენ მთელი ბაყაყები და ყველამ ერთხმად მოახსენა ხელაწიფეს: არ ვიცი ელენე მშვენიერის ბინაო. ხელაწიფე კილევ შეეკითხა: კილევ არის თუ არა ჩემს სახელაწიფოში დარჩენილი ბაყაყებიო?

— ერთადერთი ბერა, ბლენძი კოჭლი ბაყაყა დარჩენილია.

— აბა, წადით, ის მოიყვანეთ და მას ეცოდინება ელენე მშვენიერის ბინაო.

წავიდნენ ბაყაყები იმ კოჭლი ბაყაყის მოსაყვანად. მოიყვანეს.

— აბა, კოჭლო ბაყაყო, გვათხარი ელენე მშვენიერი სად არის, თუ იციო?

— ეჰ, თქვე უბედურებო, რათ კითხულობთ ელენე მშვენიერს, ვინ მივა იმასთან, ის არის უნახავ ალაგას დამალული და დევსა ჰყავს შეპყრობილიო. ტყუილია, ეგ ვერ მივა იქაო.

— აბა, ნუ გააგრძელე, კოჭლო ბაყაყო, ჩქარა თქვი, რომელი გზით არის იმასთან მისასვლელიო?

— აი, — გაიხედა ამ კოჭლმა ბაყაყმა, — წავა ამ სწორე გზაზე, როგორც გაივლის დიდ ტრიალ მანდორს, დაინახავს ერთ სახლს, იმ სახლს აბია ქვის კარები; ვის შეუძლია იმის გაღება, გარდა იმ დღეისა?

ბიჭმა არ დაიშალა, ადგა, გაუდგა გზას. აქაც გადასცა თავის უმცროს სიძეს ჭიქა რძე და იგივე დაავალა. წავიდა ბიჭი, სადაც ელენე მშვენიერი იპოვებოდა. მივიდა ერთ წყაროსთან. სახლი ახლოს იდგა. გამოვიდა ერთი ახალგაზრდა გოგო, მივიდა წყაროზე წყლის ასაგებად, შეხედა ამ ბიჭს, ძალიან მოსაწონარი, კაი ვაჟკაცი იყო და კაი ლამაზი სუფრაც ედგა წინ. გოგოს ძალიან გაუკვირდა ბიჭის საქუელი, თავის გულში თქვა: კაცო, ეს რა მშვენიერი ვაჟკაცი რამ ყოფილა და ცოდვა არის ამის სიკვდილი, რომ აქ. ამ სახელმწიფოში გადმოსულა, სადაც ადამიანის შვილის სახსენებელი სრულებით არ არისო. გაკვირვებული შევიდა თავის ქალბატონთან და ეუბნება: — ერთი ვილაცა ვნახე დღეს მე ამ ჩვენ წყაროზეო.

— წადი, შე უბედურო, შენ რალაცა სიზმარი გინახავს, თორემ აქ ვინ მოვიდოდაო.

— არა, ქალბატონო, არა, ცხადად ვნახე. მართლა ძალიან კარგი ვაჟკაცი იყო. რომ ნახო, თვალს კი ვეღარ მოაშორებო.

— როგორ შეიძლება, რომ მე ამ ბინძურს დაუუჭერო, ნუთუ ეგრე მშვენიერი ვინმეა აქ მოსულიო?

— კი, ქალბატონო, კიი.

— აბა თუკი ეგრეა, წადი და დაუძახეო.

ადგა, წავიდა ეს მოჯამაგირე გოგო, მივიდა წყაროზე იქ, სადაც ბიჭი იჯდა; უთხრა: აბა წაშობრძანდი, ჩვენი ქალბატონი გეძახისო. ბიჭმა უთხრა: — ერთი მითხარი, რა გვარისაა თქვენი ქალბატონი. ანდა რა ჰქვიაო?

— ნუთუ არ გაგიგონია ელენე მშვენიერიო?

ბიქს ძალიან გაუხარდა, რომ ელენე მშვენიერი აქ ყოფილა. ადგა და სიხარულით მიდის ელენე მშვენიერის სახლისაკენ. შეაღო კარი, შევიდა სახლში და დაინახა ელენე მშვენიერი თუ არა, იმ წამსვე გონება დაეხრა. ელენე მშვენიერმა ამოიღო ხელსახოცი და მოუსვა თუ არა, ბიქი გონებაზე მოვიდა.

— სადაური ხარ, ბიქო, საით მიდინარო? — ჰკითხა ელენემ.

— მე მოვედი სწორედ თქვენს სანახავადაო.

— რომ გაგიგოს დევმა, ხომ შენც შეგკამს და მეცაო. აბა ერთი მაინც მაჩვენე, შენ რაღაც ხელმანდილი გქონიოო.

— რატომ არაო, უთხრა ბიქმა; მხოლოდ ერთი სიტყვის ნება მომეციო.

— ორი თქვი, ნება გაქვსო.

— აბა თუ შეიძლება, თქვენი ერთი მუხლის ქვეშ მაყურებინეთ და მაშინ გიჩვენებ ამ ჩემს ხელმანდილსო. შეხედა ამ ელენემ გაკვირვებით თავის მოჯამაგირე ქალებს და უთხრა: შეიძლება თუ არა, ასეთი რამეო. — რატომ არა, ქალბატონო, რა დიდი რამეა, რა იქნება, ჩვენ აქ არა ვართ, რის გეშინიანო.

აყურებიან ელენე მშვენიერმა ამ ბიქს, რაც უთხრა, ის შეუსრულა. ბიქმა უყურა, უყურა, გაბეზრდა ყურებით და უთხრა: კმარა, მომწყინდა ყურებაო.

— მაშ აბა ჩამოერთვას ეს ხელმანდილიო. — უთხრა კიდევ მოჯამაგირე ქალებს, — ააყვანეთ ეს ვილაცა არის და გადააგდეთ დევებთან, რომ შექამონო!

მიიყვანეს ეს ბიქი და გადააგდეს ამ მოჯამაგირეებმა დევებთან. დევები წამოიშალნენ ბიქის შესაქმელად. ბიქმა უთხრა: მოიცათ, მოიცათ, არ შემეკამოთ და სიკეთეს გიზამთო. შეჩერდნენ დევები, აღარ დაუწყეს ბიქს რჩოლა. ამოიღო ბიქმა ჯიბიდან მეორე ხელმანდილი და გაუშალა დევებს წინ, რომელშიც ყველა საქმელი იყო, დევებს ძალიან გაუხარდათ, დასხდნენ ლამაზად შეექცნენ. არის ლხინი, თამაში, ერთი, მეორე... ელენე მშვენიერმა უთხრა თავის მოჯამაგირეებს: გაახედეთ გარეთ, იმ ბიქს შექამდნენ დევები, თავი იქნება დარჩენილი, ამოიტანეთ, გვიკლია ერთი თავი იმ ცხრასართულიანი სახლის გავსებას, დახოცილი საქმროებით რომ ვაგროვებთ და იქ დადევითო.

გადაიხედეს მოჯამაგირეებმა თუ არა, ნახეს, რომ ბიქი დევებთან ქეიფობს; ცეკვავენ, თამაშობენ. მოჯამაგირეებმა გაკვირვებით უთხრეს ქალბატონს: ქალბატონო, ის ბიქი დევებს არ მოუკლავთ, კიდევ ჰქონია ხელმანდილი რაჲ, ხედავ რა დღეში ჰყავს ჩვენი დევმა?

— აბა დაუძახეთ, ერთი ეგეც წავართვათო — უთხრა ქალბატონმა. დაუძახეს, ამოიყვანეს ბიჭი მალლა.

— აბა ითხოვე მაგ შენ ხელმანდილში რა მოგართვათო? — უთხრა ბიჭს ელენემ.

— ერთი სიტყვა კიდევ მიბოძეთ, ქალბატონო, — უპასუხა ბიჭმა.

— ორი თქვი, ბატონო.

— აბა, თუ შეიძლება, წელქვეშა ტანი სულ დამანახე და მოგართმევო.

საწადელი აუსრულეს, მერე ჩამოართვეს მას ის ხელმანდილი და გადაადგეს დევებთან. დევებს გაუხარდათ. იფიქრეს: ჩვენთვის კიდევ მოაქვს ბიჭს საქორწინო პურ-მარილიო. ამოიღო ამ ბიჭმა თავისი მესამე ხელმანდილი, გაუშალა დევებს, აჭამა და ასვა, რაც ენებათ. ცოტა ხნის შემდეგ კიდევ უთხრა მოჯამაგირე ქალებს ელენე. მშვენიერმა: აბა გადახედეთ ჩვენ ბიჭს, თუ რა დღეშია დევებთანაო.

გადახედეს მოჯამაგირე ქალებმა: შეხედეს, დევები მთვრალები არიან, ერთიმეორეს ველარა სცნობენ. — ქალბატონო, ჩვენ ბიჭს კიდევ ჰქონია ხელმანდილი და დევებს აჭეიფებსო. ელენე მშვენიერს ძალიან გაუხარდა, თქვა: ღმერთს ჩვენთვის რაღაცა გამოუგზავნია სარჩენადაო. ამოიყვანეს კიდევ ზევით, ვნახოთ რა იქნება, კიდევ ჩამოვართმევთო. ამოიყვანეს ბიჭი. — აბა, ითხოვე რა მოგეცე მაგ ხელმანდილშიო. — ერთ სიტყვას გეტყვი, ქალბატონო, კიდევ თუ შეიძლებაო?

— თქვი, რატომ არაო,

— აბა, დააგე შენი ლოგინი, დამაწვინე მე და ჩემს ზემოდან ხალიჩით შენ დაგიჭირონ შენმა მოჯამაგირეებმა. თუ სალამოდან გათენებამდე დაიჭერენ შენი მოჯამაგირეები შენ თავს ხალიჩით, თავი მომაჭერ და თუ არადა, თუ ჩამოვარდი ჩემთან, შენ ჩემი იქნები და მე შენისო.

ელენე მშვენიერს ძალიან გაუკვირდა ეს სიტყვა: როგორ შეიძლებაო? — რატომ არა, ქალბატონო, დაგიჭერთ, რა დიდი საქმეაო, — უთხრეს მოჯამაგირეებმა. რა დიდი რამეა, ერთი ღამე არ არის? კაცი ერთ ღამეს მგლის ტყავში გასძლებსო.

— აბა, ეგ თქვენი საქმეა, ეგ თქვენ იცითო.

დააგეს ლოგინი და ჩააწვინეს ბიჭი შიგ ელენეს ლოგინში; ზევით მალლიდან დაიჭირეს ელენე მშვენიერი. წევს ბიჭი ლოგინში და ფიქრობს: ახ, ნეტავ როდის ჩამოვარდება ელენე მშვენიერიო. ასე რომ, მაჰლის ყივილმა მოატანა. ამ საწყალმა ბიჭებმა ველარ გასძლეს გათენებამდე. ერთი იქით გადავარდა, მეორე აქეთ გადმობრუნდა, მესამე, მეოთხე... ჩავარდა ელენე მშვენიერი ბიჭთან.

— აბა, ჩამეხვიე, ჩემო ტურფავ. თუ კი ჩემი უნდა გამხდარიყავ, რად მტანჯავ ამდენი ხანით?

— არა, შენი ჭირიმე, შენ ხომ იცი მე შენი ვარ, შენ ჩემი ხარ, მაგრამ ვერ მოგეკარები. ნათლია მყავს ზეცას, წავალ, შევეკითხები და მაშინ იყვეს რაც შენ გულს უნდა და სურსო.

— კარგი, რატომ არა, შეიძლებაო, — უთხრა ბიჭმა.

ადგა ქალი ზეზე, მიდის ზეცას ნათლიასთან. წასვლისას ქალმა უთხრა ბიჭს: აი, შენ ეს გასაღები გებარებოდეს, მეოცე, მეოცდახუთე, მეოცდათხუთმეტე, მეოცდაცხრამეტე — სულ არაფერი ეგენი, ხოლო მეორმოცე, არამც და არამც არ გააღო, თორემ ცუდი დღე დაგადგებაო.

— კარგი, კარგი, ჩემო ტურფავ, არ გავაღებ, არ გავტეხავ შენს სიტყვასო.

ადგა ქალი, მიდის ზეცას ნათლიასთან, ავიდა და ჰკითხა ეს გარემოება.

— ეჰ, შე კაი ქალო, რაღაზე მოღაოდი აქ, შენ რომ დაიბადე, მაშინვე იმის ბედი იყავიო.

ადგა ქალი და გამობრუნდა თავისი სახლისაკენ. ამ ბიჭმა დაუარა კარებს და დააღო. რომ მივიდა იმ მეორმოცე კართან, გაახსენდა ელენეს ნათქვამი: ეს კარი არ გააღოო. მაინც არ დაიშალა ბიჭმა, გააღო მეორმოცე კარი. გააღო თუ არა, წამოიშალნენ ასლან-ყაფლანი, ერთი აქედან, ერთი იქიდან და უთხრეს ბიჭს: ეჰ, ადამიანის შეილო, რამ გაგაჩინა, რამ გაღმოგაგლო აქეთ: მოგვხედე, ვიწვიო, ვიდაგვაო, თუ შეიძლება ერთი ცვარი წყალი მოგვასხიო. — რა იქნებაო? — შიაწვდინა. მიასხა ამ ბიჭმა თუ არა, იმ წაშავე ასლან-ყაფლანმა უთხრეს ბიჭს: აბა, ბიჭო, გზა გვიტყეო! ბიჭმა ველარ მოასწრო დევების გზის დატოვება, რომ ამოიხუნთქეს, ბიჭი ძელებში შეისროლეს, გამოცვიდნენ ეს ასლან-ყაფლანი და გაიქცნენ. მივიდნენ სადაც ელენე მშვენიერი იყო, მაგრამ ვერ ნახეს იქ. გამობრუნდნენ, გზაზე წამოეწვიენ ელენე მშვენიერს, დაიჭირეს და წაიყვანეს.

გავიდა კარგა ხანი, აღარ მოუვიდა ამ ბიჭს ელენე მშვენიერი. ბიჭი დარღში ჩავარდა. მივიდა ელენეს მოჭაშაგირე ქალებთან და ჰკითხა, თუ რატომ არ მოვიდა ამდენ ხანს ელენე.

— რა ქენი შენ, — უთხრეს გოგოებმა, — კარები ხომ არ გააღე იმ ოთახისა?

— კი. გავაღე, მერე რა მოხდაო?

— შენ თვითონა სთქვი რა მოხდაო?

— რა მოხდა და ასლან-ყაფლანი იყო, თუ რაღაცა ჯანდაბა, კინალამ მომკლეს. რომ შემობერეს, ძელებში შემისროლეს. მთელი ერთი საათი შებნედილი ვაყავი ძელებში.

— ოჰ, შე უბედურო, შენა, ელენე მშვენიერი მათ წაუყვანიათ. მორჩა, შენ მას ველარ ნახავო.

— საითკენ წავიდოდა აბა ერთი მითხარითო?

— საითკენ წავიდოდა, აბა რა ვიცით, თუ წავიდა, ასე წავიდოდაო.

— აბა, მე წავალ მის საძებნელადო.

ადგა ბიჭი და წავიდა. ბევრი იარა თუ ცოტა იარა, გაიხედა ერთ ტრიალ მინდორზე, დაინახა ერთი დიდი ქვა. მივიდა იმ ქვასთან ახლოს. აქეთ შემოუარა, იქით შემოუარა იმ ქვას, შეხედა ერთი მხრიდან ერთი პატარა ფანჯარა მოჩანს. გადაიხედა, და ელენე მშვენიერი იქა ზის. ელენე მშვენიერმა დაინახა ის ბიჭი თუ არა, ცრემლები გადმოლვარა.

— აბა, ჩემო ტურფა ელენე, რაღას ზიხარ, წამოდითო.

— სად წამოვიდე, შე საწყალო, კარებს ვინ გააღებს, რომ გამოვიდე. კარები ისეთია, დევის მეტი ვერავინ გააღებსო. თუ კი დევი აქ მოვა, შენც შეგკამს და მეცაო.

— აბა რა ვუყოთო, აბა მოდი აგერ სარკმლიდან გადმოხტი და ქვევიდან მე დაგიჭერო. ადგა ელენე მშვენიერი და გადმოხტა სარკმლიდან. წაავლო ბიჭმა ხელი და წამოიყვანა.

მოვიდა სახლში დევი და დაიყვირა: სად არის ქალიო! შეჯდა ცხენზე დევი, გამოეკიდა უკან ელენეს. დაეწია და უთხრა: სად მიგყავს ეგ ჩემი ცოლიო?!

— სადა და სახლში მიმყავსო.

— ეს ერთი მიპატიებია და შექმდეში თუ იზამ ამისთანა საქმეს, აღარ გაპატიებ, უეჭველად თავს მოგაჭრიო. წაართვა ქალი; წამოიყვანა უკან დევმა. დილა გათენდა, კიდეც წავიდა დევი სანადიროდ. მეორე დღეს კიდეც მივიდა ბიჭი ელენე მშვენიერთან და წამოიყვანა. მოვიდა დევი და რომ ნახა სახლში არ იყო ქალი, მეტად გაჯავრდა. დაუყვირა ცხენს: — ცხენო, ქალი სად არის, რაშია საქმეო?!

— ნუ გეშინია, გუშინდელის არ იყოს, ქალი ახლოს არიანო.

დევმა გამოიყვანა ცხენი, შეჯდა და წამოეწია. წაავლო ხელი ქალს და უთხრა ბიჭს: — სად მიგყავს ეგ ჩემი ქალიო?!

— სად მიმყავს და სახლში მიმყავსო.

— აი, შენ ეს მეორე ხათრი, რომ წყლით გაგვაგრილე, თუ კიდეც გაიმეორებ, ხათრი აღარაფრისა მექნებაო!

წამოიყვანა ქალი დევმა უკან. დაღამდა, გათენდა და დევი კი-
ლევ წავიდა სანადიროდ. კილევ მივიდა ბიჭი მესამედ და წამოიყვა-
ნა ელენე მშვენიერი. მოვიდა საღამოს დევი სახლში, შეხედა რომ
ქალი არ არის. პირიდან ცეცხლსა ჰყრის. — აბა, ცხენო, საჩქაროდ
ქალიო! გამოიყვანა ცხენი, შეჯდა და წამოვიდა. წამოეწია შუა გზა-
ში და წაავლო ხელი: მე ხომ გითხარი, მესამედ აღარ გააბატებ-მეთ-
ქი. ერთი, ორი და ესეც სამი, გაჰკრა ყელში ხმალი და მოკლა ბიჭი.

— ოჰ, — თქვა დევმა, — ახლა მტერი მოვკალი, თავისუფლად
ვივლი, თუნდაც ერთი კვირა აღარ მივიღე ჩემს ცოლთანაო. — წა-
მოიყვანა დევმა ქალი სახლში. ცხოვრობენ ერთად.

უფროს სიძეს გაახსენდა ამ ბიჭის სიტყვები. თქვა: მოდი, ერთი
ვნახო ჭიქაში რძე რომ ჩაახსნა, რძეა ისევ თუ სისხლი გახდაო. ნახა,
რომ ჭიქაში რძე გასისხლიანებულა. — ოჰ, — ამოიოხრა, — ცოლ-
შვილის პატრონი გამხანდა და დღეს ვხარობ მე, ის კი მომკვდარაო.
ადგა დევი და წამოვიდა საძებნელად. გამოიარა გზა ცოტაზე. ვნა-
ხოთ, შეხედა ერთი ქვისლი.

— ვინა ხარ შენ, სად მიდიხარო?

— ასე და ასე, ჭიქაში რძე გამისისხლიანდა, ცოლისძმა მომიკვ-
და და მივდივარ მის საძებნელადაო.

— ოოო, ნუთუ მე კილევ ქვისლი მყოლია და არ ვიცოდით. სწო-
რედ მეც მაგაზე მივდივარო.

მიდიან ორივე ერთად. გაიხედეს, ერთი დევი კადევ მოდის.

— გამარჯობა შენი. საითკენ მიდიხარ ეგრე გაჩქარებულიო?!

— სადა და ცოლიძმა მომიკლეს და საძებნელად მივდივარო.

— ოჰ, კაცო, მესამე ქვისლიც კილევ გყოლია ჩვენაო. აბა, წავი-
დეთ სამივე, ვიჩქაროთ, ეგებ სადმე მოვნახოთ ის ჩვენი ძვირფასი
ცოლიძმაო.

ბევრი იარეს, თუ ცოტა იარეს, ნახეს ერთ ტრიალ მინდორზე
სულ ლუქმა-ლუქმა დაქრილი კაცი. იცნეს ცოლიძმა. მივიდნენ და
დაუწყეს რაღაც წამლობა. გამოარჩინეს ეს კაცი, გამოაცოცხლეს.
წამოდგა და თვალეზზე ხელეზს ისვამს. უჰ, რა ბევრი მძინებიაო.
მიიხედ-მოიხედა აქეთ-იქით, და ელენე მშვენიერი აღარსად არის.
უცბად გაქანდა იმ გზაზე, საითაც ელენე მშვენიერი იყო; წაავლეს ამ
დევებმა ხელი და გააჩერეს: — მობრუნდი, კაცო, არ გინდა ელენე
მშვენიერიო!

— აბა, როგორ მოვბრუნდები, ვიღრე არ მოვიყვან იმასაო.

— გამობრუნდი, ძმაო; თორემ ჩვენ ვერაფერს გიშველით. ეს

ერთი გიშველეთ, და მეორედ კი აღარ შეგვიძლია შენი გაცოცხლებაო.

— როგორ, ნუთუ მე მკვდარი ვიყავიო?!

— მკვდარი იყავი, მაშაო.

— ოჰ, რატომ გამაცოცხლეთო!

მანც არ დაიშალა ბიჭმა და წავიდა. დევები დაბრუნდნენ სახლში.

მადის ბიჭი ელენე მშვენიერისაკენ. გაიარა ცოტა გზა. ორ ძალს უშოვიათ ერთი ლეში და ერთი მეორეს ებრძვიან: — არა შენა და არა მეო. ამ ბიჭმა უთხრა: მოიცათ, რა გაჩხუბებთო. ამოიღო ჯიბიდან დანა, გაუჭრა; ნახევარი ერთს მისცა, ნახევარიც მეორეს. დამშვიდდნენ ეს ძაღლები და უთხრეს ბიჭს: შენ აგაშენა ღმერთმა, ადამიანის შვილო, რომ მაგისტანა სიკეთე გვიყავი. აგერ ეს ჩვენი ბალანი, საცა გაგიჭირდება, ჩვენი თავი ახსენეო. აიღო ბიჭმა ბალანი და გაუდგა გზას. ხედავს გზაზე, რომ ქათმებს უპოვიათ რამდენიმე ქერის მარცვალი და ერთიმეორეს არ ანებებენ. რომ დაინახა ბიჭმა უთხრა: — ქათმებო, რა გაჩხუბებთო? აიღო და გაანაწილა ქერი. დამშვიდდნენ ეს ქათმებიც. — შენ აგაშენა ღმერთმა, რომ ამ დარდს გადაგვარჩინეო. აი, ეს ჩვენი ბუმბული წაიღე და სადაც გაგიჭირდება, ჩვენი თავი ახსენე და გამოგადგებითო.

აიღო ბიჭმა ბუმბული, ჩაიღო ჯიბეში და გაუდგა გზას. გაიარა ცოტაზე, ერთი ვარდის ბუჩქი დგას. დახვევია ფუტკრები ერთიმეორეს და ჩხუბობენ. — რა გაჩხუბებთ, აგერ ერთ ტოტზე ერთი დაჯექით და მეორეზე — მეორეო. მაშინ მართლა ეს ფუტკრები ერთი იქეთ დაჯდა, მეორე აქეთ და დამშვიდდნენ ესენიც, დასხდნენ თავისუფლად. — შენ აგაშენა ღმერთმა, ადამიანის შვილო, რომ ჩვენ ამ აყალ-მაყალს გადაგვარჩინეო. რახან შენ მაგდენი სიკეთე გვიყავი, აი, შენ ეს ჩვენი ბეწვი, სადაც გაგიჭირდეს, ჩვენი თავი ახსენე, იმ წამს შენთან დავიბადებითო.

აიღო ბიჭმა ბეწვი, ჩაიღო უბეში და გაუდგა გზას, გაიარა ცოტაზე და მივიდა ერთ სოფელში. მივიდა ერთი ბებრის სახლთან და უთხრა: დედი, ღვთის სტუმარი არ გინდაო?

— როგორ არა, შვილო, სტუმარი კი არა, სახლში მოჯამაგირეც მჭირდება, თუ შესძლებო.

— დიდი სიამოვნებით, ჩემი ხელობა ეგ არისო.

— არა, შვილო, სამს რასმე დაგვალებ და თუ შემისრულებ, მაშინ დაგიქერ მოჯამაგირედ.

— კარგიო.

— აი, შვილო, შეგიდგამ ერთ დიდ ქვაბ ბრინჯის ფლავს და თუ შესკამ იმასაო. გაუკეთა ბრინჯის ფლავი ბებერმა, გამოუტანა და დაუდგა: დაადგა ბაჭი, შიმშილისაგან ძალიან მოწყვეტილია, სკამს მგელივით. ბებერი დასცქერის და უკვირს, რას შვრება ეს ოჯახდაქცეული, როგორა სკამსო. ცოტა რომ ჭამა, ბიჭი კიდევაც ძლებოდა, აღარ იცოდა რა ექნა.

— დელი, თუ შეიძლება თქვენ კარზე მიბრძანდით, მე ძალიან მერცხვინება, რომ თავზე მადგიხარ ჭამაშიო.

— კარგი, შვილო, კარგი, წავალო.

წავიდა ბებერი. ბიჭს არ შეუძლია მეტის ჭამა, თქვა: ნეტავი რა ექნა, როგორ გავიპარო აქედან, რომ ამ ბებერმა არ მომკლასო. ნეტავი გზაზე რომ ძაღლები ვნახე, არ მიშველიან არაფერსაო? ამოიღო ბეწვი და ახსენა ძაღლები. ერთიც ვნახოთ მოგროვდა აუარებელი ძაღლი. — რაშია საქმე, ძმობილო, რა გაგჭირვებიაო? — უთხრეს ბიჭსა.

— როგორ რა, თქვენი ჭირიშე, აი, ამ კუდიანმა ბებერმა ეს ამდენი ქვაბი ფლავი დამიდგა და როგორ შემიძლია მე ამის შექმა და თქვენ თუ მიშველით რამესაო. დაეხვიენ მთელი ძაღლები, დაუწყეს ჭამა ფლავს, რომ შეჭამეს, კიდევ ერთი-მეორეს ჩხუბი დაუწყეს. — აბა, თქვენი ჭირიშეთ; აქ ნუ ყვირით, თორემ კუდიანი ბებერი თუ გამოვიდა, თქვენც დაგხოცავთ და მეც მომკლავსო. ძაღლები ისევე გაქრნენ.

შემოვიდა ბებერი, შეხედა, ბიჭი ქვაბს კოვზს ძირზე უხახუნებს. ბაჭმა შესჩივლა ბებერს: შე კაი ქალო, რა იქნებოდა ცოტა ბებერი შეგედგა, ერთი ამ ფლავის ჭამით გავმძღარიყავო. ბებერი გაოცდა და თავის გულში თქვა: „ოჰ, მე ვარ კუდიანი და ეს ჩემზე მეტა ყოფილაო“. — კარგი შვილო, ეს ერთი დავალება შემისრულეო. მეორე დავალებაში დაუთესა ერთი დლიური ნაგუთნი ქერი და უთხრა: ეს ქერი უნდა უკან ამოკრიფო, ერთი მარცვალიც რომ ვნახო, იცოდე თავს მოგაჭრიო.

დათესა ბებერმა ერთი დლიური ყანა და უთხრა: აბა, აკრიფეო. დაუწყო ბიჭმა კრეფა. მარწყვა კისერი საცოდავად მარცვლებს კრეფაში და უთხრა ბებერს: თუ შეიძლება მიბრძანდით, თქვენ მრცხვენია, თორემ აქამდი ავკრეფდიო.

— კარგი, შვილო, კარგი. წავალ და შენ აკრიფეო. რომ წავიდა ბებერი, იმ წუთშივე თქვა: აბა, სადა ხართ, ჩემო ქათმებო. ქათმები ხელად იქ გაჩნდნენ.

— რა იყო, ძმობილო, რა გაგჭირვებიაო?

— ამაზე მეტი გაჭირვება როგორ იქნება, სიკვდილი მეღისო,— და უთხრა თავისი დარდი ქათმებს. მიესიენ ქათმები, ხელად აკრიფეს ქერი; მოაქვთ და აგროვებენ ბიჭთან. რომ მოაგროვეს, უთხრა ბიჭმა: აბა, ახლა წადით, თორემ კუდიანი ბებერი თუ გამოვიდა, შავს დღეს დაგვაყენებსო. წავიდნენ ქათმები ხელად, საიღანაც იყვნენ მოსული.

გამოვიდა ბებერი. ეს ბიჭი აქეთ მოხტება, იქით მიხტება, ღითომ ქერის მარცვალს კრეფს. რომ შეხედა ბებერმა, გაუკვირდა: უკ, — თქვა, — ეს რა უქნიაო?!

— შე დალოცვილო, რატომ ბევრი არ დამითესე, რომ კრეფით გაგმძლარიყავიო.

— კარგი, შვილო, ეგეც ამისრულე. აბა, ახლა შედი სახლში, დაჯექი, ჭამე პური და წაიყვანე სამოცი ცხენი საბალახოდ. საღამოზე თუ ერთი ცხენიც დაგაკლდა, იცოდე თავს მოგჭრიო. — კარგი, დედი, კარგიო. ბიჭი დაჯდა პურის საკმელად, კუდიანი ბებერი შევიდა ცხენებთან თავლაში და ეუბნება ცხენებს: აბა, წადით, ცხენებო, დააკარგენით ისე, რომ საღამოზე ერთიც ვერ მოგიყვანოთ მაგ ბიჭმა სახლში. უმეტესად შენ გეუბნები, ჩემო თეთრო ცხენო. წადი და ცხრა მთას იქით გადახტი, რომ ღმერთის მეტმა ვერავინ ვერ გიპოვოს, არამცთუ ბიჭმაო.

ადგა ბიჭი, შევიდა თავლაში და გამორეკა ცხენები, წაიყვანა საბალახოდ. გარეკა სოფლის ბოლოს ერთ პატარა ქალაში. სძოვენ ცხენები. ბიჭი წევს თავისთვის, მაგრამ არ სძინავს. ცხენები უყურებენ ბიჭს, რომ დაიძინებს, მაშინ უნდათ გაიქცნენ, როგორც დაარიგა ამ კუდიანმა ბებერმა. გამოიხედა ბიჭმა და თქვა: დავიძინო, ეს ცხენები სად წავლენო. დაიძინა ბიჭმა, წავიდნენ ცხენები, სულ გადაიკარგნენ. თეთრი ცხენი, რომელიც ქარის ცხენი იყო, ცხრა მთას გადავიდა და დაწვა ისეთ ადგილას, რომ ეშმაკიც ვერ იპოვიდა.

ბევრი ეძინა თუ ცოტა, ამ ბიჭმა გამოიღვიძა, დაღამებულა უკვე. აქეთ მოიხედა, იქით მიიხედა, ერთი კოჭლი ცხენის მეტი ველარა ნახა რა. ბევრი ირბინა, ბევრი იფანცქალა, მაგრამ მაინც ვერ იპოვა ცხენები. აღარ იცის რა ქნას. მაშინ თქვა: ახ, ნეტავი ის ფუტკრები, თუ მიშველიანო. ამოიღო ბეწვი და ახსენა მათი სახელი. მოვიდა აუარებელი ფუტკარი. შემოეხვივნენ გარს და უთხრეს: რა არის, ძმობილო, რა გაგჭირვებიაო? — ამაზე მეტი გაჭირვება რა იქნებაო. სამოცი ცხენი წამოვიყვანე. უნდა ჩავაბარო საღამოს პატრონს და ერთის მეტი ვერ ვიპოვეო.

— ახლავე გიშველით, ძმობილო, ნუ გეშინიაო.

რომ გაიშალნენ ეს ფუტკრები, მთელ ქვეყანაზე მოედნენ, რომელ ცხენსაც გვერდში ეცემიან, სიმწრით პირდაპირ სახლისაკენ გარბიან. მოაგროვეს ორმოცდაცხრამეტი ცხენი და ერთი აკლია. წავიდნენ, ისიც აძოვნეს ცხრა მთას იქით და მოიყვანეს იქვე იმ ქალთან. — აბა წადი ახლა შენ, წინ ირბინე და დაუყვირე ბებერს, კარი გააღე ცხენები მოდიანო. მირბის ბიჭი წინ, ყვირის: დედი, კარი გააღე! — გააღო კარი ბებერმა და ცხენები შევიდნენ თავლაში. ბებერმა დათვალა ცხენები, არ აკლდა. ძალიან გაოცდა. იფიქრა: მე ეს ბიჭი რაღაცას მიზამს, სჯობია თავიდან მოვიცილო და უთხრა ბიჭსა: წადი, შვილო, შედი სახლში, ჰამე პური და გამოდი, რომელი ცხენიც მოგეწონება, წაიყვანე და წადი შენ მშობლებთანაო.

ბიჭი პურის საჭმელად შევიდა. ბებერმა ცხენებისაკენ გასწია, თავლაში რომ შევიდა, უთხრა თეთრ ცხენს: მე ხომ გითხარი, შე დალუპულო, წადი ცხრა მთას იქით დაიკარგე, რომ ველარ გაბოვოს მაგანაო. — არა, შენი ჭირიმე, სადაც ისარი დაგვასო, სისხლი გამოგვადინა, რაღას ვიზამდი, მაშინვე გამოვიქეცი სახლისაკენაო.

ბებერი მიადგა ამ თეთრ ცხენს და ჯობით სულ ტყავი გააძრო. უნდა არ მოიწონოს ბიჭმა ის ცხენი და არ წაიყვანოს. ჰამა პური, გამოვიდა ბიჭი, დახვდა ერთი უცხო ქალი და უთხრა: შვილო, შენ რომ მიღიხარ თავლაში, იქით მარჯვენა მხარეს ერთი თეთრი ცხენია, რომელსაც ცემისაგან სულ ტყავი ჰკიდიო თუ წაიყვან, ის ცხენი წაიყვანე და მეტი არაფერი არ გინდაო.

შევიდა ბიჭი თავლაში. კუდიანი ბებერი ეუბნება: აბა, შვილო, აირჩიე რომელი ცხენიც გნებაესო, პირობიდან ვერ გადაჯალო.

აქეთ აიარა, იქით ჩაიარა ამ ბიჭმა, ვითომ და არ მოეწონა არც ერთი ცხენი.

— შვილო, რას დადიხარ, როგორ არ მოგეწონა ცხენებიო. აი, შეხედე როგორ მსუქანი ცხენებია, წაიყვანე რომელიც გინდაო?

— თუ შეიძლება, აგერ ეს უღონო ცხენი მომეცი, შევჯდები და ვივლი ნელ-ნელაო.

— არა, შვილო, უღონო ცხენი რა ხელს მოგცემს, შუა გზაში მოგიკვდებაო.

— თუ იქნება, დედი, ეგ უღონო ცხენი მომეციო.

— კარგი, შვილო, კარგი, წაიყვანე და შენ მასწავლებელსამც გასძვალე პირში ენა, ვინც შენ გასწავლაო.

გამოიყვანა ბიჭმა ცხენი თავლიდან, დაადგა უნაგირი და მოახტა

ზედ. გადაჰყარა მათრახი, ცხენმა უთხრა: — რაზე მცემ, ვინ ხარ შენ, რომ მცემო! წაიყვანა ცხენმა ბიჭი მალლა ცაში, მზეს უნდა დააწვევინოს. ბიჭი ქვევიდან მოექცა; ცხენი დაბლა წამოვიდა, ბიჭი ზურგზე მოექცა ცხენს. გვერდზე წავიდა ცხენი, ბიჭი უნდა კლდეზე მოაწყვიტოს; მეორე გვერდზე მოექცა. მაშინ ცხენმა უთხრა: აფერუმ, ბიჭო, აგერ ცხენი დავბერდი და შენისთანა მხედარი არ მინახავს, ამ მოხუცებულობის დროს შენ მაინც გემსახურებიო; მითხარი, სად წაიყვანო?

— მე მინდა ელენე მშვენიერისაყენ წასვლა, თუ იცი, იმის ბინა სითყენ არიო? — წავიდა ცხენი. მიჰქრის, მიადგა ერთ კლდეს. ეს კლდე იხსნება და იკეტება. ცხენმა უთხრა ბიჭს: დამარტყი იმისთანა მათრახი, რომ ტყავი გასკდეს, თუ არადა ამ კლდეში მოვუკვებოთ და ორივე მოვკვდებითო. დაარტყა ამ ბიჭმა, მართლაც, კაი მათრახი. გამწარდა ეს ცხენი და ისე გაფრინდა, რომ თვალსაც ვერ მოჰკიდებდი, მაგრამ მაინც ცხენის ორი ბეწვი იმ კლდეში მოჰყვა. — ნუ გეშინია, გავედით, ბიჭო, ორი ბეწვი დარჩა კლდეში, იმით არაფერი დაშავდებაო.

წავიდნენ. გაირბინეს ის ადგილი, სადაც ელენე მშვენიერი ცხოვრობდა. დაინახა თუ არა, ბიჭმა უთხრა საკმლიდან: აბა, ელენე მშვენიერი, უნდა წავიდეთ, ველარას გვიზამს ჩვენი მტერიო. შემოსევა ბიჭმა და წამოიყვანა. დაბრუნდა დევი სახლში. გაჭავრებით მოიკითხა ელენე მშვენიერი. უთხრა ცხენს: სად არის ქალი, რა იქნაო?! ცხენმა უპასუხა: მე ველარ გიშველი, წამოვალ, მაგრამ ქალს ველარ მოიყვანო. წამოვიდა დევი გზას, გამოუდგა, მაინც წამოეწია.

თეთრმა ცხენმა უთხრა ბიჭს: მიიხედე, უკან ხომ არავეინ მოგვდევსო. მიიხედა ბიჭმა უკან თუ არა, ერთი ბუზის ტოლი რაღაც გამოჩნდა. ცოტა ხნის შემდეგ კიდევ მიიხედა და რაღაც შოდის ცეცხლისფრად. წამოეწია დევი. — არიქა დევი წამოგვეწია, დევის ცხენიო. რა ქნას ბიჭის ცხენმა, ძალიან მოხუცებულაო. ეს ბიჭის ცხენი დევის ცხენის დედაა. მიბრუნდა ბიჭის ცხენი და ეუბნება დევის ცხენს. ალალი იყოს შენზე ეს ჩემი ძუძუ. რომ მე შენ გაგზარდე. მე დავბერდი და შენ ჩველი ხარ, ხომ იცი, სადღა გაგასწრებ მე შენ. წაიყვანე ეგ დევი მალლა ცაში, გადმოაგდე ძირს, ცხრა არშინი მიწაში ჩავიდეს, რომ მაგის მყრალი სუნი არ ამოვიდესო.

გაიციანა დევის ცხენმა. წაიყვანა მალლა, გადმოაგდო დევი ძირს და მოკვდა დევი. ჩამოვიდა დევის ცხენი ძირს ბიჭთან, პიჭმა იმ ცხენზე შესვა ელენე მშვენიერი; მოვიდნენ ბიჭის სახლში. შვიდ დღე და ღამეს გაგრძელდა ქორწილი და ცხოვრობდნენ ტკბილად.

კირი იქა, ლხინი აქა.

იყო და არა იყო რა, იყო ერთი პატარა ბიჭი. დედა ადრე მოუკვდა და მამამ მეორე ცოლი მოიყვანა. დედინაცვალი ერთი ავი და აშარი ქალი გამოდგა. გერს დღემუდამ სცემდა და ცეცხლის კალოში აყენებდა.

ბიჭს ერთი ხარი ჰყავდა. სახელად წიქარა ერქვა. ძალიან უყვარდა. ყოველდღე მინდორში დაჰყავდა. დაბინდებამდე აძრევებდა. აბანავებდა. ჩრდილში ასვენებდა. რომ სიცხეს არ შეეწუხებინა და მისი მოვლით თვითონაც ერთობოდა.

დედინაცვალი კი არა ცხრებოდა, გერის თავიდან მოშორება უნდოდა.

სხვაფრივ რომ ვერას გახდა, ადგა და ერთხელ თავი მოიხვედმყოფა. დაიწყო ტუთილი კენესა და გმინვა. ქმარმა ჰკითხა:

— რა გიშველისო?

— წიქარას გულ-ღვიძლის გარდა ვერაფერი მომარჩენსო. — უთხრა ქალმა. იცოდა, წიქარას დაკვლა ბიჭს დარდით დაასწებდა და ბოლოს მოუღებდა.

მამა შეწუხდა ამ სიტყვების გაგონებაზე. მაგრამ რას იზამდა, ქალი რომ ლოგინიდან აღარა დგებოდა, გადაწვეტა, დაეკლა წიქარა.

მეორე დილას ვაჟი ხედავს, მამა დანასა ლესავს.

— რად გინდა, მამა, ეგ დანა, რისთვისა ლესავო? — ჰკითხა ვაჟმა.

— წიქარა უნდა დავკლაო. — უთხრა მამამ.

დალონდა ბიჭი. მაგრამ რა უნდა ექნა!

— წავალ, წყალს მაინც დავალევინებო, — უთხრა ბიჭმა.

წაიყვანა წიქარა წყალზე. ასმევს წყალსა და ტირის. ტირის ისე, რომ მისი ცრემლები წყალს ეწევიან.

— რა გატირებს, ჩემო მეგობარო? რაზე ითხრი თვალებს, შემოგველოს შენი წიქარაო.

ბიჭმა მიიხედ-მოიხედა. ეგონა, მომესმავო, შეშინებული და განცვიფრებული დიდხანს გონს ვერ მოსულიყო. ბოლოს მიხვდა. რომ თავისი წიქარა ელაპარაკებოდა.

— დაკვლას გიპირებენ. დაკვლასაო, — მიუგო ვაჟმა.

— ვიცი, ვიცი, ჩემო მეგობარო, მაგრამ არც შენ მოგელის კარ-

გი დღე. წადი, წამოიღე ერთი სალესავი, ერთი სავარცხელი და ერთი ბოთლი წყალი. შემაჯექი ზურგზე და გავიპართო.

ვაემა მოიტანა ყველაფერი და მოვიდა. წიქარამ შეისვა ვაეი ზურგზე და გაქქულეს. მამა ელოდა, ელოდა და ბიჭი რომ აღარ მობრუნდა, წავიდა წყალზე. ბიჭი იქ არ დაუხვდა, აქეთ ეცა. იქეთ ეცა, მაგრამ შეიღოსა და წიქარას ასავალ-დასავალი ვერ შეეცყო. დედინაცვალმა გერის დაქარგვა არად ჩააგდო, მაგრამ როცა ქმარმა უთხრა, წიქარაც თან წაუყვანიაო, ერთი წყეული ღორი ჰყავდა და ის გამოუყენა.

მირბის წიქარა, მიარბენინებს პატარა მეგობარს, მისდევს ეშვებ-დალესილი ღორი. ეს არის, უნდა დაეწიოს, რომ წიქარამ უთხრა ბიჭს:

— რაღას ელი, მეგობარო, სიკვდილი თვალწინ გვიდგას, გადადვარე ბოთლი წყალიო.

გადაღვარა წყალი ბიჭმა, გაჩნდა საშინელი ზღვა. დღევს ზღვა შავად, სიკვდილს უქადის ყველას, მაგრამ ღორი არ უდრეკება ზვირთების ცემას და მიუტრავს. სანამ ღორი ზღვას გადასცურავდა, წიქარამ და იმისმა მეგობარმა კარგა გზა გაიარეს... ბოლოს გამოვიდა ღორიც. წიქარამ უთხრა ვაეს:

— თავი მიიბრუნე, აბა, მოდის თუ არაო?

მიიბრუნა ბიჭმა თავი:

— შორს ბუზისოდენად რაღაც მორბის თუ მოფრინავსო. — უთხრა წიქარას.

— ეგ ღორიაო, — მიუგო წიქარამ.

მირბის წიქარა. მიაქროლებს ბიჭს, მორბის ღორი, ცოტა კიდევ და დაეწევა წიქარას.

— გადააგდე სავარცხელიო — შესძახა ბიჭს წიქარამ.

გადააგდო ბიჭმა სავარცხელი. უცებ ისეთი წვრილი და ხშირი ტყე აიყარა, შიგ თანგვი კუდს ვერ მოიბრუნებდა. სჭრა ეშვებით ღორმა ტყე, სჭრა და გავიდა. მირბის წიქარა, მიაქროლებს ბიჭს. კარგა გზა გაიარეს. მოიხედა ბიჭმა, შორს ბუზივით ისევ რაღაცა მოჩანდა.

— ბუზის ტოლა რაღაცა ჩანსო. — უთხრა წიქარას.

— ღორი მოგვდევსო, — მიუგო წიქარამ.

ცოტა კიდევ. ცოტა კიდევ და ღორი წიქარას დაეწევა, მაგრამ გადააგდებს ვაეი სალესავს და აიძრთება თვალუწვდენელი კლდე წიქარასა და ღორს შუა. სჭრის ღორი, სჭრის რაც ძალი და ღონე აქვს კლდეში საფეხებრებს და ადის ზემოთ. შუა ადგილზე რომ მი-

ვიდა ღორი, დაუსხლტა ფეხი და უფსკრულში ჩაინთქა. წაიღო ჩემიცა და თქვენი ქირიც.

ბიკსა და წიქარას ხსნის იმედი მოეცათ. იარეს და გავიდნენ სამშვიდობოს. წიქარამ გაიყვანა ბიკი ერთ ტრაალ მინდორზე. იქ ერთი ალვის ხე იდგა, მისი კენწერო ცასა სწვდებოდა. შესვა ზედ. მისცა ორი სალამური, ერთი საჭირვარამო, ერთი სალხინო და უთხრა:

— მე წავალ, მარტოკა ვივლი მინდვრად, ბალანს მოვძოვ და ვირჩენ თავს. შენ აქ იჯექი, თუ რამე გაგიჭირდეს, საჭირვარამო სალამური დაუქარი და მაშინვე აქ დავიბადები. თუ გილხინდეს, სალხინო სალამური დაუქარი, საკმელსაც ის მოგიტანს და სასმელსაცაო, — გამოეთხოვა და წავიდა წიქარა.

ბიკი იქდა ალვის ხეზე და უკრავდა სალხინო სალამურს... გაიგონა ერთმა მეცხვარემ სალამურის ხმა, ძალიან მოეწონა და მიჰყვა ხმას, მივიდა ალვის ხესთან და ხედავს, ბიკი სალამურს უკრავს, პეპლები კი გარს შემოხვევიან, სალამურის ხმაზე თამაშობენ და ირევიან ერთმანეთში. მეცხვარეს შურით აევსო თვალები და გადაწყვიტა, ხელთ ეგლო სალამური.

— ჩამოდი ერთი ძირს, მაჩვენე ეგ სალამური, რისგან არის გაკეთებულიო, — დაუძახა ვაჟს. მაგრამ ვაჟი არ ჩამოვიდა. წიქარას ჰქონდა ნათქვამი, ალვის ხიდან არ ჩამოხვიდეთო. ადგა შურიანი მეცხვარე, წავიდა ხელმწიფესთან და მოახსენა:

— ამა და ამ ადგილას ერთი ბიკი ზის ალვის ხეზე და ისე უკრავს სალამურს, რომ იმისი დაკვრით მთელი ქვეყანა ხარობსო.

ხელმწიფემ მაშინვე დაიბარა თავისი ნაზირ-ვეზირები და უთხრა, ან თქვენ უნდა მომგვაროთ ის ბიკი, ან კაცი იშოვოთ იმისი მომუყანო. ნაზირ-ვეზირებმა ხელმწიფესთან ერთი მოხუცი ქალი მიიყვანეს.

— მე მოგვერით იმ ბიკსაო, — უთხრა ხელმწიფეს დედაბერმა.

ადგა დედაბერი, წაიყვანა ერთი თხა. წაიღო სადგისი და მივიდა ალვის ხესთან. ბიკი ზის თავისთვის ალვის ხეზე და უკრავს სალამურს. დედაბერი ალვის ხის ძირში დადგა, ამოიღო სადგისი და ჩხვლეტა დაუწყო თხას. ჩხავის საწყალი თხა. ვაჟმა რომ დაინახა, მოხუცი თხას აჩხაველებდა, დაუძახა:

— რასა შვრები, დიდდო, რად აჩხაველებ მაგ თხასაო?

— დაკვლა მინდა, შვილო, და ვერ დამიკლავს, იმდენი სიკეთე მიყავი, ჩამოდი და დამიკალო.

ბიკი რას მოიფიქრებდა, რომ მოხუცს ღალატი ედო გულში. ჩავიდა ძირს. დედაბერმა რაღაც ჭადოთი გააბრუა და დააძინა. ასწიეს

და წაიყვანეს მძინარე ბიჭი ხელმწიფის კაცებმა და ჩასვეს ცხრაკლოტულში. ბიჭს გამოელვია, ხედავს დატყვევებულა. დაღონდა, დაიწყო ტირილი, ინატრა თავისი სალამურები, მაგრამ მისი სალამურები ალვის ხეზე ეყარნენ ოხრად დარჩენილები. ბიჭი ფანჯარასთან დაჯდა და ცას მიაქცერდა. ამ დროს ცხრაკლიტულს ყვავმა ჩამოუფრინა, დაინახა ვაჟმა და შესძახა:

— ყვავო. ყვავო, სად მიფრინავ, სად მიგეჩქარება? წადო, შენი შვილების მზესა, მინდორში რომ ალვის ხე დგას, ზედ ჩემი სალამურებია და აქ მომიტანეო!

— მე რომ ლეშსა ვკამდი და შენ ქვეებს მესროდი, აღარ გახსოვსო? — უპასუხა ყვავმა და გაუდგა გზასა. გააყოლა თვალი ბიჭმა და ჩამოყარა ცრემლები.

გადმოფრინა ბელურამ.

— ჩიტო. ჩიტო, შენი ბარტყების გაზრდასა, მინდორში ალვის ხეზე სალამურები დამრჩა და მომიტანეო!

— შენ რომ მახეს გვიგებდი და ბუდეს გვიშლიდი? ვერა, მე ვერ მოგიტან. სხვასა სთხოვეო, — უთხრა ბელურამ და გასცილდა. გააყოლა იმასაც თვალი ბიჭმა და ჩამოსცივდა ცრემლები. ბოლოს მერცხალი დაინახა ბიჭმა და შესტირა:

საით მიფრინავ. მერცხალო,
საითკენ მიეშურები?
მინდორთ რომ ალვის ხე ხარობს,
ცივნი წყარონიც დიანო,
პეპლებიც იქა სხდებიან,
ტურფად ჰრელ მხრებსა შლიანო,
შეიყრებიან ჩიტები,
ყვავილნი შეკრბებიანო,
წიქარაც იმათთან მოდის,
იქ დაინახავ. ღვთიანო!
სალამურებიც იქ არის,
უჩემოდ დალპებიანო...
გაფრინდი, აქ მომიტანე,
ჩემო ლამაზო მხრიანო.

გაფრინდა მერცხალი და მოუტანა სალამურები. დაუკრა საჭირვარამო სალამური ვაჟმა, დაუკრა და აატირა. წიქარამ გაიგონა თუ არა სალამურის ხმა, მაშინვე გაეშურა ვაჟისკენ. გააფთრებულა

ეცა ჩქებით ცხრაკლიტულს და დაუწყო მტვრევა. რვა კარი გატეხა, მაგრამ მეცხრე კარი რომ უნდა გაეტეხა, ცალი ჩქა მოსტყდა! და-
ლონდა წიქარა. თავის რქას ისე არ ჩიოდა, როგორც მეგობრის
ტყვეობას. ღმერთს რქა შესთხოვა, უცებ ერთი თავი გამოძვრა და
წიქარას უთხრა:

— რას მომცემ, რქა რომ მოგაბა, შენს ლეშს ხომ მაკმევო?

— გაკმევო, — უთხრა წიქარამ.

თავმა გაუმთელა რქა. ეცა წიქარა და შელენა მეცხრე კარიც,
შევიდა ბიჭთან. შეისვა ზურგზე მეგობარი და გაეშურა ალვის ხი-
საყენ. შესვა წიქარამ ბიჭი ალვის ხეზე და თავად ისევ მინდორში
წავიდა.

იჯდა ბიჭი ალვის ხეზე, უკრავდა სალხინო სალამურს და ერთო-
ბოდა. უცებ წიქარა მოაგონდა და ნახვა მოუნდა. დაუკრა საჭირეა-
რამო სალამური, მაგრამ წიქარა არ გამოჩნდა. რაღას იზამდა. წამო-
ვიდა საძებნელად. ბევრი ეძებდა. ბოლოს ერთ კორდზე მკვდარი იპო-
ვა. დაემხო ბიჭი წიქარას და ატირდა. ისე გულსაკლავად ტიროდა,
რომ მისი ცოდვით ბალახნიც ტიროდნენ, აღარ ირხეოდნენ, პეკლები
იღარ ფრინავდნენ და ცრემლსა ღვრიდნენ.

— ვაიმე, ჩემო წიქარა, — მოსთქვამდა ბიჭი, — უშენოდ ახლა
რაღა მეშველებათ.

ამ დროს საიდანღაც ის თავი გამოვიდა. წიქარას რომ რქა გაუმ-
თელა, წიქარას ლეშის საკმელად მოსულიყო თურმე. რომ დაინახა
ბიჭი ასე საცოდავად ტიროდა, უთხრა:

— რას მომცემ, წიქარა რომ გაგიცოცხლო, შენს ლეშს ხომ
მაკმევო?

— ოღონდ კი ჩემი წიქარა გააცოცხლე და გაკმევო, — უთხრა
ბიჭმა.

გაიქცა თავი, იქვე მიკრიფ-მოკრიფა რაღაც ბალახი, მოარბე-
ნინა. წიქარას წაუსვა-წამოუსვა და გააცოცხლა. მოეხვია ბიჭი ხარს,
ვალერსება, თვალებს უკოცნის, წიქარაც პირს უთათუნებს ბიჭსა და
ლოკავს.

— აბა! გეყოფათ, — უთხრა თავმა ბიჭს, — მე უკვე კარგად მომ-
შივდა, შენი სიკვდილის დროაო.

გაიქცა თავი, მოკრიფა სასიკვდილო ბალახი, მოიტანა და ბიჭს
გაუწოდა. ბიჭს არ ეთმობოდა წიქარა, მაგრამ პირობა ხომ უნდა
შეესრულებინა და თავისი მეგობრისათვის მომკვდარიყო!

ის იყო ბიჭი უნდა შეხებოდა ბალახს, რომ თავმა უთხრა:

— მიპატიებია სიკვდილი, თქვენნაირი მეგობრები ჩემს დღეში

არ მინახავს! იცოცხლეთ მარადო! — ბიჭი გონს ვერ მოსულიყო, რომ თავი გაქრა.

გახარებულმა წიქარამ შეისვა თავისი მეგობარი ზურგზე. წაპოილო სალამურები, გააქროლა ბიჭი ახლა სხვა ადგილას, სხვა მხარეში. სადაც არც შურიანი მეცხვარე იყო და არც კუდიანი დედაბერი, შესვა ერთ ალვის ხეზე და მისცა სალამურები, თვითონ კი მიწოდორში წავიდა. ბიჭი ახლაც იმ ალვის ხეზე ზის, უკრავს სალბინო სალამურს. თვითონაც ხარობს და მთელ ქვეყანასაც ახარებს. როცა წიქარას ნახვა მოუხდება, დაუკრავს საპირფარამო სალამურს და წიქარაც მაშინვე იმასთან გაჩნდება ხოლმე.

ჩ ა ქ უ ჩ ა

იყო და არა იყო რა, იყო ერთი კაცი და დედაკაცი. მათ ჰყავდათ ერთი ბიჭი, რომელსაც ჩაქუჩა ერქვა. დედა ადრე გარდაეცვალა. ერთი კვირის შემდეგ კაცი წავიდა და სხვა ცოლი შეირთო. დედინაცვალი ბიჭს არ ასვენებდა. გაგზავნიდა წყალზე და რამდენჯერაც მოიტანდა. იმდენჯერ გადაუღვრიდა: წაღი, წმინდა წყალი მოიტანე, ეს მღვრიე არისო!

ერთხელ, როდესაც ბიჭი წყალზე მიდიოდა, დაინახა წითელი და შავი გველი ჩხუბობდნენ. შავი გველი წითელს დაედევნა. მივიდა წითელი გველი. ბიჭს ლიტრაში ჩაუძვრა და უთხრა: — როცა მოვიდეს შავი გველი, უთხარი ცხრა მთას იქით გადაიარა-თქო. მივიდა შავი გველი და ბიჭს ჰკითხა: — აქ სულიერს რაიმეს ხომ არ გამოუვლიაო? ბიჭმა უპასუხა: გამოიარა და ცხრა მთას იქით გადაიარაო.

წავიდა შავი გველი. ამოძვრა წითელი გველი, ამოიძრო ერთი ფხა და მისცა ბიჭს: — როცა გაგიპირდეს, ინატრე, რაც გინდა და ყველაფერი აგისრულდებაო. — გაავსო ლიტრა ბიჭმა და წამოვიდა სახლში. სახლში რომ მოვიდა, ინატრა: ნეტავი ჩემი დედინაცვლის სკივრი ისე აივსოს ფართლით. რომ სარქველი არ ეხურებოდესო. მართლაც, გაივსო სკივრი ფართლით. უთხრა დედინაცვალს: — დედი, ახლა მაინც შემიკერე შარვალ-ხალათიო! — დედინაცვალმა ისევ წყალზე გაგზავნა. გზაში ბიჭმა ინატრა: ნეტავი სახლში რომ

მივალ, ჩვენ რომ ვარცლი გვაქვს, სულ პურიით სავსე დამხვდესო. მოვიდა სახლში და ვარცლი, მართლაც პურიით სავსე დახვდა. უთხრა დედინაცვალს: ახლა მაინც მომეცი პურიო. ის გაუბრაზდა და უთხრა: — ღორი გარეეო. გამოიყვანა ბიჭმა ღორი, გაიგდო წინ, დაიწყო სტვენა და გაუდგა გზას, არც იცის, სად მიდის.

ბებრი იარა თუ ცოტა იარა, მივიდა ერთ სოფელში. იქ შეეცოდათ, პური გამოუცხვეს, აქამეს და ისევ გზას გაუდგა- მიადგა ერთ სოფელს. შევიდა შიგ და დაინახა ერთი მზეთუნახავი ქალი. ინატრა: ღმერთო, ამ ქალს გაუჩინე ერთი ბიჭიო და როდესაც კარებს შევალე, თქვას: „აი, მამაჩემიო!“ მართლაც გაუჩნდა შვილი ქალს. მოდის ხალხი და კითხულობს: რად გაუჩნდა შვილიო? შეალო ბიჭმა კარები იმ დროს და ბავშვმა დაიძახა: აი, მამაჩემი ჩაქუჩაო. ხელმწიფემ თქვა: აბა, რაღას ვუზამ, აი შენი ჩაქუჩა, ადექი და ძაგას გაჰყევით. შენც კაცი მოგინახავს რაღაო!

წაყვა ქალი ჩაქუჩას. ჩაქუჩა წინ მიდის და ცოლს არ უცდის. ქალი ეძახის: — კაცო, დაიცადე, ქრისტიანი არ ხარო? ჩაქუჩა მაინც არ უცდის. გაიარეს კარგა მანძილი. შუადღისას დაცხა. ჩაქუჩამ ინატრა: აქ ერთი თელა გააჩინე და მის ჩრდილში ჩავიძინოთო. მართლაც გაჩნდა თელა, რომელსაც მშვენიერი ჩრდილი ჰქონდა. დაწვინენ ხის ძირას ჩაქუჩა და ქალი და დაიძინეს. მეორე დღილა რომ გათენდა, ინატრა: ღმერთო, ისეთი რაში მომეცი, რომ სხვა რაში რასაც ერთ წელიწადს გაივლის, მან ერთ წუთში გაიაროსო. გაჩნდა რაში. შეჭდა ზედ, უვლის მინდორს და იძახის: აქამდე ჩემია, აქამდე ჩემია, აქამდე ჩემიაო. ინატრა: ღმერთო, ამ მინდორში ისეთი ხილი ჩაყარე, რომ რიგი მწიფდებოდეს, რიგი ყვაოდეს, რიგი იკრიფებოდესო. გაჩნდა ყველაფერი, რაც ბიჭმა მოინდომა. ახლა მეორე მინდორზე გავიდა, იქაც იგივე ინატრა. ინატრა ერთი სასახლე, მოსამსახურეები, გამართა კარგი ქორწილი და დაიწყო ბედნიერად ცხოვრება.

ჭირი იქა, ლხინი აქა. ქატო იქა, ფქვილი აქა.
მთას ურემი ავაგორე, წამოვიდა გორებიითა.
აქ სიციცხლით დაგეწვეით. საიქიოს ცხონებითა.
მუხას ჯოხი შემოვკარი. გამოცვივდნენ ტურებიო,
ყველას მაშინ გაუმარჯოს. როცა ჰყავდეს სტუმრებიო.
გათავდა რა მორჩა, არღუნი და ტოლჩა.

ერთშვილიანი ხელმწიფე

იყო და არა იყო რა, ღვთის უკეთესი რა იქნებოდა. იყო ერთი ხელმწიფე. მას ჰყავდა ერთი ქალიშვილი. ხელმწიფეს თავის დღეში კიდობნები არ ენახა. ერთ დღეს გადაწყვიტა, რომ კიდობანი გაეკეთებინა. მეკიდობნენი თითო კიდობანში თითო ქალს იღებდნენ. ხელმწიფეს უნდოდა სამი კიდობანი გაეკეთებინა. ერთ დღეს დაიბარა მეკიდობნენი და უთხრა: სამი კიდობანი უნდა შემკრათო. მათ მოიკითხეს ქალები, ხელმწიფეს კი ერთის მეტი არ ჰყავდა. ხელმწიფემ დაითხოვა მეკიდობნენი, სანამ ვინმეს ქალებს გამოართმევდა. ბევრი იარა ხელმწიფემ, მაგრამ ქალები ვერავის წაართვა. ბოლოს შეხვდა ერთ კაცს და ჰკითხა: — ქალები არავენ იციო? — რად გინდა ქალებიო? — მიუგო კაცმა ხელმწიფემ უთხრა: — მე მინდა სამი კიდობანი გავაკეთებინო, თითო კიდობნის გაკეთებაში თითო ქალს მთხოვენ, მე კი მყავს ერთიო. იმ კაცმა უთხრა ხელმწიფეს: — ძალი ადარა გყავსო? — როგორ არა მყავსო! — ვირი ადარა გყავსო? ვირიცა მყავსო. — მაშ, წადი და ორივენი აქ მომიჩიქეო. მოუჩიქა ხელმწიფემ ამ ბიჭს და ორივენი ქალებად აქცია.

დაიბარა ხელმწიფემ მეკიდობნენი და უბრძანა: კიდობნები გააკეთეთო. მეკიდობნეებმა გააკეთეს ერთი კიდობანი, ხელმწიფეს ფიცარი შემოეღია. წავიდნენ მეკიდობნენი სახლში ფიცრის უქონლობას გამო. ბევრი წვალების შემდეგ ხელმწიფემ იშოვა ფიცარი, დაიბარა მეკიდობნენი და გააკეთებინა კიდობნები. ისინი სამნი იყვნენ. ხელმწიფესაც ჰყავდა სამი ქალი, ყველა მეკიდობნეს თითო ქალი მისცა. წაასხეს სამივე ქალი მეკიდობნეებმა და შეუდგნენ საქორწილო ფულის დათვლას. ხელმწიფე უნდა მისულიყო და გაემართა ქორწილი. ხელმწიფე იმ დროს ავად იყო და ვერ წავიდა. დაიბარა სამივე მეკიდობნე და უთხრა: ამ ერთი კვირის შემდეგ ჩამოვალ, რადგან ავად ვიყავ და დასუსტებული ვარო.

გავიდა ერთი კვირა და წავიდა ხელმწიფე თავის სიძეებთან. პირველად მასთან მივიდა. რომელიც ახლოს იყო. ხელმწიფემ ბევრი უცქირა, მაგრამ ვერ შეატყო, რომელი იყო, მხოლოდ მაშინ შეატყო როცა თავისმა ქმარმა უთხრა: მოიტანე პურიო, მან დაუტია: რა მაქვს რომ მოვიტანო, და ხელმწიფემაც შეატყო ვინც იყო. წავიდა ახლა მეორესთან ზა მასთან რომ მივიდა, გაიმართა კარგი ქეიფი, მაგრამ ის ქალი სულ კამპავდა ხალხს და მასაც შეატყო ხელმწიფემ, რაც იყო.

წავიდა ხელმწიფე ახლა მესამე სიძესთან. ქალმა რომ დაინახა თავისი მამა. გზაშივე მიეგება. დარწმუნდა ხელმწიფე, რომ ეს ჩემი ქალიაო. გაიმართა ლხინი. იმ დღეს ხელმწიფემაც კარგი დრო გაატარა. ძალიან მოეწონა სიძე და წაიყვანა თავის სახელმწიფოში. იქაც მეორედ გადაუხადა ქორწილი თავის ქალს. ერთი წლის შემდეგ ეუოლათ მშვენიერი ვაჟი. ეს ბიჭი ძალიან ჩქარა იზრდებოდა. თათქმის იმის მომრევი იქ არავინ იყო ტოლებში და იმ სახელმწიფოში როგორც გმირი, ისე იყო გამოცხადებული. ხელმწიფეც ძალიან მოხუცი იყო. ამიტომ გადაწყვიტა თავისი შვილიშვილი ჯერ დაექორწინებინა და შემდეგ ხელმწიფედ დაენიშნა. ხელმწიფის შვილიშვილი სულ პირტიტველა ბიჭი იყო, როცა სატოლეს დაუწყო ძებნა. ბოლოს, როგორც იყო, მიაგნო ერთ კუთხეში ლამაზ ქალს და დაინიშნა. მოიყვანა თავისი პაპის სახელმწიფოში და გადაიხადა ქორწილი. ხელმწიფემაც თავისი ქვეყანა სიძეს გადააბარა და იგი გამოაცხადა ხელმწიფედ.

ჭირი იქა. ლხინი აქა.
ქათო იქა. ფქვილი აქა.

ცხრა ძმისა

ერთ კაცს ცხრა ვაჟი ჰყავდა. როდესაც წამოიზარდნენ, მამას სთხოვეს: ცოლები შეგვრთეთ. მაგრამ,—უთხრეს შვილებმა,—ისეთი კაცი უნდა მოძებნო, რომ იმდენივე ქალიშვილი ჰყავდეს, რამდენიც ჩვენ ძმები ვართო. სხვადასხვა კაცის შვილებს არ შევირთავთო. — შვილებო. ღმერთმა მოგიწყოსთ ხელი, მაგრამ მე ძლიერ შეეძქვება, რომ მოიძებნოს სადმე ამნაირი კაცი. მე მაინც არ დაგაყლებთ ჩემს შემწეობას, — უთხრა მამამ და გაუდგა გზას. იარა, იარა და კარს მიადგა ერთ დევს. — დევო, რამდენი ქალიშვილი გყავსო? — ჰკითხა მან. — ექვსი,—მიუგო დევმა.—არ მიხერხდება შენი მოყვრობაო.

განაგრძო გზა. ახლა მეორე დევს მიადგა კარს. — დევო, რამდენი ქალიშვილი გყავს? — ჰკითხა ამასაც. — შვიდიო, — უთხრა დევმა. მაშ. მე არ მარგია შენი მოყვრობაო.

გაშორდა ამას და გასწია. იარა, იარა და ერთ კეისართან მივიდა. შეიტყო, რომ კეისარს რვა ქალიშვილი ჰყოლიაო, ყველა გასათხოვარი და ერთიმეორეზე უკეთესი. ჩაფიქრდა ეს კაცი: რა ქნას. დაემოყვროს კეისარს, ერთი უცოლოდ ურჩება და ცხრა ერთად სად მონახოს? ეჰ! რაც მოხდება, მოხდეს. — იფიქრა მან, გაუგზავნა კეისარს მაშვალის და მოყვრობა სთხოვა. კეისარი დათანხმდა. გამოაწყო რვა ქალიშვილი საქორწილოდ. ნახევარი თავისი ქონება გააყოლა მათ მზითვად და გაატანა ამ კაცს. მოდის ეს კაცი შინ. მოჰყავს თან რვა ქალიშვილი. ერთი ხიდი უნდა გაიარონ. ხიდის ქვეშიდან წითელმა დევმა ამოჰყო ხელი; წაავლო ამ კაცს და გააჩერა: არც წინ უშვებს, არც უკან.

— ვინ ხარ. ან რა გინდაო? — დაუძახა კაცმა. — მე ვარ წითელი დევი. თუ შენი შვილის. ბულათის გამოგზავნას არ დამპირდები. არ გაგიშვებო! რას იზამდა. მეტი ღონე არ იყო. დაჰპირდა. მოდის ეს კაცი. მაგრამ დანა კბილს არ უხსნის. თითქო ყველა შვილი ამოსწყვეტოდა. შეიტყვეს შვილებმა მამის მოახლოვება და წინ შეეგებნენ. ყველაზე უწინ ბულათი შეხვდა. — მამა. მადლი და დიდება ღმერთს, რომ შენც მშვიდობით დაბრუნდი და შენი შვილების საცოლეებიც მოგყავსო! მამამ ხმა არ გასცა. გაუეკირდა ბულათს და ისევ უთხრა: — მამა. მადლი შენსა და ჩვენს სალოცავს. რომ შენც შინ მშვიდობით მოხვედი და შენი შვილების საცოლეებიც მოგყავსო! მამამ არც ახლა გასცა ხმა. დაღონებულმა ბულათმა დედასთან გასწია და შეეხვეწა: დედავ. მე მოგიკვდე, თუ მამას არ ჰკითხო — რა ამბავია, რომ ხმას არ მცემსო?

მამამ რვა რძალი სახლში მოიყვანა. ცოტა ხანს იქით ცოლი დაეკითხა ქმარს: რატომ არ ელაპარაკები ბულათსო? — ჰე. ნეტავი ყველა შვილი დამხოცოდა და ამას არ მოვსწრებოდია. რასაც მოვესწარაო. წითელი დევი დამხვდა ხიდზე. სანამ ბულათის თავს არ შეეპირდი, მანამ არ გამომიშვა. ა. ამიტომ ვარ გლახა გუნებაზე და ამიტომ არ ველაპარაკები ბულათსო.

ბულათი ამ დროს კართან იდგა და ყურს უგდებდა. გაათავა ლაპარაკი თუ არა მამამ, მაშინვე მიიქრა მასთან ბულათი და უთხრა: მამავ. ამისთვის შენ რას სჯავრობ. მე დღესვე გავწევ დევთან და ფიქრი ნუ გაქვს, არაფერი გამჰპირდებაო. მოემზადა ბულათი და წავიდა დევთან. ეს პირდაღებული ელის ბულათს. დაინახა თუ არა, ისე გაუხარდა, თითქოს ცისკარბ გაღებოდეს: — ჩემო ბულათო. აბა გამეგზავნე... — შე ფინთო, შე ბილწო, ჯერ არაფერი გამეგება და

სად უნდა გაგეგზავნო? ცოტა ხანს მომასვენე და მერე სადაც გინდა. გაგეგზავნები! — ცოტა ხანს უკან დევმა ისევ უთხრა: — აბა, ჩემო ბულათ, ახლა გამეგზავნე კეისართან. მას ერთი ტურფა ქალიშვილი ყავს, ის მომიყვანე ცოლად. ბულათი კარში გამოვიდა. არ იცის. რა ქნას. ამ დროს ერთი დედაბერი დაინახა, მიუბრუნდა და უთხრა: დედაბერო, ჩემი საქმე ასე და ასეა, მაღლი ქენი, მასწავლე როგორ უნდა მოვიქცეო? — იმ კეისართან ბევრი მისულა ქალის სათხოვნელად. მაგრამ ცოცხალი კი არავინ დაბრუნებულა, — უთხრა დედაბერმა. მაგრამ შენ ფიქრი ნუ გაქვს, მე რომ დაგარიგო, ისე იარე და არაფერი გიშავსო. გზაზე შენ შემოგხვდება სამი კაცი: ერთი მათგანი ძლიერ ბევრსა სვამს, მეორე ბევრს ჭამს და მესამე დიდ ტვირთს იკიდებს. იცოდე. სამივენი უნდა წაიყვანო კეისართან: გაჭირვების დროს გამოგადგებიანო.

გამოეთხოვა ბულათი დედაბერს და გასწია. ერთს მინდორში კაცს შეხედა. ეს კაცი ჰგლეჯს მიწის ბელტებს, ჰყლაპავს და მაინც იძახის: მშია, მშია! სთხოვა ამ კაცს წაყოლა. წაჰყვა ეს კაცი. გაიარა დიდი მანძილი. შეხვდა მეორე კაცს. ამას ხახა ჩანჩქერისათვის მიუშვევრია და მაინც იძახის მწყურია, მწყურია! ამას სთხოვა წაჰყოლოდა, წაჰყვა. მიდიან სამივე. შეხვდნენ მესამე კაცს: რაც მინდორში ქვა არის, ყველა ზურგზე დაუყრია. მაინც იძახის: ტვირთი მინდა, ტვირთი მინდა! სთხოვა ამასაც — წამომყევით. ესეც გაჰყვა. გასწიეს და კარს მიადგნენ კეისარს. ბულათმა ქალიშვილი სთხოვა საცოლედ. კეისარმა შემოუთვალა: თუ შენ და შენი ამხანაგები ცხრა გოლორ პურს შესჭამთ დილიდან სალამომდის, მაშინ მოგცემ ქალიშვილსო. ბულათმა უთხრა დიდჭამიას: მინდორში ბელტებს ერთიმეორეზე ჰყლაპავდი და მაინც მშია, მშიას იძახოდ. აბა, თუ რამე შეგიძლია, ახლა უნდა გამოიღო ხელი. მოუტანეს ცხრა გოლორი პური, მიუშვეს დიდჭამია, სალამომდე ნამცეციც არ გადარჩენია. ბულათმა ეს ამბავი კეისარს შეატყობინა და სთხოვა ქალიშვილი. კეისარმა შეუთვალა: ერთს საქმეს კიდევ შეგიკვეთო; იმასაც თუ ასრულებთ, მერე წაიყვანე ჩემი ქალიშვილიო.

— თუ შენ და შენი ამხანაგები ერთ ჰურ ბანგს დალევთ. მაშინ მოგცემთ ქალიშვილსო. ბულათმა დიდმსმელს სთხოვა ამ საქმის შესრულება. მიადგა იგი ჰურს და ისე ამოცალა, რომ ცვარი არ დაუტოვებია. შეატყობინეს კეისარს. კეისარს ეს ამბავი არაფრად იამა. არ უნდა ქალიშვილის მიცემა. მაგრამ რას იზამს?! შეუთვალა ბულათს. რომ სამი დღე მაცალე და მერე მოგცემ ქალსაო. ეს ბულათმა არ ქნა: თუ მომცემთ ნებით, ხომ კარგი, თუ არადა შენს უნებურად წავიყვანო.

თავის ამხანაგ მტვირთავს უთხრა: აბა, შენ იცი, თუ რამე შეგიძლია, ახლა გვინდა შენი ხელიო. მოიციდე როგორმე კეისრის სასახლე და გასწიე. ამან მოსდვა ხელი კეისრის სასახლეს. შეიგდო ზურგზე და მიაქვს. შიგ არიან კეისარი და მისი ქალიშვილი. კეისარს შეეშინდა, სთხოვა ბულათს — თვითონ დაეტოვებია და ქალიშვილი წაეყვანა. ბულათი დაყაბულდა. კეისარმა ქალიშვილს მრავალი სიმდიდრე გააყოლა, დალოცა და გაუშვა.

მოდის გახარებული ბულათი, მაგრამ ერთი რამ აწუხებს: როგორ დაუთმოს კეისრის ქალიშვილი დევს. მოაწია დევის ბინამდის. სანამ მასთან შევიდოდა, ნაცნობ დედაბერთან გასწია. უთხრა: ასე და ასე ჩემი საქმე, მირჩიე რამეო. დედაბერმა ურჩია: ქალიშვილს დევის სახლში ნუ წაიყვან. ჯერ უთხარი დევს: ქალი მოგიყვანე და კარზე ნახე-თქო. კარებში რომ გამოყოს თავი, დოლაბი, რომელიც იქვეა ჩამოკიდებული ქახრაკით, ისე ჩამოაგდე, რომ დევს თავზე დაეცეს. თუ ეს მოახერხე, შენი საქმე გაკეთებულიაო. ბულათი ისე მოიქცა, როგორც დედაბერმა ურჩია. უთხრა დევს: შე, ბილწო, მოგიყვანე კეისრის ქალიშვილი, გარეთ არის და ნახეო! — დევი სიხარულმა აიტანა, მაშინვე გამოეშურა კარისაკენ. დაედევნა უკან ბულათი და, როცა დევმა მიაწია იმ ადგილას, სადაც დოლაბი იყო დაკიდებული, დაუტრიალა ქახრაკი; ჩამოვარდა, დაეცა დოლაბი დევს თავზე და მტვრად აქცია. რასაკვირველია, გაუხარდა ბულათს. დევის ქონება ოთხად გაჰყო. სამი ნაწილი თავის ამხანაგებს მისცა, მეოთხე დედაბერს, თვითონ ქალიშვილი წაიყვანა და წავიდა შინისაკენ. სახლში ძლიერ გაუხარდათ ბულათის მისვლა და დიდად იმხიარულეს.

საწყალი კაცის ფლჰკარი

იყო და არა იყო რა, იყო ერთი საწყალი კაცი. ცხოვრობდა სოფელში და ძალიან გაჭირვებული იყო. არაფერი არ ჰქონდა: არც სახლი. არც კარი. ადგა და წავიდა. ტყის პირას გააყეთა ფოთლის ქონი. ამ ბიქს საზრდო არა ჰქონდა რა. შექყრავდა ერთ გუდურა შეშას და მიჰქონდა ქალაქში გასაყიდად. ყილდა და ყიდულობდა

პურსა და საზრდოს. ერთ ზამთარს წაიღო ქალაქში ერთი გუდურა. შეშა გასაყიდად. ძალიან ციოდა. იყიდა პური და ამოიღლიავე მოლის გზადაგზა, თანაც პურსა კბეჩავს. ამ დროს ხელმწიფის ეზოსთან გაიარა ხელმწიფის ქალმა დაინახა და თავის მამას უთხრა: — აგერ, მამი, ეშმაკი! მამამ გაიხედა და იცნო, რომ კაცი იყო, ძალიან გაუჭავრდა. — ეს ადამიანია, ეშმაკი არ არისო! — თუ ადამიანია. ეგრე რამ გააშავაო.

მოუვიდათ ჩხუბი. მამამ გაიწია ქალიშვილზე: ან გაპყევი, ან ამ საათში თავს მოგჭრიო! ეს ქალი შეფიქრიანდა. სიკვდილს ისევე იმ კაცის გაყოლა აირჩია. გამოკრა თავისი ტანისამოსი ბოხჩაში და გამოუდგა ამ კაცს. დაუძახა: — დამიტადე, კაცოო! — კაცმა უკან მოიხედა და არ დაიჭერა, თავისი ბინისაკენ წავიდა, თქვა: — სასაცილოდ მაგდებსო. მივიდა ეს კაცი თავის ქოხში. მივიდა ეს ქალიც. კაცმა უთხრა: — რად მოხვედიო? — იმიტომ მოვედი, რომ შენ ქმარი უნდა იყო, მე ცოლი, უნდა შემირთოო. კაცს შეეშინდა, რითი უნდა შევიანხოო? — ხომ ხედავ, თითო გუდურა შეშას ვყიდი და თავს იმითი ვისაზრდოვებო. ქალმა უთხრა: — მე თვითონ შეგინახავო. მაქვს ერთი ხელსახოცი მოქსოვილი, რომელიც ორმოცდაათი თუმანი ღირსო, წაიღე ეს ხელსახოცი და ბაზარში ჩაიტანეო. თუ ღინმე შემოგვევაქროს, უთხარი — ფასი ზედ აწერია-თქო. წაიღო ეს ხელსახოცი და ბაზარში ჩაიტანა. შემოხვდა ერთი ვაჭარი კაცი. — რა ღირს ეს ხელსახოციო? იმან უთხრა: — მე არ ვიცი, ფასი ზედ აწერიაო. მაშინ მყიდველმა უპასუხა: — წამოდი და შინ დაგითვლო ფულსაო. წამოიყვანა და დაუთვალა ორმოცდაათი თუმანი, მასაც აჩუქა ორი მანეთი, პური აქამა და გაუშვა სახლში.

მოიტანა ეს ფული სახლში ამ კაცმა. მეორე ხელსახოციც მოქსოვა ქალმა და ორმოცდაათი თუმანი დააწერა. — წაიღე ეს ხელსახოცი და ისევ იმ ბაზარში ჩაიტანეო. წაიღო, ატარა, ატარა, ნაღდ ფულზე ვერ გაყიდა. შემოხვდა ერთი ვაჭარი და უთხრა: ფული კი არა მაქვს, მაგრამ სამ სიტყვას გეტყვი და თუ მომცემო? — არა, შენი ჭირიმე, მე სიტყვაზე ვერ გავყვიდიო. წაიღო ეს ხელსახოცი და უკან მიიტანა სახლში.

ცოლმა უთხრა: — არავინ გვეაქრაო? — შემევაჭრენ სიტყვებზე, მაგრამ არ მივეციო. — ძალიან დაგიშავებიაო. წადი, იპოვე ის კაცი და მეცი სამ სიტყვაზეო.

წამოვიდა და ჩაიტანა ისევ ბაზარში ხელსახოცი, ბევრი ძებნის შემდეგ იპოვა ეს კაცი. უთხრა: — მოგცემ ხელსახოცს და მითხარი სამი სიტყვაო. — წამოდითო.

წაიყვანა სახლში. ამ კაცმა უთხრა: — პირველი სიტყვა ეს იქნება; დაუფიქრებლად სიტყვას ნუ იტყვიო, დაფიქრდი და ისე თქვიო. მეორე: შენთან რომ კაცი მოვიდეს და გითხრას: ის კაცი მოსაკლავად მოდისო, შენ რომ წახვიდე და მოკლა, შენი ცოდვა იქნება, რომ ალაღმართალი გამოდგესო. მესამე: წყალგაღმა რომ იყო და კაცი მოვიდეს და გითხრას, როგორი გასავალიაო. შენ არაფრად ჩაუგდო და უთხრა: ადვილი გასავალიაო. ის რომ დაისრჩოს, შენი ცოდო იქნებაო. შენ უნდა უთხრა, შენ შენი ეცადე-თქო. მაგითი მთავრდება ეს სამი სიტყვაო. აჩუქა ფული, აჭამა პური და გაუშვა სახლში. შინ რომ მივიდა. ცოლს უამბო სამი სიტყვა. ცოლმა უთხრა: ეს სიტყვები დაიმახსოვრე, გამოგადგებაო. ახლა შენ რომ წახვიდე და ერთ წელიწადს მოჯამაგირედ დადგე. ხუთ თუქან ფულს მოგცემენ. ერთ უღელ ხარს ვიყიდით და ჩვენი საქმე კარგად იქნებაო.

წავიდა ეს კაციც და ჩავიდა ქალაქში. შემოხვდა სამი ვაჭარი კაცი. გამარჯობა უთხრეს ამ კაცსა. გაგიმარჯოსო. — მოჯამაგირედ დადგები? — დავდგებიო. — წელიწადში როგორაო? — ექვს თუმნადაო.

ამოიღეს და მაშინვე მისცეს ექვსი თუმანი. აიღო და ეს ფული გაგზავნა სახლში. გაატანა თავიანთებურ კაცსა. ის კაცი კი წავიდა მათთან მოჯამაგირედ. სამი ღლე და ღამე იარეს და სულ ერთად ურწყულებმა. გავიდნენ გორგოთ მთაზე. მარტო იქ იყო წყალი. მოჯამაგირეს მისცეს ლიტრა და ამით წყალი მოიტანეო; მივიდა და ნახა. იმ წყალთან იდგა ერთი შეიარაღებული ბიჭი. რომელიც ბაყაყს ათამაშებდა. ამ მონადირე ბიჭმა უთხრა: აბა, ძმობილო. დაფიქრდი და მითხარი: — მე ვჯობივარ. თუ ეს ბაყაყი? ბაყაყი ეთამაშებოდა მხრებზე. უნდა ეთქვა რამე. მაგრამ მოაგონდა ვაჭრის სიტყვა. დაუფიქრებელ სიტყვას ნუ იტყვიო. სამი ნაბიჯი გადადგა უკან და შეეშინდა ეთქვა. რომ შენ ჯობიხარ ამ ბაყაყსო, ვაითუ მომკლასო; იფიქრა აქ რაღაცაშია საქმეო.

ბიჭი აჩქარებდა: არა. ჩქარა თქვი. რომელი ჯობიაო. მერე იფიქრა იმ ბიჭმა. შოღი და ვიტყვი, ბაყაყი გჯობიაო. თქმა ამისი და ეს ბაყაყი გასკდა და მზეთუნახავი ქალი გამოვარდა. გაიქცა ეს ბიჭი. გადაეცვია ამ კაცს და დაუწყო კოცნა. რამდენი კაცი მომიკლავს და შენისთანა სიტყვა არავის არ უთქვამს. წყალი ახლა თავისუფალიაო. წყალი ამ ბიჭს ეჭირა და იმიტომ ხოცაედა ხალხს, ეუბნებოდნენ — შენა ჯობიხარო. ადგა და ამ კაცს სამი ბროწეული და ერთი ოქროს ქამარი აჩუქა: თუ ცოლი გყავს, ამ ქამარს შემოირტყამს, ოქროს

ქორიანი ბიჭი გაუჩნდებაო. ადგა, ესენი, გამოახვია ძონძებში და გაატანა თავიანთებურ კაცს. მან კიდევ გაავსო ლიტრა და აუტანა წყალი ვაჭრებსა. გაუყვირდათ, რომ ცოცხალი ავიდა და უთხრეს:— იქ არავინ იყო, ბიჭო? — იყო და წავიდაო, წყალი თავისუფალიაო. გადაეხვივნენ ამ ბიჭსა: — რა სიტყვა უთხარი, რომ წყალი გახსნაო? — წავიდნენ ვაჭრები და წაიყვანეს ეს მოჯამაგირეც. თავიანთებურმა კაცმა იმ ცოლს მოუტანა ძონძებით ეს სიმდიდრე. ქალს ძალიან გაუხარდა. გაჭრა ერთი ბროწეული და ნაწევარი ბროწეულით ერთი პატარა ქალაქი ააშენა. მოჯამაგირეები. მოსამსახურეები დაიჭირა ამ საწყალი კაცის ცოლმა, როგორც ქალბატონს ეკადრებოდა, კამეჩის ჭოგი, ცხვრის, ცხენის და ყველა მწყემსს უთხრა, თუ ვინმე შეეკითხებოდა, მისი ქმრის სახელი და გვარი ეთქვათ. ქმარს წლის ბოლოს ელოდებოდა. საწყალ კაცს გაუვიდა ყავლი. აჩუქეს შვიდი თუმანი, დიდი მადლობა გადაუხადეს და გამოისტუმრეს. მოჯამაგირე აღარ უნდოდათ, რადგანაც წყალი გამოუვიდათ. ახლა წამოვიდა ეს კაცი თავისი ფოთლის ქობისკენ. შემოხვდა გზაში უცბად კამეჩის ჭოგი. შეეკითხა მწყემსებს: — ვისია ეს ჭოგიო? მათ უთხრეს მისი სახელი და გვარი. ამ კაცს ეწყინა, სასაცილოდ მიგდებნო. მწყემსებმა კი სიმართლე უთხრეს, ეს არ იცოდნენ, თუ ის პატრონი იყო.

ასე იკითხა, ცხვრის ფარა რომ შემოხვდა. აქაც ისევე უთხრეს თავისი გვარი და სახელი. გადახედა თავის კარ-მიდამოს და იქ ფოთლის ქობი აღარ იყო; დახვდა ქალაქი. შეფიქრიანდა ეს კაცი. მერე იკითხა: — ესა და ეს ხელმწიფის ქალი სად არისო? — ქალბატონიო? — დიახ. ისაო. — აი, მალლა შენობაში ცხოვრობსო. მივიდა ეს კაცი იმ ეზოში და გამოცვივდნენ ლაქიები, დაუწყეს ლაპარაკი. მოჯამაგირედ ხომ არ დადგებიო? ამ კაცმა უთხრა: — დავდგებიო. ზოგი უარზე დადგა: რათ გინდაო? ერთმა ბერიკაცმა თქვა: ბატებს მაინც მოუვლისო.

გავიდა ერთი თვე. ეს კაცი დასდევდა ბატებს. უთხრა ბერიკაცს: — ქალბატონის ნახვა მინდა, შეატყობინეთო. — მე ვერ გავუბედავო, — უთხრა ბერიკაცმა და პატარა ქალი გაგზავნა: — წადი, ქალბატონს უთხარი, ერთი კაცი არის აქ ერთი თვეა და შენი ნახვა სურსო. ავიდა ქალი და ქალბატონს მოახსენა.

ქალბატონი მაშინვე გამობზრიალდა გარეთ. იქნება ჩემი კაცი მოვიდაო. დაუძახა მოსამსახურეებს ის კაცი მოუყვანათ. გამოვიდა ეს კაცი კანკალით. ქალმა იცნო ქმარი. პატარა ქალს უთხრა, დამიძახე მოსამსახურე ბიჭსაო. — ავიდა მოსამსახურე ბიჭი. ქალბატონმა

უთხრა, — ის კაცი აქ ამომიყვანეთ, ფეხი ძირს არ დაადგმეინო-
თო. — ჩავიდნენ, დასტაცეს ხელი. თანაც ჭავრი მოსდით და სცემენ
მაგრად. ჩვენ არ შეგვირთო ქალბატონმა და ეს ვინ შეირთო? ქალ-
ბატონმა ბიჭები დაითხოვა. დაბლა ჩადითო. დასვა ის კაცი, ტანისა-
მოსი გამოუცვალა, გაუყარა მკლავი და დერეფანში სეირნობენ. მო-
სამსახურეებს შეეშინდათ, რომ დაეარტყით, დაგვითხოვსო, მაგრამ
მან არაეინ დაითხოვა.

დაეძინა ქალს. კაცმა რომ დაინახა, აკვანი იდგა, ჭავრი მოუვიდა.
ამოიღო ხანჯალი. ცოლს თავი უნდა მოჭრას, მაგრამ ვაჭრის სიტყვა
მოაგონდა. უნდა დაფიქრდეს და ისე მოკლავს. მოაგონდა ჭამარი,
მას შემოირტყამდა და დაორსულდებოდაო. გამოიღვიძა ქალმა და
უთხრა: ეს ყველაფერი შენი ამაგო, სამი ბროწეული და ერთი ქა-
მარი რომ გამოგზავნეო. ნახევარი ბროწეულით ქალაქი ავაშენეო.
წავიდნენ. ჭოგიდან გამოიყვანეს თეთრი ცხენი, დაადგეს ვერცხლს
უნაგირი, მოსამსახურე ხელმწიფის დასაპატიებლად გააგზავნეს.
მოსამსახურე დაარიგეს: თუ ვინმემ გამოგვითხოს გზაზე — ვინა
ხარო, არ უთხრა. ხელმწიფესაც აგრე მოახსენე — მათი მოჭამაგირე
ვარ-თქო.

ხელმწიფეს გაუკვირდა და უთხრა: — ასეთი ბიჭი ხარ და იმ უბე-
ღურს როგორ გაუგონე სიტყვაო? — სასაცილოდ აიგდო ხელმწი-
ფემ, — სადილად როგორ დამპატიეო! — მოსამსახურე მობრუნდა
და მოუტანა ამბავი, ხელმწიფემ უარი თქვაო. მეორე დღეს წითელი
ცხენი გამოიყვანეს ჭოგიდან, ოქროს უნაგირი დაადგეს, ტანისამოსი
ოქროსი ჩააცვეს და გაგზავნეს ხელმწიფესთან.

მივიდა და უთხრა: — დიდებულო ხელმწიფევ, თქვენი სიძე
გპატიებთ, სადილად მობრძანდითო. ცოლმა ურჩია ხელმწიფეს: —
ჩვენი კერძი წავიღოთო და მინდორზე მოვიპატიოთო. ბიჭმა მოი-
ტანა ამბავი: — ესე, ესე. ხვალ მოდიან თავიანთი ხარჭითო. სიძეს
გაეცინა. საიდანაც ხელმწიფე უნდა მოსულიყო იმ მხარეს ჭოგი
გაუშვა.

შეხება ხელმწიფემ ჭოგს და იკითხა: ვისიაო? უთხრეს თავისი
სიძის სახელი და გვარი. ხელმწიფემ თავისი წვენი გზაზე დაღვარა.
ჩარი დააბრუნა: გამდიდრებულა ჩემი სიძე და სირცხვილია ასე მის-
ვლაო. ნახა ქალაქი, ნახა სიძე და ქალიშვილი ხელგაყრილნი გადიან
და გამოდიან. დაბლა არც კი იკადრეს ჩამოსვლა. ავიდა ხელმწიფე
თავისი მეუღლით მალა, გადაეხვია თავის სიძეს და ქალს. დაუწყეს
კოცნა. უთხრა ქალმა: რატომ არ მოხვედით, არ გვეადრულობდი-
თო? შევადნენ შინ. ნახეს ისეთი საჭმელები, ხელმწიფეს არც კი

ენახა. სადილის მერე ქალმა მამას უთხრა ფული უნდა დაგვიხურო-
დაოო. მოიტანა ორ ბროწეულნახევარი და უხურდავებდა. ორი
ძლივს დაახურდავა და ნახევარი დარჩა. ნახევრის ხურდა აღარ
ჰქონდა. ხელმწიფემ დაულოცა თავის სიძეს სახელმწიფო, ჩამოჰკი-
და ჯაჭვი და მანაც იხელმწიფევა.

ჭირი იქა, ლხინი აქა.

მონადირის შვილი

იყო და არა იყო რა, იყო ერთი მონადირე. მთელ სახელმწიფოში
განთქმულ მონადირედ ითვლებოდა. ხელმწიფესაც ძალიან უყვარ-
და და მასთან დაახლოებული იყო. მონადირე რასაც კი მოჰკლავდა,
ყველას ხელმწიფეს მიართმევდა. მონადირე გარდაიცვალა და დარჩა
ერთი ვაჟიშვილი. რასაც სხვა წლით იზრდებოდა, ის დღით იზრდე-
ბოდა. ერთხელ მონადირის შვილის ბინაზე ხალხი იყო შეყრილი და
მუსაიფობდა. ამ დროს მონადირის შვილი პატარა ბავშვებთან კო-
ჭაობდა. ხალხი ლაპარაკობს: მონადირის შვილმა რომ თავისი მამის
ხელობა იცოდეს, ან მისი იარაღი, აუცილებლად მამაზე კარგი მონა-
დირე იქნებოდაო. მონადირის შვილმა ეს რომ გაიგონა, მაშინვე დე-
დასთან გაიქცა და უთხრა: დედი, ძუძუ მინდაო. რა დროს ძუძუა,
წვილო, სადაცაა უნდა დაგაქორწილოო. არა დედი, ძუძუს სურვილმა
მომიარა და იმისათვისა გთხოვო. დედამაც მოაწოვა ძუძუ.

მონადირის შვილმა მოწოვის მაგივრად კბილები მოუჭირა და
უთხრა: — მითხარი, მამაჩემი რა ხელობისა იყო და ან მისი იარაღი
სად ინახებო? — დედა ჯერ უარზე იდგა. როდესაც შეწუხდა, უთხრა:
მამაშენი მონადირე იყო და მისი იარაღი მეცხრე ოთახში ინახე-
ბაო. მისცა გასაღები და გააღო პირველი ოთახი. დაინახა პირველ
ოთახში სულ ფრინველების ფიტულებია, მეორეში — კურდღლე-
ბის, მესამეში — მელიების, მეოთხეში — მგლების, მეხუთეში —
ლომების... მეცხრე ოთახში კი თავისი მამის იარაღი. მონა-
დირის შვილი მივიდა იარაღთან, მაგრამ ვერ დასძრა და გამოვი-
და დედასთან ტირილით. დედამ უთხრა: წადი, ჩვენს ხევში ჩამო-
დის ორი წყალი. ერთი მღვრიე, მეორე წმინდა. ჯერ მღვრიეში იბა-

ნავებ, მერე წმინდაშიო. მონადირის შვილმა დედის სიტყვა შეასრულა, დაბრუნდა სახლში და მამის იარაღიც მჩატე ეჩვენა.

შეიკურვა იარაღით და წავიდა ტყეში სანადიროდ. ბევრი იარაღი თუ ცოტა, გავიდა ერთ უღრან ტყეში და შეხვდა ერთი ნადირი. ესროლა და მოკლა, გააძრო ტყავი და წამოიღო სახლში. იმ სახელმწიფოში, სადაც მონადირის შვილი ცხოვრობდა, სანთლის ანთება აკრძალული იყო. როდესაც ის ტყავი მოიტანა სახლში, გააკრა კედელზე და ისე ანათებდა ღამით, როგორც სანთელი. ხელმწიფის ვეზირებმა დაინახეს ეს შუქი მონადირის შვილის სახლში და ხელმწიფეს შეატყობინეს. ხელმწიფემ გასცა ბრძანება, მონადირის შვილი მიეყვანათ მასთან. როდესაც ვეზირები მოვიდნენ, ნახეს რომ რაღაცა ტყავი ანათებდა. მონადირის შვილი როდესაც მიდიოდა ხელმწიფესთან, ტყავიც თან მიჰქონდა, მაგრამ დედამ დაუშალა: დედა გულთმისანი ჰყავდა და იცოდა, რა მოელოდა ბოლოს. მონადირის შვილმა დედას არ გაუგონა და ტყავი მიართვა ხელმწიფეს: საჩუქრად. ხელმწიფეს მონადირის შვილი ძალიან შეუყვარდა და დიდად პატივს სცემდა, ვეზირებს კი ყურადღებას არ აქცევდა.

ვეზირებს მონადირის შვილი შესძულდათ და მისი მოკვლა განიზრახეს. ერთ ღამეს ვეზირებმა გამართეს თათბირი და დაადგინეს მონადირის შვილი გაეგზავნათ ისეთ ადგილას, რომ იქიდან ცოცხალი აღარ დაბრუნებულყო. მეორე დღეს ვეზირებმა ხელმწიფეს მოახსენეს თავიანთი გადაწყვეტილება: დიდებულო ხელმწიფევე, რა კარგი იქნებოდა, ამ ძვირფას ტყავს რომ ოქროს ბოძიც ჰქონოდაო. — ვინ მომიტანსო? — ვინა და შენი კეთილი მონადირის შვილიო.

მეორე დღეს გამოიძახა მონადირის შვილი და უთხრა: — უნდა მომიტანო ოქროს ბოძი, თუ არადა თავს მოგჭრიო. დაბრუნდა დაღონებული და დედას უამბო. ვიღრე დედას ეტყოდა, დედამ უკვე იცოდა, რა უთხრეს მის შვილს და დაარიგა როგორ მოქცეულიყო. წადი და უთხარი ხელმწიფეს გააკეთებინოს სამოცფუთიანი ისარი და სამი ურემი შეაბჰვეინოსო. ამისი ფასი რაც გავა, ყველაფერი ვეზირებისა იყოს, შენი არც ერთი კაპიცი არ ერიოს, თორემ ვერ შეგასრულებ შენს დანაბარებს-თქო. მართლაც, ხელმწიფემ გააკეთებინა სამოცფუთიანი ისარი, მოსწია მონადირის შვილმა და გატეხა. მერმე ოთხმოცფუთიანი გააკეთებინეს და ის კი ველარგატეხა. მონადირის შვილი დაბრუნდა დედასთან. დედამ ასწავლა შვილს, როგორ უნდა მოეტანა ოქროს ბოძი: წადი, შვილო, გადაივლი ერთ მთას, გადაივლი მეორეს და მესამეზე როდესაც გადა-

ზეალ. დაბლა ქალაში არის დევების სახლი. პარასკევ დილას მხოლოდ მათი და რჩება სახლში. მესამე მთიდან ესვრი ისარს და სახლი დაინგრევა. სახლიდან გავარდება ოქროს ბოძი, შემოპკრავ მათრახს შენს რაშს. ჩააფრენ ქალაში და წამოიღებ ბოძს. მონადირის შვილმა დედის სიტყვები შეასრულა და მართლაც წამოიღო ბოძი, მიართვა ხელმწიფეს. ხელმწიფემ ოქროს ბოძი დადგა სახლში და ზედ დაპკიდა ტყავი.

ვეზირებმა უთხრეს ხელმწიფეს, ეს ტყავი და ეს ბოძი ამშვენებს შენ სახლს. შენისთანა ხელმწიფე არ იქნებოდა, რომ გველვეშაპის ძვლის სახლიც გქონდეს და ეს ბოძი და ეს ტყავი შიგ გაკრულიო. ხელმწიფემ უთხრა: — ამას ვინდა შემისრულებსო? — ამასაც მონადირის შვილიო.

მართლაც, მეორე დღეს დაიბარა მონადირის შვილი და განუცხადა თავისი აზრი.

მონადირის შვილი დაბრუნდა სახლში. დედამ უთხრა: წადი, შვილო, და უთხარი, სამოცდაათი ურემი თავისი მეხრეებით, მათი საკმელი, ორმოცდაათფუთიანი ისარი გააკეთებინე და დაბრუნდი ჩემთან. მხოლოდ მასში რაც ფასი გავა, ყველაფერი იყოს ვეზირებისა. ისე დაასაწყლა ვეზირები, რომ სახლებს ყიდიან, ოღონდ კი დაიღუპოს მონადირის შვილიო.

დედამ შვილი გაისტუმრა და დააბარა: როდესაც მიუახლოვდები ქაჩების სახელმწიფოს, ურემები მოშორებით დააყენე. შენ კიდეც წადი და ტყეში პატარა ქოხი გააკეთე. გათენებისას, როდესაც მზე ამოდის, ბოლო და თავი ერთად აქვს გველვეშაპს. მზის ამოსვლის დროს, საიდანაც მზე ამოვა, იქიდან ესროლე და მოხვდება თავშიო. მონადირის შვილმა დედის ნათქვამი ყველა შეასრულა და შოკლა გველვეშაპი. დაბრუნდა ისევ თავის ქოხში. სახელმწიფოს რომ გაეღვიძა, ძალიან გამხიარულდნენ, რომ განთავისუფლდნენ გველვეშაპისაგან და დაუწყეს ძებნა მის მომკვლელს. ვინ არ მოიხვეწანეს, მაგრამ ისრის გამოძრობა ვერაფერ ვერ შესძლო. დაინახეს, ერთი ტყიდან ბოლი ამოდიოდა. ხელმწიფემ გაგზავნა მათთან კაცი და მოაყვანინა. მოვიდა მონადირის შვილი და თავისუფლად ამოაძრო თავისი ისარი. მაშინ ხელმწიფე გადაეხვია, დაკოცნა და უთხრა: — რასა მთხოვ, რომ მოგცეო. — არაფერი არ მინდა, სამოცდაათი ურემი მყავს აქ, ამ გველვეშაპის ძვალი გამომძირჩიეთ და გამივსეთ ურემბიო.

დაახვია ქაჩეთის ხელმწიფემ თავისი სახელმწიფოს ხალხი და

გაუვსეს ურმები. მონადირის შვილმა ძელის სახლიც გაუკეთა. გავიდა რამდენიმე ხანი და ვეზირებმა მოიგონეს ერთი კიდეც ისეთი სახიფათო საქმე, რომ მონადირის შვილი დაღუპულიყო, და მოახსენეს ხელმწიფეს.

— დიდებულო ხელმწიფევე. მთელ მსოფლიოში შენისთანა ხელმწიფე არ არის, არც არავის შენისთანა კოშკი აქვს, მხოლოდ ცოლი გაკლიაო. ამა და ამ ადგილას არის მზეთუნახავი ქალი, ის რომ მოიყვანო, შენისთანა ქალი არავის არ ეყოლებათ. — ვინ მომიყვანსო? — ვინა და შენი მონადირის შვილიო.

დაიბარა მონადირის შვილი და უბრძანა, რომ წასულიყო მეორე დღესვე. მივიდა მონადირის შვილი დედასთან და დედამ უთხრა: — წადი, მოახსენე ხელმწიფეს, რომ გიყიდოს ორმოცდაათი თოფი ჩითი ერთი, ასორმოცდაათი ერთი და ორასორმოცდაათი ერთი. სულ იყოს ვეზირების ხარჯი. როდესაც გაივლი და ჩვენს საზღვარს გადასცდები, დაგხედება გზაში ერთი სახლი. სადაც ცხოვრობს ქალი. მიეცი ორმოცდაათი თოფი ჩითი. შემდეგ ის გასწავლის მეორე თავის დას. იქაც რომ გაივლი, მიეცი ასორმოცდაათი თოფი. მესამესთან რომ გაივლი, მიეცი ორასორმოცდაათი თოფიო. წავიდა მონადირის შვილი. შეხვდა გზაში სამი შევარდენი: ერთი თეთრი, ერთი წითელი და ერთი შავი, რომლებსაც გველვეშაპი ეომებოდა.

დაინახა მონადირის შვილმა, ესროლა ისარი და მოკლა გველვეშაპი. მაშინ სამივემ გამოუძრო ბუმბული და უთხრა: საცა გაგიჭირდეს რამე, ბუმბულებს მოსწვი ბოლო და იქ გავჩნდებითო.

წავიდა მონადირის შვილი. ბევრი იარა თუ ცოტა, მიადგა იმ ქალის სახლს და მისცა ორმოცდაათი თოფი და უთხრა თავისი გასაჭირი. ქალმა ასწავლა მეორე დღის სახლი და წაიყვანა კიდეც უფროს დასთან. მონადირის შვილმა მეორე დას მისცა ასორმოცდაათი თოფი ჩითი და ისიც თავისი მხრივ წაჰყვა უფროს დასთან, მივიდნენ მესამე დასთან, ამასაც მისცა ორასორმოცდაათი თოფი ჩითი და დამალეს ის ბიჭი, დაუძახეს იმ ქალს, რომელიც უნდა წაეყვანა ხელმწიფისათვის. მოწვევაზე ის ქალი მოვიდა. გამართეს ქეიფი და შეაპარეს ჩუმად ბანგი. მალე ქალმა დაიძინა. ბიჭმა წაიყვანა თავის სახელმწიფოსაკენ. როდესაც საზღვარს მიუახლოვდა, ქალი გამოფხიზლდა და ვადმოუხტა რაშიდან, გამოექცა. დაედევნა და დაიჭირა. მაგრამ ქალი ვერ დაიმორჩილა. ამ დროს მოაგონდა ბუმბულები. ამოიღო, მოუწვა ბოლო და სამივე შევარდენი იქ გაჩნდა. — რა გინდა, ძმაო, რა გაგიჭირდაო? — ეს ქალი

უნდა მომიყვანოთ სახლშიო. დაავლეს შევარდნებმა თავისი ბრწყინ-
ლები და მიიყვანეს მონადირის შვილის სახლში. იმ ღამეს იქა ჰყავ-
და და მეორე დილას მიუყვანა ხელმწიფეს. მაგრამ ვიდრე მონა-
დირის შვილი ქალს მიუყვანდა ხელმწიფეს, ვეზირებმა ცილი დას-
წამეს მონადირის შვილს და მოახსენეს ხელმწიფეს: წუხელ თა-
ვისთან ეწვა ქალი და მერე თქვენთან მოიყვანაო.

ხელმწიფემ კარისკაცს უბრძანა, ჩამოეხრჩოთ მონადირის შვილი.
მაშინ წამოდგა ქალი და სთხოვა ხელმწიფეს: დიდებულო ხელმწი-
ფევ, თუ შეიძლება მომეციოთ ერთი სიტყვის ნებაო. თავის გრძნეუ-
ლი წკებლა ქალს ხელში ეკავა. ხელმწიფემ სიტყვის უფლება მის-
ცა. ქალმა თქვა: ვინცა გყავს შენ სახელმწიფოში, ყველა აქ მო-
იყვანეო.

ხელმწიფემაც ბრძანა, რომ ყველა შეკრებილიყო. მართ-
ლაც, მოვიდა ყველა. მაშინ ქალმა მოახსენა ხალხს: ეს ტყავი
ვისი მოტანილიაო? მონადირის შვილისაო. — ეს ოქროს ბოძი ვისი
მოტანილიაო? — მონადირის შვილისაო. — მე ვიღას ვეკუთვნიო? —
ვინც თქვენ მოგიყვანათო. გადაჰკრა ქალმა გრძნეული წკებლა
ხელმწიფეს, შენ იქეცი კურდღლადაო და ვეზირები კი აქცია მწვე-
რებად. გამოუდგნენ, დაიჭირეს კურდღელი და შეჰკამეს მონადი-
რის შვილი დაჭდა ხელმწიფედ. იმ ღამეს გადაიხადეს ერთი კარგი
ჭორჭილი და დღესაც ის ხელმწიფობს იმ ქვეყნად. ვინცა შრომობს,
პურს ისა სჭამსო.

ჭირი იქა. ლხინი აქა. ქატო იქა. ფქვილი აქა.

მთას ურემი ავაგორე ბარს ჩავიდა გორებითა,

აქ სიცოცხლით მომიგონეთ, საიქიოს ცხონებითა.

უშვილო ხელმწიფე

იყო და არა იყო რა, იყო ერთი ხელმწიფე. შვილი არა ჰყავდა.
მთელი თავისი სახელმწიფო მოიწვია და დაკლა ცხვარი. ყველას
უთხრა, შვილის წამალი ხომ არ იციოთ? ყველამ უარი უთხრა ამ
დროს ერთი კაცი წყალგალმა იყო. დაუძახა ხელმწიფემ: — შვილის
წამალი ხომ არ იციო? — მან უპასუხა: — მაგაზე ადვილი რა არი-
სო? გამოვიდა წყალში, ხელმწიფესთან ჰამა პური და უთხრა:

სამი ბადე დამიწანო. ხელმწიფემ დაუწნა სამი ბადე. წავიდა სა-
თევზაოდ. გადააგდო ერთი ბადე. არ ამოჰყვა თევზი; მეორე გადააგ-
დო, არც იმას ამოჰყვა; მესამე რომ გადააგდო, იმას ამოჰყვა ორი
თევზი, მიუტანა ხელმწიფეს და უთხრა: მოხარშე ეს თევზები და
შექამეო. ხელმწიფემ არ იცის, ვის მოახარშვინოს, რომ არ შეუქა-
მოს. იმ სოფელში იყო ერთი ბებერი დედაკაცი. მიუტანა და უთხრა:
მოხარშე ეს თევზებიო. მოხარშა, მაგრამ ბოლოები დააწიწვნა და შე-
ქამა ბებერმა დედაკაცმა.

დაორსულდა ხელმწიფის ცოლი და ის ბებერი დედაკაციც. გაუჩ-
ნდა ხელმწიფეს ქალი, იმ ბებერს კი ბიჭი. ბიჭს დაარქვეს ბებრისშვი-
ლი. ეს ბიჭი და ქალი მალე იზრდებიან. ორივეს ერთმანეთი მოსწონთ.
ბებრისშვილი სანადიროდ დადიოდა. იმ სახელმწიფოში იყო სამი
დევი: ერთი თეთრი, მეორე წითელი, მესამე შავი. ამ დევებმა მოიტა-
კეს ხელმწიფის ქალი. გაიგო ბებრისშვილმა, წამოვიდა და მათ გზა-
ში, ხილქვეშ დაუღარაჯა.

მოდის თეთრი დევი თეთრი ცხენით. შეფრთხა ცხენი. დევმა უთხ-
რა: აჩუ, შე ტიალო, ქვესკნელს ჭიანჭველას არ გაუვლია და ზეცას
ფრინველს ჩვენი ძმების შიშითაო. კიდევ დაჰკრა მათრახი. აჩუ, ერთს
აქებენ ბებრისშვილს, ის ვერას მიზამსო. გამოვიდა ბიჭი. მოკლა ეს
დევი. ცხენმა გამოიძრო ბეწვი და მისცა: სადაც ჩემი თავი დაგჭირ-
დეს, მახსენე და იქა ვარო. გაუშვა ის ცხენი.

მოდის ახლა წითელი დევი წითელი ცხენით. ცხენი შეუფრთხა ამ
წითელ დევსაც. აჩუ, შე ვერანო, რისა გეშინია, ქვესკნელს ჭიანჭვე-
ლას ვერ გაუვლია, ზეცას ფრინველს ჩვენი შიშითაო. დაჰკრა მეო-
რედ მათრახი: ერთსა აქებენ, ბებრისშვილს, ჯერ სამი წლისაც არ
არის, ვერას მიზამსო. გამოვიდა ეს ბებრისშვილი და შეეტაკნენ ერთ-
მანეთს. მოკლა ის წითელი დევიც. ცხენმა გამოიძრო ერთი ბეწვი, სა-
დაც ჩემი თავი დაგჭირდეს, მახსენე და იქა ვარო. გაუშვა ცხენი.

მოდის შავი დევი შავი ცხენით. შეუფრთხა იმასაც ცხენი ხიდის
ყურზე. — აჩუ, შე ვერანო, რა გაშინებსო! ქვესკნელს ჭიანჭველას
და მალლა ფრინველს ვერ გაუვლია ჩვენი შიშითაო. — დაჰკრა მათ-
რახი, ცხენი კიდევ შეფრთხა: — აჩუ, შე ტიალო, რა გაშინებს. ერთს
აქებენ ბებრისშვილს, ჯერ სამი წლისაც არ არის და ვერას მიზამსო. —
გამოიარა ბებრისშვილმა ხიდის ქვეშიდან ზღაზუნით, გამოიარა ცხენ-
მაც. ერთმანეთს შეეტაკნენ. აილო და დაანარცხა დედამიწაზე. მოკ-
ლა. ცხენმა გამოიძრო ერთი ბეწვი და უთხრა: სადაც ჩემი თავი დაგ-
ჭირდეს, მახსენე და იქ ვარო!

ბებრისშვილმა იშოვა ცხრაფუთიანი რკინის კეტი, ცხრაფუთიანი ჭაჭვი და წავიდა. დევებს ის ქალი ჰყავდათ ჭაჭვი, ჭის ძირას. დაარქო ლომი ბებრისშვილმა, ჩავიდა ძირს ქალთან და ქალმა უთხრა: ჭერ შენ ადი, თორემ გიღალატებენო. ბიჭმა უთხრა, ვინ მიღალატებს, ცხრა ფუთიანი ლომი ურკვეიაო, ცხრა ფუთიანი ჭაჭვი არის ესაო. ავიდა ქალი. ამ დროს გამოიარა ერთმა გმირმა ბიჭმა და მოეწონა ეს ქალი. ამოაძრო ჭაჭვი, დაავლო ქალს ხელი და წაიყვანა. ბებრისშვილი ჭაჭვი დარჩა. დაქორწინდა ეს ბიჭი იმ ქალზე.

ამ დროს ჭაჭვი მარტოდმარტო დარჩენილ ბებრისშვილს შოგონდა და ცხენები. ახსენა თეთრი ცხენი, ცხენი მივიარდა თავის შეკაზმულობით და უთხრა: — რა გაგიჟირდაო? — ის გამიჟირდა. რომ აქედან უნდა ამომიყვანოო. — ვერ აგიყვანო — უთხრა ცხენმა. ახსენა წითელი ცხენი, ისიც თავის შეკაზმულობით მოვიარდა. — რა გაგიჟირდაო? — აქედან უნდა ამომიყვანოო. — ვერ აგიყვანო, — უთხრა ამ ცხენმაც. ახსენა ბიჭმა შავი ცხენი. მოვიარდა შავი ცხენი თავის შეკაზმულობით და უთხრა: — რა გაგიჟირდაო? — აქედან უნდა ამიყვანო. ცხენმა უპასუხა: სამჯერ დამჯარ ეს მათრახი, სამპირად ამძვრება სამპირი შოლტი ტყავი, მარილი მომაყარეო. დაჰკრა ბებრისშვილმა ცხენს მათრახი და ასძვრა სამი შოლტი ტყავი, მოაყარა მარილი. ისკუპა ამ ცხენმა და ამოიყვანა ბიჭი. გაუშვა ეს ცხენი. ბეწვი გამოიძრო ცხენმა: სადაც გაგიჟირდეს, მახსენე და იქა ვარო!

მოვიდა, ჭამა პური და წამოვიდა იმ ბიჭთან მუქარაზე. ამ დროს ბიჭი და ქალი ბაღში ხელგაყრილნი დასეირნობდნენ. მივიდა, ბებრისშვილი გადავიდა ბაღში და ხელი მოხვია ქალს. სიძე-ბიჭმა უთხრა: — ეს როგორ გამიბედო. ბებრისშვილმა მიუგო: — შენ როგორ გამიბედე იქ ჭაჭვის ამოძრობაო. შეეტაკნენ ბებრისშვილი და ის გმირი ბიჭი. აიღო ბიჭი, დააწყვიტა მიწაზე და კისერი მოსტეხა. ჩაავლო ქალს ხელი, წამოვიდნენ სახლში და დაიწყეს ბედნიერად ცხოვრება.

ჭირი იქა. ლხინი აქა. ქატო იქა. ფქვილი აქა.

მუხას ჯოხი შემოეყარი. გამოცვიდნენ ტურები,

ყველას მაშინ გაუმარჯოს, როცა ჰყავდეს სტუმრები.

ერთხელ მამამ თავისი უმცროსი შვილი წაიყვანა შორს მთაზე, სადღაც დაებნა და თვითონ დაღონებული შინ წამოვიდა. ამ ქედზე გველვეშაპი ცხოვრობდა. გადაიხარა, დაინახა ბიჭი და ჩამოსძახა: ეი, შენ. აღამიანის შვილო, არ გინდა გაგზარდო ჩემს ძმადო? ბიჭმა თანხმობა გამოუცხადა. გველვეშაპმა აიყვანა ბიჭი მაღალ ქედზე და უთხრა: აქედან პირდაპირ ჩადი. ერთი ალვის ხე დგას, იქ ნახავ ჩემს დეღმამს და უთხარი: თქვენს მზეს, ამაღამ შემინახეთ-თქო. ისინი დაგაყენებენ. დილით უთხარი: თქვენი შვილის მზეს, ამ ალვის ხის ნაფოტი მომეცი-თქო. მამაჩემი უარს გეტყვის, მაგრამ დედაჩემი მოგეცემსო.

ყმაწვილი ჩავიდა ალვის ხესთან. იქ ერთი კაცი და დედაკაცი ცხოვრობდნენ. ბიჭმა სთხოვა: თქვენს მზეს, ამაღამ შემინახეთო. მისცეს ბინა. დილით სთხოვა: თქვენი შვილის მზეს, ამ ალვის ხის ნაფოტი მომეცითო. კაცი არა შერებოდა, მაგრამ ქალმა მისცა და თანდაარიგა: რასაც ინატრებ, აგისრულებს ეს ნაფოტი, მხოლოდ უთხარი: ნაფოტო, შენსა მზესა, შენი გამომცემის მზესა, ესა და ეს ამისრულე-თქო. ბიჭმა წაიღო ნაფოტი და წავიდა. იარა, იარა და მივიდა ერთ ქვეყანაში. იქ ერთ დედაკაცს სთხოვა: დედი, პური მშობი, მაქაპეო.

დედაკაცს ორი პური ჰქონდა და ერთი მისცა. ბიჭმა შექაპა. დედაკაცმა მეორე პურის ნახევარიც მისცა, ისიც შექაპა, ნარჩენი ნატეხიც მისცა, ბიჭმა ისიც შექაპა. ბიჭი დანაყრდა და დედაკაცს უთხრა: — დედი, შენი შვილი ვიქნებიო. — მე შვილი არა მყავს და შენ იყავი ჩემი შვილიო. — გაუხარდა დედაკაცს.

ბიჭმა უთხრა: — წამიყვანე სადმე, მოჭამაგირედ დამაყენეო. დედაკაცმა წაიყვანა სოფელში და ერთი წლის ვადით მეზატედ დააყენა; მეორე წელიწადს მელორედ დააყენა; მესამე წელიწადს — სოფლის მენახირედ. იქაურ ხელმწიფის ქალს ორი ძროხა ჰყავდა და თვითონ წველიდა. ერთხელ, როცა ქალი ძროხას წველიდა, მენახირემ საქონელი ჩაატარა. დაინახა ხელმწიფის ქალი. ამოიღო ნაფოტი და დაელაპარაკა: ნაფოტო, შენსა მზესა, შენი გამომცემის მზესა, ამ ქალს მე ნუ ამაცდენ, ჩემი გახადეო.

შუადღისას მენახირემ ნახირი წყალზე მირეკა. ხელმწიფის ქალიც იქ იყო. დაინახა ქალმა მენახირე და შეიყვარა, ხვდებოდნენ ერთმანეთს. ქალი დაორსულდა, შვილი შეეძინა. ერთ დღეს ხელმწიფემ გაიგონა ბავშვის ტირილი და გაუკვირდა. ჩემს ასულს საიდან ან ვისგან გაუჩნდა შვილი, ეს რა ამბავია ჩემს თავსაო? შეყარა ჯარი-

ჯამათი, უნდოდა გაეგო, ვინ იყო ბავშვის მამა. ბავშვი გაიძახოდა: — დედა აქა მყავს და მამა არაო. ხელმწიფემ იკითხა: კიდევ აკლია ვინმეო? — არავინ არ აკლია მენახირის მეტიო, — უთხრეს ხელმწიფეს. მოიყვანეს მენახირე; ზოგი თავში სცემდა, ზოგი დასცინოდა: ხელმწიფის ქალი სწორედ შენ გიკადრებდა, რომ ბავშვმა მამა შენ დაგიძახოსო.

დაინახა ბავშვმა მენახირე და შესძახა: დედა აქა მყავს, მამაც მოვიდა. დედა აქა მყავს, მამაც მოვიდაო! ხელმწიფე მიხვდა ყველაფერს: განდევნა ასულიცა და სიძეც. თვითონ ჩაერისაგან ავად გახდა. დაიბარა უფროსი სიძეები და უთხრა: უკვდავების წყალს თუ მომიტანთ, მოვრჩები, თუ არადა არაო. მენახირის ცოლმა გაიგო მამის სურვილი, მივიდა მამასთან და უთხრა: ჩემს ქმარს გაგვზავნი უკვდავების წყლის მოსატანადო.

მამა გაუწყრა: — წადი, თვალით არ დამენახო, თქვენი მიზეზითა ვარ ავადო. გააგდო ქალი. სიძეები წავიდნენ უკვდავების წყლისათვის.

მენახირემ ამოიღო ნაფოტი და ინატრა: აბა, ნაფოტო, შენსა მზესა, შენი გამომცემის მზესა, ერთი კარგი შეკაზმული ცხენი და ტანისამოსი მომეციო.

გაჩნდა შეკაზმული ცხენი და ტანისამოსი. მოირთო მენახირე, მოახტა ცხენს და მიაქროლა წყალთან.

უფროსი სიძეები მისულიყვნენ წყალთან, მენახირემ დაუყვირა: ვინა ხართ, რისთვის მოსულხართ აქაო?

სიძეებს წყლის პატრონი ეგონათ და მიუგეს: — წყალი გვინდა ვიყიდოთო. — არა ვყიდო, უთხრა მენახირემ. — მაჰ, რა ვქნათ, უწყლოდ როგორ წავიდეთ, ხელმწიფე კვდებაო, — შეწუხდნენ სიძეები. — წყალს არა ვყიდი, მაგრამ რადგან ასეა საქმე, მოგყიდით, მაგრამ ფასად ყურის ბიბილოებს მოგაქრითო.

მოაჭრევინეს სიძეებმა ყურის ბიბილოები და წაიღეს წყალი. ხელმწიფე მაინც არ განიკურნა. ისევ დაიბარა სიძეები და უთხრა: — უკვდავების ყურძენი მომიტანეთ, იქნებ მარგოსო.

მენახირის ცოლმა კიდევ სთხოვა მამას: — ჩემი ვმარიც გაგვზავნე უკვდავების ყურძენის მოსატანადო. ხელმწიფემ დაითხოვა თავისი ქალი, — ქმარს ნუ ახსენებო. მენახირემ სიძეებს მიასწრო უკვდავების ყურძენთან. ავიდნენ სიძეები და სთხოვეს მენახირეს: — უკვდავების ყურძენი მოგვეიღე, სიმამრი გვყავს ავადო. — ყურძენს არ ვყიდი, მაგრამ თუ ჩემ ცხენს თითო წიხლს მიაკვრევინებთ, მოგყიდით, თუ არა და არაო, — მიუგო მენახირემ. რას იზამდნენ

სიძეები, შიაკვრევინეს წიხლები. წაიღეს ყურძენი. ხელმწიფეს ვერც ყურძენმა უშველა რაიმე. ისევ დაიბარა სიძეები და უთხრა: — ირმის რძე მომიტანეთ, თუ მარგებს, ის მარგებსო.

მენახირემ ახლაც გაასწრო სიძეებს. ამოიღო ნაფოტი და დაკვლა: — ნაფოტო, შენსა მზესა, შენი გამომცემის მზესა, რაც ირმები არიან, სულ აქ მოგროვდნენო.

მოცვივდნენ ყოველი მხრიდან ირმები და ერთ ადგილას მოგროვდნენ. ქვისლები მივიდნენ მენახირესთან და სთხოვეს: — ირმის რძე მოგვყიდეთ. — თუ თითო შოლტ ტყავს ამაძრობინებთ, მაშინ მოგყიდითო, — მიუგო მენახირემ.

რას იზამდნენ ქვისლები, ააძრობინეს თითო შოლტი ტყავი, მენახირემ მისცა ირმის რძე და მიუტანეს სიმამრს. ხელმწიფე მორჩა, დიდი მეჭლისი გამართა. მენახირემ კარგად ჩაიცვა და ხალხში გაერია. ხელმწიფის სიძეებმა დაინახეს მენახირე და უთხრეს სიმამრს: აი, ის კაცი გვაძლევდა უკვდავების წყალს, უკვდავების ყურძენს და ირმის რძესაო.

ხელმწიფემ ახლოს მიიწვია უცხო სტუმარი, გვერდით მოისვა და ჰკითხა: ვინ ბრძანდები, სადაური ხარო?

მენახირემ არაფერი უპასუხა ამაზე და ჰკითხა: — უფროსი ქალები თუ დაპატიეთ მეჭლისზე, რატომ უმცროსი ქალი არა გყავთ დაპატიებულთ? — უმცროს ქალს ცოცხლებში აღარ ვთვლი, ისეთი მასხარა მენახირე ეშარი შეირთო, რომ საქვეყნოდ თავი მომჭრაო, — მიუგო ხელმწიფემ. — მენახირე სიძე მე გახლავარ, რით მგობიან სხვა სიძეები, ჩემგან მოჰქონდათ უკვდავების წყალი, უკვდავების ყურძენი და ირმის რძე. აი, მაგათი ყურის ბიბილოები, საშოლტე ტყავები; გახადეთ შარვლები, თუ ჩემი ცხენის ნალის კვალი არ ამჩნევიაო, — თქვა მენახირემ და გამოხსნა ხელსახოცში გახვეული ყურის ბიბილოები და ტყავები.

ხელმწიფე დარწმუნდა, მენახირე სიძე სჯობნებია სხვა სიძეებსაო, პატიება სთხოვა და თავისი სახელმწიფო ჩააბარა.

ყოფილმა მენახირემ დაპატიება ძმობილი გველვეშაპი, მამა და ძმები. სანამ გამოეცნაურებოდა მამას, ჰკითხა: — შვილი ხომ არა გყავს დაკარგული? — მგონი, ერთ დროს დაკარგე პატარა შვილი, კარგად არ მახსოვსო, — მიუგო მამამ.

შვილი გამოეცნაურა მამას და თავის სახელმწიფოში ცხოვრობდა ბედნაღვრად.

უკვდავების წყალი

იყო ერთი მეფე და ჰყავდა ერთი ქალი. იმ ქალს ჰყავდა ბევრი მთხოვნელი; მაგრამ ქალმა არავინ არ ინდომა, რომ გათხოვილიყო. მეფემ უთხრა ვეზირებს: წადით და ისეთი კაცი მოიყვანეთ, რომ ცხოვრების შნო არა ჰქონდეს, საწყალი იყოს, არაფერი არ გააჩნდეს. წავიდნენ ვეზირები იმისთანა კაცის საძებნელად. ბევრი იარეს და ნახეს, ერთ მწიფე ატამქვეშ ერთი კაცი წევს, შეჰყურებს მალა ატამს: ნეტავ, ის ატამი ჩამოვარდეს და პირში ჩამივარდესო. თქვეს ვეზირებმა: — ამაზე მეტი საწყალი და უხეირო რაღა იქნებაო. აიყვანეს ის კაცი და წაიყვანეს მეფესთან.

მიიყვანეს და მეფემ უთხრა შვილს, — ეს უნდა იყოს შენი ქმარიო. ქალმა მიიღო, რაღას იზამდა.

ამ კაცს გულის მეტი არაფერი ჰქონდა. იყვნენ რამდენიმე ხანი ერთად. ქალმა და კაცმა ერთმანეთის არა იცოდნენ რა უთხრა მერე ქალმა: განა აქ ზედსიძედ ხომ არ მოხვედიო. უნდა წავიდეთ, ჩვენ ჩვენთვის უნდა ვიცხოვროთო. ადგნენ და გაუდგნენ გზას. წაიღეს, რასაც მოერეოდნენ ხელდახელ.

იარეს, ბევრი იარეს თუ ცოტა, მიადგნენ ერთ დიდ ქალაქს. ქალაქის გვერდზე იყო დიდი მინდორი. ქალმა უთხრა: ბინა აქ უნდა დავიდოთ ჩვენაო. გააკეთეს ანწლისა და წნელის ქოხი. ქალმა იცოდა ხელობა, რომლითაც შეეძლო ცხოვრება. მოქსოვა შალი, გაატანა ბაზარში. გაყიდა და სურსათი იყიდაო. იმ კაცმა მართლაც გაყიდა შალი სამ მანეთად. ბრუნდებოდა და ამ დროს შეხვდა ერთი კაცი, რომელსაც ერთი კატა ჰყავდა და სამ მანეთს აფასებდა. ამ კაცმა გამოართვა კატა და მისცა სამი მანეთი. მოვიდა სახლში და მოიყვანა კატა. ჰკითხა ქალმა: — რა ჰქენიო? — გავყიდე სამ მანეთად და ეს კატა ვიყიდეო. — რას იზამდა ქალი. მეორე დღესაც გაატანა ისეთივე შალი. — წადი, გაყიდე და საკმელი რამე მოიტანეო. გაყიდა ამ კაცმა სამ მანეთად. შეხვდა ერთი კაცი, რომელსაც სარკე აქვს გასაყიდი. — რა ღირსო? — სამი მანეთიო. აიღო, მისცა სამი მანეთი და იყიდა სარკე. მოვიდა სახლში. — რა ჰქენიო, — უთხრა ქალმა. — გავყიდე და სარკე ვიყიდეო.

რას იზამდა ქალი. მესამე დღეს ისევ გაატანა შალი და გაისტუმრა ბაზარში. კაცმა კიდევ გაყიდა სამ მანეთად. აქ ერთი კაცი დადიოდა და იძახოდა: — ჭკუასა ვყიდიო. დაფიქრდა უხეირო, მოდი ამას ვიყიდიო. — კაცო, ჭკუა რა ღირს, როგორ ჰყიდიო? — სპირ მანეთიო. — უპასუხა. აიღო და მისცა სამი მანეთი. — აბა, რა არის

ჰკუთაო? — მან უთხრა: — ჰკუთა ის არის, რომ ცოლ-ქმრობისთანა გემო არაფერში არ არისო. მოვიდა ეს კაცი სახლში, მოეხვია ცოლს და მაშინ გაიგეს ცოლ-ქმრობა თუ რა იყო.

გაიგეს ცოლ-ქმრობა, იყვნენ როგორც წესია. ცხოვრობდნენ ასე: დადიოდა კაცი ბაზარში, მოჰქონდა საკმელი და ატარებდა დროს.

ერთხელ შეხვდა ერთი მოვაჭრე. რომელიც დადიოდა სავაჭროდ ძალიან შორს, სხვა სახელმწიფოებში. მოურიგდა იმას შეიღ თუმან ფულად და წაჰყვა მოჯამაგირედ. ცოლც დატოვა აქ. წავიდნენ და შიდიან. ერთ ცხენზე ვაჭარი ზის, მეორეზე — მოჯამაგირე.

მოვიდნენ ერთ ალაგას. პატრონმა იცის, რომ აქ უყვდავების წყალია. ვინც ჩადის, ველარ ამოდის. უთხრა მოჯამაგირეს: ჩადი, იქ წყაროა, ამოგვიტანეო. წავიდა ეს მოჯამაგირე, მიუტანეს წყლის ქურქელი. მივიდა და ნახა: ერთი წყაროა. იმ წყაროს იქით და აქეთ ერთი კაცი და დედაკაცი ზის, ბებრები. აავსო წყალი და უნდა წამოვიდეს, ამ დროს უთხრეს: სად მიხვალ, არ შეიძლება წყლის წაღებაო. ერთ სიტყვას გეტყვით, თუ ის აგვიხსენი, გაგატანთ, თუ არადა, ვერაო. ჰკითხეს: — ქვეყანაზე გემო რაშიაო? — აუხსნა პიკმა, რომ ცოლ-ქმრობაშია გემო. გაუხარდათ ამათ და გაუშვეს ბიჭი. მისცეს ორი ბროწეული საჩუქრად. ამოვიდა ბიჭი მალლა და ამოიტანა წყალი.

სანამ ის ამოვიდოდა, კიდევ მოვიდნენ ვაჭართან გამელელები და დაიწყეს ცდა. ამოვიდა ბიჭიც. გაუკვირდათ ძალიან: ეს რა ამბავია, აქედან ცოცხალი არავინ ამოდიოდა, ეს რა მოხდაო. დალიეს ის წყალი. ბიჭმა ერთი ბროწეული თავის ცოლს გაუგზავნა. ის ბროწეული ისეთი იყო, რომ ყველაფერი ქონება შეეძლო მიეცა ადამიანისათვის.

ქალმა იცოდა ბროწეულის ყადრი და მოიხმარა იმდენად, რომ ზევრი საქმე გააკეთა: დიდი შენობა ააშენა, მინდორში გუთნები გამართა, ხენა დაიწყო.

მოჯამაგირე და ვაჭარი კი თავიანთი გზით წავიდნენ. მოვიდნენ ერთ სახელმწიფოში და ვაჭრობენ. პატრონმა მოჯამაგირე შეიყვანა ერთ მდიდარ კაცთან. ბიჭს თავისი კატა თანა ჰყავდა და სარკვეც თანა ჰქონდა. სახლში-თაგეები ირეოდნენ და ცოცხით ერეკებოდნენ. კატა არ იყო იქ უთხრა მოჯამაგირემ: — ისეთი რამე რომ გავაჩინო. რომ ეს თაგეები მოგაშოროთ. რას მომცემთო? — აბა, რა გითხრა, რა გინდა, რომ მოგცე, ოღონდ ესენი მოგვაშორეო. ამოიყვანა კატა და გაუშვა. თაგეები დაფრთხნენ. მაშინ უთხრეს:—აბა, რა გინდაო?— იმ ბიჭს იმაზე მეტი მისცეს, რაც მისმა პატრონმა ივაჭრა. აუჯიღეს

ჯორ-აქლემზე და წავიდნენ. მოვიდნენ კიდევ სხვა სახელმწიფოში. შეიყვანა კიდევ ვაჟარმა თავისი მეგობრის სახლში.

აქ ნახა, რომ ქალებს ჯამში წყალი ჩაუსხამთ და შიგ იყურებიან. იმ მოჯამაგირემ უთხრა: — რას მომცემთო, რომ ისეთი რამე გამოვაჩინო, თქვენი სახე უკეთ დაინახოთო? — რა გინდა, მოგცეთო? — ისე ივაჟრა, რომ ჯორ-აქლემისათვის უნდა აეკიდა იმდენი, რაც მის პატრონსა ჰქონდა ნავაჟრი. აპკიდეს ჯორ-აქლემებს, წამოვიდნენ შინ. ვაჟარმა დავა დაუწყო — შენი აქ არაფერი არ არისო. აი, შენი შვილი თუმანი და ცარიელი უნდა წახვიდეო. იჩივლა ბიჭმა. ესე იყო, უამბო ბიჭმა მოსამართლეს ყველაფერი რაც მას თავს გადახდა. მოსამართლემ ბიჭი გაამართლა, მისცა თავისი ყველაფერი. გამოვიდა გახარებული ბიჭი და მოდის შინისკენ. იფიქრა კაცმა, მაშინ მოაგონდა, ამოდენა ქონება მომაქვსო და ტანისამოსი მაინც ჩაიცვაო. მივიდა, რაც ძვირფასი ტანისამოსი იყო, ჩაიცვა და გამორეკა ჯორ-აქლემები.

მივიდა ეს ბიჭი, სადაც ქოხი ეგულებოდა, ნახა და ეუცხოვა: გალავანია და დგას დიდი შენობები. უიმე, ცოლს უღალატნიაო, მაგრამ ცოლმა უკვე იცოდა, როდის მოვიდოდა და გაუღო ალაყაფის კარები.

მიეგებნენ მოსამსახურეები, ჩამოხადეს და აიტანეს ქონება. შევიდა ვაჟი, იკითხა: — ეს რა ამბავია, ეს რა აგიშენებიაო? — შენ რომ ბროწეული გამომიგზავნე, იმას ბევრი რამ შეეძლო გაეკეთებინაო. — მაშინ, ერთი კიდევ თანაც მოვიტანეო. — დაიწყეს ცხოვრება.

გამართეს კიდევ ბევრი გუთანი, მოჰყავთ ძალიან ბევრი მოსავალი. გავარდა ხმა, მავან ალაგას ერთი ქალია, რომელსაც იმდენი მოსავალი მოჰყავს, მთელ სახელმწიფოს ეყოფაო.

ამ დროს დაიმშა მისი მამის სახელმწიფო. გაგზავნა მან ვეზირები ამბის გასაგებად, პური აქვს თუ არაო. ქალმა უთხრა: — თავისი ურმებით და ჯარით თვითონ მოვიდეს მეფე მავან დროს და წაიღოსო. დანიშნულ ვადაზე რამდენიმე ურემი და დიდი ჯარი წავიდა. დაუხვდა ეს ქალი. გაუმართა კარგი სადილი. მამაც იქ არის, მაგრამ ვერა სცნობს, თუ ეს ქალი მისი შვილია, ქალმა კი იცნო მამა. როცა ისადილეს, ურემს დაუდეს, მეფემ გაგზავნა ურემები და ჯარიც წავიდა. მაშინ მეფეს უთხრა ქალმა: — პატარა ხანს აქა ბრძანდებოდეთო.

მეფე ცოტა შეფიქრდა, ეს რა ამბავია ჩემს თავსო, მაგრამ რა იქნებოდა, დარჩა. ჰკითხა ქალმა: — მეფევ, რა ამბავია რომ სახელმწიფო დაგიმშვევია, ცოდვა ხომ არაფერი ჩაგიდენიაო? უპასუ-

ხა: — შეილო, მე ცოდვა არაფერი ჩამიდენია, მხოლოდ ერთი ქალი. მყავდაო, კარგი მთხოვნელები თხოულობდნენ, მაგრამ არავინ შეირთო, ავდექი და ერთი ბეჩავი კაცი ვიშოვე და იმას მივეციო. მაშინ ქალმა უთხრა: — შენ მამა ხარ და მე შეილიო. და აი შენი სიძეო. გამოეცნაურნენ ერთმანეთს. კარგი ქეიფი გამართეს. ერთიორი ჩამი ღვინო მეც დამალევინეს და წამოვედი.

ზღაპარი საკვირველი ქალისა

იყო და არა იყო რა, ღვთის უკეთესი რა იქნებოდა. იყვნენ ცოლქმარი, ჰყავდათ ერთი ბიჭი. ეს ბიჭი გაიწვიეს ჭარში. როცა მოუვიდა ბიჭს დათხოვნის დრო, თქვა: ჩემს დედ-მამასთან ცარიელი როგორ მივიღე, მოდი, მოჯამაგირედ დაუდგები ვინმეს, ვიშოვი პატარა ფულს და ისე ჩავალ დედ-მამასთანაო. იარა, იარა. ერთ სოფელში ნახა მარტოხელა დედაბერი და უთხრა:—მოჯამაგირე ხომ არავინ სკირდებო? --- მოჯამაგირე მეც მინდა. თუ დამიდგები, ჩემთან წამოდიო. წაიყვანა ეს ბიჭი, მიიყვანა სახლში და უთხრა: შენი საქმე მხოლოდ ის იქნება, სახლიდან გამოიტანო ფული, გაამზეურო და ისევ სახლში შეიტანო. მისცა გასაღები, — მხოლოდ მეორე ოთახი არამც და არამც არ გააღო.

გათენდა დილა. გამოიტანა ფული ბიჭმა. წამოუწვა გვერდით და წევს მოსვენებით. ვნახოთ, ვილაყამ დაუძახა სახელი. წამოიწია ბიჭმა, მაგრამ არავინ არ არის. წამოწვა ისევ ჩვეულებრივ. ისევ განმეორდა დაძახილი. ადგა ბიჭი, შევიდა სახლში, იყურება აქეთ-იქით, მაგრამ არავინ არა ჩანს. გამოვიდა ისევ და წამოწვა. ისევ დაუძახა სახელი. მერე თქვა: — ბებერმა რომ მითხრა, ამ ოთახში არ შეხვიდეთ, იქნება იქ არის ვინმეო. გააღო კარები. შევიდა, მაგრამ არაფერი არ არის, ერთი მაგიდა დგას მარტო, ამ მაგიდაზე წყლით სავსე ლიტრა დგას. აიღო ეს ლიტრა, ატრიალებს ხელში, ვერაფერი ვერ შეამჩნია. გამოვიდა ისევ და დაწვა. დაუგდო ყური საიდან ეძახოდა. განმეორდა სწორედ იმ ოთახიდან სახელის დაძახება. შევიდა გაბრაზებული ამ ოთახში, აიღო წყლით სავსე ლიტრა და დააწყვიტა დაბლა. ლიტრიდან გამოვარდა ერთი ქალი. ამ ქალმა უთხრა: ჩქარა გავიქცეთ, თორემ იმ ბებერმა იცის და საცაა მოვაო. მე გავიქცევი, შენ უკან გამომეკიდე. ერთ ზღვასთან მივალთ, მე გადავფრინდები,

შენ აქეთ დარჩი. რომ მოვა და შეგეკითხება, რათ გაუშვიო, შენ უთხარი: ის ლიტრა ხელში მეჭირა, ვატრიალებდი, ჩამოვარდა და გატყდაო. ეს ქალი გამოვარდა და გაიქცა, გამოვეკიდე დასაქერად, მაგრამ ვერ დავეწიე-თქო. თუ გითხრას, რომ ისევე ჩემთან წამოდიო, აღარ გაპყვე. ამ ზღვის პირზე იტრიალე, ჩამოვივლი გემით ერთ სალამოს და წაგიყვანო.

გაექცა ეს ქალი და მისდევს ბიჭი. გაიხედეს უკან და მართლა მორბის ბებერი დედაკაცი. მივიდნენ ზღვასთან; ქალი გადაფრინდა, ბიჭი აქეთ დარჩა, მივიდა ბებერი დედაკაცი და უთხრა: — რათ გამოუშვიო? მე არ გითხარი ის ოთახი არამც და არამც არ გააღო-თქო. — მე რა ვიცოდი, ვილაყა მეძახდა. შემაწუხა. ავდექი და შევედი. ამ ლიტრას ხელში ვატრიალებდი, ხელიდან გამივარდა, გატყდა და ის ქალი გამოვარდა, გამოიქცა, მე დასაქერად გამოვეკიდე და ველარ დავეწიეო. ამ ბებერმა უთხრა: — ისევე წამოდი ჩემთანო. ბიჭმა უარი უთხრა: — იქ რაღა წამომიყვანსო. ადგა ეს ბებერი და მახლობლად ბატონი რომ ცხოვრობდა, იმას მოჭამაგირედ დაუყენა ბიჭი. ბებერმა იქ სხვა მოჭამაგირეებს მუხის რკო მისცა და უთხრა: ამ ბიჭს უთვალთვალეთ, როდესაც ზღვაზე გემი გამოჩნდეს, ეს რკო მიაღეთ და დაეძინებაო.

ბიჭი დადის ზღვის პირზე, როგორც ქალმა უთხრა. ერთ სალამოს გამოჩნდა გემი, მიადეს ეს მუხის რკო ამ ბიჭს და დაეძინა. ქალი გადმოხტა გემიდან, მივიდა, ამ ბიჭს აჭუნჭრუხებს, მაგრამ ვერასვსით ვერ გააღვიძა. ამ მოჭამაგირეებს ამბავი დაუტოვა: ხვალ სალამოს კიდევ ჩამოვივლი და აღარ დაიძინოსო. წავიდა ქალი. გამოეღვიძა ამ ბიჭს. ჰკითხა: მოვიდა ის ქალი თუ არაო?—მოვიდა, მაგრამ ვერ გააღვიძა და წავიდა ისევეაო. დაიბარა, ხვალ სალამოს კიდევ ჩამოვივლი და აღარ დაიძინო.

გათენდა მეორე დღილა. მოვიდა სალამო. გამოჩნდა გემი ზღვაზე. დაინახა ბიჭმა ეს გემი, ქალიც იყურება გემიდან და უცინის. მიეპარნენ მოჭამაგირეები, მიადეს ისევე მუხის რკო და დააძინეს. გადმოვიდა ქალი, მაგრამ ისევე ვერ გააღვიძა. დაუტოვა საბოლოოდ ამბავი. ხვალ სალამოსლა ჩამოვივლი, თუ კიდევ დაგეძინა, ველარა მნახავო.

მოვიდა მეორე სალამო. ისევე ისე ქალი იქიდან უცინის, ბიჭი აქედან. მაგრამ ისევე მიეპარნენ მოჭამაგირეები და დააძინეს ისევე. გადმოვიდა ქალი, ეწვალა, ეწვალა. მაგრამ ვერ გააღვიძა ვერასვსით. ბეჭედი დაუტოვა სახსოვრად. წავიდა ეს ქალი და გამოეღვიძა ბიჭსაც. ამ ბიჭმა უთხრა მოჭამაგირეებს: უეჭველად თქვენა მმტრობ-

დით, თორემ რატომ ახლა არ მეძინებაო. გამოეყიდა და სამივენი დახოცა. ადგა ეს ბიჭი და დადის ზღვის პირზე, უნდა გავიდეს ზღვის იქითა მხარეს. ერთი კაცი ნახა, ზღვაში ნავს უშვებს. მივიდა და უთხრა: — თუ შეიძლება, იქითა ნაპირზე გამიყვანე და რაც გინდა, ის გამომართვიო. ამ კაცმა მიუგო: — რალა უნდა გამოგართვა, მარტოკა მივდივარ და ერთად უფრო ხალისიანად ვიმგზავრებთო. გავიდა იქითა ნაპირზე ბიჭი. ჭამა პური და ისევ ისე დაიწყო მოჯამაგირის ადგილის ძებნა. ერთ ბატონს დაუდგა მოჯამაგირედ. ამ ბატონმა მებაღედ დასვა.

ბაღის გვერდზე ერთი ჩაბნელებული ტყე იყო. ბატონმა უთხრა: არამცა და არამც ამ ტყეში არ შეხვიდეო. ერთხელ ბიჭმა თქვა: ამ ბატონმა რომ მითხრა, არ შეხვიდე ტყეშიო, მოდი, შევალ და ვნახოთ რა იქნებაო. შევიდა ტყეში. ერთ დიდი ხის ძირას მივიდა. აიხედა მალლა და ხედავს მკვდარი ჰყილია. შემოჰკრა ხმალი ტოტს, ჩამოვარდა ძირს მკვდარი. მაგრამ ისევ ახტა და დაეკიდა ისევ ისე. ამ ბიჭმა რამდენჯერმე სცადა მკვდრის ჩამოგდება, მაგრამ ვერ დააყენა დაბლა. ბოლოს ამ მკვდარმა უთხრა: თუ ჩემი განთავისუფლება გინდა, აქ მოიცადე საღამომდის. საღამოზე სამი რაში ჩამოივლის, ერთი შავი, ერთი თეთრი და ერთიც წითელი. შავ რაშს შეაჯექი და თვათონ იცის, სადაც წაგიყვანსო. მართლაც მოიცადა საღამომდის ბიჭმა. ჩამოიარა სამმა რაშმა. დაიჭირა შავი რაში და შეჯდა. რაშმა წაიყვანა და ერთი შენობის ეზოში შეიყვანა. ამ შენობის კიბეზე ერთი ქალი იჯდა, ამ ქალმა უთხრა: თუ შენი თავის გადარჩენა გინდა, აქედან წადო. ეს სახლი დევებისაა, ისინი რომ მოვლენ, შეგკამენო. ბიჭმა არ გაუგონა. ჩამოვიდა რაშიდან, ავიდა მალლა კიბეზე და სვეტს ამოეფარა.

ვნახოთ, მოდის ერთი ცხრათავიანი დევი. რომ მიუახლოვდა დაჰყვირა ბიჭმა და გადმოაგდო მალლიდან, გადმოჰყვა თან და მოჰკრა ცხრავე თავი. ჩამოვიდა, შეაჯდა ისევ თავის რაშს და წამოვიდა. მეორე საღამოსაც ისევ იმ ხის ძირში მივიდა. ჩამოიარეს ახლა თეთრმა და წითელმა რაშებმა. დაიჭირა თეთრი რაში და შეჯდა. ამ რაშმა ისევ იმ სახლის ეზოში მიიყვანა. ის ქალი ისევ ისე ზის. ამ ქალმა უთხრა: ახლა ათთავიანი დევია, მას ველარ მოერევი და უეჭველად მოგკლავსო. ბიჭმა არ გაუგონა, ავიდა მალლა. დაუდარაჯდა. მოდის ათთავიანი დევი. დაჰყვირა ამ დევსაც, გადმოაგდო ისიც, გადმოჰყვა და მოსჰკრა ათივე თავი.

ამ ქალმა აჩუქა სახსოვრად ერთი ბეჭედი. მესამე საღამოს კვლავ ისევ იმ ხის ძირში მივიდა. ჩამოიარა ახლა წითელმა რაშმა. დაიჭირა,

შეჯდა, ამ რაშმაც ისევ იმ ეზოში მიიყვანა. ამ ქალმა უთხრა: ახლა თერთმეტთავიანი ღვეია და თან პირიდან ცეცხლსა ჰყრისო. მოდი, ტყუილად მას ნუ შეებრძოლებიო. ამ ბიჭმა არ გაუგონა, დაუდარაჯდა ამ ღვესაც. მოდის ღვეი, თან პირიდან სულ ცეცხლი გასდის. ბიჭი ცოტას შეფიქრიანდა, მაგრამ გული გაიმაგრა და დაუხვდა. მივიდა ღვეი, ამ ბიჭმა შემოუქნია ხმალი, მოაჭრა ორი თავი. გადმოხტა აივნისიდან და წამოეთარა კუნჭულს. ეს ღვეიც მისდევს თან. მივიდა თუ არა, ბიჭმა ხელმეორედ მოუქნია ხმალი, მოაჭრა კიდევ ორი თავი. შეიბნენ ახლა ბიჭი და ღვეი. ამ ღვემა მკლავზე წაუქიდა ცეცხლი ბიჭს. ქალმა რომ ეს დაინახა, გადმოხტა, დევს წყალი დაუსხა ფეხებში, ბიჭს კიდევ ლასტები დაუყარა. ამ ბიჭმა ასწია ღვეი, დასცა და ჩასვა გვერდამდის. მოაჭრა თავები. შეუხვია ამ ქალმა მკლავი და წამოვიდა. ღვეებთან ნაომარ ბიჭს დაღლილობამ რომ გაუაროს, სამი თვე ზედიზედ უნდა ეძინოს. აღგა ეს ქალი და შინ წავიდა. სახლში მამამ ჩხუბი დაუწყო. — რისთვის წამოხვედი იქიდან, გინდა, რომ ჩემი ოჯახი ააწიოკონ ღვეებმაო? — არა, მამი, ის ღვეები ერთმა ბიჭმა დახოცა, მე კიდევ წამოვედი იქედანო. — რას ამბობ, ქალო, იმ ღვეების დამხოცი ვინ იყოო? — აი, თუ არ გჭერა, აქედან გაიხედე და მოჩანან დახოცილებიო. დაიჭერა ქალის მამამ და თავი დაანება.

ერთხელ ამ ქალს მოენატრა ბაღში გასეირნება. შევიდა ბაღში და რასა ხედავს! იმ ბიჭს სწორედ იქა სძინავს. ქალს ძალიან გაუკვირდა, წამოვიდა თავის მამასთან და უთხრა: — მამი, ვინც ღვეები დახოცა, მას ჩვენს ბაღში სძინავსო. — რას ამბობ, ქალო, ვილაცა იქერილი დავაყენე და იმას როგორ შეეძლო იმათი დახოცვაო! — არა, მამი, მართლა გეუბნები, ჩემი ნიშნები სულ ზედა აქვს ისევ. სწორედ ის ბიჭია, იმ ღვედაკაცს რომ ვყავდი დაჭერილი, სწორედ იმან გამომიშვა და მანდაც მაგან გამანთავისუფლაო.

აღდა ბატონი, ჩაიარა ბაღში, მართლაც ის ბიჭი აღმოჩნდა. ბიჭი მძინარე წამოიყვანეს სახლში და დააწვინეს სუფთა ლოგინში. სამი თვის შემდეგ გამოეღვიძა. რა დაინახა, ბატონის სახლში იწვა, გაუკვირდა. ბატონმა უთხრა: — მე კი არა ვყოფილვარ ბატონი, შენა ყოფილხარ ბატონიო, ეს ჩემი ქალიც შენ და ეს ჩემი საცხოვრებელიცო. ბიჭმა მოიყვანა თავის ღვე-მამა და დაიწყეს ტკბილი ცხოვრება.

ელასა ზელასა, ჳიქა ჳეკიდა ყელასა,
მთქმელსა და გამგონებელსა ძილი გაამოთ ყველასა.

გველადქცეული მზეთუნახავი

იყო და არა იყო რა, იყო ერთი პატარა ბაღი. მას შრომა არ უყვარდა, პურის ჭამაში კი მაგარი იყო. ეს ბიჭი როცა გაიზარდა, ჯარში წაიყვანეს. ჯარში ის შესანიშნავი კაცი გახდა, სიყოჩაღით გაითქვა სახელი. ყველას შეუყვარდა. ტანადობით და შეხედულებითაც იმ სახელმწიფოში ყველას სჯობდა. ორი წლას მერე ძალიან მოუნდა მშობლების ნახვა და მეთაურს შეეხვეწა, სახლში დამითხოვეო. მეთაურებს ძალიან უყვარდათ და არ ეთმობოდათ, მაინც დაითხოვეს. ბიჭი შეჯდა შეკაზმულ ცხენზე და გაუდგა გზას. ერთხელ გზაზე დაუღამდა და ერთი უღრანი ტყე ჰქონდა გასაღვლეი. როცა გაიარა ეს ტყე, ნახა ერთი უზარმაზარი მინდორი და ტყის პირას შუალამისას ენთო დიდი ცეცხლი. იქ არაფერი ჩანდა სხვა, მაგრამ ცეცხლიდან მოისმოდა ქალის ხმა: მიშველეთ, მიშველეთ, მიშველეთ!

ბიჭი მივიდა ახლოს და დაუძახა: — როგორ გიშველო, შენ ცეცხლში ხარ, მე ნაპირზე და არცა სჩანხარო. — ამ დროს ცეცხლიდან გადმოხტა წითელი გველი და ბიჭს შემოეხვია, პირი კი ყელზე მიაღო და უთხრა: — დიდი ხანია შენ დაგეძებ და ძლივს გიპოვეო. ბიჭი გაუდგა გზას. გზის პირას შეხვდათ ერთი სახლი. გველი შემოეხსნა და უთხრა: — მიდი, ამ სახლში დაიძინე ამაღამ, დილაზე გამოდი და ისევ გაუღებებით გზასაო. ეს ბიჭი შევიდა სახლში, მაგრამ არ დაუძინია. ცოტა ხნის შემდეგ ბიჭმა იფიქრა, ახლა იმ გველს ან ეძინება, ან სხვაგან იქნება წასულიო და გავეპარებიო.

გამოვიდა გარეთ და გამოსწია. როგორც კი გზაზე გამოვიდა, გველი ეტაკა და ისევ შემოეხვია. — თუ დასვენება არ გინდა, ახლა მე გაჩვენებ სეირსაო, და გაუყენა გზას. მიაღწენენ ერთ მაღალ კოშკს. გველი შემოეხსნა ბიჭს და მზეთუნახავ ქალად იქცა. ამ კოშკში ორი სხვა ქალიც იყო, ნაგველარის დები. ქალმა ბიჭი აიყვანა კოშკში და მასზე დაინიშნა. ერთი კვირის შემდეგ ბიჭმა სთხოვა ცოლს. — დიდი ხანია მშობლები არ მინახავს, გამიშვი და ისევ მალე მოვალო. — ცოლმა უთხრა: — დაგიტხოვ, მხოლოდ აქედან ცოცხალი წახვალ და იქიდან მკვდარი მოხვალო. მისი ცოლი გულთმისანი იყო. ერთი ისეთი ხანჯალი გაატანა, რომ ვისზედაც ეტყოდა, თუნდაც მილიონობით ხალხი ყოფილიყო, ყველას თავებს დასჭირდა.

ეს ბიჭი შეჯდა ცხენზე, ხანჯალიც წაიღო და გაუდგა გზას. დაუღამდა ხელმწიფის სახლის ახლოს. მივიდა ხელმწიფის სახლში და

იმ ღამეს იქ დარჩა. ამ ხელმწიფეს ჰყავდა ერთი ღამაში ქალი. ამ ქალს უყვარდა სხვა სახელმწიფოს ხელმწიფის შვილი და იმ ბიქსაც უყვარდა ქალი, მხოლოდ ქალის მამა არ მოსწონდა სასიძო. მეორე დღეს ბიქი საომრად უნდა მოსულიყო თავისი ჯარით და ეს ქალი გაეტაცათ. ამ ქალის მამას ახლად მისული ბიქი მოეწონა სასიძოდ და უთხრა კიდევ: შენ ჩემი სიძე გახდი, თუ გავიმარჯვეო. ხელს სხვა მეფის შვილი მოდის ჩემი ქალის მოსატაცებლადო და ჩხუბს მიპირებსო. ბიქმა იმედი მისცა: — ნუ გეძიხია, მე მარტოკა ვეომებიო.

მართლაც, მეორე დღეს ამ სახელმწიფოს მოადგა დიდი ჯარი. ეს ბიქი მარტოკა გამოვიდა საბრძოლველად. უბრძანა თავის ხანჯალს: იმ ბიქის გარდა, რომელსაც ეს ქალი უყვარს, ყველას თავები დაქერიო. ხანჯალმა ასრულა დავალება. ხელმწიფის შვილი დაღონდა და სირცხვილისაგან აღარ იცოდა რა ექნა, ერთმა ბიქმა ამოღენა ჯარი როგორ დამიხოცაო. იმ ღამეს გამარჯვებული ქალთან დააწვიანეს, ქალი შეეხვეწა, მითხარი, ამოღენა ჯარი როგორ დახოცეო. ბიქმაც უთხრა ხანჯლის ამბავი. როცა ბიქს დაეძინა, ქალმა მოჰპარა ხანჯალი და დამარცხებულს წაუღო. მეორე დღეს დამარცხებულმა ბიქმა გამარჯვებულს ომი გამოუცხადა და იმ ხანჯლით მოკლა ეს ბიქი, თვითონ კი ზედსიძედ მივიდა. ამ ბიქის გვამი ჩადეს ხურჯინში, ცალ მხარეს ქვეები ჩააწყეს და ცხენს აკიდეს. ცხენმა მზეთუნახაეების კოშკში მიიტანა. ცოლმა ამოიღო ხურჯინიდან მკვდარი ქმარი და გააცოცლა. ახლა ბიქი შეეხვეწა ცოლს, ისეთ ცხენად მაქციე, რომ გულთმისანი ვიყო, ლაპარაკი ვეცოდე და კარგი მოსაწონიც ვიყოო. ცოლმა მართლაც აქცია გულთმისანი ცხენად.

ცხენი წავიდა იმ სახელმწიფოში, სადაც იგი მოკლეს. გავიდა ბაზარში, დაინახა ერთი გლახა, მივიდა ახლოს და უთხრა: — ბიქო, მოდი ჩემთანაო. — გლახამ გაიგო ცხენი დაველაპარაკაო, შეეშინდა და გაიქცა. ცხენი გამოეკიდა, დაიქირა და უთხრა: — შე, ბეჩაო, რას გარბიხარ, მოდი, შემაჯექი, მავან ხელმწიფეს მიმყიდე, ათას თუმნად დამაფასე და მოგცემენო. გლახამ მართლაც წაიყვანა ცხენი და თავის ხელმწიფეს მიჰყიდა ათას თუმნად. ეს ცხენი მეფემ დააბა გრილოში. ცხენი როცა იმ ქალს დაინახავდა, რომელმაც ხანჯალი მოჰპარა, სულ თვალეებში უყურებდა. ქალს შეეჯავრა ცხენი და უთხრა ქმარს, დავკლათო. მართლაც, გადაწყვიტეს ცხენის დაკვლა. აწა ჰყავდათ ათი წლის გოგო, რომელსაც ცხენი ძალიან უყვარდა, ეს ამბავი რომ გაიგო, მივიდა ცხენთან ტირილით და უთხრა: — ვაიმე. ჩემო ცხენო, დღეს უნდა დაგკლანო, — თან თვალეებზე ხელს უსვამდა.

ცხენმა ჰკითხა: — უნდა დამკლანო? — ქალმა ცხენის ლაპარაკი რომ გაიგო, შეეშინდა და უკან გადახტა. ცხენმა უთხრა: — როცა დამკლავენ, შენ ახლოს მოდი; შენსკენ ერთი წვეთი სისხლი გამოვარდება, აილე მიწიანად და თქვენს ბაღში დაძარხეო.

ცხენი დაკლეს და გოგო ისეც მოიქცა. რამდენიმე დღის შემდეგ სისხლდამარხულ ადგილას ამოვიდა ერთი დიდი ძარი ვაშლის ხე. იგი ზამთარ-ზაფხულ სულ მწიფე ნაყოფს ისხამდა. როცა ქალი ხესთან მივიდოდა, ის ხე ერთბაშად შეირყეოდა, ვაშლი ჩამოცვიოდა და ქალს თავში რახარუხს აუტეხლა. თუ ქალი ზედ ავიდოდა, მაშინვე ტოტები უტყდებოდა და დაბლა ვარდებოდა. ამ ქალმა ვაშლიც შეიძულა და ქმარს შეეხვეწა, მოვკრათო. პატარა გოგომ ესეც გაიგო, გაიქცა ვაშლთან ტირილით და უთხრა: — ვაიმე, ჩემო ვაშლო, უნდა მოვკრანო. ვაშლმა ჰკითხა: — უნდა მოვკრანო?

ქალს ვაშლის დალაპარაკებაზე შეეშინდა და უკან გადახტა. ვაშლმა უთხრა: — როცა მოვკრან, ერთი ნაფოტი შენსკენ გადმოვარდება, აილე და მაგათ აბანოში ჩააგდეო. როცა ვაშლი მოკრეს, გოგო ეგრეც მოიქცა: ნაფოტი აბანოში ჩააგდო. ნაფოტი ბატად იქცა. ცოლ-ქმარმა რომ დაინახეს ბატი, დაიხადეს ტანისამოსი, ის ხანჯალიც იქ დადეს, და შევიდნენ ბატის დასაქერად. ბატმა შორს გაიტყუა. მობრუნდა, თვითონ გამოვიდა ნაპირზე და ისეთ ბიჭად იქცა, როგორც წინათ იყო. ჩაიცვა ტანისამოსი, ხანჯალიც აიღო. დახოცა ცოლ-ქმარი და თვითონ წავიდა ცოლთან. მერე თავისი მშობლებიც იქ გადაიყვანა და იცხოვრეს ტყბილად.

ჭირი იქა, ლხინი აქა.

ქატო იქა, ფქვილი აქა.

ი ა ხ ა თ უ შ ი

იყო და არა იყო რა, იყო ერთი დედაკაცი; ჰყავდა რვა ვაჟი და ერთი ქალი. ქალი ძალიან ლამაზი იყო; რომ გაიცინებდა, სულ ია და ვარდი გაიშლებოდა. ძმებს ძალიან უყვარდათ და ააზიზებდნენ.

ეს ქალი, რამდენჯერაც წყალზე წავა, აუძღვება ერთი პატარა ჩიტი და შესძახის: — ქალო, შენს თავს ბალა ქალო, შენს თავს ბალაო! რომ გაუქირა საქმე, დედას უთხრა — რამდენჯერაც წყალზე წავალ, ერთი ჩიტი ამიძღვება და მეძახის: ქალო, შენს თავს ბა-

ლაო — ვაიმე, შვილო, — უთხრა დედამ, — ასე უთქვამს: შენს თავს ხათაბალაო!

გავიდა ხანი. ხალხი დღეობაში მიდის. ქალმაც მონინდომა წასვლა. ძმებს უთხრა, რვა ძმას ერთი და გყევართ და მეც გულის მურაზს არ მისრულებთო!

დედას უსაყვედურა. დედამ უთხრა: — შვილო, თუ გაჰყევი, აგერ შენი ძმები მიდიან და გაჰყევიო.

ძმები წავიდნენ, წაიყვანეს დაცა. ერთი ხილი ჰქონდათ გასავლელი. ძმები ერთად გავიდნენ, დაც უნდა გასულიყო, მაგრამ ამ დროს ერთი ციხე დაედგა თავზე. მოემწყვდა ქალი შიგა, არც კარი აქვს, არც ფანჯარა. ქალი ტირის, ტირის, სულ თვალებს ითხრის.

მივიდნენ შინ ძმები, უამბეს დედას, რაც დამართა მათ დასა.

ქალი რომ ტირის, ამ დროს ამოივლის ერთი ბებერი კაცი, გაიღება ციხის კარი, ხედავს ქალი ტირის. — რადა სტირი, შვილო, — ეტყვის ბერიკაცი, — რა ძალა დაგდგომია ისეთი?

ქალმა უამბო თავისი თავგადასავალი. — წამო, შვილო, ჩემთან, შვიდი ქალი მყავს, მერვე შენ მეყოლები, თუ მეტად არ მეყვარები, მათზე ნაკლებად ხომ არ გაგიფრთხილდებიო.

გაჰყვა ქალი. ამ კაცის ქალებიც, ეს კაცი და ამისი ცოლიც ისე უფრთხილდებიან ამ ქალსა, რომ ცივ ნიავს არ აკარებენ.

ერთხელ დედობილმა უთხრა: — მოდი, შვილო, ერთი თავი მომიხილეო. მოუხილა ქალმა თავი და ამ დედაკაცს ქალის კალთაში კი დაეძინა. ჰხედავს, თმაში ერთი გასაღები აწვს ჩატანებული. ქალი მუხლს გამოაცლის, მუთაქას დაუდებს, თვითონ გასაღებს წაიღებს, გააღებს დაკეტილ ოთახს და ერთი დევი კი შემოაჰყეტს თვალებს. ქალი უცებ გამოუხურავს კარებს და გასაღებს ისევ თმაში ჩაატანს დედობილსა.

ეს დედაკაცი როცა შევა ამ დევთან, დევი ეტყვის: — შენც ლამაზი და მეც, მაგრამ ია ხათუნისთანა კი არაუცნ იქნებოა.

ისეთია ეს დედაკაცი, სულ ნაღველი დაექცა. წამოვიდა, დაწვა, მოიავადმყოფა თავი. წევს და კვნესის. ეკითხებიან: რა გიშველისო. — მე სხვა არაფერი მიშველის, თუ ია ხათუნს დაჰკლავთ და იმის გულდიძლს მაჰმევეთ, მოერჩები, თუ არადა მოგკვდებიო. შეწუხდა ძალიან ეს კაცი. ძალიან უყვარს ია ხათუნი.

— აბა, როგორ დავკლათ, — ეუბნება ცოლს. — შვილად ავიყვანეთ. თავის დედ-მამასავით გვიცქერის, გვენდო და ახლა რომ დავკლათ, ხალხს რა ვუთხრათო!

წევს ეს დედაკაცი და კვნესის, ორი-სამი თვეა, აღარა დგება.

ძალიან რომ გაბეზრდა, ბერიკაცმა უთხრა მოჯამაგირეს: — წაიყვანე მინდორში ია ხათუნი დაკალ და გულ-ღვიძლი მომიტანეო.

წაიყვანა ბიჭმა ია ხათუნი. ბიჭს ერთი გოშია ჰყავდა, ის დაკალა, გულ-ღვიძლი ამოაცალა, ქალი გზაზე დააყენა და დალოცა, წადი და ღმერთმა გიშველოსო. მოუტანა ის გულ-ღვიძლი. ქამა თუ არა დედაკაცმა, მერცხალივით ზეზე წამოვარდა საღ-სალამათი.

ია ხათუნმა კი იარა, იარა და ერთ ადგილას ცხრა ძმა დევი მდგარა, მათ სახლთან მივიდა. რვა ძმა სანადიროდ ყოფილა წასული და შეცხრე კოჭლი ძმა კი სახლში დაუტოვებიათ.

მივიდა ია ხათუნი, დგას სახლის წინ და ტირის. გადმოიხედავს ეს დევი და გადმოსძახებს: — რა ხარ, რა სულიერი ხარ, ჩემი ძმების შიშით ცაში ფრინველს ვერ გადაუფრენია და დედამიწაზე ჰიან-ჰველასა, შენ კი მოსულხარ და მანდა დგახარო. — ესე-ესე არის ჩემი საქმე, — უთხრა ქალმა, — და ახლა შენ იცი, რასაც მიზამო.

ღევს ძალიან გაუხარდა: — მაინც ჩვენ ცხრა ძმას და არა გვეყავს, შენ და და მე ძმა. მოვლენ ჩემი ძმებაცა, დაგმალავ და მერე გამოგაჩენო.

დამალა ქალი. როცა მოვიდნენ ძმები, უთხრეს, ადამიანის სუნი შოგველისო. — თქვენ თვითონ მოგყვებოდით, — უთხრა ძმამ, — აქ ადამიანს რა უნდაო!

როცა ირმები მოხარშეს და პურის საჭმელად დასხდნენ, კოჭლმა ღვემა უთხრა ძმებს: — ცხრა ძმა ვართ და ერთი და არა გვეყავს. არ გინდათ, რომ გყავდეთო? — ბარემ გვინდა, მაგრამ, აბა, საიდან მოვიყვანოთო? — მაშინ გამოუჩინა ია ხათუნი ძმებსა. ყველას გაუხარდა. ამის შემდეგ ია ხათუნი იყო სახლში დიასახლისი და ყველაფერი იმას ეკითხებოდა; უვლიდა სახლს, აკეთებდა საჭმელს.

დედაკაცი რომ შევიდა ღვეთან, ღვემა ისევ უთხრა: — შენც ლამაზი ხარ და მეც, მაგრამ ცხრა ძმა ღევს რომ დად ია ხათუნი ჰყავთ, იმისთანა არავინ იქნებო! ისეთია ეს დედაკაცი, სულ ცოფებსა ჰყრის. მიუხტა ქმარსა: — აქი მოვაკვლევინეო, იძახოდი. ის ცხრა ძმა ღვეთანა ყოფილა! თუ არ წასულხარ და, რითაც იქნება და არ იქნება, აქ არ მოგიყვანია, ან არ მოწაჟლე, შენი ცოლობიდან ხელს ავიღებო. გაატანა ერთი კალათი სხვადასხვა წვრილმანი და ასე დააბარა: — უფროსი ქალი გავათხოვე და ქორწილში გვეწვიე-თქო. თუ არ გამოგყვეს, ეს წვრილმანი მიეცი, ესენი მაინცა გქონდეს-თქო.

აიღებს ბერიკაცი ჯოხს, წაიღებს ერთ კალათა წვრილმანს და წავა ცხრა ძმა ღვეებისაკენ. იმ დროს მივა, როცა ძმები სანადიროდ წასულან, მარტო ია ხათუნილაა შინა. დადგება ძირსა და ელის, როდის გამოვა კარზე.

როცა ქალი გამოვა, ის კაცი მიესალმება: — ია ხათუნო, შვილი-
ვით გვიყვარდი და განა ეგრე უნდა, რომ ჩვენსკენ ერთხელ აღარ შე-
მოიხედე. შენმა დედობილმა გამომგზავნა: უფროსი ქალი გავათხოვე
და ქორწილში მეწვიეო. — თუ ჩემი ყოფნა გინდოდათ ქორწილში,
მე იქ არ ვიყავი, რომ დაკვლა დამიპირეთო? ტყუილად გარჯილხარ,
მე იქ აღარ წამოვალო. — თუ არ წამოხვალ, შვილო, ე წვრილმანი
მანც აიტანე. — ყველაფერი ბევრი მაქვს, მე თქვენი არაფერი მინ-
და, — ჩამოსძახა ქალმა, — თუ გაქვს კევი ამომაწოდეო.

ჩამოუშვა თოკი, ასწია და აიტანა კევი. დაღეჭა და ჩაუვარდა ენა,
ისეთია, აღარაფერი აღარ ესმის.

მოვიდნენ ძმები. ნახეს, რაღა სანახავია ქალი! აღარც ენა აწეს,
აღარც გონება. ბევრი იმწუხრეს, ბევრი იტირეს, ბოლოს შეუტრეს
ერთი კიდობანი, ჩააწვინეს შიგ და მისცეს წყალსა.

ატარა წყალმა, ატარა და ერთ სახელმწიფოში მიიტანა.

იქაურ ხელმწიფის შვილს ცოლი უნდა შერთონ, ხელმწიფეს გა-
მოუცია ბრძანება: ვისაც გასათხოვარი ქალი გყავთ, ყველამ მოიყუ-
ნეთ, ჩემ შვილს უნდა ცოლი შეერთოო. ისეთია ეს ხალხი: მოდის
და მოდის! სულ თავებზე მტვრევაა, იქნება მე მომიწონოსო.

ამ დროს დაინახვენ, რომ წყალს კიდობანი მოაქვს, შეგზავნიან
მცურავეებს, გამოიტანენ ნაპირზე, ახდიან: ია ხათუნი უკვე გაჯანსა-
ლებულა, ისეთია კაცს თვალს მოსტაცებს: აბა, სხვა ვილა მოეწონე-
ბოდა. ხელმწიფის შვილმა დაიწერა ჯვარი ია ხათუნზე. ცხოვრობენ
ტკბილად და უღარდელად.

დედაკაცი რომ დევთან შევიდა, დევმა უთხრა: — ლამაზი ხარ,
მაგრამ ამა და ამ ხელმწიფის შვილს რომ ცოლად ია ხათუნი ჰყავს,
იმასთან კი ვერვინ მოვაო!

ოჰ, გაუსკდა გული დედაკაცს. დაეტაკა ქმარსა: — ეგ მეორედ
გაუშვი ის ქალი ცოცხალი! წადი და აუტეხე რამე, თორემ იცოდე,
ცოცხალი აღარ დამენახო!

წავიდა ეს კაცი. ბევრი იარა, თუ ცოტა იარა, მოვიდა ამ ქვეყანა-
ში, სადაც ია ხათუნია. ხელმწიფის შვილს სთხოვა, მებაღედ დაი-
ჭირეთო.

ია ხათუნმა უთხრა: — ნუ გინდა, გაანებე თავი, თორემ ინანებო!
არ დაიშალა ხელმწიფის შვილმა: მაგან რა უნდა გვიყოსო!

იარა ამ ბერიკაცმა, იმდენი მოახერხა, რომ ხელზე მოსამსახურედ
შეეპარა.

ერთხელ ხელმწიფის შვილი სხვაგან იყო სტუმრად; ია ხათუნი
დაწვა და ოქროსქოჩრიანი ვაეი ეყოლა. ამ ბერიკაცმა როცა დრო

იპოვა, შევიდა, გამოსჭრა ყელი დედა-შვილს და ერთ წყალში გადა-
ყარა. მოიყვანა თავისი უფროსი ქალი და დააწვინა ლოგინში.

ია ხათუნი წყალში ოქროს თევზად იქცა. ისეთია ქალი მზესავით
ანათებს. . .

ხელმწიფის შვილი დაბრუნებულა და სწორედ ამ წყალზე გამო-
იარა. ეს ოქროს თევზი სულ ზედ ახტება. დაიჭირა და წამოიყვანა
სახლში.

ხელმწიფის შვილი სულ ზედ დაჰკანკალებს ამ თევზს. გაუკეთა-
აუზი, გაუშვა შიგ და დღე და ღამე აღარა შორდება. ეს ქალი კი გოგო-
სავით გამოიყურება ლოგინიდან. გახდა ავად. თუ მაგ თევზს დაჰ-
კლავთ და მაჰმეფთ, მოვრჩები, თუ არადა, მოვკვდებიო! რას იზამს
ხელმწიფის შვილი? თუმცა არ ემეტება, მაგრამ დედ-მამას ხათრს
არ უტეხს. ისე აკრიფეთ ფხები, რომ ერთიც არსად არ გადაგივარ-
დეთო, — ბრძანა ქალმა.

დაკლეს და მოუხარშეს. მოაგროვეს ფხებიც, მაგრამ ერთი ფხა
მანც გაჰყვა ნაგავსა. ამ ფხაზე ისეთი ალვის ხე ამოვიდა, წვერი-
თ-ცასა სწვდება. ეს ხელმწიფის შვილი დღეც იმის ქვეშ არის და ღა-
მეც. ჩამოუშვებს ეს ალვის ხე ტოტებს, ქვეშაც ეშლება და ზევდა-
ნაც ეხურება.

გახდა ეს ქალი ავად. აიხირა, თუ მაგ ალვის ხეს მოსჭრით და მა-
გის ნაფოტს ისე აჰკრეფთ, რომ ერთი არსად გადავარდეს, მოვრჩე-
ბი, თუ არადა მოვკვდებიო!

მეტი რა ღონე იყო! მოსჭრეს, მაგრამ ერთი ნაფოტი ერთი ბებ-
რის ეზოში გადავარდა. ბებერი ამ ნაფოტს გადააბრუნებს, აკოცებს,
გადმოაბრუნებს, აკოცებს. ეს ბებერი რომ წავა, ეს ნაფოტი ქალად
იქცევა, დაგვის, დარეცხავს, დაწმენდს, შეადგამს შეჰამანდს, იქცევა
ისევ ნაფოტად და დაეხურება ქოთანს.

ბებერს უკვირს: არ იცის, ვინ უვლის სახლსა! მეზობლებში ამ-
ბობს: ესეა ესე ჩემ თავს და არ ვიცი, ვინ შემოდიხართ, ვინ უვლით
ჩემ სახლსაო. — უდარაჯე და ნახავ, ვინც არისო, — უთხრეს მე-
ზობლებმა.

მართლაც გამოვიდა ერთხელ ბებერი, ვითომ სხვაგან მიდის და
იქვე კი დაიშალა. ამ ნაფოტმა რომ იფიქრა, ახლა კი წავიდა ბებე-
რიო, გადმოხტა, იქცა ქალად, დატრიალდა, ყველაფერი ხელად გა-
აკეთა და რომ ისევ ნაფოტად უნდა ექცეულიყო, შემოასწრო ბებერ-
მაც, მე დედა და შენ — შვილიო!

გაუხარდა ამ ბებერს და სულ თავს დასტრიალებს. უამბო ია ხა-
თუნმა თავისი თავგადასავალი ბებერსა. ბებერმა უთხრა: — ხელ-

შწიფის შვილი დაეპატიეთ, შვილოო! — არა, დედი, ის არ გვიკადრებს, არ მოვა. ისევ ერთ წამალს გავაკეთებ, წადი, მის ცხენებს გადააყარე; ისეთი ჭირი გაუჩნდებათ, რომ ჩვენს მეტმა ვერავინ მოარჩინოსო. — მართლაც, მისცა წამალი. წაიღო ამ ბებერმა და გადააყარა ცხენებს.

გაუჩნდათ ცხენებს ჭირი. მივიდა ბებერი ხელმწიფესთან, მოახსენა, მე მყავს ერთი ქალი და ის მოარჩენსო. წაუყვანეს ქალს ცხენები. გადააყარა წამალი და, როგორებიც წინათ იყვნენ, ხელად ისეთებივე გახდნენ.

გაუხარდა ძალიან ხელმწიფის შვილს. რა მოგცე, — ეკითხება ბებერს, — რით დაგასაჩუქრო?

ბებერმა უთხრა: — მე არაფერი არ მინდა, ჩვენსა წამობრძანდი და ჩემს ქალს მადლობა მოაჩვენე, იმან მოგირჩინაო.

მოვიდა ხელმწიფის შვილი ბებერთან. ხედავს ია ხათუნი იქ არის. გადაეხვივნენ ერთმანეთს. ქალმა უამბო ყველაფერი, რაც თავს გადახდა.

ხელმწიფის შვილმა ის კაცი და მისი ცოლი ცხენის ძუაზე გამოაბმევიანა და ისე დააგლეჯინა. ია ხათუნზე ხელმეორედ დაიწერა ჭვარი და გაბედნიერდნენ.

კოჭლი კამეჩი

ერთი კაცი იყო, ჰყავდა ქალ-ვაჟი. ცოლი რომ მოუკვდა, მეორე ცოლი მოიყვანა. დედინაცვალმა ისე შეიძულა ეს ბავშვები, რომ თვალის დასანახავად ეჯავრებოდა. დედინაცვლის ყოველივე ბრძანებას რიგიანად ასრულებდნენ, მაგრამ დედინაცვლის გული მაინც ვერ მოიგეს ბავშვებმა. ყოველთვის სახიფათო გზაზე აგზავნიდა.

გარეკავდა ღორს, შორს გარეკავდა ეს ქალი, წყალს გაღმა, ან ძროხებს ტყეში და მთაში არეკავდა. მათ საძებნელად საღამოჟამს ბავშვებს აგზავნიდა. ტყე-ღრეში უნდა ეძებნათ საქონელი. ამისთანა განსაცდელში ავღებდა დედინაცვალი გერებს.

მაგრამ ბავშვებისდა ბედად იმ კაცსა ჰყავდა ერთი კოჭლი კამეჩი და ერთი მკე ძაღლი. ეს ქალი საღამოზე ბავშვებს რომ უბრძანებდა, მონახეთ საქონელიო და ბავშვები ტირილით წავიდოდნენ, ეს კამეჩი და ეს ძაღლი უკან გაჰყვებოდნენ ბავშვებს, იცავდნენ ყო-

ველგვარი ნადირისაგან. ბავშვებს ზურგზე დაისვამდა კამეჩი და ისე აძებნიებდა საქონელს. დედინაცვალი იმ აზრით გარეკავდა შორს საქონელს, და გზა-კვალს დაუბნევდა, რომ იმის ძებნაში ბავშვები ნადირს შეექამა, მაგრამ მათ იცავდნენ კოქლი კამეჩი და მაკე ძაღლი.

როდესაც დედაკაცი სცემდა ბავშვებს, მაშინ კამეჩი ისე ძლიერად დაეჯახებოდა სახლს, დედაკაცი იფიქრებდა: ეს არის სახლი თავზე დამენგრაო ამის შემხედვარე მეზობლები იტყოდნენ: ამ ბავშვების დედის სული ამ კამეჩზეა გადასულიო. ეს კამეჩი რომ არ იყოს, ამ ბავშვებს ამ დრომდე ან ნადირი შესჭამდა, ანდა ეს დედაკაცი დახოცავდაო.

დედაკაცს არაფერი არ გაუვიდა — ხელს უშლის კამეჩი, მაგრამ ბოლოს სხვა ხერხს მიმართა: ერთხელ სამუშაოდან დაბრუნებულ ქმარს ძლიერ შექარვებული ავადმყოფი დაუხვდა. — რა დაგემაართა? — ქმარმა უთხრა, — რა ამბავიაო? — შე ავდა ვარო. მარჩიელი მოვიყვანეო. მარჩიელი მეუბნება: თუკი შენი კამეჩის გულ-ღვიძლი არა სჭამე, უექველად მოკვდებიო.

ქმარს თავზარი დაეცა, თავში ხელი წაიშინა. განა კამეჩს შეეღევა დასაკლავად? მთელი ოჯახის მარჩენალი, თავის ბავშვების გამზრდელი და დამცველი! ეს როგორ შეიძლებაო! ამ კამეჩის მოშორებით ხომ დაიღუპა ჩემი ოჯახიო.

ქალს უარი უთხრა ამის დაკვლაზე: სხვა რამე გამოსავალი ვნახოთო. — არანაირი გამოსავალი არ არის, უნდა მოკვდეთო! შენ ჩემი სიკვდილი გდომებიო, — უთხრა ცოლმა ქმარს.

მარჩიელი დაიბარა ქალმა და ასე დაარაგა: უთხარი ჩემს ქმარს, თუკი კამეჩის გულ-ღვიძლი არ აჭამე შენ ცოლსა, მოკვდება-თქო. მარჩიელი მიდის ქმართან და ეუბნება: — შენ რა კაცი ყოფილხარ, ერთი ცოლი მოკვდომია უპატრონობით, ახლა ესეც უნდა მოჰკლა უპატრონოდო? ერთი კამეჩი არ გაგიმეტებია ქალის მოსარჩენადო! ეს ქალი მოგიკვდება, თუკი კამეჩის გულ-ღვიძლი არ აჭამეო.

კაცმა იფიქრა: დიდ უბედურებას წარმოადგენს მისი ოჯახისათვის ამ კამეჩის მოშორება, მაგრამ რა ქნას თუკი ცოლი მოუკვდება უიმისოდ! არჩია დაკლას კამეჩი.

ერთ საღამოს დაუძაბა მეზობელს: — თუ ძმა ხარ, დამეხმარე, კამეჩი უნდა დაველაო.

მეზობელს გაუკვირდა: — კაცო, ხომ არ გადარეულხარ; ასეთი სასარგებლო საქონელი უნდა გაიმეტოს კაცმაო? — რა ვქნა, ძმაო, მეც კი ვიცი, რომ ვიღუპები, მაგრამ ცოლი მიკვდებაო. მარჩიელი

მეუბნება, მისი გულ-ღვიძლი უნდა აჭამო, თორემ არაფერი არ ეშველება შენა ცოლსაო, — კარგი მოგეხმარები ხვალ დილასო. — კაცმა გაპოიტანა დიდი დანა, გალესა ქვაზე. მიაყუდა იქვე. ეშხადება დილისათვის კამეჩის დასაკლავად.

იმ ღამეს დაიძინა ყველამ. ბავშვებმა არაფერი არ იცოდნენ, კამეჩს დაკვლას რომ უპირებდნენ. ღრმა ძილში რომ იყვნენ, გამოაღვიძა რალაცამ, ადგნენ და გარეთ გამოვიდნენ. იმავე ხმამ ბავშვებს დაუძახა: შეაჩქეით კამეჩს, აიღეთ ეს დანა, ძალლი წაიყვანეთ, სადაც კამეჩმა წაგიყვანოთ, თქვენც იმას მიჰყევითო.

ბავშვები დაასხდნენ კამეჩს. კამეჩი გაიქცა. ძალლი მას გაჰყვა. გაიტაცა ბავშვები, გათენებამდე ორი რიგი მთა გადაირბინა.

მეორე დღეს მთელი დღე მიდიოდა კამეჩი.

სალამო ჟამზე გაჩერდნენ ერთ ტყეში. კამეჩი დაწვა და ძალლიც მიუწვა. იმავე ხმამ დაუძახა ბავშვებს: — გამოსტყერით კამეჩს ყელა, გაატყავეთ, ასო-ასო დატყერით, დააწყვეთ მინდორზე, შუაში თქვენ ჩაჩქეით, ზედ ტყავი დაიხურეთო! ბავშვებმა ეს რომ გააგონეს, ტირილი მორთეს. ამ უადამიანო ადგილას ერთადერთ იმედად კამეჩი ჰყავთ. კამეჩს კისერზე შემოეხვივნენ. უამისოდ ჩვენი სიცოცხლე არ იქნებაო, ცხარე ცრემლს აყრიან. ამ ღროს კამეჩიც გაიშხლართა. მისი მუცლიდან ხმა მოესმათ: ჩქარა გამოსტყერით ყელი, თორემ მხეცები დაგჭამთო.

აიღო ვაჟმა დანა, გაუსვა კამეჩს ყელზე და თავი მოაჭრა. გათატრა, გაატყავა როგორც იყო, დაქრეს, დააწყვეს ხორცი, თვითონ ჩასხდნენ შუაში, დაიხურეს ზედ კამეჩის ტყავი და მიეძინათ იქვე.

გათენდა მეორე დილა. ისეთი ციხე-სასაზღვე აშენებულა, რომ თვალით უნახავი. ძვირფას ქვეშაგებში სძინავს ორივეს. ეზოს ქვიზ გალავანი არტყია. ერთი ძლივს გასაღები ქვის კარი ჰკილია. შიგ სახლში აუარება სიმდიდრე ყრია. კანაღამ ჰკუა დაკარგა ორივე დამამ, ეს სანახავი რომ ნახეს. უხარიათ, რომ ამდენი სიმდიდრის პატრონი გახდნენ. უხარიათ, მით უფრო დედინაცვლის მოშორება.

ცხოვრობენ. გოგო დიდი გახდა, დაქალდა. ვაჟი დავაყვაცდა, მშვილდ-ისარი გაიკეთა. ძალლი რომ მიჰყავდათ, მან ოთხი ლეკვი დაყარა. ერთგული, ჰკვიანი ძაღლები გამოზარდა. სანადიროდ დაჰყავდა. ძაღლები იცავენ ამ ყმაწვილებს ყოველივე განსაცდელისაგან. ნადირს ხოცავს ეს ვაჟი. მოაქვს სახლში. ისე უყვარს თავისი და, ზედ დაჰკანკალებს. ძაღლებიც ძალიან უყვარს.

ვაჟი ყოველთვის დადის სანადიროდ. ქალი მარტო რჩება სახლ-

ში. მოწყენასა გრძნობს. ერთ დღეს გაიარ-გამოიარა ეზოში. იფიქრა: მოდი, ერთი კარი გავალო და ეზოს გარეთ გავიდეო!

გაალო კარი და გავიდა ეზოს გარეთ. ნახა, რომ სულ ტყეა, იქით-აქით; მეორე მხარეს გაიხედა, ახალგაზრდა ტყის კაცი დგას და უყურებს, უყურებს, უცინის. დიდი ხანი გასულა, ადამიანის შავგვისი არაფერი არ უნახავს. ახლა ამ კაცის ნახვა გაუკვირდა. თან შიშსა გრძნობს და თან უკვირს. შევარდა ჭიშკარში, თავის ეზოში. კარი მოიხურა.

მეორე დღეს კიდევ გაიარ-გამოიარა ეზოში. მოდი, ერთი ვნახო, ვინ იყო ის კაცი, გუშინ რომ ვნახე, ეგება ვნახო დღესაცო! გაიწრა გარეთ. გაალო კარი და გავიდა. გაიხედა ქალმა და იქვე დაუხედა ეს კაცი. ქალი გუშინდელივით კი არ 'გეინებაულა. მიუახლოვდა კაცი. ქალი გაუჩერდა, მოჰკიდა ხელი. ქალს არ უწინააღმდეგებია. შეიყვანა ეზოში და შეიყვარეს ერთმანეთი. ტყის კაცმა და ქალმა საღამომოდეს ითამაშეს. საღამოს ქალმა გაულო კარი და გაუშვა: ჩემი ძმა მოვა და მოგკლავსო.

კაცსაც სწორედ იმ ძმის ეშინოდა, თორემ ამ ქალს დიდი ხანია უთვალთვალებდა. ძმა საღამოს დაბრუნდა ნადირობიდან ძაღლებით და რაღაცა ფერნაკრთობი ნახა: არ მიეგება როგორც სხვა დროს. მივარდა დას. დაუწყო კოცნა. — რა დაგემართა, გენაცვალე. ავად ზომ არ ხარო? დამ უთხრა: — არაფერიო, ცოტა თავი მეტკინა შენს ლოდინშიო.

მეორე დღეს ჩვეულებრივ სანადიროდ წავიდა ვაჟი თავისი ძაღლებით. ადგა ქალი მაშინვე, გაულო კარი ტყის კაცს, შეჰოიყვანა ეზოში, გააბეს თამაში. კაცი ეუბნება: — შენი ძმის რომ არ მეშინოდეს, მუდამ შენთან ვიქნებიო. ქალმაც ასევე უთხრა: — ჩემი ძმის რომ არ მეშინოდეს და მისი ძაღლებისა, შენ ყოველდღე ჩემთან იქნებიო. კაცმა უთხრა: — მოიგონე რამე და გაგზავნე შენი ძმა სადმე შორს, რომ ერთი კვირა არ მოვიდესო. ქალმა მიუგო: — კარგიო.

საღამო ეამი რომ დადგა, გაულო კარი და გაუშვა ტყის კაცი ტყეში. თვითონ გაიხადა ტანზე და დაწვა ლოგინში.

მოვიდა საღამოზე ძმა თავისი ძაღლებით და დიდი ნანადირევი მოიტანა. — უიმე, დაო! ეს რა დაგმართინა? ავად ხარო?

ქალმა დიდი შეწუხებით მუგო: — ძალიან ცუდადა ვარ, ძმაო, შეიძლება მოვკვდეო, — შეაშინა ძმა. იგი შეშინებული იძახის: — ეპ, რაღა ვქნა ახლა! რა მოგიხდება, ნეტავიო.

დამ უთხრა: — ეხ. წამალი ვიცი, ძმაო, მაგრამ შორს არის ძალიან და ვერ გაგზავნი მოსატანადო.

ძმამ მიუგო: — დაო, ოღონდ თქვი რა მოგიხდება და მე და ჩემი ძაღლები არაფერს არ დავტოვებთ, არც ექვსკნელში და არც ჰაერშიო.

ღამ უთხრა: — შავსა და თეთრ მთას შუა ცხოვრობს დედალ-მამალი დათვი. მამალი დათვის გულ-ღვიძლი თუ ეკვამე, — შეიძლება მოვრჩეო, თუ არადა ჩემი მორჩენა შეუძლებელიაო. — დაუძახა ძაღლებს, გადაიკიდა მშვილდ-ისარი და გაუდგა გზას.

ქალმა გაიხედა, ჭიშკარში როგორც გადავიდა თუ არა, ადგა მანინვე, გააღო კარი. იქვე დაუხვდა ტყის კაცი. შემოიყვანა. მთელი ერთი კვირა სულ თამაშობასა და განცხრომაში იყვნენ. ქალი ეუბნებოდა: ნეტავი სულ არ მოვიდოდეს ჩემი ძმაო.

მიდის ძმა ძალიან დაღონებული, ცრემლები ადგება თვალზე: ვაითუ ჩემ დას ვერ მივუსწრო და მოკვდეს ჩემს მისვლამდისო.

ამ ფიქრში რომ არის, რაღაც სტვენა მოესმა. გაიხედა, ნახა სერზე გადმომდგარი მშვენიერი ახალგაზრდა ქალი. მისკენ მიიხედა ვაჟმა თუ არა, ქალმა ხელი დაუქნია, მივიდა ვაჟი. თვალს ვერ უსწორებს ამ ქალის სილამაზეს. ვაჟკაცმა დაიწყო ლელვა, უნდა რამე სასიყვარულო სიტყვა უთხრას. ქალმა უკვე შეამჩნია ესა და სიტყვა გააწყვეტინა. — სად მიდიხარო? — ჰკითხა. ვაჟი თავის გაჭირვების ამბავს მოუყვა. ქალმა უთხრა: — შენი და სტყუისო; ის არ არას ავად. იმას უყვარს ტყის კაცი. ახლა იგი მასთან დროს ატარებსო. შენ გაგაგზავნეს დათვებთან საბრძოლველადო. ეს იმიტომ მოიგონა შენმა დამ, რომ შენ უნდა თავიდან მოგიშოროსო. დაბრუნდი ამ წუთში, აკაფე შენი დაც და ის ტყის კაციც, ორივე შენი მოლაღობები არიანო.

ხანჯალი მისცა ხელში. ვაჟს გული მოუვიდა ამ სიტყვებზე. — შენ ვის უბედავ მოტყუებასო! შენ სტყუი, ვილაცა ხარ, ჩემი და მაგას არ მიზამდა. ჩემი და ავად არისო. მე წამლისთვის გამგზავნაო დამივეუტან კიდევაცო.

ქალმა არწმუნა ბევრი, მაგრამ ვაჟმა არ დაიჭერა არას დიდებით და განაგრძო გზა. ქალს ძალიან შეებრაღა ვაჟი. დაუძახა მიმავალს: — მობრუნდი კიდევ უნდა გითხრა რამეო. თუ არ დაგიშლია და მიდიხარ მაინც და მაინც, წაიღე ეს ხანჯალი და წაიყვანე ეს ჩემი ძაღლები, შენ ძაღლებს მიუმატეო.

ვაჟმა ეს სიტყვა გაუგონა: გაბრუნდა და აიღო ხანჯალი, ძაღლებიც გამოარტყვა.

რაკი არ დაიშალა ვაჟმა იქ წასვლა, ქალმა იცოდა აუცილებლად

დაიღუპებოდა თეთრი და წითელ მთის შუა დათევბთან ბრძოლაში და იმიტომ გაატანა ხანჯალი და ორი ძაღლი, რომ არ დაღუპულიყო ვაჟი.

იგი გაუდგა გზას, წავიდა. სამი დღის სიარულის შემდეგ მიაღწია დათევბის ბუნავს. დაუწყო ბრძოლა დათევბს. თუმცა ძალიან გაუჭირდა, მაგრამ ძაღლების სიმრავლით და თავის სიმარჯვით დათვი მაინც მოკლა. გაფატრა, ამოიღო გულ-ღვიძლი. მთლად სისხლით მოსვრილი წაპოვიდა შინ. ნაცნობი ქალი კვლავ გზაზე დაუხვდა. ქალმა სახლში შეიპატიჟა ვაჟი. ის არ წაჰყვა, ქალს ხანჯალი და ძაღლები გადასცა. მადლობა გადაუხადა დანმარებისთვის და წავიდა.

სახლში მივიდა. და ისევ დაწოლილი დახვდა. მიუტანა დათვის გულ-ღვიძლი, და აქამა. ძმა არ მოშორებია ერთი კვირა დას. და სულ მუდამ დაღვრემილი იყო. ძმა არაფერს არ ამჩნევდა.

მეორე კვირას წავიდა სანადიროდ. ჩვეულებრივ მოვიდა ტყის კაცი ქალთან. ალერსის შემდეგ დაიწყეს სჯა. რა ვუყოთ ამ ყმაწვილსო? ტყის კაცმა უთხრა: — მე მოგიტან ერთი შულო აბრეშუმის ძაფს. შენ გამოსცადე ღონე მაგისიო. ქალმა თქვა: — კაი. მომიტანეო! — წავიდა ტყის კაცი და მოიტანა ერთი შულო აბრეშუმის ძაფი და დაარიგა, როგორ უნდა მოქცეულიყო. და ერთხელ მოწყენილი დაუხვდა, მიზეზი ჰკითხა ვაჟმა ჩვეულებრივ: — რა ამბავიაო? ავად ხომ არა ხარ კიდევო? — ავად კი არა ვარ, მაგრამ ძალიან მოწყენილი ვარ, ძალიან დაფიქრებული ვარ შენზეო. — რატომ გენაცვალეო? — რატომ და ტყე-ღრეში დადიხარ. ვინ იცისო, რა ნადირი შეგხვდება. არც კი ვიცი, რა ღონის პატრონი ხარო. ეგება რამე ნადირმა წაგახდინოსო ამისთვის მინდა გავიგო შენი ღონეო.

მაშინ მოიტანა ძაფი. გადააცვა ვაჟს ტანზე და უთხრა: — გასწავამოსწიეო ეს თუ გაწყვიტე, მაშინ დარწმუნებული ვიქნები, რომ შენ დიდი ღონის პატრონი ხარ, გული მშვიდად მექნებო. ვაჟმა გაიქნია მხრები, ხელები. ძაფის ერთი წვერიც ვერ გაწყვიტა. ეწევა აქით-იქით, წვალობს ვაჟი, ძაფი დაიბლანდა, — ტანზე შემოეხვია. თავის განთავისუფლების მაგიერ გაება ძაფებში, გაიხლართა.

ამ დროს კუთხეში დამალული ტყის კაცი გამოვიდა. უძლურად რომ დაინახა ეს ვაჟი, დავლო ხელი, — უნდა დაახრჩოს. სწორედ მაშინ შემოანგრეის კარი ძაღლებმა, დაეხვივნენ ტყის კაცს, ნაფლეთებად აქციეს. ტყის კაცმა ძლივს დააღწია თავი ძაღლებს.

ამ დროს და შემოვარდა ტირილით; ეგ რა დაგმართნია, ძმაო? — იყვირა მან და ძაფებიდან გამოხსნა ვაჟი.

ძაღლები მივიდნენ და მუხლებთან დაუწვნენ ვაჟს, შემოუწვნენ ვაჟს. — ეს ყველაფერი კარგით, მაგრამ ეს კაცი ვინ იყო, აჲ რომ დამეცა თავს შეკრულ კაცსაო? — მე რა ვიცი, შენი ჭირიშე, ვინ იყო, — უთხრა ვაჟს, — ამიტომ გეუბნებოდი, ტყე არის და ტყეში საფრთხე ბევრიაო.

ვაჟს რაღაცამ უკბინა გულზე. მოაგონდა იმ ქალის ნათქვამი. მაგრამ უცბად გაფანტა ეს ფიქრები: ღრმად არის დარწმუნებული დის ერთგულებაში. ტყის კაცი სამი თვე არ გამოჩენილა. სამი თვის მერე ერთ დღეს მივიდა ქალთან და უთხრა: — ძაღლებს რამე უნდა მოეუხერხოთო. ისეთი ჭავრი მჭირს შენი ძმის, ძაღლები რომ არ ჰყავდეს, კბილით შევკამო. ასწავლა ქალსა: — გახდი ავად. შენი ძმა მიზეზს რომ გკითხავს, შენ უთხარი შენი ავადმყოფობაო. ის ჩვეულებრივ წამლის ძებნას დაიწყებსო. მაშინ მე გასწავლი, სად უნდა გააგზავნოო და ასწავლა კიდევ.

ერთ მშვენიერ დღეს სანადიროდან დაბრუნებულ ძმას დახვდა გაჭირვებული ავადმყოფი და. — რა ამბავია, გენაცვალე, რა დაგემართა, რაშია საქმე, რა მოგარჩენსო? — ეპ, ძმაო, მე უნდა მოვეკდე, მეტი გზა არ არისო. — რა მოგარჩენსო? — ჰკითხა ძმამ.

ქალმა უთხრა: — მე რომ მომარჩენს ის ძალიან შორს არისო და რომ გითხრა, შენ წასვლას მოინდომებ, მე კი არ მინდა შენი წასვლა, ვინ იცის, რა შეგემთხვევაო.

ძმა არ მოეშვა. ქალმა უთხრა, სამხრეთის მხარეს არის ერთი დიდი მთაო. ის მთა ყოველ ორ საათში იღება და იკეტებაო. როცა გაიღება, მაშინ ნახავ მშვენიერ ბაღს. მთა ბრუნავს. იჲ აბია ერთი მწვანე ყურძენი. ის ყურძენი თუ მიშველის, თუ არადა, ჩემი მორჩენა შეუძლებელიაო.

ძმამ უთხრა: — რაც გინდა შემემთხვეს, უნდა მოგიტანო ის ყურძენიო.

წავიდა ვაჟი და წააყვანა თავისი ოთხი ძაღლი. ბევრი ძებნის შემდეგ მიაგნო იმ მთას, რომელიც ყოველ ორ საათში იღება და იკეტება. ვაჟმა შიგნით მოჰკრა თვალი მშვენიერ დახუნძლულ ვენახს. მოუცადა იჲ. როდესაც მობრუნდა მთა და გაიღო, ვაჟი შურდულივით შევარდა შიგ. მოწყვიტა ერთი მტევანი ყურძენი და სანამ მთა დაიკეტებოდა, გამობრუნდა უცბად და გამოვარდა. თვითონ მან დააღწია თავი, მაგრამ ძაღლები შიგ დარჩა. ძაღლების წყავ-წყავი ესპოდა, მაგრამ მოეშურებოდა სახლში: მისი და მართლა მძიმე ავადმყოფი ეგულებოდა.

როდესაც ეს ვაჟი შინ მოეშურებოდა, ამ დროს ტყის კაცი და

მისი და დიდ ამბავში იყვნენ: სუფრა გაეშალათ, ერთმანეთზე გადახვეულები ისხდნენ და სვამდნენ, ჭამდნენ.

ამ დროს გაიხედეს და ეს ვაჟი ჩქარა მიმავალი დაინახეს, ძალები არ მოჰყავს. ახლა ტყის კაცი არ დამალულა.

ვაჟი კარს რომ მოადგა, ტყისკაცი სიცილით წინ მიეგება: ახლარას აპირებ, ყმაწვილოო?

ვაჟი გაშეშებული დარჩა, ყურძენი ხელში შერჩა. ვაჟი მოემზადა საბრძოლველად, მაგრამ დის ღალატით და მოტყუებით ისე გახდა ეს ბიჭი, რომ ხელის განძრევის ღონე აღარ ჰქონდა. იქვე ჩამოჭდა ხის ძირში, თავის ეზოში, ათი წუთი მომეცით ვადა, დავისვენო და მერე მეც მოვემზადები საბრძოლველადო.

ტყის კაცმა და დამ ორივემ გაიცინა და უთხრეს: — იყავი ათი წუთი კი არა, ერთი საათი იყავიო, არ გვეშინია შენაო!

ვაჟმა დაიკრიფა გულზე ხელი და ცხარე ცრემლით ტირილი დაიწყო. ამ დროს გაივლიან და გამოვივლიან ეს ტყის კაცი და მისი და ამ ვაჟის წინ, ჩაჰკოცნიან და ჩაჰკოცნიან ერთმანეთს.

ამის დანახვაზე გული უკვდება ამ ბიჭს, მაგრამ რა ქნას ახლა.

ცხადი გახდა ყველაფერა. ამ დროს ესენი რომ ამ ყოფაში არიან, გაუგია იმ ქალს ვაჟის გაჭირვება. იმავე წამში წასულა იმ მთაში, სადაც ვაჟს ძაღლები დარჩა. დაუკრავს კვერთხი მთაზე, მთა გაღებულა, ძაღლები ყუფითა და გნიასით გამოცვენილან. იმ ქალს თავისი ორი ძაღლი მიუმატებია და ვაჟის სახლისაკენ გამოუშვია.

ვაჟი რომ ტირის და უნდა შეეჭიდოს ტყის კაცს, გაიხედა და ექვსი ძაღლი მიწას ეხეთქება, ისე მორბიან.

მღვიდნენ ეს ძაღლები და ვაჟს გარს შემოუწვნენ. ვაჟმა თვითეულად ყველა ძაღლი დაკოცნა. გაუხარდა ძაღლების ნახვა. მადლობა შესწირა ზეცას, ქვემ დედამიწას. გულით და სულით შეიყვარა ის თავისი მხსნელი ქალი.

ამასობაში ტყის კაცი გამოვიდა. აბა, ბიჭო, როგორ ხარ პირობაზეო? — ჩემი პირობა ეს არისო, — ყმაწვილმა დაუძახა და მოზოდა მშვილდ-ისარი, ესროლა, — შიგ გულში მოახვედრა. ტყის კაცმა ერთი საშინლად დაიღრიალა და წამოვიდა ვაჟისკენ, უნდა გაგლიჯოს.

ამ დროს წამოცვიდნენ ძაღლები, ისე დაგლიჯეს, რომ მისი ხორცი ნაკუწ-ნაკუწ ეყარა მიწაზე. ვაჟმა ტყის კაცს ყელი გამოსჭრა იმ ქალის ნაჩუქარი ხანჯლით.

მივიდა დასთან და უთხრა: — ამაზე გამცვალე, დაო? ახლა მე უკვე შენთვის მკვდარი ვარო. შემძლია ახლავე როგორც ამ ტყის

კაცს, ყელი შენც გამოგკრა, მაგრამ მე შენ სისხლს არ დავაქევე. გეყოფა სატანჯველად მარტო ყოფნაო.

დაუძახა ძაღლებს, გამობრუნდა და წავიდა. მონახა ის კეთილის-მყოფელი ნაცნობი ქალი. ისიც მხიარულად მიეგება. — შენ ახლა თავისუფალი ხარ, წავიდეთ, ერთად ვიცხოვროთ მე ძალიან მიყვარხარ. წამოდი ჩემთან. არც არავინ მოგატყუებს და არც არავინ გი-ღალატებსო.

ვაეს პირველად არა სჩეროდა, რადგანაც ღვიძლმა დამ ამის-თანა რამ უყო. მაგრამ ამ ქალის ერთგულებით ისე იყო მოხიბლუ-ლი, რომ დაიჭერა მისი ნაოქვამი. ქალს გრძნობით გადაეხვია. აკოცა. მკლავგაყარილები წავიდნენ ქალის ბინისაკენ.

ქალმა გააღო დიდი რკინის კარები, შევიდნენ შიგ. ნახა ამ ვაჟმა დიდი ბალი, ეზოში აუზები.

სახლში შევიდნენ. დიდი სიმდიდრე იყო დაგროვილი. ოთახები სავსე იყო ძვირფასი თვალ-მარგალიტით. ამ სახლს ჰქონდა თორმე-ტი ოთახი, სუყველა ძვირფასად მორთული. ქალმა ყველა ოთახი გააღო. აჩვენა, შიგ რაც იყო, მხოლოდ ერთი ოთახი არ გაუღია. ვაჟმა უთხრა: — ყველა ოთახი გააღე და მაჩვენე, რატომ ამას არ მაჩვენებო? ქალმა მიუგო: — არა, გენაცვალე, მაგ ოთახის გაღე-ბას ნუ მთხოვო.

ვაჟმა მაშინ არაფერი არ უთხრა, მაგრამ გულში მაინც სწყინდა. წუთუ ამ ქალში კიდევ მოგტყუვდაო. არაფერი არ უთქვამს, მაგრამ ეჭვის თვალით უყურებდა მაინც: რატომ არ მითხრა ამის საიდუმ-ლოება, რა არის შიგაო?

სანადიროდ ერთად დადიოდნენ. ძალიან ტყბილად ცხოვრობდ-ნენ. სამი წელიწადი ერთად ცხოვრობდნენ და ერთხელაც არ გაუ-ღია იმ ქალს ის ოთახი. ვაჟს თანდათან ეჭვი ახრჩობდა. თუმცა ქა-ლი ყოველთვის გვერდში ჰყავდა, მაგრამ მაინც რაღაცა ეჭვი ჰქონდა, ამ ოთახში ვინმე არა ჰყავდესო.

ერთ დღეს ვერ მოითმინა და ჰკითხა: — რატომ ჩემთან გულახ-დილად არა ხარო; რატომ არ მეუბნები მაგ ოთახის საიდუმლოებას, რა გაქვს შიგაო?

ქალი ტირილით ყელზე მოეხვია. — იმ ოთახის გაღებას ნუ მთხოვ, თორემ ჩემი თავი დაგეკარგებაო. ვაჟმა ამით დააჭერა თითქოს თავისი გული, მაგრამ ეჭვი მაინც ჰქონდა. ერთ დღეს თავი მოიკვამდყოფა. ქალი მარტო გაუშვა სანადიროდ. თვითონ ადგა, მონახა გასაღები, მივიდა და ეს ოთახი გააღო. შევიდა შიგ — ვერა-ფერი ვერ ნახა. მხოლოდ ერთ კუთხეში იდგა ერთი მაგიდა. იმაზე

იღო პატარა ყუთი. მივიდა გააღო ეს ყუთი. ნახა თავის ცოლის სურათი, მეტი არაფერი. ყუთი გააღო თუ არადა, იქიდან ამოფრინდა ეს სურათი, გამოვარდა გარეთ ოთახიდან და გაფრინდა. გაჟოუდგა ბიჭი ხელების ქნევით, ყვირილით, კივილით, მაგრამ გაფრინდა, წავადა ეს სურათი.

რას იზამდა ვაჟი, დალონდა ძალიან, მაგრამ რა ქნას!

ქალმა რომ ეს ამბავი გაიგო, წაიშინა თავში. იტირა, რატომ ჰქენი ეგ საქმეო: ხომ დაჰკარგე ჩემი თავიო!

ვაჟი დარწმუნდა ქალის ერთგულებაში, მაგრამ რაღა დროს იყო, სურათი მაინც დაკარგა. სასოწარკვეთილი ელოდა რა მოხდებოდა. მთელი ექვსი თვის განმავლობაში მისი მსგავსი არაფერი არ მომხდარა: იყვნენ ტკბილად, ცხოვრობდნენ ჩვეულებრივ.

ერთ საღამოს გაიხედეს — ვიღაც მოკუნტული დედაბერი ზის კარზე. რომ დაინახეს ეს ქალი, ჰკითხეს: — რა გინდა. ვინა ხარო? — ქალმა მიუგო: — მე ერთი საწყალი ქალი ვარ, მათხოვარი, სოფელ-სოფელ დავდივარ, აქ შეეხვდი ამ უკაცო ქვეყანას, შიმშილით ვკვდები და არც ბინა მაქვსო, თქვენ გენაცვალეთ, ერთი ამაღამ ღამე გაჰათევინეთ, ღმერთი დაგლოცავთო!

შეებრალათ ეს ქალი და შემოუშვეს სახლში, ერთი კუთხე მიუჩინეს და დაწვინეს, საქმელი აქამეს. მეორე დღეს დედაბერმა თავი მოიხადმყოფა, — არ ადგა. ეს დედაბერი ვერ დატოვა ქალმა იმ დღეს და სანადიროდ ვერ წავიდა. ემარი გაუშვა, თვითონ დარჩა სახლში.

დედაბერმა ეს ქალი მარტო რომ ნახა, მაშინვე წამოხტა ლოჯინიდან, მამაკაცის სახე მიიღო. დაავლო თმებში ხელი, დაითრია ქალი, გამოათრია კარში. დაისტვინა. ტყიდან გამოვიდა ერთი შავი კაკი. მოიტანა დიდი ჭური, ქალი ამ ჭურში ჩასვეს, მოუკრეს თავი. დედაბერმა გაიღო მხარზე და წავიდა, — წაიყვანა.

ერთ სახელმწიფოში იყო ერთი მეფე. დაბერებული იყო უცოლოდ. საიდან არ მოქონდათ სურათები, მაგრამ არ იქნა, არ მოეწონა ქალი.

ერთხელ მეჭოგეებმა ნახეს სურათი ტყეში, აიღეს და ეს სურათი მეფეს მოართვეს. ამისთანა ქალი ამ მეფეს სიზმარში ენახა და სწორედ იმას იყო, რომ ეძებდა ამდენი ხნის განმავლობაში. სურათი ნახა თუ არადა იცნო, მაშინვე გასცა ბრძანება: ოქროს ვაჩუქებ, ვინც ამ სურათის პატრონს მომინახავსო.

ოქროს შეხარბებულებმა გადააბრუნეს ქვეყანა. მაგრამ ვერსად ვერაფერი ნახეს იმ სურათის მსგავსი. ამ ქვეყანაში ცხოვრობდა ერთი

ცბიერი დედაკაცი, გულთმისანი, ნახა ეს სურათი თუ არა, მაშინვე თქვა: მე მოვიყვან მაგ ქალსო. წავიდა წამოსაყვანად და წამოიყვანა კიდეც, — მეფეს ეს ქალი ქურით მოუყვანეს. ქალი ამოიყვანეს თუ არა, მეფემ მაშინვე იცნო და მოიწონა. ამ ქალზე იქორწინა დიდი ამბით.

ახლა დავუბრუნდეთ იმ ვაჟს. ვაჟი იმ ქალის დაკარგვით თვითონაც დაიკარგა, მკვდარს დაემსგავსა. რამდენჯერ მოინდომა თავის მოკვლა, მაგრამ „კიდევე შეიძლება ვნახო“ და იმის იმედით სულდგმულობდა.

მოშორდა იმ არემარეს, წავიდა, დადის ტყეში, ღრეში, ნადირებთან. ტანისამოსი შემოეხია. ფეხშიშველა დადის. დაბერდა უკვე.

ის მეფე მოკვდა. ერთ დღეს ქალმა იფიქრა: ახლა მე ვარ დედოფალი ამ ქვეყანაში: მოვნახავ იმ კაცს, მოვიყვან აქ და მეფედ ვაღიარებო, იმაზე ვიქორწინებო. გასცა ბრძანება: მონახეთ ამისთანა და ამისთანა კაცი და მომიყვანეთო. წავიდნენ მძებნელები. ერთი წელიწადი იარეს, მაგრამ ვერ ნახეს. მერე ქალმა თავის შინაყმებს უბრძანა: გააკეთეთ ერთი ბოძი ერთ დიდ შარაზე და ჩასვით ჩემი სურათი. ვინც იკითხოს „სად არის ამის პატრონიო“, ან თქვას „ეს ქალი ჩემი ცოლიაო“, დაიჭირეთ და მომიყვანეთო!

მაშინვე შეასრულეს: ჩასვეს სურათი გზის პირზე.

მეთვალყურეები დგანან. გამვლელი და გამომვლელი შეხედავენ ამ სურათს და წაელენ. „კაი ქალიაო“, — იტყვიან და მეტი არაფერი.

ერთ დღეს გაიხედეს, ერთი მათხოვარი კაცი მოვიდა, მთლად დაბლანძული, კონკები უფარავდა სხეულს. მივიდა და როგორც შეხედა სურათს, ერთი საზარლად დაიყვირა, ბოძს შემოებლაუქა, სურათის ჩამოღება მოინდომა, მაგრამ არ მიუშვეს. ყვირილი დაიწყო, ტირილი: — ეგ სურათი ჩემია და ამის პატრონიც ჩემიაო. მაჩვენეთ სად არის, მომეცით ჩემი სურათიო. — შენ ვინ მოგცა, შე გლახაო, — მეთვალყურეებმა უთხრეს, — ამის პატრონი დედოფალიაო.

არ მოეშვა ამ კაცებს. თავის მოკვლა მოინდომა. ბევრი ურტყეს, განდევნეს, მაგრამ მაინც არ იქნა, ვერ მოიცილეს თავიდან. დაიჭირეს, წამოიყვანეს სასახლეში. მოუყვანეს დედოფალს და უთხრეს: — ეს კაცი თავს არ ანებებს თქვენს სურათსო.

ამ კაცმა ქალი დაინახა თუ არა, მაშინვე დაიყვირა.

ქალმა ვერ იცნო, მაგრამ იფიქრა კი: „ჩემი დაკარგვის მერე ეს ასე გახდებოდაო“. დააკვირდა თვალებში და იცნო ქმარი: — ეგ როგორ გამხდარხარ, შე საწყალო, როგორ დაცემულხარო? — უთხრა ქალმა.

კაცმა მიუგო: — შენ დამკარგავს რა სიკეთე დამადგებოდლო.
ქალმა მაშინვე მიუჩინა მომვლულები, დააბანინა, მოასვენა, ჩააცვა ძვირფასი ტანისამოსი. ექვსი თვის მერე იქორწინა. ბოლოს მეფედ დასვა. ძალიან კარგი საქმის მცოდნე და მმართველი გამოდგა ეს კაცი. მთელ ქვეყანას უყუარდა. ცხოვრობდა ორივე — ცოლი და ქმარი. სიკვდილამდის არაფერი ხიფათი არ შეხვედრიათ. გუშინ იქ ვიყავი, და დღეს აქა ვარ.

ლურჯი თევზი

იყო და არა იყო რა, ღვთის უკეთესი რაღა იქნებოდა. იყო ერთი მეფე. ერთი კი არა, ბევრი იყო ქვეყანაზე, მაგრამ მაინც ეს მეფე მეტად გამოირჩეოდა. ერთხელ მეფეს თვალები ასტკეცდა, დაბრმავდა. მეფემ სადაც ექიმები ჰყავდა, სუყველანი მოიწვია, მაგრამ ვერაფერი გაუგეს. ბოლოს ერთი ბებერი მკითხავი მოვიდა და ურჩია: თქვენს მდინარეში რომ ლურჯი თევზია, ის დააჭერინე თქვენს მეთევზეებს და გარიყრაჟზე თვალებზე მიიკალითო. მეფემ ბრძანება გასცა, რომ ის თევზი დაეჭირათ. წავიდნენ მეთევზეები ბრძანების ასასრულებლად. ორი დღე იწვალეს მეთევზეებმა და მესამე დღეს კი დაიჭირეს. წამოიყვანეს დიდი სიხარულით და მოართვეს მეფეს. მეფემ თევზი ქილაში ჩაასმეინა, რადგანაც ჯერ დრო არ იყო, რომ თვალებზე მიეკლა.

მეფეს ჰყავდა ერთი თხუთმეტი წლის ვაჟი. ვაჟმა რომ ნახა თევზი ქილაშია და წვალობს, ამოიყვანა და იქვე ნაკადულში გაუშვა. თევზი ერთი შემოტრიალდა აწეთ-იქით და დაჰყვა ნაკადულს. გათენდა და მეფემ მოითხოვა თევზი, მაგრამ ის აღარ იყო. მეფემ მოიხშო შვილი და უთხრა: — წადი, ან ის თევზი მომგვარე, ან არადა ნულარ მოხვალო. წავიდა ვაჟი იარა, იარა და მივიდა ერთ ადგილას, სადაც გზები იყოფოდა. მივიდა და დაინახა, რომ იქ ერთი მისი ტოლი ბიჭი იყო. მიესალმა მეფის შვილი, გამოიკითხეს ვინაობა და აღმოჩნდა, რომ ორივენი ერთი გზით იყვნენ წამოსულნი. აიღეს თავისი გულანაბადი და გასწიეს. თვითონაც არ იცოდნენ, სად მიდიოდნენ.

იარეს, იარეს და მივიდნენ ერთ ქალაქში. იქ პირველად ერთი დედაბერი შეხვდათ. ამხანაგები ძალიან შეეხვეწნენ მათთვის ბინა

მიეცა. დედაბერმა მიიღო ისინი ისე, როგორც შვილები. დედაბერს ჰყავდა ერთი ქალი, ესენიც როგორც დას ისე ექცეოდნენ. ერთ საღამოს მოვიდა დედაბერი შინ და ბიჭებს უთხრა: ჩონგური ვიყიდე, ღაგრამ დაკვრა იცითო? ამის ოსტატი მეფის შვილი გამოდგა. ყოველ საღამოს იმდენ ფულს იღებდა თავისი ოსტატობით, რომ ფული აუარებელი ჰქონდათ. ერთ საღამოს დედაბერმა მოიხმო ვაჟები და უთხრა: — შვილებო, თქვენ უკვე დრო გაქვთ, რომ დაქორწინდეთ. აქ არის ერთი ქალი, მეფის შვილია. ბიჭს მისცემს ერთ შეკითხვას და თუ გასცა პასუხი, შეირთავს, თუ არადა თავს მოსჭრის. რა იქნება ისეთი, რომ თქვენ ვერ გამოიცნოთო?

მეორე დღეს, მართლაც, მივიდა მეფის შვილი ქალთან. ქალმა უთხრა: — მე ერთს გეტყვი, თუ გამოიცნობ, ცოლად წამიყვანე, თუ არადა თავს მოგჭრი. მოგცემ სამი დღის ვადას. — თქვა ესა და უთხრა ვაჟს: — სულამბარა და გულამბარა რა იყვნენ ერთმანეთისაო?

წამოვიდა მეფის შვილი სახლში და უთხრა თავის ამხანაგს და დედაბერს ეს ამბავი. დედაბერმა მიასწავლა ერთი დედაკაცის სახლი და უთხრა: — ისე ადი აივანზე, რომ დედაკაცმა არ გამოგასწროსო. ამ ბიჭმა მეფის შვილი არ გაუშვა, თვითონ წავიდა. მართლაც ისე მოახერხა როგორც დედაბერმა დაარიგა.

დედაკაცისაგან შეიტყო, რომ ერთ უზარმაზარ მინდორზე იდგა ერთი შენობა, რომელშიც ვაჭარი იყო. უნდა მისულიყო იქ, სადაც ვაჭარი იყო და ეთხოვა, რომ მოჭამაგირედ ამიყვანეო. შემდეგ ღამეს დუქანში არ დარჩენილიყო და თან გაჰყოლოდა ვაჭარს. ვაჭარს რომ გაჰყვებოდა, ყველაფერს შეიტყობდა, მაგრამ იქიდან ცოცხალი ვეღარ გამოვიდოდა. მაშინ უნდა როგორმე სამჭერ დაესტვინა, მერე კი დედაკაცი უშველიდა. წავიდა ეს ბიჭი და მივიდა ვაჭართან, უთხრა, — მოჭამაგირე არ გინდაო? ვაჭარმა მიიღო და საღამოს შინ წასვლას რომ აპირებდა, მანაც თან გაყოლა უთხრა. ვაჭარმა ბევრი იწუწუნა, მაგრამ არ მოეშვა. მაშინ ვაჭარმა უთხრა: — წაგიყვან, მხოლოდ იქიდან ცოცხალი ვეღარ გამოხვალო. დათანხმდა და გაჰყვა.

ბიჭი შევიდა თუ არა, მაშინვე შენიშნა მალა ჩამოკიდებული ხმალი და მათრახი. ვახშმის შემდეგ ვაჭარმა შუა ადგილას სკამი დადგა, ჩამოიღო ხმალი და მათრახი და იქვე დააწყო. მერე ტახტას ქვეშ შეძვრა და ორი ადამიანის თავი გამოიღო. აიღო ერთი, დადო სკამზე და დაუწყო ალერსი, კოცნა და ტირილიც დაიწყო. ახლა დაავლო ხელი მათრახს და რაც ძალი და ღონე ჰქონდა დააყარა, სცემა, სცემა და ისევ ტახტის ქვეშ შეაგდო. ახლა მეორე აიღო,

იმასაც დააყარა მათრახი და ისიც შეაგდო ტახტის ქვეშ. ბიჭი გაკვირვებით უყურებდა ამ ამბავს და ჰკითხა, რას ნიშნავდა ეს თავებიო?

ვაჭარმა უამბო, რომ პირველად რომელიც აიღო, ის იყო მისი ცოლის სულამბარას თავი, ხოლო მეორე იყო მისი მოჩამაგირის გულამბარას თავი. ამათ შეჰყვარებოდათ ერთმანეთი, გაეგო ვაჭარს და ორივენი დაეხოცნა. ეს ამბავი სცოდნოდა მარტო ვაჭარს და მეფის ქალს. ვაჭარმა უთხრა, რომ უნდა მოგკლავ, მან სთხოვა: გარეთ ჰაერზე მალოცვინე უკანასკნელადო. ვაჭარმა ნება დართო და ბიჭი გარეთ გავიდა.

მან ჭერ ნელა, შემდეგ კი უფრო ძალიან დაუსტვინა სამჭერ. უცბად სად იყო, სად არა, გაჩნდა ის დედაკაცი. რომელმაც გზა მიასწავლა. მოიკიდა ზურგზე და სიბნელეში გაქრა. დილით სრულდებოდა უკვე მესამე დღე, რომ მივიდნენ. ყველაფერი კარგად უამბო და მეფის ქალთან გაისტუმრა. მეფის შვილმა უთხრა ქალს სუყველაფერი და ცოლად წამოიყვანა. წამოვიდნენ სამივენი და მოადგნენ იმ ადგილს, სადაც პირველად შეხვდნენ ერთმანეთს. ბიჭმა უთხრა მეფის შვილს: შენს საქმეში წილა მეც მიდევს და ახლა ყველაფერი შუაზე გავიყოთ. გაყოფა რომ დაიწყეს, უცებ ბიჭი იქცა ლურჯ თევზად. შეტურდა წყალში და როდესაც უკან ამოვიდა, უთხრა მეფის შვილს: მე ის თევზი ვარ, რომელიც შენ გაუშვი ნაკადულშიო.

აიშენეს ერთი შენობა და ცხოვრობდნენ ტკბილად და ბედნიერად.

უზუნდარას ზღაპარი

იყო და არა იყო რა, იყო შაშვი მგალობელი, ღმერთი თქვენი მწყალობელი. იყვნენ სამნი ძმანი. ორი ძმა იყო ჰკვიანი — უფროსი და შუათანა. ისინი დაქორწინდნენ. დაიწყეს ცხოვრება. უმცროსი ძმა ძმებმა და რძლებმა შეიძულეს, გააგდეს სახლიდან. ერთ ალაგს, ცხრა მთას იქით, იდგა დიდი ტბა, სადაც თავს იყრიდა ყოველი მხეცი. აი, იქ გაგზავნეს ეს უმცროსი ძმა, რადგან მისი დალუპვა სურდათ. მართლაც, წავიდა უმცროსი ძმა ტბაზე. ყოველდღე აქ მოფრინდებოდა სამი ფრინველი, ისინი ძალიან ლამაზები იყვნენ. ამ ტბაში იდგა კაკლის ხე. პირველ მოფრენისთანავე ხეზე დასხდებოდნენ,

დათვალე რებდნენ იჭაურობას და თუ საეჭვო არაფერი იყო, ჩამოფრინდებოდნენ ტბის ნაპირზე და იქცეოდნენ მშვენიერ ქალებად. იბანავებდნენ წყალში, ამოვიდოდნენ და ისევ გაფრინდებოდნენ. უმცროსმა ძმამ ეს პირველ დღიდანვე შეამჩნია და გადაწყვიტა დაეჭირა ეს ქალ-ფრინველები, ყველა თუ არა, ერთი მაინც. იმ ადგილას, სადაც პირველად გაიხადეს ტანისამოსი, ამოთხარა ორმო და შავ ჩაჯდა, ზევიდან მწვანე ბალახი გადაიფარა.

მეორე დღეს ჩვეულებრივ მოფრინდნენ ფრინველები, დასხდნენ ტბის პირას, გაიხადეს სამოსელი და შევიდნენ წყალში. ბიჭი ჩუმად ამოვიდა ორმოდან, აიღო ერთის სამოსელი და ისევ ჩაიმალა. ბანაობის შემდეგ ქალები ამოვიდნენ, ჩაიცვეს ტანზე ორმა, ერთი კი შაშველი დარჩა. ამ ორმა ქალმა აღარ დაუცადა მესამეს და გაფრინდნენ თავიანთი გზით. ქალმა დაიძახა: — ვინა ხარ, რა სულიერი ხარ, ვინც ჩემი სამოსელი აიღე გამომიჩინეო, ძმად მეკუთვნი — ძმად მიგიღებ, დად მეკუთვნი — დად მიგიღებ, ოღონდ გამომიჩინე ჩემი სამოსიო. — ბიჭმა უპასუხა: — მე შენი და-ძმობა არ ვიცი, თუ გამომყვები ცოლად გამოგიჩინე, თუ არადა არაო! ქალი დათანხმდა. ვაჟმა წამოიყვანა ეს ქალი თავის სახლში, მაგრამ ძმებმა და რძლებმა ისინი სახლში არ შეუშვეს.

ეს ქალი იყო დევების ხელმწიფე, მისი უფროსი და ფრინველების ხელმწიფე, ხოლო შუათანა — ქვეწარმავალთა. საღამოს ქალმა დაიბარა თავისი უერთგულესი დევი ოყაჯადო და დაავალა: ამ ღამეს ამ ეზოში აეშენებინა ორსართულიანი სახლი და კარგადაც გაეწყო. რადგან ქალის ქმარს ეძინა, ის დევს უნდა აეყვანა მძინარე, ლოგინში ჩაეწვინა ისე, რომ კაცს ვერ გაეგო. დევმა ყველა დავალება შესრულა და წავიდა. დილით გამოეღვიძა ვაჟს და განცვიფრებული დარჩა: მან დაიძინა უსაწოლოდ, ახლა კი ტახტზე იწვა. მაშინ ცოლმა ყველაფერი უამბო, თუ როგორ მოხდა ეს და მას თვითონ რა შეეძლო.

უმცროსი ძმის კარგი ცხოვრება უფროს ძმებსა და რძლებს შესურდათ და გადაწყვიტეს ხელმწიფისათვის მოეხსენებინათ: ამ ბიჭს ცოლად ჰყავს ულამაზესი ქალიო. ხელმწიფე შეაგულიანეს, რომ ბიჭისთვის ქალი წაერთმია და თვითონ წაეყვანა ცოლად. ხელმწიფემ დაიბარა ვაჟი და ვინაიდან არ შეეძლო ცოლი წაერთმია უმიზეზოდ, მისცა დავალება: ამ ხელმწიფეს ჰყავდა ერთი მოჭირითე, რომელსაც ბადალი არ მოეპოვებოდა მთელსახელმწიფოში. ეს ბიჭი ამ მოჭირითეს უნდა შეებოდა. თუ ვაჟი ხელმწიფის მოჭირითეს ვერ აჯობებდა, მაშინ მისი ცოლი ხელმწიფეს დაარჩებოდა.

დაღონებული ვაჟი დაბრუნდა სახლში. უამბო ცოლს ყველაფერი. ცოლმა უთხრა: — შენ ამაზე ნუ იღარღებო. იმ ღამეს ქალმა დაიბარა თავისი ერთგული ოყაჯადო დევი და უთხრა: — ხვალ შენ ჩემი ქმარი შეისვი ზურგზე და ხელმწიფის მოჭირითეს შეეჭიბრეო. შეეცადე, ყველაფერი ხელმწიფის მოჭირითეზე უკეთ გააკეთოო. მეორე დილას მოვიდა ცხენად ქცეული ოყაჯადო და შეკაზმული გაჩერდა ქალის ეზოში. ქალმა გააღვიძა ქმარი და უთხრა შემჯდარიყო ამ ცხენზე და გასულიყო შეჭიბრში. შეჯდა ვაჟი ცხენზე და წავიდა. შორიდან დაინახა, ხელმწიფის მოჭირითეს აღარ დაეცა და თავის რაშს დააბრიალებდა მოედანზე. ეს რომ შენიშნა ოყაჯადო დევმა, გაქანდა და დაასწრო ხელმწიფის მოჭირითეს. მერე შეფრინდა პაერში, ბიჭი ქვევიდან მუცელზე მოექცა, რომ ცაზე არ მიჰყვებოდა. ახლა დევი დაეშვა მიწაზე, ამ დროს ვაჟი ზურგზე მოექცა. იმ დღეს ვაჟმა ხელმწიფის მოჭირითეს აჯობა და თავისი ცოლიც დარჩა.

ხელმწიფემ კიდევ დაიბარა ბიჭი და მეორე დავალება მისცა. ხელმწიფის სასახლის წინ იყო ტყიანი ადგილი. ბიჭს ეს ტყე ერთ ღამეში უნდა გაეჩხხა, მოეხნა და სიმინდი დაეთესა. მოისმინა, თუ არა დავალება ბიჭმა, წამოვიდა სახლში დაღონებული და ცოლს უამბო თუ რა უთხრა ხელმწიფემ. ცოლმა დაამბედა ქმარი. ქალმა ხელმეორედ დაიბარა ოყაჯადო დევი და უთხრა: — ასე და ასე არის საქმე და უნდა შეასრულოო. იმ ღამეს ოყაჯადო დევმა მოიყვანა ჯრიცხვი სხვა დევიც. მათი შემწეობით ოყაჯადო დევმა გაჩხხა ტყე, მოხნა და სიმინდიც დათესა. დილით ქალმა ქმარი თოხით დააყენა ხნულში, თითქოს დილით ათავებდა სამუშაოს. ხელმწიფემ გადმოიხედა და დაინახა, რომ დავალება შესრულებულია და განცვიფრდა. ვერც ახლა წაართვა ცოლი ბიჭს.

ბოლოს ერთმა ვეზირთაგანმა ურჩია ხელმწიფეს, ბიჭს ხელმწიფისათვის მოეტანა „არც შენ იცი და არც მე ვიცი“ და ამისათვის სამი წლის ვადა მიეცა. თუ ამ ხანში ვერ მოუტანდა, ცოლი ხელმწიფეს დარჩებოდა. ამ დავალებამ ძალიან დაადარდიანა ბიჭიცა და მისი ცოლიც. დაიბარა ქალმა ოყაჯადო დევი და უთხრა: — ასეთი რამ თუ მოიპოვებო. დევთა ლაშქარმა შესძრა ხმელეთი, მაგრამ ვერაფერი იპოვეს. ბოლოს ქალმა ურჩია ქმარს, წასულიყო შუათანა დასთან და ეკითხა მისთვის, ასეთი რამ მოიპოვებოდა თუ არა მის სახელმწიფოში. ამ ბიჭს თან უნდა წაეღო პირსახოცი, რომელიც წამოღებული ჰქონდა ქალს თავისი სახლიდან. ამნაირი პირსახოცი დედამიწის ზურგზე მხოლოდ ამ დღეს ჰქონდათ თითო ცალი, პირსახოცით იცნობდნენ. ქალმა დაარიგა ქმარი, როცა მისი დის სასახლეში

მივიდოდა, ეთხოვა ღამის გათევენება, როცა პირს დააბანინებდნენ, მათი პირსახოცი თ არ შეეხოცა პირი, ამოელო და თავისი პირსახოცი შეეხოცა.

წავიდა ბიჭი და მიაღგა შუათანა ღის სასახლეს, ითხოვა ღამე გამათევენეთო. მიიწვიეს სახლში, პირი დააბანინეს და პირსახოცი მოუტანეს, მაგრამ ბიჭმა ამოიღო თავისი პირსახოცი და იმით შეიწმინდა სახე. დანახა თუ არა შუათანა დამ პირსახოცი, იცნო და მიხვდა, რომ ეს ბიჭი უეჭველად მისი სიძე იყო. ჰკითხა თავისი ღის ამბავი. ბიჭმა უამბო თავიანთი გაჭირვება და შუათანა დაც დადარღიანდა: არც იმას მოეპოვებოდა ასეთი რამ თავის სახელმწიფოში. შუათანა დამ ეს ბიჭი უფროს დასთან გაგზავნა. თან დაარიგა, იქაც ისე მოქცეულიყო, როგორც აქ. მივიდა ბიჭი უფროსი ღის სასახლეში და ღამის გათევენება ითხოვა. მიიწვიეს სახლში, პირი დააბანინეს და პირსახოცი მოართვეს, მაგრამ ბიჭმა თავისი პირსახოცი ამოიღო და იმით შეიწმინდა.

უფროსი დაც მიხვდა ეს ბიჭი მისი სიძე იყო ნამდვილად. ჰკითხა თავისი ღის ამბავი და ამანაც თავიანთი გაჭირვება უამბო. ქალმა უთხრა: — ამას მე შეგისრულებო. მოაღწია სადილობამ, ქალმა დაიძახა: „უზუნდარა!“ პასუხად მიიღო: „ბატონო!“ ქალმა სთხოვა ისეთი სუფრა გაეშალა, რომელზედაც ყველაფერი იქნებოდა, რასაც კი სული და გული მოისურვებდა. ბიჭი განცვიფრდა, უზუნდარა არა ჩანდა — სუფრა ისე იშლებოდა. ბიჭმა ჰკითხა ქალს, თუ ვინ შლიდა ამ სუფრას. ქალმა უთხრა: სწორედ ეგ არის თქვენი საძებარი, ხელმწიფემ რომ დაგავალაო: „არც შენ იცი და არც მე ვიციო“. ეს უზუნდარა დასდევდა ოქროს თასს, რომელიც ამ ქალს ჰქონდა: სადაც ოქროს თასი იქნებოდა, უზუნდარაც იქ გაჩნდებოდა. უფროსმა დამ მისცა თავის სიძეს ოქროს თასი და გააფრთხილა, არავისათვის მიეცა თასი, თორემ დაეკარგებოდა უზუნდარა. ასე გამოისტუმრა სიძე.

წამოვიდა ბიჭი. მოღის გზაზე და პური მოშივდა, თანაც არ უნდოდა მარტო ექამა პური. გაიხედა, წინ ვილაც მიმავალი კაცი დაინახა, ფეხი აუჩქარა და წამოეწია. უცნობს სთხოვა შეესვენათ საღმე ჩრდილში და პური ექამათ. მართლაც, შეისვენეს ერთ ადგილას. ბიჭმა დაუძახა უზუნდარას, რომ მას მწვანეზე გაეშალა სულის და გულის სუფრა. მართლაც, ისე შესრულდა ყველაფერი. დამშეული ბიჭი და უცნობი შეექცნენ სადილს, უცნობს ჰქონდა არღანი, თან უკრავდა და დრო გაატარეს. დაშორდნენ ერთმანეთს და წამოვიდნენ. ბევრი სიარულის შემდეგ მოაღწია თავის საცხოვრებელ ბინას. აქ ცოლს უთხრა: მოვიტანე „არც შენ იცი და არც მე ვიციო“, და ქალს ნაღვე-

ლი გადაეყარა. ცოლმა მოაგონა ვაჟს: შესრულდა სამი წელი, ორი დღეც გადასცილდა. ამ დროს ხელმწიფეს უხაროდა, რომ ვაჟის ცოლი მას რჩებოდა.

ცოლმა უთხრა ქმარს, წასულიყო ხელმწიფესთან და ეთქვა თავისი ოჯახითა და ვეზირებით სწევოდა სადილად: ერთხელ მაინც ვიქეიფოთ, რადგან პირობა ვერ შეგისრულე დროზეო. ხელმწიფეს გაუხარდა ეს ამბავი და თავისი ამალით ეწვია ბიჭს სახლში. დაინახა ბიჭის ცოლი და ძალიან მოეწონა: ამ დროს ნატრულობდა ხელმწიფე და უსრულდებოდა კიდევ. გადმოდგა ქალი აივანზე. ახსენა უზუნდარას სახელი და დაავალა ეზოში გაეშალა სამეფო სუფრა. უზუნდარამ ყველაფერი შეასრულა ისე, რომ მეფემ ვერ შეამჩნია ვინ შლიდა სუფრას. კარგად იქეიფეს და ბოლოს ხელმწიფემ სთხოვა ქალს აეხსნა, თუ რის ძალით კეთდებოდა ყველაფერი. ცოლმა უთხრა: თქვენი დავალება შესრულებულია და ეგ არის სწორედ „არც შენ იცი და არც მე ვიციო“. აწ ვერ ეღიარებდი ჩემს თავსო. ასე დარჩა ხელმწიფე პირში ჩალაგამოვლებული.

ჭირი იქა, ლხინი აქა, ნაცარი იქა, ფქვილი აქა.
ელასა მელასა, ჭიქა შეკიდა ყელასა,
მთქმელსა და გამგონებელსა
ღმერთი გწყალობდეთ ყველასა.

ოქროსთმიანი ქალ-ვაჟი

იყო და არა იყო რა, იყო ერთი დასაქორწინებელი მეფე. მის სახელმწიფოში საშიშროების გამო დამე სინათლის ანთება აკრძალული იყო. დამით მეფის დანიშნულმა პირებმა შეამჩნიეს ერთ სახლში შუქი იყო. მივიდნენ, დაუგდეს ყური, მოიხსნა სამი ქალის ხმა, ეს ქალები დები იყვნენ. უფროსმა დამ თქვა: — მე ისეთი ხალიჩის მოჭრა შემიძლია ერთ ღამეში, რომ ჩვენი მეფის ჭარები ნახევარზე დაეტევიანო. საშუალომ თქვა: — მე ისეთი გემრიელი საჭმელების გაკეთება შემიძლია, რომ ჩვენი მეფე იმის მეტს არაფერს ჭამდესო. უმცროსმა დამ თქვა: — მე შემიძლია ოქროსთმიანი ვშობოო. მეფის კაცებმა ყველაფერი მეფეს მოახსენეს. მან ქალები მოაყვანინა თავის სასახლეში. უმცროსი ცოლად შეართო, უფ-

როსმა და საშუალომ ვერ შეასრულეს პირობა. მეფემ ესენი მაინც თავისთან დაიტოვა და ინახავდა. უმცროსი ქალი დაორსულდა.

ფეხმძიმობის დროს მეფე სხვა სახელმწიფოში იყო წასული. მეფის ცოლმა ამ დროს დაბადა ოქროსთმიანი გოგო. დებს შეშურდათ: ჩვენ ვერ შევასრულეთ პირობა და ამან შეასრულაო. ამიტომ მწუხარე დას მოჰპარეს ბავშვი, მის ბაბლად კატის კნუტი ჩაუსვეს; ბავშვი გაახვიეს ჩვრებში და ერთი მოხუცი მეწისქვილის ღარში ჩააგდეს. ბავშვი წისქვილის ღარში გაიქედა და წისქვილი გააჩერა. წისქვილის პატრონს შვილი არა ჰყავდა, გამოვიდა, ჩაჰხედა ღარს და რა დანახა ოქროსთმიანი ბავშვი, ძალიან გაუხარდა, ამოიყვანა და თხის რძით გაზარდა.

მეფის ცოლისდებმა მეფეს მისწერეს: თქვენმა ცოლმა კატის კნუტი შობა და რა ვუყოთო. მეფემ მოსწერა, რა ვუყო, ეგა ყოფილა ჩემი ბედი და გაზარდეთო. როცა მეფე მოვიდა, მისი ცოლი მეორედ დაორსულდა, ფეხმძიმობის დროს ქმარი ისევ სხვა სახელმწიფოში იყო. მისმა ცოლმა ახლა ოქროსთმიანი ვაჟი შობა. დებმა ესეც მოჰპარეს და მის ბაბლად ფილთაქვა ჩაუგდეს. ეს ბავშვიც ისევ იმ წისქვილში ჩააგდეს. მეწისქვილემ ისიც გაზარდა. ცოლისდებმა წერილი მისწერეს, თქვენმა ცოლმა ახლა ფილთაქვა შობაო. მეფემ ეს ვეღარ მოითმინა, წამოვიდა სახლში გაჯავრებული. როცა ჩამოვიდა სახლში, გზის პირას გააკრა კამეჩის ტყავი, ზედ თავისი ცოლი მიაკრა და მალლა დააწერა: გამვლელმა და გამომვლელმა ყველამ ზედ მაფურთხეთო, ცოლისდები კი თავისთან დატოვა შინამოსამსახურეებად.

მეწისქვილემ დაზარდა ოქროსთმიანი ქალ-ვაჟი. ეს ბალები ისეთები დაიზარდნენ, რომ მათ მნახველს თვალი ზედა რჩებოდათ. ერთ მეზობელ ბებერ დედაკაცს შეშურდა მოხუცი ცოლ-ქმრისთვის ასეთი შვილები და მოიწადინა მათი დახოცვა. ერთ დღეს ბებერი მივიდა ოქროსთმიან ქალთან. ვაჟი ამ დროს წასული იყო სანადიროდ. ბებერი დედაკაცი მოუყვა ქალს: — შვილო, თქვენ ძალიან მიყვარხართ, მნახველს თვალი ზედა რჩება თქვენზეო და მენანებით, რომ დარიაჩანგის ბალი არა გაქეთო. შენი ძმა გაგზავნე და მოიტანსო, მაშინ ხელმწიფეც ვეღარ შეგედარებათო და წავიდა. მოვიდა ძმა ნადირობიდან, და დალონებული დახვდა. ძმამ ჰკითხა: დაო, რამ დაჯალონაო? და მოუყვა დალონების მიზეზს. ძმამ უთხრა: ძმა მოგიკედეს, დაო, თუ ის ბალი არ მოგატანოო. მეორე დღესვე წავიდა ბალის საძებრად. იარა, იარა და შეხვდა ერთ სახლს. ეზოში დევის დედას მოჰკრა თვალი, მივიდა და უთხრა:—დედი, დედაშვილობას,

დარიაჩანგის ბაღს ვერ მიმასწავლიო? დევის დედამ უთხრა: — აჰ, თუ დედაშვილობა არ გეტქვა, კარგი ლუკმა იყავიო. მე ვერ მიგასწავლი, ა, ემ გზას დაადექი, შეხვდები ერთ სახლს, სახლი ჩემი დისა არის, ის მიგასწავლისო; მხოლოდ იმასაც დედაშვილობა უთხარი, თორემ შეგჭამსო.

ბიჭი ეგრეც მოიქცა. იმ ქალმაც ახლა მესამე დასთან მიასწავლა; როცა მივიდა მესამე დევთან, უთხრა: დედი, დედაშვილობას, დარიაჩანგის გზა მასწავლეო.— ჰაი ჰაი, თუ დედაშვილობა არ გეტქვა, კარგი ლუკმა იყავიო. მერმე უთხრა: — შეილო, მშვენიერი ვაჟკაცი ხარ და თავი რაზე უნდა მოიკლაო. აქეთ ათასამდის კაცს გაუვლია მისი ბაღისათვის, უკან კი არავენ დაბრუნებულაო. იქ რომ მიხვალ და ბაღის ტოტს მოსტეხავ და გამობრუნდები, ყველაფერი ყვირილს დაიწყებს: წაილო, წაილო, წაილო! ამას დარიაჩანგი გაიგებს და მაშინვე გაგაქვავებსო. ის ბალი ზამთარ-ზაფხულ სულ მოწეული და უღვეველიაო. მისი ბაღის ერთი პატარა ტოტი რომ მოტეხო და შენს ეზოში დარგო, მთელი დარიაჩანგის ბალი იქ გაჩნდებაო. კარგ ბედზე კი გივლია, ახლა სძინავს, შენ გმართებს სისწრაფე, ჩქარა ბალიდან ტოტი გამოაპარე, თორემ თუ შიგ მოგკრა თვალი დარიაჩანგმა, მაშინვე გაგაქვავებსო.

ბიჭი წავიდა და მოასწრო ტოტის გამოტანა. როცა ამოიარა, დევის ქალმა ქება-დიდება შეასხა: — შენს მეტი უკან არავენ დაბრუნებულაო. ეს ბალი მოიტანა და თავის ეზოში გააშენა. რამდენიმე დღის შემდეგ მოხუცი დედაკაცი ისევ მივიდა ამ ბიჭის დასთან და ესევე დაუწყო უფრო ბოროტი ენით ლაპარაკი. — ახლა სუყველას სჯობიხართ, მხოლოდ თვითონ დარიაჩანგი რომ შენმა ძმამ ცოლად მოიყვანოს, მაშინ ხელმწიფეც აღარ შეგედარებათო. ამ ქალმა თავისი ძმა ისევ გაგზავნა დარიაჩანგის მოსაყვანად. ეს ბიჭი მივიდა უკანასკნელ დევთან და შეეკითხა: — როგორ ბედზე ვარ წამოსული, ან როგორ წამოვიყვანო? დევის დედამ უთხრა: — ახლა ისევ სძინავს, მხოლოდ წამოყვანისა რა მოგახსენო.

წავიდა ეს ბიჭი, მივიდა პირდაპირ დარიაჩანგის სახლში და დააკაკუნა კარებზე. დარიაჩანგმა გამოიღვიძა და დაიძახა: — ვინა ხარ, ქვა ხარ და ქვად იქეციო! შემდეგ გამოვიდა გარეთ, რომ დაინახა ოქროსთმიანი ვაჟი გამიქვავებიაო, შეიბრაღა და თქვა: — რა გინდა, მშვენიერი ვაჟკაცი ჰყოფილხარ და რაზე გამექვავებინეო. აილო ეს ქვა და განცალკევებულ ადგილას დასდო კუთხეში. ძალიან რომ დაიგვიანა ბიჭმა, მისმა დამ იფიქრა, უთუოდ გააქვავებდა დარიაჩანგი ჩემს ძმასაო, დაიწყო ტირილი, მაგრამ ტირილით რას უშველიდა.

ადგა, ჩაიკვა რკინის ტანისამოსი, რკინის ქუდი დაიხურა, რკინის ჯოხი დაიჭირა ხელში და წავიდა დარიაჩანგის სახლისაკენ. ეს ქალი მივიდა უკანასკნელ დევის ქალთან და დაუძახა. — დედი, დედა-შვილობას დარიაჩანგის გზას ვერ მიმასწავლიო? — ჰეჰეი, თუ დედა-შვილობა არ გეთქვა, კარგი ლუქმა იყავიო, — უთხრა დევის ქალმა. შეჰდეგ უთხრა: — შვილო, იქ რა გინდა, მშვენიერი ქალი ხარ და იმას ნუ გაეჭვავებინებო. ერთმა შენსავით მშვენიერმა ბიჭმა ჩაიბარა, ის პირველად დაბრუნდა, მაგრამ მეორედ ველარაო. ქალმა უთხრა: — დედი, ის ბიჭი ჩემი ძმა იყო, მე მის საძებრად მივდივარ და თუ გამაქვავებს, სადაც ჩემი ძმაა, მეც იქ ვიყო. — კარგი მაშ, შვილო, რაკი აღარ დაიშლი, მე გასწავლი რამეს, კარგ ბედზე კი გივლია. ახლა სძინავსო, მხოლოდ შენს ხმას რომ გაიგებს გეტყვის: „რინა ხარ, ქვა ხარ და ქვად იქეციო“; სანამ ამის თქმას მოასწრებს, შენ დაასწარ: ქვადაც იქეცი და ხედაც იქეცი-თქო. ამის თქმა უნდა მოასწრო სამჯერ.

ეს ქალი წავიდა. მართლაც, როგორც დევმა დაარიაგა, ისეც მოიქცა. დაიმონავა დარიაჩანგი. ამ ქალმა დაუძახა: — დარიაჩანგო, ჩქარა გამოდი, ჩემი ძმა როგორც იყო, ისეთი გახადე, თორემ შემოვალ და ამ რკინის ჯოხით თავ-პირს ჩამოგამტვრევი დარიაჩანგმა შიგნდან დაუძახა: — გარეთ ფანჯარაში ცხვირსახოცია, აიღე, ქვას მიუსვ-მოუსვი და გაცოცხლდებო! ქალმა აიღო ცხვირსახოცი. თითქმის ორასამდე კაცი გააცოცხლა, მაგრამ მისი ძმა არც ერთი არ გამოდგა. მერე დაუყვირა დარიაჩანგს: — გამოდი, რომელია ჩემი ძმის ქვა მაჩვენე, თორემ შემოვალ და თავ-პირს დაგამტვრევე. — დარიაჩანგმა მოიფიქრა და უთხრა: — საბოლოოდ რომ გვაქვავე ზემოთ კუთხეში დავდე და ის იქნება შენი ძმაო. მართლაც, მივიდა ქალი. იპოვა თავისი ძმის ქვა და გააცოცხლა. გაცოცხლდა თუ არა, მოიფშენიტა თვალები და თქვა: — უპ, რამდენ ხანს მძინებიაო. ერთმანეთს გადაეხვივნენ, დაჰკოცნეს. ახლა ქალმა დარიაჩანგს დაუძახა: — წამოდი, რძლად უნდა გამომყვეო! რადგანაც დარიაჩანგი დამონავებული იყო და ვერაფერს გახდებოდა, გაჰყვა რძლად.

მოვიდნენ სახლში, გადიხადეს კარგი ქორწილი და ცხოვრობდნენ ტკბილად, მაგრამ მოხუცმა დედაკაცმა არც ახლა მოუსვენა. მოიფიქრა, მეფე შეაგულიანოს და დარიაჩანგი ცოლად შეართვევინოს, მისი ქმარი და ქმრის და კი მოაკვლევინოს. წავიდა მეფესთან და უთხრა: — დიდო მეფეო, ყველაფერად კარგი ხარ, მაგრამ აქ ერთი ბიჭი არის, მან დარიაჩანგის ბალი მოიტანა, თვითონ დარიაჩანგი კი ცოლად შეირთო. დარიაჩანგი ისეთი ლამაზია, ისეთი

ლამაზი, რომ მასზე მოსაწონი არავინ იქნება ქვეყანაზეო. შენ მეფე ხარ და ის შენ შეგფერის ცოლადო. შენ რომ ის შეიერთო, დედამიწის ზურგზე მეფე აღარ შეგედრებაო. — მერე მე როგორ შევიერთო? — შეეკითხა მოხუცს მეფე. — მე მოვახერხებო, — უთხრა მოხუცმა. შენ წვეულება გადაიხადე, ისინიც დავპატიუოთ. ქმარსა და მულს საკმელი მოვუწამლოთ და დაიხოცებიან, დარიაჩანგი კი შენ დაგრჩებაო. ასეც მოიქცნენ. დაპატიუეს სამივე. დარიაჩანგი გულთმისანი იყო, ქმარს და მულს თავის ბაღში მოაკრეფინა. საუკეთესო ყვავილები, ხილი და წაყიდნენ მეფესთან. როცა მიუახლოვდნენ მეფის სახლს, დაინახეს, რომ კამეჩის ტყავზე იყო მიკრული დედაკაცი, მალა ეწერა: ყველამ მიაფურთხეთო. დარიაჩანგმა უბრძანა ქმარს და მულს: — ამ დედაკაცს ეს ყვავილები შეაყარეთო. მართლაც შეაყარეს, მეფემ ეს დაინახა და ძალიან გაბრაზდა, მაგრამ მოხუცმა დედაკაცმა დააჩუმა: — ეგენი ხომ უნდა დავხოცოთ და დარიაჩანგი კი შენი ცოლი გახდეს; ეს არაუფერია, მოითმინეო. მივიდნენ დაპატიუებულნი, მიესალმნენ მეფეს, შემდეგ ხალხს და შემოუხსდნენ სუფრას: ყველას მიართვეს საკმელები. დარიაჩანგმა უთხრა დაძმას, საკმელს ხელს ნუ ახლებთ, სანამ მე არ გეტყვითო და არც თვითონ ქამდა საკმელს. მეფე და ხალხი ეხვეწებოდნენ მიირთვიან საკმელი, მოწყენილები რადა ხართო. — ჩვენ საკმელი არ გვინდაო, — ერთად უპასუხეს სამთავემ. დარიაჩანგი ადგა და მეფეს მოახსენა. — დიღო მეფეო, თუ შეიძლება შემწვარი ხოხობი და გამხმარი ვაზის ყლორტი მოატანინეთ ჩემთვისო. მართლაც მოუტანეს. დარიაჩანგი ადგა ფეხზე და მეფეს სთხოვა რამდენიმე სიტყვას უფლება. მეფემ ნება დართო.

დარიაჩანგმა დაიწყო: — დიღო მეფეო! შენმა ცოლმა პირობა მოგცა, რომ ოქროსთმიან ქალ-ვაჟს შობდა, შენმა ცოლისდებმა კი ერთმა ხალიჩის მოქსოვის პირობა. ერთმა კი — გემრიელი საკმელების გაკეთებისა. მათ ეს ვერ შეასრულეს. შენმა ცოლმა შეასრულა, ფეხპძიმობის დროს შენ შინ არც ერთხელ არ ყოფილხარ. შენმა ცოლმა შობა ოქროსთმიანი გოგო. აი, ეს, — ხელი დაადო თავის მულს, — მეორედ კი აი, ეს ვაჟი — ხელი დაადო თავის ქმარს. — შენმა ცოლის დებმა უღალატეს შენს ცოლს, ეს ბაღლები დაპატიუეს და წისკვილის ღარში ჩაყარეს, მეწისქვალემ იპოვა ესენი და თხის რძით დაზარდა. მათ ბადლად შენმა ცოლისდებმა ჩაუსვეს ერთხელ კარის კნუტი, მეორედ კი — ფილთაქვა. შენ ამის გულისათვის უსამართლოდ გააკარი ტყავზე და საშინლად აწამე ცოლი, მოღალატე დები კი მიღებული გყავს. ახლა ესენი შენი შვილები არიან. უთხრა

ქმარ-მულზე. — შენ კი მათთვის მოიტანე მოწამლული საკმელები, ესენი უნდა დაჰხოცო და მე კი ცოლად შემირთო. მე შენი რძალი ვარ — აილო დარიაჩანგმა ხელში შემწვარი ხოხობი, გამხმარი ვაზის ყლორტი და დაიძახა: — თუ რაცა ვთქვი, ეს ყველაფერი მართალია, შენ, შემწვარო ხოხობო, ფრთები გამოიბი და ამ ოთახში ფრენა დაიწყეო. გაუშვა ხოხობს ხელი და დაიწყო ფრენა. შენ კი, გამხმარო ვაზის ყლორტო, მწიფე ყურძენი დაისხიო და მართლაც დაისხა.

ამ აპზის გამგონე ხალხმა ყველამ ტირილი დაიწყო. მეფეს კი გული გაეპარა და დავარდა იატაკზე. როცა მეფე გონს მოვიდა, ადგა დაჰკოცნა თავისი შვილები, მერე რძალი. ბრძანა მისი ცოლი აეშვათ, გაესუფთავებინათ აბანოში, ახალი ტანისამოსი ჩაეცმიათ და მოეყვანათ.

მოსამსახურებმა ეს ყველაფერი სწრაფად შეასრულეს. მოიყვანეს, გააცნეს თავისი შვილები, რძალი. გადაეხვივნენ და დაჰკოცნეს, ორმაგი ქორწილი გადაიხადეს. ცოლისდები და მოხუცი დედაკაცი ცხენს კუდზე გამოაბეს და ისე დახოცეს. მეფემ მოხუცი მეწისქვილე და მეწისქვილის ცოლი თავისთან მოიხზო და სიკვდილამდის სულ თვითონ ინახავდა. ამის შემდეგ იცხოვრეს ტკბილად. ახლა კი, მართლაც, დედამიწის ზურგზე არც ერთი მეფე არ შეედრებოდა მას.

ქირი იქა, ლხინი აქა, ნაცარი იქა, ფქვილი აქა.

კარგი სიტყვა, კარგი მთქმელი, კარგი ღვინო, კარგი მსმელი.

ელასა მელასა, კიქა მკეიდოს ყელასა,

მთქმელსაც და გამგონებელსაც ღმერთი გეწყალობდეს ყველასა.

საკვირველი ფრთა

იყო და არა იყო რა, ღვთის უკეთესი რა იქნებოდა. იყო ერთი ხელმწიფე. მას ჰყავდა სამი ვაჟიშვილი. ხელმწიფე ერთ ღროს ავად გახდა. მკითხავმა უთხრა: — თუ შენ ისეთ მიწას მოგიტანენ, სადაც არ გაგივლია, მორჩები, თუ არადა მოკვდებიო. ადგა უფროსი შვილი, შეკაზმა ცხენი, ბევრი იარა თუ ცოტა, მთა-გორები მოიარა, სადაც მოეწონა ყამირი, მოგლიჯა ერთი დიდი ბელტი და წამოუღო მამას. დახედა მამამ და უთხრა: შვილო, მავან ალაგას არ მოგლიჯე ეს? მე იქ გამივლიაო. წამოხტა საშუალო ძმა და თქვა: — მამავ, ვერ მოგიტან ისეთ მიწას, სადაც შენ არ გაგივლიაო? მამამ გაათრთხილა შვილები: — მე ამ ხუთ სახელმწიფოს ადგილებში გოჯი არ არის,

რომ თეხი არ დამედგასო. ადგა მაინც ეს საშუალო ვაჟი, შეკაზმა ცხენი და წავიდა. ბევრი იარა მთა-გორები, კლდეები, ბოლოს ერთ კლდეზე ნახა მერცხლის ბუდეცხვეთ ჩაკიდებული კალოსოდენა ადგილი, თქვა: — ეს რა კარგი საქეიფო ალაგია, მამაჩემი დარბაისეღუ კაცია, აქ არ ჩავიდოდაო. ჩავიდა ეს ბიჭი, მოგლიჯა შუა ადგილას ერთი დიდი ბელტი და წამოიღო. მიიტანა თუ არა მამასთან, მამამ უთხრა: — მავან კლდეში არ ამოიღე და თანაც გუნებაში ასე არ თქვი, რა კარგი საქეიფო ადგილიაო?

წამოხტა უმცროსი ვაჟი და უთხრა: მამ, მე წავალ ახლაო! — მამ ისიც გააფრთხილა: ტყუილად ნუ შეწუხდებით, მე მოვკვდებო, თქვენ ისეთ ადგილს ვერ მომიტანთ, სადაც მე არ ვყოფილიყო. ვაჟი მივიდა მეჯოგესთან და უთხრა: — ისეთი ცხენი მომეცი, რომ ჭებ თითი არა ჰქონდეს დადებულიო. მეჯოგემ უთხრა: — ერთი რაში გამოერია ჩვენს ჯოგში, ახლა არის ხუთი წლისა, ყველაზე უკან გამოვა და დაიჭირეო. მართლაც, ეს ბიჭი ისე მოიქცა, დაიჭირა ეს რაში, რაშია ბევრი იტოკა, მაგრამ ბიჭი მაინც შექდა და გაუდგა გზას. ბევრი იარა, გავიდა მეორე სახელმწიფოში. დაულამდა. მიდის და ერთი ბუმბული ანათებს მთვარეზე მეტად.

აფრინდება ეს ბუმბული, რაში რომ მიდის და იძახის: — ამიღებ ინანებ, არ ამიღებ ინანებო! ერთი კილომეტრი რომ გაიარა, ბიჭმა უთხრა რაშს: — უნდა ავიღოო. რაშია დაუშალა: — არ გინდა, ნუ აიღებო. ბიჭმა არ დაიშალა, აიღო, გადააბრუნ-გადმოაბრუნა, ჩაიდო უბეში და წავიდა. მივიდა იმ სახელმწიფოში, იკითხა ხელმწიფე. რადგანაც ხელმწიფის შვილი იყო, მიასწავლეს ხელმწიფესთან. დაუძახა. გამოვიდნენ ვეზირები. უთხრა ვეზირებს: — მე მავანი ხელმწიფის შვილი ვარ, დაჰილამდა და ღამის გათევა მინდაო. მოახსენეს ხელმწიფეს, რომ მავანი ხელმწიფის შვილია და ღამის გათევას თხოულობსო. — მოიყვანეთ, აივანქვეშ იყოსო. მიუტანეს ყველი და პური. ხელმწიფეს კი აივანზე სხვადასხვა ნამცხვრებით და სიტკბოებით ავანშებენ, ართობენ.

ეს ბიჭი, ხელმწიფის შვილი, დაღონებულია, არ იცის, სად ნახოს ისეთი ადგილი, რომ მიწა მიუტანოს და მით მოარჩინოს მამა. ბოლოს დიდი ფიქრის შემდეგ ის ბუმბული გაახსენდა, ამოიღო, შექუზე გავსინჯავო, მაგრამ ისე გაანათა, რომ მეფის სასახლის უქიცი კი სიბნელედ ეჩვენებოდათ. ხელმწიფემ დაიძახა: ეს რა ამბავია, რა მოხდაო? იქ ერთი ბებერი იჯდა, მან უთხრა ხელმწიფეს: დიდებულო ხელმწიფევე, ახლა კი არა ხარ ხელმწიფე, ხელმწიფე მამის იქნები, როდესაც ეს ბუმბული რასაც გამოსძვრა, ის შენი იქნე-

ბაო. — ვინ მოიყვანსო? — ეგ ბიჭიო. ხელმწიფემ დაუძახა ხელმწიფის შვილს და უთხრა: — თუ მოაყვან იმ ფრინველს, რასაც ეს ბუმბული გამოსძვრა, თუ არადა ჩამოგახრჩობო.

დაღონდა ეს ბიჭი და გამოვიდა გარეთ; მივიდა რაშთან და უთხრა: — თუ ის ფრინველი არ მიეუყვანე, უნდა დამახრჩონო. რაშმა უთხრა. აკი გითხარი ნუ აიღებო, მაგრამ ახლა რა ეშველება, უთხარი ხელმწიფეს, კამეჩი დაკლას და ფაშვი მოგცესო. უთხრა ხელმწიფეს. დაკლა კამეჩი, მისცა ფაშვი. ადგა რაში, წაიყვანა ერთ ზღვის პირას. — იმ კუნძულს ხომ ხედავ, იქ უნდა გადავხტეთ. რომ გადავხტებით, მე ზღვაში დავიმალები, შენ იქ დაწვები, გულზე დაიდებ იმ ფაშვს, წამოვა მალლიდან ძალიან მძლავრი ფრინველი და თუ მაგრად არ დაუხვდის, ფრთის ძირები არ დაუჭირე, გაგიტაცებს და გადაგკარგავსო.

შემოჰკრა რაშს მათრახი ხელმწიფის შვილმა. გადახტა კუნძულზე. ეს ბიჭი გულაღმა დაწვა. ფაშვი ზედ დაიდო, რაში კი ჩავარდა ზღვაში. ამ დროს წამოვიდა ერთი ჰეჰა-ქუხილით ეს ფრინველი, დაეცა ამ ხელმწიფის შვილს. ხელმწიფის შვილმა დაუჭირა ფრთის ძირები, აიტანს თორმეტი-ცამეტი მხარზე მალლა, ისევ დაუშვებს, ბოლოს ძალიან დაიღალა და დამორჩილდა. გამოვარდა რაში, შეჭდა რაშზე ხელმწიფის შვილი, წამოვიდა ხელმწიფესთან. ეზოში რომ შეპოვიდა, ბებერმა უთხრა ხელმწიფეს: — მართალია, ეგ ფრინველი მოგიყვანა, მაგრამ ხელმწიფე მაინც არა ხარ, ხელმწიფე მაშინ იქნები, როდესაც მაგის აღმზრდელი ქალი შენ ცოლად გეყოლებო. — ვინ მოაყვანსო, — ბრძანა ხელმწიფემ. ბებერმა უთხრა: — ისევ ეგ ბიჭი მოიყვანსო. მოვიდა ეს ბიჭი, მოუყვანა ხელმწიფეს ფრინველი. ეს ბიჭი ფიქრობს, საით წავიდეს, რომ თავის მამას მიუტანოს მიწა მოსარჩენად. ხელმწიფემ უთხრა: — მართალია, ეს ფრინველი მოგიყვანე, მაგრამ მაინც არ განთავისუფლებო. — რატომო? — უთხრა ხელმწიფის შვილმა. — იმიტომ, რომ მაგის აღმზრდელ ქალს თუ არ მოპიყვან, ჩამოგახრჩობო.

დაღონდა ხელმწიფის შვილი, გავიდა რაშთან და უთხრა: — ახლა ქალის მოყვანასა მთხოვსო. — უჰ, კაცო, აკი გითხარი, ხელს ნუ ახლებ მაგ ბუმბულს-მეტეჩი. მაგრამ ახლა რადა ეშველება, უნდა წავიდეთო. ადგნენ და წავიდნენ იმ ზღვის პირას ისევ. რაშმა უთხრა: — ჩვენ ისევ ამ კუნძულზე უნდა გადავხტეთ, ამალამ აქ გავათენებთ და იმ კუნძულის ბოლოს რომ სახლი დგას, იქ ცხოვრობს ის ქალი. მზე რომ ამოდის, სძინაეს, ვინც წინიდან მივა, ჰხედავს, გინდა ეძინოს, გინდა ეღვიძოს. თორმეტი ნაწნავი თმა აქვს, ამოარ-

ჩიე შუა თმები, გადახტი, დაუჭირე მაგრა და დასწიე რაც ძალი და
ლონე გაქვს. იწივლებს, იკივლებს, შემოგფიცავს. სანამ ის ფრინვე-
ლი არ დაიფიცოს, რომელიც ჩვენ ხელმწიფეს მივუყვანეთ, არ გა-
უშვა.

მართლაც, ეს ბიჭი მივიდა დილით, ნახა, რომ ქალს პირი მზისკენ
აქვს და სძინავს. გადახტა ბიჭი, დაუჭირა თმები. იწივლა, იკივლა,
იფიცა, მაგრამ ამ ბიჭმა ხელი არ გაუშვა, სანამ ის ფრინველი არ და-
იფიცა და უთხრა გამოგყვებიო. გაუშვა და უთხრა ქალმა: — მართა-
ლია, შენ სხვა გწვავს, მაგრამ შენს დამწველს დაწვეავო. ადგა,
შეისვა ეს ქალი რაშზე და ხელმწიფეს მიუყვანა. ხელმწიფის შვილს
სადილი მიუტანეს. ხელმწიფემ ქალი თავის ოთახში შეიყვანა. ქალმა
უთხრა: — მე შენი ცოლი მაშინ გავხდები, როცა იქ თორმეტი რამი
რომ მყავს, მომაყვანო. ხელმწიფემ ბრძანა, ვინ მოიყვანსო?
— ისევე ეგ ბიჭიო, — უთხრა იმ ბებერმა. ხელმწიფემ უბრძანა ხელმწი-
ფის შვილს მოერეკა ის რაშები. უთხრა: — მომიყვან იმ თორმეტ
რამს, თავისუფალი იქნები, თუ არა, ჩამოგახრჩობო. დალონდა
ხელმწიფის შვილი. მოვრდა რაშთან და უთხრა: — იმ ქალს თორმე-
ტი რამი ჰყოლია ზღვაში და ხელმწიფეს უნდა მოვუყვანოთო.
— უჰ, ეგ კი ძნელი ამბავიაო!

— მოახსენე ხელმწიფეს: დაკლას თერთმეტი კამეჩი, გაატყავოს
და მოგცეს თერთმეტი ტყავიო. მართლაც, ბრძანა ხელმწიფემ,
დაატყავებინა თერთმეტი კამეჩი, მისცეს ტყავები. ამ რაშმა თერთმე-
ტივე ჩაიცვა ზედ. მივიდა იმ ზღვის პირას და უთხრა ხელმწიფის
შვილს: — მე ამ ზღვაში უნდა ჩავიდე და ძალიან ძნელია მათი ამო-
რეკვაო. მე მათ შევებრძოლები, თუ დავძლიე, ამოვრეკავ, თუ მოჰ-
კლეს, სისხლი ამოჩქეთს უცბად და მაშინ შენ იცი, მე მკვდარი ვიქ-
ნები; შენ თუნდა ხელმწიფესთან წადი, თუნდა შინ წადი, მე ვერა-
ფერს გიშველიო.

გამოეშვიდობა რაში, ჩავიდა წყალში და ეს ბიჭი კი დარჩა ზღვას
პირას. ჩავიდა რაში, დაერია იმ რაშებს, დიდი ბრძოლით შემოაძრეს
ათი ტყავი, დაძალა კიდევ ეს თორმეტი რაში და გამოირეკა. როჰ
მოახლოვდნენ ნაპირზე, ამოჩქეთა ნაკბილარებიდან სისხლმა და ამ
ბიჭმა თქვა: — ვაიჰე, მოუკლავთ ჩემი რაშიო და გადავარდა ზღვაში.
რაშმა პირი სტაცა და დაუძახა: — ნუ გეშინია, მომყავსო. მორე-
კეს რაშები. ხელმწიფემ რომ დაინახა, ხელმწიფის შვილს მიუდიოდა
რაშები, ქალს მაშინვე სთხოვა სახლში შესვლა. ქალმა უთხრა: — მე
შენი ცოლი არ გავხდები, მანამდის, სანამ ამ თორმეტ რამს არ მო-
მიწვდილი და იმ რძეში თან უნდა იბანდეთო. — ვინ მოსწველისო? —

ბრძანა ხელმწიფემ.—ისევ ეგ ბიჭიო, უთხრა ბ ე ბ ე რ მ ა. მოვიდა ბიჭი და უბრძანა ხელმწიფემ: — დაწველო. მაშინ კი დალონდა ბიჭი. აქამდე რაში მშველოდა, ახლა რაღა გავაკეთოო. მაგრამ ქალმა ჩუმად ზეკედი გამოიძრო, მისცა ბიჭს და უთხრა: — ეს დაანახვე და მოიწველე ბიანო.

მართლაც, ამ ბიჭმა დიდი საარაყე ქვაბი დაიდგა, დაანახა ბეკედი და მოწველა რაშები. შედგეს ცეცხლზე ქვაბი, აღულდა. იმ ბებერმა უთხრა ხელმწიფეს: — ჯერ ეს ბიჭი ჩასვი, მან იბანოსო. უბრძანა ხელმწიფემ: — აბა ჩადი და იბანვე ჯერ შენო! აქ კი ეს ბიჭი ძალიან შეშინდა. იცოდა, ჩასულიყო, დაიწვებოდა. მაგრამ ქალმა ჩუმად ბეკედი გამოიძრო და უთხრა: — ჯერ ეს ბეკედი ჩააგდე და გაგრილდებოო. ჩახტა ის ბიჭი, ბანაობს და ხელმწიფე თავზე ადგას. — ჩქარა ამოდიო! ამოხტა ბიჭი, ახლა ჩახტა ხელმწიფე და ჩაიწვა.

ატყდა წიოკობა, ხელმწიფე დაიწვა. რაშმა დაუძახა: — ეგ ბ ე ბ ე რ ი გადმომიგდეო! გადაუგდო ბიჭმა ბ ე ბ ე რ ი და სულ კბილით დაგლიჯა. ქალმა უთხრა ხელმწიფის შვილს: — შენ ქმარი და მე ცოლიო. ეს სახელმწიფო შენი იქნებაო! ბიჭმა უთხრა: — არა, მე ძმა და შენ დაო. მე მამა ავად მყავს, ისეთი მიწა უნდა წავულო, რომელზედაც მამაჩემს არ გაუვლიაო. ქალმა უთხრა: — რა დროს ეგენიო, მამაშენი გარდაიცვალა და დაასაფლავეს კიდევაცაო. სხვა რა გზა ჰქონდა ვაჟსა, გამართეს დიდი ქორწილი.

ჭირი იქა, ლხინი აქა, ქატო იქა, ფქვილი აქა.
მთას ურემი ავიტანე — წამოვიდა გორებიოთა,
აქ სიციცხლით დამიძებით, საიქიოს ცხოვნებოთა.
გლასა მელასა, ძილი გაამოთ ყველასა.

გლენი კაცი და ჩიტი

იყო და არა იყო რა, ღვთის უკეთესი რა იქნებოდა. იყო ერთი ცოლქმარი. ისინი მეტად ღარიბად ცხოვრობდნენ. ერთხელ ცოლმა უთხრა: — წადი, კაციო, იქნება იშოვო რამეო; როდემდის უნდა ვაჯოთ მშვივრებო. ადგა კაცი და წავიდა. ბევრი იარა თუ ცოტა, იპოვა ერთი ხორბლის მარცვალი და წამოვიდა გახარებული შინ. დათესა და ამოვიდა ერთი თავთავი. მეორე წელიწადს ახლა ის ჩააგდო მიწაში და ისე გაამრავლა, რომ ერთ დღიურ ადგილში სულ დათესა.

დაეჩვივნენ ჩიტები, და სულ გამოკენკეს. ეს კაცი ადგება დილით, წავა, თავიდან მოუვლის, ბოლოში ჩამოფრინდებიან, ბოლოდან მოუვლის, თავში გაფრინდებიან. ბოლოს, როგორც იყო, ესროლა კომბალი და ერთ ჩიტს ფრთა მოსტეხა. ჩიტმა უთხრა: — ოღონდ გაძიშვი და ბედსა გწევო: ჩიტმა გამოიძრო ერთი ბუმბული და დაუნიშნა ადგილი: — იქ მოდი, ჩემი სახელი ახსენე და მაშინვე იქ დავიბადები, რასაც მთხოვ, შეგისრულებო.

რამდენიმე ხნის შემდეგ კაცი წავიდა დანიშნულ ადგილას. გზაში ერთი მუხის ქვეშ ერთ მეცხვარეს ცხვარი ჰყავდა. მივიდა იქ, დაისვენა. მეცხვარემ გამოჰკითხა: სად მიდიხარო? კაცმა ყველაფერი უამბო. ბოლოს მეცხვარემ უთხრა: რომ მიხვალ, რა უნდა სთხოვო? გლებმა უთხრა: რა ვიცი, რასაც მომცემს, იმას წამოვიღებო. მეცხვარემ უთხრა: შენ სთხოვე, ერთი ძველი მამაპაპისეული სუფრა რომ გაქვთ, ის მომეცი-თქო. ადგა გლები და წავიდა. მივიდა დანიშნულ ადგილზე. ამოიღო ბუმბული და ახსენა ჩიტის სახელი. ჩიტი მაშინვე იქ გამოცხადდა და უთხრა: — რა გაგჭირებიაო? გლებმა უთხრა: — თქვენ მომეცით ერთი მამაპაპისეული სუფრა რომ გაქვთო. ჩიტმა გამოუტანა და წამოვიდა გლები უკან. ატრიალებს გლები ამ სუფრას და თან თავის თავს ემღურის: რომ გავიარე მეცხვარის ჰკუთხე, რად მინდა ეს ძველი სუფრაო.

მოვიდა იმ მუხასთან, მეცხვარე ისევ იქ იყო. უთხრა: — იცი, რა იცის ამ სუფრამ? გლებმა უთხრა: — რა უნდა იცოდეს, მიეიტან და მაგიდას გადავაფარებო. მაშინ მეცხვარემ გამოართვა ეს სუფრა და უთხრა: — აბა, ჩემო სუფრავ, რაც ჩვენ გვესიამოვნება, მოგვიტანეო, — და გაშალა სუფრა. რა გინდოდა, რომ იქ არა ყოფილიყო, ჩიტის რძეც კი მოიპოვებოდა. წამოვიდა გახარებული გლები. შინ რომ მოვიდა, გლებმა უთხრა თავის ცოლს: — ჩემი ხელმწიფე უნდა გავაკვირო და დაპატიყა თავისი ჯართი. მოვიდნენ დაპატიყებულნი სტუმრები, მაგრამ ხედავენ, რომ გლებს ცეცხლიც არ უნთია და უჭვრით, რაზე გვაპატიყებდაო. გლებმა აიღო სუფრა და უთხრა: — აბა, ჩემო სუფრავ. რაც ჩემ ხელმწიფეს ესიამოვნება, ყველაფერი მოიტანეო. გლებმა გაშალა სუფრა და რა გინდა სულო და გულო, რომ იქ არ ყოფილაყო, ჩიტის რძეც მოიპოვებოდა.

წასვლის დროს ხელმწიფემ უთხრა: — ეს სუფრა მათხოვეო, სხვა სახელმწიფოს ხელმწიფეს დავაპატიყებო. გლებმა ჯერ უარი უთხრა, მაგრამ როცა დაუყინა, ხელმწიფეს ვედარ გაუძალიანდა და ათხოვა. რამდენიმე ხნის შემდეგ ხელმწიფემ სხვა ძველი სუფრა მოუტანა, გლები ხან უკუღმა გაშლის, ხან წაღმა, მაგრამ არაფერი არ

მოდის. გლეხი ჩავარდა ისევ დიდ გაქირვებაში. ადგა და წავიდა ხელშეორედ სათხოვნელად, მაგრამ არ იცის კი რა სთხოვოს. იმ მუხასთან რომ მივიდა, მეცხვარე ისევ იქ იყო და უთხრა: რომ მიხვალ, ახლა რაღა უნდა სთხოვო? — არ ვიციო. — შენ მიდი და სთხოვე, ძველი ხელსაფქვავე რომ გაქვთ, ის მომეცი-თქო.

გლეხი მივიდა, ახსენა ჩიტის სახელი. ჩიტი იმ წამში იქ დაიბადა. — რა გაგქირვებიაო? გლეხმა სთხოვა ხელსაფქვავე. ჩიტმა გამოუტანა და გამოასტუმრა გლეხი. როცა მოვიდა მეცხვარესთან, მეცხვარემ უთხრა: გესმის, თუ არა, რა იცის ამ ხელსაფქვავემო? გლეხმა უთხრა: — არ ვიციო. გამოართვა მეცხვარემ, წაღმა გადაატრიალა—ოქროს ფული გაღმოცვივდა, უკულმა გადაატრიალა—ვერცხლის ფულები. გახარებული გლეხი წამოვიდა შინ და ცხოვრობდა ტკბილად. ერთ დღეს გლეხი სხვაგან წავიდა და მის ცოლთან მივიდა მათივე მეზობელი, ბებერი დედაკაცი ხელსაფქვავეის სათხოვნელად. დედაკაცი უარს ეუბნებოდა, ვერ გათხოვებ, ჩემი ქმარი გამაჩავრდებაო, მაგრამ ისე ჩამოეკიდა, რომ ათხოვა. რამდენიმე ხნის შემდეგ სხვა ხელსაფქვავე მიუტანა. ეს გლეხი ხან უკულმა გადაატრიალებს, ხან წაღმა, მაგრამ ტყუილად, არაფერი აღარ გამოდის. გლეხი ჩავარდა ისევ დიდ გასაჭირში და წავიდა ჩიტთან სათხოვნელად. როდესაც მივიდა იმ მეცხვარესთან, მეცხვარემ უთხრა — შენ სთხოვე, მამაპაპისეული კომბალი რომ გაქვთ, ის მომეცი-თქო.

გლეხი მივიდა დანიშნულ ადგილას. ამოიღო ბუჭბული, ახსენა ჩიტის სახელი, ჩიტიც მოფრინდა და ჰკითხა: — რა გაგქირვებიაო? გლეხმა უთხრა: — მამაპაპისეული კომბალი რომ გაქვთ, ის მომეცი-თო. ჩიტმა მისცა და გახარებული გლეხი წამოვიდა უკან, მაგრამ არ იცის, რის გამოსადეგია. მივიდა მეცხვარესთან, მეცხვარემ უთხრა: — იცი თუ არა, ამ კომბალმა რა იცისო? გლეხმა უთხრა: არ ვიციო. — აბა, მაშ, ხელში მომეციო. გლეხმა კომბალი მიაწოდა მეცხვარეს. — აბა, ჩემო კომბალო, დატრიალდი — უთხრა მეცხვარემ კომბალს, და გაქანებული კომბალი გლეხს დაეჯახა კისერში. კისრიდან გაქანდა და დაეჯახა კოჭებში. კარგა მიბეგვა, მაშინ მეცხვარემ უთხრა: — კარგი, კომბალავ, ეყოფაო! და დადგა. — ა, ეს იცის კომბალამო და ვისიც ჯავრი გჭირს, წაღი და იმას გაუმასპინძლო.

გახარებული გლეხი წამოვიდა შინ და მივიდა იმ ბებერ დედაკაცთან, რომელმაც ხელსაფქვავე შეუცვალა, დაუძახა და უთხრა: — გამომიტანე ჩემი ხელსაფქვავეო! დედაბერი დიდ უარზე შედგა: — არა მაქვს შე შენი ხელსაფქვავეო. გლეხი გაბრაზდა და უთხრა კომბალს: — აბა, ჩემო კომბალავ, დატრიალდიო! კომბალი გაე-

ქანა და ეცა ბ ე ბ ე რ ს, ხან თავში, ხან ფეხებში. კარგად რომ მიბეგვა, ბ ე ბ ე რ ი თვითონვე ეხვეწებოდა, გამოგიტანო, სანამ არ გამოიტანა და ხელში არ ჩააბარა, მანამ კომბალა ასე განაგრძობდა ცეპას. გლეხი ახლა სუფრის გამოსართმევად წავიდა ხელმწიფესთან. მივიდა და ხელმწიფეს უთხრა: — ბატონო ხელმწიფე, ან ჩემი სუფრა მომეცი, ან კიდევ უნდა მეომო. ხელმწიფეს სიცილადაც არ ეყრ და ასე ამბობდა: — ეს ერთი კაცი ერთი კომბლით რას მიზამს ან მე, ან ამოდენა შეიარაღებულ ჯარსაო. — და გამოუცხადა ომი.

გლეხმა კომბალი მოიმარჯვა და უთხრა: — აბა, კომბალო, კარგან მოემზადე და ჯერ ხელმწიფეს და მერე მის ჯარსაო! კომბალი გაქანდა, ხელმწიფეს შიგ შუბლში დაეჯახა და გადააგდო, გლეხი კი აივნის ქვეშ შეძვრა და დაიძალა. ხელმწიფის წაქცევაზე ატყდა თოფების სროლა, მაგრამ კომბალს ვერც ერთი ვერ არტყაშს. ისე ამოწყვიტა მთელი ჯარი, რომ ერთი აღარავინ დაურჩენია. მაგრამ კომბალი მაინც არ დგება და ხან ერთს დაეჯახება გატეხილ თავში, ხან მეორეს. ბოლოს როცა გააგო გლეხმა, რომ სამიში აღარა იყო რა, გამოვიდა გარეთ და უთხრა კომბალს: — კარგო, დადექიო! კომბალი დადგა და გამოცხადდა პატრონთან. გლეხი უშიშრად შევიდა, გამოიტანა სუფრა და წავიდა გულდაშვებულა შინისაკენ. ამის შემდეგ გლეხი ცხოვრობდა უდარდელად.

ჭირი იქა, ლხინი აქა,
ქათო იქა, ფქვილი აქა

მონადირე და მისი რაში

იყო და არა იყო რა, იყო ერთი თხუთმეტი წლის ბიჭი. ერთხელ ეს ბიჭი ადგა, იარა და ცხრა მთა გადაიარა, გადავიდა სხვა სახელმწიფოში. ჩამოიარა ერთ სოფელში. მივიდა ვიღაც დედაბერთან და უთხრა: — შვილად ამიყვანე და შევინახავო. დედაბერს ძალიან გაუხარდა. — მობრძანდი, შვილო, უშილო ვარ და აგიყვანო. ამ ქვეყნის ხელმწიფეს ჰყავდა მონადირეები. წავიდოდნენ, ინადირებდნენ და ხელმწიფეც საჩუქარს აძლევდა. ერთხელ ამ ბიჭმა თქვა: — მოდა, დედი, მეც წავალ სანადიროდ, არ კი ვიცი კარგი ნადირობა, მაგრამ მაინც წავალ. დედაბერმა უთხრა: — წადი, შვილო, მხოლოდ სააბჯროს რომ გააღებენ, სულ პრიალა იარაღი აწყვია, შენ

მას ყურს ნუ ათხოვებ, ცალკე კუთხეში დევს ერთი ქართული თოფი და აილე, ის გერჩივნოსო.

მართლაც, წავიდა ბიჭი. ხელმწიფემ გაუღო საიარაღოს კარები. იქ სულ პრილა იარაღი ეწყო. ბიჭმა ამ იარაღს ყურადღება არ მიაქცია, აიღო ერთი ჩახმხიანი თოფი, ერთი ხმალი და გამოვიდა გარეთ. მონადირეები როცა წავიდნენ, წაპყვა თან ეს ბიჭიც. სალამოს შეჭურდნენ ერთად. თვითეულ მონადირეს რაღაც მოეკლა, მაგრამ ამ ბიჭს კი ვერაფერი ვერ მოეკლა და დაღონებული მოდიოდა. ზოგმა მონადირემ მოკლა ვეფხვი, ზოგმა — ლომი, ზოგმა — შველი; ზოგმა რა მოკლა და ზოგმა რა. ეს ბიჭი წამოწვა წყლის პირას, დალია წყალი და დაისვენა. გაიხედა და დაინახა, რომ ხეზე ზის ერთი ფრინველი. ამ ფრინველმა ბიჭს გადმოსძახა: მომკლავ, ინანებ, არ მომკლავ, თნანებო! ამ ბიჭს ისეთი თოფი ჰქონდა, რომ ლაპარაკი იცოდა. თოფმა უთხრა: ესროლეო!

ესროლა ბიჭმა თოფი, ფრინველი აფრინდა და გამოუვარდა ბუმბული. მივიდა ბიჭი, აიღო ბუმბული, ჩაიღო ჯიბეში და წამოვიდა. გზაში მას სხვა მონადირეები შეხვდნენ, ისინი დასცინოდნენ, ვერაფერი მოჰკალიო! როდესაც მოვიდა ხელმწიფესთან, ყველა მონადირემ ჩააბარა თავიანთი ნანადირევი. მეფემ ბიჭს უთხრა: — შენ რაღა მოკალიო? ბიჭმა თქვა: მე არაფერი მომიკლავს, ერთ ფრინველს ვესროლე და ბუმბული გავარდაო. ხელმწიფემ უბრძანა ამ ბიჭს, მოეტანა ის ბუმბული. ბიჭმა მიართვა. ეს ბუმბული ისეთი რამე გამოდგა, რომ მკვდარ კაცს აცოცხლებდა. ხელმწიფემ დაასაჩუქრა, ძალიან ბევრი ოქრო მისცა.

მეორე დღეს ისევ წავიდნენ სანადიროდ. ყველამ ინადირა, ამ ბიჭმა კი ვერა მოკლა რა. როცა წამოვიდნენ, ზოგ მონადირეს ვერც კი მოჰქონდა, იმდენი ენადირა. ეს ბიჭი მივიდა წყაროსთან, დაისვენა, დალია წყალი. გაიხედა გვერდზე და დაინახა ერთ ხეზე იჭდა ფრინველი. ამ ფრინველმა გადმოსძახა: — მომკლავ, ინანებ, არ მომკლავ, ინანებო. თოფმა უთხრა: — ესროლეო. გავარდა თოფი. ფრინველი აფრინდა და მას გავარდა ერთი კვერცხი. აიღო ის კვერცხი და ჩაიღო ჯიბეში. ხელმწიფესთან რომ მოვიდნენ, მონადირეები გულუხვად დაასაჩუქრეს. ამ ბიჭს უთხრა: — შენ რაღა ინადირეო? მე ერთ ფრინველს ვესროლე თოფი და კვერცხი გავარდაო. ხელმწიფემ გამოართვა სიხარულით კვერცხი და შეინახა. ამ ბიჭს ძალიან დიდი საჩუქარი დაულოცა. გაუხარდა ბიჭსაც და წამოვიდა შინ. დედაბერმა რომ გაიგო, საჩუქარი მისცესო, ძალიან გაუხარდა. ამ მონადირის ამხანაგებს შურდათ და გადაწყვიტეს, ეს ბიჭი დაეღუპათ, მაგრამ თვითონ ვერ მოკლავდნენ, ეშინოდათ.

მონადირეებმა გადაწყვიტეს ხელმწიფისათვის ეთქვათ, მავან ჭინდორზე რომ რაში ჩამოდის, იმ რაშთან გაეგზავნა ის ბიჭი. ჭართლაც მივიდნენ მონადირეები ხელმწიფესთან და მოახსენეს: გველაფრით აყვავებული ხარ და ციდან რომ რაში ჩამოდის, ისიც რომ აქა გყავდეს, მაშინ შენ ხელმწიფე ველარ შეგედრებოდაო. ხელმწიფემ ჰკითხა: — ვინ მოიყვანსო? — ჩვენი მონადირე მოიყვანსო. ხელმწიფემ დაიბარა მონადირე და უთხრა: — მავანი რაში რომ ჩამოდის მავან მინდორში წყლის დასალევად, ის უნდა მოიყვანო. დალონდა ბიჭი და გამობრუნდა უკან. მივიდა და თავის თოფს მოახსენა:—ესე ესე მითხრა ხელმწიფემო. თოფმა უთხრა:—შენ ნუ გეშინია, მოატანიე ცხრა კილო მარილი, ცხრაფუთიანი ურო, ცხრა ლიტრი ლაგამი და ოცდაათმეტრიანი ლურსმანი და ცხრა კამეჩის ტყავი. ესენი შეგისრულოს და ნუ გეშინიაო. ბიჭი წავიდა და მოახსენა ხელმწიფეს, ესენი მპირდებო. ხელმწიფემ აუსრულა თხოვნა. შეჯდა ცხენზე, გადაიკიდა თავისი თოფი და წავიდა იმ მინდორისაკენ.

ბევრი იარა თუ ცოტა იარა, მივიდა იმ წყაროსთან, სადაც რაში ჩამოვიდოდა. ჩამოხტა ბიჭი ცხენიდან. ეს წყარო ისეთი იყო, რომ ამოდიოდა მალლა და ისევ იმ ადგილას ჩადიოდა. ბიჭმა გაღაფტარა ზედ ცხრა კამეჩის ტყავი, დაურჭო ოცდაათმეტრიანი ლურსმანი, დააყარა ცხრა კამეჩის ტყავზე ცხრა კილო მარილი და მარილს ცოტა წყალი მოაწკაწკაბა. თვითონ წავიდა და მოშორებით ბუჩქს ამოეფარა. შუადღისას მოდის მალლიდან რაში როგორც შურდული, ჩამოფრინდა, დაეშვა წყაროს ნაპირას. რომ დაინახა, წყაროს ზემოდან ტყავი ჰქონდა გადაფარებული, ტორის ცემა დაუწყო, მაგრამ წყალი მაინც ვერ გამოაჩინა. მერე გაბრაზებულმა რაშმა მარილს დაუწყო წენატაწენუტი. მარილმა წყალი უფრო ძალიან მოაწყურა. მაშინ რაშმა დაიძახა: — ვინა ხარ, რა სულაერი ხარ, ოღონდ მოდი წყალი დამალევიე და სადაც მეტყვი, იქ წამოგყვებიო.

გამოვიდა ბიჭი და უთხრა: — ლაგამი ამომადებინეო. ამოსდო ბიჭმა ლაგამი. ახადა ცხრა კამეჩის ტყავი და რაშს წყალი დაალევიდა. დაღია თუ არა წყალი, რაში აფრინდა მალლა და ბიჭი ზევით მოგქცა. აფრინდა რაში და უნდა ბიჭი ცას მიახლოს, მაგრამ ბიჭმა დაჰკრა ცხრაფუთიანი ურო და დაბლა ჩამოაგდო. ახლა რაში წამოვიდა დაბლა იმ განზრახვით, რომ დედამიწას უნდა დააქციტოს. მაგრამ ბიჭმა ცხრაფუთიანი ურო ამოარტყა ქვეშიდან და ზევით ააგდო. რაში ახლა გვერდზე წავიდა, რათა კლდისათვის მიეჭახებინა, მაგრამ ბიჭმა ურო გვერდიდან მოარტყა და გვერდზე გადმოაგდო.

რამა უთხრა ბიქს: — რაკი შენ დამიმორჩილე, მე ამას იქით შენი ვიქნებო. მე ვიცი, შენ უნდა წამიყვანო ხელმწიფესთან. მე მყავს ცხრა შვილი, როგორც ანგელოზები. ისინი ხელმწიფეს მიეცი. მე შენი ვიქნები. როცა გეტყვის, რათ დაგასაჩუქრო, შენ უთხარი, ეს რაში მომეცი-თქო. ესე უთხარი და მოგცემს. — კარგო, — უთხრა ბიქსმა. წაპოვიდნენ სახლში.

მართლაც, ამ რამა მოიხმო შვილები და უთხრა, რომ თქვენ ამას იქით ხელმწიფის იქნებათო. წაპოვიდნენ. ხელმწიფეს ბიქსმა მიუყვანა ცხრა რაშის შვილი და მეთე დედა რაშიც. ხელმწიფემ უთხრა:—რით დაგაჯილდოვო. — არაფრით, თუ მომცემ, აი, ეს რაში მომეცი, ჩემთვის მოვაგვარებ რამესო. ხელმწიფე დათანხმდა, — კარგო; წაყვანა ბიქსა რაში სახლში. ახლა ამ მონადირეებმა უფრო ძალიან შეიჯავრეს ეს ბიჭი. მეორე დღეს ისევ მივიდნენ ხელმწიფესთან და მოახსენეს: ახლა ყველაფრით აყვავებული ხარ, მაგრამ მევან ალაგას მზეთუნახავი ქალია, ის რომ შენ გყავდეს, ხელმწიფე არ შეგედრებოდო. ხელმწიფემ თქვა: — ვინ მოიყვანს იმასო? — ჩვენი მონადირე მოაყვანსო. დაიბარა ხელმწიფემ ეს ბიჭი და დაავალა ქალის მოყვანა. დაღონებული ბიჭი დაბრუნდა სახლში და მოახსენა თავის რაშს: — ესე ესე მითხრა ხელმწიფემ და რა ვუყოთო? — შენ ნუ გეშინიაო. მიდი და გააკეთებინე ისეთი გემი, რომ იმისთანა ლამაზი ქვეყანაზე არ იყოსო.

წავიდა ბიჭი და მოახსენა ხელმწიფეს: — ააგე ისეთი გემი, კაცი რომ შევიდეს, გარეთ გამოსვლა აღარ მოუნდესო. მართლაც, ააგო ხელმწიფემ გემი და წავიდნენ. ამ ბიქსმა თან წაიყვანა თავისი რაში. იმ კუნძულამდის წელიწადნახევრის სავალი იყო. ბევრი იარეს თუ ცოტა იარეს, მივიდნენ კუნძულამდის. გემი ხმელეთზე ამოიტანეს და თვენახევარი დატოვეს იქ. ამ ქვეყანაში ცხოვრობდნენ ზანგები. იქ არ მოიპოვებოდა ლამაზი მცენარეები. ხალხი გემში შედიოდა და ნახულობდა მშვენიერ მცენარეებს.

ერთხელ მზეთუნახავმა ქალმა თქვა: — წამოდი, დედი, ჩვენც ვინახულოთო. წამოვიდა დედა-შვილი გემის სანახავად. მოვიდნენ გემთან. ჯერ თვითონ შევიდა. შესვლის უმაღლეს ჩაკეტა ბიქსმა კარები, მისცა ნიშანი. დაიძრა გემი. მთელი ზანგები გამოედევნენ, მაგრამ ვერას გახდნენ. მათ არ ჰქონდათ გემი და არც ნავი. გზაში ბიქსმა ქალს უთხრა: ჩემთვის კი არ მიმყევხარ, არამედ ხელმწიფისთვისო. ქალმა უთხრა: შენ წამომიყვანე და მე შენს იქით გზა არ მჰქვსო, ბიქსმა უთხრა: — მე იმისი სიტყვა შევასრულე და ახლა ჩემი იქნები თუ მისი, არ ვიციო.

სამი წელი შესრულდა, ხელმწიფე მოლოდინში იყო. მთელი ქვეყანა ზღვის პირას გამოსულიყო და გასცქეროდა. შეამჩნიეს, რომ შორს გამოჩნდა გემი. სიხარულით დაიძახეს: — მოდის გემი, მოდისო! ხელმწიფესაც ძალიან გაუხარდა, გემი თანდათან მოუახლოვდა. ამ ბიჭმა გადმოიყვანა მზეთუნახავი ქალი და ჩააბარა ხელმწიფეს. ხელმწიფეს გაუხარდა. იმ დღისითვე ხელმწიფემ გამართა ქორწილი. მოიწვია სოფლის ხალხი. ამ ბიჭმა კი წაიყვანა რაში და სარდაფში დააბა. თვითონ ტახტზე წამოწვა; დაისვენა. სასახლეში გატურებული ქორწილი იყო, სადღეგრძელო სადღეგრძელოზე ისმებოდა. ადგა მზეთუნახავი ქალი და თქვა: — ერთი სადღეგრძელოს უფლება მომეციო. ხელმწიფემ უთხრა: — ერთი კი არა, ათი თქვიო. ქალმა დაიწყო: — მე ვინც მომიყვანა, რატომ ის აქ არ არისო. ხელმწიფემ მიიხედ-მოიხედა და, მართლაც ის ბიჭი იქ არ იყო! გააგზავნეს კაცი და საჩქაროდ მოიყვანეს ბიჭი. შემოვიდა და დაუთმეს ალაგი. ქალი ისევ სადღეგრძელოს ამბობდა, ბიჭი რომ დაინახა, თქვა:— ხალხნო, თქვენა სთქვით, ვის ვეკუთვნი მე, ხელმწიფეს თუ ამ ბიჭსაო?

ხალხმა ხმაც არ ამოიღო. ხელმწიფემ თქვა: — მე ერთ დავალებას მივცემ მაგ ბიჭს და თუ შემისრულებს, მისი იყავიო. მე ავადუღებ ქვაბს, გავდებ ფიცარსა და ზედ ითამაშოსო. ხელმწიფეს ძალიან დიდი ქვაბი ჰქონდა. ააღუდა, ბიჭს უბრძანა: — ითამაშეო. ეს ბიჭი ავიდა ზედ და დაიწყო თამაში. ხელმწიფემ წაკრა ფიცარს ხელი და ეს ბიჭი შიგ ჩააგდო. ბიჭი ჩაიხარშა და ქვაბში ცარიელი ძვლები დარჩა. მეფემ უბრძანა ვეზირებს, გადაღვარეთ წყალიო. ვეზირებმა გადაღვარეს წყალი. ძვლებსაც კი არ აღირსეს დამარხვა. განაგრძეს ქორწილი. ამ ბიჭს რაში ჰყავდა გულთმისანი. გააგო თუ არა რაშმა, პატრონი მომიკლესო, იქაურობას ანგრევდა ფეხით. მოხუც დედაკაცს ჩასძინებოდა, რაშის ხმაურზე გამოეღვიძა. ჩავიდა ძირს, ჰკითხა: — რად ანგრევო? რაშმა უთხრა: — შენი შვილი მკვდარია, წადი, აიღე ტომარა და მიდი ხელმწიფის სახლთან. შენი შვილის ძვლები ბაღჩაში გადაყარეს. თუ გითხრან რას აკეთებო, უთხარი, ძვლები უნდა მოკრიფო, ძაღლი და ღორი გააფუქებს-თქო.

წავიდა მოხუცი დედაკაცი, წაიღო ტომარა და დაუწყო ძვლებს კრეფა. მოკრიფა სულ მთელი ძვლები და წამოიღო შინ. მიუტანა რაშს. რაშმა ეს ძვლები ააწყო კარგად, ბიჭის ნაშოვნი ბუშბული მიუს-მოუსვა და ბიჭიც წამოხტა ფეხზე. რაშმა უთხრა: — წადი ახლა და ხელმწიფეს უთხარი, რომ, მე ხომ ვითამაშე ადუღებულ ქვაბ-

ზე, მიბრძანდი, ახლა შენ ითამაშე-თქო. როცა ხელმწიფე ავა სათამაშოდ, მან თუ უჩუმრად მკრა ხელი, შენ კიდეც თვალხმეირად ჰკარი ხელი და შიგ ჩააგდეო.

მართლაც, ბიჭი მივიდა ხელმწიფის სასახლეში, შევიდა იქ, სადაც ქორწილი იყო. ხალხმა რომ დაინახა, სიცილით დაიხოცნენ, ამწუთში ქვაბში ჩახარშა და ახლა საიდან მოგვეჩვენაო. ბიჭმა უთხრა ხელმწიფეს: — მე ხომ ვითამაშე ადუღებულ ქვაბზე, ახლა შენ ითამაშეო. აადუღეს ქვაბი. მივიდა ხელმწიფე, ავიდა ზედ და დაიწყო თამაში. მივიდა ეს ბიჭი, ჰკრა ხელი ფიცარს და ხელმწიფე შიგ ჩაიხარშა. მერე ბიჭმა უბრძანა, ძვლები დამარხეთო. ვეზირებმა დამარხეს ხელმწიფის ძვლები და განაგრძეს ქორწილი.

ამ დროს მოვიდა რაში, ჩაკეტა ყველა კარი. ერთ კარებში თვითონ დადგა და ხალხს უთხრა: გამოდითო. ეს რაში თითოობით უშვებს ყველას: უბრალო ხალხი სულ ყველა გაუშვა, მხოლოდ მონადირეები დატოვა შიგ. რაში მივიდა მონადირეებთან და უთხრა: თქვენ რას ერჩოდით ამ მონადირეს რომ სასიკვდილოდ აგზავნიდით ხოლმეო. რაშმა მონადირეები ამოხოცა. მერე ეს ბიჭი დადგა ხელმწიფედ და ცხოვრობდნენ კარგად.

ლილოველი მონადირე

იყო და არა იყო რა, ღვთის უკეთესი რა იქნებოდა. იყო შაშვი მგალობელი, ღმერთი თქვენი მწყალობელი. იყო ერთი სახელგანთქმული მონადირე. იგი არასოდეს ნადირობიდან ხელცარიელი არ დაბრუნებულა. ერთხელ მონადირე დილაადრიან გაუდგა გზას. იხეტიალა მთელი დღე და არ იქნა, ვერაფერი ნახა. იარა, იარა და მიადგა ტყეში ერთ უზარმაზარ ეკლესიას. შემოუარა გარშემო, მაგრამ შესავალი ვერ უპოვა. გამობრუნდა, იქვე შორიახლოს ჩამოჯდა და დაიწყო ფიქრი იმაზე, რომ დღეს მთელი დღე ტყუილად ეკარგებოდა და ვერაფერი ინადირა. ამ ფიქრში იყო გართული, როცა უეცრად გაიხსნა ეკლესიის კედელი და გამოხტა ერთი ყელმოღერებული შველი და პირდაპირ ამ მონადირეს წინ დაუდგა. მონადირემ ესროლა ისარი და მოკლა. დატრიალდა გახარებული მონადირე, რომ ამ დღეშ უქმად არ ჩაუარა. დაანთო ცეცხლი, დათალა. შამფურები, წამოაგო მწვადები და ცეცხლზე ააშიშხინა. როცა მწვადები შეიწვა, მონადი-

რე მივიდა თავის გუდასთან, რომელიც იქვე ახლოს იყო ხეზე ჩამოკიდებული, და პური ამოიღო.

მოტრიალდა თუ არა, გაოცებული დარჩა: ამ შვლის მთელი მწვანედები ისევ შეერთდა და გადაიქცა შვლად. შველმა ერთი მოჰხედა მონადირეს და უცებ ტყეში გაუჩინარდა. „ვაჰ, კაცო, ეს რა საკვირველი რამე მოხდა!“ — წამოიყვირა მონადირემ. ამ დროს ეკლესიის კედელი გაიხსნა და მოესმა ხმა: — საკვირველი შენ რა ნახე, საკვირველი ლილოველმა მონადირემ ნახაო! — დაიწყო მონადირემ ხმის პატრონის ძებნა, მაგრამ ვერავინ იპოვა. წამოვიდა მონადირე სახლში გაოცებული. მოვიდა და თავის დედას უთხრა: — გამომიცხვე საგზალი, ერთი კვირით მივდივარ მთაში ირმებზე სანადიროდო. დედამ გაუშადა საგზალი და მონადირეც წავიდა. წავიდა ირმებზე სანადიროდ კი არა, ლილოველი მონადირის სანახავად, რათა ეკითხა, თუ ასეთი საკვირველი რა ნახა.

ბევრი იარა თუ ცოტა, მიადგა ერთ ციხე-კოშკს, საიდანაც გამოდიოდა მხიარულების ხმა. მონადირე მივიდა და იკითხა: — ლილოველი მონადირე აქ ხომ არა ცხოვრობსო? — დიახ, აქა ცხოვრობსო, — უთხრეს და შეიყვანეს დარბაზში. ამ დარბაზში მონადირეს გახურებული ქეიფი დახვდა. ქეიფობდა ლილოველი მონადირე. ცალკე გაიხმო ლილოველი მონადირე. მანაც არ დაიზარა და ეახლა მონადირეს. მონადირემ უამბო, რაც თავზე გადახდა და ჰკითხა ამაზე საკვირველი შენ რა ნახეო. მასპინძელმა უთხრა: — აბა, ახლა დრო არა მაქვს, ქეიფია და მაგის მოყოლისათვის არა მცალიაო. თუ მოიცდი ერთ კვირას, ამ ხალხს გავისტუმრებ და აუცილებლად მოგიყვებიო.

მონადირეს ისე უნდოდა ამბის გაგება, ერთი კვირა კი არა, ერთი წელი რომ ეთქვა, მაინც დარჩებოდა. ამ ერთ კვირას ძალიან მაგრად იქეიფა და როდესაც გაისტუმრა ლილოველმა ყველა სტუმარი, უთხრა: — აბა, ძმობილო, ახლა მოდი, მოგიყვე ჩემი ამბავიო, და დაიწყო:

— მე ვცხოვრობდი ერთ სოფელში და საკმაოდ გამოჩენილ კაცად ვითვლებოდი. ლამაზი ცოლი მყავდა და ბედნიერიც ვიყავი. ერთხელ, როდესაც მოვედი სახლში, ჩემს ცოლს რაღაც მრუშობის ნიშნები შევამჩნიე. თურმე ჩემი ცოლი მღალატობდა და მე კი ეს არ ვიცოდი. მინდოდა სიმართლე გამეგო და ასე მოვიქეცი: ჩემს ცოლს ვუთხარი, გამიმზადე ერთი კვირის საგზალი, მივდივარ, ერთ კვირამდე სახლში ველარ მოვალ-მეთქი. ჩემმა ცოლმაც სიხარულით გამიმზადა საგზალი და წავედი, მაგრამ სად წამესვლება, გავიარე

ცოტაოდენი გზა და იქვე ჩაჯექი, დაღამდა თუ არა, მოვბრუნდი, მივიპარე ჩემი სახლის ფანჯარასთან და შევიხედე სახლში. შევიხედე და რა დავინახე: ჩემი ცოლი ვიღაცას გადახვევია და გორაობენ. ვერ მოვიტმინე და შევევარდი სახლში. შევევარდი თუ არა, ჩემი ცოლი იმ წუთში წამოხტა, აიღო ჩემი მათრახი, რომელიც კუთხეში ეგდო და გადამიჭირა. თან მითხრა: შენამც ქცეულხარ ძაღლაღო. მეც ვიქეცი ძაღლად და დავიწყე ძაღლური ცხოვრება. ასე ვცხოვრობდი ჩემს სახლში ძაღლურად, ოღონდ ადამიანის გრძნობები მქონდა. მაქმეცდნენ ყოველდღე ნაყარ კუტებს და მეც ვეგდე ჩემთვის. ბოლო დროს საქმელიც შემიწყვიტეს.

ერთხელ გადალასლასებული მივსუნსულებდი ბაზარში. ერთმა ყასაბმა ერთი ნახევარი დამპალი და ნახევარი კარგი ღვიძლის ნაჭერი გადმომიგდო: მე ავიღე ეს ნაჭერი, გამოვარჩიე კბილებით კარგი ნაწილი და მივიტანე იქვე დანთებულ ცეცხლთან, რომელზედაც ხალხი მწვადებს აშიშხინებდა. დავდე ჩემი ნაჭერი ცეცხლზე და დავუწყე შეწვა. ყასაბმა რომ დამინახა, გადაირია, იმ წუთში მოვიდა და წამიყვანა თავისთან. მეც დავიწყე ერთგული სამსახური და ბევრი საგმირო საქმე ჩავიდინე. თურმე ჩემმა გაკეთებულმა საქმემ მთელს ხალხში სახელი გამითქვა, ყველამ დაიწყო ჩემი ნახვა და ქება.

ერთხელ მოვიდა ერთი მდიდარი ვაჭარი და ჩემ პატრონს მოუყვა: როგორც კი ბავშვი დაებადებოდა მის ცოლს, იმ წუთშივე ეკარგებოდათ, თუნდაც დაბადებისთანავე ხელი მოეკიდათ და ათი მკველი დაეყენებინათ. ვაჭარმა სთხოვა ჩემს პატრონს: მათხოვე შენი ძაღლი და რაც გინდა მთხოვეო. ჩემმა პატრონმა მითხრა მე, გაჰყვებიო და მეც გაყევი. იმ დამეს, როცა ცოლი ლოგინზე უნდა დაწოლილიყო, მე ძალიან ვფხიზლობდი. ეყოლა თუ არა ბავშვი, გავიხედე და რას ვხედავ: ერთ კუზიან დედაბერს აუყვანია ბავშვი და მიჰყავს ისე, რომ ვერაფერ ვერაფერს იღებს. გავექანე იმ წუთში, ვეცი, წავაქციე და დახრჩობას ვუპირებდი, მაგრამ დედაბერმა ჩუმად ჩამჩურჩულა: გამიშვი, ლილოველო მონადირევე, და ბედსა გწევო. ჰე გავუშვი, ოღონდ ბავშვი კი არ გამიტანებია. გათენდა მეორე დღე და ბავშვი სახლშია. გახარებულმა ვაჭარმა აიღო ერთი ხურჯინი ოქრო, გადამიკიდა ზურგზე და მითხრა: წადიო. მეც წამოვედი, მაგრამ ყასაბის მაგიერ ჩემს სახლში მივედი. ვიფიქრე, იქნებ ამდენი ოქრო რომ მივუტანო ჩემს ცოლს, გაუხარდეს და ისევ კაცად მაქციოს-მეთქი. მივიტანე ეს ოქრო სახლში. ჩემმა ცოლმა რომ დამინახა, გაეცინა და თქვა: არ უყურებ ამ ჩვენს ძაღლსა რამოდენა ოქრო მოუტანიაო? მომხსნა ეს ოქრო და მითხრა, დაწექი აქ სახლის კარებში, ამის შემ-

დღე კარგად გკვებავთო. ახლაც გამიცრუვდა იმედები, რაღას ვიზამდი, დავწეჩი სახლის კარებში და დავიწყე ისევ ტანჯული ცხოვრება. ერთხელ მწყემსებს ცხვარი ზარიდან მთაში მიუღიოდათ. ერთი კარგი ყმაწვილი მწყემსი მომეწონა; წავედი და ჩოხის კალთაზე დავუწყე ლოკვა. მასაც მოვეწონე, გადამისვა თავზე ხელი, მომეფერა და მეც გავყევი. წავედით მთაში. დაღამდა, დაკლეს ცხვარი და თაგინათ ძაღლებს გადაუგდეს ჭიგარი, მე ნაწლავები და უვარგისი ნაჭრები გადმომიყარეს. გავასუფთავე, მოვრტანე ცეცხლთან და დავიწყე შეწვა. მწყემსებმა რომ ეს დაინახეს, განცვიფრდნენ და გაშტერებულებმა დამიწყეს ყურება. როცა შეიწვა, მივედი მწყემსებთან, ავიღე მიწა თათებით და თითქოს მწვადს მარილს ვაყრიდი, ისე დავიწყე შიწის ფრქვევა და თან მარილისკენ თათს ვიშვერდი. მიხვდნენ, რაშიც იყო საქმე და პირველად რომელ მწყემსთანაც მივედი, მან გადმომიდგა მარილი. ავიღე, დავაყარე შეწვეარ კუქმაქს და ვჰამე. იმ ღამეს მოვიდა კოკისპირული წვიმა და მგლები ცხვრისკენ მოიწვედნენ. მათი ძაღლები მკვდრებზე თეყარნენ ჭიგრისაგან დამძღრები მე კი მთელი ღამე ვაკაკატურად ვუმკლავდებოდა.

ერთ ადგილას ფარეხი გარღვეული იყო. მივედი იმ ადგილას და რასა ვხედავ, მგლები დასევიან ცხვრებს და აფუქებენ. დავიწყე ომი, ხან ერთ მგელს და ხან მეორეს ვეცემი და სულ ყირაზე გადამაყავს. ისე რომ, იმ ღამეს ცხვრებიც გადავარჩინე და ხუთი მგელიც დაგახრჩვე. მეორე დღეს მოვავლე ჩემს ნაცნობ მწყემსს პირი ჩოხაზე და წავიყვანე იმ ადგილას, სადაც ხუთი დამხრჩველი მგელი ეგდო. მწყემსმა რომ დაინახა, გაუხარდა, დაუძახა თავის ამხანაგებს და უჩვენა დამხრჩველი მგლები. იმ დღიდან ჩემთვის სულ საკუთარი ცხვარი იკვლებოდა.

ერთხელ ნისლიანი დღე იყო. ცხვარი ძალიან დაიფანტა. მწყემსებმა დაიწყეს სირბილი აქეთ-იქით და ცხვრის დაქუჩება. მეც ვტრიალებდი და ვაქუჩებდი ცხვარს. ცხვარი ისე შორს გაფანტულიყო, რომ, როგორც მოვაქუჩე და მივიყვანე, მწყემსები იქ აღარ დამხვდნენ. მეც აღარ დავაყოვნე, ვიფიქრე, იქნებ ეს ცხვრები რომ მიუყვანო ჩემს ცოლს, ამან მაინც მოუღბოს გული და დამიბრუნოს ადამიანობა-მეთქი. და აღარც დავაყოვნე, მოვუსვი და მთელი ეს ცხვრები მივიყვანე სახლში. ჩემმა ცოლმა რომ დაინახა ამოდენა ცხვარი, გაუხარდა, შევიდა, გამოიტანა მათრახი, მე მეგონა ახლა კი დამიბრუნდა ადამიანობა-მეთქი, მაგრამ მოვტყუვდი. გადამკრა მათრახი და მითხრა: შენამც ეცეულხარ მწყერადაო, ქორ-მიმინოს შესაქმელადაო! ვიქეცი მწყერად და გავფრინდი. კალოობაა, ხალხს

ძნები მოაქვს კალოზე. მეც გზის პირზე ურმებიდან ჩამოყრილი თავ-
თავეებით ვიკვებები. უცებ წამომიქროლა ალაღმა, ავფრინდი შეშო-
ნებული და ერთ ლამაზ ყმაწვილს შიგ უბეში ჩავუვარდი. ამ ბიჭმა
ნიმიყვანა სახლში და თავის ბებიას დაუძახა: ბებია, ასე, ასე იყო და
მოდო, ეს მწყერი შეჰოწვი, სანამ მე ურემს დავცილო. ამიყვანა თუ
არა ხელში ამ დედაბერმა, იმ წუთში მითხრა: აჰა, ლილოველო მო-
ნადირევ, მოხვედი თუ არა ჩემთანაო. შევხედე და ვიცანი ეს ის დე-
დაბერი იყო, რომელსაც მე ვაჭრის შვილი არ გავატანე. აღგა და ამ
მოხუცმა დაკლა ერთი ჩემოდენა ვარია, მე კი ჯამის ქვეშ დამშალა.
ამ დაკლული ვარიით გაისტუმრა ის ბიჭი, მე კი ამიყვანა ხელში და
მითხრა: გახსოვს, მე რომ გითხარი, ბედსა გწევო. ახლა უნდა გწიო
ბედსაო.

დამარიგა ასეთნაირად: წადი, გაფრინდი შენს სახლში, კარებიდან
ნუ შეხვალ, ფანჯრიდან შეფრინდი. შენი ცხენის მათრახი ჰკილია სახ-
ლის მარჯვენა კუთხეში, გაეხახუნე იმ მათრახს და ადამიანად იქცე-
ვი. შემდეგ აიღე ის მათრახი და დაარტყი სათითაოდ შენ ცოლსა და
მის საყვარელსო. ერთი იქცევა დედალ ვირად, მეორე მამალ ვირად,
და მერე რაც გინდა, ის უყავიო. მეც მართლა ასე მოვიქეცი. ამ საუბ-
რით მონადირე აივანზე გამოიყვანა და უთხრა: ეს ჩემი ეზო
სულ უსწორმასწორო იყო და ამ ვირებით გავასწორე. აი, ეს ჩემი
ციხე-დარბაზი ამ ვირებით ავაშენე. გადავკიდებდი ხურჩინებს, ჩავ-
ყრიდი შიგ ქვას და ქვიშას და ვაზიღინებდიო. თან ხელი გაიშვირა
ქვევით დაბმული ორი ვირისაკენ, რომლებიც ერთმანეთს ეალერსე-
ბოდნენ. ამ ვირებიდან ერთი არის ჩემი ცოლი და მეორე მისი სა-
ყვარელიო.

ჩვენმა ნაცნობმა მონადირემ მასპინძელს გადაუხადა მადლობა და
შინ გამოემგზავრა. ამის შემდეგ თავისი ამბავი, რაც მას შე-
ემთხვა ტყეში, აღარ მიაჩნდა დიდ საკვირველებად.

ჭირი იქა. ლხინი აქა.

ქატო იქა. ფქვილი აქა

მათხოვარი და ხელსახოცი

დადის ერთი მათხოვარი. იარა, იარა და სოფლები რომ შორია,
გზაზე გავიდა და მიდის. ერთი ხელსახოცი იპოვა. იმ ხელსახოცს
აწერია: „ნეტავი იმას, ვინც ამის დამკარგავს შემირთავსო“. ეს მ-

თხოვარი მივიდა ქალაქში, შევიდა სახაშეში და მეხაშეს უთხრა: — ამისი რაც მერგება, მაჰამეო. მზარეულმა გალანძლა: — მაგისი რა გერგებაო. აქ იყო ერთი ხელმწიფის შვილი. მან დაინახა და უთხრა მათხოვარს: — მე მომეციო. ერთი ათთუშნიანი გადმოუგდო მეხაშეს და უთხრა: რაც მოითხოვოს მაგ მათხოვარმა, აჰამე, ასვი და ხურდაც მიეციო, ეგ ხელსახოცი კი აქ მომეციო. მიუტანა ეს ხელსახოცი და ზედ აწერია: „ნეტავი იმას, ვინც ამის დამკარგავს შემირთავსო“. ხელმწიფის შვილი შინ წავიდა, მამას კი არ უთხრა გულის პასუხი. მალე ავად გახდა ბოღმისაგან. მამამ დაასია ექიმები, მაგრამ მაინც ვერ მოარჩინეს. ბოლოს შვილმა უთხრა: — მამი, შენ ვერ მომარჩენ, გინდა შენი სახელმწიფო სულ დააგირაო.

ამოიღო ხელსახოცი, უჩვენა მამას და უთხრა: — აი, თუ ამის დამკარგავს შევირთავ, თუ არადა ჩემი სიცოცხლე რა იქნებაო. მამამ უთხრა: — აი, შვილო, მთელი სალაროები შენი არ არის? მოიხმარე და იპოვეო. ადგა ეს ყმაწვილი, დაიარა თავის სახელმწიფო და ვერ იპოვა ეს ქალი. მერმე გადავიდა საზღვრებს და ერთი ხელმწიფის სასახლის ახლოს გაიარა. ხელმწიფემ რომ დაინახა, თქვა: — აქ მოაბრუნეთო. წავიდა მოსამსახურე, დაუძახა და ხელმწიფის შვილი მობრუნდა. ხელმწიფის შვილი რომ მობრუნდა, ერთ ადგილას დაინახა, რომ ხაროში ჩაუგდიათ ერთი კაცი, ზედ ადგას თორმეტი კაცი რკინის უროებით, რამდენიც ამოიწვეს, თავში დასცემენ და ჩაადებენ. ხელმწიფის შვილს შეებრალა. მივიდა ხელმწიფესთან და ხელმწიფემ ჰკითხა:—ვისი შვილი ხარო. მანაც უთხრა:—ამა და ამ ხელმწიფისაო. — მაშინ ხელმწიფემ გადაჰხვია ხელი და დაჰკოცნა: ახლობელი ნათესავი ხელმწიფის შვილი აღმოჩნდა.

მეფემ უთხრა მზარეულს: — ძვირფასი სტუმარი მომივიდა და აბა, შენ იცი, კარგი სადილი მოამზადეო. როცა მზარეულმა მოახსენა მზად არისო, ხელმწიფემაც უთხრა ამ ხელმწიფის შვილს, მოდი დამეწვიეო. ხელმწიფის შვილმა უთხრა: — მე ისეთი საცოდაობა ვნახე შენს სახელმწიფოში, რომ სანამ შენს საზღვრებს არ გავცდები, ლუკმას პირში ვერ ჩავიდებო. — რაო? — ჰკითხა ხელმწიფემ. — ისაო, რომ აგერ ერთი კაცი ჩაგუგდია ორმოში და თორმეტი კაცი თავზე უროებით ადგას. თუ დამნაშავეა ან მოკალი, ან დაახრჩვე, ანდა გაასახლე, თუ არადა საცოდაობას რას უყურებო. ხელმწიფემ უთხრა: — ის რომ გამოვუშვა, ჩემი ქვეყანა სამ წელს არ ეყოფა: თორმეტი ხაბაზი უნდა დავაყენო და პური აცხონ, თორმეტი ხარი უნდა დავკლა, თორმეტი რუმბი ღვინო უნდა დავუდგა მაგას და ერთ ჯერზე შეჰკამსო. ხელმწიფის ვაჟმა უთხრა: — მაშ, მშვიდობი-

თაო, — და წავიდა. ხელმწიფემ იფიქრა: რა კაცობაა, ამდენი ხნის უნახავია, რომ გავუშვა, დედ-მამა რას იტყვისო? — ადგა და გასცა ბრძანება, მოაბრუნეთ ეს ყმაწვილიო, თან ხაბაზებს უბრძანა მალე პური გამოეცხოთ. დაჰკლა თორმეტი საკლავი, დაამზადა თორმეტი რუმბი ღვინო და ბრძანა: აბა, ამოუშვითო. როგორც გაიგეს მცველებმა, ზოგმა იქით გადააგდო ურო, ზოგმა აქეთ, ადგნენ და წავიდნენ. ხაროდან ამოვიდა ის კაცი. ამ კაცს ერქვა გარდაქეშანი.

გარდაქეშანმა რომ გაიხედ-გამოიხედა, დაინახა ამდენი პურია მზად, შექამა თორმეტი დღის ნაცხობი პური, თორმეტი საკლავი და დალია თორმეტი რუმბი ღვინო. მოიფშვნიტა თვალები და თქვა: — ვინ იყო ჩემი გადმომხედავი, ვინ გამანათავისუფლაო? — მივიდა ხელმწიფის შვილი და უთხრა, მე ვარო. გარდაქეშანმა უთხრა: — რა მოგცე, ძმაო, რომ შენ ასეთი სიკეთე მიყავიო? — არაფერი, მე ერთი ხელმწიფის შვილი ვარო. მაშ, თავი როგორ მესახელებოდეს, თუ კი ერთ კაცს ვერ გამოვაშვებინებო. — მაინც რა მოგცეო, — უთხრა გარდაქეშანმა. — მე სიმდიდრე არა მაქვს და სხვა რაც გინდა, ისა მთხოვეო.

ამ ყმაწვილმა აჩვენა ეს ხელსახოცი და უთხრა: — აი, თუ ამის პატრონს მიპოვი, პირიქით, მე მოგცემ საჩუქარაო. გარდაქეშანმა უთხრა: — მაშ, შენი ძმა გარდაქეშანი მოგიკვდეს, თუ ვერ გიპოვოსო. გარდაქეშანმა ეს დარჩენილი სურსათი გამოიხვია ერთ ჩოხის კალთაში, მეორეში — ეს ბიჭი და წავიდა. მივიდა ერთ აღმასის კლდესთან. ეს კლდე იღებოდა და იყეტებოდა. გარდაქეშანმა უთხრა: — აი, აქ არის ის ქალი. მე ამათ ხელებით გავაჩერებ, შენ შედი, გნახავს თუ არა, ის ქალი შენსკენ გამოექანება და გეტყვის, შენ ქმარი და მე ცოლიო. შენც წაავლე ხელი და მალე გამოდითო. რომ გაიღო კლდე, ამ გარდაქეშანმა გაშალა ხელები და გააჩერა, მაშინვე შევიდა ხელმწიფის შვილი. გაშალა ეს ხელსახოცი, ქალმა დაინახა თუ არა, უთხრა: — შენ ქმარი და მე ცოლიო. ამ ხელმწიფის შვილმა უთხრა: — აბა, მაშ, მალე გავიდეთო. — გამოიყვანა ყმაწვილმა ეს ქალი, კლდე დაიხურა. წამოვიდნენ სამივე.

ერთ ტყეში გამოჩნდა სასახლე. ამ გარდაქეშანმა უთხრა: — თქვენ იარეთ, მე ვნახავ ვინ არიან ამ სასახლეშიო და მალე დაგეწევითო. ჩავიდა ამ სახლთან, ერთი დაიჭყვივლა და სახლიდან რვა დევი გამოვიდა მუხლისჩოქითა და უთხრეს: — მადლობა ღმერთს, გარდაქეშანო, რომ, როგორც გვესმოდა კიდევ დახსნილხარო. ამ დევებს ერთი ძმა ჰყავდათ, ცხრათავიანი. ის გამოვარდა და უთხრა: —

შე ძაღლო, აქ რამ მოგიყვანა?! ჩვენი შიშით მალლა ფრინველს ვერ გაუფრენია და დაბლა ჭიანჭველასაო. — მოავლო ხელი გარდაქეშანმა და ისე გაისროლა, რომ მთას იქით დაეცა. ამ გორას იქით ერთი რკინის ღვევი, მეათე ძმა ჰყავთ დაბმული, სწორედ იმ ღვეთან დაეცა ეს ცხრათავიანი ღვევი. რკინის ღვევა ჰკითხა: — რა დაგემართაო? — ცხრათავიანმა უთხრა: — გარდაქეშანი ამოუშვიათ, მოვიდა ჩვენსას, ხელი ამომარტყა და გადმომავლოო. — არიქა, მალე ამიშვიო, — უთხრა რკინის ღვევა. მიცოცდა ცხრათავა და აუშვა.

ამ ღროს ყმაწვილი და ქალი არხეინად მიდიან გზაზე. უცებ რაღაცა შხუილი შემოესმათ. მოვიდა რაღაც რკინის კაცივით, გაარტყა სილა ამ ყმაწვილს, ქალი მოიტაცა და წაიყვანა. რომ გამოვიდა გარდაქეშანი, ერთი გადააბოტა, არაფერი, მეორე, მესამე, თითო ნაბიჯით ათ ვერსს გადის, ყმაწვილი და ქალი არსად ჩანან. ეს რა ამბავიაო. სად წავიდნენო, ესე მალე ვერ ივლიდნენო. მობრუნდა უკან, ერთი გადააბიჯა — არაფერი, მეორეზე იპოვა ეს ბიჭი, თხრილში გდია გულწასული. აიყვანა, მოასულიერა და ჰკითხა, რა ამბავიაო.

მან მიუგო: — ერთი რკინის რაღაც დაგვეცა. შე გამარტყა, აქ გადამავლო და ქალი წაიყვანაო.

— ერიპა, — თქვა გარდაქეშანმა, —ახლა საით ვეძებოო. მიბრუნდა ამ ღვეებთან და უთხრა: — თქვენი ბრალია, ჩემი რძალი თქვენ გააშვებინეთო.

მათ უთხრეს: — შენ რომ ჩვენი ძმა გაისროლე ცხრა მთას იქით, ის აუშვებდა ჩვენს ძმა რკინის ღვესაო; აბა, რა ჩვენი ბრალიაო.

გარდაქეშანმა უთხრა ღვეებს: აი, ეს ჩემი ძმაო, ოც ღღეს უნდა შემინახოთ, მუდამღლე აზანათ, მუდამღლე კარგი საკმელები არ მოაკლოთო, თუ მოვედი ოც ღღეს, ხომ კარგი, თუ არადა რაც გინდათ, ის უყავითო.

წავიდა იქიდან და მიდის. მივიდა ერთ მთაში მეძროხეებს ჰკითხა: — ხომ არ იცით, სადა ცხოვრობს რკინის ღვევი? მეძროხეებმა უთხრეს: — აქ სამი ღღეა უღელი კამეჩია დაჭიდებული, აი, თუ ამ კამეჩებს დააშორებ, მაშინ გასწავლითო — მივიდა. ერთი კამეჩი იქით გასტყორცნა, მეორე აქეთ. მეძროხეებმა უთხრეს: — ჩვენ არ ვიცით, აგერ მეცხვარეებია და ისინი გასწავლიანო. — იქიდან წავიდა გარდაქეშანი. მივიდა მწყემსებთან და უთხრა: — მითხარით, სადა ცხოვრობს რკინის ღვევი? მათ უთხრეს: — რად გინდა, თუ საომრად მიდიხარ, ხომ ვერაფერს დააკლებთ და ცოლდა არ არის,

ასეთი კაცი გაფუჭდესო? ის ხომ რკინაა და რკინააო. უთხრა მან მეცხვარეებს: — მე საომრად კი არ მივდივარ, ჩემი მეგობარია და სამოყვროდ მივდივარო. მაშინ მისცეს ერთი მეცხვარე, რომელმაც წაიყვანა, აიყვანა ერთ გორაზე და იქედან დაანახა სახლი. აგერ ხედავო? — უთხრა მეცხვარემ. — ვხედავო. — ის არის მისი სახლიო. წავიდა, მივადი იმ სახლში, მარტო ქალი იყო, იმ ხელმწიფის შვილის ცოლი. რკინის დევი სანადიროდ იყო. ამ ქალმა შესტირა: — ვაიმე, ჩემო მაზლო, აქ რამ მოგიყვანაო. ის ხომ რკინაა და ვერაფერს დააკლებ. რომ წამიყვანო, დაგვეწევა ორივეს და გაგვსრესავსო. — გარდაქეშანმა უთხრა რძალს: — ნუ გეშინია, როგორც გეტყვი, ისე მოიქეცი და ყველაფერი რიგზე იქნებაო. — სადამოზე რომ მოვიდეს დევი, შენ დაჯექი, იტირე ისე, რომ მან გაიგონოსო. რომ გკითხავს, რა გატირებსო, შენ უთხარი: მომიყვანე ამ ოთხ კედელშუა და დამსვი, შენ სანადიროდ მიდიხარ, აქ არავინ არ არის და შენ შენს სულსაც არ მანდობ! შენი სული სად არის, რომ იპას მანც ვეთამაშო-თქო.

სადამოს ქალმა დაიწყო ტირილი. დევმა ჰკითხა: — რა გატირებლსო? უთხრა, როგორც გარდაქეშანმა დაარბია. ამ დევმა მიუგო: — ჩემო სული, ბუხარშიაო. მეორე დილით დევი წავიდა. მოვიდა გარდაქეშანი. — რა გითხარო? — ჰკითხა ქალს. ქალმა უთხრა. — ბუხარშიაო. — აბა, მაშ, ეს ბუხარი უნდა ააყვავო, რომ მეტი არ შეიძლებოდეს და მოუსიყვარულოო. რომ გაიგებს, მაშინ სიმართლეს გეტყვითო. — ამ ქალმა მართლა ააყვავა ბუხარი. დაჯდა და მღერის. დანახა დევმა, გაუხარდა და ჰკითხა: — ეგრე გიყვარს ჩემი სულიო? ქალმა უთხრა: — მაშ, ვილა უნდა მიყვარდეს, შენს მეტი ვინდა მყავსო? მაშინ თქვა დევმა, მოდი, ამას სიმართლეს ვეტყვი, რაკი ასე ვუყვარვარო. გამოიყვანა დევმა ეს ქალი, დაანახა ერთი მთა და უთხრა: — აგერ იმ მთასა ჰხედავო? — ვხედავო. იმ მთაშიო, — უთხრა დევმა, — არის ერთი ირემი, მას სამასი კაცი ყოველდღე ბალახს უთიბავს, სამ ადგილას უნდა დადგან. ირემმა სამ ლუქმად უნდა გადაყლაპოს. თუ დააკლდა თუნდაც ცოტა ბალახი, მაშინ ეს ირემი სუყველას გადაყლაპავსო. იმ ირემის თავში ერთი კოლოფია, იმ კოლოფში სამი მერცხალი ზის, ის მერცხლებია ჩემი სულიო: ერთი ჭანი, ერთი თვალის სინათლე, ერთი სიცოცხლე. იმათ მოჰკლავენ თუ არა, მეც მოვკვდებიო.

მოვიდა გარდაქეშანი, — რა ჰქენი, ჩემო რძალოო. ქალმა უამბო დევის ნათქვამი.

გარდაქეშანმა აიღო მშვილდ-ისარი და წავიდა იმ მთისაკენ, სა-

დაც ის ირემი იყო. რომ მოვიდა გარდაქეშანი, დაინახა: სამასი კაცი მართლაც თიბავს, და უთხრა, — გამარჯობათო.—თავი არავინ ასწია, კიდე უთხრა მესამედაც. მაშინ უფროსი რომელიც იყო, იმან მიუგო: — კაცო, ჩვენ ცოდოში რათ დგებო. აჟ ერთი თეთრი ირემია რკინის დევისაო, თუ მას სამი ლუკმა ბალახი ვერ გავუთიბეთ, სუყველას დაგვბოცავსო. გარდაქეშანი შეეკითხა: — რამდენი. გაქვთ გათიბულიო? მათ უთხრეს, ორ ლუკმა ნახევარიო. გაუშვით ხელიო. მე უნდა მოგაშოროთ ის ჰირიო. იმ კაცებმა იფიქრეს: იქნებ მართლა, ღმერთმა ვინმე მოგვივლინაო და შეწყვიტეს თიბვა.

გარდაქეშანმა ჰკითხა: საიდან მოდის ირემიო? უთხრეს საიდანაც. — მოიტანეთ ეგ თივა, ზედ დამადგით, მხოლოდ ერთი ღარი დამიტოვეთო სათვალთვალოდო. ამ კაცებმა მართლაც ასე გააკეთეს: დაუტოვეს ერთი ჰუქრუტანა. რომ მოატანა საღამომ, გამოჩნდა ირემი. დაინახა თუ არა თივა, გაუხარდა: უჰ, რამდენი დაუდგამთო. გაქანდა. ერთი ძირი გადაყლაბა, მეორესთან რომ გაექანა, გამოსწია გარდაქეშანმა ისარი, სთხლიშა შიგ თავში. ირემი წაიქცა. გამოხტა გარდაქეშანი, გაიძრო ხმალი, მოჭრა ირემს თავი, ააძრო თავის სარქველი და ამოიღო ის კოლიფი.

როცა გარდაქეშანმა ჯანის მერცხალს წავლიჯა თავი, დევი ავად გახდა, გაიგო, ქალმა მილაღატაო და გამობრუნდა სახლისაკენ. როცა დაუახლოვდა სახლს, ქალი გამოვიდა და სიცილი დაიწყო. ამ დროს გარდაქეშანი უახლოვდებოდა სახლს, აიღო თვალის სინათლის მერცხალსაც წაუქეჭყა თავი, დევი დაბრმავდა და დაეცა. ქალს ეხვეწებოდა, სახლამდის მაინც მიმათრიეო. ქალმა უთხრა: --- ნუთუ არ იცოდი, რომ ჩემმა მაზლმა გარდაქეშანმა შენთვის არ გამომიყვანა იმ კლდიდანაო? არ შეიწყენარა დევის ხვეწნა. წაჰგლიჯა მესამე მერცხალსაც თავი და დევი მოკვდა. როდესაც ირემი მოკლა, იმ სამას კაცს უთხრა: — აქედან არ წახვიდეთ, სანამ მე არ მოვალო. როცა მოკლა დევი და გაანთავისუფლა ქალი, შეისვა მხარზე და აატარა. იმ მეძროხეებსაც აჩვენა და მეცხვარეებსაც. მივიდა ამ სამას კაცთან და უთხრა: — აი, ამ დევის საყმო-საბრძანებელი სულ თქვენი იყოსო, იცხოვრეთ როგორც გინდათო. ნუ გეშინიათ, მე წელიწადში ერთხელ მაინც დაგხედავთო.

წამოვიდა იქიდან და გამოემგზავრა სახლისაკენ. მეცხვარეებსაც ისევე აჩუქა ცხვარი, მეძროხეებს — ძროხა და სწორედ მეოცე დღე დამდება. ქალს უთხრა, რომ დრო გადისო და იმ დევებმა ის ჩემი ძმა არ შექამონო. ინატრა: ეს ისარი წავიდეს იმ დევების კოშკში, სადაც ჩემი ძმაა, შეამტკრიოს და სწორედ ზედ კედელთან დაერქოსო.

გაუშვა ისარი, წავიდა, შეამტვრია კოშკი და ზედ კედელთან დაერქო. გაიგეს დევებმა მოდისო და გამოეგებნენ.

მივიდა გარდაქეშანი და ჰკითხა: — იქნებ ჩემ ძმას მოკვლას უპირებდითო? — არაო,—დაუმალეს დევებმა, სინამდვილეში დანებსა ლესავდნენ. — აბა, რომელიც კარგი ოთახია, ამ ჩემ ძმასა და რძალსაო, კარგი ვახშამიც მოამზადეთ, მშიერი ვარო. ის ღამე იქ გაატარა, მეორე დღეს უთხრა დევებს: — აბა, ეს ჩემი ძმა და რძალი უნდა წავიყვანო და პატრონს ჩავაბარო. მერე მოვალ და თქვენთან ვიცხოვრებო. ადგა და იქიდან წავიდა, წაიყვანა ეს ყმაწვილი და ქალი. დაუახლოვდა თუ არა მათ სახელმწიფოს, ნახა, რომ სახელმწიფო სულ შავად არის გათალხული.

ყმაწვილმა უთხრა: ეს მე მგლოვობენო. სანამ სასახლესთან მივიდოდნენ, ერთი კაცი შეხვდათ, ის გაიქცა და მეფეს ახარა: — ღმერთმანი, შვილი მოგდის, მზეთუნახავი ქალი მოჰყავს და ერთიც გორასავით კაცი მოსდევს უკანაო. ხელმწიფე და ხელმწიფის ცოლი წამოცივდნენ და მიეგებნენ. აი, სიცილი, აი, ცრემლები. მეფემ ბრძანა, თალხები გაიხადეთ და სამხიარულო ჩაიცივითო, შვილი მომივიდაო.

მეორე დღეს გაჰიმეს ქორწილი. გარდაქეშანმა სამი დღე და ღამე იქეიფა, მერე ადგა და უთხრა ამ ყმაწვილს: — მე რომ აქ დავრჩე, სამ წელს არ მეყოფა მამიშენის სახელმწიფო. მოდი, მე ჩემს დევებთან წავალო. მისცა ერთი პატარა სარკე და უთხრა: — აი, მაშინ ჩაიხედე, როცა გიჰირდეს, ან ჩვენი დაპატიება გინდოდესო,— და წავიდა.

გამოხდა ხანი, ხმა დაირხა: ამა და ამ ხელმწიფის შვილმა მზეთუნახავი ცოლი მოიყვანაო. შვიდი სახელმწიფო დაემუქრა — თუ შენი ნებით არ მოგვცემ მაგ ქალს, მოვალთ და ძალით წავიყვანთო. ხელმწიფემ ვერ გაუბედა თავის შვილს ეს ამბავი. ეს შვიდი სახელმწიფო გარს შემოეხვია მის სახელმწიფოს. ადგა და მეფემ შვილს უთხრა: — აი, შვილო, შვიდი სახელმწიფო მოვიდა შენი ცოლის წასაყვანად და რა ვქნათო? შვილმა უთხრა: — თუ ასე იყო, რატომ აღრე არ შემატყობინეთ? გავიდა მეორე ოთახში, ამოიღო სარკე და ჩაიხედა. სწორედ იმ დროს გარდაქეშანს ერთი დიდი ჯამფილით ღვინო ჰქონდა მოყუდებული და ხელიდან გაუვარდა. — თქვა: — ჩემს ძმას რაღაც უქირსო. აბა, დევებო, წავიდეთო! წავიდნენ ჩქარა და მივიდნენ ძმასთან. — რა გაგვირეებიაო?—ჰკითხა გარდაქეშანმა. ძმამ უთხრა: — აი შვიდი სახელმწიფო ცოლს მართმევსო. — გარდაქეშანმა უთხრა დევებს: — თქვენ გახვალთ საომრად, თუ მე

ერთი გავიდეო? დევებმა უთხრეს: შენი გასვლა რად გვინდაო. მაშინ უთხრა გარდაქეშანმა: მთელი ჯარი გაულიტეთ და შევიდევ ხელმწიფე აქ მომგვარეთო.

ამ დევებმა ეს შეიდი სახელმწიფოს ჯარები სულ მოფშრუკეს. დაიჭირეს შეიდი ხელმწიფე და მოიყვანეს. გარდაქეშანმა უთხრა მათ: — თქვენ ხელმწიფობის ღირსი არა ხართო. ერთი მეჭინიბედ დააყენა, მეორე მექათმედ, მესამე მებაღედ, ეზოს დამგველად, ხელზე მოსამსახურედ და ასე. ერთი კარგი დრო გაატარეს. ბოლოს უთხრა გარდაქეშანმა: — აი, რვა სახელმწიფო თქვენია, თქვენ უნდა გაუძღვეთ. ამ სარკეში მარტო მაშინ ჩაიხედეთ, როცა ჩვენი დაპატრეება გინდოდეთო. დღეის იქით ნუ გეშინიათო, — ადგა და წავიდა. ესტუმრებოდა ხოლმე თავის ძმობილს და კარგ დროს ატარებდნენ.

ჭირი იქა, ლხინი აქა,
ქატო იქა, ფქვილი აქა.

საწყალი ცოლ-ქმარი

იყო და არა იყო რა, იყო ერთი ცოლ-ქმარი. მათ ბევრი შვილი ჰყავდათ და თან ღარიბებიც იყვნენ. ერთხელ დედაკაცმა უთხრა: წადი, კაცი, რამე იშოვე და ბავშვებს ლუკმა მოუტანეო. წავიდა ეს კაცი და იარა, ბევრი იარა თუ ცოტა, მივიდა ერთ მეკომურთან და სთხოვა, ამაღამ შემინახეო. მათ ჯერ უარი უთხრეს, მერე დაუძახეს, მოდი, მოდიო. მასპინძლის დედაკაცმა ეს კაცი დაარიგა: ჩემი შვილები წასულები არიან სანადიროდ და როცა დაბრუნდებიან, უთხარი: გაუმარჯოს ცხრა დევსა და მეთე მამასაო.

ეს კაცი იმასა ფიქრობდა, არ დამავიწყდესო და როცა დევები დაბრუნდნენ, მართლაც უთხრა: — გაუმარჯოს ცხრა დევსა და მეთე მამასაო. მათ კარგად მიიღეს. ამ კაცს პური შიოდა, აქეთ-იქით იყურებოდა და არაფერი არ იყო. მერე მიიყვანეს ეს კაცი მადიდასთან, ჩამოიღეს გულა და უთხრეს: — აბა, გულავ, გულანდარავ, ისეთი სუფრა გავგიშალე, რომ ჩვენ საწყალს სტუმარს თვალით არ ენახოსო. მართლაც, გაიშალა ძვირფასი სუფრა. ახლა ის კაცი ფიქრობს, ჩემს ცოლ-შვილს რომ არაფერი აქვს, ამ გულას მოვიპარავ და მეტი აღარც მინდა რაო.

ვახშმის შემდეგ სტუმარი მოასვენეს, მაგრამ იმას არ ეძინება და ფიქრობს გულის მოპარვაზე. წამოიწია და ამ დროს კარებმა დაიძახა: სტუმარი გუდას იპარავსო. მასპინძელი ამაზე გაბრაზდა: ამ კარებმა რა შეგვარცხვინაო, სტუმარს ძინავს, ეს კი ქურდობას აბრალეხსო. მასპინძლებმა დაიძინეს, სტუმარმა წამოიწია ლოგინიდან და კარებმა ისევ დაიძახა: სტუმარი გუდას იპარავსო. მასპინძლები აღგნენ, აასინათლეს და ნახეს სტუმარს ეძინა, გაბრაზებულებმა კარები დაკუწეს, ცეცხლზე დაწვეს.

მასპინძლებმა ისევ დაიძინეს, სტუმარი ადგა ისევ მოსაპარად და ამ დროს კიდევ დაიყვირა ერთმა ნაფოტმა, რომელიც დაუწვავი დარჩენილიყო. ნაფოტი ხტის და იძახის: სტუმარმა გუდა მოიპარაო. მასპინძლები აღგნენ. აასინათლეს, იპოვეს ის ნაფოტიც, დაწვეს და დაიძინეს. სტუმარი ისევ ფხიზლად არის. როცა ყველას ღრმად დაეძინა, სტუმარმა გადაიწერა პირჯვარი, აიღო გუდა და გასწია შინსაკენ.

ამ კაცს გზაში ერთი მონადირე შეხვდა, ისინი დაემგზავრნენ ერთმანეთს. წყლის პირას რომ მივიდნენ, მათ თქვეს: — მოდი, ერთი კარგი პური ვჭამოთო. მონადირემ ამოიღო ერთი ხმელი პური და წყალში დაასველა. ამ კაცმა ველარ მოითმინა და მონადირეს უთხრა: — იცი, ჩემმა გუდამ რა იცისო? — მონადირემაც თავისი ხმალი შეაქო. ამ ღარიბმა კაცმა გუდას უთხრა: მოდი, ისეთი სუფრა გაგვიშალე, რომ ამ კაცს ჯერაც არ ენახოსო. სუფრა გაიშალა და ისაღილეს. მონადირემ უთხრა: — ჩემმა ხმალმა ის იცის, რომ თუ ეტყვი მავან კაცს თავი მოსჭერიო, წავა, თავს მოსჭრის და ისევ ქარქაშში ჩავა ქარივითაო. შეთანხმდნენ და გუდა და ხმალი გაცვალეს. წავიდნენ ერთი ერთ გზაზე და მეორე მეორე გზაზე.

ამ ღარიბმა კაცმა, რომელსაც ახლა ხმალი ჰქონდა, უბრძანა ხმალს: წადი, იმ მონადირეს თავი მოსჭერ და ჩემი გუდა ისევ მომიტანეო. ხმალი წავიდა, მოსჭრა თავი მონადირეს და გუდაც ამ კაცს დაუბრუნდა. წაიღო გუდაცა და ხმალიც.

ამ კაცმა ბევრი იარა თუ ცოტა, მივიდა თავის სახლში. ცოლმა ტირილი დაიწყო: — კაცო, ამდენი ხანი წასული ხარ და არც პური მოგვიტანე და არც რაო. კაცმა კი გულამაყად დაუწყო ლაპარაკი: — ნუ გეშინია, დედაკაცო, ბავშვებს დაუძახე და დასხიო. დედაკაცმა ბავშვები დასხა. კაცმა დადო გუდა შუა ალაგას და უთხრა: — აბა, გუდავ, გუდანდარავ, ისეთი სუფრა გაგვიშალე. რომ ამ ჩემ საწყალ ცოლ-შვილს ჯერაც არ ენახოსო. გაიშალა ძვირფასი სუფრა. ბავშვები სიხარულით მიესივნენ, დედაკაცი კი არ ჰამდა,

ხვალისთვის შევუნახავ ბავშვებსო. მას ეგონა, გათავდება და ხვალისათვის აღარ იქნებაო, კაცმა კი უთხრა: — ნუ გეშინია, ქამე. ხვალ უკეთესიც იქნება, ჩვენმა გულამ ეგრე იცისო.

ერთხელ კაცმა უთხრა დედაკაცს: — მოდი, ერთი ჩვენი ხელმწიფე დაპატიჟოთ თავისი ჯარითაო. — ამაზე დედაკაცმა ტირილი დაიწყო: — ხელმწიფე წაგვართმევს ამ გულასაო. კაცმა დაპატიჟა ხელმწიფე და ხელმწიფემ კი სასაცილოდ აიღო: ამისთანა ღარიბი კაცი ჩვენს სოფელში არ არის და ამან რაზე უნდა დაგვეპატიჟოსო. კაცმა მეორედ სთხოვა ხელმწიფეს, რომ სწვეოდა. ახლა ხელმწიფემ წაიღო თავისი ხარჯი და ეახლა. იმ საწყალ კაცს კარგი მაგილები და სკამები გაემზადებინა. დაღო შუაზე გულა და უთხრა: აბა, გულავ, გულანდარავ, ისეთი სუფრა გაგვიშალე, რომ ხელმწიფეს არ ენახოსო. გაიშალა მშვენიერი სუფრა. ყველაფერი თავის ალაგას იყო.

ხელმწიფემ იფიქრა: მოდი, ამ კაცს ჩემს ჯარს დავახვევ და ამ გულას ჩამოვართმევო. ჩამოართვეს გულა და მიჰქონდათ. ამ საწყალი კაცის დედაკაცმა დაიწყო ტირილი: — აკი გითხარი, ჩამოგართმევენ-მეთქი. კაცმა უპასუხა: — ნუ გეშინია, დედაკაცოო. — გამოიტანა თავისი ხმალი და უთხრა: აბა, ჩემო ხმალო, წადი ჩვენი ხელმწიფე თავისი ჯარით აკაფე და ჩემი გულა უკანვე მოიტანეო.

ხმალი წავიდა, აკაფა ყველა და გულა ამ საწყალ კაცს მოუტანა.

ჭირი იქა. ლხინი აქა,
ქათო იქა. ჭკვილი აქა.

კოჭლი მონადირის შვილი

იყო და არა იყო რა, იყო ერთი კოჭლი მონადირე. უშვილო იყო და ნატრობდა შვილს, მაგრამ არ უჩნდებოდა. სწორედ იმ დროს მოკვდა, როცა ცოლი დაორსულდა და დღე-დღეზე იყო. ქალს გაუჩნდა ბავშვი. ვინც წლით იზრდებოდა — ის დღით იზრდებოდა. ეს იყო უღრან მთაში, შორს სოფლიდან. დედა და შვილიც ხის ნაყოფით საზრდოობდნენ.

როცა წამოიზარდა ეს ბიჭი, დედას უთხრა: ან ნათესაეი არა გვყავს, ან მეგობარი არა ჰყავდა მამაჩემსაო?.. დედამ უპასუხა: ეჰ, შვილო, როგორ არა ჰყავდა მეგობრები მამაშენს, მაგრამ იქ მისვლა ძნელიაო. მე დავქსოვ წინდებს, წაილე ბაზარში, გაყიდე ეს წინდები, იყიდე პური და შენცა ქამე და მეც მაჭამეო.

მართლაც, ამ ბიჭმა წაიღო წინდები. რომ შევიდა იმ ქალაქში, სადაც ბაზარი იყო, ნახა პატარა ბიჭებს გამოუყვანიათ ერთი კატის კნუტი და ჰკლავენ. შეეხვეწა ეს ბიჭი: — მაჩუქეთო. ბიჭებმა უთხრეს: — წინდები მოგვეცი და მოგცემთ, თუ არადა არაო. — რაზღენჯერმე შეეხვეწა ბიჭი და კვლავ ისე უთხრეს. დიდი ხვეწნის შემდეგ მისცა წინდები და წამოიყვანა შინ კნუტი.

დედამ უთხრა: — რად გინდა, შვილო, ჩვენთვის არა გვაქვს პური და ამას რა უნდა ვაჭამოთ? ეს კნუტი და ბავშვი ერთად თამაშობდნენ. ხის ნაყოფს მასთან ერთად ჭამდა. დედამ მოქსოვა ხელთათმანები, მისცა ბიჭს და უთხრა: — წადი, შვილო, ესენი გაყიდე, იყიდე პური, შენცა ჭამე, მეც მაჭამე და კატასაცაო.

წავიდა ეს ბიჭი. ისევ იმ ალაგას გამოუყვანიათ თავვის წრუწუნა და უნდა მოკლან. შეეხვეწა: — ნუ მოჰკლავთ, მე მაჩუქეთო. ბიჭებმა უთხრეს: — მოგვეცი ეს ხელთათმანები და მოგცემთო. მისცა ხელთათმანები და წამოიყვანა თავვის წრუწუნა, მოიყვანა სახლში და დედამ უთხრა: — რად გინდა, შვილო? — კლავდნენ და მაშ რა მექნაო. ამ ბიჭმა ეს კნუტი და თავვის წრუწუნა ერთად შეაჩვია და თამაშობდნენ. დედამ დაქსოვა პაჭიჭები, უთხრა შვილს: — ამთაც ხომ ჭამა უნდა, წაიღე, გაყიდე და მოიტანე აუცილებლად პურიო. როგორც მივიდა ბიჭი იმ ალაგას, გამოუყვანიათ ძაღლის ლეკვი და ჰკლავენ. უთხრა: — ბიჭებო, ნუ მოკლავთ, მე მაჩუქეთო. — არ მოგცემთ, თუ პაჭიჭებს მოგვცემ, მოგცემთ, თუ არადა არაო. მისცა ის პაჭიჭებიც და წამოიყვანა ძაღლის ლეკვიც. მოიყვანა სახლში და დედას ეწყინა. — უნდა მოეკლათ და იმითომ წამოვიყვანეო. ეს კნოტი. თავის წაოწუნა და ლეკვი ბიჭმა შეაჩვია ერთმანეთს. ერთად თამაშობდნენ, ერთად ჭამდნენ თუ რამეს იშოვნებდნენ.

ძალიან შეწუხდა დედა უპურობით, ეს ბიჭიც წამოიზარდა. უთხრა დედას: — მითხარი ვინა ჰყავს კარგი მეგობრები მამაჩემს, რომ წავიდე და პური გამოვართვაო? — აი, იმ მთას იქით ერთი მდიდარი დევია, მამიშენის სახელი რომ უხსენო, რამდენიც გინდა, იმდენ პურს მოგცემსო. ადგა ერთ მშვენიერ დღეს ეს ბიჭი, გაუდგა გზას, წინ ერთი კაცი შემოხვდა და უთხრა: — სად მიხვალო? — მან უპასუხა: — მამაჩემს კარგი მეგობარი ჰყავს, დევი, და მასთან მივალ პურის სათხოვნელადო. კაცმა დაარიგა: — შენ მამიშენის ყავარჩენი დაიჭირე და ისე წადიო. უთხარი, მამაჩემმა შემოგიტვალა, სუფრა გამომიგზავნე-თქო, თორემ ისე რომ მიხვიდე, შეგკამსო. ბიჭი მიბრუნდა, აიღო ყავარჩენი და წავიდა.

რომ დაინახა დევმა ადამიანი მოდისო, წამოვიდა ერთი მძლავრად, უნდა დასცემოდა ბიქსს, ამ დროს ბიქმა დაანახა ყავარჯენი, დევი გაქვავდა ადგილზე. — რა გინდა, ვინ გამოგგზავნაო? ყავარჯენი იცნო, კოკლი მონადირისა იყო. — მამაჩემს მე რომ გავუჩნდი, მას შემდეგ სულ ქეიფობს, და შემოგითვალა, შენი სუფრა გამომიგზავნეო. დევმა ბიქსს პური აჭამა, მეორე ოთახში გაიყვანა და უთხრა: — აი ოქრო-ვერცხლი, თვალ-მარგალიტი, ურმები მოიყვანეთ და რაც გინდათ, წაიღეთო. ბიქმა უთხრა: — მამაჩემს შენ ჩემზე უკეთესად იცნობ, რაც დამაბარა, თუ ის არ წავუღე, მომკლავს, ისევ ისა სჯობია, მე ცარიელა წავიდე, შენ რაც უნდა გითხრასო. — დევმა უთხრა ამ ბიქსს: — ამ მთას იქით ჩემი ძმია, ნატურისთვალა აქვს, უთხარი, რომ გამოუგზავნოს მამაშენს. თუ გამოგატანოს, გამომიარე და მეც გაგატანო. დევმა იფიქრა, ის უფრო შეძლებულია ჩემზე, თუ ის შეშინდება, მე რაღა ძალა მაქვსო.

ეს ბიქი წავიდა და გზაზე ფიქრები კარგა დააწყო, რომ მტკიცედ ეთხოვა, რაკი ეშინოდათ მისი მამისა. რომ დაინახა მეორე დევმა ადამიანი მოდისო, ერთი საშინელი ღრიალით გამოექანა ამ ბიქისკენ. ბიქმა ყავარჯენი ასწია. დაინახა თუ არა დევმა ყავარჯენი, ადგილზე გაქვავდა. იცნო, კოკლი მონადირესი იყო. ბიქს უთხრა: ვინა ხარ, რას თხოულობო? ბიქმა უთხრა: — მე კოკლი მონადირის შვილი ვარ, რაც მე გავუჩნდი, მამაჩემი სულ ქეიფობს, და შემოგითვალა ნატურისთვალა გამომიგზავნეო. დევმა წაიყვანა ბიქი სახლში, აჭამა პური და გაიყვანა მეორე ოთახში, ამანაც უთხრა: — აი ოქრო-ვერცხლი, თვალ-მარგალიტი! მოიყვანეთ ურმები და წაიღეთ, რამდენიც გინდაო. — მე რაც მამაჩემმა დამაბარა, თუ გამატან იმას, კარგია, არადა სჯობს ისევ ცარიელი წავიდეო. დევმა იფიქრა: „აი ამ მთას იქით ჩემი ძმია, ის ჩემზე მდიდარიცაა და ღონიერიც — რკინასა ჭამს, მასთან გავგზავნი, მას აქვს ხალიჩა, თუ დაუთმო, მაშინ მეც მივცემო“. გუნებაში ამბობს ამას დევი, და უთხრა ბიქსს: — წადი, ამ მთას იქით ჩემი ძმია, მას მფრინავი ხალიჩა აქვს, სთხოვე, თუ მოგცა, ჩამოიარე და მეც მოგცემო. გაუხარდა ამ ბიქსს და გაიქცა რომ მივიდა იმ დევის სახლთან, დევი წამოვიდა, მთა მთასა სთხლიშა, გორა გორას და გამოიქცა ამ ბიქისკენ. ბიქმა ყავარჯენი ასწია და გაჩერდა ეს დევი მაშინვე; ჰკითხრა: — რა გინდა, ვინ გამოგგზავნაო? — რაც მე გავუჩნდი მამაჩემს სულ ქეიფობს და ახლა ფრენა მოუნდა და შემოგითვალა, ხალიჩა გამოგზავნეო. — დევმა მიიყვანა სახლში ეს ბიქი. აჭამა პური, გაიყვანა მეორე ოთახში. — აი, ოქრო-ვერცხლი, თვალ-მარგალიტი

ურმით წაიღეო. — მამაჩემს შენ უფრო კარგა იცნობ, მე რაც და-
მაბარა, თუ ის არ მივეუტანე, მომკლავს, ისევ ის სჯობია ცარიელა
წავიდე და შენ რაც უნდა, ის გითხრასო! — დევმა ბევრი იფიქ-
რა, მაგრამ ვერაფერი მოიგონა რა დაეხარებინა. უარი რომ შეეთვა-
ლა, იცოდა მოკლავდა და ბოლოს გადაწყვიტა გაეგზავნა მს ხა-
ლიჩა.

დაჯდა ის ბიჭი ამ ხალიჩაზე და უბრძანა, გადაფრენილიყო მეო-
რე დევთან. რომ დაინახა დევმა, ხალიჩით მოდის ის ბიჭი, გამოურ-
ბენინა მაშინვე ნატერისთვალის და გუნებაში თქვა: — „თუ იმას ეში-
ნია, მე მასთან რა გამოსაჩენი ვარო“ და მისცა ნატერისთვალი.
უბრძანა ამ ბიჭმა ხალიჩას მესამე დევთან გადაფრენილიყო. ჩა-
მოფრინდა მესამე დევის კართან ხალიჩა. გამოვიდა დევი, დაინახა თუ
არა ნატერისთვალი და ხალიჩა მოკქონდა, მაშინვე გამოურბენინა
სუფრა. უთხრა: — ეტყვი, ე, სუფრავ, სუფრავ, შენი გამომცემლის
მზესა, რაც აქ ხალხია და ეყოფათ, იმოდენაზე გაიშალეო და რაც
ქვეყანაზე საუკეთესო საქმელია, გაიშლება ზედაო. ამ ბიჭმა
დაკეცა სუფრა, დაჯდა ხალიჩაზე და გამოფრინდა. მოფრინავს ეს
ბიჭი, დაინახა ერთ ტრიალ მინდორზე ყანასა მკის ორმოცდაათი-
სამოცი კაცი. მოტრიალდა, იქვე გრილო იყო, დიდი თელეები იდგა
და ჩამოვიდა იმ გრილოებში. უთხრა სუფრას ამ ბიჭმა: რაც იქ მუ-
შები არიან, იმათ რომ ეყოფათ, იმდენი კარგი პურმარილი, და ღვი-
ნო გაგვიშალეო.

ბიჭმა დაუძახა მუშებს: — მოდიო, მოდიო აქო. ადგნენ და წა-
მოვიდნენ. უთხრა: — მეწვეით სადილადაო. მუშებს გაუხარდათ,
რა თქმა უნდა, რომ ასეთი დიდებული სუფრა დაინახეს, შემოუსხ-
დნენ და ერთი ლაზათიანად იქეიფეს. როცა იკმარეს, აიშალნენ
მუშები, გამოემშვიდობენ ამ ბიჭს და შეუდგნენ მუშაობას. შევხე-
დოთ, ერთი კაცი მოდის გზაზე, კომბალი უდევს მხარზე. დაუძახა
ბიჭმა: — მობრძანდი, სადილად მესტუმრეო. მობრუნდა ეს მგზავ-
რი. ბიჭმა სუფრას უბრძანა: რაც ამ ერთ კაცს ეყოფა, სასმელ-საქ-
მელი გაუშალეო. მართლაც, პურ-მარილი დახვავდა. ამ კაცმა რომ
დაინახა ეს ამბავი, თვალეები დაქყიტა და უთხრა ამ ბიჭს: — ეს
სუფრა მე მომეცი და ამ კომბალს მოგცემო. — ჩემმა სუფრამ ეს
იცის და შენმა კომბალმა რა იცისო? — უთხრა ბიჭმა.—ჩემმა კომ-
ბალმა ის იცის, — უთხრა ამ მგზავრმა,—თუნდაც ათასი კაცი იყოს,
ეტყვი: კომბალ შენსა მზესა, შენი გამომცემლის მზესა, ამათ სცე-
მეო! მაშინ თუნდაც დაახოცვინებ, თუნდაც ცოტათი სცემო, როგო-
რიც შენი სურვილი იქნებაო. დათანხმდა ბიჭი და გაუცვალა. გა-

მოემშვიდობნენ ერთმანეთს. აფრინდა ეს ბიჭი და თქვა: სახლში ასე უცბად პურს სად ვიშოვი, მოდი ამ კომბალს ვცდი ერთი, შეუძლია რამე თუ არაო. — კომბალ, კომბალ, შენსა მზესა, შენი გამომცემლის მზესა, ეს შენი ძველი პატრონი კარგად მიბეგვე, დაიხვიე ის სუფრა და, წამოიღეო! მართლა, გაიქცა ეს კომბალა, პატრონს ერთი-ორჯერ კარგა ლაზათიანად უთაქა, დაიხვია ის სუფრა და წამოუღო ამ ბიჭს.

მიფრინავს ეს ბიჭი. დაინახა, რომ ერთი მგზავრი მოდის ვილაცა. ჩამოფრინდა გრილოში და დაუძახა იმ კაცს: — მობრძანდი, სადილად მესტუმრეთო. მივიდა ეს კაცი და წყრომით უთხრა: — რაზე მეპატიეებო? — მოითმინე, ბიძავ, ამ საათში ყველაფერი გაჩნდებაო. უბრძანა სუფრას: რაც ორ კაცს გვეყოფა, იმდენი საკმელეები გააჩინეო. მართლაც გაიშალა და დაინახა ამ კაცმა, რომ სუფრამ ეს გააკეთა. უთხრა: — გამიცვალე, აი, ამ ოთხ შამფურს მოგცემო. — შენმა შამფურებმა რა იცისო? შეეკითხა ეს ბიჭი. — ამ შამფურებმა ის იცის, დაურჭობ ოთხკუთხივ და ეტყვი: შამფურ, შამფურ, შენსა მზესა, შენი გამომცემლის მზესა, ისეთი გალავანი გააკეთე, რომ ბუზიც ვერ გადმოფრინდესო! მაშინვე ისეთი გალავანი შეიკვრება, რომ ბუზიც ვერ გადმოფრინდებაო. — მოეწონა ამ ბიჭს და გაუცვალა სუფრა. ბიჭმა უბრძანა ხალიჩას, აფრენილიყო. ეს კაცი კი გახარებული გაუდგა გზას, რომ ეს სუფრა დასტყუა ამ ბიჭს. ბიჭმა კომბალს უბრძანა: კომბალ, კომბალ, შენსა მზესა, შენი გამომცემლის მზესა, ამ შამფურების ძველი პატრონი კარგად მიტყიპე, დაიხვიე სუფრა და წამოიღეო! მართლა გაიქცა ეს კომბალი, კარგადა სცემა, დაიხვია სუფრა და წამოუღო ამ ბიჭს. ბიჭი მოფრინდა სახლში. გაშალა სუფრა, შემოუხსნდნენ დედა, თვითონ, ძაღლი, კატა და თაგვი. გასწიეს ქეიფი. ასე, ქეიფობდნენ ყოველდღიურად დედა-შვილი თავისი ძაღლით, კატით და თაგვით.

ბიჭი ამ ხნის განმავლობაში ძალიან დავაჟაკდა, ღონიერი გახდა. შეეჩვია ნადირობას. თან დაჰყავდა თავისი ძაღლი, კატა და თაგვი. ამ ბიჭს მოეწონა ერთი ხელმწიფის ქალი. თავის დედას დაავალა, რომ ეთხოვნა ის ქალი მისთვის. ხელმწიფემ რომ ეს გაიგო, ძალიან გაბრაზდა, ვინ ოხერი გდია და მე როგორ გამიბედა ქალის თხოვაო. შემდეგ კი უთხრა: — თუ თქვენი ქოხიდან ჩემს სასახლემდე ისეთ ბაღს გააშენებ, რომ რიგი ყვაოდეს, რიგი მწიფედებოდეს და რიგი ილეოდეს, მივცემ ქალს, თუ არადა ჩამოვახრჩობო. შემდეგ კი დედას შეეშინდა, ტირილით მივიდა შვილთან და უთხრა: — გაბრაზდა ხელმწიფე და თქვა თქვენი ქოხიდან ჩემს სასახლემდე

ისეთი ბალი უნდა გააშენო, რომ რიგი ყვაოდეს, რიგი მწიფდებოდეს და რიგი ილეოდესო, თუ არა ჩამოვახრჩობო. — ნუ გეშინია, დედი, — უთხრა ბიჭმა და წაევიდა. ამოიღო ნატკრისთვალი და ინატრა: აქედან სასახლემდე ისეთი ბალი გაშენდეს, რიგი ყვაოდეს, რიგი მწიფდებოდეს და რიგი ილეოდესო. ინატრა და ასრულდა. უთხრა დედას: წადი ახლა და ჰკითხე, რას იტყვის ხელმწიფეო.

ხელმწიფემ რომ ეს ბალი დაინახა, ძალიან გაუკვირდა. მერე ეს უთხრა ბიჭის დედას:—თუ ა იმ ზღვაზე ისეთ ხიდს გადებს რომ ხუთი სახელმწიფოს ჯარი გავიდეს, მივცემ ქალს თუ არადა ჩამოვახრჩობო. მოვიდა ეს დედაკაცი ტირილით და შვილს უთხრა: — ეს რა კირს გადაეკიდე, ახლა ბრძანა, ამ ზღვაზე ამისთანა ხიდი გააკეთოს, რომ ხუთმა სახელმწიფომ გაიაროს და არ ჩაინგრესო. ბიჭმა უთხრა: — არა უშავს რა, ადვილიაო. ადგა, დაჯდა ხალიჩაზე. გაფრინდა ზღვაზე, გადაფრინდა, დაათვალიერა, სადაც რა ვიწრო იყო, ინატრა აქ ისეთი ხიდი გაკეთდეს, რომ ხუთმა სახელმწიფომ რომ ერთად გამოიაროს, არ ჩამოვარდესო. გაკეთდა მართლა ხიდი. წამოვიდა და უთხრა დედას: აბა ნახე, ახლა რას იტყვისო. — ხელმწიფემ რომ დაინახა ეს ხიდი, გაუკვირდა. თქვა მჯობნისო. უთხრა: — ახლა ხუთ სახელმწიფოს დავიბარებ თავის ჯარით, გამოივლის და თანაც ამოდენა სურსათი თუ აქვს, ერთ დღეს გაუძღვეს, აჭამოს, თანაც ქორწილი იქნება, თუ არადა უნდა ჩამოვახრჩობო. დედამ უთხრა: — შვილო, ეს რა არის, ამას რას გადავეკიდე, ახლა ასე მითხრა ხელმწიფემ: ხუთ სახელმწიფოს პური აჭამოს, თანაც ქორწილი იქნებაო, თუ არა და ჩამოვახრჩობო. შვილმა გაუცინა: ხუთა სახელმწიფოს ჯარი კი არა, თავისი ნარიზ-ვეზირებიც მოიყვანოსო. მართლაც, მეორე დღეს მოადგა ხელმწიფე თავისი ჯარითა და ვეზირებით.

ბიჭმა ინატრა: იმდენი სკამი დაეწყოს, რამდენი ადამიანიც არისო. დაეწყო მართლაც. გაშალა სუფრა და უბრძანა: ამ ხალხს თავიდან ბოლომდე გასწვდი და გაშალე, რაც საუკეთესო საქმელი და სასმელი არისო. მართლაც, გაიშალა სუფრა. რა საქმელი გინდა, რა სასმელი გინდა, ჩიტის რძეც კი მოიპოვებოდა! მოუყვანეს პატარძალი, დაუსვეს გვერდზე, ამ ოთხ ხელმწიფეს შეშურდა ისეთი ლამაზი ქალი, ასეთი ქონება ამას რად უნდა ჰქონდესო. უთხრეს: — ეს შენი ქალიც, სუფრაც, ხალიჩაც და ნატკრისთვალიც მას დარჩეს, ვინც ომში გამარჯვებულსო. ბიჭმა უთხრა: — ძალიან კარგი! შემატყობინეთ და მობრძანდითო. მართლაც, მეორე დღეს შეაიარაღეს ჯარი და გამოუგზავნეს კაცი, — მოამზადეს საბრძოლველად. ბიჭმა გარშე-

მომამფურები დაურქო თავის სახლს და ინატრა: შამფურ, შამფურ, შენსა მზესა, ისეთი გალავანი შემოარტყი, რომ ზარბაზანი კი არა, რაც არ უნდა დაარტყან, ნაპერწკალი ვერ აადანონ, ვერც მალლიდან და ვერც გვერდიდანაო! მართლაც, გაკეთდა ისეთი გალავანი, ოთხი სახელმწიფო აქეთ-იქიდან მიადგა, ესვრიან ზარბაზნებს, მაგრამ ნაპერწკალსაც ვერ აგდებინებენ. კომბალმა უთხრა პატრონს: — რა წკატი-წკუტის ხმა ისმისო. — არაფერია, ჩემო კომბალავ, ოთხი სახელმწიფო მეომება, მაგრამ ვერაფერს დამაკლებსო. კომბალმა უთხრა: — მოდი, ცოტა ხანს გამიშვი გარეთ და მე გაჩვენებ მათ სეირსაო. — როგორ გაგიშვა, მოკლავენო. — ნუ გეშინია ერთი არშინი მოთხარე გალავნის ძირზე, თავი გავყო და ისე გავალო. — მართლაც, ამოთხარა ამ ბიჭმა, კომბალი გავარდა გარეთ, დაერია ამ ჯარს, რომელსაც დაეჯახება, მაშინვე სულს აფრთხობინებს. მთელი ჯარი გაუწყვიტა ამ ოთხ ხელმწიფეს. ერთი მოდის ცხენდაცხენ ხმალ-ამოღებული და დაუძახა: — აი, შენ ასე და ისე, ამდენი მოძმე როგორ დამიხოცე, ახლა მიყურე, შენ რას გიზამო! ჩამოჰკრა ხმალი და კომბალი შუაზე გახეთქა. კომბალმა უთხრა: აქამდე ერთი ვიყავი, ახლა ორნი ვართო. ეცნენ და ეს მხედარი მოკლეს. მოუარეს ამ ოთხ ხელმწიფეს, კარგა მაგრად სცემეს, მიიყვანეს გალავნის ძირას, ერთი ჩახტა და რა დაინახა პატრონმა გახლეჩილი კომბალი, შეეშინდა და დაუძახა: — არ გითხარი, ნუ გახვალ, მოგკლავენ-მეთქი! — ნუ გეშინია, აქამდე ერთი ვიყავი, ახლა ორნი ვართ. ახსენ გალავანი და ნახე, როგორ არიან შენი დამარცხებული ხელმწიფეებო. ახსნა ამ ბიჭმა გალავანი, ნახა თავდამტვრეული ხელმწიფეები, უბრძანა კომბალს, წაეყვანა ზღვაზე და გადაეყარა, მართლაც, წაიყვანეს და ოთხივე ხელმწიფე ჩაყარეს ზღვაში.

ეს ბიჭი დადიოდა სანადიროდ თავისი კატით და ძაღლით. ცხოვრობდა ტკბილად თავის ცოლთან და ღედასთან ერთად.

ერთ მშვენიერ ღღეს ჩარჩმა ჩამოატარა ფარჩა და იძახის: ფარჩა, ქალებო, ფარჩა, ქალებო! — გამოვიდა პატარძალი, აარჩია, საკაბე უნდოდა თუ სხვა რაც სჭირდებოდა ოჯახისათვის ჩითები. ჩარჩს ეს ქალი მოეწონა და უთხრა, პური მშობა მაჭამეთო. ამ დროს ეს ბიჭი წასულა სანადიროდ თავისი ლეკვით, კატით და თავვით. ჩარჩი სახლში რომ შევიდა, მიიხედ-მოიხედა და დაინახა ბუხრის თავზე ნატვრისთვალი, აიღო ჩუმად და ინატრა: ეს სახლი იდგეს შუა ზღვაში. მართლაც, ეს სახლი შუა ზღვაში გაჩნდა და ჩარჩმა ამ პატარძალს უთხრა: — შენ ჩემი ცოლი ხარ ღღეიდანო. ქალმა ტირილი დაიწყო და მიუგო: — ძალა არ შეგწევს, უმწეო ქალები

ვართ, მაგრამ დრო უნდა მოგვეცე, სამი დღე და სამი საათი. თუ ამ ხნის განმავლობაში ჩვენმა პატრონმა გვიშველა, გვიშველა, თუ არა-
და რაც გინდა გვიყავიო.

სალამოთი ეს ბიჭი რომ მივიდა, ნახა თავისი სახლი იქ აღარა
დგას, გაიხედა — შუა ზღვაშია. მარტოდმარტო შერჩა კატა, თავი
და ძაღლი. სხვა იმ სახლშია ყველაფერი. მივიდა ზღვის პირას და
ტირის: ნეტავ რომელმა მიღალატა, ცოლმა თუ დედამაო. ძაღლმა
უთხრა კატას — შემაჯექი ზურგზეო, — მერე თავგს უთხრა: — შე-
აჯექიო კატასო. შეცურდა ძაღლი და წავიდა იმ სახლისაკენ. კა-
ტას უთხრა: — აიყვანე ეს თავი ისეთ ადგილას, სადაც შეძვრება
და გაიგებს, ვინ არის შიგაო. მართლაც, ავიდა ეს კატა, მიიყვა-
ნა ხვრელთან, შეძვრა თავი და ნახა ერთ ჩარჩს სძინავს სახლში
და რძალ-დედამთილი ტირიან მეორე ოთახში. გამოვიდა თავი,
ჩამოიყვანა კატამ ძაღლთან და ძაღლმა უთხრა: — ვინ არიან სახლ-
შიო? — ერთ ჩარჩს სძინავს. რძალ-დედამთილი კი ტირიან მეორე
ოთახშიო. ძაღლმა უთხრა: — აღი და მოძებნე ნატვრისთვალიო. —
ავიდა, თავგმა ირბინა აქეთ-იქით, მაგრამ ვერ იპოვა. ჩამოვიდა
და უთხრა ძაღლს: ვერა ეპოულობო. — ჩარჩი ეშმაკია, — ძაღლმა
უთხრა, — პირში ექნებაო. — თავგმა უთხრა: — მაშ ადვილიაო. —
ავარდა, შევარდა კარადაში, მიირბინ-მოირბინა, ერთი ძმრის ბოთ-
ლი გადააქცია, ჩაყო კუდი შიგ. დაასველა, მოვიდა, მიეპარა
ჩარჩს, წაუჩუჩუნა ცხვირში. ჩარჩს ცხარე რომ მოხვდა ცხვირში,
დააცემინა, გამოუვარდა პირიდან ნატვრისთვალი, თავგმა დაავლო
პირი და გაიქცა. ჩარჩი გამოედევნა, მაგრამ ვერ დაიჭირა. თავი
ჩავიდა დაბლა, უთხრა ძაღლს: — მომაქცსო. უბრძანა ძაღლმა
კატას: შემაჯექი ზურგზე, შენ თავი შეისვი და გავიდეთ პატრონთა-
ნაო! კატამ დაუწყო კაწუნის თავგს: მე მომეცი, შენ ჩავივარდე-
ბა წყალშიო. თავგმა არ დაანება, ამ დროს გადავარდა თავი და
დაიხრჩო.

გამოვიდა ნაპირზე, რომ ნახა ძაღლმა თავი აღარ იყო, ეცა კა-
ტას, დაუწყო ჭენჭვა. რომ დაინახა პატრონმა, გააშველა ეს მო-
ხსუბრები. ძაღლმა დაისვენა და წავიდა ზღვაზე. ჩავიდა, იარა ბევ-
რი. მიანგრ-მთანგრია იქაურობა, მაგრამ ვერ იპოვა. გამოვიდა. და-
ისვენა და დაბრუნდა ისევ წყალში. იარა იმდენი, რომ იპოვა დამ-
ხრჩვალთ თავი. გამოიტანა პატრონთან. პატრონი ძალიან შეწუხდა
ამ თავის დახრჩობაზე, ძაღლმა რომ დადო თავი მიწაზე, დააჭირა
ფეხი მუცელზე და პირიდან წყალთან ერთად გადმოვარდა ნატვრის-
თვალი. ბიჭმა სიხარულით ერთი შეჰკვივლა და დაავლო ხელი ნატვ-

რისთვის. ეგ იყო, რომ დანიშნული დროც მთავრდებოდა და ის ჩარჩი სიხარულით ცას ეწეოდა. ამ დროს ამ ბიჭმა ინატრა: ჩემი სახლი როგორც იდგა, ისევ იმ ალაგას იდგეს და შიგ ვინც არიან, ისევ ისე დამიხვდესო. მართლაც, სახლი ადგილზე დადგა. შევიდა ეს ბიჭი ოთახში და რასა ჰხედავს: ვიღაც ჩარჩს სძინავს. გავიდა მეორე ოთახში, ნახა ცოლი და დედა თავპირდასიებულები ბევრი ტირილისაგან. — რა მოხდა, მითხარით ახლათ? — შეეკითხა თავის ცოლსა და დედას. ცოლმა დაწვრილებით უამბო: — ამ ჩარჩს ფარჩა დაჰქონდა, ჩვენ ავიზომეთ ფარჩა. მერე ამან პური მოგვთხოვა, მოვიყვანეთ სახლში და უეცრად ჩვენი სახლი ზღვაზე გაჩნდა. ვერ გავიგეთ რანაირად და როგორათ. წამოხტა ეს ბიჭი, გავარდა ჩარჩთან, გააღვიძა, გამოიყვანა აივანზე. კარგი მოზრდილი აივანი ჰქონდათ.

უბრძანა კომბლებს: ჯერ ისე სცემეთ, ამ აივანზე გააქც-გამოაქცითო, მერე დააგორეთ კიბეზე და ბოლოს წაიყვანეთ, ზღვაში გადააგდეთო! მართლაც, შეასრულეს ამ კომბლებმა. ჯერ იქა სცემეს, მერე კიბეზე დააგორეს, წაიყვანეს და გადააგდეს ზღვაში.

ჭირი იქა. ლხინი აქა. ქატო იქა. ფქვილი აქა.
 მთას ურემი ავიტანე — წამოვიდა გორებითა,
 აქ სიციცხლით დამიძებნით, საიქიოს ცხონებითა.

მზის ღელა

იყო და არა იყო რა, იყო ერთი ცოლ-ქმარი. სახლის წინ ედგათ ერთი ხე, რომელიც ისხამდა ოქროებს. დილ-დილით გავიღოდნენ, კრფდნენ ამ ოქროებს. კაცმა გამოაცხადა: — ვისაც უნდა მოვიდეს და სანაძლეო დამიდოს: თუ გამოიცინოს ხე რაზეა ამოსული, ეს ხე მას დარჩეს, თუ არადა ერთი ტომარა ფული დაარჩინოსო. მოდიოდნენ და ვერაეინ ვერ გამოიცინო. მის ცოლს ჰყავდა ერთი საყვარელი. ცოლმა უთხრა იმ საყვარელს: გველის კუდზეა ამოსულიო. მოვიდა ის კაცი და პირველად თითქოს ვერ გამოიცინო, გაბრუნდა და ფული დაარჩინა იქ, მობრუნდა და უთხრა: — ერთიც მაქვს სათქმელიო, გველის კუდზე ხომ არ არის ამოსულიო? — მართალიაო, და დაუთმო ის სახლი და ის ხე მას. დაფიქრდა და თქვა: „ამან როგორ გაიგო?“ გამოვიდა და მზის დედასთან წავიდა საკითხავად.

მიდიოდა და წინ შეხვდა ერთი ზღვა. ზღვისპირას იწვა ერთი დიდი თევზი, ძალიან იყო გამაძლარი და ვერ ინელებდა. იმ თევზმა უთხრა: ჩემი ამბავიც უთხარი, როგორ უნდა მოვიწელო. იარა, იარა და წინ შეხვდა დიდი მინდორი, ხის გუთნით ხნავდნენ, გუთანი უფუჭდებოდათ მალ-მალე. აჰამეს პური: ბარემ ჩვენი ამბავიც უთხარიო. — იარა, იარა და წინ შეხვდა ერთი დიდი მინდორი, იმ მინდორში ჰყავდათ ცხვარი, არ იცოდნენ, როგორ გაეპარსათ და ეხოცებოდათ. მათაც უთხრეს: ბარემ ჩვენი ამბავიც გაიგე და გვითხარიო. წავიდა, იარა, იარა და შეხვდა ერთი დიდი ხე, იმხელა იყო, რომ თვალს ვერ აწვდენდა. ირემზე იყო ის დიდი ალვის ხე ამოსული, იმ ალვის ხეზე იყო კიბე, იმ კიბით მზის დედასთან უნდა მისულიყო. ირემმა ჰკითხა: — სად მიდიხარო? — მზის დედასთანო. — კიბე აქა მაქვს და ამოდიო. მხოლოდ ერთი ბლუჯა ბალახი მომაწოდე, რომ შეეკვამო, მშიერი ვარო. შეაჰკამა და ავიდა.

იარა, იარა და მივიდა მზის დედასთან. მივიდა და — რა გაგჰკირვებიაო? — ჩემი საქმე ასეა და იმ კაცმა როგორ გაიგო? — უთხრა — ის კაცი შენი ცოლის საყვარელია და ცოლმა გიღალატაო. ჰკითხა თევზის ამბავი, ჰკმელს ვერ ინელებსო. მზის დედამ უთხრა: — შეაჩქეი, წყალში გაგიყვანსო, აქეთ-იქით ხელი შემოარტყი და ერთი ტომარა ფული გამოვარდებო, მიდი და იმ კაცს ასეთი სანაძლეო დაუდე: მზე ხომ აღმოსავლეთით ამოდის და დასავლეთით ჩადისო? დააწერინე ხელწერილი, მოიწვიე ხალხი და დასხედით და დასავლეთით ქენით პირიო. დასავლეთით ამოვალ და აღმოსავლეთში ჩავალო. ახლა უთხრა გუთნის ამბავი: უთხარი, რომ მარტო სახნისი გაუკეთონ რკინისა, დანარჩენი ხისა იყოსო და არ გაუფუჭდებო-თქო. უთხრა ცხვრისა: მაკრატელი აიღონ და გაპარსონო.

დაბრუნდა და ჩამოვიდა. მეცხვარეებს გააპარსენა ცხვარი, ადგნენ და გაიქცნენ. მივიდა გუთნებთან: — რკინის სახნისი გაუკეთეთ, დანარჩენი ხისა იყოს და არ გაგიფუჭდებათო. მართლაც, გაუკეთეს და მოხნეს, არ უფუჭდებოდათ. — რა გაჩუქოთო? — ერთი მშვილდ-ისარი გამიმართეთ და ხმალიო. გაუკეთეს, მისცეს და წამოვიდა. თევზს უთხრა: — შემისვი, გამოიყვანე და მე მოგანელებინებო. შეისვა და გაიყვანა იქითა მხარეს. შემოარტყა ხელი გამოვარდა ერთი ტომარა ფული. მოისვენა თევზმა, შეტურა წყალში და წავიდა. ეს კაციც წავიდა, ვისთანაც სანაძლეო უნდა დაედო. მივიდა მათთან და ხედავს, იმ კაცს შეურთავს მისი ცოლი. ვერც ნაცოლარმა და ვერც იმ კაცმა ვერ იცნეს. დაუღო სანაძლეო: ხომ

აღმოსავლეთით ამოდის მზე და დასავლეთით ჩადის? მე სანაძლეოს დაგიდებ, რომ დასავლეთით ამოვიდეს და აღმოსავლეთით ჩავიდესო. იმ კაცმა დაუდო სანაძლეო.

მოიწვიეს ხალხი, დასხდნენ სკამზე და პირი დასავლეთისაკენ ქნეს. სანაძლეოს ძალით, თუ მოიგებდა, იმ კაცს ის ცოლიც უნდა მოეკლა, ის კაციც და სახლი თვითონ დარჩენოდა. მართლაც, დაინახეს, რომ აღმოსავლეთით ჩაბნელდა და დასავლეთით ამოვიდა მზე. მოუგო სანაძლეო, მივიდა იმ კაცთან და იმის ცოლთან და უნდა დაეხოცა ისინი. უთხრა: — სიცოცხლე გაჩუქოთ თუ არაო? კაცმა უთხრა: — მარტო ყური ჩამომაკერიო.

როგორ თუ ყურიო, მოსკრა კისერი, ცოლიც მოკლა, ის სახლი მას დარჩა ისევე და უფრო კარგად იცხოვრა.

მადლიერი მკვდარი

იყო და არა იყო რა, ღვთის უკეთესი რა იქნებოდა. იყო ერთო ხელმწიფე, მას ჰყავდა სამი შვილი. ხელმწიფე მობერდა, მოიხმო შვილები და უთხრა: ამ სიბერის დროს ჩემი სურვილი უნდა აასრულოთო. მავან ხელმწიფეს ქალი ჰყავს, ის ქალი უმცროსმა ძმამ ცოლად შეირთოსო. გარდაიცვალა ხელმწიფე. ადგნენ სამნი ძმანი, გაემგზავრნენ ქალის საქმენელად. ერთი და ჰყავთ და ისიც თან წაიყვანეს. ბევრი იარეს თუ ცოტა იარეს, გზაჯვარედინს მიადგნენ, სამი გზა იყრებოდა, სამივე გზაზე ქვა იყო ჩასმული და ზედ ეწერა: ვინც აქით წავიდეს, ადვილად დაბრუნდეს, მეორეს ეწერა: ვინც აქეთ წავიდეს, საეჭვო იყოს მისი დაბრუნებაო, მესამეს ეწერა: ვინც აქეთ წავიდეს, ველარ მობრუნდესო.

უფროსმა ძმამ აირჩია საიმედო გზა, საშუალომ — საეჭვო, უმცროსმა კი — სახიფათო. უმცროსმა ძმამ თან გაიყოლა და. ბევრი იარეს თუ ცოტა იარეს, შეხვდნენ ერთ კაცს, რომელსაც საფლავოდან ახალი მკვდარი ამოეღო და ჯოხითა სცემდა. ხელმწიფის ბიჭმა უთხრა: — რათა სცემო? — იმიტომ ვცემ, რომ ჩემი აბაზი ემართა, არ მომცა და ისე მოკვდაო. ამოიღო ხელმწიფის ბიჭმა რვა აბაზი, ოღონდ ნუ სცემ და ამას მოგცემო. მისცა რვა აბაზი.

ხელმწიფის ბიჭმა აიკიდა კვლავ თავისი ბარგი, წაიყვანა თავისი და, მიდის გზაზე. დასვენება მოუნდათ. უთხრა დას: — დავისვენო-

თო. იქვე ხე იყო, იმ ხის ქვეშ იჯდა ერთი მოხუცი კაცი. ქალს შერცხვა და ისევ გამობრუნდა. მოხუცმა დაუძახა: — მეც ღვთის კაცი ვარ, დაისვენეთო. მივიდა ხელმწიფის ბიჭი, ჩამოიღეს ბარგი და დაისვენეს. როცა წამოსვლა დააპირეს, მოხუცმა კაცმა უთხრა: — მე და შენ დავძმობილდეთო. ხელმწიფის ბიჭმა უარი მოახსენა. მოხუცმა უთხრა: — რატომ ამბობ უარსო? ბიჭმა უთხრა: — მე და მყავს და შენ მარტოხელა კაცი ხარო. რასაც ვიშოვით, შენი მეტი დაიხარჯებაო. მოხუცმა უთხრა: — ორნი უფრო შევიწინაბეთო. რახან მოხუცმა მოუჭრა სიტყვა, დაძმობილდნენ. ბიჭმა უთხრა: — უფროსი შენ უნდა იყოო. მოხუცმა მიუგო: — არა, შენ უნდა იყოო. ბიჭის დამაც ურჩია უფროსობა, რადგან ხნიერი კაცი იყო და კარგად წაიყვანდა საქმეს, კარგად იუფროსებდა. ადგნენ და წავიდნენ.

ბებერი იარეს, თუ ცოტა იარეს, მიადგნენ ერთ სოფელს, ერთ დედაბერთან მივიდნენ. დაუძახეს, ამაღამ შეგვიფარეთო. დედაკაცმა შეიბრალა ძმობილები. გათენებისას ადგნენ და ყველაფერი გამოჰკითხეს ამ ბებერ დედაკაცს: ან ხელმწიფე სად ცხოვრობდა, ან როგორი სახელმწიფო იყო ეს. ბებერი დედაკაცი მოუყვა ყველაფერს: ჩვენს შეფეს ჰყავს ერთი ქალი, ოთხმოცეკრ მანც გაათხოვა, მაგრამ საქმრო არა რჩება, ეხოცებაო. ადგა მოხუცი კაცი და მამინვე წავიდა მასთან. უთხრა: — ბიჭი მოგიყვანე სასიძო და ქალი უნდა გაათხოვოო. ხელმწიფემ უარი განუცხადა: — ჩემ შვილს მრავალი საქმრო მოვეყვანე, მაგრამ დაეხოცნენ. რად გინდა, რომ ეგ კარგი ყმაწვილიც მოკედესო. ხელმწიფის ქალმაც უარი თქვა: — რაკი ბედი არა მაქვს, არა მამქვსო. ეს ბებერი კაცი ძალიან შეეღწეწა და როგორც იყო მოაწადინებინა. მოიყვანეს ბიჭი, შესახედავად ძალიან მოეწონათ, მაგრამ ქალი ტიროდა, არც ეს შემრჩება და რად გინდათ, რომ გავთხოვდეთო.

გამართეს ქორწილი. ხელმწიფემ სუყველა სოფლიდან მოიწვია ხალხი. დაღამდა, ხელმწიფის ქალი და ბიჭიც ცალკე ოთახში უნდა დაეწვინათ. ქალს გამოჰყენენ სხვა ქალებიც. ეს ბიჭი რომ წაიყვანეს, მოხუცმა თქვა: — მეც უნდა გავყვე ჩემს ძმასო. ხალხმა უარი უთხრა: არ შეიძლება შენი გაყოლაო. დიდი ხეწენის შემდეგ გააყოლეს ბერიკაცი. ქალი და ბიჭი დაწვნენ, მოხუცი ცალკე კუთხეში დაწვა. ამ მოხუცს მთელი ღამე თვალი არ მოუხუქავს, მივიდოდა და მალი-მალ დახედავდა თავის ძმას: სუნთქავს თუ არაო. შუალამისას ქალმა გაიხმორა და პირიდან ამოუფრინდა არწივი. ბერიკაცს გაღესილი დანა ეჭირა ხელში, ამოფრენისთანავე სტაცა ხე-

ლი და მოაპრა ყინწი. ქალმა მეორედაც გაიზმორა, პირიდან ამოუფრინდა ისეთივე არწივი. მოხუცმა კაცმა მასაც მოაპრა ყინწი. ქალმა რამდენჯერმე გაიზმორა და სულ არწივები ამოდრიოდნენ. თანდათან უფრო პატარ-პატარა არწივები ამოფრინდნენ. მოხუცმა კაცმა ყველა დახოცა. გათენების ხანს ქალმა დაიწყო ტირილი. ხელმწიფის ქალს ეგონა, ესეც მკვდარიყო.

მოხუცმა ჩუმად უთხრა: ნუ ტირი, ჯერ მიდი და ნახე, ეგება მკვდარი არ არისო. ქალის ერთი ცრემლი ბიჭს დაეცა ლოყაზე და შეტოკდა. გახარებული ქალი წამოხტა, გაიქცა თავის მამასთან და უთხრა: — ცოცხალიაო! ხელმწიფეს გაუხარდა, შეუყვარდა ეს ყმაწვილი, მეფობას ულოცავდა, მაგრამ ბიჭმა არ იცისრა. მეორე დღეს ბიჭი ადგა, ჭამა პური და უთხრა: — ნადირობა მიყვარს და ახლომახლო ვინადირებო. ხელმწიფემ არ დაუშალა, ინადირე, მხოლოდ აი, ამ მთას იქით მინდორში დევების კოშკია, იქ არ მიხვიდეო. ბიჭმა უთხრა: — იქ არ წავალო. ხელმწიფემ უბრძანა თავის ვეზირებს: — ცხენები გამოუყვანეთ და თვითონ აირჩიოსო. სიძემ ერთი კარგი შავი ცხენი დაიჭირა, წაავლო წელზე ხელი, მოუჭირა ორი თითი და შუაზე გაწყვიტა. ახლა თეთრს სტაცა ხელი, ისიც გაწყვიტა. ვეზირები გაიქცნენ, ხელმწიფეს უამბეს: — რომელ ცხენსაც კი დაიჭერს, ორი თითით შუაზე წყვეტავსო. ხელმწიფეს ძალიან გაუხარდა ეს ამბავი, თქვა — ჩემი მერანი გამოუყვანეთ, მისი ღირსი ყოფილაო! მოუჭირა თითები, მერანს წელი ეტკინა, წებტა და ფლოქვი შემოაპრა სიძეს. მას ძალიან მოეწონა ეს ცხენი, შეჯდა, აისხა იარაღი და წავიდა სანადიროდ.

ეს ბიჭი წავიდა პირდაპირ დევებთან. მთა რომ გადაიარა, გამოჩნდა კოშკი. გააქანა მერანი იმ კოშკისაკენ, მივიდა და დაუძახა სამ ძმა დევს: კარში გამოიხედეთო! გამოიხედეს. სამთავიანმა დევმა თქვა: — კარგი ლუკმა მოსულხარო. გამოქანდა დევი და უნდა სტაცოს პირი ამ ბიჭს, მაგრამ მან ესროლა მშვილდ-ისარი და სამივე თავი წააგლიჯა. კიდევ დაიძახა: — გამოდი, საშუალოვ, მმა მოგიკალიო! გაბრაზებული გამოვარდა ექვსთავიანი დევი. უნდა ეტაკოს ბიჭს და გადაყლაპოს, მაგრამ ბიჭმა ესროლა მშვილდ-ისარი და სამი თავი წააგლიჯა. სანამ დევი მოვარდებოდა, მეორედაც ესროლა და მოკლა საშუალო დევიც, ძმები დამიხოცეო! გამოვარდა ცხრათავიანი დევი. აივნის ქვემოთ იღო ხუთასფუთიანი საწონი. სტაცა მას ხელი და ესროლა ბიჭს. ბიჭმა მერანი გვერდზე გაახტუნა და თვითონ ესროლა მშვილდ-ისარი. მშვილდ-ისარმა სამი თავი წააგლიჯა. ჩამოხტა ბიჭი, სტაცა ხელი დევს, აიტაცა მალლა, დასცა

დედამიწაზე, კისრამდის ჩასვა მიწაში და უთხრა: უნდა მოგაქრა თავებიო. ხუთი თავი რომ მოაქრა, ამოიყვანა დევი მიწიდან და უთხრა: — დამატარე ამ სახლში, თორემ მოგკლავო!

დევემა დაატარა სახლი და სუყველაფერი უჩვენა. ბიჭმა გამოაგდო სახლიდან დევი: — სადაც გინდა, იქ წადიო! დევს იქვე ახლოს გამოქვაბული ეგულებოდა, მივიდა და ამ გამოქვაბულში დაწვა. ბიჭმა მოკრიფა დევების თავები და გამოემგზავრა შინისაკენ. მოვიდა თუ არა შინ, ხელმწიფეს მოახსენა: შენ რომ გაშინებდნენ, ის დევები, სულ ყველა დავხოცეო. ხელმწიფემ არ დაიჭრა: იმათი მომრევი არავინ არ იყო ქვეყანაზე და შენ როგორ დახოცავდიო. ბიჭმა უჩვენა. — მე იმ კოშკში უნდა ვიცხოვრო ცოლთან ერთად, დასაც თან წავიყვანო. მაშინ ძმობილმა უთხრა: — უნდა გამეყარო და ქონება გავიყოთო. ბიჭმა ვერაფერი უთხრა, რადგან უფროსობა მას ჰქონდა ჩაბარებული. მოხუცმაც ყველაფერი შუაზე გაყო და ბოლოს უთხრა: — ეს ქალიც უნდა გავყოთ შუაზეო. როგორ უნდა გავყოთ? — მე გავყოფო. მოხუცმა ჩაანთო თონეში ცეცხლი, სულ ნაკვერჩხლად აქცია. აიყვანა ქალი, დაიჭირა თონეზე, ცალი ხელი თვითონ წაავლო, ცალი ხელი ქმარს დააჭკრინა, ჩამოაკრა ხმალი თავიდან და შუაზე გააპო. გადაჭრილი ქალიდან გამოცივდნენ არწივები, ბაყაყები, გველები. მიატყუცა ისევ ის ქალი ერთმანეთს, მოუსვა ფრინველის ბუმბული და როგორიც იყო ისეთი გახდა.

ახლა უთხრა მოხუცმა ბიჭს: — მე არაფერში არ შეგეცილები, ყველაფერი შენთვის დამილოცნია. მე ისა ვარ, გზაზე რომ შეგხვდი. ერთი კაცი მკვდარს რომ სცემდა და შენ რომ უთხარი: რაც ემართა ორ იმდენს მოგცემ, ოღონდ თავი დაანებეო. შენ რაკი სიკეთე მიყავი, იმისათვის დავეთხოვე უფალს, წამოვედი შენთან, სამაგერო სიკეთე გამეწია რამე. ამაზე მეტი სიკეთე როგორღა გინდა! ეს ამოდენა საცხოვრებელი შენო და გაფრინდა ცაში. ყველანი გაკვრევებულები დარჩნენ. ბიჭი წამოვიდა იმ კოშკისაკენ და დაიწყო კოშკში ცხოვრება.

რამდენიმე წელმა განვლო. ბიჭის დას მოუნდა გათხოვება. დაიწყო ახლომახლო ხეტიალი. მიადგა იმ გამოქვაბულს, სადაც დევი იყო. ნახა დევი, ერთი თავი რომ დაურჩინა. ქალმა დევს უთხრა: შენ ქმარი და მე ცოლიო. დევი უარზე იდგა: შენს ძმას ერთი თავი შეურჩენია და იმასაც მომაქრისო. ქალმა უთხრა: — ჩემ ძმას ვეტყვი, ძალად გამაუნამუსა-თქო და მოგკლავსო. დევს შეეშინდა და დთანხმდა — მე ჩემს ძმას ძალიან ვუყვარვარ, მას ისეთ ალაგას გავგზავ-

ნი, რომ იქიდან ცოცხალი აღარ დაბრუნდებო. შენ ქმარი იყავი და მე ცოლიო. ამ ქალის ძმა სანადიროდ იყო წასული, სანამ ბიჭი მოვიდოდა, ქალმა მოიხადმყოფა თავი და დაწვა. როცა ძმა მოვიდა, უთხრა: — რად დაწოლილხარ, რა გაგვირეგებიაო? — მე ძალიან ავადა ვარ და ცხრა მთას იქით რომ ერთი კამეჩია, მხოლოდ იმის გულ-ღვიძლი მომარჩენსო. ბიჭმა უთხრა, მაშ ძმა მოგვედომია, თუ არ მოგიტანოს იმის გულ-ღვიძლიო. ქალს დევმა ასწავლა ეს.

წავიდა ბიჭი. გადაიარა ცხრა მთა, კამეჩის სიახლოვეს რომ მივიდა, მის ცხენს ბარბაცი დააწყებინა. ჩამოვიდა ცხენიდან ბიჭი და მიდის ფეხით. ცხენი კი იქ დააბა. მიუახლოვდა თუ არა, ბიჭმა ესროლა მშვილდ-ისარი, მაგრამ ვერაფერი დააკლო. კიდევ რომ მიუახლოვდა, კამეჩმა უთხრა ბიჭს: ვილაცა ხარ, ძალიან ღონიერი ხარ, ჩემთან ასე ახლოს ვერავინ მოდის, შენ კი მოხვედი. მაგრამ რაც არ უნდა ქნა, მე მაინც ვერ მომკლავ, ორი მტკაველის სისქე ტყავი მაკრავს და შენი ისარი ერთი თითის სისქეზეც ვერ შემატანსო.

ბიჭმა არ დაუჯერა, ესროლა მშვილდ-ისარი, მაგრამ ვერაფერს გახდა. კამეჩმა ისევ უთხრა: შორიდან ვერაფერს მიზამ, ახლოს მოტვალ და რქებით დაგხვეო! ბიჭმა იფიქრა: „ეს ისეთი ღონიერი ყოფილა, ვერაფერს გავხდებო“ და დაბრუნდა უკან. დაღონებული მიდიოდა. გზაში ერთი კაცი შეხვდა. — რატომ ხარ დაღონებულიო? — ჰკითხა. ბიჭმა ყველაფერი უთხრა. კაცმა ურჩია: ჩადი ქალაში, ხედავ რამდენი კამეჩია, ერთ-ერთ კამეჩს სტაცე ხელი, დაკალი, ამოარიდე გულ-ღვიძლი, მიუტანე შენს დას და მორჩებაო. იმ ბიჭმა მართლაც ასე გააკეთა. გამოარიდა ერთ კამეჩს გულ-ღვიძლი და წამოვიდა შინ. აჰმა დას, ქალი ადგა მაშინვე: — კარგადა ვარო. ბიჭი წავიდა სანადიროდ. მეორე დღეს ქალი მივიდა ისევ დევთან და უთხრა: — კამეჩის გულ-ღვიძლი მომიტანაო. დევმა უთხრა: — უკვდავების წყალი მოატანინეო. მისი მოტანა ძალიან ძნელია, იქ უეჭველად მოჰკლავენო. სანამ ნადირობიდან მოვიდოდა ბიჭი, დაწვა ქალი და მოიხადმყოფა თავი. მოვიდა ბიჭი, უთხრა დას: — რატომ ხარ ავად, რა მოგარჩენსო? — მე მომარჩენს მხოლოდ უკვდავების წყალიო. — მაშ, ძმა მოგვედომია, თუ ის არ მოგიტანოსო.

ადგა ბიჭი, შეჯდა მერანზე და გაემგზავრა უკვდავების წყლის მოსატანად. იმ წყლის მოტანას სამი წელიწადი უნდოდა. გზაში ბიჭმა დაინახა ერთი მიჯაჭვული რაში. მივიდა ახლოს, როგორც იყო დაიჭირა, შეხსნა ჯაჭვები და შეჯდა ზედ. რაშმა უთხრა: — ჩემი

დამკერი არაინ არ იყო, რაკი შენ დამიმორჩილე, რაც არ უნდა დამავლო, აგისრულებო. ბიჭმა უთხრა: — უკვდავების წყალი უნდა მოვიტანოთო. რაშმა მიუგო: — მე უკვდავების წყალი გამოიტანია იქიდან. ძალიან ძნელია მისი გამოტანა, შენ თუ ყოჩაღად მოიქცევი, გაძოვიტანო. რაშმა ბიჭს უჩვენა ერთი გზა. ორი დოქი უკვდავების წყალი კლდის პირას აგდიაო, მე იმ კლდეს ახლოს ჩავუქროლებ და შენ უნდა სტაცო ხელი და სწრაფად წაწოილო. დოქს რომ აიღებ, რაც ქვეყანაზე ნადირია, ჩვენ გამოგვეკიდებაო, თუ ძალიან მოგვიახლოვდნენ, ხმლით მოიგერიე, მხოლოდ ხმალი მე არ მომარტყაო.

აფრინდა რაში, ბევრი ფრენის შემდეგ ჩაუქროლა იმ კლდეს, სადაც დოქები ეწყო. ამ ბიჭმა სწრაფად დასტაცა ხელი და დაიჭირა ხელში მაგრად. დოქის აღებისთანავე, რაც ქვეყანაზე ნადირი იყო, სუყველა მათ გამოედევნა. რაში ძალიან დაიძალა, მაგრამ მაინც გამოასწრო. ნადირები დაუახლოვდნენ. ერთი ლომი უნდა სტაკებოდა რაშს. ბიჭმა დაჰკრა ხმალი და მოაგლიჯა თავი. ბოლოს ნადირებმა თავი ანებეს. ეს ბიჭი წამოვიდა შინ. დიდი სიარულის შემდეგ მივიდა იქ, სადაც ხელმწიფე იყო. ერთ ტყეში შევიდა და დაინახა, რომ ხალხი მოდის შეკაზმული ცხენებით სულ განუწყვეტლივ. ბიჭმა თქვა: ნეტავ რისთვის მიდიანო? ამ ბიჭს ძალიან გაეზარდა წვერიც, ტანისამოსი სულ გაცვეთილ-დაკონკილი ეცვა. ამ ტყეში მოესმა წალღის ხმა, ფიჩხს სწრაინ. მიჰყვა ამ ხმაურობას და მივიდა ერთ კაცთან, უთხრა: — გამარჯობა, — გაგიმარჯოსო. — ეს ხალხი სად მიდისო? — ეს ხალხი მიდის ხელმწიფესთან. უწინ ჰყავდა ერთი სიძე, ეს სიძე წავიდა და დაიკარგა. ისეთი ღონიერი იყო, რომ მისი მომრევი არაინ არ გამოსულა. დაკარგვის შემდეგ სიძე ბევრი ეძებდა ხელმწიფემ, ხან ცაში, ხან დედამიწაზე, ხან ზღვაში და ხველეთზე, მაგრამ ვერ იპოვა. გამოიგლოვეს ეს ბიჭი, ხელმწიფე ახლა ათხოვებს თავის ქალსაო. მხოლოდ იმ პირობით, რომ მეფემ გასწრა დიდი ორმო, ას ორმოცდაათი მეტრის სიგრძისა, ოცდაათი მეტრი სიმაღლის, ვინც ამ ორმოზე გადაახტუნებს ცხენს, იმას მივცემ ქალსაო. ბიჭი წამოხტა მაშინვე, ენიშნა. — მომეცი, ეგ ჩოხა ჩამაცვიო. ერთი მეცხვარული ქუდიც გამოართვა და წამოვიდა. ხალხს სულ უკანიდან ამოუდგა. ბიჭმა უთხრა მეფეს: — აბა, ჰკითხე შენს ქალსა, თუ გადავახტუნო ამ ორმოზე ცხენი, შემირთავს თუ არა ქმრადაო? ხელმწიფე ქალს დაეკითხა. ქალმა უთხრა: — ეგ ვინ მოთრეულა, მაგას არ შევირთავ, რაც არ უნდა გადაახტუნოსო. ხელმწიფემ უთხრა იმ ბიჭს: — მაგას ვინა ჰკითხავს.

პირობა მე დავდეო. კარგიო, — უთხრა ბიკმა. მეორე მხარეს ვერა-
ვინ ხტებოდა. ორმოში ცვივოდა, ზოგი კვდებოდა; ზოგი იმტვრეო-
და, მაინც არ იშლიდნენ. ამ ბიკის დრო რომ მოვიდა, მძიმედ გა-
არტყა ცხენს მათრახი, ისკუპა ცხენმა, შუა ალაგას ჩავარდა. ამოიყვანა
ცხენი ბარბაცით, მეორე დღესაც გაგრძელდა გადახტომა, მაგრამ
ვერავენი გადახტა ნაპირამდის. ამ ბიკის დრო რომ მოვიდა უნდა
გადაეხტუნებინა, მაგრამ ქალმა უთხრა: — კიდე მოეთრეო? გინ-
და გადაახტუნო, მაინც არ შეგირთავო. ხელმწიფემ უთხრა: ამას
არავინ ჰკითხავსო. ბიკმა დაუჭერა, ცხენს ჰკრა ქუსლი და
მათრახი, ისკუპა ცხენმა, ნაპირიდან კიდევაც გადააცილა, მოატრია-
ლა ბიკმა მერანი და უთხრა ხელმწიფეს: — გადავახტუნე და რას
იტყვიო. უარს არ ვამბობო. იმ დღისითვე ხელმწიფემ დაავალა
ვეზირებს, გაპარსეთ პირი, დაბანეთ და გამოუცვალეთ ტანისამო-
სიო. მართლაც, ვეზირები მივიდნენ დასაბანად, უთხრეს, უნდა
დაგბანოთო. ბიკმა უპასუხა: — არაო! გამოუცხადეს ხელმწი-
ფეს, რომ უარს ამბობსო. კვლავ ხუთი ვეზირი გაგზავნა. ამ ბიკმა
უარი განუცხადა ისევ. ისევ უკან დაბრუნდნენ ვეზირები.

ახლა გაუგზავნა ოცი ვეზირი, რომლებსაც უბრძანა დაიჭირეთ
და ძალად დაბანეთო. რომ მივიდნენ, ბიკმა მოიქნია მუშტი და ოცი-
ვე დაყარა პირქვე. წამოდგენ ვეზირები და ისევ წაავლეს ხელი.
გაბრაზებულმა ბიკმა ზოგს თავი გაუტეხა, ზოგს მკლავი მოსტეხა
და სულ დამტვრეულები გაგზავნა ხელმწიფესთან. მაშინ ხელმწიფემ
თქვა: ის ბიკი ხომ არ არის, მადი გამიგეთო. წავიდა ქალი. როცა
ქალს ქმარი ჰყავდა, მარჯვენა მკლავზე დაახატა ფუნჯი.

ქალმა აუწია მარჯვენა მკლავი და რომ დაინახა ფუნჯი, გამოვარ-
და და თავის მამასთან გაიქცა, უთხრა: — ის არისო, ნიშანი მქონდა
დადებული და ისე აქვსო! ძალიან გაუხარდა ხელმწიფეს და ხელ-
მეორედ გადაიხადეს ქორწილი.

ქორწილში მეც ვიყავი და ლაზათიანადაც დავითვერი.

მამის კოვნის ამბავი

იყო და არა იყო რა, ღვთის უკეთესი რა იქნებოდა. იყო ერთი
კაცი და ჰყავდა ერთი ვაჟიშვილი. მამა შვილს ეხვეწებოდა დაქორწინ-
დო, შვილი კი ეუბნებოდა, სწავლა მინდაო. ბიკს სასწავლებელმა

შესვლა იმიტომაც უნდოდა, რომ იქ შეერჩია საცოლე. ბიჭი მართლაც შევიდა სასწავლებელში და აირჩია ერთი მშვენიერი გოგო. შვილმა მამას უთხრა: — ახლა კი მინდა ქორწილი იმ პირობით, თუ შემრთავ იმას, ვინც მე მომწონსო. მამამ შვილს ჰკითხა: — ვისია ის ქალითო. შვილმა უპასუხა: — ჰავან კაცისაო. მამამ უთხრა: — ძალიან კარგი, მისი მამა ჩემი კარგი მეგობარი კაცია და ვენახოთო.

მეორე დღეს ადგა მამა და წავიდა ქალის მშობლებთან მოსალაპარაკებლად. ქალის მამამ რომ ეს კაცი დაინახა, მიეგება, მიიპატიჟა სახლში. გასწიეს მშვენიერი ქეიფი და ვაჟის მამამ უთხრა, რაზედაც იყო მისული. მშობლები შეთანხმდნენ და ქორწილიც მალე დანიშნეს. ქორწილის დროს, როცა ქალი სახლში ჰყავდათ და მაყრები გერისევე ქეფობდნენ, ნეფე-პატარძალს ძალი მოეკიდათ და გავიდნენ მეორე ოთახში მოსასვენებლად. ქალს წყალი მოსწყურდა და ქმარს უთხრა: — წყალი მწყურიაო. ბიჭი სასწრაფოდ წამოხტა, ნახა კოყები, მაგრამ წყალი არ იდგა. წყალი ეზოშივე იყო და ბიჭი იქითვე გაიქცა. ბიჭმა რომ წყალს კოკა შეუდგა, რალაც დაეცა და ბაჭი გაქრა. პატარძალი ელოდება, მაგრამ ნეფე არსადა ჩანს.

გათენდა მეორე დღე და პატარძალი ტირის. გავიდნენ ბიჭის მშობლები და ჰკითხეს: რა გატირებსო? პატარძალმა უთხრა, რაც მოხდა.

ბიჭი ბევრი ეძებეს, მაგრამ ვერ იპოვეს. ქალს მშობლები მოუვადნენ. იტირეს. იგლოვეს და ვაჟის მშობლებს უთხრეს. ჩვენ ქალს წავიყვანთო. ბიჭის მშობლებმა უთხრეს: — ჩვენ ერთი შვლი გეყავდა და ისიც დავკარგეთ, მის სამაგიეროდ ამას ჩვენ აღვზრდითო, — ქალი ვაჟის სახლში დარჩა.

ერთხელ ქალმა უთხრა მამამთილს: ერთი დუქანი გამიხსენი ისეთ ალაგას, სადაც ჭვარედინი გზა იყოსო. ქალს სურვილი შეუსრულდა. იგი დახლში დგას. გამელელ-გამომელელი ქეიფობს, ქალი ფულს არ იღებს და ყველას ეუბნება: — მითხარით, სად რა ნახეთ საკვირველიო? ქალს ყველა ერთნაირად უპასუხებს: არაფერიო.

ერთხელ ერთი გზიდან მოდიოდა სამი კაცი. ორი კაცი კარგად ჩაცმული იყო, ერთს კი დაგლეჯილი ქალამნები ეცვა. ამ კაცმა უთხრა: ჩამოვსხდეთ აქ, შევისვენოთ ცოტა, ქალამნებს გავისწორებო. მგზავრები შევიდნენ ერთ დიდ ტყეში. ამ ორ კაცს დაეძინა და ეს ერთი კი ქალამნებს ისწორებს. ქალამნიანმა კაცმა შეხედა ერთ უზარმაზარ ხეს, რომელსაც მარტო წვერში ჰქონდა ტოტები ქოლგასავით. კაცმა ხეზე შეამჩნია კუბო, საიდანაც ვილაცეებმა ამოიყვანეს ერთი საცვლებიანი კაცი, სცემეს ისე, რომ სიკვდილის პირზე მი-

აყენეს და მერე ისევ ჩააწვინეს, დაახურეს თავი და წავიდნენ. ქალამნიან კაცს ეს შემთხვევა უნდა ეთქვა ამხანაგებისათვის, მაგრამ დაავიწყდა.

მგზავრები წამოვიდნენ და ბევრი იარეს, თუ ცოტა, მიაღწენ ამ ქალის ღუქანს. შევიდნენ პურის საქველად და როცა მორჩნენ, ქალს უთხრეს: — რამდენი გერგებო? ქალმა უთხრა: — თქვენი არაფერი მინდა, მხოლოდ მიაბნეთ საკვირველი თუ რაიმე ნახეთო. მგზავრებმა უპასუხეს: არაფერიო. იმ ბიჭს აქაც დაავიწყდა ის ამბავი, რომელიც ხეზე დაინახა. — მაშ თავისუფლები ხართო, — უთხრა ქალმა. მგზავრები წავიდნენ. ბოლო ღროს იმ ბიჭს მოაგონდა ის ამბავი და უთხრა: — მოიცათ, თქვენ რომ გეძინათ, მაშინ ვნახე ერთი საკვირველი ამბავიო. მგზავრებმა არ გაუგონეს, ერთი-ორიც წამოჰკრეს და გაანებეს თავი.

მგზავრი მობრუნდა ქალთან, ძივიდა და უთხრა: — ბოდიში, მაგრამ წელან დამავიწყდა მეთქვა, მე ვნახე ასეთი ამბავი. ერთ ხეზე იყო კუბო, ვილატეები მოვიდნენ, ახადეს კუბოს თავი, ამოიყვანეს ერთი მშვენიერი ვაჟი საცვლებიანი, სცემეს, სცემეს, სიკვდილის პირას მიაყენეს და წავიდნენო.

ქალს ეს ეამა. წამოვიდნენ და ბიჭმა აჩვენა ის ალაგი. საღამო ხანია. მოვიდნენ ვილატეები, ამოიყვანეს ის ვაჟი, სცემეს. ქალმა დაინახა თუ არა, იცნო თავისი ახლად შერთული ქმარი და გული წაუვიდა. როცა ქალი გონს მოვიდა, ქალამნიან ბიჭს უთხრა: — ღუქანი შენთვის დამილოცხია, მე კი აქ ვრჩებიო. ქალამნიანი ბიჭი დაბრუნდა ღუქანში და დაიწყო ვაჭრობა, ქალი კი ავიდა ხეზე. ახადა კუბოს თავი და ჩაუწვა ქმარს. ქმარმა უთხრა: — აქ რამ მოგიყვანა, წალი თორეშ შენც ჩემს ღლეში ჩავარდებო. ქალი არ წამოვიდა, რაც მომივა, მომივაო. ქალი ყოველდღაურად მზის ამოსვლის შემდეგ აღიოდა და მზის ჩასვლის შემდეგ ჩამოდიოდა. ასე გავიდა ერთი კვირა. ბოლოს შეატყვევს ეშმაკებმა, ვილატას მოუკვლევიაო და მოიტაცეს კუბო. ქალი ბევრს ეცადა, რომ კვალი მიახც არ დაკარგოდა, მაგრამ ეშმაკებმა კუბო თვალს მოაფარეს.

ამ ქალმა იარა ბევრი, მაგრამ ვერაფერი ვერ გაიგო. ქალი დაორსულებული გამოდგა. გაუჩნდა ვაჟიშვილი და მაინც დადიოდა. ერთხელ გავიდა ერთ მინდორზე, სადაც იდგა მშვენიერი სახლი. ქალმა თქვა, რაც მომივა-მომივა და ახლა მაინც ვინმეს მივეყვდებიო. შევიდა ეზოში და წინ გამოეგება ერთი დედაბერი. დედაბერმა ქალს გამოჰკითხა ყველაფერი და ქალჰაც უპაზო რისთვისაც დადიოდა. დედაკაცმა უთხრა: — მოდი, შვილო, მე და ჩემს ქმარს შვილი არა

გვყავს და შენ იყავი ჩვენი შვილიო. ქალი დათანხმდა და მივიდა. მოხუცებულები საჩუშაოდ დადოვნენ და ეს ქალი კი სადილს უპზადებდა. ბავშვი დღითი დღე იზრდებოდა. დედა რომ გორებზე გადმოდიოდა, თვალ-მარგალიტი ეყარა. ორი ცალი წამოიღო და შვილს მისცა.

ერთ მშვენიერ დღეს ბავშვი გამოვიდა მინდორზე და მარგალიტებს ათამაშებდა: ერთს ააგდებდა მაღლა და მეორეს ხელში იჭერდა. ერთი ხელმწიფის ვაჟი წამოსულიყო სანადიროდ. დაინახა მინდორზე რაღაც თამაშობს და თქვა, ეს რა ნადირიაო; დაუჩივნა თოფი და უნდა ესროლოს, მაგრამ ვერ არჩევს. ხელმწიფის ვაჟი მივიდა ახლოს, მიეპარა, მაგრამ თოფი არ გაუვარდა. ხელმწიფის ვაჟმა გვიან გააჩნია, რომ აღამიანი იყო. დაიჭირა და წაიყვანა.

დედამ შვილი მოიკითხა, ველარ იპოვა და ტირილი დაიწყო. მოვიდნენ მოხუცები, მათ უარესად ასტეხეს ტირალი, ძებნა და ძახილი. დედა კიდევ უფრო დაღონდა და დაავადპოფდა კიდევ. შვილი ეხვეწებოდა ხელმწიფეს: — გამიშვი, დედა ისედაც მწუხარეა და ჩემზე კიდევ ნულარ ადარდებო. ხელმწიფის შვილმა უთხრა: თუ მოპიტან ამ თვალ-მარგალიტს ორი ჯორის საპალნეს, გაგათავისუფლებო. ბიჭმა უთხრა: გამიშვი და მოვიტანო. ბიჭი მივიდა სახლში, დედას ძალიან გაუხარდა, ავადპოფობაც დაავიწყდა და ადგა. შვილმა დედას უამბო, რაც გადახდა და რა პირობითაც იყო გამომშებულა. დედამ უთხრა: წადი, გამოართვი ორი ჯორი და სამი აქლემიო. შვილი მართლაც წავიდა და გამოართვა. შესხდნენ დედა-შვილი და წავიდნენ თვალ-მარგალიტის გორასთან. დატვირთეს ორი ჯორი, სამი აქლემი და წამოვიდნენ. ორი ჯორის საპალნე მიუტანა ხელმწიფეს შვილს, სამი აქლემის საპალნე კი თვითონ დაიტოვეს. ბიჭმა ჰკითხა ხელმწიფის შვილს: — ახლა თავისუფალი ხომ ვარო.

ხელმწიფის შვილმა უპასუხა: გაგანთავისუფლებ თუ ამ ჩემს ეზოს გააშენებ ისეთ ბაღად, რომ რიგი ჰყვოდეს და რიგი მწიფდებოდესო. ბიჭი დაღონებული მოვიდა დედასთან. უამბო ხელმწიფის შვილის ახალი ახირების ამბავი. ახლა მე უნდა წავიდე ასეთი ხენრლის საშოვნელადაო, უთხრა დედას და წავიდა.

ეს ბიჭი ისეთი ღონიერი იყო, რომ შეეძლო ხელმწიფის მთელი ჯარი შეეკრა, მხოლოდ გამოცდა არ ჰქონია. ბევრი იარა თუ ცოტა, ამ ბიჭს შეხვდა ერთი ბებერი დედაკაცი. ამ დედაკაცმა ჰკითხა: — შვილო, სად მიდიხარო? ბიჭმა უთხრა: — ჯანდაბასაო. ბებერი კვლავ შეეკითხა: — რამ გაიძულა, შვილო, ასე რომ ლაპარაკობო? ბიჭმა უამბო თავისი თავგადასავალი. ბებერმა უთხრა: — შვილო,

აი, აგერ გღია ერთი სამასფუთიანი ქვა. იმის ქვეშ არის ალვირი და აიღებ თუ არა ხელში ალვირს, მოვარდება ერთი რაში, სტაცე ხელი და გაუკეთე ალვირიო. შეჯდები თუ არა, რაში მაშინვე გაქანდება ცაზე მისახეთქად, მაგრამ შენ ქვევიდან უნდა მოექცე, იქიდან რაში გამოსწევს დედამიწაზე დასათხლემად, მაგრამ შენ ზევიდან მოექცევი. ამის შემდეგ რაში დაგპორჩილდება და საითაც გინდა, იქით წაიყვანო. აგერ ამ კლდეს ხომ ხედავ, იმის თავზე ერთი ვაშლის ხე დგას, მოსწყვეტ ერთ კუნწულას, მიიტან ეზოში და როგორი ბალიც დაუვალებია ხელმწიფის შვილს, ისეთი ბალი გაშენდებაო. მხოლოდ ის კუნწულა ისე სწრაფად უნდა მოტეხო, რომ არავინ დაგინახოსო.

ბიჭი მივიდა ქვასთან, გაჰკრა ნეკი, გადააბრუნა და აიღო ალვირი. ამ დროს მოვიდა რაში. ბიჭმა გაუკეთა ალვირი და შეჯდა ზედ. რაში გაქანდა ცისკენ მისათხლემად. ბიჭი დაბლიდან მოექცა, შემდეგ რაში გამოექანა მიწისაკენ, მაგრამ ახლა ბიჭი ზევიდან მოექცა და რაშიც დამორჩილდა. ბიჭმა გააქროლა კლდისაკენ, მივარდა ვაშლს და კუნწულა მოსწყვეტა. დაეშვა ძირს და კიდეც მიიძახეს ზევიდან: ვაი დედის შენის ლპეროს, რომ გაგვასწარიო. ბიჭმა ალვირი ქვას ქვეშ ამოსდო, კუნწულა სასახლეში მიიტანა და ბალიც გაშენდა.

ბიჭმა ხელმწიფის შვილს უთხრა: ახლა ხომ თავისუფალი ვართ. ხელმწიფის შვილმა არ გაათავისუფლა და დაავალა გავცოცხლებინა მისი დედ-მამა. შვილს მივიდა დედასთან, უამბო ყველაფერი, გამოემშვიდობა და წავიდა.

შეხვდა ისევ ის ბებერი. ბიჭმა უთხრა: ახლა კი ვეღარ გადავრჩები, ისეთი რამ მომთხოვაო. ბებერმა უთხრა: აიღე ისევ ის ალვირი, მოვა რაში და წახვალ ამ კლდისაკენო. კლდე წამზე იღება და იკეტებაო. უნდა მოასწრო და შიგ შეხვიდეო. მართლაც, მიუახლოვდა ეს ბიჭი, შემოჰკრა რაშს და შევარდა შიგ. ბიჭმა აიღო ერთი მწვანე ცხვირსახოცი, ჩაიღო ჭიბეში, რაში გაუშვა მინდორზე და ცოტა შეისვენა. ბიჭი შეჯდა რაშზე და უკან ბრუნდებოდა. თქვა. მოდი, რა იქნება, ახლა რაშს ორს დავარტყამო. მართლაც, გადაჰკრა რაშს ორი, გადმოხტა, მაგრამ რაშს კუდი კლდის კარებში მოჰყვა და წვერი მოსწყვიტა. გაბრაზებული რაში წივილით დაეშვა დაბლა. ბებერმა უთხრა ბიჭს, — ორი კი არა სამი უნდა გადავარტყაო. დაბრუნდა ეს ბიჭი. მივიდა ხელმწიფის ვაჟთან. ხელმწიფის ვაჟმა უჩვენა დედ-მამის სასაფლაო, ბიჭმა მიუსვ-მოუსვა ეს ცხვირსახოცი და გააცოცხლა.

ხელმწიფის ვაჟმა ახლა გაახთავისუფლა ბიჭი. იგი დაბრუნდა

დელასთან. დედამ შვილს უთხრა: — შვილო, შენ აქ რომ ბებია და პაპა გყვანან, ამათ გარდა ორი პაპა და ბებია მავან სოფელში გყვანანო. ბიჭმა უთხრა: — მამ, წავიდეთ, ესენიც წავიყვანოთ და ბარგიც წავიღოთო. შეკაზმეს აქლემები, ცხენები და წავიდნენ.

ღედა და შვილი მივიდნენ ბებრებთან. ბიჭის დედამ უცბად ფანჯარაში გადაიხედა და შორს კუნძულზე კუბო დაინახა და ტირილა დაიწყო. შვილი შეეკითხა: — რაზე სტირიო, მაგრამ დედამ არ უპასუხა. მაშინ ბებერმა უთხრა: — კუნძულზე კუბოში კაცს ჰხედავს, რომელსაც ეშმაკები აწვალევენ და მაზე სტირისო. ბიჭმა თქვა: ახლავე წავალ და იმ კაცს აქ მოვიყვანო. ბებერმა დაარიგა, თუ რა სჭირდებოდა იმ კაცის გამოსაყვანად. ბიჭმა წაიღო ორი დიდი პალო და ერთი დიდი ხე კიბის მაგივრად მისაყუდებლად.

ბიჭი რაშით გადაფრინდა, მივიდა ზღვის პირზე მენავესთან. სთხოვა მენავეს, მაგრამ მან არ შეიყვანა ზღვაში. მაშინ ბიჭმა მენავე გვერდზე მიაგდო, ჩაჭდა ნაეში და ორი მოსმით კუნძულს მიადგა. დაურჭო პალოები მაგრად და ნავი დააბა. ამ დროს ჩადიოდა მზე, კუბოსთან მივიდნენ ეშმაკები და კაცს წვალემა დაუწყეს. ბიჭიც ავიდა, ეშმაკები სულ დახოცა, კაცი თან წამოიყვანა და მოიყვანა ბებრის სახლში. ბიჭის ღედა და ეს კაცი ერთმანეთს მოეხვივნენ. ბიჭა გაბრაზდა, ეს კაცი მე გადავარჩინე და დედაჩემს რას უბედავსო. ბიჭს უნდა გაერთყა კაცისათვის, მაგრამ ამ დროს ბებერმა უთხრა: — შვილო, ეს კაცი შენი მამაა და დედაშენი ამდენი ხანია მაგისათვის წვალობსო. ბიჭს გაუხარდა და მამაშვილიც ერთიმეორეს გადაეხვივნენ.

ღედა, მამა და შვილი მხიარულად ეხვეოდნენ ერთმანეთს. წამოვიდნენ სახლში და ქორწილიც ხელახლა გადაიხადეს. ყველა დარჩა გახარებული.

მთას ურემი ავიტანე. წამოვიდა გორებითა.

აქ სიციოცხლით დამძიხით, საიქიოს — ცხოვნებითა.

შაშვი არის მგალობელი, ღმერთი თქვენი მწყალობელი.

ასფურცელა

იყო და არა იყო რა, ღეთის უკეთესი რა იქნებოდა. იყო ერთი ცოლ-ქმარი. ჰყავდათ სამი შვილი: ორი ვაჟი და ერთი ქალი. მამა ადრე გარდაიცვალა. დედამ უთხრა შვილებს: — შვილებო, თქვენს

დედულ-მამულს რატომ არ მოუვლითო. შვილებმა არ იცოდნენ, თუ დედულ-მამული ჰქონდათ. დედას უთხრეს: — ჩვენ რომ წავიდეთ, საკმელი ვინ უნდა წამოგვიღოსო. დედამ უთხრა: — თქვენ დას გამოვატანო. მართლაც, გაუმზადა ერთი კვირის საგზალი და თან ხახვი გაატანა. გზადაგზა რომ იართო, ეს ხახვის ნაფცქვენები ყარეთ გზაშიო. თქვენი და გამოყვება ნაფცქვენებს და მოგაგნებთო. გზაზე ერთი სოფელი იყო გასავლელი. იქ ცხოვრობდა ასთავიანი ღვევი, რომელსაც ჰყავდა ბებერი დედა. გამოვიდა, მოკრიფა ხახვის ნაფცქვენები და თავის გზაზე დაყარა. ერთი კვირის შემდეგ დედა თავის ქალიშვილს გაატანა ბიჭების საკმელი. მისდევს იგი ხახვის ნაფცქვენებს, მიადგა ასთავიანის სახლს. დახვდა ასთავიანის დედა სახლში. მოხუცს ძალიან მოეწონა ქალი და უთხრა: — ზოდი, შვილო, ახლოს, თორემ ჩემმა შვილმა რომ დაგინახოს, შეგკამსო. ქალი მივიდა მოხუცთან. საღამო ხანს, დედაბერმა, როცა მოსვლის დრო ჰქონდა ასთავიან დევს, ქალი დამალა. მოვიდა ღვევი და დედას ჰკითხა: — დედი, ადამიანის სუნი მომდისო. — არა, შვილო, აქ ადამიანს რა უნდაო. ბოლოს გამოტყდა დედა: თუ არ შესკამ, გამოგიჩენო. გამოუჩინა ქალი. ასთავიან დევს ძალიან მოეწონა, შეირთო ცოლად.

რაკი დანიშნულ დროზე ამ ძმებს ხარჯი არ ჩაუტანა, ბიჭები სახლში წამოვიდნენ. დედას უთხრეს: რატომ ხარჯი არ გამოგიგზავნეო. დედამ იცოდა, იმ სოფელში რომ ასთავიანი ღვევი იყო და დაიწყო ტირილი: — ჩემს შვილს ასთავიანი ღვევი შექამდაო. ძმებმაც გაიგეს ეს აშბავი და გაემგზავრნენ დის დასახსნელად. როდესაც მივიდნენ, გამოიხედა ბებერმა. დაიწყო ჩხუბი: — ჩემი შვილის შიშით მალა ფრინველს ვერ გაუვლია, დაბლა ჰინკველასაო. ვაჟებმა უთხრეს, რომ ის ქალი მათი და იყო. მოხუცმა მიიპატიჟა სახლში. ასთავიანი ღვევი სანადიროდ იყო წასული. როდესაც დევს მოსვლის დრო ჰქონდა, დედაბერმა ვაჟები დამალა. მოვიდა ღვევი, მოიტანა ნანადირევი და გაიგო, რომ აქ ვიღაც იყო. დედამ უთხრა: — თუ არ შესკამ, გამოგიჩენო. მართლაც, გამოუჩინა დედამ და შეუდგნენ ვახშმის მზადებას. სანამდის ორნი ერთ ირეჰს გაატყავებდნენ, მანამ ასთავიამა დევმა მოხარშა კიდევ. მიიპატიჟა ცოლისძმები და ჰკითხა: — ხორციის კაცნი ხართ, თუ ძვლისანიო. ცოლისძმებს შეეშინდათ და უთხრეს: — ძვლის კაცები, ხორცი რა ჩვენი საქმეაო. მართლაც, ასთავიანი ღვევი ხორცს ჰკამს, ძვლებს კი იმათ აძლევს. მოიტანა ღვინო და უთხრა: დოქის კაცები ხართ, თუ ყანწებისაო. დოქი რა ჩვენი საქმეა, ყანწი მოგვიტანეო. ვახშამი რომ დაამთავრეს, დევმა უთხრა: ლოგინის კაცები ხართ, თუ გომისაო. ლოგინი რა ჩვენი საქმეა, გომში დავიძინებთო.

დილით ადგა ასთავიანი დევი და უთხრა დედას: საგზალი გამიმზადე, სანადიროდ მივალო. დედამ უთხრა: შეილო, დაბლა ორი კუტი არის, ისინი ჩაილაგეო. ასთავიანი დევი ჩავიდა გომში, ერთი შექამა, ერთი ილღიაში ამოიჩარა და გაემგზავრა სანადიროდ.

გავიდა დრო. ვაჟებიც დაკარგა დედამ და ქალიც. ტირის. ერთ მშვენიერ ღღეს ჩამოიარა ერთმა კაცმა და ეკითხება დედაკაცს, რა გატარებსო. დედაკაცმა უამბო თავის თავგადასავალი. კაცმა ამოიღო ერთი ვაშლი, მისცა დედაკაცს და უთხრა:—ეს ვაშლი ას ნაწილად გაჭერიო. ღღეში თითო შექამეო. დედაკაცმა დაჭრა ვაშლი ას ნაწილად. დაუწყო სათითაოდ ჭამა. გაათავა თუ არა ვაშლი, გაუჩნდა ერთი ვაჟი, დაუძახეს ასფურცელა. ვინც წლით იზრდებოდა, ის დლით იზრდებოდა. ერთ მშვენიერ ღღეს უბნის ბიჭები კორაობას თამაშობდნენ. ასფურცელაც ამ ბიჭებში იყო. ერთ სოფლის დედაკაცს კოკით წყალი მოჰქონდა. ასფურცელამ კორა გაართყა ჯოხს, გაბზრიალდა ეს ჯოხი, კოკას მოხვდა და გატეხა. დედაკაცი გაბრაზდა: — დაგწყევლო, როგორ დაგწყევლო, დედისერთა ხარ, ვერ გიმეტებო. თუ შნო გაქვს, შენი ძმები და შენი და ასთავიანი დევისაგან გამოიხსენიო!

ასფურცელამ ეს რომ გაიგო, იმ წამს სახლში გაიქცა. დედას უთხრა: — ძუძუ მინდაო. დედამ დაუწყო ჩხუბი: — რალა დროს შენი ძუძუო. მაგრამ ასფურცელამ ძალიან და ძალიან შეაწუხა. მისცა ძუძუ. ასფურცელამ მოუქირა კბილები და დედას შეეკითხა: — მითხარი და-ძმები მყავს თუ არაო? დედამ უთხრა: ასთავიან დევთან არიანო. ასფურცელა ადგა და გაემგზავრა ასთავიანი დევის სახლისაკენ. გზაზე ერთი ხევი ჰქონდა გასავლელი. ხეეს რომ მიუახლოვდა, გამოჩნდა ის სახლი, სადაც ასთავიანი დევი იყო. ბებერმა შენიშნა ეს ახალგაზრდა და თქვა: — ვაი დედიშენის ღმერთსაო! მიუახლოვდა ასფურცელა იმ სახლს. შევიდა ეზოში და სიბრაზით დაიწყო სიარული. ბებერმა ჩხუბი დაუწყო ახალგაზრდას: — წადი აქედან, თორემ ჩემი შვილი მოვა და შეგჭამსო. ასფურცელამ უთხრა: მე გიჩვენებთ შენცა და შენ შვილსაცაო! სალამო ხანს მოვიდა ასთავიანი დევი და მოიტანა ნანადირევი, დაინახა ვილაც უცნობი. თვალებიდან ცეცხლი გადმოსცივდა სიბრაზისაგან. მივიდა ახალგაზრდასთან. ახალგაზრდამ უთხრა ასთავიან დევს: — შენი ცოლისძმა ვარ და არ მიმიღებ ამლამო? ასთავიანი დევი დაყაბულდა და მიიპატიჟა სახლში. დაიწყეს ნანადირევის გატყავება. სანამდის ასთავიანი დევი ერთს გაატყავებდა, მანამ ასფურცელამ ორი გაატყავა, დაკუწა და მოხარშა კიდევც.

დასხდნენ ვახშამზე. ასთავიანი დევი ეუბნება ასფურცელას: ძელის კაცი ხარ, თუ ხორცისაო? — ძელი რა ჩემი ხელობაა. ხორცი მომიტანეო ხორცს ასფურცელა ჭამდა, ძელებს კი ასთავიან დევს აძლევდა. ღვინოზეც ისევე ქნა: — ღოჭის კაცი ხარ, თუ ყანწისაო? — ყანწი რა ჩემი ხელობაა, ღოჭი მოიტანეო დაამთავრეს ვახშამი და უთხრა ასფურცელას: — მოდი ერთი დავიჭიდოთ, რომელმაც წააქციოს, ის იყოს ნაჯობნიო. ასთავიანმა წაავლო ხელი და ნძრევაც ვერ უყო. მერე წაავლო ხელი ასფურცელამ და წააქცია. ამ დევს ძალიან შეეშინდა, უთხრა: — გომის კაცი ხარ, თუ ლოგინისაო? — გომი რა ჩემი საქმეა, ლოგინისაო. როდესაც ჩავიდა ასთავიანი დევი გომში, დაიწყო ხმლის ლესვა. ასფურცელამ გაიგო ეს ამბავი, იდგა ჩუმადა, გამოალო კარები, შეიტანა ერთი დიდი კუნძი, დადო ლოგინზე, დააფარა ზევიდან საბანი და თვითონ კი კუთხეში მივიდა. როდესაც იფიქრა ასთავიანმა დევმა, ახლა კი სძინავსო, ამოვიდა მალა, შეალო კარი ჩუმადა და დაუშინა ლოგინს ხმალი. ეს ლოგინი სულ ქუტმა-ქუტმა აქცია, მერე წავიდა და დაიძინა.

ასფურცელა მივიდა, გადმოებრტყა ლოგინი, ჩაწვა ისევე. ასთავიან დევს ეგონა, მოკვალიო. დილით გამოეღვიძა თუ არა, ავიდა მალა, ნახა ასფურცელა ისევე ლოგინში წევს, და შეეკითხა: — წუხელი რწყილებს ხომ არ უკბენია შენთვისაო? — არაფერი შემიტყვიო. ასთავიან დევს უფრო შეეშინდა და უთხრა: — მოდი ერთხელაც დავიჭიდნეთ და თუ კიდე მაჯობე, შენი მონა ვიქსებიო. ასფურცელამ წაავლო ხელი, გადმოაგდო მალლიდან, ყელამდის ჩაჭდა მიწაში ასთავიანი დევი. ამოილო ხმალი ასფურცელამ და უთხრა: — თქვი, რა უყავი ჩემი ძმები და ჩემი და, თორემ თავებს დაგაყრევიებო. ასთავიანმა დევმა უპასუხა: — შენი და სახლში არის, შენი ძმები კი მუცელში ერთი კოლოფი მაქვს და იმაში სხედანო. ასფურცელამ დააჭრა თავები, გაჭრა შუახე, ამოილო კოლოფი, რომელშიც ისხდნენ ძმები. მონახა თავისი დაც და გაემგზავრნენ შინისაკენ.

ერთ მშვენიერ ალაგას ერთი მუხა იდგა. მუხასთან რომ მივიდნენ, ასფურცელა შეეხვეწა თავის ძმებსა და დას: — აქ დავისვენოთ. ძალიან დაღლილი ვარო. არ გაუტებხეს ხათრი და დაისვენე' ასფურცელა ცოტა ხნით მიწვა დაეძინა. უმადურმა ძმებმა ჯაგრიხეს წნელები. ააყენეს მძინარე ასფურცელა, მიაკრეს მუხაზე ისე, რომ თითო ფრჩხილებიდან სისხლი გასდიოდა. გამოეღვიძა ასფურცელას. ხაია დაბმული იყო მუხაზე. შეეხვეწა ღმერთს: თუ მე ვტყუი ჩემს ძმებთან. აქვე მომკალი, თუ არადა ეს მუხა მომაგლეჭინეო. მართ-

ლაც, მოგლიჯა მუხა და შინისაკენ გაეშურა. სახლში რომ მივიდა, დაუძახა თავის ძმებს: — გამოიხედეთ, ეს მუხა მაინც მომხსენითო. ძმებს ძალიან შეეშინდათ: ახლა კი დაგვხოცავს ჩვენი ძმაო. მაგრამ რას იზამდნენ: მოხსნეს მუხა. შევიდა სახლში ასფურცელა და დედას ეუბნება: — დედავ, შენი შვილები მოგგვარე, მხოლოდ მე ძალიან დამტანჯესო. ამათ ყურებას ვერ შევძლებ, სხვაგან უნდა წავიდეთ! მართლაც, ადგა და წავიდა.

ბევრი იარა, თუ ცოტა იარა, გავიდა ერთ მინდორში. ერთი რცხილა იდგა, შეჩერდა ხესთან, გაისროლა მშვილდ-ისარი. წავიდა ისარი, გადაიარა ცხრა მთა და დაერქო ერთი სახლის წინ. იქ ცხოვრობდა ცხრა ღვევი. დილით ნახეს ისარი. ცხრანივე დაექიდნენ და ვერ ამოაძრეს. შეეშინდათ ღვევებს და გადაიხვეწნენ იმ ადგილიდან. მივიდა ასფურცელა, დაათვალიერა სახლი. ერთ ოთახს კლიტე ედო, გატეხა კლიტე, შევიდა შიგნით და ნახა ცხრა მზეთუნახავი ქალი. გაუღო კარები: — წადით, თქვენ თქვენი გზა ნახეთ, ახლა თავისუფლები ხართო! ქალები არ წავიდნენ. შემოეხვივნენ ასფურცელას და ეუბნებიან: არა, ჩემი ქმარი უნდა იყო და არა ჩემიო. ასფურცელას ყველაზე ნაბოლარა მოეწონა და შეირთო.

ასფურცელას ნადირობა მოუნდა და გაემგზავრა სანადიროდ. როდესაც ინადირა, დაეძინა. ამ დროს ცხრა ღვევა ნახა, მოსაკლავად ვერ გაიმეტეს და თვალები დასთხარეს. გაუშვეს ისე ტყეში. დადის ასფურცელა. იარა, ცოტა იარა თუ ბევრი, გავიდა ერთ მინდორზე. ყვირილი შემოესმა. რომ მიუახლოვდა ასფურცელა, გაიგო — კამეჩი ჩავარდნოდან ღელეში მეხრეებს და ვერ ამოჰყავდათ. მივიდა ასფურცელა მეხრეებთან. უთხრა: ისე მიმიყვანეთ ნაპირას, რომ შიგ არ ჩავვარდე და მე ამოვიყვან კამეჩსაო. მეხრეებმა უთხრეს: — შვიდ-ულელა საქონლით ვერ ამოვიყვანეთ, შენ როგორ ამოიყვანო. მართლაც დააყენეს ნაპირას. ჩასწვდა ასფურცელა კამეჩს, დაავლო ხელი და მალა შემოისროლა. ეს კამეჩი სულ ქუცმა-ქუცმა დაიბნა.

მეხრეებში იყო ერთი კაცი, რომლის ქალიშვილებიც ტყეობაში ჰყავდა იმ ცხრა ღვეს.. ასფურცელამ თავისი ამბავი აუხსნა მეხრეებს. მაშინ ენიშნა ეს სიტყვები. ამ კაცმა უთხრა ასფურცელას: ჩემთან წამოდი, თვალებს მე აგიხელო. წაიყვანა, წამალი გაუკეთა, წაუხსვა თვალებზე და მოურჩინა. ასფურცელა გამოემშვიდობა ხალხს და გასწია თავის სახლისაკენ: მივიდა, ნახა ცოლი და დაიწყეს ბედნიერი ცხოვრება.

პირი იქა. ლხინი აქა;
ქატო იქა. ფქვილი აქა.

მონადირე და მისი ასული

იყო და არა იყო რა, იყო ერთი კაცი. იგი ძალიან კარგად ნადირობდა. ერთ დღეს ხელმწიფემ დაიბარა და უთხრა: ჩემი სახლიდან ქაჯები ქალებს იტაცებენ და შენ უნდა დაუდგე მცველად.

ამ კაცმა თავის ცოლს დაუბარა: თუ ბიჭი გაგიჩნდეს, შემატყობინეო. მართლაც, მივიდა კაცი ხელმწიფესთან და დარაჯობს სასახლეს. რამდენიმე თვის შემდეგ ამ კაცის ცოლს გაუჩნდა ბიჭი. ისეთი ყმაწვილი გაუჩნდა, რომ, ვინც წლით იზრდებოდა, ის დღით იზრდებოდა. ცოლმა შეატყობინა ქმარს, ვაჟი გაჩნდაო. ამ კაცს ძალიან გაუხარდა ვაჟის შექმნა. როცა ბიჭი გახდა თვრამეტი წლისა, თავის დედას აუწყა: სანადიროდ უნდა წავიდეო. დედამ უთხრა: წადი, შვილო, მხოლოდ ბიძას გამოგაყოლებო. ბიჭმა მოიკითხა: — იარაღი გვაქვს თუ არაო. — იარაღი გვაქვს, შვილო, მაგრამ ვერ დასძრავო. — შენ მიჩვენე და თუ ვერ დავძრავ, აღარ წავალო. უჩვენა დედამ მამის იარაღი. ბიჭმა წაავლო ხელი მშვილდ-ისარს და ხელში აათამაშა. აიღო და გადაიკადა. სანამ მშვილდ-ისარს გადაიკიდებდა, ბიჭმა უთხრა, ხმალი მომანდო. მივიდა ბიძა, წაავლო ხმალს ხელი და ძვრაც ვერ უყო. მაშინ მივიდა ბიჭი, ცალი ხელით აიღო ხმალი და ჩამოიკიდა. ბიძას ძალიან ბრაზი მოუვიდა: ამისი მამაც მჯობნიდა და ესეც მჯობნისო. წავიდნენ სანადიროდ.

ბიძამ ბიჭი ისეთ ალაგას დააყენა, სადაც გარეული ღორები იყვნენ. თვითონ კი ერთ ორპოში ჩაჯდა. ბიჭმა შეამჩნია, მლატობსო. გარეული ღორები დაეხვივნენ ამ ბიჭს და სუყველა დახოცა. მხოლოდ ერთიდა გადაურჩა მოუკლავი. ღორმა ამ ბიჭს რომ ვერაფერი დააკლო, გაექანა ბიძისაკენ, მივარდა, ეს არის, უნდა დაფლითოს, ბიჭმა ესროლა მშვილდ-ისარი და ღორი მოკლა. ბიძას უფრო ეწყინა: კინალამ ღორმა დამფლითა და ვერაფერი დავაკელიო, ამან კი ღორი შორიდან მოკლაო. ადგა ბიძა და უთხრა ძმისწულს: — ამ გზას დაადექი და შინ მიგიყვანსო. ბიძა თავის შინ წავიდა. ბიჭი დაადგა ნაჩვენებ გზას და გავიდა ერთ დიდ მინდორზე. ამ დროს ვიდაცები მოდიოდნენ ეტლით. სტაცეს ბიჭს ხელი და გარტაცეს ქაჯეთისაკენ. ბიჭი ჩაიყვანეს ქაჯეთის ხელმწიფესთან. ხელმწიფეს ძალიან მოეწონა და თავის ეტლზე დასვა. მუდამ სალამოს ეს ბიჭი ასეირნებდა ხელმწიფესა და მის ცოლს.

ბიძამ დედას ასეთი ამბავი მიუტანა: თქვენი შვილი გარეულმა ღორებმა დაფხრიწესო. ამ დროს ბიჭის მამაც მოვიდა და რომ გაო

გო. აღარ არის ცოცხალიო, დაიწყო ტირილი. რამდენიმე წელმა განვლო, გამოიგლოვეს ბიჭი. ერთ დღეს თავის ქალიშვილებს უთხრა მამამ: — ჩემს მაგივრობას ვინ გასწევთ მეფის კარზეო? — მე გავწევ შენს მაგივრობასო, — უთხრა უფროსმა ქალმა. შეიარაღდა ქალი და წავიდა მეფის სასახლისაკენ. ადგა, მამამ ჩაიცივა სხვა ტანსაცმელი, მოკლე გზით წავიდა, წინ შეეჩხება თავის შვილს და დასქუივლა: — თუ ვაჟაკი ხარ, გამიმაგრდიო! ამ ქალმა მოატრიალა ცხენი და გამოაქენა შინისაკენ. მამამ მოკლე გზით წაიყვანა თავისი ცხენი და ქალზე ადრე მივიდა სახლში. — რად მობრუნდიო. — უთხრა კაცმა თავის შვილს. გზაში ცხრა ძმა დევი დამიხვდნენ და მოვბრუნდიო. საშუალო ქალმაც ასე გააყეთა. ბოლოს უმცროსმა ქალმა უთხრა: — მე გავწევ შენს მაგივრობასო. ადგა და წავიდა უმცროსი გოგო. მამამ ისევ ისე გააყეთა, დაუხვდა წინ და თუ ვაჟაკი ხარ გამიმაგრდიო! ქალმა დასქუივლა: — ვაჟაკიცა ვარ და გაგიმაგრდები კიდევო! ჩამოჰყრა ქალმა კაცს ხმალი და ცხენიდან გადმოაგდო. გადმოხტა ცხენიდან, მიეჭრა და უნდა დაარტუას ხმალი, ამ დროს კაცმა უთხრა: — შენი მამა ვარ. შეილო, არ მოჰკლავო. გაანება თავი ქალმა. — შენ კი შეგიძლია ჩემი მაგივრობაო, — უთხრა მამამ.

ადგა. წავიდა ქალი. მივიდა სასახლეში, დადგა ხელმწიფის მკველად. იგი მოეწონა ხელმწიფის ასულს, რადგანაც ბიჭურად იყო ჩაცმული და ბიჭი ეგონა. მოიავადმყოფა თავი და უთხრა მამას: — ქაჩეთში რომ ფარანია, ის ფარანი მომარჩენს, ისიც ემაგ ბიჭის მოტანილიო. ხელმწიფემ უთხრა მკველს: ქაჩეთიდან ფარანი უნდა მოუტანო ჩემს ქალსო. რა უნდა ექნა, ადგა და წავიდა ქაჩეთში.

ბევრი იარა, თუ ცოტა იარა, გავიდა ერთ ტრიალ მინდორზე, დანახა ორი ახალგაზრდა ბიჭი და მივიდა მათთან. ბიჭებმა უთხრეს: ჩვენ და გვეყავს ძალიან კარგი, სასიძოს ვერა ვშოულობო და შენ უნდა იყო მისი ქმარიო. ქალმა უთხრა: მე არა მცალია, სხვაგან მივდივარ, ამოვივლი და მაშინაო. ბიჭებმა უთხრეს: ახლა ნიშნობა გავმართოთ, რომ ამოვივლი მაშინ ქორწილიო. კარგიო. — უთხრა ქალმა. მივიდნენ სახლში და გამართეს ნიშნობა. ქალი გულთმისანი იყო, გაიგო, რომ ქალი იყო. უთხრა: — ვიცი, ქალი ხარ, რომ ამოვივლი, შენი ძმა გამირიგეო. მართლაც, წავიდა ქალი. ისე მოდის. ცხენი სულ გააფრინა. მივიდა ქაჩეთში. ნახა გარედან ის სახლი, რომელშიც ფარანია. ამ სახლს აღმასის კარები ჰქონდა გაკეთებული. ისე ჩქარა იყეტებოდა, რაც კი შევიდოდა, სუუველას შუაზე სჭრიდა. ამ ქალს ცხენი ჰყავდა გულთმისანი და მან

უთხრა: მოშორებით წამიყვანე. გადმომკარ მათრახი და სწრაფად შევეარდები შიგო, მაგრამ საიმედო პირობას მაინც ვერ მოგცემაო. ქალაბიქამ წაიყვანა ცხენი, დააყარა მარილი და დასცხო მათრახიც ცხენი პირდაპირ გამოიფრინდა, შევეარდა კარებში, მაგრამ კარებმა ცხენს კული ძირში მოსწყვიტა. ქალმა მიიხედ-მოიხედა და რას ხედავს: ყველაფერი გაქვევებულია. დაინახა ერთი ახალგაზრდა ბიჭი, რომელიც მუცელს ქვევით ქვა არის, მუცელს ზევით — ადამიანო. მოვიდა ბიჭთან და გამოჰკითხა: რათა ხარ ასეო. ბიჭმა უთხრა: თავიდან მოგიყვები ჩემს ამბავსო. მე ვიყავი მონადირის შვილი. მყავდა ერთი ბიძა. იმ უხეირომ ჩემი დალუპვა მოიწადინა და დამკარგა. გზაში შემხედნენ ქაჩები და წამომიყვანეს ქაჩეთში. მომიყვანეს აქ ხელმწიფესთან. ხელმწიფეს მოვეწონე და თავის ეტლზე დამსვა, ხელმწიფეს და დედოფალს ვასეირნებდი მუდამ საღამოთი. ხელმწიფეს ცოლი ძალიან ბოროტი ჰყავდა. ყველაფერი გაქვევა: ქმარიც, მთელი ქაჩეთის ხალხი. მე ნახევრად ადამიანი დამტოვა. დღესაც მაქვს მოლოდინი იმ ქალისა, შემოვა, ხელში უჭირავს წვეტიანი სადგისები და იმით მჩხვლეტს. ახლა მალე მოვაო.

ქალი გადაეხვია და დაჰკოცნა: შენ ჩემი ძმა ხარო ბიჭმა დაარიგა: კარებს ამოეფარე, შემოვა თუ არა, სტაცე ხელი თმაში, აიყვანე მალლა, დააწყვიტე პირქვე. მალლა არ აახედო, თორემ შენც გაგაქვევებსო. მართლაც ქალი ასე მოიქცა.

შუადღე რომ მოვიდა, ქალი ამოეფარა კარებს. შემოვიდა ქაჩის ქალი, სტაცა თმებში ხელი და დააწყვიტა დედამიწაზე. დააქდა მალლიდან და უთხრა: — ჩქარა, ჩემი ძმა როგორიც იყო, ისეთი გახადეო! ქალმა მისი ძმა მართლაც ისეთი გახადა, როგორიც იყო. ჩქარა ეს ქვეყანა როგორიც იყო, ისეთივე გახადეო; ჩემ ცხენს როგორი კულიც ება, ისეთი გამოაბიო. როცა ყველაფერი შეასრულებინა, დაჰკრა ხმალი და ქაჩის ქალი სულ ნაქერ-ნაქერად აქცია.

გამოიხედა ქალმა გარეთ და დაინახა, რომ გზაზე მოდის ხალხი. ქაჩეთის ხელმწიფემ ეს რომ გაიგო, თქვა:—ვინ იყო ის. ვინც ამდენი ხალხი გააცოცხლებინაო? ქალი მივიდა ხელმწიფესთან და უთხრა: მე გავაცოცხლებინე და მე მოვკალ შენი ცოლიო. მაშინ ხელმწიფე შეეხვეწა: შენ იყავი ხელმწიფეო. ქალი უარზე დადგა: მე თქვენი ხელმწიფობა არ მინდა, ორ რამეს გთხოვ და ის ამისრულეო. ხელმწიფემ უთხრა: — აგისრულებო.—ერთო—ჩემი ძმა გამატანე სახლში, მეორე—ფარანი მომეცეო. ხელმწიფემ მისცა ფარანი. გამოემშვიდობნენ ხელმწიფეს და წამოვიდნენ შინ. გზაში იმ ქალთან შეაარეს, რომელმაც უთხრა ძმა გამირიგეო. მოიწვიეს მშობლებიც და

გადაიხადეს ქორწილი. წამოვიდა ქალი და მივიდა ხელმწიფის შვილ-
თან, მიუტანა ფარანი და უთხრა: ქალი ვარ, ბიჭი არა ვარ, როგორ
შეგირთოო. ზერე წამოვიდა შინ და იცხოვრა ტკბილად.

ჭირი იქა. ლხინი აქა;
კატო იქა, ჭკვილი აქა.

ზღაპარი ხელმწიფის შვილისა, რომელსაც სწავლა არ უყვარდა

იყო და არა იყო, იყო ერთი ხელმწიფე და ჰყავდა ერთი ვაჟიშვი-
ლი. ეს ყმაწვილი რვა წლისა რომ გახდა, სასწავლებელში მიაბარეს,
მაგრამ არა სწავლობდა. სადაც მიიყვანეს, გამოიქცა. ერთი სიტყვით,
არა სწავლობდა. ადგა, ხელმწიფემ სხვა სახელმწიფოში გაგზავნა,
თან დაბეჭდილი წერილი გაატანა სხვა ხელმწიფესთან:

— ჩემო ღიღო ძმაო, ხელმწიფე, გიგზავნი შვილს, მანდ მიაბა-
რე სკოლაში, აქ არსად არ დადგა და ლამის არის უსწავლელი დამრჩე-
სო. საკუთარი მასწავლებელი დაუჭირე და, რაც დაიხარჯება, გადა-
ვიხდიო.

ჩასვა ეტლში და გაგზავნა. წაიყვანეს და მივიდნენ ხელმწი-
ფესთან ხელმწიფემ რომ წერილი წაიკითხა, ძალიან გაუხარდა
და დაკოცნა ბიჭი. აბა, დიდი მეჭლისი გადაიხადეს და საკუთარი
მასწავლებელიც დაუჭირეს, მაგრამ აქაც არ სწავლობდა. რამდენიმე
წელიწადი დარჩა აქ. ერთ ღღეს წერილი მოუვიდა ხელმწიფეს:
„ჩემ შვილს უთხარი, დედაშენი ძლიერ ავად არის და შენი ნახვა
სურს—ქო, ვინძლო გამომიგზავნოო“. ხელმწიფემ უთხრა: — წადო,
ცხენებს შეგიბამო. — არ წავალო, — ბიჭმა უთხრა, — თუ უნდოდათ
ჩემი იქ ყოფნა, იქ არ ვიყავიო! ამასობაში დედაც მოკვდა და ახ-
ლა მამა გაუხდა ავად. კიდევ წერილი გაუგზავნეს, მაგრამ კიდევ არ
წავიდა.

ხელმწიფემ იფიქრა, ჩემი შვილი, ვიცი, აქაურობას შესჭამს და
გაუჭირდება, ისეთი რამე უნდა დავუტოვო, რომ იმით იცხოვროსო.
ერთი ქუდი ჰქონდა უჩინმაჩინისა, ვინც იმას დაიხურავდა, აღარ გა-
მოჩნდებოდა; ერთი საფულე ჰქონდა, რომელ ჯიბეშიც ჩაიდებდა,
სულ ოქროთი ვესებოდა; ერთი დაირა ჰქონდა, გარედან რომ ხელს
შემოჰკრავდა, სულ შეიარაღებული ცხენოსანი ჯარი შემოეხვეოდა.
კედელი გამოათხრევინა, ეს სამი ნივთი შიგ შეინახა და ისევე ამა-
ფრო

შენებინა; გარედან ჩანგალი დაატანა და თან ზედ დააწერა: ჩემი შვილი რომ გადარიბდეს, აქ ჩამოეციდოს და ჩამოიხრჩოს თავიო. გადაბრუნდა და მოკვდა. იმ ხელმწიფემ როცა გაიგო, ამ ყმაწვილის მამა მომკვდარაო, უთხრა: — არც ახლა წახვალო? ბიჭმა რომ გაიგო, მამაჩემი მომკვდარა და აღარავინ არის დამშლელიო, საჩქაროდ წავიდა მზა დოვლათზე და სულ იანა-იანას იძახოდა. ერთ წლამდე სულ დაბოლოვდა ყველაფერი. ახლა ოჯახის ავეჯს მიჰყო ხელი.

ეს ავეჯიც გათავდა. ახლა სახლ-კარი გაყიდა და შექაშა. ბოლოს თქვა: ეპ, ბარემ თავი ჩამოვიხრჩოო, აბა, საითლა წავიდეო. მივიდა შეიხედა, ნახა, კედელში ჩანგალი იყო. შეაბა თოკი, გაყო თავი და როგორც კი დაეკიდა, მაშინვე ფიცარი გადმოვარდა. ადგა ბიჭი და ნახა, რომ ფიცარზე ეწერა: „ჩემი შვილი რომ გადარიბდეს, ამეებით იცხოვროსო“. შეიხედა და დაინახა სამი ნივთი. აიღო საფულე, ჭიბეში ჩაიღო და დააკრა ჭიბეზე ხელი: აბა, ამით როგორ უნდა ვიცხოვროო. ნახა, რომ ჭიბე დაუძძიმდა. ჩაიყო ჭიბეში ხელი, ნახა, სულ ოქროს ფულეებითა ჰქონდა სავსე, და თქვა: „გიშველა ღმერთმა, ეს რა კარგი რამე ყოფილაო“. სახლები ჩააბარა, ვიზუც გაყიდული ჰქონდა, და თვითონ სხვა სახელმწიფოში წავიდა. ფული ბევრი ჰქონდა და კარგი ტანისამოსი შეაკერინა.

ერთ სოფელში მივიდა და დაუღამდა. ერთი ბებრის სახლთან წედგა და უთხრა: დედაშვილობას, ამაღამ აქ გამათენებინეო. ბებერმა უთხრა: რა ვქნა, შვილო, სახლი ღეთისაა, სტუმარიც, მაგრამ შენი საკადრისი არც სახლი მაქვს და არც ლოგინიო და არც საშენო ვახშამიო. — შენ ნება დამრთე, დამაყენე და სუყველაფერს მე მოვიტანო. — მობრძანდიო, — უთხრა ბებერმა. მივიდა ეს ბიჭო, წაიყვანა ბებერი, ორი ხელი ლოგინი იყიდა, ერთი ხელი ტანისამოსი უყიდა ბებერს, ვახშამად — კარგი შემწვარი ინდაური, კარგი მწვადები, კარგი თევზეული, კარგი შავი ღვინო, აპკიდა მუშას და წამოიღო. ბებერს უხაროდა: ეს რა ღეთის ნათლული ვინმე მომადგაო. გამართეს კარგი ვახშამი. როცა კარგა შექექიფიანდნენ, ბიჭმა ჰკითხა ბებერს ამ ქალაქის ამბავი: — რა არის უფრო საინტერესო? — ბებერმა უთხრა: საინტერესო ბევრი რამ არის, მაგრამ ერთი რამე უფრო ყველაზე საინტერესოაო. ხელმწიფეს ერთი ქალი ჰყავს, მზეთუნახავი, საკუთარ კოშკში ზის, ჯერ იმას მზე არ უნახავს და არც ვინმესთან ულაპარაკნიაო. მარტო თავისი დედ-მამა იცის. და ერთი გამზრდელი და მე მივდივართ ხოლმე სალაპარაკოდო. მე ნება მაქვს, როცა მინდა, შევალო. სხვას არავის არ უშვებს, არც ნათესავებსო, ის შენთვის ძალზე კარგი იქნებოდაო. ბიჭმა

მოაგროვა ორასი თუმანი, და ბებერს უთხრა: წაუღე დილაზე და უთხარი, ცალი მკლავი გადმოყოს, მე დაბლა გავივლი და მარტო მკლავს დაუენახავო. — ძალიან კარგით. მეორე დილით წავიდა ბებერი. წაიღო ორასი თუმანი ოქროს ფული, მიუტანა ქალს და უთხრა, როგორც ბიჭმა დააბარა. ქალი გაჭაერდა და უთხრა ბებერს: — თავის დღეში აქ აღარ გაიაროო. ბებერმა დაჰფხანა და უთხრა — „ტუხი, ტუხიო“. — რა გაყვირებს, ეს ორასი თუმანი ჩაიღე ჭიბეში. შენ რომ ფანჯარაში ხელი გადაჰყო და იმან დაბლა ქუჩაში გაიაროს, რა გიშავდებაო. — კარგი, კარგიო, დაიყბულა. მისცა ორასი თუმანი და წამოვიდა გახარებული.

წავიდა ბიჭი, დანიშნულ დროზე გადმოყო მკლავი და დაინახა. გამობრუნდა ბიჭი, იმ ღამეს კარგა იქეიფეს და კიდევ უთხრა: — დილაზე კიდევ წადი, ოთხასი თუმანი წაუღე და უთხარი, სარკმელთან მოდგეს და ორივე მკლავი გადმოყოსო, მე დაბლა ვიდგები, ერთს შევხედავ და წავალო.

დილით წავიდა ბებერი, უთხრა. რაც ბიჭმა დააბარა და ფულიც კალთაში ჩაუყარა. გაჭაერდა ქალი: — ადე, ადე. თვალით აღარ დავინახოო. ბებერმა უთხრა: ძალიან გაგვიკრევებია შენი თავი, შენ რომ მკლავები გადაჰყო და იმან ქუჩაში გაიაროს, ნეტავი რა დაგუშავდებაო? ჩადე ფული შენთვის ზანდუქში სახარჯოდ, მამაშენი, როცა გინდა, შენ გუნებაზე არც კი მოგცემსო, მაგას კი რაშიც გინდა, დახარჯავო. დაიყბულა როგორც იყო და წამოვიდა გახარებული. მეორე დღეს ბიჭი წავიდა. დანიშნულ დროზე გადმოყო მკლავები ქალმა და გამობრუნდა. მოვიდა ბებერი სახლში. იმ ღამეს კარგად იქეიფეს და მერე უთხრა ბებერს: — დილაზე კიდევ წადიო. ათასი თუმანი წაუღე და უთხარი, თავის პატარა აივანზე გამოვიდეს ჩაყრულ-დახურული, გაიარ-გამოიაროს, მე დაბლა ვიდგები, ერთს შევხედავ და გამოვბრუნდებიო.

მეორე დილით წავიდა ბებერი, მივიდა, ფული კალთაში ჩაუყარა და უთხრა, რაც ბიჭმა დააბარა. გაჭაერდა ქალი და სულ პირიდან ცეცხლი გადმოსდიოდა, დატუქსა ბებერი. გამოაგდო გარეთ და ცოტა ხნის მერე დაუძახა: — აქ მოდიო. გამოართვა და უთხრა: — მოვიდესო.

წავიდა ბებერი გახარებული, მივიდა და ბიჭს უთხრა: — წადიო. დანიშნულ დროზე წავიდა ბიჭი. ქალი გამოვიდა, დაინახა. გამობრუნდა ბიჭი და წამოვიდა. იმ ღამეს კიდევ იქეიფეს. ბიჭმა უთხრა: — ხვალე აღარ გაგზავნიო. გათენდა დილა. ეს ბებერი და ბიჭი საუზმობდნენ. ნახეს, რომ კარებზე ვიღაცა აკაკუნებს. გამოიხედეს და

იმ ქალის გამზრდელი მოსულიყო. ბებერს უთხრა: — ჩემი ქალბატონი საჩქაროდ გიბარებსო. ადგა ეს ბებერი და გაჰყვა. მივიდა ქალთან და ქალმა უთხრა: — ეგ შენი სტუმარი რა ადამიანი არის, რომ მაგოდენა ფულებს აკოჭავენბსო? ბებერმა უთხრა: — რა ვაცი, შვილო, საიდანღაც მომადგა, ეგ მამაცხონებული, ეგაო. მეც ერთი ხელი ძვირფასი ტანისამოსი მიყიდა, ორი ხელი ლოგინი, სასმელ-საჭმელი, რა გინდა, თვალო და გულოო! ქალმა თქვა: — მამაჩემი ხელმწიფეა და ეგრე იმას არ შეუძლია ფული ფანტოაო. თუ შეიძლება, ის ბიჭი აქ გამომიგზავნე, იმისი ვინაობა უნდა გავიგოო. — ძალიან კარგოო. ქალმა დაწერა პატარა ბარათი და ბებერს გაატანა ბიჭთან. ქალი სწერდა: „მოდი ჩემთან, შინაურულად, გავიცნოთ ერთმანეთიო.“

ბებერმა როგორც კი მიუტანა წერილი და წაიკითხა, ბიჭი მაშინვე წავიდა. დაუტოვა ბებერს რაც ფული ჰქონდა. თვითონ ცარიელი საფულე ჩაიღო ჯიბეში და წამოვიდა ქალისაკენ. მივიდა ის ბიჭი ქალის კიშკართან და კარებზე დაუკაკუნა. გაუღეს კარი და შიგ შეიპატიეს. დაუდგეს სკამი და დაჯდა. ქალმა უთხრა: — შენ რა ადამიანი ხარ, ჯიბეში ხაზინა, სტამბა გიდგა, თუ რა არისო? მამაჩემი ხელმწიფეა და ხანდახან შაური ენატრებაო! ბიჭმა ჩიხმუქუნა და უთხრა: — მე ერთი საფულე მაქვს, ტომარაშიც რომ ჩაევაღო და ხელი დავკრა, სულ ოქროთი აივსებაო. აბა, მაჩვენეო, — უთხრა ქალმა. ამოიღო და მისცა. ჩადო ქალმა ცარიელ ზანდუქში. დაარტყა ხელი და სულ ოქროთი აივსო. მაშინ უთხრა ქალმა: მაშ მე შენზე კარგი ვილა უნდა ვიშოვნოო. დაუძახა ძიძას და უთხრა: ერთი კარგი საუზმე მოგვართვიო.

დაიწყო ქეიფი. ბიჭს ბანგი შეაპარა, მძინარი გარეთ გადმოაგდეს და საფულე კი თვითონ დაინარჩუნეს. გამოიფხიზლა ბიჭმა და ნახა, გარეთ გდია. ადგა, წამოვიდა დაღონებული ბებრისაკენ. ბებერმა იკითხა: — რადა ხარ დაღონებულიო? ბიჭმა ყველაფერი უამბო. ბებერს ძალიან ეწყინა და თქვა: — წავალ და ქვეყანას შევუყრიო. მაგრამ ბიჭმა არ გაუშვა. დაიხურა ქუდი და თან ჯავრობს: — აბა, ამით როგორ უნდა ვაცხოვროო. ქუდი რომ დაიხურა, ბიჭი აღარა ჩანდა და ბებერმა დაიწყო წვილ-კვილი: სად წახვედი, შვილოო. ბიჭმა უთხრა: — რა გაკვილებს, აქ არა ვდგევარო. — შვილო, არა ჩახხარო. მოიხადა ქუდი და ახლა ბებერს დაახურა და აღარც ის გამოჩნდა. რამდენიმეჯერ სცადეს და უჩინარნი გახდნენ. ქუდი უჩინმა ჩიხი გამოდგა დაიხურა ბიჭმა ის ქუდი. წავიდა, დაიარა მთელი ქალაქის ბაზრებში, დუქნებში და ერთ ალაგას ერთი საკაბე მოეწონა ქა-

ლისათვის, აიღო მთელი თოფი და წამოიღო. მოიტანა ბებერთან და უთხრა: — წაუღე ეს საკაბე და უთხარ, ეს საკაბე იმ ბიჭმა გამოგვიგზავნა, რადგან შენთან დალაპარაკების ღირსი გახადე-თქო.

წავიდა ბებერი. მიართვა ეს საკაბე და რაც ბიჭმა უთხრა. უამბო. ქალმა რომ ეს საკაბე ნახა, ძალიან გაუკვირდა და თქვა: ნეტავი სად იშოვა ამნაირი საკაბეო? მამაჩემს საკუთარი ღუქნები აქვს და ამნაირი ძვირფასი ფარჩა არ მინახავსო. მოვიდეს ის ბიჭი ჩემთანაო. — წავიდა ეს ბებერი ბიჭთან და უთხრა: — გიბარებ, მაგრამ ქუდს თან ნუ წაიღებო, კიდევ არ ზაგტყუოსო. ბიჭმა უთხრა: არა, თან უნდა წავიღოო. ჩაიღო ჭიბეში ქუდი და წავიდა. მივიდა, სალაპი მისცა, ჩამოართვა ხელი, დაუდგეს სკამი და დასვეს. ქალმა უთხრა: — ამნაირი საკაბე სად გიშოვნია, მამაჩემს ღუქნები აქვს და ამნაირი არაფერი მინახავსო, არც ჩვენ ღუქნებში და არც სხვისაშიო. ბიჭმა უთხრა: მე ერთი ქუდი მაქვს იმას რომ დავიხურავ, აღარ გამოვიჩნდებიო. დავიხურე ის ქუდი, წავედი მთელი ქალაქის ღუქნები შემოვიარე და ვნახოთ, ეს თოფი დახლქვეშ ედოთ, დავხედე, ანათებდა. მე მომეწონა და შენთვის წამოვიღეო. — აბა ის ქუდი ახლა დაიხურეო. ამოიღო, დაიხურა და აღარ გამოჩნდა. გამოართვა, ჩაღო ზანდუკში და უთხრა: — ახლა კი შენი ვარო. მოართვეს საუზმე. დაიწყეს სმა, შეაპარეს ბანგი. დააძინეს და გარეთ გადმოაგდეს.

გამოეღვიძა ბიქს, ნახა, რომ მოტყუებული იყო. ადგა და წამოვიდა რაცრაკით. მოვიდა დაღონებული ბებერთან და უამბო თავისი თავგადასაყალი. აკი გითხარ, შვილო, ნუ წაიღებ-მეთქი. იმ დამეს დაწვენენ და დაიძინეს. მეორე დღით აიღო ბიჭმა დაირა, ჩააგდო ტოპარაში და წავიდა. ბებერს უთხრა: — ბებე, ეგ ფული ხომ ბლომადა გაქვს, კარგად იცხოვრე, იმედი მაქვს კიდევ გნახავო. დაიწყო ბებერმა ტირილი, გამოემშვიდობა და გაუდგა გზას.

ბებერი იარა, თუ ცოტა იარა, მივიდა ერთი ღრიმე ხევის პირას, ჩამოჯდა ხევის პირზე და იფიქრა: შოდი, ამ დაირას დავუკრავ და ჩქარად დარდებს ვიმღერებო, მერე გადავევარდები და მოვკლავ თავსაო. რაღა სასიცოცხლო მე ვარო. დაიძახა სიმღერა. დაირას ხელი შემოჰკრა თუ არა, მაშინვე სულ ცხენოსანი ჯარი შემოეხვია და მიესალმნენ: — აბა, რას გვიბრძანებ, რა გაგჭირებიაო! ბიჭმა თქვა: — ესეც კარგი რამე ყოფილაო, წავალ ხელმწიფესთან, არც ახლა მომცქეს ქალსაო, არადა მზად იყოს, უნდა ვიომოთო. ბიჭმა შემოჰკრა დაირას ხელი კიდევ და მთელი მინდორი და ქალაქი ჯარით აივსო თავის უფროსებითა. ეს უფროსები მოდიოდნენ მოწინაებით. რას გვიბრძანებო. ბიჭმა უბრძანა: — ამ საათში ხელმწიფის ოჯახი უნდა სულმ-

თლად დაამწყვდიოთო. იმავ წამს აუსრულეს სურვილი. ხელმწიფე მივიდა თავის ქალთან და უთხრა: მოიყვანე შენთან, ეგებ როგორმე მოგვაშოროს ეს ჭარიო, ხათრს შეინახავს შენი სიყვარულითაო.

ქალმა დაიბარა ბიჭი: — თუ შეიძლება მობრძანდიო. ბიჭი მაშინვე წავიდა. მივიდა, მისცა სალაში, ჩამოართვა ხელი, დაუღვა სკამი და დაჯდა. ქალმა უთხრა: — ეს ამდენი ჭარი საიდან შემოიყვანეო, მაშჩეხე ხელმწიფეა და ამდენი კი არა, მაგის ნახევარიც არა ჰყავსო. — შე ერთი დაირა მაქვს, რამდენსაც გარედან ხელს შემოვკრავ, იმდენი ათასობით შეემატება თავის იარაღითაო. — მერე შენ როგორ შეგიძლია ამათი შენახვაო? — შენახვა რათ უნდათ, შიგნიდან რომ შემოვკრავ, მაშინვე ქრებიანო — მაშ ამიერიდან კი შენი ვარო და ვარო. ამოიღო დაირა, შემოკრა უკუღმიდან და ჭარმა სულ უკუქნა — აბა მაჩვენე ეგ დაირაო. ადგა და დაირაც მისცა ბიჭმა ქალსა. ეს დაირაც ჩადო ზანდუკში და მოითხოვა ქეიფი. მაშინვე გაუშალეს სუფრა, დასხდნენ და იქეიფეს. მერე ბანგი შეაპარეს, დაძინეს და ქუჩაში გადმოაგდეს.

გამოეღვიძა, ნახა, რომ კიდეც მოტყუვდა. წავიდა დაღონებულნი ისე, რომ ბებერთანაც აღარ მისულა. იარა, იარა და ერთ ტყეში შევიდა. ნახა, ტყეში ერთი გულაბი მსხალი იდგა ისეთი სანახავი, რომ ადამიანი იტყოდა, ნეტავი ერთი შეჰაქამაო. ამ ბიჭმა იფიქრა, მოღიწნელს მოვიგრეხავ, ავალ და ერთი მაგ მსხლით მაგრა გავძლები, შემრე ჩამოვეცილები და თავს დავიხრჩობო, რაღა სასიცოცხლო ვარო. ეგრეც აასრულა. მოიგრიხა წნელი და ავიდა მალა. ჭერ სახუროზე ჯობელა გაამზადა და მერე რომელი მსხალიც მოეწონა, მოწყვიტა და დაუწყო ჰამა. რა წამს შექამა, იმწამს ძირს ჩამოვარდა და იმის კისერზე ისეთი მსხალი ამოვიდა, როგორც ის მსხალი იყო. ეს საწყალი ბიჭი გღია პირქვე მშიერ-მწყურვალნი და დაუწყო ხელებს ფათური, ეგებ რაჟე ვიპოვნო და შეეკამოო. ნახა, რომ ამ მსხლის ახლოს ერთი პანტა მდგარიყო და ძირს ჩამოცივნილიყო, მოჰხვდა ხელში, აიღო და ჰამა დაუწყო. რა წამს ერთი შექამა, ეს მსხალი გადაიქცა იმის კისრიდან და ბიჭი წამოვდა. მოწყვიტა სამი ცალი სათვალის მსხალი, პანტა ბლომად წამოიღო და წამოვდა. ბებერთან მიდიოდა და ბებერი გზაში მიეგება: სადა ხარ, შერლოო? — რა ვქნა, ბები, ქალმა კიდეც მომატყუაო. რა უშავს, შვილო, შენი მოცემული ოქრო იმდენი მაქვს. სიკვდილამდე ხელი რომ არ გავანძრიოთ, გვეყოფაო. ამ ბიჭმა უთხრა: — მართალია, გაწუხებ, მაგრამ ერთი კიდეც უნდა გამეგზავნო იმ ქალთანაო. დედაბერმა უთხრა: — შენი გულანთვის ცეცხლში ჩავდგებიო. — ეს სამი მსხალი წაიღე, ერთი ქალს მიეცა,

ერთი ხელმწიფეს. ერთი დედოფალს და უთხარა: ეს მსხლეები იმ ბიჭ-
მა მოგართვათ-თქო. ხოლო შენ მალე წამოდი, მეჩქარება-თქო.
წაიღო ეს მსხლეები ბებერმა და მიართვა. გაუხარდათ და თქვეს:
სად იშოვა ასეთი მსხლეებიო? დედაკაცი მალე გამობრუნდა. და-
უწყეს ამ მსხლებს ქამა და მაშინვე პირქვე დაეცნენ და კისერზე
ხეები ამოუვიდათ. ხეებმა აგლიჯეს ქერი, დაიწყო სახლმა ქახქახი;
დედაკაცმა უკან მიიხედა და გულგახეთქილი გამოიქცა.

მივიდა შინ და უთხარა: — ხელმწიფის სახლი დაინგრაო. — არა
უშავს რა. თვითონ მოგვენახავენო. — მართლაც მოვიდნენ კარისკაცე-
ბი და უთხრეს: — ეს რა უყავიო?

ბიჭმა უთხარა: მე რა ვუყავი, მე მსხალი მივართვი და რა ვიციოდ,
თუ მაგისთანა იყოო. — გიბარებენ, წამოდი, იქნება შეველა შეგეძ-
ლოსო წავიდა ბიჭი და ჭიბეში პანტა ჩაიყარა. მივიდა და ნახა,
რომ სამივენი პირქვე ეყარნენ და კისერზე ხეები ჰქონდათ ამოხული.
ხელმწიფემ უთხარა: — ოღონდ ეს მოგვაშორე და ქალს კი არა, თუნ-
და სახელმწიფოსაც შენ მოგცემო. ბიჭმა უთხარა: სიტყვით ვე-
ღარ გენდობითო. დაუძახა მწერალს, დააწერინეს ხელწერილი და
ხელმწიფემაც, დედოფალმაც და ქალმაც ხელი მოაწერეს წვალეებით.
მაშინ მისცა თითო პანტა და უთხარა: შექაშეთო. შექაშეს და
განთავისუფლდნენ, მოეხვივნენ ბიჭს და დაუწყეს კოცნა, როგორც
სიძეს. გამართეს ქორწილი და მთელი ორი კვირა ქორწილი ჰქონ-
დათ. მერე დაბრუნდა თავის სახელმწიფოში, დაიხსნა მამის სასახ-
ლე. დიდი დავიდაარაბა გამოიარა, მაგრამ მამის ალაგი მაინც დაიჭი-
რა, გახელმწიფდა და კარგი მოწყალეც გამოდგა, წამოიყვანა ის
ქალი და აქაც ქორწილი გადაიხადა.

ერთი ლიტრა ცერცვი მქონდა. ერთი ლიტრა ცერცვი რაო,
როცა კაცს არ უწერია, ვერ დალუპავს, ვერცა რაო.

მზეთუნახავი ქალი

იყო და არა იყო რა, იყო ერთი მზეთუნახავი ქალი, რომელიც
მზეს ეუბნებოდა: შენ ჩადი, მე ამოვალო. ამ ქალის ვინაობა დედამი-
წის ზურგზე არავინ იცოდა, გარდა ერთი ცხრათავიანი ბაყბაყ დევი-
სა. ერთხელ სამი ძმა წაპოვიდა სანადიროდ, ინადირეს და შემოაღამ-
დათ. ერთ საყდარს შეაფარეს თავი. საუბედუროდ, ამ საყდარში

ცხრათავიანი დევი ყოფილიყო. ეს ძმები შეებნენ დევს. ამ დევმა იმ-სხვერპლა ორი ძმა. პატარა ძმამ რვა თავი მოაგდებინა. მეცხრე თავ-მა უთხრა: ოღონდ ნუ მომკლავ და ერთ რამეს გასწავლიო. დაე-თანხმა ეს ბიჭი და არ მოჰკვეთა თავი. დევმა უთხრა:—ამ სოფლის ბო-ლოს რომ გახვიდე. ქალია. იმ ქალს ნაწნავეები გარეთა აქვს გადმოყ-რილი. როდესაც მიხვიდე, ნაწნავეებში მოავლე ხელი და უთხარი: შენ კოლი და მე ქმარი-ქო. თუ გითხრა, შენ ძმა და მე დაო, უარი უთხ-არი.

ამ ბიჭს მოეწონა ნათქვამი და გაუშვა დევი.

ბიჭმა ბევრი იარა, თუ ცოტა იარა, მიაღგა ერთ პატარა სახლს. მართლაც, დევის დარიგებით, მზეთუნახავ ქალს ნაწნავეებში წაავლო ხელი. ქალს გამოეღვრა, აიწია ზეზე, მაგრამ ველარ ადგა. რა ხანა ქალმა, რომ ბიჭს მაგრად ეჭირა, უთხრა: შენ ძმა და მე დაო. ბიჭმა უთხრა: — შენ კოლი და მე ქმარიო. როგორც იყო, ქ-ლი დაი-ყაბულა. გავიდა რამდენიმე ხანი. ტბილად და მშვილად ცხოვრობ-და ცოლ-ქმარი. ერთ მშვენიერ დღეს ბიჭმა უთხრა თავის მე-უღლეს: უნდა სანადიროდ წავიდეო. ქალმა უთხრა: რაღა მთაში იხე-ტილო, ჩვენს ეზოში ყველაფერს გავაჩენო. რომელიც გინდა, იმ ცხოველს მოვიყვანო. ქმარმა უთხრა: მე ის მიხარია, რომ მთ-ის ად-გილებში თავისუფლად გამოვეყიდო ირემსაო! მართლაც, ვადაიკიდა თოფ-იარაღი და გაუღგა გზას. მეუღლემ ამოიგლიჯა თმის ერთი ბეწვი, მისცა ქმარს და უთხრა: არ დაკარგო, ცუდი საქმე მოგელისო. ამ ბიჭმა ბევრი იარა, თუ ცოტა იარა, მიაღგა ერთ პატარა მდინარეს და გადახტომა მოინდომა. როდესაც გადახტა, თავისი ცოლის ბეწვი წყალში ჩაუვარდა. დაღონდა ბიჭი, მაგრამ რას იზამდა. დაბრუნდა ისევ ხელცარიელი თავის მეუღლესთან. ცოლმა რომ გაიგო, ოქროს ბეწვი დაუთარგავსო, ძალიან გაუწყრა და უთხრა: — თუ რამე დაგე-მართოს, ჩემი ბრალი აღარ იქნებაო.

იმ სახელმწიფოში იყო ერთი ხელმწიფე და ჰყავდა ერთი კობტა ვაჟი. ერთ დღეს ვეზირები წავიდნენ სათევზაოდ. როცა კარგად ითევ-ზავეს, ერთმა ვეზირმა შეამჩნია ერთი ბრკვეილა რაღაც. მი-ცურდა მასთან და ნახა, რომ ოქროს ბეწვი იყო. წამოიღო ხელმწიფეს-თან საჩვენებლად. ხელმწიფის შერამა ნახა თუ არა ეს ოქროს ბეწ-ვი, მოინდომა ამ თმის პატრონი თავის ცოლად ჰოეყვანა, მაგრამ ქა-ლის მნახველი არავინ იყო. ხელმწიფემ ბრძანება გასცა: ვიხც იმ ქალს მომიყვანს, დიდად დაეასაჩუქრებო.

ერთ დღეს ერთი ბებერი ეახლა ამ ხელმწიფეს და უთხრა: მე მო-ვიყვანო. ხელმწიფეს ძალიან გაუხარდა და პირობა მისცა: დიდ სა-

ჩუქარს მოგცემთ. ერთ საღამოს ამ ბებერმა ითხოვა ერთი ჯაგლაგი ცხენი და ურემი და გაუღდა გზას. მიაღდა თუ არა იმ სახლს, შემოაღამდა და სთხოვა სახლის პატრონს: ეს ღამე შეეფარებინათ. მიიღეს ეს ბებერი და იმ ღამეს კარგად მოასვენეს.

გათენდა. ეს ბებერი წამოდგა. იმ სახლის წინ ერთი დიდი ორმო იყო ამოყრილი. ამ ორმოს მალლიდან ფარდაგი გადაათარა და შევიდა ისევ სახლში. ცოლ-ქმარმა გაშალა სუფრა ამ ფარდაგზე და შეუდგნენ საუზმის ქამას. წინაპირველად ქმარი მივიდა იმ ფარდაგთან და ზედ დადგა და თავისი ჭურჭლით შიგ ორმოში ჩავარდა. ბებერი ივიშიშეს დედაბებრმა და ქალმა, მაგრამ რას უზამდნენ. ცოტა ხნის შემდეგ ბებერმა ამოიღო ბანგი და იმ ქალს დააღვივნა. მზეთუნახავ ქალს ძილი მოერია და მიწვა თავის ლოგინში. ბებერმა მოიტანა დანგრეული ურემი და ზედ დააწვინა ეს ქალი. წამოსვლისას ამ ბიჭს ერთი თორნის ნაცხობი ჩაუყარა და გაუღდა გზას. მეორე დღეს ქალმა გაახილა თვალები, დაინახა, რომ თავის სახლში აღარ იყო. ტირილი დაიწყო.

რამდენიმე ხანი გავიდა და ეს მზეთუნახავი ქალი მიეჩვია ხელმწიფის ვაჟს. რომ ნახა, თავისი პირველი ქმარი აღარ იქნებოდა ცოცხალი, დაიწყო ამასთან ცხოვრება. ერთ დღეს მწყემსებმა გამოიარეს იმ გზაზე, სადაც ის კაცი იყო ჩავარდნილი ორმოში. მოვიდნენ ამ ეზოს წინ, გამოუშვეს საქონელი და მიეცნენ მოსვენებას. ერთ მწყემსს ზჰილი მოესმა. უთხრა თავის ამხანაგებს და მიიარ-მოიარეს ეს ეზო, მაგრამ ვერაფერი შენიშნეს. ბოლოს როგორც იყო მიაგნეს ორმოს, მაგრამ შიგ ჩასვლა ვერავინ გაბედა. ყველას ეშინოდა, შიგ ცხოველი რაჲ არ ყოფილიყო. ერთმა მწყემსმა იკისრა ჩასვლა. მოაბეს მხრებზე თოკი და ჩაუშვეს. მწყემსმა უთხრა: თუ თოკი შევანძრიო, მაშინ ამწიეთ, თუ არადა მოუშვით თოკიო. მართლაც, ჩაუშვეს თოკი ძარამდე. მოაბა მხრებზე თოკი და შეანძრია თოკი. მწყემსებმა ასწიეს თოკი და მალლა აიყვანეს ეს დასნეულებული კაცი. მერე თავიანთი ამხანაგიც ამოიყვანეს. პური აჭამეს და, როგორც იყო, მოასულიერეს. კაცი მოუყვა თავის თავგადასავალს, თუ როგორ ჩავარდა ორმოში. კიდევ ბებერი ილაპარაკეს. კაცმა დიდი მალღობა გადაუხადა მწყემსებს და გაუღდა გზას.

ბებერი იარა, თუ ცოტა იარა, მიაღდა ერთ ხელმწიფის სახლს. ამ კაცს საგზალი შემოკლებოდა და მათხოვრობისათვის მიეყო ხელი. ტანსაცმელი ისე შემოგლეჯოდა, ერთი ჯამი ფეტვი რომ შეგეყარათ, ერთიც არ ჩამოვარდებოდა. რაღა ბებერი გავავრძელოთ და ცოტა

ვილაპარაკოთ, ეს გლახა შეეხვეწა ხელმწიფის ვეზირებს: სამუშაო რაიმე მიბოძეთო.

ვეზირებმა უთხრეს ხელმწიფეს: გლახა არის მოსული და სამუშაოს გვეხვეწებაო. ხელმწიფემ თანხმობა განაცხადა. მართლაც, ამ გლახას ბატები ჩააბარეს. დილით წაიყვანდა საძოვარზე და საღამოთი მორეკავდა. გლახას იმ მხარეს უნდა გაეელო, სადაც თავის პირველი ცოლი იყო დამწყვდეული. ერთ მშვენიერ დღეს ფანჯრიდან შეამჩნია გლახა და ფერფურმა გადაჰკრა. თან ეცნობა ეს კაცი ვაჟ არის და თან ვერა. როგორც იყო, იცნო თავისი პირველი ქმარი და თრთოლვამ აიტანა. მოაგონდა პირველი სიყვარული, მოაგონდა მისი ორმოში ჩაყარდნა. ერთ დღესაც გლახა მიერეკება ბატებს. ქალმა ფანჯრიდან დაიძახა თავისი ქმრის სახელი. ეს კაცი შეკრთა დაძახილზე და შალა აიხედა. დაინახა თუ არა ქალი, მანაც იცნო. შიშმა აიტანა, მოაგონდა თავისი ცოლის სიტყვები, ამ ბეწვს ნუ დაჰკარგავო. ამ ფიქრებში იყო გართული, როდესაც ამ კაცს გული წაუვიდა, მაგრამ, საბედნიეროდ, მალე მოსულიერდა, წამოდგა და ბატები წაიყვანა მინდვრისაკენ.

გავიდა დღეები, წელიწადი და ერთ ღამეს გადაწყვიტეს გაპარვა. წავიდა კაცი ცხენების საშოვნელად. ვაი-ვაგლახით იშოვა ორი ცხენი, მოიყვანა და სახლთან დაბა. იმ ღამეს უნდა გადაწყვეტილიყო მათი გაქცევა. მზეთუნახავ ქალთან მარტო ერთი დედაბერი აღიოდა ხოლმე საკმლის მისატანად. კაცი როგორც იყო, ამ დედაბერს ჩუმად შეუთანხმდა: მისი ტანისამოსი თვითონ ჩაიცვა. შელამდა თუ არა, ეს კაცი ავიდა ქალთან. მცველებმა ვერაფერი შეუტყვეს. როდესაც ავიდა, ქალი შორიდანვე გაექანა, გადაეხვია და მაგრად დაკოცნეს ერთმანეთი. გაიხარეს. ბევრი ილაპარაკეს როგორ მოქცეულიყვნენ. როგორც იყო მოახერხეს, ვითომ სასეირნოდ მიგვეყავს ქალბატონიო, ჩამოვიდნენ დაბლა, ცხენებს მოახტნენ და გაქუსლეს. სანამ ოთახიდან ჩამოვიდოდნენ, კარის მცველმა ყველაფერი იცოდა, რაშიც იყო საქმე. ამ არაბს დიდი ხანია, რაც თვალი ეჭირა მზეთუნახავ ქალზე. ეს არაბი დაედევნათ.

ბევრი ირბინა, თუ ცოტა ირბინა, როგორც იყო მიუახლოვდა ცოლ-ქმარს. არაბი სწვდა ამ კაცს, მაგრამ სანამ დაახრჩობდა, მზეთუნახავმა ქალმა ამოიღო დანა და შიგ კისერში გაურჭო. ამის შემდეგ ეს ცოლ-ქმარი გადარჩა საფრთხეს, გამოვიდნენ სხვა სახელმწიფოში და დაიწყეს ტკბილი ცხოვრება.

ჭირი იქა. ლხინი აქა;

ქათო იქა. ფქვილი აქა.

ბროწეულის ზღაპარი

იყო და არა იყო რა, იყო ერთი ხელმწიფე და ჰყავდა სამი ვაჟი-შვილი. ამ ხელმწიფეს თავის ბაღში ედგა ბროწეული, ისხამდა ადარ მიანის თავის სიმსხო ნაყოფს, და თანაც ძლიერ ტკბილი იყო. მხოლოდ კარგად დამწიფებას არავენ აცლიდა, ვიღაცა უკრეფავდა. მცველს აყენებდა, მაგრამ მაინც უკრეფავდნენ. შვილებმა უთხრეს: — მოდი, მამავ, ჩვენ ვუღარაჯებთო. — კარგო, უთხრა ხელმწიფემ. წავიდა უფროსი შვილი საღარაჯოდ, ცოტა ხანს იფხიზლა, მერე კი დაეძინა. მოვიდა ვიღაცა და დაუკრიფა. მეორე ღამეს საშუალო წავიდა საღარაჯოდ, მაგრამ იმანაც შუალამემდე იფხიზლა და დაეძინა. მოვიდა ვიღაცა შუალამისას და დაუკრიფა. მესამე ღამეს პატარა წავიდა და მთელი ღამე იფხიზლა. თურმე, ის რჯულძალი, შორიდან ზეურავს, როდის დაეძინებო. ვნახოთ, გათენებამ მოატანა და მაშინ იფიქრა, ეხლა აღარ მოვაო და ჩაიძინა. თურმე დევი ყოფილიყო. ჩაჩახუჩი რომ დაუწყო, ჭერ არც კი მოეწევიტა, ბიჭს გამოელვია, ნახა-დევი არის და ბროწეულზე მიბობღავს. ჰკრა მშვილდ-ისარი, გამოცვივდნენ ძმები და მამა. ნახეს მოურტყამს და კვალი ეტყობა, სისხლი სდენია. ძმებს უთხრა: წამომყევით, უნდა დევი მოვკლაო.

შეიარაღდნენ და წავიდნენ. მიჰყვნენ კვალს, ნახეს მინდორზე ერთი ორმოსავით ამოხვრეტილი იყო და იმაში ჩავიდა. კვალიაო, თქვეს ბიჭებმა, უნდა ჩავიდეთო. წავიდნენ, გრძელი თოკი მოიტანეს. თურმე ორმო გრძნეული ყოფილა, როგორც თორნე, ისეთი სიზხურვალე ამოდიოდა. შეაბეს დიდ ძმას თოკი, ჩაუშვეს და უთხრეს: ნახე, რა ამბავიაო, და შემოგვძახეო. ჩაუშვეს. დაიწყო კივილი: ამიყვანეთ, დავიწვიო და ამოიყვანეს. შეიბა საშუალომ. ჩაუშვეს და იმანაც დაიწყო: ვაიმე, დავიწვიო, და ისიც ამოიყვანეს. ახლა პატარამ შეიბა და უთხრა: რამდენი დავიძახო დავიწვი, იმდენი უფრო ჩამიშვიოთ. ჩაუშვეს. შეაწუხა სიცხემ, მაგრამ უძლებდა და ამბობდა: თუ ამ დევის საქმე არ გავიგე, რად მინდა თავი ცოცხალიო. ჩავიდა ძირამდის და დაიძახა ჩავედიო. იმის ძახილზე, ვნახოთ, კარი გაიხსნა, სინათლეზე დაინახა: ქალი იყო; ქალმაც დაინახა, რომ ჭეელი ბიჭია. წაავლო ხელი და შიგნით შეიყვანა. ნახა ბიჭმა ორი სხვა ქალიც იყო. ქალებმა უთხრეს: — თავი ეგრე როგორ გაიმეტე, რომ აქ ჩამოხველო? ეს წყეული საიდანაც მოვიდა დაქრილი და ჭავრისაგან დაიძინა. არიქა თავს უშველე, როგორც ჩამოხველ, ისევე ადი, თორემ აი გაიღვიძებს და შეგკამსო. ბიჭმა უთხრა: ეგ მე დავჰერი და მაგას გამოვედევნეო, უნდა მოვკლაო. ქალებმა უთხრეს: შენი ი-

რალი მაგას ვერ მოჰკლავსო, და მაგის ხმალს კიდევ ვერ მოერევიო, ვერ დასძრავო. დაინახა კედელზე ხმალი ეკიდა უშველებელი, მივიდა, ჩამოიღო და გასინჯა. ქალებს გაუკვირდათ და თქვეს: — კარგა შესძლებიაო და იქნება მაგის ჯავრი ამოგვეყაროსო. ქალებმა უთხრეს: — ნულარ აგვიანებ, თუ იმედი გაქვსო. ბიჭმა უთხრა: დაძინებულს არ მოვეკლავო. ქალებმა დაუწყეს: თუ გაიღვიძა, შენ შეგკამს და ჩვენც დაგვხოცავსო. ბიჭმა უთხრა: ნუ გეშინიათო და დაჰკივლა დევს. ამ დევმა წამოაჰკივტა თვალები და ბიჭი რომ დაინახა, გაშმაგებული წამოხტა. სანამ ის გასწორდებოდა, დაჰკივლა ბიჭმა: — მე ისა ვარ, რომელმაც ფეხი მოგტეხაო და ახლა მოველსული უნდა ამოგაცალოო, — და კიდევ მიუშვა ხმალი თავში და თავი ორად გადაუჩეხა. დაეცა ეს დევი, როგორც დიდი მორი. აკუწა ბიჭმა და გადაყარა. მოეხვივნენ ქალები და დაუწყეს კოცნა. მერე დასხდნენ და დაიწყეს თავთავიანთი თავგადასავალი.

ჩვენ სამნი მოტაცებულები ვყავართ სხვადასხვა ქვეყნიდანო. ამ წყეულს ნეტავი რად ვუნდოდით, ჩვენ ნებას არ ვაძლევდით ახლოს გაგვეკარებოდა, ტყუილად, სახელისთვის ვყავდითო.

ბიჭმა უთხრა: ორი ძმა მალლა მელოდებო. ქალებმა გაუღეს ოთახები და აჩვენეს იმისი ზინეთი ოქრო-ვერცხლი და სხვადასხვა სახლის ავეჯეულობა. მაშინ ბიჭმა უთხრა: — ჩვენ ხელმწიფის შვილები ვართო, ორნი ჩემს ძმებს, — და ერთსაც თვითონ წაავლო ხელი, — ესეც მეო. გაუხარდათ ქალებს და თქვეს, თუკი მაგის ღირსი გავხდებით, მეტი რაღა გვინდაო. გამოაბარგეს რაც ნაღდი რამე იყო და შესძახეს ძმებს: — აბა, ასწით თოკსაო. ასწიეს და აზოდეს, რაც უნდოდათ და მერე ქალები აიყვანეს. დარჩნენ ის ბიჭი და თავის საცოლუე. ქალმა უთხრა: — ჯერ შენ ადი, თორემ ძმები გიღალატებენო და აღარ ავიყვანენო. ბიჭმა უპასუხა: — არა, არა, შენ გინდა მერე აღარ ამოხვიდეო. ან როგორ შეიძლება შენ აქ გამოყოფო და მე ავიდეო. ქალმა უთხრა: — გხედავ, უჯიათი ჩანხარ. მე ვიცი, რომ მერე ძმები აღარ ამოგიყვანენ და მოდი ერთ რაჟეს გაჩვენებო, — მიიყვანა ერთ ოთახთან, გახსნა და აჩვენა შიგ სამი რაში ება: ერთა შავი, ერთი წითელი და ერთი თეთრი. ქალმა უთხრა: — რახან არ დაგიშლია, ყური დამიგდე და თუ გაგიჭირდეს, ამათ მიმართეო. თუ წითელზე შეჯდები — ნეტარება შენ — მალლა ამოგიყვანსო; თუ თეთრზე შეჯექ, გვერდ-გვერდ წაგიყვანს და ვინ იცის, სად გაგგლეჯს, მიწაზე იქნება თუ ზღვაში სადმე დაგლუპავსო; თუ შავზე შეჯექი — ქვესკნელს ჩაგიყვანსო. იმდენი ეცადე, რომ წითელზე შეჯდეო. წითელზე რომ ჯდომას დაიწყებ, ესენი ეცდებიან თვითონ

შეგისვანო და ლაჭებში გაგიძვრებიანო. მისცა ქალმა დარიგება, შერბა თოკი და აიყვანეს.

ბიჭი ელოდებოდა, ან ახლა ჩამოუშვებენ თოკს ან ახლაო, მაგრამ აღარ ჩამოუშვეს. ძმებმა მოილაპარაკეს: — ახლა ეგ რომ აშოვიყვანოთ, სულ მაგისი სახელი იქნება და მაშაჩენი აბუჩად ავგიგდებსო, ეგრე ვუთხრათ: დევი ჩვენ მოვკალით და იმისი ქონებაც ჩვენ წამოვიღეთო, პატარა ძმა კი გზაშივე დავკარგეთ, ვერ გავიგეთ საით წავიდაო. ადგენენ, წამოიღეს ის დიდი დოვლათი და ქალებიც წამოიყვანეს. გზაში ქალებს უთხრეს: არამც და არამც არაფერი წამოგვდეთო, თორემ დაგზოცავთო. მოვიდნენ შინ და მამამ რომ დაინახა ორნი მოვიდნენ, მაშინვე გაიგო უღალატებდნენო და ჰკითხა: — ბიჭი რა უყავითო? უთხრეს, როგორც გზაში მოილაპარაკეს. დაედარდა ხელმწიფეს, მაგრამ რას იზამდა. პატარის საცოლემ უთხრა: — მე ერთი ოთახი ჩემთვის მომეცით, ცალკე უნდა ვიცხოვროო. იმ დღიდან მოყოლებული იყო ცალკე ოთახში დაღონებული. ძმები კი ხარობდნენ თავიანთ ცოლებთან.

ის საწყალი ბიჭი რომ დარჩა ორმოში, ძალიან ბევრს ეცადა და ეწვალა, მაგრამ ვერ გაახერხა წითელზე შეჭდოვა; შავი გაუძვრა ლაჭებში, შეისვა და გაუძახა ქვესკნელს. რა ქნას საწყალმა, ზის რაშზე და დადის დაღონებული, ბოლოს მივიდა ერთ სახლთან და დაუძახა. გამოვიდა ერთი ბებერი და ჰკითხა: რა გინდაო? ბიჭმა უთხრა: — შეიძლება ამალამ აქ დაჰაყენოო. — მობრძანდიო. შენ მალა ხმელეთისასა ჰგევხარო და აქ საიდან ჩამოსულხარო? — დიახ, წავიდეთ და შინ გეტყვი ყველაფერსაო. წავიდნენ, დააბა რაში, დასხდნენ და უამბო თავიანი თავგადასავალი. ძალიან შეეცოდა ბებერს, მაგრამ რას იზამდა. იმ ღამეა ვახშამი აჭამა და დააძინა. გათენებამ რომ მოატანა, თურმე ბებერს პური არა სდებოდა, გაცრა ფქვილი, ქვევრში წვიმის წყალი ჰქონდა მღვრიე, ამოიღო, ქვაბში გაათბო და პურს ზელა დაუწყო. იმ დროს ბიჭს არ ეძინა და ბებერსა ჰკითხა: — ნუთუ წყალი არა გაქვთ, რომ მღვრიე წყლითა ზელავ პურსაო? ბებერმა უპასუხა: — წყალი კი გვაქვს, მაგრამ გველვეშაში ჰყავს დაპატრონებული და არ გვაძლევსო, მარტო ხელმწიფეს აძლევსო და ხელმწიფესაც იმიტომ აძლევს, რომ თავისი ქალი მისცაო. — რას აზრობ, მომეცი, დიდი ჭურჭლები გექნება, წავალ, მოვიტან წყალსაო. დედაკაცმა დაიწყო ტირილი: — არ გაგიშვებ, უცხოეთიდან ჩამოსულხარ, შენი რა ბრალია, ჩვენ რომ წყალი არა გექონდესო. ბიჭმა უთხრა: წავალ, ვნახოთ როგორ არ მომცემს წყალსაო. ჩაიცვა, დაიხურა, შემოირტყა დევისეული ხმალი, მშვილდ-ისარი გაირტო წელში, წავიდა

და წყლის ქურჭლებიც წაიღო. მივიდა, ნახა, ერთი დიდი კოშკი ოღვა და აივანზე ერთი მთვარესავით ქალი იყო გადჰომდგარი. ქალმა რომ დაინახა, დაუძახა: — საღ მიხვალ, რაზე გამოგიმეტებია თავიო? ბიჭმა არც კი შეისაღარა, მივიდა და წყალს ავსება დაუწყო. ჩამოვარდა ქალი სასწრაფოდ, მივიდა, მოჰკიდა ხელი, მალლა აიყვანა და ჰკითხა ვინაობა. ბიჭმა უაპრო თავისი ვინაობა და ჰკითხა: — საღ არის გველეშაპიო? ქალმა უთხრა: — მალლა ცაში არის სანადიროდ წასულიო, იქიდან დაგინახავს, წამოვო და გაგაფუქებსო. ბიჭმა უთხრა: — შენ ნუ გეშინია, ცოტა ხანს შენს მუხლზე მიმადინე, რომ მოღიოდეს, გამაღვიძე და თუ არ გაქვლეძი, ერთი კარგი სილა შემომკარი არ დაგეხათროსო და გამომღვიძებო.

დაიძინა. გველეშაპმა რომ დაინახა იმ ქალის კალთაში ვიღაცას თავი უღვესო, წამოვიდა ქექა-ქუხილით. გაიგონა ქალმა, რომ ერთი გნიასით მოდისო, დაიწყო ტირილი: მოვა და მოჰკლავს ამ ჰატიოსან ბიჭსაო. ცრემლები რომ დაეცა, მაშინვე წამოხტა ბიჭი. მოავლო მშვილდ-ისარს ხელი, სტყორცნა და შიგ გულში გაუტარა. დატრიალდა ცაში, წამოვიდა და მიწაზე დაეცა. ბიჭმა ჩამოირბინა კბეებზე, მივიდა, გაიძრო ხმალი, აკუწა და გადაყარა. აავსო ქურჭლები და ქალს უთხრა: — წადი მამაშენთანაო. წამოიღო წყალი და მოვდა ბებერთან. ბიჭი რომ მოვიდა, ბებერს ძალიან გაუხარდა, გაუკვირდა და ჰკითხა: — როგორ იყოო? ბიჭმა უთხრა: — ისარი ვესროლე, გულში მოხვდა და მოკვალაო. — ეს ხელმწიფის ქალიც წავიდა თავის მამასთან. აბა, ხელმწიფეს ძალიან გაუკვირდა და ჰკითხა თავის ქალს: როგორ მოხვედი, შვილოო? ქალმა უთხრა: ერთი ვიღაცა ბიჭი მოვიდა წყლის ასავსებად და იმან მოკლაო.

გავარდა ხმა გველეშაპის მოკვლისა და ქვეყანა ერთმანეთს ეცა. დაიწყეს ძებნა და მკვლელები კი არა ჩანდა, ვინ იყო და ვინ არა. მერე ხელმწიფემ ჰკითხა თავის ქალს: — შვილო, ვერ იცნობ ვინ იყოო? ქალმა უთხრა: — თუ ვნახე, ვიცნობო.

გაპართა ხელმწიფემ მეჭლისი და დაუძახა თავის სახელმწიფოს. გაშალა სუფრა და დაიწყეს მეჭლისი. ხელმწიფემ უთხრა თავის ქალს: აბა, შვილო, ეგებ იცნო, ვინ იყოო. ბევრი ათვალიერა, მაგრამ ვერ იპოვნა და მამას უთხრა: აქ არ არის, მამაო. მაშინ ხელმწიფემ უთხრა ვეზირებს: ხომ არავინ დაგრჩათ მოსაყვანიო? ვეზირებმა უთხრეს: — რა ვიცით, ერთ ბებერთან ერთი ბიჭი არის, აქაური არა ჩანს, იმის მეტი ყველა მოიყვანეთო. — წადით და ისიც აქ მოიყვანეთო. ვინც იქნება იმ გველეშაპის მკვლელები, ის იქნება ჩემი სიძეო და სახელმწიფოც იმისი იქნებაო. აღგნენ და წამოიყვანეს

ის ბიჭი. ბიჭმა გზაში ერთი კურდღლის ბაჭია დაიჭირა, უბეში წაიხვეა და მოვიდა. ხალხმა რომ დაინახა, სიცილი დაიწყო: ეგ საი-დანღა მოთრეულაო. როგორც მოვიდა და სადარბაზო ოთახში შეი-ყვანეს, იქვე კარებთან ჩაეგდო, მაგრამ რა წამს ქალმა დაინახა, იცნო, მივიდა და კალთაში უნდა ჩაჭდომოდა, მაგრამ ამ დროს ბიჭმა უბი-დან კურდღელი გამოაჩინა და ქალი შეკრთა, შეეშინდა და უკან გა-ბრუნდა. მამამ უთხრა: — რა გეშინია, შვილო, თუ ეგ არის, მიდი და კალთაში ჩაუჭექიო. შვილმა უთხრა: უბეში რაღაცა ჰყავს და მაშინებსო. მერე მამამ უთხრა: თვალები დახუჭე, მიდი და ჩაუჭექი, ნუ გეშინიაო. მართლაც, დახუჭა თვალები, მივიდა და ჩაუჭდა კალ-თაში. ამოდენა ხალხმა იგრიალა და დაჰკრეს ტაში. ხელმწიფემ მ-შინვე ააყენა და წაიყვანა ცალკე, თავის ოთახში და ჰკითხა სადაუ-რობა. ბიჭმაც უამბო დაწვრილებით თავის თავგადასავალი. ხელ-მწიფემ უთხრა: მოდი, შვილო, ჩემი ქალი შეირთე ცოლად, დაჭექი ხელმწიფედ და დარჩი აქაო. ამ ბიჭმა უთხრა: თუ შეგიძლია და მალ-ლა ამოყვან, ხომ კარგი, და თუ არა მე არც ქალი მინდა და არც ხელ-მწიფობაო. მაშინ ხელმწიფემ უთხრა: რა ვქნა, შვილო, ეგ მე არ შე-მიძლია და თუ ვინმეს იშოვი ისეთს, რომ აგიყვანოს, რასაც ითხოვს და ან რაც დასჭირდება, მივცემო.

გამოემშვიდობა ბიჭი და წამოვიდა ბებერთან. სანამ ბიჭი მივი-დოდა, ხელმწიფემ ბებერთან დიდძალი ცხოვრება გაგზავნა, კარგი სახლიც გაუკეთა ხელდახელ და მოსამსახურეებიც მისცა. მოვიდა ბიჭი ბებერთან და უთხრა: — მალღა ასვლა მინდა ჩემს ქვეყანაში, თუ არ ავედი, არ ვიცი ჯავრით რა მომივაო. ეგები იცოდნენ ისეთი ვინმე, რომ მალღა ამოყვანოსო. ბებერმა უთხრა: ერთი რამ ვი-ცო, მხოლოდ კი არც მემეტებო, დარჩი ჩემთან, იქ რაღა გინდაო? ბიჭმა უთხრა: — რა ვქნა, იქ დანიშნული მელოდებაო. — მაშ კარ-გო. შენ წადი მავან და მავან მინდორზეო, და მინდორი დაანახა, იქ ერთი ხე დგას და ზედ ფასკუნჯის ბუდე არისო. ახლა ბარტყები ეყო-ლება. იმას ერთი არწივი ჰყავს შეჩვეული, მუდამ წელიწადს ბარ-ტყებს ის უჭამსო. წადი, ის არწივი მოუკალ და თუ აგიყვანს, ისა, თუ არა, სხვა ვერაგინაო.

წავიდა, ნახა ის ხე; ზედ ბუდე იყო. მივიდა, დაჭდა გრილოში და დაისვენა. იმის ყისმათზე არწივიც მოვიდა. როგორც კი უნდა დას-ცემოდა და ერთ-ერთი წაეყვანა, ბიჭმა სტყორცნა არწივის ისარი და ჩამოაგდო. გაუხარდათ ბარტყებს, განალეს ფრთები და გრილო და-იყენეს. სად იყო, სად არა, ფასკუნჯიც მოვიდა. ნახა, რომ მისი შვი-ლები უვნებლად არიან, არწივი მკვდარი გდია. შვილებმა უთხრეს: —

დაბლა რომ ბიჭი ზის, იმან მოკლაო. ფასკუნჯი მაშინვე ჩაფრინდა დაბლა, ამოიყვანა მალლა და დაჰკოცნა. მერე უთხრა: — შვილები შენ გადამირჩინე და რას დამავალე, რომ შეგისრულო? ბიჭმა უთხრა: — მეტი არაფერი მინდა, მალლა ხველეთზე ამიყვანეო. ფასკუნჯმა უთხრა: — ძალიან ძნელი საქმე დამავალე, მაგრამ მეტი რა გაეწყობაო. მოამზადე საგზაო თადარიგი და ავიყვანო. ოცი ძროხა დაკალი, ოცი თონე პური დააკარ, ოცი რუმბი ღვინო. ერთი ღიდი რამე დაწან, რომ ზურგზე დავიდგა, ყველაფერი შიგ ჩაეაწყოთ, შენც დაგისვამ და ავფრინდეთო.

წამოვიდა ბიჭი ხელმწიფესთან დალონებული. ხელმწიფემ რომ ბიჭი დალონებული დაინახა, ჰკითხა:—რა ჰქენი, რამე საშველი არის, თუ არაო? ბიჭმა უპასუხა: საშველი კი არის, მაგრამ ღიდი ხარჯი მომთხოვაო. — განა ისეთი რა მოგთხოვაო? — ჰკითხა ხელმწიფემ. ფასკუნჯის დავალება ყველაფერი უამბო ბიჭმა. გაუხარდა ხელმწიფეს და უთხრა:—მაგაზე ადვილი რაღა არისო. მაშინვე დააწნევეინა ღიდი გოდორი, დახოცა ძროხები, გამოაცხოებინა პური და აავსებინა ქვევრები. ამასობაში ფასკუნჯიც მოვიდა, დაადგეს ზურგზე გოდორი, ჩააწყეს ყველაფერი და ბიჭიც გამოემშვადობა ყველას და ჩაქდა გოდორში. ფასკუნჯმა უთხრა: — რამდენიც დავიწვილო, იმდენი თითო ძროხა, თითო თონე პური და თათო რუმბი ღვინო უნდა ჩამაყაროო. იწვილა ფასკუნჯმა, გაიხსნა მიწა და წავიდა მალლა. რამდენს იწვილებდა, იმდენს ჩაუგდებდა ხოლმე. ერთი აფრენალა იყო, რომ ხორცი დააკლდა. რა ქნას ბიჭმა? იფიქრა, იფიქრა და ბოლოს ბარკალი გამოიქრა, ჩაუგდო და კიდევ ავიდა მალლა. მალლა რომ ავიდნენ, ფასკუნჯმა იკითხა: — ბოლო დროს რომ ხორცი ჩამიდე, რად იყო ტკბილიო? ბიჭმა უპასუხა: მე გამოვიქვრ ბარკალიო. — ტკბილი ხორცი გქონია, რომ მცოდნოდა შეგქამდისო! მერე მისცა პატარა ბუმბული და უთხრა: მოისვი და გაგიმრთელდებაო. მართლაც, მოისვა და გაუმრთელდა.

ფასკუნჯმა უთხრა: — მე რომ დაბლა წავალ, ღიდი მიწისძვრა იქნებაო, ხეს რამეს მოეჭიდე, დაბლავე არ ჩამოვარდეთ. ეს ბიჭიც მოეხვია ერთ ღიდ მუხას, რაც ძალი და ღონე ჰქონდა. წავიდა ფასკუნჯი ღიდი ჰქეპა-ქუხილით და როცა ღაამდა დედამიწა, ადგა ეს ბიჭი და წავიდა თავისი სახლისაკენ. ბევრი იარა, თუ ცოტა იარა, მიადგა თავის სახლ-კარს. სანამ მივიდოდა, ხელმწიფეს მახარობელი მისვლოდა: შენი დაკარგული შვილი მოდის, გზაში ვნახეთო. გამოეგება ხელმწიფე თავისი ამალით და გახარებულებმა აღარ იცოდნენ რა ექნათ. თავისი საცოლე მივარდა, მოეხვია და უთხრა: — ახია შენზეო,

რა გინდოდა, გაგეგონებინა ჩემთვის, ამდენ ტანჯვას ხომ არ გამოივლიდიო! მერე დაიბარა ხელმწიფემ თავისი შვილები და უთხრა: აჲ ჩვენ თვალითაც არ დაგვინახავს ჩვენი ძმა და დევი კიდევ ჩვენ მოკვალითო? ხელმწიფემ ჩამოხრჩობა გადაუწყვიტა, მაგრამ პატარა შვილმა სთხოვა: მე მაპატიე მაგათი თავი და ნუ დახოცავო. დაუჭერა პატარა შვილს, არ დახოცა. მაგრამ ცალკე კი გაყარა. პატარა შვილს კარგი ქორწილი გადაუხადა, გაახელმწიფა და ხარობდნენ.

ზღაპარი ყაჩაღებისა

იყო და არა იყო რა, ღვთის უკეთესი რა იქნებოდა. იყო ერთი ცოლქმარი, ჰყავდათ ერთი ქალი. აქ მცხოვრებლებს ყოველ საღამოთი შეჩვეული ჰყავდათ თერთმეტი ყაჩაღი. ამ ყაჩაღებისაგან ისე იყვნენ შეწუხებული, რომ მეტის გაძღება არ შეეძლოთ. ყოველ საღამოთი მოდიოდნენ ყაჩაღები და რაც კი მოეპოვებოდათ სურსათსანოვანად, სულ ეზიდებოდნენ. ეს დაღონებული დედ-მამა ნახა ერთ დღეს ქალმა და ჰკითხა: — რაზე ხართ ასე დაღონებულიო. უამბეს, რაც გაჭირვება ჰქონდათ. ქალმა ერთ საღამოს აიღო ხმალი და დაუდარაჯა ალაყაფის კარებთან. უცადა შუალამემდე. ვნახოთ, მოვადნენ კიდევაც. ჯერ წინ გაგზავნეს ერთი ყაჩაღი. ქალმა ის მოკლა. რომ დაიგვიანა, ახლა თვითონ წავიდნენ. ქალმა დახოცა ათი, მეთერთმეტეს მარჯვენა ყური მოაჭრა. ამ ყაჩაღმა უთხრა ქალს: — მე თუ შენ ცოლად არ წაგიყვანო და არ აგანაზღაურებინო ჩემი ძმების სისხლი, მე კაცი არ ვყოფილვარო. ქალი დაფიქრდა: „არ გავთხოვდები და საიდან წამიყვანს ცოლადო?“ ეს ყაჩაღი მახლობელ მოხუც დედაკაცთან მიეჩვია. ამ ქალსაც უყვარდა ამ მოხუცთან მისვლა. ქალმა ეს ყაჩაღი რომ ნახა, ვეღარ იცნო. მოხუცის მაჰანკლობით ყაჩაღი და ქალი დაინიშნენ. მოვიდა ყაჩაღი ქალის წასაყვანად, წაიყვანეს ქალი, და რომ გავიდნენ ერთ ტყეში, გააჩერებინა ყაჩაღმა ეტლი, სხვები წავიდნენ წინ, გადმოიყვანა ეს ქალი, მეეტლეს უთხრა: — თქვენ წადითო. თვითონ წაიყვანა ქალი. ატარა, ატარა, შუა ტყეში რომ შეიყვანა, მოიხადა ყაჩაღმა ქუდი და უჩვენა ქალს მისგან ჩამოჭრილი ყური. ქალი გაკვირვებული დარჩა. ყაჩაღმა გაატიტულა მთლიანად ქალი და წამება დაუწყო. თვალები დასთხარა. უნდოდა დაეწვა, მაგრამ ცეცხლი ვერაფრით დაანთო. უთხრა ქალს:

— სანამ მე არ მოვიდე, ფეხი არსად გადგა, თორემ ცაში ახვალ ამოგყვები, წყალში ჩახვალ, ჩაგყვებიო. წავიდა ეს ყაჩაღი.

ქალმა დაიწყო ყვირალი. გზაზე მოდიოდნენ მწყემსები, მატყლით დატვირთული ურმებით. გაიგეს ქალის ყვირილი, შეაჩერეს ურმები, ამბობენ: აქ რა უნდა ქალს, ამ უღრან ტყეშია? რაღაც არ უნდა დაგვიჯდეს, ეს ქალი უნდა ვნახოთ, ვინ არისო. მივიდნენ, ნახეს. თვითონვე შეეშინდათ: ხედავენ, გატყავებული ქალია, თვალეზღათხრილი. შეეკითხნენ: — აქ რას აკეთებ, ქალო, ან ვინ მოგიყვანაო? ქალი წევვედრა: — აქედან წამიყვანეთო. წამოიყვანეს ეს ქალი მწყემსებმა. გადმოცალეს ერთი ურემი და შიგ ძირში ჩააწვინეს. მაღლიდან ისევ დააყარეს მატყლი და გაუდგნენ გზას. გააარეს ცოტაზე. ხედავენ, უკანიდან ვიღაცა უყვირის. დააყენეს ურმები. მივიდა ერთი კაცი და უთხრა: — ან ხომ არავის აუვლია, ან ხომ არავის ჩაუვლიაო? — მწყემსებმა უთხრეს: — არავინ გვინახავსო. — უცნობმა დაუარა ყველა ურემს და ხპლით დაუწყო სიანჯვა. როცა მავიდა იმ ურემთან, რომელშიც ქალი იწვა, მწყემსებმა ერთმანეთს შეხედეს და თქვეს: რომ იპოვნოს, გინდ სუყველანი დაგვხოცოს, არ დავანებოთო. მაგრამ ქალმა ისეთი მოთმინება იქონია, ხპალი ეჩხვლიტებოდა, მაგრამ არცა ტოკავდა და არცა ყვიროდა. უცნობი გაბრუნდა ისევ უკან.

დაიძრა ისევ ურმება. მოადგნენ ერთ წყაროს. მაშინ ურემი გამოუშვეს, დაწერეს წერილი და ზედ გააკრეს: ვინც აი ამ ურემსა ნახავს და შიგ რასაც ინახულებს, ვინც იპას მოარჩინს, ეს დატვირთული ქონება სულ იმისი იყოსო. ვნახოთ, ერთი ბებერი დედაკაცი გამოვიდა, შეხედა ამ ურემს, წაიკითხა ეს წერილი, გაუკვირდა: რა უნდა იყოს ისეთიო? დაუწყო მძიმე-მძიმედ ზიდვა მატყლს სახლში. რომ მიაღდა ამ ქალს ეს მოხუცი, თვითონვე შეფიქრიანდა. მიიყვანა სახლში და დაუწყო მკურნალობა. ქალს მალე დაეტყო მორჩენა, თვალებიც აებინლა. ისეთი ქალი გამოვიდა, რაც წინათ იყო, იმაზე უკეთესი. ყაჩაღი კი დადის და ეძებს, მაგრამ ვერსად ვერ მიაკვლია. ამ ქალის სათხოვნელად ბევრი ახალგაზრდა ვაჟკაცი მიდის, მაგრამ ეს ქალი არავის არათანხმდება. ერთმა ახალგაზრდამ შეაწუხა ძალიან და ქალმა უთხრა: — იმ პირობით გამოგყვები, თუ შენ ისეთ კოშკს ააგებ, სადაც ვერავინ ვერ ამოვაო. კიბე უნდა იყოს სულ აღმასებით დაგებულნი, აქეთ-იქიდან ორი ლომი ებასო. ბიჭი სიხარულით დათანხმდა.

გააკეთა ეს ყველაფერი, ქალიც გაჰყვა ცოლად. ამ ყაჩაღმა ბევრი ძებნის შემდეგ მიაკვლია. მოხუცთან მავიდა, უთხრა: — თუ სიცოცხლე გინდა, ან უნდა ის ქალი გამომიჩინო, ანდა თუ სადმე წავიდა, მითხრა სად წავიდაო. ადგა ეს მოხუცი და უთხრა: — მავან-

მავან ალაგას არის ერთი კოშკი, ამ კოშკში ცხოვრობენ ერთი ბიჭი და ის ქალიო. იქ მისვლა ყოველად შეუძლებელიაო. ეს ყაჩაღი და ადგა ამ მოხუცს, ისიც უნდა მასწავლო, როგორ მივიდეთ. ადგა მოხუცი და ასწავლა: უნდა გააკეთებინო რკინის ქოშები, ერთი ცხვარი გაატყაო, ნახევარი ფეშხვა ერთ მხარეს დაიჭირო, ნახევარი მეორე მხარეზე. რომ მიხვალ კიბესთან, იქ ორი ლომი აბია, ერთი ნახევარი ერთს გადაუგდე, მეორე, — მეორეს, და სწრაფად უნდა აირბინო ამ კიბეზე. გადაუხადა მადლობა ყაჩაღმა და წავიდა. გააკეთებინა რკინის ქოშები ცხვარიც დაკლა, გაატყავა, გამოშივნა და მივიდა კოშკთან. ერთი ფეშხვა ერთ ლომს გადაუგდო, მეორე — მეორეს და სწრაფად აირბინა კიბეზე. ბიჭს ქალის კალთაში ეძინა იმ დროს.

მავიდა ყაჩაღი, გაიარ-გამოიარა აივანზე, რომ დაინახა ქალმა, ძალიან შეფიქრიანდა. დაუქნია ხელი ამ ყაჩაღმა. ქალმა ისე დაადებინა დაბლა თავი, რომ ბიჭს არ გამოეღვიძა. გამოვიდა აივანზე. ყაჩაღმა უთხრა: — ხომ გითხარი, აქედან არსად წახვიდე, თორემ სადაც წახვალ თან გამოგყვები-თქო. ჩავიდეთ ახლა დაბლა. ქალმა უთხრა: — ხომ ვიცი უნდა მომკლა, შენ წინ იარე და მე უკან მოგყვება, რომ ლომებმა არ დაგგლიჯონო. გააშუალეს თუ არა კიბე, ჰკრა ქალმა ხელი, დაეცა ალმასებზე ეს ყაჩაღი და სულ ლუქმა-ლუქმად იქცა. ავიდა ქმართან და უთხრა: — მოვიშორეთ ჩვენი მტერი, ვისიც გვეშინოდა. ახლა როგორც გნებავს, ისე ვიცხოვროთო.

ზღაპარი ცხრა ყაჩაღისა

იყო და არა იყო რა, იყო ერთი ცოლ-ქმარი, ჰყავდათ ერთი ვაჟიშვილი.

როცა კაცი მოკვდა, ბიჭი ექვსი წლისა დარჩა. დააწვა სახლ-კარი დედაკაცს კისერზე. დაიწყო მძიმე მუშაობა: ზოგს ურეცხავდა, ზოგს უცხოზდა, ზოგს უმარგლიდა და იოლად მიდიოდნენ. ეგრე რომ თხუთმეტი წლისა გაუხდა ბიჭი. იმ წელიწადს შიმშილობა იყო და სუყველას თავისი თავი გასჭირვებოდა, აბა იმას ვილა ამუშავებდა. დედაკაცს გაუჭირდა შვილის შენახვა. ერთ დღეს დედამ გამოუცხადა თავის ვაჟიშვილს: — მე შენი შენახვა აღარ შემიძლია, ხომ ხედავ, სახლში აღარა გვაქვს რა, აღარც სამუშაოდ შეძახიანო. სახლ-

ში ერთი ლიტრა ცერცვი მაქვს, აიღე ხელში და დაიწყე კვინტა, წავიღეთ, ვიაროთ, სანამ ცერცვი გაგვითავდება, მეც მოგყვები, სადაც გაგვითავდება, თავს გაგანებებ, მე დავბრუნდები და შენ სათაეც გინდა წადიო. ეგრეც აასრულეს. წავიდნენ. იარეს, ბევრი იარეს, თუ ცოტა იარეს, გავიდნენ ერთ ტრიალ მინდორზე. როგორც კი ცერცვი გაუთავდათ, იმ ღროს ერთი ცხენიანი კაცი გამოჩნდა. დედაკაცმა დაუძახა: — დამძობას ცოტა ხანს დაითმინეო. მგზავრმაც დაუტალა და უთხრა: — მობრძანდი, რა გნებავს, დაო! დედაკაცმა უთხრა: — ეს ბიჭი ჩემი შვილია, ჩვენ სოფელში ძალიან შიმშილობა არის, გაგვიჭარდა ცხოვრება. ე ბიჭი შენთვის მიჩუქებია, რაც გინდა ის უყავიო. მგზავრმა მალე გადაუხადა. შემოსივა ცხენზე ბიჭი, დედაკაცს ათუჟნინაინი აჩუქა და გაუდგა თავის გზას. დედაკაცმა სახლში გამობრუნდა.

ამ კაცმა წაიყვანა ეს ბიჭი ერთ უღრან ტყეში. ატარა, ატარა და ერთ მთის ძირში გამოქვაბულში შეიყვანა. შიგ მისი რვა ამხანაგო დახვდათ. წამოხტნენ, მიეგებნენ და შეეკითხნენ: — ეს მშვენიერი ბიჭუნა როგორ გიშოვიო. ამ კაცმა უამბო როგორც იშოვა. გაუხარდათ. აქ იქნება ან კერძს მოგვიხარშავს, ან გამოჰკვის აქაურობასო. დასხდნენ და პური ჭავეს. როცა დალამდა შეკაზმეს ცხენებო, აისხეს იარალი და სადღაც წავიდნენ. ბიჭს უთხრეს: არ შეგეშინდეს, მალე მოვალთო. გათენებამ რომ მოატანა, მოვიდნენ და ბევრი ნადავლი მოიტანეს. დასხდნენ, კარგი ყაურმა გააკეთეს, ჭამეს, იქეფეს და დაიძინეს. თავი რომ არ მოგაწყინოთ, სულ მუდამ ღამე ასე მკრებოდნენ.

მიდიოდა დღეები, თვეები, მიდიოდა წლები და სულ ამ დღეში იყვნენ. ამასობაში ეს ბიჭი ოცი წლისა გახდა და ჭკუაში ჩავარდა. ამ ბიჭმა იფიქრა: „ჩემი უფროსებია უკულა რადა მუშაობენო. ჩვენში დღისითა მუშაობდნენ და ღამე იძინებდნენ, ესენი კი ღამე მუშაობენ, დღისითა სძინავთო, ერთხელ უნდა გავყვე მალვით, სად მიდიან, საიდან შოულობენ ამდენ ზინეთსაო“.

ეგრეც აასრულა. როცა წავიდნენ, გამოიყვანა ერთი ცხენი, შეკაზმა, იარალი აისხა, შეჭდა და გელიგეშად გაჰყვა. ნახა ერთ ალაგას ქარავანი იყო ჩამომდგარი, დაეცნენ, გაძარცვეს, აჰკიდეს ცხენებს და წამოიღეს. ამ ბიჭმა ყველაფერი დაინახა. გადახტა, წაართვა დავლა და ხელცარიელი გაუშვა. მერე გამობრუნდა და მოვიდა ბინაზე, ცხენი დააბა, იარალი თავის ალაგას დაჰკიდა, ცეცხლი დაანთო, ხორცი დადგა და დასასვენებლად წამოწვა. ვნახოთ, ცოტა ხანს შემდეგ ისინიც მოვიდნენ ცარიელები. დაღონებულები დაწვნენ და დაიძინ-

ნეს. დარდისგან პურიც არ ჰქაშეს. მეორე ღამესაც ეგრე უყო, მესამე ღამესაც. თავი რომ არ შეგაწყინოთ, ყველა მხრივ შეუტკრა გზა.

გადიოდა კვირეები, გადიოდა თვეები, წლები, არსაიდან შემოსავალი არა ჰქონდათ. თუ წინანდელი გააჩნდათ რამე, ჰყიდდნენ და სჭამდნენ. ერთხელ იმათმა მეთაურმა თქვა: — არაჲც ჩვენი ბიჭი იყოს, რაიმე საძნელო საქმეში უნდა გამოვცადოთო. ყველას მოეწონა უფროსის აზრი. — აბაო, უთხრა, თქვენ წადით მავან და მავან სასაფლაოზე, სამი სასაფლაო ამოთხარეთ, ეგრე რომ ერთი კაცი არხეინად დადგეს ფეხზეო, სარქველად ფიცრები შეკარით და დააფარეთ, შიგ ერთი ხელის ამოსაყოფი ამოუჭერით. მერე სამი კაცი შიგ ჩახვალთ, ფეხზე დადგებით, წააყვანთ ორ ცხვარს, ბრინჯს, კურკელს, ღვინოს, პურს და შეშას. საღამოზე ბიჭსაც თან წააყვანთ. დახოცავთ ცხვრებს, დაარჩევთ ბრინჯს, დაანთებინებთ ბიჭს (ეეცხლ). ბიჭი გკითხავთ: რას აკეთებთო? თქვენ უთხარით: აჲ ჩვენი სალოცავია, საღვთო დაკვალთ და უნდა ვიქეიფოთ-თქო. როცა ყველაფერი გაახერხოთ, ბიჭს მიეცით დარიგება ყველაფერი მოხარშოს. ხუთნი აჲ წამოხვალთ, სამნი ორმოებში დარჩებით, ხოლო ორმოებს ზემოდან მიწა ექნება წაყრილი თხლად, ვითომ სასაფლაო არის. შიგ რომელიც დარჩებით, ვარაუდს გასწევთ ფლავის მოხარშვისას, როცა იტყვიან, მოხარშული იქნებაო, იმ ღროისათვის ერთი თქვენგანი ხელს ამოჰყოფს და ეტყვის: ცოტა ფლავი მაჰამე-თქო. ახლა მეორე, ახლა მესამე და ამით ჩვენ გავიგებთ, რა გული ექნება. თუ არ შეეშინდა, მაშინ ჩვენი დამლუპველი ეგ იქნება. ეს ისე უნდა გაუკეთდეს, რომ აზრზე არ მოვიდესო. ეგრეც აასრულეს. როცა ყველაფერი დაამზადეს, ბიჭს ჩააბარეს და უთხრეს: — კარგად მოხარშე, უფროსი არ გაგვიჯავროო. სამნი წინასწარ ჩასულები იყვნენ, ბიჭმა ამაზე არაფერი იცოდა. მას ახალი სასაფლაო ეგონა. დანარჩენებო წამოვიდნენ და უთხრეს: — ამა და ამ ღროს სუყველანი შევგროვდებით და მოვალთო. ამ ბიჭმა აიფარა ფეშტამალი, აიღო ქაფქირი და ურევდა ხან ერთ ქვებს, ხან მეორეს. ამასობაში ღროც მოვიდა და კერძებიც გაშხადდა.

ამ ღროს ერთი სასაფლაოდან ამოყო ერთმა ხელი და უთხრა: — ცოტა ფლავი მაჰამეო. რომელი ქვაბიც გადმოვდგმული ჰქონდა, იქიდან ამოიღო ქაფქირით და ჩაუღო ხელში, ახლა მეორემ ამოყო ხელი და უთხრა: ცოტა ფლავი მაჰამეო. ამოუღო და იმასაც ჩაუღო ხელში. ახლა მესამემ ამოყო და იმანაც ფლავი სთხოვა. აიღო და ცხელი ქაფქირი ჩაარტყა ხელში და უთხრა: — თქვე მაძალღებო, აჲ სამი ათასი მკვდარი მაინც იქნება და ყველას რომ

თითო ქაფქირი ფლავი გაჰამოთ, ჩემი პატრონები რომ მოვლენ, იმათ რალა ვაჰამო. ცოტა ხნის მერე ისინიც მოვიდნენ. ბიჭს თავისი ვახშამი გაატანეს და გაისტუმრეს ბინაზე. ბიჭმა ჰკითხა. საჰნი რალა იჰნენო? უთხრეს: ბაზარში წავიდნენ ღვინოზე, სტუმრებიც უნდა მოვიდნენ და ვაითუ დაგეაკლდესო. ბიჭმა უთხრა: — ერთი რამე უნდა გაცინოთო. ამ მკვდრებმა შემაწუხეს, ის იჰიდან ამოყოფს ზელს, ცოტა ფლავი მაჰაჰეო, ის იჰიდან. ეს ოხრები ცოცხლები დაჰარხეს, თუ როგორ არი, ვერ გამიგიაო. იმათაც ბევრი იცინეს და გაისტუმრეს სახლში. მერე ამოიყვანეს თავიანთი ამხანაგები და იმათაც ისე უამბეს, როგორც ბიჭმა. ორმა ამხანაგმა თჰვა: — ჩვენ გვაჰამა. მხოლოდ მესამემ დამწვარი ხელი აჩვენა და უთხრა: — მე ცხელი ქაფქირი ჩამარტყა და მაგრადაც გამლანძღაო.

უფროსმა ყაჩაღმა ნეჰე იჰბინა. სწორედ ეგ იჰნება ჩვენი დამ-ღუჰველიო. ყველამ მომყვანს შეჰხედა ცუდი თვალით. იმან უთხრა: — მე რა ვიცოდი, თუ ასეთი გამოვიდოდაო. წამოვიდნენ შინისკენ და გზაში სულ იმასა ფიქრობდნენ, როგორ მოეშორებინათ თავიდან. მოკვლა არ უნდოდათ, აფსუსია ამისი უბრალოდ სიკვდრ-ლოო და გადაწყვიტეს, ისეთ ალაგას გაეგზავნათ, რომ იჰიდან ვეღარ დაბრუნებულოყო. უფროსმა თჰვა. — მე ჰოვიგონებ ტყუილად ავად-მყოფობას, თჰვენ მიწამლეთ, მანამდის ქალაჰიდანაც წაშალი მოიტა-ნეთ და ვითომ არა მეშველა რა. მერე გეტყვით: სიზმარი ვნახე, უკვდა-ეების წყალს თუ მომიტანთ და დავლევ, მოვრჩები, თუ არადა არა-მეთჰი. ის წყარო არის ძნელი მოაატანი: ორი კლდე არის ერთმან-ნეთზე მიბჰენილი, ერთ წუთში გაახსნება და დაიკეტება. იმას ისეთი მარდი ადამიანი უნდა, რომ სანამ დაიკეტება გადაასწროს, თორემ შიგ მოეტანება და გაიჰყლიტება. მეორეც ესა, იმ წყაროს ერთი ქა-ლი ჰყავს ღაპატრონებული, იჰიდან ცოცხალს არ გამოუშვებს. მე ამ სიზმარს საერთოდ ვიტყვი და გეტყვით: აბა ახლა გამოგცდით, ვინ წავა და ვინ არ დაზოგავს ჩემთვის თავს-მეთჰი, ვნახოთ ერთი ჩვენი ბიჰუნა რას იტყვის. ეგრეც მოიჰცნენ. გახდა ტყუილად ავად, შინაური წამლები ასვეს, უფრო შემძიმდა, ქალაჰიდან მოუტახეს, უფრო შემძიმდა. მერე დაუძახა სუყველა ამხანაგს, იმ ბიჰსაც და-უძახა და დაიწყო სიზმრის თჰვა. ჯერ არც კი დაემთავრებინა, რამ ბიჰი წამოხტა და უთხრა: — თუკი რამე მართლა გარგებს, ამ საათ-ში წავალ და მოგიტანო. რალა თჰმა უნდა, განგებ უარს ეუბნე-ბოდნენ, მაგრამ ბიჰი გაიძახოდა: თუკი ჩემი პატრონი იმით მორჩე-ბა, სასიკვდილოდაც არ დაზოგავ თავსაო. შეიბრინა თავლაში, თავის საჭდომი ცხენი შეკაზმა, ერთი წყლის ჰურჰელი წაიღო, შეჰდა ცხენზე და გაფრინდა.

მიადგა ერთ კლდეს, რომელიც წუთში იხსნებოდა და იხურებოდა. გადმოხტა ცხენიდან, ცხენი დააბა და თვითონ კლდესთან მივიდა, რაწამს გაიხსნა, გადაფრინდა და სურაც თან გადიეოლა, როცა იქით გადავიდა, მოიხედა და კლდე დაკეტილი იყო. გაიარა ერთი ჯურღმული და ვნახოთ გამოჩნდა სინათლე. დაინახა, რომ ციცაბო კლდიდან გადმოჩხრიკალებს უკვდავების წყარო. აავსო სურა წყლით და გამობრუნდა. შუა ჯურღმულში რომ მოვიდა, ნახა, რაღაცა წივის, ქალის ხმასა ჰგავს. ცოტა ახლოს რომ მივიდა, ნახა ზევიდან ქალი ჰკიდია თმებით და იხვეწება: — ვინა ხართ ქრისტიანი, ჩამომხსენითო. ბიჭმა წყლის სურა განზე გადადგა და უთხრა: მხრებზე და მადგი ფეხები, მალა აგწევ, შეიხსენ და განთავისუფლდებიო. ახლოს რომ მივიდა, ქალმა წიხლები ჩასცა და უთხრა: როგორ თუ ჩემი წყარო აავეს და მიგაქვსო? ბიჭმა იფიქრა, ეს ხომ აღარა ხუპრობსო. სტაცა ფეხებში ხელი და ჩამოგლიჯა, დაანარცხა დედამიწაზე და დააჭირა წიხლი. რომ ვთქვათ, ქალიც ყოჩალი იყო, მაგრამ ველარა გააწყო რა, გაუძვრა ხელიდან და გაფრინდა, მხოლოდ ერთი ქოში დარჩა ბიჭს ხელში.

ადგა ბიჭი, ქოში ჯიბეში ჩაიდო, აიღო სურა და თავის გზას გაუდგა. მოვიდა ყაჩაღებთან და მოიტანა წყალი, იქაური ამბავიც უამბო და ქოშიც ამოიღო და აჩვენა. ახლა კი დარწმუნდნენ, რომ ესა ყოფილა ამათი დამღუპავი. ამასობაში რაცა ჰქონდათ ნაშოვნი სულ გაუთავდათ, პურის ფულიც აღარა ჰქონდათ. ბიჭს უთხრეს: — წადი ქალაქში, ქოში გაყიდე, პური იყიდე და წამოიღეო. წავიდა ბიჭი, წაიღო ქოში, მაგრამ სადაც მიიტანა, ყველგან უარი უთხრეს, მაგის ფასი ვინ მოგვცაო. ბოლოს გამოჩნდა ერთი ვაჭარი და დაიჩემა, ეგ ქოში ჩემიაო და მეფესთან უჩივლა. მეფემ ქოში ვაჭარს აკუთვნა, რადგან იფიქრა, ამ ბიჭს ასეთ ძვირფას ქოშს ვინ მისცემდაო. ბიჭმა უთხრა: — მე ცხრა უფროსი მყავს, ცხრავეს აქ მოგიყვანთ და მომეციოთ სამი წლის ვადა, თუ მაგ ქოშის ცალი მოგიტანოთ, ხომ მართალი ვიქნები და უფროსები გამინთავისუფლეთ და თუ არ მოვიდე, რაც გინდათ ის უყავითო.

წავიდა, მივიდა უფროსებთან, უამბო ეს ამბავი და უთხრა: — თქვენ უნდა წავიყვანოთ და არ შეგეშინდეთ, მე შექველად მოვალო. ამათ კიდევ გაუხარდათ: — მშვივრები ვიხოცებით, პურს ხომ გვაქმევენო. ადგა და მიუყვანა ესენი, ჩაიდო ქოში ჯიბეში და წავიდა. იარა, იარა, ბევრი იარა, თუ ცოტა იარა, მიადგა ერთ ზღვას, ნახა გემი გამზადებული დგას და არ მიდის. მივიდა ბიჭი მგზავრებთან და ჰკითხა: — რატომ არ მიდისართო? მგზავრებმა უპასუ-

ნეს: — გემის უფროსსა ჰკითხეო. მივიდა გემის უფროსთან და ახლა იმასა ჰკითხა. უფროსმა უპასუხა: — შუა ზღვაში რომ შევღავართ, ზევიდან რაღაც ჩამოდის, როგორც მეხი ისე დაეცემა ხოლმე ბაქანს, დალუპავს ყველას, ჩამოდის დაბლა, რაც ძვირფასი რამეა, მიაქვს, მიდისო. ახლა მე სულ ვაქარი ხალხი მიმყავს, ვერც ამათ გაუბედავთ წასვლა და ვერც მეო ბიჭმა უთხრა: ნუ გეშინათ, მე ამაღამ მაღლა ბაქანზე დავდგები და თუ რამე მოხდება, პირველად ჩემზე მოხდება. სანამ მე იმასთან ვიბრძოლებ, მანამდე თქვენ გემი არ დააყენოთ და ადგილზეც მივალთო. შეგულიანდნენ ყველანი, ერთმანეთი გაამხნევეს, ახსენეს ღმერთი, აუშვეს გემი და გაუდგნენ გზას. შუა ზღვაში რომ შევიდნენ, ზევიდან რაღაც წამოვიდა წკრტიალით. ბიჭი მაშინვე მაღლა ავიარდა, უფროსს უთხრა, გემი არ გააჩერო და ხმელეთისაკენ მიაშურეო.

შეიქნა გემზე წივილ-კივილი. მაღლიდან მომავალმა რომ დაინახა ბაქანზე ვიღაც არისო, გაჯავრდა და სულ პირიდან ცეცხლსა ჰყრიდა. ვნახოთ, პირდაპირ ბიჭისაკენ მიატანა და ერთი წიხლის დარტყმით გაწყალეხას უპირებდა და მაღლიდანვე დასძახა: — ვინა ხარ, რა სულიერი ხარ, რომ მანღ დამიდექიო? ბიჭმა უთხრა: ნუ ფიცხოვ, აქ მობრძანდიო. ახლოს რომ მივიდა, წიხლის დაცემას უპირებდა, მაგრამ ბიჭმა დროზე სტაცა ხელი ფეხებში და დაანარცხა ბაქანზე, დააჭირა მუხლი და უთხრა: — შე თმასკევეცო, ეგრეებსა შვრები, რომ შენი შიშით გემი ზღვაში ვეღარ გადისო, ან წუთში ზღვაში გადაგადებო. ქალიც არ იყო მხდალი და ეცადა თავის განთავისუფლებას. გამოუძვრა ხელიდან, გაფრინდა და წავიდა წკრტიალით, ხოლო იმ კიდილში ხელიდან ბეჭედი წასძრომონდა და ბიჭს ხელში დარჩა. დაბლა რომ ჩავიდა, ხალხი შემოეხვია და აღარ იცოდნენ, როგორ გადაეხადნათ სიკეთე. როცა ბიჭმა ბეჭედი აჩვენა, ვაჭრებმა თქვეს, ერთი ქალაქის ფასიაო. ვაჭრებმა უთხრეს: ამოდენა ზინეთი ახლა შენია, წამოდი ჩვენთან, შენ ჩვენი უფროსი იყავ და ჩვენ შენი ხელქვეითები ვაქნებითო, როგორც გინდა ისე მოგვიხმარეო. ბიჭმა უთხრა: მე თქვენი არაფერი არ მინდა, მხოლოდ ერთი ქოში მაქვს და იმისი ცალი თუ ვისმე გეშოვებათ, ის მომეცით, ამის გულისთვის ცხრა კაცია დაქვრილიო. ამოიღო ჯიბიდან ქოში და აჩვენა. ვაჭრებმა რომ ეს ქოში დაინახეს, ერთმანეთს შეჰხედეს და თქვეს: — ჩვენ არც გვინახავს ასეთი ქოში, არც იქნება და არც მაგას ფასი დაედებო, რაც ჩვენ სუყველას საქონელი გვაქვს, სამი იმდენი მაინც ეღირებაო.

სამშვიდობოზე რომ გავიდნენ, ბიჭი გამოემშვიდობა და წავიდა.

სანამ წავიდოდა, ვაჭრებმა ჯიბეები სულ ოქროებით აუვსეს, იქნებ დაგვირდესო. შეაჯდა თავის ცხენს და გაფრინდა, საითაც გუნებაჰ გაუწია. ბევრი იარა, თუ ცოტა იარა, მიადგა ერთი ბებრის სახლს, დაუძახა და უთხრა: — თუ შეიძლება ამალამ გამათენებინო. დედაბერმა უპასუხა: — მობრძანდი, მაგრამ პატიოსანი ბიჭი ჩანხარ და შენი საკადრისი არც საკმელი მაქვს და არც ლოგინიო. ბიჭმა უთხრა: ოღონდ გარეთ ნუ დავრჩები და ყველაფერს მე ვიშოვნო. დედაბერმა მიიბატო: მაშ მობრძანდიო. ბიჭმა ცხენი დაბა და სახლში შევიდა. შინ რომ შევიდა, ერთი ოცი წლის ბიჭი დაუხვდა, ძალიან ღარიბულად ჩაცმული და სახლიც ღარიბულად იყო მოწყობილი. ცოტა ხანს რომ დაისვენა, უთხრა: როგორც აქაურები, ბაზარში გამომყევით და გიყიდით ყველაფერსო.

წყაყა დედა-შვილი ბაზარში და უყიდა ორ-ორი ხელი კარგი ტანისამოსი და სამი ხელი ლოგინი, სასმელ-საკმელი და ორი ჩაფი კარგი შავი ღვინო. წაიღეს სახლში ყველაფერი, გაამზადეს სუფრა, დასხდნენ და დაიწყეს ქეიფი. კარგა რომ შექეიფდნენ, დაწვნენ და დაიძინეს. შუალამე რომ შეიქმნა, გზირმა დაიძახა: ამაღამ შენ შვილს შეხვდა რიგი და წავიდესო. დედაბერმა დაიწყო ტირილი ხმამალა და წაიშინა თავში და მოთქვამდა: ვაიმე, შვილო, ვაიმეო ბიჭს გაუკვირდა და დაუწყო დედაბერს კითხვა, მაგრამ დედაბერმა მანამ გული არ მოიჭრა, ხმა არ გასცა. ბოლოს უამბო: — ჩვენ ხელმწიფეს ერთი ვაჟაშვილი მოუკვდა, ორი კვირა იქნება რაც დამარხა. იმ დამიდან ყოველ დამე ერთი მცველი ადგა თავს. ხოლო მეორე დღეს მცველი მკვდარია, და ვერ გაუგიათ, ვინა ხოცავსო. ამაღამ ჩემ შვილს შეხვდარია რიგი და ვიცი, მოკლავსო. ბიჭმა იფაქრა: ეგ ხომ ჩემი საქმეაო და დედაბერს უთხრა: — მაშ კარგი, დედი, ამაღამ ჰე წავალ და მე მომკლასო. დედაბერმა ცეცხლი მოიკიდა: — როგორ შეიძლება შენი წასვლა, შენ სტუმარი ხარ, შენი რა ბრალიაო. თუ არა და ხვალე ჩემი შვილი რომ ცოცხალი იქნება, ხელმწიფე ამბავს იკითხავს და აბა რა უნდა ვუთხრაო. სულ ერთია მაინც ხელმწიფე მომიკლავს და შენი ცოდვა რაღაზე დავიდოთო. ბიჭმა უთხრა: — ჯერ ერთი, მე იმედი მაქვს, რომ ვერ მომკლავს და თუ მეც მომკლა, მაშინ ადგეს შენი შვილი, წავიდეს საითმე და თავი შეაფაროსო.

დედაბერი დიდ უარზე იყო, მაგრამ ბიჭმა აჯობა. წაჰყვა იგი ხელმწიფის შვილის სასაფლაოზე. აჩვენა და დაბრუნდა სახლში. ეს ბიჭი სასაფლაოებში დაიმალა. შუალამე რომ გახდა, მალლიდან რაღაც წამოვიდა წკრტიალით, სწორედ იმ სასაფლაოზე ჩამოვიდა და რომ

ვერაინ დაინახა, გადაჰკრა მათრახი, სასაფლაო შუაზე გაიყო, ამო-
ლო კუბო და ამოიყვანა მკვდარი. გადაჰკრა მათრახი და მკვდარი
გაცოცხლდა. გადაეხვივნენ და კოცნა დაუწყეს ერთმანეთს. მერე
დასხდნენ საფლავის ქვაზე და დაიწყეს ალერსი. ღიღხანს იალერსეს
და გათენებამ კიდეც მოატანა. წამოდგა ქალი, გადაჰკრა ყმაწვილს.
მათრახი და ისევ მოკლა. ჩააწვინა საპარეში, გადაჰკრა საფლავს
მათრახი და მიწაც შეაერთა. რომ გაემზადა გასაფრენად, კიდეც ეცა
ბიჭი. მოიგლო ბეჭზე, დაანარცხა დედამიწაზე და უთხრა: — რას
შვრები, შე თმასკვეცო.

ქალი ცდილობდა გაშვებოდა და გაეშვა, მხოლოდ მათრახი ბიჭს
ხელში დარჩა. ბიჭმა უკვე იცოდა მათრახის ხმარება და რანაირადაც
ქალმა გააცოცხლა, ბიჭმაც ისე გააკეთა. წამოდგა ხელმწიფის შვილი
და ნახა, რომ ქალის მაგივრად შევარდენივით ბიჭი იდგა იმის წინ.
გაუევირდა და ჰკითხა: — შენ ვინა ხარო? ბიჭმა უთხრა: — შინ
წავიდეთ და ყველაფერს იქ გეტყვიო. წავიდნენ დედაბრის
სახლში. ვნახოთ, ესენიც გარეთ იდგნენ და გზას გაჰყურებდნენ, რომ
დაინახეს ორნი მოვიდნენ და ხელმწიფის შვილი იცნეს, კინაღამ
სიხარულათ გული შეუღონდათ. ახლოს რომ მივიდნენ, მიესალმნენ
ერთმანეთს. ბიჭმა უთხრა დედაბერს: — დედი, აბაერთი საუბრე გა-
გვიშალე და გვაქამეო. ისაუბრეს და კიდეც გათენდა. ახლა ბიჭმა
უთხრა დედაბერს: — წაჰგვარე ხელმწიფეს თავისი შვილიო. დე-
დაბერმა უთხრა: — შენ უნდა წამოხვიდე, რადგან შენ გადაარჩინეო.
ბიჭმა თქვა: თქვენ წადით და თუ ხელმწიფეს უნდა, თვითონ დამაბა-
რებო. წავიდნენ და სანამ მივიდოდნენ, ათასი მახარობელი მისუ-
ლყო ხელმწიფესთან. შევხედოთ, ხელმწიფე და დედოფალი შუა-
გზაზე ფეხით მორბიან, რომ დაინახეს თავიანთი შვილი, ორივეს გუ-
ლები შეუღონდათ. როცა გონზე მოვიდნენ, კოცნა დაუწყეს, ხან
შვილს, ხან ბებერს და ხან ბებრის შვილს, აღარ იცოდნენ. რაღა
უნდა ექნათ. ბოლოს დედაბრის შვილსა ჰკითხეს: ეს სასწაული რო-
გორ მოხდაო? ბიჭმა უთხრა: — მე არაფერი არ ვიცი, ჩვენსა ერთი
სტუმარია, იმან იცის ყველაფერიო, იმან გაგიცოცხლა შვილიო.
მაშინვე ეტლი მოითხოვეს და წავიდნენ იმ ბიჭის მოსაყვანად.

მივიდნენ, ჩაისვეს ეტლში და წამოიყვანეს. მოიყვანეს სახლში და
გაუმართეს დიდი მეჭლისი, ვერე, რომ მთელი თავისი სახელმწიფო
იქ იყო. როცა ბიჭმა უამბო ყველაფერი, მაშინ ხელმწიფემ უთხრა: —
შენ იქნები ჩემი უფროსი შვილი და ჩემს შემდეგ შენ იქნები ხელ-
მწიფეო. გაუხარდა ხალხს და ტაში დაჰკრეს, მაგრამ ბიჭმა განა-
ცხადა: მე აქ ხელმწიფობისთვის არ მოვსულვარო. ამოიღო ჯიბი-

დან ქოში და უთხრა: — ერთი ამისთანა ქოში მინდა, ამის გულისთვის ცხრა ამხანაგი მყავს დაჭერილიო. ხელმწიფემ მაშინვე ვაჭრებს დაუძახა და უთხრა: — სადაც იყოს და არ იყოს ამისთანა ქოში იშოვნეთო. ვაჭრებმა რომ ის ქოში ნახეს, სულ პირჯვარი იწერეს და ხელმწიფეს უთხრეს: — ხელმწიფეო! ამნაირი ქოში არც იქნება და არც ყოფილაო, და თუ საწყენად არ მიიღებ, მთელი ქალაქის ფასი ღირსო. ბიჭმა უთხრა: — მამ ჩემი აქ გაჩერება არ შეიძლება, უნდა ახლავე წავიდეო. წამოვიდა დედაბრის სახლში, შეჯდა თავის ცხენზე და გაფრინდა.

ბევრი იარა, თუ ცოტა იარა, გავიდა ერთ ტრიალ მინდორზე. ნახა, რომ ერთ ალაგას მიწას ფიცარი აფარია. გადმოხტა ცხენიდან და დაიწყო თვალიერება. ბოლოს თქვა: აქ რამე საქმე იქნებაო. ახანდა ფიცარი, ნახა, რომ შიგ კიბე იყო დახვეული. დაიწყო შიგ ჩასვლა. დაასრულა შიგ ჩასვლა კიბეზე და მიადგა ჯურღმულს, რომელიც სწორედ მიდიოდა. გაიარა ჯურღმული და გამოჩნდა ბაღი, ბაღში ერთი ორსართულიანი კოშკი იდგა, იმ კოშკის კიბეზე ავიდა, ოთახის კარები ღია დაუხვდა და შიგ შევიდა. ნახა, სუფრა გაშლილია სამი ადამიანისთვის. ბიჭმა იფიქრა, ეს უპატრონო არ იქნება, მოდი, დავიმალეები, ვნახოთ რა იქნებაო. ერთი საათის შემდეგ სამი ქალი მოვიდა და შემოუსხდნენ სუფრას. თურმე ეს ქალები სამნი დანი ყოფილან. კარგა ხანია ერთმანეთი აღარ უნახავთ და დღეს შეხვედრიან ერთმანეთს.

ასე რომ დარდიანადაც იყვნენ და მშვივრებიც და ამიტომ მშვიერი მგლებივით დაიწყეს ჭამა. მერე დაისხა უფროსმა დამ ღვინო და თქვა: — ღმერთმა აღდგერძელოს ის ბიჭი, რომელიც ამ ერთი თვის წინ ჩემ დაპატრონებულ უკვდავების წყაროზე უშიშრად მოვიდა, აავსო სურა და წავიდა. მე გზაზე დავუხვდი, უნდა წიხლით გამეჭექეყა, მაგრამ ვერას გავხდიო, ძლივს გამოვუსხლტი ხელიდან და გამოვფრინდიო, მხოლოდ ერთი ქოში დამრჩა იქაო. ყველამ დალია სადღეგრძელო.

ახლა შუათანამ აიღო ჭიქა და თქვა: გაუმარჯოს იმ ბიჭს, რომელიც ამ ორი კვირის წინათ ზღვაზე გემის გატარების დროს დამხვდა უშიშრად, ძალიან გამაბრახა, რომ აბა რაღა გითხრათ, მე ვთქვი დავეცემი და ერთი წიხლის დარტყმით გავანიორწყლებ-მეთქი, მაგრამ ჩემს დაკვილზე წარბიც არ შეიხარა. როგორც მიველ ახლოს, მტაცა ფეხში ხელი, გამიგლო ბეჭზე და ბაქანზე დამანარცხა. ძლივს გამოვუსხლტი ხელიდან და გამოვფრინდი, ხოლო ბეჭედი იმას დარჩაო. ყველამ დაისხა და დალია სადღეგრძელო.

ახლა პატარა დამ თქვა:—დამისხით, ერთიც მე უნდა ვთქვაო. გაუმარჯოს იმ ბიქსს, რომელიც ამ ერთი კვირის წინ სასაფლაოზე დამიხვედა, სადაც ჩემი შეყვარებული ხელმწიფის შვილი იყო დამარხული. ერთი სიტყვით, ყოველდამე მივდიოდი სასაფლაოზე, მცველებს ვხოცავდი, ხელმწიფის შვილს მათრახით ვაცოცხლებდი და იმასთან დროს ვატარებდი. გათენებვისას ისევე ვკლავდი და მოვდიოდი, მაგრამ იმ დამეს რომ მივედი, მცველი არ დამხვდა. ჩვეულებრივად გადავჯარ მათრახი, გავაცოცხლე, ამოვიყვანე, ვიალერსეთ და გათენებისას მოვკალ და ჩავასვენე. როდესაც წამოსვლას ვაპირებდი, იმ დროს ერთი ბიჭი გამოვარდა. მომხვია ხელი და მიწაზე ისე დამონარცხა, რომ კინალამ სული გამძვრა. ძლივს გამოვეუსხლტი ხელიდან და გამოვფრინდი, ხოლო მათრახი იქ დამრჩაო. მაშინ გამოვიდა ბიჭი და უთხრა: — ერთი ჭიქაც მე დამისხით სამადლობელი დაელოო. ამოიღო იმათი ნივთები და დაურთა: ეს შენი ქოში, ეს შენი ბეჭედი და ესეც შენი მათრახიო.

შეხედეს და გაუკვირდათ, არ იცოდნენ სიზმარი იყო თუ ცხადი. ბოლოს გადაეხვივნენ და კოცნა დაუწყეს და სამივემ დამძობა უთხრეს. ბოლოს დიდმა დამ გასცა ბრძანება: ერთი სულსათვის გაშალეთ ყველაფერიო. ვნახოთ, იშლება ყველაფერი, მაგრამ მომტანი კი არავინა ჩანს. გაუკვირდა ბიქსს, მაგრამ არაფერი არ იკითხა: შუა ქეიფში რომ შევიდნენ, ბიქსა კითხვა: — შენ უსაქმოლ არ იქნება, რად მოხვედიო? ბიქსმა უამბო თავისი თავგადასავალი. მერე წაიყვანეს ერთ ოთახში და აჩვენეს ერთი დიდი ხროვა იმისთანა ქოშებისა, როგორც იმ ბიქსა ჰქონდა და უთხრეს: ორ ხურჩინის თვალს აგივსებთ, გაგატანთ და არ ეყოფათ? ბიქსმა რომ ეს ნახა, იმ წუთას უთხრა: — ახლავე უნდა წავიდე და ჩემი ამხანაგები გამოვიხსნაო. დებმა უთხრეს: — ნუ გეჩქარება, იმისთანა რამეს მოგცემთ, ორი წლის სავალს ორ დღეში გაგარბენინებსო. — ცხენი მეც კარგი მყავს, მალლა ბალახზე მყავს მიშვებულო. გაეცინათ დებს და თქვეს: მალლა რომ ცხენი იყო, ამისი ყოფილო და გულიანად იციანეს. ეგრე, რომ ორ დღეს მაინც არ გამოუშვეს და ორი დღის მერე კი შეკაზმეს რაში; ერთი სავე ხურჩინი ქოში აუკიდეს რაშს და გამოისტუმრეს. წასვლის დროს უთხრეს: — როგორც კი გაანთავისუფლო შენი ამხანაგები, მაშინვე ჩვენსკენ გამოეშურეო, თორემ დარდით დაეიხოცებით და თანაც ჩვენი ბავშვობის მერე რაც თავგადასავალი გვაქვს, უნდა გიამბოთო. ჩვენ შენს მეტი პატრონი არავინა გყავსო.

შეჭდა ბიჭი რაშზე და გაფრინდა. მართლაც, ორ დღეში იმ ქა

ლაქში გაჩნდა. მივიდა ხელმწიფესთან, წამოყარა ხურჩინის თვლებიდან ქოშები და უთხრა: — დაიბარე ის ვაჭარი მოვიდეს, ნახოს, რომელი ერთი დაკარგაო. ვაჭარი რომ მოიყვანეს და დაინახა ქოშები, გული შეუღონდა, მაგრამ, აბა რაღას იზამდა. ამოჰკრეს პანლური და გააგდეს, ამ ბიჭის ამხანაგები კი გამოუშვეს. ბიჭმა ერთი წყვილი ქოში აჩუქა ხელმწიფეს და წამოიყვანა თავისი ამხანაგები.

ბევრი იარეს თუ ცოტა იარეს, მოვიდნენ თავიანთ გვირაბში. ბიჭმა უთხრა: ჩემ მოსვლამდე ფეხი არ მოიცივალოთო. ფული ბევრი დაუტოვა, არაფერი მოიკლოთ სულ იქეიფეთო. ნუ გეშინიათ, ფულს კიდევ ბევრს მოვიტანო. ქოშებიც იქ დაყარა, შეჯდა რაშზე და წავიდა. ორმოსთან რომ მივიდა, ის ქალები მალღა დაუხვდნენ და ელოდებოდნენ. ბიჭის დანახვაზე ისეთი კვიცილი ასტეხეს, რომ ამათი ხმა ზეცასა წვდებოდა. ჩავიდნენ ქაში და კოშკში მივიდნენ. მისვლისთანავე უფროსმა დამ ბრძანება გასცა და უჩინარმა მოსამსახურეებმა სუფრა გაშალეს. სუფრას რომ შემოუხსდნენ, ბიჭმა უთხრა, აბა ახლა თქვენი ამბავი დაწვრილებით მითხარითო.

უფროსმა დამ დაიწყო ტირილი და როცა ტირილით გული მოიჭრა, დაიწყო: ჩვენ სამნი დანი ვართ, დედ-მამა რომ დაგვეხოცა, პატარები დავრჩით და გადავიქეციოთ ქუჩა-ქუჩა მაწანწალებად. ერთ დღეს ტყეში დავდიოდით და შეინდსა და ზღმარტლს ვეძებოთ შიმშილის მოსაკლავად. ამ დროს შეგვხვდნენ რაღაცა ალქაჯები, დაგვიპირეს და წავგვასხეს სადღაც უღრან ხევში. ხუთი წელიწადი იმათ ხელში დავრჩით, გვასწავლიდნენ ალქაჯობას, ფრენას. თავი რომ არ შეგაწყინოთ, რაც იცოდნენ ყველაფერი გვასწავლეს. მერე რახან ფრენა ვისწავლეთ, გამოვიპარენით და მოვედით ამ ალაგას. ეს მიწა ჩვენ ჩვენი ხელით გავთხარეთ და გავაკეთეთ კოშკიც. მერე დავიწყეთ სიარული და მგზავრების ხოცვა. ნაძარცვითა ვცხოვრობდით. ბოლოს მე იმ წყაროს დავეპატრონე. ვინც შემოვიდოდა ვკლავდი და თუ ჰქონდა რაჟე, ვცარცვავდი და მომქონდა ამ საიდუმლო კოშკში. საშუალო და ზღვაზე ნადირობდა, უმცროს დას მათრახი ჰქონდა და იმითი ვისაც უნდოდა, ჰკლავდა და ვისაც უნდოდა, აცოცხლებდა. ეგრე ვცხოვრობდით და ამასობაში შეგვიგროვდა აუარებელი ღოვლათი, დაასრულა თავისი ამბავი უფროსმა დამ.

წამოდგნენ სუფრიდან და წაიყვანეს ბიჭი ოთახების დასათვალიერებლად. დაატარეს სამი ოთახი და უჩვენეს აუარებელი სიმდიდრე და თან დასძინეს: — ოხრად დარჩეს, რათ გვინდა ამოდენა თვალმარგალიტი, ჩვენ ხალხში გასასვლელელები ირა ვართო და ახლა შენ იცი, თუ გვიპატრონებო. ჩვენ შენს მეტი პატრონი არა გყავს და

როგორც გინდა, ისე მოუარე ამ ქონებასაო. მაშინ ბიჭმა უთხრა: — მე წავალ აქლემებს დავიჭირავებ, ავკიდოთ და წავიღოთ ჩვენს სოფელშიო. იქ დედა მყავს, არ ვიცი, კიდევ იქნება ცოცხალი თუ არაო, არც იმან იცის ჩემი არაფერი, ცოცხალი ვარ თუ არა, გზად გავიაროთ იმ ხელმწიფესთან, რომლის შვილიც ამ ჩვენს პატარა დას უყვარს, დაწეროთ ჭვარი, ქორწილი ვკამოთ. გავუაროთ ჩემს უფროსებს, იმათაც თავიანთ გზას მივცემ და იქედან კი ჩემს სოფელში წავიდეთ, ჩემს მოხუცებულ დედას გავახარებო.

ქალებმა მოუწონეს აზრი და უთხრეს, როგორცა სჯობდეს, ისე მოიქეციო. წამოვიდა ბიჭი, დაიჭირავე ათი აქლემი და მოიყვანა ჭასთან. აზიდეს ზევით ზინეთი და აპკიდეს აქლემებს. მეაქლემეებს უთხრეს: მავან და მავან ქალაქში ხელმწიფესთან მიიტანოთ. თვითონ შესხდნენ რაშებზე და ხელმწიფისაკენ გაქუსლეს. რაწამს მოვიდნენ, ხელმწიფეს ძალიან გაუხარდა და მეჭლისის გადახდა დააპურა, მაგრამ ბიჭმა უთხრა: — აბა, ამალამვე ქორწილი უნდა გავაპლოთო. თქვენ შვილს და ამ ჩემს პატარა დობილს ერთმანეთი ჰყვარებიან და ჭვარი უნდა გადაწეროთო. ხელმწიფეს ძალიან გაუხარდა და გასცა ბრძანება: — აბა, ახლავე დახოცეთ ძროხები, ცხვრები და გაამზადეთ ქორწილიო. აფრინა კაცი თავის საბრძანებელში და ვინც უნდოდა სახელდახელოდ დაპატრეა და იმ ღამესვე ქორწილი გადაიხადეს. მეორე დღეს აქლემებიც მოვიდნენ და ზინეთიც მიიღეს უკლებლივ. ორი კვირა სუფრააულებლივ იქეიფეს, შემდეგ ხელმწიფემ თავის ურმებით გაუგზავნა სუყველაფერი ბიჭის დედას და თან ბიჭმა წერილიც გაატანა: ეს ზინეთი მიიღე და მეც მალე მოვალო. ქეიფი და ნადიმი რომ მოსწყინდათ, ბიჭმა გამოუცხადა: — ნებას ვითხოვთ ჩვენ ჩვენ გზაზე გავვიშვათო. ხელმწიფე უარზე იდგა, მაგრამ ბოლოს დათანხმდა და გაისტუმრა დიდი ამალით და თვითონაც გამოაცილა დიდ მანძილზე. წაწვიდა ბიჭი თავისი ორი დობილით და მოვიდა თავის ამხანაგებთან. ამათ რომ ეს ბიჭი ნახეს, ხიხარულით ცას დაეწინენ. ბიჭმა უთხრა: — რაკი კარგად დამიხვდით, მე მეტი არაფერი არ მინდაო. მისცა აუარებელი. საცხოვრებელი და უთხრა: ეს თქვენ იმდენ ხანს გეყოფათ, სანამ იცოცხლებთ და იმნაირ საქმეზე კი აღარ იაროთო. ყველანი თქვენ თქვენ გზაზე წადით და რომ გავიჭირდეთ, მე მომაკითხეთ და გიშველითო. გამოემშვიდობა და წამოვიდნენ.

ბევრი იარეს თუ ცოტა იარეს, მოვიდნენ ბიჭის სოფელში. ამა-სობაში, დედასაც ვაეგო, წინ შეეგება და გადააკონა თავისი შვილი და თან პატრება სთხოვა, რომ გაჭირებების დროს სახლიდან გაგაგდე, შენ კი ისეთი კაცი გამოსულხარ, რომ დედა არ დაგვიწყებიაო.

ბოლოს ამ ბიჭმა სოფლად ცხოვრება აღარ ინდომა და ქალაქში იყიდა სახლ-კარი, იქ გადასახლდა თავისი დედიტა და დობილებით. ბოლოს დები დაათხოვა, თვითონაც დაქორწილდა და ცხოვრობდნენ ტკბილად და პატიოსნად. იმ ხელმწიფესაც არ ივიწყებდნენ და მის-დევ-მოსდევდნენ ერთმანეთს და დედასაც კარგად ინახავდა.

ჭირი იქა, ლხინი აქა,
ქათო იქა, ფქვილი აქა.

თერთმეტი ძმა

ამ რამდენიმე ასეული წლის წინათ იყო ერთი მეფე, რომელიც მეტად ჭიუტი ხასიათის იყო, ამაყი. არავის იბრალებდა და მთელი მოსახლეობა შეწუხებული ჰყავდა, იმათ გარდა, ვინც დღე და ღამე მის ქება-დიდებაში იყო. ამ მეფეს ხალხმა მეტსახელად ჯოჯოხეთა დაარქვა.

ამ სახელმწიფოში ცხოვრობდა ერთი ღარიბი კაცი. მას თერთმეტი ვაჟიშვილი ჰყავდა და ერთი ქალი. ღარ-ბი თავისი ჰვიღებით მეფის ყოველგვარ განკარგულებას ასრულებდა. მაგრამ ის კი ველარ შეუსრულა, როცა ჯოჯოხეთამ მისი ათი ვაჟი ერთად მოსთხოვა. ჯოჯოხეთა თავის ქალს ათხოვებდა და მზითვეში სიძეს რამდენიმე რჩეულ ვაჟეკაცს ატანდა და მათ შორის მის ათ შვილსაც. ჯოჯოხეთამეფემ რომ უარი გაიგო, გაწყრა და ვეზირები გაგზავნა ამ კაცს აპაყლებად. ღარიბი ჰქვიანო კაცი იყო და იცოდა, რომ მეფე კარგს არ დააყრიდა უარის თქმისათვის და ამიტომ თავისი შვილებით გათხოვნიდა ერთ უდაბურ ტყეში და იქ გაიკეთა საფარი. მეფემ დაადევნა ვეზირები და ჯარი, მაგრამ, რადგან მათ ადრევე ჰქონდათ სიმაგრე გაკეთებული და შვილებიც კარგი მეომრები ჰყავდა, მეფის ჯარმა ვერაფერი დააკლო და უკან გაბრუნდა. ჩავარდა შური მეფესა და ამ კაცს შორის. შვილებით წავიდოდა ხოლმე, მეფის ხაზინებს დაეცემოდა, გამოიტანდნენ, რაც კი რამ იყო, ფულს, ტანისამოსს, იარაღს თუ სხვა საჭირო რამეს და დაბრუნდებოდნენ უვნებლად. ასე რამდენიმე წლის განმავლობაში გაადარბია მეფე. ფულს და ტანისამოსს, რაც ზედმეტი ჰქონდა, ღარიბებს ურიგებდა, მდიდრებს კი, სადაც მოახლებდნენ, სიცოცხლეს უმწარებდნენ.

გავიდა წლები. დადარდიანდა ჯოჯოხეთა-მეფე. ბოლოს მეფემ მო-

იფიქრა ერთი ხერხი. გაგზავნა თავისი ერთგული ვეზირი ამ კაცთან და სთხოვა, რომ დაბრუნებულიყო თავის სახლში: დღეიდან არაფერს გერჩიო. გარდა ამისა, თუ ნებას დართავდა, მის ქალს მეფე თავისი შვილისთვის თხოულობდა. შვილების მეტი წილი თანახმა იყო რომ მეფეს შერიგებოდნენ. დავმოყვრდებითო, იძახდა ზოგი ძმა. ყველაზე პატარა ძმა ჯიხვა დადგა უარზე.

— უთუოდ მოგვატყუებს, არც ჩვენს დას შერთავს თავის შვილს, ტყუილად შეგვირცხვენს დასა და ჩვენც არ მოგველოს კარგი რამეო, არ იქნება მეფემ შური არ იძიოსო, ეუბნებოდათ ჯიხვა. მამა პატარა შვილის აზრისა იყო, მაგრამ უფროსმა შვილებმა ასე უსაყვედურეს: — განა როდემდის უნდა ვიყვნეთ ესე გადახვეწილები ამ უღაბურ ტყეში? ჩვენთვის არც ცოლ-შვილი და ოჯახი არის და არც ადამიანური ცხოვრებაო. თუ არ გინდა, ჩვენ წავალთ და თქვენ ორნი, მამა და შვილი, დარჩითო. ჯიხვამ უთხრა: — თქვენ წადით, მე არ წამოვალო. მამა ჩავარდა საგონებელში, არ უნდოდა წაყვლა და შერიგება, შეუთვალა მეფეს: — შეგირიგდები, თუ ჩემს ქალს არ ითხოვთ რძლად და თუ ჩვენც ყველაფერს გვაპატიებთო. აგრეთვე, რაც ქონება გვაქვს წაღებულ და ხალხზე გაცემული, თუ ამას არ წაართმევთ ხალხსაო. მეფე დათანხმდა.

დაიძრა ლარიბის ოჯახი. ძველ ნაბინავარზე აინთო ცეცხლი, გაჩაღდა ცხოვრება. მეფე დაუტკბა, დაიახლოვა. ხშირად უძახდა ზოლმე ჯიხვას, როგორც კარგს მონადირეს, მომღერალსა და მოთამაშეს. ჯიხვა თავისთან ჰყავდა მეფეს სადილზე, ვახშამზე. ჯიხვა ხშირად ხედავდა მეფის გასათხოვარ ქალს ზიარას და ძალიან მოსწონდა. მაგრამ ვინ აღირსებდა მასთან დალაპარაკებასი ზიარასაც მოსწონდა ჯიხვა, მაგრამ იცოდა, მასზე ორ გაათხოვებდა მამამისი და თავი მაღლა ექირა.

გავიდა რამდენიმე წელიწადი. ერთხელ მეფე წავიდა ხაზინების დასათვალიერებლად და იქ უთხრეს, რომ ამ ხაზინიდან იმ კაცმა და მისმა შვილებმა ამდენ-ამდენი ქონება წაიღოო. აღეძრა შური და ერთ დღეს თავის მხლებლებს მოულოდნელად დააჭერინა მამა-შვილები. ისა და მისი თერთმეტი ვაჟი სათითაოდ ორმომში ჩაყარეს და მცველები დააყენეს. ქალი მიიყვანა მეფემ თავის ქალთან და მოახლედ დაუსვა. ვერ ნახეს ძმებმა ერთმანეთი და არც იციან. თუ კისრა დაემართა, არ იციან არც მამის და დის რამე და არც მამამ შვილების რამე. აგონდებათ უფროს ძმებს ჯიხვას სიტყვები. მაგრამ რას გააწყობენ ორმომში მყოფნი? წუხს მამა შვილებზე. წუხან ცალცალკე ორმომში შვილები მამაზე, დაზე. საქმელად ეძლევათ პატარა

პური და თითო ლიტრა წყალი; გადის თვეები. ჩამოხმენ ყველანი ორმოში. წუხს ჭიხვა მეტად და აწყდება კედლებს. თბრის ხელის ფრჩხილებით ორმოს კედლებზე ნაჩვრეტებს, რომ ფეხი დაადგას, ამოვიდეს როგორმე, მაგრამ თითო საფეხურის გამოთხრას რამდენიმე თვე უნდა, ამ სიღრმე ორმოს როდის მოუთხრის საკმაო საფეხურებს! იცის ჭიხვამ, რომ დიდი ხანი მოუნდება იმ საფეხურების მოთხრას. ისიც კი გაიფიქრა, რომ შეიძლება ვერც კი მოასწროს საფეხურების მოთხრა და იქნება მალე მოკვდეს, მაგრამ იმედს არა ჰკარგავს და მუშაობს შეუსვენებლივ, თავგამოდებით, დღედაღამე მუშაობს, იმიტომ, რომ ამოვიდეს და გაათავისუფლოს მამა და ძმები.

ასეთ ფიქრებში გართულს და მომუშავე ჭიხვას რაღაც დაეცა თავზე. შემკრთალმა ხელი მოისვა და გაოცდა, როდესაც მან ხელი თოკს მოჰკიდა. აუსვა მალლა ხელი და დარწმუნდა, რომ ეს თოკი უეჭველად მალლიდან იყო. მოიბა წელზე, მოჰკიდა თოკს მაგრად ხელი, მიადგა ფეხები ორმოს კედლებს და რამდენიმე წუთის შემდეგ ამოვიდა ორმოდან. ნოტიო და უჰაერო ორმოში ნამყოფს, დასუსტებულს გული წაუვიდა ამოსვლისთანავე. ვიღაცამ ხელი მოხვია, აიყვანა და რამდენიმე ნაბიჯის იქით დააწვინა ნაბაღზე. მოუსვა ცხვირზე სასუნებელი წამალი, მობრუნდა ჭიხვა. თვალი გაახილა, დაინახა მის გვერდით ადამიანი, მაგრამ ვერ იცნო. უცნობმა კიდევ დააღვეინა წამლები და ადგა ჭიხვა. დააქვერდა სიბნელეში ადამიანს და იცნო, რომ მის გვერდით იყო მეფის ქალი ზიარა. შერცხვა ჭიხვას, რომ ქალთან ასეთი სიმხნაღე გამოიჩინა და გული წაუვიდა, მაგრამ ზიარამ შენიშნა ეს და უთხრა: — დაყოვნების დრო არ არის, ცხენი მზად არის, უნდა წახვიდე სადმე, მოლონიერდი, ხალხი შეიძინე, იარაღი იშოვე, მოდი და მამაჩემს ეომე. მე შეგნიდან მოგიწყობ ხელს. შენი ძმების, მამის და დის ნუ გედარდება, არ დავახოცინებ. დანარჩენი შენ იცოდე. მეფე უომრად არ დაგნებდება. მშვილობითო, — უთხრა ქალმა. მოჰგვარა ცხენი, შესვა ჭიხვა, ერთი აკოცა და გამოისტუმრა.

მიდის ჭიხვა ცხენით და არ იცის, საიფ უნდა წავიდეს. ბევრი სიარულის შემდეგ ერთ ხის ძირში ნახა ერთი ახალგაზრდა კაცი, ძალიან მოეწონა შეხედულებით და მივიდა მასთან. ჩამოვიდა ცხენიდან. გაუშვა ცხენი ბალახზე და თვითონ ახალგაზრდა კაცთან მიბრუნდა. ძალიან დაღონებული იყო ახალგაზრდა. ჭიხვამ ჰკითხა ვინაობა. ყმაწვილი ჭიხვას დააქვერდა და მასაც მოეწონა, ენდო გულის პასუხს, უამბო: — მე ერთი მძლავრი ხელმწიფის შვილი ვარ; მამა-

ჩემი ორივე თვალებით ბრმა იყო და მოხუცებულიც ძალიან. მაინც არ მანებებდა მე მეფობას და ცდილობდა ისევ თავისი თვალების მორჩენას. რამდენიმე ეწიმი წამლობდა, მაგრამ თვალები ვერ აუხილეს. ამჟამად მოვიდა ერთი ბერი, რომელიც დაპირდა მამაჩემს მორჩენას. ბერმა უთხრა მამაჩემს, რომ მას თვალები აეხილებოდა მაშინ, თუ სამოცი პატარა ქალის და სამოცი პატარა ვაჟის სისხლში იბანებდა. დაუჭერა მამაჩემმა ამ ბერს. გავზავნა ჯარა თავის სახელმწიფოში და შეკრიბა ასოცი პატარა ქალი და ვაჟი. გაატიტვლეს ყველა ესენი და დაიწყეს სისხლის აღება. ტიროდნენ საცოდავი ბავშვები, იკლავდნენ სიმწარისაგან. შიგნით ბავშვები ტირიან და ეძახიან მშობლებს საშველად, გარეთ მშობლები იღადრიან პირსახეს. დამეწვა გული. ამერია გონება, შევევარდი მამიჩემის ოთახში, ჩამოვიღე ხმალი და შემოვკარ მამაჩემს, რომელიც ამდგარიყო და ლოგინში იჯდა, იმ მოლოდინით, რომ ებანავა და ახილებოდა თვალი, მაგრამ თვალები სამუდამოდ დაეუყენე. გამოვედი იქ, სადაც ბავშვებს ტანჯავდნენ, მათაც დაეუწყე ცემა ხმლით და გავათავისუფლე ბავშვები. ამ ხნის განმავლობაში მაინც მომკვდარიყო ათი ბავშვი. გამოვევარდი გარეთ და წამოველ, არ ვიცი, სად მივიღეარ და ან საით წავიღე. სახლში რომ მივიღე, კარგი არ დამეყრება, ამიტომ გადაწყვეტილი მაქვს წავიღე სადმეო.

ჯიხვამაც უამბო თავისი თავგადასავალი და დამშობილდნენ. ცხენები ახლო სოფელში იშოვეს და წავიდნენ ორივენი ერთად. იარეს დიდი ხანი და მივიდნენ ერთ სახელმწიფოში. მივიდნენ ერთ ბებერთან და სთხოვეს შენახვა. მან მიიღო. დარჩნენ რამდენიმე დღე, ათვალეირებდნენ ქალაქსა და სოფლებს. ერთ დღეს გაიარეს მეფის სასახლესთან და ნახეს, რომ სასახლის გალავანს მოაჯირად ადამიანის თავები ჰქონდა შემოვლებული. გაუკვირდათ ორივეს. მოვიდნენ თავიანთ ბებერთან და უთხრეს: — ბებია, გვითხარი რათა აქვს სასახლის გალავანს ადამიანის თავები შემოვლებულიო? — ბებერმა უარი უთხრა ამ კითხვაზე. მაგრამ არ მოეშენენ, განსაკუთრებით ჯიხვა და უთხრა ბებერს: — ჩემს თავსა ვფიცავ, თუ არ მეტყვი, კარგი არ მოგელის შენ შენი ოჯახითო. ბებერი შეშინდა და უთხრა: — გეტყვით, მხოლოდ თუ რაიმე უბედურება მოგივიდეთ, ჩემი ბრალი არ იყოსო. შეჰპირდნენ ბიჭები, რომ ისინი ბრძოლისათვის არიან დაბადებულნი და არას ვიდარდებთ და არც შენ დაგაბრალებთო. ბებერმა უთხრა: — ამ ჩვენს მეფეს ჰყავს ერთი მშვენიერი ქალი. მას ვინც ითხოვს ცოლად, უარს არ ეტყვიან, მხოლოდ ერთის პირობით: ქალი ეტყვის ერთ გამოცანას და თუ გამოიცნობს, ცოლად

გაჰყვება, თუ ვერ გამოიცნობს, თავს მოსჭრიან. აი, ასეთი ხალხი ყველა ქვეყნიდან მოდის ქალის სათხოვნელად. ეუბნება ქალი გამოცანას, ვერ უხსნიან, თავს ჭრიან და სასახლეს გალავანზე უკეთებენო.

ბიჭებმა მოუსმინეს ბებერს და უთხრეს: ჩვენ ორივე თითქმის ტოლები ვართ და რომელი წავიდეთ მის სათხოვნელადო. ჯიხვამ უთხრა ხელმწიფის შვილს: — შენ როგორც ხელმწიფის შვილს გეკუთვნის, რომ ითხოვო და მე დაგეხმარები, თუ საჭირო იქნებაო. გათენდა მეორე დღი. წავიდნენ ორივე სასახლისკენ. ჯიხვა გარეთ დარჩა და უთხრა, რომ თუ გამოცანა გითხრას, თუ გინდა იცოდე, ნუ უპასუხებ მაშინვე. უთხარი დრო მოგცეს მოფიქრებისა და გამოდი, მე მითხარი რაშია საქმე. მე გული რაღაც ცუდს მეუბნება, რომ ის ქალი კეთილი სულის არ უნდა იყოს და არაუფერი გაეცნოსო. ელის ჯიხვა გარეთ მოუთმენლად, დაღაძდა, გამოვიდა ხელმწიფის შვილი დაღონებული. რა ამბავიაო? — ჰკითხა ჯიხვამ.

ერთი გამოცანა მითხრა. პირობა დაედეთ, თუ ვერ გამოიცნობ, თავი უნდა მომჭრას. გამოცანა ასეთი არის: გამოიცანი, ვინ იყო „სულამბარა და გულამბარაო“. წამოვიდნენ ბებერთან და უთხრეს ეს ამბავი. ბებერი ძლიერ შეწუხდა და არ იცოდა რითი დახმარებოდა. ვადა, მართალია, დიდი ჰქონდათ — სამი თვე, მაგრამ არ იცოდნენ, თუ სად გაიგებდნენ სულამბარას და გულამბარას ამავეს. იარეს ბევრი სხვადასხვა ქალაქში, მაგრამ ამაოდ. გადის დღეები, კვირეები და ამავეს კი ვერსად მიაგნეს. იღუპება ხელმწიფის შვილი. ერთ დღეს ცალ-ცალკე წავიდნენ ამბის გასაგებად. ჯიხვა მალე დაბრუნდა ბებერთან. შევიდა შიგნით, ბებერი მარტოკა იყო. მივიდა ჯიხვა ბებერთან, ხელი მოავლო ხელში და ისე მაგრა მოუჭირა ხელი ბებერს, რომ ძვლებმა ქახქახი დაიწყო. ბებერმა ყვირილი მორთო. ჯიხვამ უთხრა: — აჰა, დაინახე, გინდა ეს ქისა ოქროთი სავსე და თუ გინდა სიცოცხლეს გამოესალმოო? შენვე უნდა გვოთხრა სულამბარას და გულამბარას ამბავიო. შეშინდა ბებერი, ფიქრა უეჭველად მომკლავს თუ არ ვუთხარიო. უთხრა: — გამიშვი და გეტყუო.

ჯიხვამ გაუშვა. ბებერმა უთხრა: — სულამბარას და გულამბარას ამბავი მე არ ვიცი, მხოლოდ გასწავლი ერთ ადგილს და თუ იქ შეხვალ, გაიგებ იმათ ამბავსაო. ანიშნა ქალაქგარეთ რომ მაღალი გალავანია, იქ ცხოვრობს ერთი ვაჭარი და იმან იცის ეს ამბავიო თუ როგორმე შეხვედი ამ გალავანში, გაიგებ. თუ არა, ვერაო. ამ ვაჭარისაა, აგერ ქუჩის ბოლოში რომ სავაჭრო აქვსო. ახლა შენ იცო. მხოლოდ რაკი მიდიხარ მაგ საქმეზე და ამხანაგის გულისთვის სდებ თავს, ერთ რამეში მეც დაგეხმარები. აბა ეს სამი ღერი ჩემი თმა შე-

ინახე კარგად და სადაც ძალიან გაგიჟირდეს, გახსენი და სამჯერ დაუსტკინე, ოღონდაც ისეთ ადგილას, რომ დასტკენის ხმა გარეთ ჰაერზე მოხდეს და მე იმ წამსვე იქ გავჩნდებიო. გამოემშვიდობა ბებერს ჯიხვა და სთხოვა, რომ ხელმწიფის შვილი აღარსად გაეშვა.

დაყოვნების დროც არ იყო და წავიდა ჯიხვა, მივიდა იმ გალავანთან. გალავანი ისეთი მაღალი იყო, რომ თვალი ვერა სწვდებოდა. შიგნით რა იყო არ იცოდა. უარა ჯიხვამ გარშემო, შესავალი ვერ იპოვა. დაბრუნდა უკან, მოვიდა იმ სავაქროსთან, სადაც ანიშნა ბებერმა, ნახა, რომ მხოლოდ ერთი კაცი იყო. შევიდა, სთხოვა ვაჟარს: — მე შორეული ქვეყნიდან ვარ, უსაქმოდ ვარ, მიმიღე შენთან მოსამსახურედ დუქანშიო.

ვაჟარმა უარი არ უთხრა, რადგანაც დუქანში კაცი უჭირდა. ადგილობრივები კი მას არავინ უდგებოდა. იმ ღღისით იქ იყო ჯიხვა დაგევა, დაასუფთავა დუქანი. საღამოთი, როცა დაკეტვის დრო იყო, ვაჟარმა ჯიხვა დუქანში დატოვა, თვითონ გარეთ გამოვიდა, გარედან დაკეტა დუქანი და წავიდა. დარჩა ჯიხვა დაღონებული, მაგრამ რას იზამდა. იმ ღამეს ათასნაირ ფიქრებში გაატარა. გათენდა დილა. მოვიდა ვაჟარი, გააღო დუქანი და შეუდგა ვაჟრობას. მოვიდა საღამო და ვაჟარი ისევ ისე აპირებდა კარის დაკეტვას, მაგრამ ჯიხვა გარეთ გამოვიდა, შეეხვეწა ვაჟარს, რომ ერთი უპატრონო ვარ, აქ ნუ დამტოვებ. წუხელაც ათასი ეშმაკი მელანდებოდა და მაშინებღრენო წამიყვანე თან, გეხვეწებიო. ვაჟარმა უთხრა: — ნუ წამოხვალ, თორემ იქ უარესი მოგელისო. — რაც გინდა დამემართოს, არ ვიღარდებ, ოღონდ აქ ნუ დამტოვებ და თან წამიყვანეო. ვაჟარმა უთხრა: — რაც დაგემართოს, შენს თავს დააბრალეო. დაკეტა დუქანი და წაიყვანა. მივიდნენ გალავანთან. ამოიღო ჯიხვიდან გასაღები და გააღო ერთი პატარა კარი. შევიდნენ ჯიხვა და ვაჟარი. მობრუნდა ვაჟარი და დაკეტა შიგნიდან.

გაიარეს ;ოტა, ისევ გალავანი და პატარა კარი გააღო და კვლავ შიგნიდან დაკეტა. ასე გაიარეს თორმეტი გალავანი და თორმეტივე კარი შიგნიდან დაკეტა. მივიდნენ სახლთან, გააღო კარი და დაკეტა შიგნიდან, ისიც თორმეტი კარი და თორმეტივე დაკეტა, გასაღებები ჯიხვის ხელში ჩაიდო. მეთორმეტე ოთახში დასხდნენ ტახტზე. მოიტანა საჭმელი ვაჟარმა. ივახშმეს, სხვა არავინ ჩანდა. აალაგა საჭმელი. ჩამოიღო ვაჟარმა კედლიდან ერთი რკინის მათრახი, რომელიც მკლავზე უფრო მსხვილი იყო. შეიხედა ტახტის ქვეშ და გამოიღო ერთი აღამიანის თავი, სახე კაცის იყო, დადო მაგიდაზე. დაუწყო ვაჟარმა თავს ლაპარაკი, ეუბნებოდა: — რათ მიღალატე, რა დავიშავე? რა გაგი-

ჰირდა რომ ჩემი ღალატი გაბედო, და მერე დაუწყო ღანძღვ-გონება, შემდეგ კი აიღო მათრახი და სცემა იქამდის, სანამ დაიღლებოდა. ვაჰარი დაჯდა, დაისვენა — თავი ტახტის ქვეშ შეაგორა და სხვა თავი გამოიღო. სახე ქალისა იყო. გრძელი თმა ჰქონდა. ვაჰარმა დაიჩოქა თავის წინ, იტირა დიდი ხანი, ტირილში ლულულღებდა რალაცას, შემდეგ კი აიღო მათრახი და იმასაც სცემა, სანამ დაიღლებოდა. თავი ტახტის ქვეშ შეაგორა და თვითონ კი ტიროდა. ტირილით რომ გული იჭერა, უთხრა ჯიხვას: ახლა დაიძინე ემანდ ტახტზედა. მაგრამ ჯიხვამ უთხრა, მე არ დავიძინებ და არც წავალ აქედან ცოცხალი, თუ არ გავიგე მაგ თავების ამბავიო. ვაჰარმა უთხრა: — დაეხსენ მაგ ამბავს, ეს ამბავი არავისთვის მითქვამს და არც შენ გეტყვიო. — უნდა მითხრა, — უთხრა ჯიხვამ, თუ არა შენც მოგკლავ და ჩემ თავსაც მოვიკლავო. ვაჰარმა უთხრა: — მე შენ ვერ მოგკლავ, და რაკი გინდა, რომ გაიგო ეს ამბავი, გეტყვი და შემდეგ კი შენც მოგკლავ და მესამე საცემი შენი თავი გამიხდებოა. ჯიხვამ უთხრა: — მითხარი და შემდეგ ნება შენი არისო.

ვაჰარმა უთხრა: — ეს ერთი კაცის თავი ჩემი მოჯამაგირისა იყო, შეორე კი ჩემი ცოლისა ჩემი მოჯამაგირე გავამდიდრე, მაგრამ მან სიკეთე ვერ დაინახა. შეიყვარა ჩემი ცოლი და ჩემს წინააღმდეგ შეჯარიბეს ხალხი, მე უნდა მოვეკალი, მაგრამ მე დრო ვიხელთე; ორივე აქ მოვახელე და ორივეს თავი მოვეკეთე. ეს ამბავი მხოლოდ მეფის ქალს ვუამბე, რომელმაც მათ დაარქვა სახელიად გულამბარა და სულამბარა, რომლის გამოსაცნობად ბევრი ცდილა და ვერ გაუგიათ. ახლა რაკი შენ გითხარი და გაიგე ეს ამბავი, შენ სხვას ეტყვი და გაშივარდება ცუდი სახელი. ამიტომ ახლა მოემზადე, შენც თავი უნდა მოგკრაო. ჯიხვა დაფიქრდა, წასვლის საშუალება არ იყო ვაჰარმა კი ხმალი ჩამოიღო კედლიდან და ემზადებოდა ჯიხვას მოსაკლავად.

ჯიხვა დაღონდა, ფიქრებში წავიდა. მოაგონდა, რომ ხვალ გადიოდა სამი თვის ვადა და იცოდა, ხელმწიფის შვილს მოსჭრიდნენ თავს. მოაგონდა ბებრის მიცემული ბეწვებიც. გამხიარულდა, ვაჰარს უთხრა: — ნება შენი ასრულდეს, მომქერი თავი, მხოლოდ ერთსა ვთხოვ. ქრისტიანი ვარ, ორი წუთით გარეთ აივანზე გამიშვი, ვილოცავ მარტოკა და შემდეგ ნება შენი ასრულდესო. ვაჰარმა იფიქრა, ვერსად ვერ გავა და გავუშვებ, ილოცოსო. გაულო აივნის კარები, ჯიხვა გარეთ გავიდა, ჰაერს შეხედა. სამჯერ დასტვინა და წამზე ბებერი გაჩნდა, შეისვა ჯიხვა მხრებზე და გადააფრინა ერთ წამს თავისთან. ვაჰარი ელოდა დიდხანს, მაგრამ აღარ შევიდა ჯიხვა. გავიდა აივანზე და რაკი ველარ იპოვა, თვითონ მოიკლა თავი.

გათენდა დილა, ადგნენ ჯიხვა და ხელმწიფის შვილი, მივიდნენ სასახლესთან. შევიდა ქალთან, ქალმა უთხრა: — აბა, გათავდა ვადა, მითხარი ვინ იყო სულამბარა და გულამბარაო. თუ ვერ იტყვი, თავი უნდა მოგჭრაო. ხელმწიფის შვილმა უთხრა: — გულამბარა იყო ვაჭრის მოჭამაგირე, რომელმაც შეიყვარა ვაჭრის ცოლი. უნდა შოეკლათ ეს ვაჭარი, მაგრამ ვაჭარმა ორივე დახოცა და თავები დააჭრა. ეს ამბავი მარტო შენ გითხრა, შენ კი ეს გამოცანად გამოაყენეო.

— მართალია, — უთხრა ქალმა, — სწორედ გამოიცანი. პირობის თანახმად შენი ცოლი ვარო. შეიყვანეს ჯიხვაც, გადაიხადეს ქორწილი. მეფემ ქალს მისცა მზითვევი, ჯიხვამ იმ ვაჭრის დუქანი გააღო და გამოიტანა ქონება. წამოიღეს რამდენიმე აქლემი ქონება და შოვიდნენ იქ, სადაც პირველად შეიყარნენ. ჯიხვამ უთხრა: — აჲ შევიყარებით და შეიძლება აქვე გავიყარნეთ, მაგრამ ჩვენი შრომა მუქთად ჩაივლის. კაცი გავგზავნოთ შენს სახელმწიფოში, რომ შეგიშვან შენ და ხელმწიფედ დაგსვან, თუ არა, უნდა ომით დავიმორჩილოთო. გავგზავნეს კაცი, მაგრამ უარი მოუვიდათ: ჩვენი ხელმწიფის მკვლელს არ შეეუშვებთ ჩვენს სახელმწიფოშიო. მობრუნდა ჯიხვა ძმობილის სიმამრთან, წაიყვანა ჯარი და ორი დღის ომის შემდეგ დაუმორჩილა სახელმწიფო და ხელმწიფედ დასვა. ახლა უთხრა ჯიხვამ: შენს სახელმწიფოს გარდა რაცა გვაქვს ქონება ნაშოვნის, ყველა ძმურად უნდა გავიყოთო. რას ეტყოდა, როცა მეტი ჯიხვამ იწვალა და ყველაფერი ჯიხვას ნაშოვნის იყო. უთხრა: სიამოვნებით ვღებულობ მაგ წინადადებას, გაყავი როგორც შენ გინდაო!

ჯიხვამ გაყო ყველაფერი ორად. — ერთი რამეც გვაქვს გასაყოფი, ეს არის ქალი, ამაში მეც წილი მაქვსო. — ქალს ხომ ვერ გავყოფთ და გენბავს შენ დაგიტომობო. მაგრამ ჯიხვამ უთხრა: — არა, შუაზე უნდა გავჭრათ, ნახევარი შენ, ნახევარი მეო. შენი ნებააო, უთხრა ხელმწიფის შვილმა. ჯიხვამ ქალი დააყენა ფეხზე და უთხრა: — გასწორდი, უნდა გავჭრა შუაზეო. დაუქნია ხმალი, შეშინდა ქალი და და შიშისაგან პირიდან მწვანე ნალღველოვით შხამი ამოუვიდა. ხმალი ქარქაშში ჩააგო ჯიხვამ და უთხრა ხელმწიფის შვილს: აჰა, აი ახლა არის შენი ცოლი, რაც ბოროტება ჰქონდა გულში, ისლა ამოუვიდა და გაიწმინდა. ახლა გთხოვ, მომეცი ცოტაოდენი ჯარი, რომ ვიხსნა ჩემი მამა, ძმები და და, აგრეთვე ვიხსნა ხალხი იმ ჯოჯოხეთა მეფისაგან, დავამყაროთ ერთმანეთში მეგობრობა, ავაყვავოთ ჩვენი ქვეყანა. ხელმწიფის შვილმა შეეკრიბა ჯარი, მოვიდნენ ჯოჯოხეთა-მეფის სამყოფელში, დაეცნენ სასახლეს, ჩამოაგდეს მეფე და გაანთავისუფ-

ლეს ჯიხვას მამა, ძმები და და. ჯიხვამ ჯოჯოხეთა-მეფის ქალი ზიარა შეირთო ცოლად. ჯიხვას მამა და ერთი ცუფროსი ძმა ძალიან დასნეულებულიყვნენ ორმოში და მალე გარდაიცვალნენ. მეთერთმეტე ძმად გაიხადეს ხელმწიფის შვილი, შეაერთეს ეს სახელმწიფოები ერთად და აშენებენ საამურსა და ბედნიერ ცხოვრებას.

ერთი ბიჭის ზღაპარი

იყო ერთი ხელმწიფე. მას ვაჟიშვილი არა ჰყავდა. ვეზირები ჰყოლია ბევრი, მაგრამ ერთი ყველაზე მეტად უყვარდა. სულ ყოველთვის პირდებოდა, იმისთანა ადგილზე დაგასახლებ, რომ შენისთანა მოსახლე სხვა არ იქნებაო. ერთ დღეს უთხრა ამ ვეზირს. — წადი ჩემს წყაროზე, წყალი მოიტანეო. თავისი წყარო ჰქონდა მას. წაიღო თუნგი და გამოვიდა იმ წყაროდან სისხლი. გადაასხა ამოიღო მეორე და კიდევ სისხლია; ამოიღო მესამე და კიდევ სისხლია. გაბრუნდა ცარიელი. — რა ჰქენი, ვერ მომიტანე წყალიო? — რაღაც სისხლი მოდის და წყალი არაო. — უპასუხა.

გაჯავრდა ხელმწიფე: — გაგიგონია, ჩემი წყაროსთანა წყალი არსად არის, სისხლს რა უნდაო! წადი ახლავე, თორემ მოგჭრი კისერსო!

წავიდა და კიდევ სისხლი გამოდიოდა. დაიჩოქა და ეხვეწება: — რაც გინდა ის დამავალე. ოღონდ ჩემს თავს ნუ მოაკვლევინებ ხელმწიფესო. იქიდან ქაჯმა დაიძახა: კარგი, ოღონდ რაცა გთხოვო, შემისრულეო.

იმას უარს როგორ ეტყვის. დაჯდა და დაწერა პირობა. — რა ვუყო ამ პირობაო? — დადევო ქვაზეო.

ახლა წამოვიდა წყალი და შეპოიტანა. — ხომ არ მოდის ჩემი წყალი სისხლიანიო.

ვეზირმა არ გაამხილა, რაც შეემთხვა. ამ ვეზირს ჰყავდა სოფელში საყვარელი ქალი. სთხოვა ხელმწიფეს. რომ ერთი დღის ვადით გაეშვა თავის სოფელში. — წადი, მაგრამ ბევრი არ დაიგვიანოო.

ის ქალი ყოფილა ორსულად. ვაჟიშვილი დაბადებია, დიდი ხანი არ ენახა და მამისხელა გაზრდილა, მოწიფული ახალგაზრდა.

ილაპარაკეს ახლა ამ ქალმა და კაცმა — ერთი რამ მოეხებოდათ, იქნება ჩვენი შვილი წაიყვანოს ხელმწიფემ ვეზირად და ჩვენ სამოსახლო მოგვცეს და დავესახლებითო. დაბრუნდა ის კაცი ხელმწიფესთან და სთხოვა: — სუოველთვის რომ მპირდებოდი დაგასახლებო, სიკეთე მიქენი, ჩემი შვილი აიყვანე ვეზირად, მე სამოსახლო მომეცი და დავესახლები სადმეო. — საჩუქარს მოგცემ და დაესახლეო. — მე საჩუქარი არ მინდა, ოღონდ ჩემი შვილიც ჩემსავით პატივით იგულეო. — წადი და მოიყვანეო.

წავიდა ის კაცი, მოკაზმა მისი შვილი, ჩააცვეს კარგად, მიჰყავს წყლის პირზე. გამოიარა წყალზე და რალაკმ დაიძახა წულიდან: — ეე, რას შერებო! — რა არის, ჩემი შვილი მიმყავს ხელმწიფესთან, სხვა არაფერიო. — არა, ის შენი შვილი კი არ არის, ჩემი შვილია, აბა პირობა ნახეო.

ახლა მოაგონდა პირობა.

— ოო, მართალია, მართალი, შენია, ვერაფერს გეტყვიო.

— აბა, დასვი ქვაზეო!

დასვა ქვაზე და თვითონ წავიდა ხელმწიფესთან. მის შვილს წაუძღვა ქაჯი და წაიყვანა. მივიდნენ ზღვის პირზე. ახლა ამას სწუხს ბიჭი, ზღვაში დაეიხრჩობიო. ქაჯმა უთხრა: — რა გატირებსო? — დაეიხრჩობიო. — ნუ გეშინიაო.

შევიდა ქაჯი, ზღვა გაამაგრა, ფეხიც არ დაუშველდათ, გავიდნენ მეორე ნაპირზე. უთხრა ქაჯმა ბიჭს: — შენ დაჯექი, მომიცადე, ვიბანავებ, არსად წახვიდეო.

ბიჭმა შეხედა, დაბლა მეორე ნაპირზე ქალი ბანაობს, მიეპარა და ტანისამოსი მოჰპარა. ტანისამოსი შეინახა და თვითონ დაჯდა, სადაც ქალმა დააწყო ტანსაცმელი. ქალმა ბანაობა რომ გაათავა, გაიხედ-გამოიხედა და შეხედა ამ ბიჭს. დაიძახა: — ეი, ბიჭო, ტანისამოსი მომიტანეო! — მე რა ვიცი შენი ტანისამოსის?

— მომიტანე, თორემ ის ჩემი ძმაა, ვინც მოგიყვანა, ვეტყვი და შეგკამსო.

— არა, მე არ მომიპარავსო!

— მომიტანე, თორემ ინანებ, შენ დასაკლავად მიყავხარ იმ ჩემ ძმას და თუ არ მომცემ, უჩემოდ შენ თავს ვერ უშველი, თუ მომცემ, პირობას გაძლევ გიშველიო.

ამოიტანა ტანისამოსი. ქალმა უთხრა: — ერთ ოთახში ჩემი ძმაა, მეორეში მე ვარ, მესამეში შენ იქნებიო. ის მოგცემს სამ კითხვას, ჩემს უკითხვად არაფერი უთხრა, მე მკითხეო. ქალი წავიდა. ისეთი თვალადი, ლამაზი. გამოვიდა ქაჯი, ჩაიცვა ტანისამოსი და წამოიყვა

ნა მის სახლში. ერთ ოთახში შეაგდო ბიჭი, თვითონ მის ოთახში შევიდა, მოისვენა და დაუძახა: — ბიჭო, მოდი აქო! აბა ერთ რამეს გეტყვი, თუ გააკეთებ, თავისუფლად გაგიშვებ და ჩემი ოჯახიდან რასაც ისურვებ გაჩუქებო. — რა არისო? — რა არის და ჩვენ რომ ზღვაში გამოვედით, იქ ქვედა სახლი ვერცხლის ააშენე, ხოლო ზედა — ოქროსი, თორმეტ-თორმეტი ფანჯარა გაუკეთე და ერთი კარიო. კარსა და ფანჯრის თავზე ყველგან გველვეშაპი, მგელი, დათვი და სხვა მხეცეები დააბი ჭაჭვით, ისე დაბრუნდი და რასაც ხელს მოჰკიდებ ჩემს ოჯახში, საჩუქრად მოგცემო. ამას ვერ შეასრულებდა, დაიწყო ტირილი. გამოვიდა მისი დის ოთახში.

— რა არის, რა გითხრაო? — ასე და ასე მითხრაო. — ამას გიშველი, მაგრამ მეორეს გეტყვის. დამიცადე აქაო. თითონ გავიდა, ქაჯს სძინავს. ამას ჰქონია ქისა. მოიპარა, გამოიტანა. უთხრა: — დედე ზღვის პირზე, ამ ქისას უთხარი და ის ხუთ წუთში შეგისრულებსო. მერე ქისა მე ჩამაბარე, მას არ შეუტანო, თორემ შეგკამსო.

წაიღო, დაჭდა ზღვის პირზე, ჩაუთქვა ქისას და ხუთ წუთში სახლიც გააკეთა, ყველა მხეცი იქ დააბა, ქისა დას მისცა. დამ წაიღო, დაღო იქ, სადაც იღო. ქაჯმა კი ვერაფერი ვერ გაიგო. გამოელვია ქაჯს და დაიძახა: — ეე, ბიჭო, რა ჰქენი?! — გავაკეთე! — ეჰ, შენ როგორ გააკეთებდი, ჩემი ქისა გიშველიდა!

ქაჯის დამ პასუხი ასწავლა ბიჭს და მან ისე უპასუხა: — შენი ქისის მე არაფერი არ ვიცი, არც მინახავს, მე ვქენი ასეო! — შეისვენა ამ ქაჯმა და ბიჭმაც და კიდევ დაუძახა: — აბა, ერთი კი გააკეთე, მეორესაც თუ გააკეთებ, რასაც ითხოვ, გაჩუქებო! — რა არისო? — რა არის და დიდი კლდეა ამ სახლის ახლოს. იმის თავზე სამი გოგოა: ერთი — წითელი, მეორე — შავი, მესამე — თეთრი. ისინი ჩამოიყვანე აქ და ორ რამეს გაჩუქებ, თანაც გაგათავისუფლებო.

გამოვიდა ბიჭი ქალთან. — რა გითხრა, ბიჭო? — ასე და ასეო. — ეს იოლია, კი გავაკეთებო, მაგრამ მესამეს უფრო ძნელს გეტყვი-სო; შენ აქ მომიცადეო.

გავიდა, სძინავს ქაჯს. მოჰპარა ჯიბიდან გასაღები, გააღო ზანდუკი, ზანდუკში კოლოფია, კოლოფში კიდევ პატარა კოლოფი, ამოიღო ის და შეიტანა.

— ამაში არის სამი მერცხალიო: ერთი — თეთრი, მეორე — შავი, მესამე — წითელი. სანამდის კლდის ძირში არ მიხვიდე, კოლოფი არ გააღო. იქ დაჭექი, კოლოფი გააღე, შავ მერცხალს შავი გოგოს ჩამოყვანა უთხარი, წითელს — წითლისა, თეთრს — თეთრისა. ჩამოიყვანენ ისინი, შემდეგ მერცხლები კოლოფში ჩასვი, მოიყვანე

აქაო. წაიღო იქ და ისე გააკეთა, როგორც ქალმა დაარჩია. მერე კოლოფი დახურა, შემოუტანა ქალს და ისინიც შემოიყვანა. იმ ქალმა კი შეიტანა ზანდუქში, შეინახა ჩუმად. გასაღები ქაჯს ჯიბეში ჩაუდო და გამოვიდა. ქაჯმა რომ გამოიღვიძა, დაუძახა: — ეე, ბიჭო, მოდი აქაო! რა ჰქენიო? — ჩამოვიყვანეო. — ეჰ, შენ როგორ ჩამოიყვანდი მათო? — თუ არ გჯერა, აქ არიან. — მათ მარტო ჩემი მერცხლები ჩამოიყვანსო. — მე რა ვიცი შენი მერცხლები, თუ ირმები? მე ჩამოვიყვანეო. — აბა კაი ბიჭი ყოფილხარ, მესამეს გეტყვი, თუ გააკეთებ, მაშინ სამ რანეს მოჰკიდებ ხელი ჩემს ოჯახში, გაჩუქებ და გაგათავისუფლებო.

ამის მეტი დავალების უფლება არა აქვს. — რა არის მესამე? — რაში მყავს თავლაში, გამოვიყვან უნაგირიანად, შეჩქეი, გაასეირნე მინდორში და მერე თავინუფალი ხარო. გამოვიდა ბიჭი. — რა გოთხრაო? — ჰკითხა ქალმა. — რაშზე შეჩქეი, გაასეირნეო. — ოჰ, შე საწყალო, ეს არის ყველაზე ძნელიო. ამას რაში კი არ ჰყავს, ის თვითონ იქნება რაშიც, უნაგირიც, გამომყვანიცო. იმაზე რომ შეჯდები, დაილუპა შენი საქმე. მე გასწავლი, ისე თუ მოიქცევი, გადაჩეხიო. — რაო? — რადა, წაღი ბაზარში, თეთრი ნაბადი და აღმასის ნაჯახი იყიდე. ის რომ ვითომ გამოიყვანს რაშს, იფთხინებს და გეტყვის: — აბა, ჩემო კარგო ბიჭო, შენ რომ იცი, ისე შეჩქე და თავისუფალი ხარ მაშინაო. ამ სიტყვამ გული არ აგომჩატოს. ავეანდაზე რომ ფეხი შედგა, დაგაჩქარებს, არ შეჯდებ უნაგირზე. უნაგირზე შეხტომამდე რაშს ნაჯახი შემოჰკარი ორ ფეხს შუა სამჯერ და დაიძახებს — რად მომკალო? შენ უპასუხე, — ეს გეკადრებოდა ჩემგანო. ის საჩუქრები ჩემს უკითხავად არ აიღოო.

ქაჯმა რაში შეიყვანა, ვითომ, დააბა. დაწვა თავის ოთახში და რომ გაიღვიძა უთხრა: კაი ბიჭი ყოფილხარო.

ქალმა დაარჩია ბიჭი: ორჯერ რომ გითხრას, რა გინდა საჩუქარი — ჩემი თავი სთხოვე ცოლადო. ის გაჯავრდება, მაგრამ სამივე შეკითხვაზე ასე უთხარი, არ შეცდეო. შენ დას თუ არ მომცემ, ქისა მაჩუქეო.

დაუძახა ქაჯმა: — პირველი საჩუქარი რა გინდაო?

— მეტი არაფერი, შენი და ცოლადო. — გაჯავრდა. — მეორე საჩუქარი რა გინდაო? — შენი და ცოლადო.

კიდევ გაჯავრდა და ჰკითხა — მესამე საჩუქარი რა გინდაო. — შენი და ცოლადო. — ამას არ მოგცემო. — აბა შენი ქისა მაჩუქე, რადგან იმას არ მაძლევო. — ო, შე მამაძაღლო, ჩემი ცხოვრება შენ გინდაო. წაიღო ქისა. მოვიდა ქალთან, ამან აკოცა და გაუშვა.

მივიდა ზღვის პირზე, გაიარა ზღვა, ახლა ქისა აქვს. გავიდა ნაპირზე, სამი დევი სცემს ერთი მეორეს. — რას შერებით თქვენ ამასო? — ვიყოფთ, მარა ვერ გავიყავითო. — რა გაქვთ გასაყოფიო? — კაი რამეო. — რაო? — ხალიჩა, ქუდი და სუფრა. — ხალიჩაზე თუ შეგდები, სადაც გინდა, იქ მიგიყვანს; სუფრა მთელ ჯარს სადილს შეუშნადებს; ქუდი რომ გეხუროს, ყველას შენ ხედავ და შენ ვერაფერს ხედავსო. — მერე ამას ვერ ყოფთო? — ვერაო.

— მე გასწავლით გაყოფასო. ესენი დატოვებ აქ, წადით მინდვრების ბოლოს, გამოიქეცით, ვინც მოასწრებთ, იმას გექნებათ უკეთესი, ამას რა გაყოფა უნდაო? — ოჰ, ამას რატომ ვერ მივხვდით ჩვენაო?

წავიდნენ ისინი. ამ ხალიჩაზე თვითონ დაჯდა, ის სუფრაც და ქუდიც აიღო, უთხრა — ხელმწიფის კარზე დამაყენეო. დევეები იქ დარჩნენ. თვითონ ხელმწიფის კარზე გაჩნდა. ქუდი ახურავს, ვერაფერს ხედავს, თვითონ ყველას ხედავს.

რა მოახერხოს? ხელმწიფეს სამზარეულო აქვს. ამ სამზარეულოში მუშაობს დედაბერი დევი, ძუძუები ბეჭებზე აქვს აკეცილი. შეეპარა, ძუძუზე კბილი დაადგა — შენ დედა და მე შვილიო! — ვინა ხარო? მოიხადა ქუდი, შეხედა. — რა გინდაო? — ეს ბარგი შემინახეო, მაჭამე და დედობა გამიწიეო. — ნუ გეშინია, მოვახერხებო.

არის აქ. ხელმწიფეს ციხე უდგას. ციხეს მცველები ჰყავს ყველგან. — რა ამბავია აქ ციხეშიო? — ამაში არის ხელმწიფის ქალიშვილი და იმას დარაჯობენო. ყოველ დილით წონიან, თხუთმეტი გირვანქაო.

დალამდა, ქუდი დაიხურა და უთხრა ნავახშმევს ხალიჩას, ციხეში შემიყვანეო. აფრინდა და შეიყვანა. გოგოს სძინავს, აკოცა და დაბრუნდა. დილით გოგო აწონეს; არის ჩვიდმეტი გირვანქა. დააბრალა ხელმწიფემ ხალხს და დახოცა. მეორე ღამეს კიდევ ისე ქნა ბიჭმა. აწონეს კიდევ, არის ცხრამეტი გირვანქა. მესამე საღამოს სულ ყველგან მცველებია. გოგოც არ დაწვა. ბიჭიც იქ არის. გოგო დადის იქით-აქეთ, არ წვება. თვითონ არ იცის, რა დაემართა. გათენებისას მიეყუდა თავის ქვეშაგებს და ბიჭმა აკოცა. გოგომ დაიძახა: მიჩვენე თავი, არსად გაგიშვებო.

მოიხადა ქუდი და ეჩვენა. შეუყვარდათ ერთმეორე. — აბა თავს ვუშველოთ, თორემ მამა მოგვეკლავსო. დასხდნენ ხალიჩაზე და ბიჭმა უთხრა: — იქ წაგვიყვანე, სადაც აღამიანი არ ყოფილაო. გაფრინდნენ. მიფრინდნენ ერთ ადგილას. ქისას უთხრა და გაჩნდა სახლი: ქვედა სართული ვერცხლი, ზედა — ოქრო. რამდენიც გინდა

ოთახებია. სასმელ-საქმელი უამრავი, ოღონდ არც ადამიანი და არც ფრინველი არ არის.

ქალის მამამ გაგზავნა მაძებრები. ვერაფერი გაიგეს. ამ დროს დევის დედამ უთხრა ხელმწიფეს: კუბოში ჩამაწვინეთ, ზემოდან დაქედეთ და წყალში ჩამაგდეთო. ეს იყო ბიჭის დედობილი. წყალი ზღვაში მიდის. დედაბერი ჩააწვინეს კუბოში. წაიღო წყალმა კუბო ზღვაში. ერთი პატარა ღოჭი ბანგი დაუდგეს თავქვეშ. წყალმა კუბო ზღვაში შეიტანა. ცოლქმარს მოსწყინდათ და ჩაეიდნენ ზღვის პირას სათამაშოდ. შეხედეს კუბოა ზღვაში. ქმარმა თქვა: — გამოვიტან ამას, ამდენი ხანია არავინ გვინახავს, ცოცხალი თუ არ იქნება, მკვდარი ვნახოთო. ქალმა იკივლა: — არ გამოიყვანო, ინანებო. — აბა, მისი კი არ მეშინიაო.

გამოიყვანა, ახადა კუბო. ნახა მისი დედობილი. — ოჰ, საწყალო, რა დაგემართაო? — რა და ჩემი ცოდვა გქონდეს, გაიგეს, რომ შენ ჩემთან იყავი, სიკვდილი არ დამაჯერეს და ცოცხალი ჩამაგდეს წყალშიო. — აბა ნუ გეშინია, მე იმაზე უკეთ შეგინახავო, როგორც მკვიდრ დედასაო.

შეიყვანა სახლში, ემსახურა ოთხი-ხუთი დღე კარგად. ერთ საღამოს რომ დაწვნენ, მოსწყურდათ. დევის დედამ წყალი გადალვარა და როცა წყალი მოითხოვეს, ბანგი დააღვიძა. იმ ხალიჩაზე გოგო დააწვინა, აიღო სუფრა, ქუდი, ქისა და უთხრა ხალიჩას: — ხელმწიფის კარზე დამაყენეო. ის საწყალი კაცი დარჩა იქ ტიტველ მიწაზე. ახლარა ქნას, გავიდა ერთი კვირა, არც საქმელი აქვს, არც სასმელი. დაღონდა ისე, რომ სიარული არ შეუძლია. მინდორშია. ზევით ხე ჩანს. მივიდა იქ ოთხით. დაჯდა მის ქვეშ. ამის წვერზე ჩიტს ჰქონია ბუდე და წიწილები ჰყავს. მათი დედა მათი საქმლის საქებრად წასულა. ბარტყებმა უთხრეს ერთმანეთს: — ამისი ცოდვა არ გადაგვარჩენს, ამისთანა საწყალი ქვეყანაზე არაფერი არ იქნებაო. ვკითხოთ დედაჩვენს; იქნებ მისი გადაყვანა მოხერხდესო. საღამო დროს მოვიდა მათი დედა, საქმელი მოიტანა და წიწილებმა არ მიიღეს. — რა არი, რა გინდათ, რატომ საქმელს არა ქამთო?

— რად გვინდა საქმელი, ყველა დაგვბოცე, საქმელი უსარგებლოა ჩვენთვისო. ხომ უყურებ ჩვენს ქვეშ საწყალი კაცი არისო. შენ მოხუცი ხარ და გეცოდინება მისი იქით გადაყვანელიო. — ამის გადაყვანა არ მოხერხდება იქით, ოღონდ სადაც გიორგობას იხდიან, ამ ჩვენს ზევით რომ თეთრი ქვაა, მიწა ამოინგრევა, ქვა გასკდება, ამოვა თეთრი რაში, იმ ქვაზე დაჯდება, მაშინ მის თუხებს რაშს თუ მოახვედრებს, გადავა იქითო. იქ თუ კარგად გავარდა და გავორდა,

მაშინ თავს უშველის, თუ არა, დაიღუპებაო. მივიდა ის ბიჭი მეორე დღეს, დაჯდა ქვაზე, აინგრა მიწა, გასკდა ქვა, ამოვიდა თეთრი რაში, მოახვედრა ფეხები, გადაყვა გადაღმა და დარჩა. რა ქნას ახლა, სიარული არ შეუძლია და საკმელი აქ არ არის, მიდის ისე, როგორც ოთხფეხი. მიდის, მიდის და მივიდა ტყის პირას. მწიფს თეთრი ლეღვი. დაიწყო ამის ჭამა, ფეხზე ადგა, ახლა სიარული შესძლო. ამ ტყეში თეთრი ლეღვიცაა და შავიც. სულ ერთი იქნებაო და შავი შეჭამა. ის რომ შეჭამა, რამდენი ბალანი თავში აქვს, იმდენი ნაძვი და ხე გამოუვიდა თავზე. სული უდგია და ტყე არის უბედური მისი თავი. — მაინც დაღუპული ვარო, ახლოს არის თეთრი ლეღვი, აიღო, შეჭამა და მოურჩა თავი, გაეცალა ტყე. ახლა ბიჭმა ერთი ჯიბე შავი ლეღვი მოკრიფა, მეორე ჯიბე — თეთრი ლეღვი. მიდის, მიდის. შევიდა სოფელში. თხოულობს პურის ნატეხს და აჭყვევენ. ამოვიდა აქამდე, ხელმწიფის სამოსახლომდე. მისი დედობილი აქ მუშაობს. ჩავიდა და უთხრა: ჩემო დედობილო, კარგად მიყავიო.

— კარგი არ გიქენი, მაგრამ შენს ნივთებს დაგიბრუნებო. ხელმწიფისათვის არ მიუცია. დღისით ქუდი ახურავს და არავინ ხედავს. დამე დედობილთან არის. სადაც ხელმწიფის ეკლესიის გზაა, იქ ღუქანი გააკეთა. საკმელი, სასმელი აქვს საუკეთესო. ერთ კვირას მოდიან ეკლესიაში, ნახეს ღუქანი. — ვინ ააშენაო, აქეთობას შევიდეთო. წავიდნენ. წირვის შემდეგ შევიდნენ. ბიჭმა საუზზე გააკეთა, მოეწონათ. — აწი შენ უნდა გაგვიკეთო საკმელიო. ასე დადეს პირობა. ოთხ-ხუთ დღეს კაი საკმელი უგზავნა. ერთ დღეს შეურია შავი ლეღვი და რომ შეჭამეს, თავზე ხეები დაესხათ. ამთაც ისე დაემართათ, რამდენიც ბალანი ჰქონდათ, იმდენი ხე-ტყე ამოუვიდათ. მოკვავდათ ცისა და ქვეყნის ექიმები, ვერაფერი უშველეს, ჭრიან, ამოდის. ბიჭიც იქ არის. ბიჭმა თქვა: — მე მოვარჩენ და რას მომცემო? — ხელმწიფედ დაგაყენებო!

მისი მამაც აქ არის. ვერ იცნო შვილი. — შენ რას მოარჩენ, ექიმები ვერ არჩენენო.

ბიჭმა უთხრა: — მართლა მოვარჩენ, თუმცა არ ეკუთვნისო. ყველა შეეხვეწა: მოარჩინეო. — აბა, უღელი და კევრიო და ერთი მაგარი მათრახიო. დაადგა უღელი ცოლქმარს, მიაბა კევრი, მათრახი ხელში აქვს, ურტყამს; თითო დარტყმაზე თითო თეთრ ლეღვს აჭმევს, ეცლებათ თანდათან. განთავისუფლდნენ. მოარჩენ, უთხრეს — ხელმწიფედ დაჭეპიო. — მე ხელმწიფობა არ მინდა, შენი შვილი მინდა ცოლადო.

აუსრულეს. მისი მამაც გაანთავისუფლეს და დარჩნენ იქ.

იყო და არა იყო რა, იყო ერთი ხელმწიფის შვილი. ჰქონდა ერთი ბალი. ბაღში მწვანაილის ორი კვალი ჰქონდა გავლებული. ერთ კვალში ეთესა პრასა და მეორეში — კამა. ხელმწიფის შვილი ისე არა სკამდა პურსა, რომ არ ჩამოსულიყო და იმ კვლებთან არ დამკდარიყო.

ერთხელ ხელმწიფის შვილი ჩვეულებისამებრ ბაღში დადიოდა. კვლებში ერთი ქალაღი ეგდო; დაწერილი იყო, მაგრამ ვერ წაიკითხა კი. აიღო და სხვას მისცა. ქალაღი ქალად იქცა. ისეთი ლამაზი იყო, რომ მასზე მშვენიერს კაცის თვალი ველარაფერს ნახავდა.

დაინახა ერთხელ ხელმწიფის შვილმა ეს ქალი, ძალიან მოეწონა და ცოლად შერთვა ინება. ქალსა ჰკითხა: — რა გვარა ხარო?

ქალმა უპასუხა: — გვარი მაქვს პრასისა, კამის სარტყელი მარტყია, ერთი საწყალი ქალი ვარო.

ადგა ხელმწიფის შვილი, ანანას თავი დაანება და სხვა ცოლი შეირთო, რადგან ის ვითომ უხეირო გვარისააო. ანანას კი უყვარს ხელმწიფის შვილი, უყვარს საშინლად. დაიბარა მთიდან ირმები ანანამ, მოწველა, ჩაასხა ქვაბში, ჩაჯდა შიგ თვითონ, დულს რძე და იბანება შიგ ანანა.

ხელმწიფის შვილმა დაინახა, რომ ანანა რძეში იბანება.

ცოლს უთხრა: — ჩვენი ანანა, იცი, რასა შერება? მთიდან ირმები დაიბარა, მოწველა, ჩაასხა ქვაბში, დულს რძე და შიგ იბანებაო.

ცოლმა უთხრა: — განა მე ვერ ვიქ მაგასო!

ფურები დაიბარა, რადგან ირმები არა ჰყავდა, მოწველა, ჩაასხა რძე ქვაბში, აადულა და ჩავიდა შიგ საბანაოდ. გაებანა და მოიხარშა შიგ. დარჩა ქვრივად ხელმწიფის შვილი. წავიდა ანანასთან და ჰკითხა: — რა გაქვს გვარიო?

ქალმა ისევ ის უპასუხა: გვარი მაქვს პრასისა, კამის სარტყელი მარტყიაო. დაიწუნა ისევ ის გვარი ხელმწიფის შვილმა, სხვა ცოლი შეირთო.

წავიდა ანანა, დაჯდა მალლა სართულზე, აიტანა ტარი და დაუწყო აბრეშუმს რთვა. უცებ კვირისტავი გადმოუვარდა. მოიჭრა ანანამ ცხვირი, ჩაგზავნა, ამოატანინა კვირისტავი და ცხვირიც ისევ მოიბა.

ნახა ეს ხელმწიფის შვილმა. წავიდა და ცოლს უთხრა: — ჩვენი ანანა საკვირველი ქალია! მალლა სართულში ავიდა, აბრეშუმს ართავდა; კვირისტავი ჩამოუვარდა ძირს, მოიჭრა ცხვირი, ჩამოაგდო და

აატანინა კვირისტავი. მერე ცხვირი ისევ მოებო. — ეგ რას გაგკვირვებია, — უთხრა ცოლმა, — განა მე ვერ ვიქ მაგასაო?

ავიდა ბანზე, აიტანა ტარი და დაუწყო აბრეშუმს რთვა. კვირისტავი ჩამოაგდო, მოიჭრა ცხვირი და ჩამოაყოლა. ცხვირმა კვირისტავი ვერ აუტანა, აღარც მოება. უდინა სისხლმა, უდინა და მოკვდა.

დაქვრივდა ისევ ხელმწიფის შვილი. წავიდა და ანანას ჰკითხა: — რა გვარი გაქვსო? — გვარი მაქვს პრასისა და კამის სარტყელი მართყიაო, — უპასუხა ქალმა.

ხელმწიფის შვილმა კიდევ დაიწუნა გვარი და წავიდა მთაში. მელორე ნახა და უთხრა: — ერთი ღორი მომყიდე, სისხლი მე და ხორცი შენაო. დააკვლევინა ღორი, უბრძანა: მაგ სისხლში მომთხუპნე, წამილე მერე და ანანას წინ დამდეო.

დაკლეს მელორეებმა ღორი, სისხლი აღინეს, სისხლში მოთხუპნეს ხელმწიფის შვილი, წაიყვანეს და ანანას წინ დაღეს.

დაინახა სისხლში მოსვრილი ხელმწიფის შვილი ანანამ და შესძახა:

მზეო — დედავ, მამავ — მთვარევ,
ვარსკვლავებო, ჩემო მზეო!
ჩამოუშვით ოქროს სკამი,
აღარ არის ხელმწიფეო!

გაათავა თუ არა ეს სიტყვები, გაიხსნა ცა, და იქიდან ჩამოეშვა ოქროს სკამი. ადგა ხელმწიფის შვილი და მოეხვია ანანას. დაუწყეს ერთმანეთს კოცნა და სურვილება. გახდნენ ცოლ-ქმარი და დასხდნენ ოქროს სკამზე.

ხრისტაგან და გელთაგან ტარიელეზის არაკი

იყო ერთი ხელმწიფე და ჰყავდა ერთი ქალიშვილი. მის უკეთესი ცასა და დედამიწას შუა არაფერი დაიბადებოდა. ამ ხელმწიფეს ღამით დაეცა რაღაც და ქალი მოსტაცა. დაედევნენ, ბევრი ეძებეს, მაგრამ ვერსად ვერ ნახეს.

ამ დროს ცხოვრობდა თურმე ერთი ტყის კაცი, რომელსაც ღუთისადმი პირობა ჰქონდა მიცემული: თავის ღღეში კაცთან არ

გამოსულიყო და მუდამ ტყეში ყოფილიყო. მიწა-ადგილი ჰქონდა თავისათვის მიჩენილი, რადგან გარეშემო მოსაზღვრეები დევები ჰყავდა და მათ ხეებს არ აძლევდა მოსაჰკრელად. ისეთი ღონიერი კაცი იყო, რომ ყველა დევს მისი ეშინოდა.

ერთხელ ეს ტყის კაცი წავიდა თავისი ადგილის შემოსავლელად: დევებმა ხომ არა გააოხრეს რაო. ერთის მხრით წყლის პირი იყო ამ წყალს გაჰყვა. მზეც ჩასვლას დაეპირა. წყალს რომ დახვდა ტყის კაცმა, სისხლით შეღებილი ნახა. გაუკვირდა: „ეს წყალი თეთრი იყო, ახლა რად არის წითელი, ეს უნდა ვნახოთ“. შეჰყვა წყლის პირს და დააღამდა. ერთ ადგილს მიაღწია და ნახა, რომ ორი დევი ერთმანეთს ეჭიდება. თურქე ამათი სისხლით ყოფილა შეღებილი წყალი. გაღმა რომ გაიხვდა, დაინახა: დგას ნაპირზე რაღაც მზესავით მოელვარე. ტყისკაცი მივიდა დევებთან, იძრო ლეკური, მოუქნია, ორივე დახოცა და წყალს მისცა წასალებად. ამ დროს გაღმიდან დაუძახა მან, მზესავით რო ბრწყინავდა: ქრისტიანი ხომ არა ხარო? — არ შეგეშინდეს, — უპასუხა ტყისკაცმა, — მე ქრისტიანი ვარ და შენ კი ვინა ხარ, მითხარო? — მე ვარ ხელმწიფის ასული. შენ რომ მოკალი, იმ დევმა მომიტაცა და აქეთ წამომიყვანა. ამ წყალთან მეორე დევი დახვდა და ჩემი წართმევა დაუპირა. იმ დროს იყო, შენ რომ მოუსწარი ჩხუბობდნენ და დახოცეო.

ტყისკაცმა უთხრა ხელმწიფის ქალს: — მე ღვთისადმი მაქვს პირობა მიცემული, რომ ტყიდან არასდროს არ გამოვიდე. მინდორში გაგიყვან და შემდეგ შენს სახლში წადიო. მაგრამ ქალმა უპასუხა, შენი დაშორება არაფრით არ შემიძლიაო.

ტყისკაცმა წაიყვანა ქალი თავის სამყოფ ადგილას და დაიწყეს ერთად ცხოვრება. გავიდა ნახევარი წელიწადი- ქალი დაორსულდა. ბავშვის დაბადების დრომაც მოატანა. ტყისკაცმა უთხრა ქალს: — მე მარტო ვარ ამ ტყეში. შენ რომ დაწვები, კაცი გინდა ხელის მომწყობი. მე არაფერი არ შემიძლია. — მე შენთან უნდა მოვკვდე, სხვაგან ვერსად ვერ წავალო, — უთხრა ქალმა, მაგრამ ტყისკაცმა არ დაუჭერა: — შენ სახლში უნდა წახვიდე. მე ტყიდან გაგიყვან ღამით და შენი სახლის ახლოს მიგიყვანო.

ქალს რა უნდა ექნა: — კარგო, უთხრა.

წაიყვანა ტყისკაცმა ღამით და მისი სახლის ახლოს დასტოვა. ამოიღო ჭიბიდან ერთი ბეჭედი, მისცა ქალს და უთხრა: — შენ დაგებადება ვაჟი; სახელად ხრისტაგანი დაარქვი. ეს ბეჭედი მაშინვე მარჯვენა ხელის თითზე წამოაცვი: მისდღეში არ წამოიძროს, — სულ თითზე ჰქონდესო.

ტყისკაცი დაბრუნდა თავის ადგილას. ქალი შევიდა თავის სახლში. დედ-მამამ რომ დაინახა, გაეხარდათ: ჩვენი ასული მოსულაო.

მეორე ღღეს გამართეს დიდი წვეულება: ბევრი კაცი ჰყავდათ დაპატიუებული. შუადღისას ქალს მუცელი ასტკივდა, დააწვინეს ლოგინად და ეყოლა ვაჟი. დედამ თქვა: ამის სახელი ხრისტაგანი იყოს, რადგან ამისმა მამამ ასე დაჰბარაო. ყველა თანახმა გახდა. მამის ბეჭედი მარჯვენა ხელის თითზე წამოაცვეს. გავიდა სამი თვე. ბავშვი კარგა ღონიერია ხელმწიფეს გაუხარდა: ეს ვილაც ურიგო კაცის შვილი არ უნდა იყოსო.

ამდენი რა გავაგრძელო, ბავშვმა მინდორში თამაში დაიწყო სხვა ბავშვებთან. ერთ ღღეს თავის ბაბუა-ხელმწიფეს უთხრა: — გამიკეთებინე ფოლადის მშვილდ-ისარი ისეთი, რომ წონით ორასი ფუთი იყოსო. — ძალიან კარგო, — უპასუხა ბაბუამ, თუმცა შვილიშვილის ასეთი სურვილი ბაბუას არ მოეწონა, მაინც გააგზავნა კაცი მჭედელთან. გამოქედა მშვილდ-ისარი, მაგრამ მისი მოტანა საძნელო შეიქნა. გააგზავნა ხელმწიფემ კამეჩები ურამებით და დიდი წვალებით მოიტანეს. როდესაც ეზონი შემოვიდნენ, ბავშვმა დაინახა, გაიქცა, მიეგება ურემს. მოჰკიდა ხელი მშვილდ-ისარს და უცებ აიღო. ყველას გაუკვირდა: ეს ფარსაგი კაცი არ იქნებაო!

ხრისტაგანმა დაიკავა ხელში ისარი და ზევით აისროლა. უმზირეს სხვა კაცებმა, მაგრამ თვალიდან დაეკარგათ ისარი. დიდი ხნის შემდეგ ისარი მიწაში ჩაერკო. ისარი რომ ამოეძროთ მიწიდან, სამოცი კაცი მივიდა, მაგრამ ვერაფერს გახდნენ. ამ დროს გაიქცა ხრისტაგანი, მივიდა და თავისი ისარი უცხად აიტაცა. ეს რომ ნახეს, ყველა ამბობდა: ეს უნდა იყოს ტარელების ბატონიო.

ხრისტაგანმა დაიწყო სანადიროდ სიარული. ისეთი საღამო არ იქნებოდა, სხვადასხვა ნადირი არ მოეტანა. ახლა სრულიად გაიზარდა ხრისტაგანი. მისი ყველას ეშინია, რადგან იმის მსგავსი მაგარი ბავშვი ღღემდის არავის ენახა.

ერთხელ ხრისტაგანი წავიდა სანადიროდ. იარა ბევრი, მაგრამ ვერაფერი მოკლა. საღამოს დაბრუნდა თავის სახლში. შარას რომ შეწუხებული მოდის, გაიხედა ერთი მინდვრისაკენ და დაინახა, რომ ქალს მხარზე უდგას წყლით სავსე კოკა. ხრისტაგანმა იფიქრა: აბა, ამ კოკას მხარზე თუ დავატეხავო. ესროლა ისარი, მოარტყა კოკას და გატეხა. ქალი გაიწუწა. მიბრუნდა და უთხრა ხრისტაგანს: — დედა-შვილობას, ჩემი კოკა რომ არ გავეტეხა, სხვა ვერაფერი ნახე სასროლიო? ახლანდელმა ბიჭებმა ხელზე ბეჭდის წამოცმა იცით; ეს ძველმა ტარიელებმა არ იცოდნენო.

ხრისტაგანმა არა უთხრა რა. წამოიძრო იმ წამს ბეჭედი და ჯიბეში ჩაიღო. მოვიდა თავის სახლში. იმ ღამეს გულჯავრიანმა დაიძინა. მეორე დილას წამოდგა. საჭმელი ჭამა, დედას დაუძახა — აქ მოდიო. დედა მივიდა. — ერთს გკითხავ და არ დამიძალო: — უნდა მითხრა, ვინ არის მამაჩემი.

დედა შეწუხდა, მაგრამ რა უნდა ექნა? უთხრა: — მამაშენი ტყის კაცია. ის მუდამ ტყეში ცხოვრობს. ღვთისადმი პირობა აქვს მიცემული, რომ კაცს არ ეჩვენოს. — საით არისო? — ჰკითხა ხრისტაგანმა. დედამ უთხრა: — ამა და ამა მხარესაო, — და თითოთ აჩვენა.

მონახა ხრისტაგანმა თავისი რაში, რომელზედაც ჯერ არავინ მკდარიყო. გამოიყვანეს რაში ჯაჭვებით. მივიდა ხრისტაგანი, გადაუსვა ხელი და უცებ უნაგირი დაადგა. აიღო თავისი მშვილდ-ისარი და სახლში დაუბარა: „მამაჩემის საძებნელად მივდივარო“.

შეაჯდა რაშს, მოუქნია და წავიდა ზევით-ზევით ჰაერში. იმ ტყის ახლოს დაასკუპა ცხენი. შევიდა ტყეში, ეძია მამამისი, მაგრამ ვერა ნახა. მამამისი თურმე დევებს გაჰკიდებოდა, რადგან მათ ხეები დაეოხრებინათ. აქეთ რომ მობრუნდა ტყის კაცი და მოღის, შეხედა, რაში ტყეში ბალახობს და ვაჟი თავისთვის დასეირნობს. — ჰეი! რა კაცი ხარ! — დაუძახა ტყისკაცმა. — ვინა ხარ, რომ ჩემს ტყეში შემოსვლა გაბედო? — მე ვარ, რა გნებავს? მობრძანდი, თუ რამე შეგიძლიაო! — დაუძახა ხარისტაგანმა. — ჩემი წამოძახება ხრისტაგან-ტარიელის მეტს სხვას ვერ უნდა გაებედნაო! — დაუძახა ტყის კაცმა.

მაგრამ ხრისტაგანმა არ იკადრა სახელის თქმა, აიღო თავისი ისარი და სტყორცნა ტყისკაცს. ტყის კაცმა ხელით დაიჭირა ისარი. უყურა ხრისტაგანის ხელს, მაგრამ ბეჭედი ვერ შენიშნა: „ეს ჩემი მშვილი არ უნდა იყოს, თორემ ხელზე ბეჭედი ექნებოდაო“, იფიქრა. მოიმარჯვა ტყისკაცმა მშვილდ-ისარი და ესროლა. მოხვდა ხრისტაგანს. წაიქცა და სული განუტევა. მოვიდა ტყისკაცი, დააქცერდა მკვდარს, ხელები გაუსინჯა, მაგრამ ბეჭედი ვერ უპოვა. „ეგებ ჯიბეში რამე ედოსო“, იფიქრა. ჩაუყო ხელი ჯიბეში და ამოუღო საფულე. გახსნა და დაინახა მისი მინაცემი ბეჭედი. ერთი დაიღრა-ალა და თავი ხეს მიახეთქა. წაიქცა ხე. მეორე ხეს დაეტაკა, — მეორე წაიქცა, მესამე... და ასე ძირს დააგო მთელი ტყე. მობრუნდა ისევ ხრისტაგანთან, წაიშინა თავში ხელი და კიდევ შეჰბლავლა. ტირის ტყის კაცი განუწყვეტილად და თავს ხეებს ახეთქებს. დევებს შეეშინდათ... „ეს რაღაც კარგი ამბავი არ უნდა იყოსო“, — და ყველანი სხვა ადგილებში გადაცივიდნენ.

ტყის კაცი უფრო და უფრო ბევრს ბლავის, ისე რომ ღმერთმა გაიგონა მისი ღრიალი. დაუძახა მტრედს და უბრძანა: „წადი, ნახე, რა არის, იმ კაცს რა უჭირსო“.

წამოვიდა მტრედი, ნახა, რომ მკვდარი მინდორზე დევს: ერთი კაცი მივა ახლოს, წაიშენს თავში ხელს, დაიწყებს ბლავილს, არტყამს ხეს თავს, წაიქცევა ხე და აქეთ-იქით ხეებსაც ანადგურებს. შემოვლია ახლომახლო თავის მისარტყამი ხეები. თუ რას შვრებოდა ეს კაცი, ყველაფერი ნახა მტრედმა. ისე უფრთხილდებოდა ტყის კაცი მკვდარს, რომ ზედ ბუზიც ვერ გადაიფრენდა.

წავიდა მტრედი და ყველა ეს ამბავი ღმერთს მოახსენა. ღმერთმა მისცა მტრედს ერთი ცხვირსახოცი და უთხრა: „შენ ეს წაიღე ნისკარტით, მიდი მკვდრის ახლოს, დაუდარაჯე იმ კაცს: როდესაც წავიდეს ხეზე თავის მისახლეულად, მაშინ ეს ცხვირსახოცი ზევიდან დააგდე მკვდარს სახეზე. შენ თავს გაუფრთხილდიო“.

მტრედმა წაიღო ცხვირსახოცი, იხელთა დრო, დააფრინდა მკვდარს და ცხვირსახოცი სახეზე დაადო; თვითონ გაფრინდა. ტყის კაცი რომ მოდის და მოღრიალებს, ნახა მკვდარი ვაჟი ფეხზე დგას. გაექანა, ეტაკა, გადაკოცნა და ჰკითხა, — სახელი რა გქვიაო. — ხრისტაგანიო, — უთხრა მან.

ახლა ყველაფერი გაიგეს ერთიმეორის ამბავი, მამა და შვილი არიან. ხრისტაგანი ბევრ ხანს დარჩა მამაშისთან. ბოლოს ტყისკაცმა უთხრა თავას შვილს: — შენ ახლა სახლში წადი და იცოდე ამხანაგად გაიხადე ბელთაგანი-ტარიელი, რუვი-ტარიელის შვილიო. გამოეთხოვნენ ერთმანეთს, წავიდა ხრისტაგანი თავის გზაზე.

მიდის ხრისტაგანი და ფიქრობს: „ბელთაგანი-ტარიელი უნდა მოეძებნოო“. შემოუქნია რაშს და ერთი ზღვის პირას გადაახტუნა. გაჰყვა გზას, იარა, იარა ეს ღამე, დილა და მიადგა გზაჯვარედინს. ერთი გზისკენ რომ გაიხედა, რაღაც ყვავისოდენა გამოჩნდა. იფიქრა, ნამდვილად კაცი უნდა იყოსო. გაუქნია რაშს, მიაღწიეს ერთმანეთს. ჰაერი მოაწვა ხრისტაგან-ტარიელს, ისე, რომ სიარულს უშლიდა, მაგრამ ხრისტაგანის ჰაერიც იქით აწვებოდა იმ მხრიდან მომავალ კაცს. ხრისტაგანმა იცნო: ნამდვილად ეს უნდა იყოს ბელთაგანი-ტარიელიო. ბელთაგანიც მიხვდა: ნამდვილად ხრისტაგანი-ტარიელი უნდა იყოსო.

მიუახლოვდნენ ერთმანეთს, მაგრამ წინდაწინ გამარჯვება არც ერთმა თქვა და არც მეორემ. აუარეს გვერდი ერთმანეთს. მობრუნდა ხრისტაგანი და დაუძახა: — გამარჯობა, ძმაო, ბელთაგან-ტარიელიო!

ძობრუნდა ბელთაგანი და უთხრა: — გაგიმარჯოს ღმერთმა, ძმაო, ხრისტაგან-ტარიელო!

ჩამოართვეს ხელი ერთმანეთს და გადაკოცნეს. დასხდნენ ერთ ხის ჩრდილში, მოისვენეს და დაიწყეს ლაპარაკი. ბელთაგანმა თქვა: — ერთ ადგილას დევები მოსახლეობენ. გარშემო გალავანი აქვთ და რკინის კარები ჰყილია. ეზოს ირგვლივ გარედან ცხელი წყალი უდის, ისეთი, რომ რასაც მიესხმება, დასწავს. ამ დევებს ჰყავთ ერთი ისეთი და, რომ მზე და მთვარესავით ბრწყინავს. მაგრამ რა გამოვიდა? წყალში არ გაისვლება; წყალში თუ გახვედი, გალავანში არ შეისვლება; იმიტომ რომ თითო ჭიშკარი ათასფუთიანი რკინისააო.

— აბა, ძმაო, ბელთაგან-ტარიელო, წავიდეთ იმ ადგილას; რაც დაგვეპარება, ღმერთია მოწყალე, — უთხრა ხრისტაგან-ტარიელმა.

ადგნენ ტარიელები, შესხდნენ თავიანთ რაშებზე, გაუქნიეს და მივიდნენ დევების ახლოს, სადაც ცხელი წყალი ირგვლივ უვლიდა იქ ბელთაგან-ტარიელმა უთხრა: — აბა, ძმაო, ეს არის ის წყალი. რით გაისვლება აქეთკენ? — ჰე, ძმაო ბელთაგან, — უთხრა ხრისტაგანმა, — მე რომ გითხრა „ჰეი“, იმ დროს რაშს მათრახი დაჰკარც ისეთი, რომ უმწარები არ იქნებოდეს.

ხრისტაგანმა მოჰკიდა ხელი ბელთაგანის რაშის კუდის ძირს და დაუძახა: — ჰეი!

დაჰკრა ბელთაგანმა მათრახი რაშს. ამ დროს აიყვანა ხრისტაგანმა რაში კუდით და გაისროლა გაღმა. ბელთაგანი ამნაირად გაღმა გახტა.

ხრისტაგანმა დაჰკრა მათრახი თავის რაშს და გახტა გაღმა ნაპირს. ამ დროს დაღამდა მივიდნენ გალავანის პირთან და იმ ღამეს იქ მოისვენეს. დილით, როგორც კი მზის სინათლე მოეფინა ქვეყანას, ადგა ორივე ტარიელი. ბელთაგანმა უთხრა ხრისტაგანს: — ახლა როგორ უნდა მოვიქცეთო? — წამო, ძმაო, აქეთ! — უთხრა ხრისტაგანმა. წავიდნენ რკინის კარებისაკენ. მოჰკიდა ხელი ხრისტაგანმა, ორივე კარი მოჰკლიჯა. მაგრამ ამ დროს დევები გამოღვიძებული არ ყოფილან. როდესაც შუა ეზოში შევიდნენ, გაიგეს დევებმა, გამოცვიდნენ გარეთ; მაგრამ ხრისტაგან-ტარიელი წავიდა წინ, იძრო ლეკური და დაერია დევებს. ორივე ტარიელი საღამომდის ჰრიდა და ელეტდა დევებს. ყველა გაწყვიტეს და ბოლოს სახლში შევიდნენ. ნახეს, კაცის თვალი უკეთესს ვერ ნახავდა, ისეთი ქალიშვილი. ქალს შეეშინდა.

— არ შეგეშინდესო, — უთხრეს ქალს ტარიელებმა და დაიშვილდეს. ტარიელები დაწვნენ ლოგინზე და მოისვენეს დაღლილებმა. მეორე დღეს დილით წამოდგნენ ტარიელები, საქმელი ჰამეს, გაიარ-

გამოიარეს, მაგრამ ბელთაგან-ტარიელს ყველაფერი უხამად მიაჩნდა, რადგანაც ეს ქალი შეუყვარდა. ამასთანავე ხრისტაგანისაც ეშინოდა: ეგებ მას უყვარდეს და მას უნდოდეს ცოლადო.

შუადღეზე სახლში შევიდნენ ტარიელები და ეს ქალიც. დასხდნენ ყველანი. ხრისტაგანმა თქვა: — ძმაო ბელთაგან-ტარიელო! ეს იყოს შენი ცოლი და ჩემი რძალი.

ბელთაგანს გაეხარდა, მაგრამ ქალს ცოტა ეწყინა, რადგან ხრისტაგან-ტარიელი უკეთესი იყო. ორი თვე ერთად იყვნენ. ხრისტაგანმა უთხრა ბელთაგანს: — მე, ძმაო, ახლა უნდა წავიდე. თქვენ იცით, როგორ ჰქვიანად იქნებითო.

გამოუყვანეს რაში ხრისტაგან-ტარიელს. ბელთაგანის ცოლმა გამოიტანა აბგიტ რაღაც საქონელი, მისცა ხრისტაგანს ხელში და უთხრა: — ამაში ძევს სამნაირი ტანისამოსი: — ერთი — ოქროსი, მეორე — ვერცხლისა და მესამე — სპილენძისა.

გამოართვა ხრისტაგანმა აბგა და რაშს უკან დააკრა. ამოიღო ჯაყვა, მისცა ბელთაგანს და უთხრა: — მე, ძმაო, გაპირვებული ვიქნები, როდესაც ამ ჯაყვის პირი გასისხლიანდებო.

გამოეთხოვენ ერთმანეთს. წავიდა ხრისტაგანი თავის გზაზე.

ხრისტაგანმა მოუქნია რაშს და ზღვის პირს გადაახტუნა. გზას რომ მიდის, ერთი დედაბერი დაინახა და ჰკითხა: — ეს რა სახელმწიფოაო? — ეს შავი ხელმწიფის სახელმწიფოაო. — უთხრა დედაბერმა. — ამ ზღვის გაღმა რა არისო? — გაღმა თეთრი ხელმწიფეა. იქაურ სახელმწიფოს მცხოვრებლები ყველანი გახარებული არიან. იმ ხელმწიფეს ჰყავს სამი ქალიშვილი.

ეს რომ გაიგონა ხრისტაგანმა, დაეშვიდობა დედაბერს და გასწია. ცოტა რომ გაიარა, ხრისტაგანი გადმოხტა რაშიდან, ამოიღო აბგიდან სპილენძის ტანისამოსი, თავისი ტანისამოსი გაიძრო და სპილენძისა ჩაიცვა. შეხტა ზღვაში რაშით, მოუქნია და გაღმა ნაპირს გავიდა. ერთი დღის გზა გაიარა ხრისტაგანმა, გადმოვიდა რაშიდან და უთხრა: წადი, იბალახე, როდესაც დაგიძახო, მაშინვე მოდიო.

რაში წავიდა საბალახოდ, ხრისტაგანი გაჰყვა მინდორს და ხელმწიფის სასახლეს მიუახლოვდა. ამ დროს მელორე თავის ლორებს მოერეკებოდა. ხრისტაგანმა უთხრა მელორეს: — შენი ტანისამოსი მე მომეცი და ჩემი შენა გქონდესო.

მელორე ცოტა ხანს გაჰკვირდა და შემდეგ უთხრა ხრისტაგანს: — ჩემი ტანისამოსი დაგლეჯილია, შენი კი სპილენძისა არისო. — შენ რას დაეძებ, — უთხრა ხრისტაგანმა.

გახადა მელორეს მისი ტანისამოსი და თავისი სპილენძის ტანისა-

მოსი მისცა. ჩაიცვა მელორემ და წავიდა. ხრისტაგანმა კი მელორეს ტანისამოსი ჩაიცვა.

მიღის შარაზე მელორე და თან უკან იხედება, ეს სპილენძის ტანისამოსი ისევ არ წამართვასო. ამ შიშით გულში მელორე თავის სახლში მივიდა.

ახლა ამდენი რად მოგაწყინოთ, ხრისტაგანიც ხელმწიფის ჭიშკართან მივიდა. კარი გაღებული დახვდა. შევიდა შიგ. ხელმწიფის მოსამსახურეებმა რომ დაინახეს, ერთმანეთს დაუძახეს: „გლახაკი მოდისო“. ერთმა მოსამსახურემ თქვა: „ეს მე მინდა ჩემს დაძხმარედ, საჭინბოს გამოსაწმენდად მოვიხმარო“. მეორემ თქვა: „რას ლაპარაკობ, ეს მე მინდა ეზოს დამგველადაო“. მეეტლე წამოესწრო მათ ლაპარაკს და მან წაიყვანა ხრისტაგანი ცხენების მომვლელად.

ხრისტაგანს ჰქონდა ხუჭუჭი თმა და ამისათვის მოსამსახურეებმა დაარქვეს სახელად „ქოჩორა“. არის ქოჩორა აქ და წმენდს ცხენებს. ისეთი წმენდა იცის, უკეთესს კაცის ხელი ვერ გასწმენდს. ერთ დღეს ხელმწიფე სასეირნოდ წავიდა ეტლით. ცხენებს დაუკვირდა და მეეტლეს ჰკითხა: — ეს ცხენები ვინ გაწმინდაო? — ერთი გლახაკი მოვიდა, ქოჩორას ვეძახით, ისა მყავს ცხენების მწმენდავადო, — მოახსენა მეეტლემ.

საღამოს ხელმწიფე დაბრუნდა სასახლეში და ქოჩორა დაინახა. გაუხარდა ხელმწიფეს, ქოჩორა მზარეულს მიაბარა და უბრძანა: — ამას საკმელების კეთება ასწავლეო.

ქოჩორა ჰყავდა მზარეულს ერთი თვე და ყველაფრის კეთება შეასწავლა. ერთხელ მზარეული არ იყო და ქოჩორა მარტო აკეთებდა საკმელებს. გააწყვეს სადილი. ხელმწიფე სუფრას მოუჭდა. საკმელები ერთი მეორეზე უკეთესი იყო. ხელმწიფემ მოიწვია ქოჩორა და უთხრა: — დღეის შემდეგ შენ იქნები ჩემი ბაღის მუშების უფროსი; შენ უნდა მისცე მათ გეგმა, თუ როგორ უნდა ბაღს კეთება.

მადლი შესწირა ქოჩორამ ხელმწიფეს. მეორე დღეს დააყენეს ქოჩორა მებაღედ. ქოჩორამ ისეთი ხელი გამოიღო, რომ ნახევარი წლის შემდეგ ბაღში შესვლის ღირსი არავინ იყო.

შუა ბაღში კასრები იღვა წყლის კურკლებად. ამ ალაგას მუშები მოვიდნენ. ოცი კაცი კასრებს ეზიდებოდა, მაგრამ ერთი კასრი ისეთი ერია, რომ ასი კაციც ვერ აიღებდა. საღამოს ქოჩორა შევიდა ბაღში, მიიხედ-მოიხედა, მოჰკიდა ხელი ამ დიდ კასრს, აიღო და მეორე ადგილას დადგა. ამ დროს ზემო სართულიდან ხელმწიფის უმცროსმა ქალმა დაინახა, რაც ქოჩორამ გააკეთა.

ცოტა ხნის შემდეგ ხელმწიფის ქალები ჩამოვიდნენ ძირს და

წავიდნენ ბაღში სასეირნოდ. ბაღში რომ სეირნობენ, ამ დროს ქოჩორას თურმე ხის ძირში დასძინებია. წინ მიდის უფროსი ქალი, უკან მისდევს საშუალო და სულ ბოლოს — უმცროსი. ეს უმცროსი ქალი დააცქერდა ქოჩორას, რომელსაც გულ-მკერდგახსნილს ეძინა. ქალი დაუკვირდა და მიხვდა, რომ ურიგო კაცის შვილი არ იყო, ხოლო რაც ღონე ჰქონდა, ეს ხომ ისედაც იცოდა. ავიდნენ ქალები ზემო სართულზე. ამ უმცროს დას სულ ქოჩორას ფიქრი აქვს.

გავიდა სამი დღე. ხელმწიფემ თავისი ვეზირები შეყარა და უთხრა: — ეს ჩემი ქალები ყველა ერთ დღეს უნდა გავათხოვო. — ძალიან კარგი, ბატონო. — მოახსენეს ვეზირებმა. — ყველა სახელმწიფოდან უნდა შევეყაროთ ახალგაზრდა კაცები, — თქვა ხელმწიფემ, — იმ დღეს წვეულება უნდა გავმართო, სტუმრები ყველა სუფრასთან დავსხათ. როდესაც შუა სმა-ჭამა იქნება, იმ დროს უფროსი ქალი შევიდეს, ერთი ვაშლი უნდა მივცეთ ხელში და ქალი დაჰყვეს სუფრას. ვისაც საქმროდ ამოირჩევს, იმას მისცეს თავისი ვაშლი. საშუალო და უმცროსიც ასე უნდა მოიქცნენო.

ვეზირები დათანხმდნენ. მეორე დღეს დააგზავნეს ყველა სახელმწიფოში ქალადღები. დანიშნულ დროს გამართეს ლხინი. მივიდნენ სტუმრები. ხელმწიფის შვილებიც არიან სხვადასხვა სახელმწიფოდან. ვინც კი ვარგოდა, ყველა ვაჟი იქ იყო. დაახეს ყველანი. შუა სმა-ჭამა რომ შეიქნა, გამოიყვანეს უფროსი ქალი. აქეთ-იქით ორი კაცი მოჰყვება. მიიყვანეს, მისცეს ხელში ვაშლი და ხელმწიფემ უთხრა: — შვილო, ვინც შენ საქმროდ გინდა, მას ეს ვაშლი ხელში ჩაუღდეო.

დაჰყვა ქალი სუფრას. ვაჟებმა ამ დროს ულვაშის გრეხა დაიწყეს; ზოგმა თავზე ხელი გადისვა, ზოგმა მაგრად ჩაახველა, ეგებ მე შემომხედოს ქალმაო; მაგრამ ის სულ იქით-იქით მიდის. იარა, იარა ქალმა და ბოლოს ვაშლი ერთ ვაჟს მისცა. ყველამ ვაშა დაიძახა. ქალი და ის ორივე ზემო სართულში აიყვანეს. ეს ვაჟი გარეშე ხელმწიფის შვილი იყო.

ახლა სუფრას საშუალო ქალი დაჰყვა. ყმაწვილებმა მაწინვე დაიწყეს ულვაშის გრეხა, ვინ ხველება, ვინ ცხვირსახოცის ამოღება და ცხვირის წმენდა, იმიტომ რომ ის ცხვირსახოცები ყველა ძვირფასი იყო. იარა, იარა ქალმა და ბოლოს ვაშლი ერთ ვაჟს მისცა. მაყურებლებმა ვაშა დასძახეს. ეს ვაჟიც გარეშე ხელმწიფის შვილი იყო. ქალი და ვაჟი ორივე ზემო სართულში აიყვანეს.

ახლა მესამე ქალი, უმცროსი, მოიყვანეს და ისიც სუფრას დაჰყვა. ვაჟებმა დაიწყეს ქვეშ-ქვეშ ცქერა. არა მე მომცემს ვაშლს და არა

მეო. მაგრამ ეს ქალი სულ იქით-იქით მიდის. ვაჟებს ტყუილად თვალელები დაებრიცათ, ქალმა გაიარა სუფრა, მაგრამ ვაშლი არავისთვის მიუცია. ხელმწიფემ ჰკითხა თავის ქალს: — რა არი, შვილო, არც ერთი კაცი არ მოგეწონაო? — ყველანი არა სხედან სუფრასთანო, — უთხრა ქალმა. — დასხით ყველანიო, — ბრძანა ხელმწიფემ.

დასხეს ყველანი, გარდა ხელმწიფის მოსამსახურეებისა — ჰე, შვილო, წადი ახლა! — უთხრა ხელმწიფემ ქალს.

ქალი დაჰყვა ხელმეორედ სუფრას, მაგრამ ვაშლი ახლაც არავის მისცა. — რა არი, შვილო, კაცი კიდეც აკლია? — კიდეც სრულად არა სხედან კაცები, — უთხრა ქალმა. — არავინ არ დატოვოთ, ვისაც კი უღვაში ასხია, — ბრძანა ხელმწიფემ.

მოიყვანეს ყველანი და დასვეს. დაჰყვა ქალი. ვაჟებმა ყურები ცქეიტეს, მაგრამ ამ ქალს მაინც არა ეშველა რა. იარა, იარა, იარა, — მიაღწია ქოჩორას ახლოს. ხელი რომ ასწია, ყველას გაუეკირდა, მაგრამ ვაშლი ხელში ჩაუდო ქოჩორას. არც ვაშა დაიძახეს და არც არაფერი. ყველა ერთმანეთს მისჩერებოდა: რა ქნა, ჭიმალურელი¹, ამ ქალმა? სულ დაღუპული არა ყოფილაო!

ააყენეს ქოჩორა და მისი ცოლი. — საცხენე ფაცხა რომ იღვა, იქ წადიო, — უთხრა ხელმწიფემ: — ამისი ბედი გქონია: ყოველთვის მკვდარი იყავი და დღეს კი სულ მომიკვდიო.

ქოჩორა და მისი ცოლი ფაცხაში შევიდნენ და იქ დასხდნენ. ნარჩენი საჭმელები მოსამსახურემ გობით მიუტანა. ტირის ქალი, მაგრამ რა ქნას? ქოჩორამ მოირთხა და კერძასთან ჩაჯდა. ეს ორი სიძე და მათი ცოლები ზემო სართულში დათამაშობენ.

გავიდა დრო და ხანი. ხელმწიფე ავად გახდა და ვერავითარმა ექიმობამ ვერ უშველა. დასხდნენ ვეზირები, ითათბირეს, როგორ უჯობს ამ ჩვენი ხელმწიფის ავადმყოფობასაო. ბევრი სხვადასხვა ილაპარაკეს, მაგრამ ერთმა თქვა: — ამა და ამ შთაში არის ერთი გარეული ღორი. იმის გულსა და ღვიძლს ვინ მოიტანს, თორემ ნამდვილად მოუხდება ხელმწიფესო. — ვინ მოიტანს და სიძეებიო, — თქვეს ვეზირებმა.

უთხრეს ეს სიძეებს. გამოეწყო ორივე სიძე და წავიდნენ წამლის საშოვნელად. ეს რომ ქოჩორამ გაიგონა, ხელმწიფის ცოლს კაცი მიუგზავნა: „მეც მივიღივარ და ცხენი მომეცითო“.

ხელმწიფის ცოლმა თქვა: — მიეცით საფქვილე ცხენი. ეგებ სადმე დაიღუპოსო.

¹ ჭიმალურელი — ღმერთო მოქალი (სიტყვა სიტყვით: ძმა მკვდარი; ძმა ნუ მომიკვდება).

მოუყვანეს ქოჩორას ერთი მუნიანი ცხენი. დაუდგეს დაგლეჯილი უნაგირი. შეჯდა ქოჩორა და წავიდა. ბავშვებმა სტვენა დაუწყეს: „ქოჩორა მიჰქრის, მიაჭენებს!“

ქოჩორას ცხენი მიჩაქჩაქებს. იარა ქოჩორამ და იქ მივიდა, სადაც რაში დატოვა. დაუძახა რაშს. რაში მოვიდა. ცხენი იქ მინდორს დატოვა; დაგლეჯილი უნაგირი ტყეში შეინახა. ამოიღო რაშის ყურიდან უნაგირი და ტანისამოსიც. დაჰკრა რაშს მათრახი და რაში იმ მთაზე დასკუპდა, სადაც გარეული ღორი ცხოვრობდა. გადმოხტა რაშიდან და დასადავა. თვითონ ჩრდილში დაწვა. გავიდა ცოტა ხანი და ორივე სიძემ თავი ამოჰყო. გაიხედეს ნახეს: რაში ჩრდილქვეშ დგას და ერთ კაცს ჩრდილში სძინავს. კარგად რომ დაუკვირდნენ, თქვეს: „ნამდვილად წმინდა გიორგი უნდა იყოსო“. ჩამოხტნენ ცხენებიდან, დაიწყეს პირჯვრის წერა მიუახლოვდნენ და დაიჩოქეს. ქოჩორამ უთხრა: — რა გინდათ, რა გაგკირვებიათო? — ჩვენ მოვდივართ ამა და ამ საქმისათვისო, — ყველაფერი უთხრეს სიძეებმა. — ის ღორი აი, სად არისო; წადით, ან მოჰკალით, ანდა აქეთ გამორეკეთო, — უთხრა მათ ქოჩორამ.

წავიდნენ, მაგრამ ვერც მოკლეს და ვერც გამორეკეს. ადგა ქოჩორა, წავიდა. მოჰკლა ღორი და სიძეებს უთხრა: — გასჭერით, გამოიღეთ გული და ღვიძლი!

მივიდნენ, გასჭერეს, შევიდნენ ღორის მუცელში და ძლივს გამოიღეს გულ-ღვიძლი. — მოდი აქ, — უთხრა ქოჩორამ უფროს სიძეს, — ცერი მაჩვენეო!

მოჰკიდა ქოჩორამ ხელი და ფრჩხილი ააძრო. — ახლა წადითო! — უთხრა ქოჩორამ.

დიდი მადლობა უთხრეს სიძეებმა ამ ღვთის სწორ კაცს და წამოვიდნენ. მოაწიეს შუა შარას, ძალიან ხათრიანად კი მოდიან. შევიდნენ ხელმწიფის ეზოში. ათამაშეს ცხენები და გადმოხტნენ. შემოეგებნენ სიდედრი და ცოლები. „მოვიტანეთო“, — უთხრეს სიძეებმა. ყველას გაეხარდა. მოხარშეს და აჰამეს ხელმწიფეს. ხელმწიფე მორჩა. იყო დიდი სიხარული: „ჩვენი სიძეები ტარიელები¹ არიანო“, — ამბობდნენ.

ქოჩორა მთაზე რომ იყო, შეჯდა რაშზე, დაჰკრა მათრახი და სადაც მისი ცხენი იყო იქ დაასკუპა. ტანისამოსი გაიხადა, ისევ რაშის ყურში შეინახა. უთხრა რაშს: „წადი იბალახეო“. დაიჭირა ცხენი, მოადგა დაგლეჯილი უნაგირი, წამოვიდა ხელმწიფის სასახლეში. ჰიშკარს რომ შევიდა ბავშვებმა დაინახეს. დაიწყეს სტვენა: „ქოჩორა მოდის, მოაჭენებს, ღვიძლი და გული მოაქვს“.

¹ გმირები

ამ დროს ქოჩორას მეუღლემ გაიხედა ფაცხიდან. გული მოუკვდა: მიიფაფება ქოჩორა მისი ცხენით. სიძეებმა რომ დაინახეს, სიცილი დააყარეს. ხელმწიფის ცოლმა თქვა: — ეს კიდეც არ დაღუპულაო?

გადმოვიდა ქოჩორა ცხენიდან, შევიდა ფაცხაში, ცოლს უთხრა: — საქმელი არა გაქვს რაო? — ეგერ თუჯია, ეგებ ცოტა რამე იყოსო, — უთხრა ცოლმა. ადგა ქოჩორა, გამოიღო თუჯია, შექამა საქმელი და დაწვა ლოგინში.

გავიდა ერთი თვე. ხელმწიფე კიდეც ავად გახდა, თვალის სინათლე დაეკარგა. ისევ მოხდა ვეზირობა. ბოლოს თქვეს: — აჰა და ამ მთაში ერთი ირემი არისო; მის რძეს თუ ვინმე მოიტანს, ის მოუხდებაო. — ამას ვინ მოიტანსო, — თქვეს. — ვინ მოიტანს და ისევ სიძეებშიო, — თქვა ერთმა.

უთხრეს სიძეებს; — კარგო, — თქვეს. გამოეწყენენ, შესხდნენ თავიანთ ცხენებზე და წავიდნენ. ეს რომ ქოჩორამ გაიგო, ხელმწიფის ცოლს შეუთვალა: მეც მივდივარ და ცხენი მინდაო. — მიეცით ისევ ის ცხენი და უნაგირიო. — თქვა ხელმწიფის ცოლმა.

მოუყვანეს ქოჩორას ცხენი. შეჯდა ზედ და წავიდა. ბავშვებმა უსტვინეს. ქოჩორა მიდის მისი ცხენით. მივიდა, სადაც რაშა ჰყავდა, იქ. ჩამოხტა ცხენიდან, უნაგირი ტყეში შეინახა. დაუძახა რაშს; რაში მოვიდა, ამოიღო ყურიდან უნაგირი და ოქროს ტანისამოსი. ჩაიცვა და შეჯდა რაშზე. დაჰკრა მათრახი, — გასწია რაშმა ზევით-ზევით ჰაერში და იქ დასკუბდა, სადაც ის ირემი იყო. რაში ჩრდილში დააყენა; თვითონაც მის ძირს დაწვა. გავიდა ცოტა დრო, მოვიდნენ სიძეები, ნახეს ყველაფერი.

— ხედავ, ძმაო, — უთხრეს ერთმანეთს: — ეს ნამდვილად ღმერთი უნდა იყოს, ჩვენი საქმე კარგად არისო.

მივიდნენ ახლოს. დაიწყეს პირველის წერა და დაიჩოქეს. ქოჩორამ უთხრა: რა ამბავია, რა გინდათო? — მათ ყველაფერი უამბეს, რაც უჭირდათ.

ადგა ქოჩორა, წავიდა, დაიჭირა ირემი, მოწველა და რძე ღოჭში ჩაასხა. მისცა სიძეებს და უთხრა საშუალო დის ქმარს — „აქ მოდიო“. მოჰკიდა ყურში ხელი და მარჯვენა ყური ააგლიჯა. „ახლა წადითო“, — უთხრა მათ. სიძეები წამოვიდნენ. მოიტანეს რძე, ჩაასხეს ხელმწიფეს თვალებში. ხელმწიფე მორჩა.

ქოჩორა კი შეჯდა რაშზე და იქ გაჩნდა, სადაც ცხენი ჰყავდა დატოვებული. რაში საბალახოდ გაუშვა, ოქროს ტანისამოსი ყურებში ჩაუდვა. შეჯდა თავის მუნიან ცხენზე და წამოვიდა სასახლეში. ბავშვებმა უსტვინეს. ქოჩორას ცოლს გული მოუკვდა ამას

გამო, მაგრამ რას იზამდა. შევიდა ქოჩორა ფაცხაში, შექამა ცივი ღომი და დაწვა ლოგინში.

გავიდა ბევრი ხანი. ერთხელ ერთმა ხელმწიფემ ამ ხელმწიფეს შემოუთვალა: „ამა და ამა დროს უნდა ვიომოთო“. ამ ხელმწიფემ თანხმობა მისცა.

მოვიდა დრო. წავიდა ხელმწიფე მისი ჯარით. მივიდნენ დანიშნულ ალაგს. მისი სიძეები ორივე, რასაკვირველია, იქ მიჰყავს. მოვიდა იქიდან ის ხელმწიფე თავისი ჯარით. დაუპირდაპირდნენ ერთმანეთს. ამ დროს ქოჩორამ ხელმწიფის ცოლს კაცი გაუგზავნა „ცხენი მინდა, მეც მივდივარ საომრად“. — მიეცით: ეგებ სადმე გადაიკარგოსო.

ქოჩორა შეჯდა თავის ცხენზე. ცხენი წავიდა ჩაქჩაქით. ბავშვებმა სტვენა მორთეს: „ეჰე, ის დღეს ჯარს დაცხრილავსო!“.

ქოჩორა მივიდა იქ, სადაც რაში ჰყავდა. ცხენი მინდორში გაუშვა. რაშს დაუძახა. რაში მოვიდა. ყურიდან ამოუღო უნაგირი და ვერცხლის ტანისამოსი. უნაგირი რაშს მოადგა: ტანისამოსი თვითონ ჩაიკვა, შეჯდა რაშზე და გადაჰკრა მათარახი. რაშმა გასწია ზემოთ და იქ დასკუბდა, სადაც ხელმწიფეები ერთი მეორის პირდაპირ იდგნენ. ყველას შეეშინდა: — ეს რა ამბავიო. სიძეებმა კი იცნეს ვაჟი: — ჩვენ რომ მთაზე ვხედავდით, ის არისო, — თქვეს თავისათვის.

ქოჩორამ იძრო ლეკური, დაერია იმ ხელმწიფის ჯარს და სულ მუსრი გაავლო. ვინც რომ გაიქცა, გაიქცა. დაჰკრა ქოჩორამ რაშს მათარახი და იქვე გაჩნდა, სადაც ცხენი ჰყავდა გაშვებული. გამარჯვებული ხელმწიფეც მოდის სიძეებიანად, ძლიერ გახარებული. მოვიდნენ სასახლეში. ხელმწიფემ თქვა: — დღეს ღმერთი შემეწია, ანგელოზი მომივლინა და იქაური ჯარი სულ ერთიანად დახოცა, ჩვენ კი თავისუფლად მოვედითო.

გავიდა დრო და ხანი. კიდევ შემოუთვალა იმ ხელმწიფემ ამ ხელმწიფეს: „უნდა ვიჩხუბოთო“. ამ ხელმწიფემ შეუთვალა — „კარგიო“.

დანიშნულ დროს წავიდა ხელმწიფე ჯარით და ორივე სიძით. იქიდან ის ხელმწიფე მოვიდა თავისი ჯარით. ამ დროს ქოჩორამ კაცი მიუგზავნა ხელმწიფის ცოლს: „მეც მივდივარ, და ცხენი მიბოძეთო“. — მიეცით, ეგებ დაიღუპოსო, — ბრძანა დედოფალმა.

შეჯდა ცხენზე ქოჩორა და გასწია. შარას რომ მიდის, ბავშვებმა სტვენა დაუწყეს: ქოჩორა დღეს სულ ერთიანად ამოხოცავს იქაური ხელმწიფის ჯარებსო.

ქოჩორა მივიდა, სადაც რაში ჰყავდა. დაუძახა რაშს; რაში მო-

ვიდა. ამოუღო ყურიდან უნაგირი და ოქროს ტანისამოსი და გამოეწყო. შეჯდა რაშზე და ომის ძღვილას გაჩნდა. ჩაერია შუაში, იძრო ლეკური და დაიწყო ჯარის ელეთა. მეორე ხელმწიფემ იფიქრა: ნამღვილად ღმერთი მე უნდა მიწყებოდესო. გაკყვა ქოჩორა ჯარს და ერთიც არ გაუშვა ცოცხლად. ყველა რომ დახოცა, ქოჩორა მობრუნდა თავისი ხელმწიფისაკენ. ხელმწიფე მიეგება. პატივი სცა დაჩიქებულმა, როგორც ღმერთს ისე. ქარქაშში ლეკურის ჩაგების დროს ქოჩორამ მარცხენა ხელის თითი გაიქრა. ხელმწიფემ ყელსახვევი მოიხსნა და მით თითი შეუხვია.

ქოჩორა შეჯდა რაშზე, დაჰკრა მათრახი და პირდაპირ სასახლეში წამოვიდა. შევიდა ეზოში და აათამაშა რაში. როდესაც ხელმწიფეს ცოლმა, შეიღებმა და მსახურებმა ეს დაინახეს, ყველანი მიიძალმომიძალნენ: შეეშინდათ. ქოჩორამ მოუქნია რაშს, ისეთი შეათამაშა, რომ ხელმწიფის მოსახლობამ ცახცახი დაიწყო. ამ რაშის ნატორალი მიწას აჩნია. ბოლოს ქოჩორა გაექანა თავის ფაცხისაკენ. ჩამობტა რაშიდან, გააღო კარი, შეიყვანა შიგ რაში და კუთხეში დააყენა. ქოჩორას მეუღლე შიშით მოკვდა: ვერ იცნო, ვან იყო. ქოჩორამ უთხრა: — არ შეგეშინდეს, მე ვარ — შენი ქოჩორა!

ქალს გაუხარდა, მივარდა, ჩაეხუტა მკერდში; კიდევ სტიროდა და კიდევ იცინოდა, რა უნდა ექნა, — არ იცოდა. ქოჩორა დაწვა ლოგინში. თავი ქალის კალთაში ჩადო. ქალმა აიღო ჩონგური, იწყო დაკვრა და დამღერება.

ხელმწიფის ცოლმა თქვა: „ვინ უნდა იყოს, ჭიმალურელი, ღვთის სწორი კაცი ფაცხაში რომ შევიდა და ჩემი დაღუპული ქალი მას ჩონგურს უმღერებსო?“ დედამ ქალს კაცი გაუგზავნა: — ვინ არის ეგ კაციო?

გააღო კარი გამოგზავნილმა კაცმა, შიგ რომ შეიხედა, ღვთის-სწორი კაცი და მისი რაში დაინახა.

— რა გინდა? — ჰკითხა ქალმა.

— ქალბატონმა შემოგიფთვალა, ეგ კაცი ვინ არისო? — უთხრა გამოგზავნილმა კაცმა.

— ეს თქვენ არ გეკითხებათო. — უთხრა ქალმა.

ამ დროს მოაწიეს ხელმწიფემ და მისმა გამარჯვებულმა სიძეეებმა. თავმა კაცებმა წინდაწინ გამოაქენეს ცხენები, რომ ხელმწიფის ცოლს ახარონ გამარჯვება. ეზოში რომ შემოვიდნენ, რაშის ნაფეხურებში ჩაცვივდნენ, რადგან მიწის გული დაგლეჯილი იყო რაშის ნატერფალებით. ხელმწიფემ დაიძახა: — ეს რა ამბავია? ღორები ხომ არ შემოცვენილან ეზოშიო?

ხელმწიფის ცოლი ზემო სართულიდან გამოვიდა წყნარად, ხელი პირზე მიიფარა და შორიდან დაუძახა: — სუ, სუ, წყნარად! ღმერთი არის ფაცხაში!

ყველას შეეშინდა. ჩამოვიდა ხელმწიფე ცხენიდან, ავიდა ზემო სართულში და ჰკითხა ცოლს ამბავი. ცოლმა ყველაფერი უამბო. რაც ნახეს. ხელმწიფემ თქვა: ნამდვილად რომ მეხმარებოდა, ის ღმერთი უნდა იყოსო. — ხელმწიფემ კაცი მიუგზავნა: — მობრძანდით, მაგრამ ქოჩორამ შემოუთვალა: — აქეთ მოვიდესო.

ხელმწიფე, მისი ცოლი. შვილები და სიძეები წამოვიდნენ ყველანი ერთად. შევიდნენ ფაცხაში, ნახეს სასწაული, დაიჩოქეს. ქოჩორამ უთხრა: — ადექით! მე ქოჩორა ვარ, ღმერთი არ გეგონოთო.

ადგნენ. ქოჩორამ უთხრა უფროს სიძეს: — რა უყავ თითის ფრჩხილი? — ამა და ამ დროს ქვაზე წავიგლიჯეო, — უთხრა მან. გაიცინა ქოჩორამ და უთხრა: — აი, შენი ფრჩხილი, ქვაზე წავიგლიჯე, თუ მე ავაგლიჯეო?

მოკვდა სირცხვილით უფროსი სიძე, მაგრამ რა უნდა ექნა? ქოჩორას ვერაფერს გაუბედავდა ახლა ქოჩორა მეორე სიძეს მიუბრუნდა: — რა უყავი ყურიო? — ამა და ამ დროს მთაში ქვაზე წავიგლიჯეო, — მიუგო იმანაც.

გაეცინა ქოჩორას და უთხრა: — აჰა, შენი ყური, ქვაზე წავიგლიჯე თუ მე მოგავლიჯეო? დაიწვა სირცხვილით ესეც, მაგრამ რა უნდა ექნა?

ახლა ქოჩორა მიუბრუნდა ხელმწიფეს და ჰკითხა: — შენ რომ წყნათ საომრად იყავი, მაშინ როგორი კაცი ნახე, რომ გენმარებოდაო? — ტანისამოსი ყველაფერი ვერცხლისა ეცვაო, — უთხრა ხელმწიფემ.

— მეორედ რომ იყავი საომრად, მაშინ როგორი ტანისამოსი ეცვა იმ კაცს?

— ბატონო, თქვენი ტანისამოსის მსგავსი ეცვა.

— რა დაემართა იმ კაცს ლეკურის ჩაგების დროს?

— თითი გაიჭრა.

— მერე შენ რა ქენი?

— მე, ბატონო, ჩემი ყელსახვევით თითი შევეუხვებო.

— ეს ხომ არ არის? — აჩვენა ქოჩორამ შეკრული თითი.

ხელმწიფეს გაუხარდა, გადაეხვია. გადააკონა და ახლა კი გაიგეს. თუ რაში ყოფილა საქმე. ქოჩორა და მისი ცოლი მაშინვე ზემო სართულში აიყვანეს. სხვა სიძეები ცოლებიანად გადაიკარგნენ,

კაცისათვის თავი რომ არ ეჩვენებინათ. ხელმწიფე და მისი ცოლი გახარებულნი იყვნენ, რომ ასეთი სიძე მისცა მათ ბედმა.

გავიდა ბევრი დრო და ხანი. ქოჩორა სანადიროდ დადიოდა. ნანადირევი ბევრი მოჰქონდა. ერთხელ მისი ცოლი ზღვაზე წავიდა საბანაოდ. ამ ქალს თმა ესხა ოქროს ძაფივით, ერთი თმა შესძვრა და ზღვაში ჩავარდა. ეს თმა წყალმა აატრეტივა და გაღმეოს სახელმწიფოს ზღვის პირას გაავლო. ეს ნახა იქაური ხელმწიფის ვაჟმა. აიღო, გასინჯა და თქვა: ამ თმის პატრონი თუ ჩემი ცოლი არ იქნება, სიცოცხლეც აღარ მინდაო. მივიდა სახლში და ყველაფერი მამას უამბო. მამა შეწუხდა, შეჰყარა თავისი სახელმწიფოს ყველა კაცი და ჰკითხა:

— ვის შეგიძლიათ ჩემი დახმარებაო.

— მე მოგეხმარებო, — უთხრა ერთმა დედაბერმა. წაიყვანა ხელმწიფემ სახლში და ჰკითხა: — როგორაო? დედაბერმა უთხრა: — ერთი ჭიქა სასმელი მიშოვე ისეთი, ვინმე რომ დალევს, მაშინვე დააძინოსო. მეორე, — უთხრა დედაბერმა, — ისეთი ნავი მიშოვე, თვალის დახამხამებაში ასი ვერსი გაიაროსო. — ძალიან კარგო, — უთხრა ხელმწიფემ და მისცა ყველაფერი.

წამოვიდა დედაბერი. გამოვიდა ზღვაში ქოჩორას სახლის ახლოს. ნავი ნაპირზე მიაბა, კაცი რომ ვერ ნახავდა ისე. წამოვიდა სასახლისაკენ, შევიდა ეზოში, თან ჯობზეა დაყუდებული, ვითომ მათხოვარია დაინახა დედაბერი ქოჩორას ცოლმა და ჰკითხა: — რა გინდა, დედი, რისი მათხოვარი ხარო? — მე, შვილო. მოსამსახურედ დამიყენეო, — უთხრა დედაბერმა. — ძალიან კარგო, — დასთანხმდა ქოჩორას ცოლი. ამ დროს ხელმწიფე და მისი ცოლი მკვდრები იყვნენ. ქოჩორა საღამოს მოვიდა სანადიროდ. ნახა დედაბერი, გაუხარდა: მარტო ვიყავით და კაცი შეგვეძინაო. იმ დედაბერს გაუკვირდა ქოჩორას ძალა, იმდენი ნანადირევით დატვირთული რომ მოვიდა მეორე დღეს ქოჩორა ისევე წავიდა სანადიროდ. ეს დედაბერი მიუჯდა ამ ქალს და დაუწყო ლაპარაკი: — შვილო, ამ შენს ქმარს სული. სად უდგია, ღონე სად აქვსო? — მე რა ვიციო, — უთხრა ქალმა. — შვილო, შენი ქმარი ერთი სული და გული არა ყოფილა შენთანაო, — უთხრა დედაბერმა. იმ ღამეს მოვიდა ქოჩორა. რომ დაწვნენ, ქალმა უთხრა: — ქოჩორა, შენ მე არ გიყვარვარო. — რისთვისაო? — რისთვისაო და შენ სული და ღონე სადა გაქვს, მე არ უნდა ვიცოდეო?

— რისთვის გინდაო? — ჰკითხა ქოჩორამ და მისი საიდუმლო არ უთხრა. მაგრამ ცოლმა საშველი არ მისცა, და ბოლოს ყველაფერი

უთხრა. მეორე დილას ადგა ქოჩორა და წავიდა სანადიროდ. დედაბერმა პკითხა ქალს:—რა არის. რა გითხრაო?—ჩევი ღონე და სული, ერთი ღერი თმა მაქვს შუაგულ თავზე, ის თმა ყველა სხვაზე უმსხოსია, იმ თმას აბარიაო. როდესაც ის თმა მომძვრება, ძაწიხვე მოვკვდებიო, — უთხრა ქალმა დედაბერს ქოჩორას ნაამბობი.

დედაბერს გაუხარდა. იმ საღამოს ქოჩორა მოვიდა სანადიროდან, დაწვა ლოგინში და დაიძინა. ეს დედაბერი მიქვაქვალდა კარადასთან, გამოიღო სასმელი, დაასხა ჭიქაში და უთხრა: „აი, შვილო, ეს ჩემი ნახელავი, დალიეო“. ქალმა ჩამოართვა, დალია და ძილი მოუწდა. დაწვა და დაეძინა. ამ დროს დედაბერი მიეპარა ქოჩორას, მოჰკიდა ხელი იმ თმას და უცბად ამოგლიჯა. ქოჩორა ერთი შეინძრა და რწყილივით სული განუტევა. დედაბერმა მოიტაცა ქალი. მიიყვანა ნავთან, ჩასვა შიგ და გადაკარგა მეორე სახელმწიფოში. ქოჩორას ის ერთი ღერი თმა თან წამოიღო და შუა ზღვაში გადაიგდო. დედაბერმა ეს ქალი ხელმწიფეს მიუყვანა. გაუხარდათ ძლიერ და ბევრი საჩუქარი მისცეს დედაბერს. ხელმწიფემ უთხრა ქალს:—შენ მე რძლად მინდობარ, გვირგვინი უნდა ისკვნა ჩემს შვილთანაო. — მე არ შემიძლია გვირგვინის სკვნა, ჩემი ქმარი სამ წელიწადს, სამ თვეს, სამ კვირას, სამ დღეს, სამ საათსა და სამ წამს უნდა ვიგლოვო. შემდეგ — კიო, — უთხრა ქალმა. — კარგიო, — უთხრა ხელმწიფემ. წაიყვანეს ეს ქალი და ზემო სართულის ოთახში შეიყვანეს. ქალმა კარი შეგნიდან დაკეტა. ფანჯარა გაღებული აქვს დღისით და ღამით. გასცქერის ზღვის პირს და მუდამ სტირის. რაც დაემართა, ყველაფერი იცის, მაგრამ რას უშველის?!

გავიდა სამი წელი და სამი თვე. მოვიდა დანიშნული დრო. როდესაც ქოჩორა მოკვდა, ბელთაგან-ტარიელის ჭაყვის პირი გასისხლიანდა. შეჭდა რაშზე, მოუქნია და წამოვიდა ხრისტაგან-ტარიელის საძებრად. მიხვდა, რომ ნამდვილად მკვდარია. ამდენი რა გვაგრძელო, მოვიდა ხრისტაგანის სახლში. ავიდა ზემო სართულში. ნახა ხრისტაგანი მკვდარი. დაიტირა, ადგა, დაიჭირა ხრისტაგანის რაში. ბელთაგან-ტარიელს გულმა უთხრა, თუ სად იყო ხრისტაგანის თმა. გასწია ზღვისაკენ, ჩახტა წყალში, მოუსვა და იწყო ძებნა. ეძებდა და დაინახა — ერთ ადგილს ზღვის ძირში ქვიშაში თავი ამოეყო. ჩაყვინთა. წავიდა ძირს, მოჰკიდა თმას ხელი, გასცურა ნაპირისაკენ. შეახტა რაშს და მივიდა იქ, სადაც ხრისტაგანი მკვდარი ესვენა. ეს თმა სადაც ება, იქვე მიაღო. ხრისტაგანმა უცბად გაიღვიძა და თქვა: „ჰა. ჭიმალურელი, როგორ დამძინებია“. მაგრამ კი იცოდა, რაც უქირდა. შეჭდნენ ტარიელები რაშებზე, დაჰკრეს მათრახები და იქ გაჩნდნენ,

სადაც ქალი ფანჯრიდან ზღვის პირს გასცქეროდა. ეს ის დროა, რომ ჯვალ თავდება ქალის მიერ დანიშნული ვადა. ქალმა გაიხედა ზღვის პირისაკენ. დაინახა ორივე ტარიელი და ტირილს თავი დაანება. მოვიდნენ ტარიელები, შემოვიდნენ ხელმწიფის ეზოში. ხელმწიფემ, როდესაც დაინახა, თქვა: — ვინ არიან, აქ რომ შემოვიდნენო? — ხრისტაგანმა დაუძახა: მე ვარ და ჩემი ძმა ბელთაგან-ტარიელიო.

შევიდნენ სახლში, გატეხეს კარი, გამოიყვანეს ქალი მონდორში, დაუძახეს ხელმწიფეს: მოგვიყვანე ამის მომყვანი დედაბერიო. მაშინვე მოიყვანეს. ხრისტაგანმა რაშის კუდს მიაბა დედაბერი. შეჭდნენ რაშებზე. ხრისტაგანმა თავის ცოლი ხელში აიყვანა. დაკრეს რაშებს ტარიელებმა და წაშოვიდნენ ფრენით. მოვიდნენ ხრისტაგანის ეზოში. იქ მოისვენეს ორი დღე-ღამე. მესამე დღეს წავიდნენ ყველანი ბელთაგანის სახლში. იქ რომ მივიდნენ, დიდი სიხარული შეიქნა. ბელთაგანის ცოლი მოეგება მის რძალს, გადაეხვივნენ ერთმანეთს და გადაკოცნეს. ერთი კვირის განმავლობაში იქ იყვნენ. ერთი კვირის შემდეგ ხრისტაგანმა უთხრა ბელთაგანს: — ჰე, ძმაო, ახლა წავიდეთ ჩემი დედისა და ბაბუას სახლშიო.

შესხდნენ რაშებზე, წავიდნენ და მივიდნენ ხრისტაგანის ბაბუას სახლში. ყველა ცოცხალი დაუხვდა: დედა, ბაბუა, ბებია და სხვა თავისიანები. მოეგებნენ, დაკოცნეს. გადაეხვივნენ. ხრისტაგანმა უთხრა ბაბუას: ეს არის ჩემი ძმა ბელთაგან-ტარიელი, ეს არის ჩემი რძალი, ეს — ჩემი ცოლიო.

იყო მზიარულება, დიდი ქორწილი, დიდი წვეულება. ისეთი ქორწილი ჰქონდათ. ჩიტის რძეც არ აკლდათ. მეც იქ ვიყავი ქორწილში. თქვენი გულიც მიხედება, რა ამბავი იქნებოდა.

ივანე ფალკანდი

იყო ერთი მეფე და ჰყავდა ერთი ფალკანი. ამ ფალკანს დევკაცო ერქვა სახელად. მართლაც რომ დევს ჰგავდა: მთელ სახელმწიფოში მისი მოპრევი არ მოიპოვებოდა. დევკაცს სახე კაცისა ჰქონდა, ხოლო ტანი კი დევს მიუგავდა და მასავით ხშირი ჯაგრითა ჰქონდა დაფარული.

მეფე ძალიან ამაყობდა ასეთი ღონიერი ფალკანით. თან კი ცდილობდა მის სახელმწიფოში მასზე უფრო ღონიერი ეპოვნა ვინმე.

ეს სურვილი ისე აეკვიტა, რომ დღე და ღამ არ აძლევდა მოსვენებას. და აი, მეფემ გაგზავნა კაცები: წადით, მოიარეთ მთელი ქვეყანა და ისეთი კაცი მოძებნეთ, რომელიც ჩემს დეკაცს დაეკიდოს და წააქციოსო.

წავიდნენ მეფის კაცები. მოიქანცნენ სიარულით, მაგრამ ვისა ჰქონდა თავი მოსაკლავი? შორს გავარდნილიყო დეკაციის სახელი და ვერავინ ვერ ბედავდა მასთან დაკიდებას. და აი, მეფის კაცებმა ჩაუარეს ერთ პატარა ქოხს, ქოხის გვერდზე ერთი ბალლი ჩაუტყულიყო და თან პურსა სჭამდა. ეს რომ მეფის კაცებმა დაინახეს, ძალიან გაუკვირდათ. — რასა შერები, შე საძაგლო, ადე, თორემ დეკაცი მოვა და გცემსო, — უთხრა ერთმა მეფის კაცმა. — ვერაფერსაც ვერ დამაკლებს თქვენი დეკაციო, — მალე ბიჭმა. — მართლა, დეკაციის მოკიდავე კაცს ვეძებთ და ხომ არ წამოხვალო? — უთხრეს დაცინვით. რატომაც არაო, — მიუგო თამამად ივანემ (ასე ეძახდნენ ამ ბიჭს), — წამიყვანეთ თქვენს მეფესთანაო!

მეფის კაცებს ძალიან გაუხარდათ, რომ ისეთი კაცი იშოვეს. რომელიც დეკაცთან ბედავდა დაკიდებას. — რა გვენალვლება, თუ ეს კაცი დეკაციის შესაფერისი სულაც არაა, თვითონ ხომ ამბობს დავეჭიდებო, — და ივანე მართლაც წაიყვანეს მეფესთან.

მეფეს რომ მიუყვანეს, ძალიან გაუკვირდა, ეს ბალლი რას გაუძლებს ჩემს ფალავანსო, და შეეკითხა ივანეს: — შეეჭიდები დეკაცისაო? — რატომაც არა, თქვენი დეკაცი ვინა' გდია, რომ ვერ დავეჭიდოო, — მიუგო ივანემ, — ოღონდ ერთი თვე თავის ნებაზე მიმიშვით სასმელ-საჭმელზე და წითელ ღვინოს ნუ მომაკლებთო.

მეფე დათანხმდა და ერთი თვე სულ ქაშა-სმაში გაატარა ივანემ; ერთ დღეში იმდენსა მატულობს, რასაც სხვები წლობით ვერა მატულობენ. დანიშნეს კიდაობის დღეც. უპირავი ხალხი მოზღვავდა კიდაობის საყურებლად და უშველებელი წრე გააკეთეს. გადმოვიდა დეკაცი. გადმოხტა ივანეც, მაგრამ რა გადმოხტა, სულ მალე მალა ფრინავდა და მთელ წრეს ისე უვლიდა. ამაოდ აცეცებდა ჰაერში ხელებს დეკაცი ივანეს დასაჭერად, ვერაფრის გზით ვერ მოიგდო ხელში. შეეცრად ივანე შეხტა მალა და მალლიდან დაეცა დეკაცს, დაეცა და კიდევაც მოიქვეშა. მაყურებლებმა ყიჟინა და ტაში დასცხეს გამარჯვებულს, ხოლო დეკაცს კი „ბიიბუუს“ ძახილი დაუწყეს. დამარცხდა დეკაცი და მეფემაც აღარ დააყენა იგი თავის ფალავანად. ახლა ივანე-ფალავანი დაიტოვა თავის კარზე მეფემ.

გაშვებულ ბუღასავით დადიოდა ივანე-ფალავანი სასახლის კარ-

ზე. არაფერს არ აკეთებდა, მაგრამ სასმელ-საჭმელი სულ თავზე საყრელი ჰქონდა. მხოლოდ ეს კია, რომ უამრავ ფალავანს, დაქადნებით მოსულს სასახლის კარზე, აჯობა და მრავალჯერ გაახარა მეფე. მეფეს ძალიან უყვარდა ივანე-ფალავანი და გვერდიდან არ იშორებდა.

ერთხელ სასახლის აივანზე ხელმწიფის ორი უფროსი ქალი გადმომდგარიყო (სულ სამი ქალი ჰყავდა მეფეს, რომელთაგან უმცროსი ძალიან მოსწონდა ივანეს და ქალსაც ივანეზე ჰქონდა გული შევარდნილი). ახლოს გაუარა ივანე-ფალავანმა და ერთი ორი მარილიანი სიტყვა გადაჰკრა.

იუკადრისეს მეფის ქალებმა: ვილაც გლეხის ბიჭია და შეხე, როგორ გაგვითამამდაო. — წადი, შე საძაგელო, აქედან, ჩვენი ტოლი ხომ არა ხარ, ასე თამამად რომ გველაპარაკებო, — უთხრეს მეფის ქალებმა და შებრუნდნენ სახლში. ამის შემდეგ აშურდნენ უფროსი ქალები ივანე-ფალავანს და ერთხელ, იმ მიზნით, რომ როგორმე დაეღუპათ და თავიდან მოეშორებინათ, შეუჩნდნენ თავის მამას: — იცი, მამავ, მავან და მავან ადგილას ერთი სამთავიანი დევი ცხოვრობს, ამ დევს ეზოში უკვდავების ვაშლი უდგას. ის ვაშლი ყოველთვე ახალ ნაყოფს ისხამს და ვინც იმ ვაშლს შესუქამს, არასოდეს აღარ მოკვდება. რა კარგი იქნებოდა, მამავ, ის ვაშლი ჩვენ რომ გვედგასო.

— კარგი კი იქნებოდა შეილებაო, მაგრამ აბა, ვინ გაბედავს იმის მოტანას, ვინაა გიყი, რომ ტყუილ-უბრალოდ გასწიროს სიცოცხლე და დევს თავი შეაკლასო?

— ტყუილ-უბრალოდ რადა? ჩვენი ივანე-ფალავანი განა ვერ მოერევა იმ დევსა, გაგზავნე და მოატანიეო, — მიუგეს ქალებმა.

მეფეს ჰკუთაში დაუჭდა ქალებს რჩევა და დაიბარა ივანე-ფალავანი. — მავან და მავან ადგილას ერთ დევს უკვდავების ვაშლი უდგა და ის ვაშლი უნდა მოიტანო და ჩემს ეზოში დარგო! — დიდი სიამოვნებითაო! — უპასუხა ივანე-ფალავანმა და გაემართა იმ ქვეყნისაკენ, სადაც ის დევი ცხოვრობდა.

ბევრი იარა თუ ცოტა იარა, მაალწია დევის სასახლეს და შევიდა მის ეზოში. უშველებელი ვაშლი იდგა დევის ეზოში და სულ წითელ-ყვითელი ვაშლი ესხა. ივანე-ფალავანმა ჰკრა ერთი წიხლი და მთელმა ვაშლმა გრიალი მოიღო ძირსა, ერთი ვაშლიც კი არ დარჩენილა ხეზე.

მიადგა ამ ვაშლს ივანე-ფალავანი და ერთიც არ გაუშვა შეუქმელი. რომ გაძღა, წამოწვა ვაშლის ჩრდილში და დაისვენა.

დევი გარეთ რომ გამოვიდა, გაოცდა, ეს ვინ მოსულა აქაო, — და დაუძახა: — ვინ ხარ, რომ ასე გათავხედებულხარ და ჩემი ეზო შემო-

გილახიაო, — თქვა ესა და ეცა ივანე-ფალავანს. მოიქნია დევმა და ჩაასო მუხლებამდე მიწაში. ამოხტა ივანე-ფალავანი, მოიქნია დევი და ჩაასო ყელამდე მიწაში. შემოუქნია ხმალი და ორი თავი მოაგდებინა. ის-ის იყო უნდა დევისთვის მესამე თავიც მოეგდებინებინა. რომ დევი შემოიხვეწა: — ოლონდ ნუ მომკლავ და შენი ყმა ვიქნებიო: ერთ ისეთ რაშს გაჩუქებ, რომ მთელ ხმელეთზე ვერ იშოვო ისეთი და ერთ სარკეს მოგცემ, რომ შიგ ჩაიხედო და რომელ ცხოველადაც ინატრებ. გადაიქცე, ჩაიხედო მეორედ და ისევ კაცად გადაიქცეო — კარგი, მიჩუქებია სიცოცხლეო, — უთხრა ივანე-ფალავანმა და გაუშვა დევი. გახარებულმა დევმა ივანე-ფალავანი სახლში შეიპატიო და აქეიფა. წამოსვლისას გამოიყვანა რაში და მისცა, ამოიღო სარკე და ისიც ივანე ფალავანს აჩუქა.

— ვაშლიც უნდა მომცე, იმისათვის გამომგზავნა მეფემო, — უთხრა ივანე-ფალავანმა. — კარგი, მაგისთვის როგორ გაწყენინებო, — მიუგო დევმა და თავის ხელით ამოუგლიჯა ძირიანად.

გადაჭდა დევისეულ რაშზე ივანე-ფალავანი. ჩაიღო დევისეული სარკე ჭიბეში. გაიღო ვაშლი მხარზე და გამოსწია სახლისაკენ. — თუ რაშე გაგვჭირდეს ჩემი სახელი ახსენე და იმ წამსვე იქ გავჩნდებიო, — მიაძახა დევმა უკანიდან.

მოვიდა ივანე-ფალავანი და მოუტანა ვაშლი მეფეს. ჩაჰკრა მიწას ერთ ადგილას წიხლი და დარგო ეზოში.

გაღიოდა დღეები, თვეები, წლები, მაგრამ ვაშლი არა ჰყვოდა, არც ნაყოფს ისხამდა.

უკვირდა ყველას. — ალბათ ის ვაშლი არააო, — ამბობდნენ ერთნი. — თუ გინდა სხვაც იყოს, რატომ არ ხარობსო, — ჰკვირობდნენ მეორენი.

მაინც არ სცხრებოდნენ ქალები, უნდოდათ როგორმე თავიდან მოეშორებინათ ივანე-ფალავანი და აი, კვლავ შეუჩნდნენ მეფეს.

— მამავ. მავან და მავან ადგილას სამნი ძმანი დევები ცხოვრობენ და სამთავეს ოქროსფაფრიანი რაშები ჰყავთ. რა კარგი იქნებოდა, რომ შენა გყავდეს ის ცხენებიო. — აბა. ვინ მომიყვანს, შვოლებო, ვისა აქვს თავი მოსაკლავი, ვინ შეებრძოლება მათაო? — მიუგო მეფემ. — ჩვენი ივანე-ფალავანიო, — უთხრეს ქალებმა, — მავან ისეთი საშინელი დევი დაამარცხა, რომ მათი დახოცვა იმას რა გაუხლებდაო.

მეფეს ქალების რჩევა ჰკუთავი დაუჭდა და ივანე-ფალავანი დაიბარა. — აქა და აქ რომ სამნი ძმანი ცხოვრობენ, მათი რაშები უნდა მომგვარო. — დიდი სიამოვნებითაო, — უპასუხა კვლავ ივანე ფა-

ლავანმა და გაემართა იმ ქვეყნისაკენ, სადაც დევები ცხოვრობდნენ.

შუა გზაზე თავისი ძმობილი მოაგონდა და იფიქრა: მოდი, ერთი ვახსენო. იქნებ დამეხმაროს ამ გასაქირშიო. ახსენა დევი და მართლაც იმ წუთში გაჩნდა მასთან. — რა გაგქირვებია, ჩემო ძმაო, როგორა ხარო? — რალა რა გამქირვებია, ძეფემ მიბრძანა, აქა და აქ რომ სავინი ძმანი დევები არიან, მათი რაშები მომგვარეო. იქ მივდივარ და წამომყევით. — ძალიან კარგიო, — უთხრა დევმა და გაჰყვა ივანე-ფალავანს.

ბევრი იარეს, თუ ცოტა იარეს, მიუახლოვდნენ დევების სასახლესაც.

ივანე-ფალავანმა დევი თავის რაშინად ერთ კუნძულზე დასტოვა. გაავსო წყლით ჭამი და ზედ ერთი კელაქტარი დაარქო. — იყავი აქ, ნე კი წავალ დევებთან საბრძოლველადო. უყურე ამ ჭამს და როცა ამ წყალმა გაწოთლება დაიწყოს და კელაქტარი ჩაქრეს, ეს იმის ნიშანია, რომ მე მიჭირს და მაშინ აუშვი რაში და მან თვითონ იცისო.

გასწია ივანე-ფალავანმა დევებისაკენ, ღამდებოდა. ივანე-ფალავანი სწორედ იმ გზაზე მივიდა, რომელიც დევების სახლისაკენ მიდიოდა და ჩასაფრდა ერთ მოხერხებულ ადგილას.

ვანშობამ რომ მოატანა, ჩამოიარა უფროსმა ძმამ — სამთავიანმა დევმა და იმ ადგილს რომ მიუახლოვდა, სადაც ივანე-ფალავანი იყო დამალული, დევის რაშმა შეჭფრუტუნა და ფრთხობა დაიწყო. — აჩუ, შე სამგლევ, აქ რა ივანე-ფალავანი დაგიხვდებაო! — დასკვივლა რაშს დევმა. — აქა ვარ ივანე-ფალავანი და აბა, თუ ბიჭი ხარ, დამიხვდიო! — შესძახა ივანე-ფალავანმა. მიუხტა დევს და მაშინვე მოაყრევიან თავები. წამოიყვანა მისი რაში და გაიარა ცოტა გზა. ახლა მეორე დევს ჩაუსაფრდა ივანე-ფალავანი. როცა მეორე ძმაც იმ ადგილს მიუახლოვდა, სადაც ივანე-ფალავანი იყო ჩასაფრებული, ცხენი შეუფრთხა და გზას აღარ გადის. — აჩუ, შე სამგლევ, აქ რა ივანე-ფალავანი დაგიხვდებაო! — დასკვივლა რაშს დევმა. — აქა ვარ ივანე-ფალავანო! — მიუგო ივანე-ფალავანმა, ამოფრინდა, მივარდა დევს და ხმლის ერთი შემოკვრით მოაგდებინა ექვსივე თავი ერთად.

აიარა ცოტა ზევით და ახლა მესამე დევს ჩაუსაფრდა. შუალამემ რომ მოატანა, ჩამოიარა უმცროსმა ძმამ — ცხრათავიანმა დევმა. მოდის ცხენზე გადაძვადარი მთისოდენა დევი და მოლილინებს. იმ ადგილს რომ მოაღწია, სადაც ივანე-ფალავანი იყო ჩასაფრებული, მისმა რაშმაც შეჭფრუტუნა, შეფრთხა და აღარ გადის გზას. — აჩუ, შე სამგლევ, რა გემართება. აქ რა ივანე-ფალავანი დაგიხვდება

წინაო, — დასჯივლა ცხენს დევმა. — აქა ვარ ივანე-ფალავანიო, — შეუძახა ივანე-ფალავანმა და მიუხტა დევს.

მაგრამ სხვებსავით ადვილი როდი გახდა ამ დევის მოკვლა. დევმა რომ ივანე-ფალავანს შეხედა, ერთი გაიცინა, სტაცა ხელი, დაისვა ხელისგულზე და უთხრა: — ახლა რომ მინდოდეს, ხელისგულზე მოგფშენებდი და სუ ნაცარმტვრად გადაგაქცევდი, მაგრამ სხვანაირად უნდა მოგექცე, სხვანაირად უნდა მოგილო ბოლო, — და ივანე-ფალავანი დაახეთქა მიწაზე. მხრებამდე მიწაში ჩაეფლო ივანე-ფალავანი. ამოიღო დევმა ხმალი და ის არის უნდა თავი მოსჭრას, რომ ივანე-ფალავანმა უთხრა: ჭერ ერთი შენი ყალიონი გამივსე და მომაწევინე და მერე რაც გინდა ის მიყავიო. — კარგიო! — დასთანხმდა დევი, გაუვსო თამბაქოთი ყალიონი და მიაწოდა.

უშველებელი ყალიონი ჰქონდა დევს, ერთი კოდი თამბაქო ეტეოდა შიგ, და აი, ნელ-ნელა სწევს ივანე-ფალავანი, არ უნდა რომ მალე გაათავოს, რადგან გაათავებს თუ არა ყალიონის წევას, გათავდება მისი სიცოცხლეც.

ის ოხერი რაშიც რატომ აღარ ეშველება? ტყუილად ელოდება ივანე-ფალავანი. ნეტავი რა დაემართათ? ნუთუ მიღალატა დევმა და აღარ აუშვა რაშიო? — ფიქრობს ივანე-ფალავანი.

ამ დროს კი დევს ღრმად ჩასძინებოდა და ვერ დაინახა, რომ ჭამში წყალი გაწითლდა და სანთელი ჩაქრა. ცხენმა ალლოთი იგრძნო თავისი პატრონის უბედურება და მორთო ჭიხვინი, მაგრამ რომ აღარავინ აუშვა, დაგლიჯა საბელი და გაიქცა ივანე-ფალავანის მისაშველებლად.

ის იყო ყალიონს ათავებდა ივანე-ფალავანი, რომ მოვარდა მისი რაში ჭიხვინით. მივარდა დევს. ჭერ ტორებით გაინაგვა და შემდეგ წიხლებიც კი მიაყოლა. მიუბრუნა კუდი ივანე-ფალავანს. ამოსწია კუდით და მიწიდან ამოიყვანა. მივარდა წაქცეულ დევს ივანე-ფალავანი და მოაქრა ცხრავე თავი; წამოიყვანა მისი რაშიც და გამოსწია სასახლისაკენ.

დევების სახლს რომ მიუახლოვდა, იფიქრა: ერთი შვეალ დევების სახლშიო. ამოიღო ჭიბიდან სარკე, ჩახედა და კატად გადაიქცა, შეძვრა დევების ოთახში და წამოუტუცქდა კერას. სახლში დევების დედა და მათი ცოლები იყვნენ. — რატომ არ მოდიან ნეტავ ჩემი შვილები? — თქვა დევების დედა, — მე რომ ისინი ვინმემ დამიხოცოს, გზაზე ცეცხლად დავენთები და შიგ ჩავწვავ იმათ მკვლელს. — მე კი, — თქვა უფროსმა რძალმა, ქარიშხალს ავტეხავ, გზაზე ერთ წისკვილად ვიქცევი, შიგ რომ შემოვა, თავზე დავენგრევი და მოვკ-

ლავო. — მე ხილად გავედები წყალზე, ზედ შედგება გასასვლელად და შიგ წყალში გადავადებო, — თქვა საშუალო რძალმა. — მე კი თოვლიან მთად ვიქცევი და ზედ გადასვლისას ჩემი ქმრის მკვლელს ზევეს ჩაეაყოლებო.

კატა გამოიპარა გარეთ, ჩაიხედა სარკეში და კვლავ ივანე-ფალავანად გადაიქცა. შეჭდა თავის რაშზე და გაუდგა გზას.

გზაზე საშინლად აციკდა, რომ ივანე-ფალავანს სულ ბაგაბუგი დააწყებინა და აი, ივანე-ფალავანმა თვალი მოჰკრა უშველებელ ცეცხლს. „ის წყეული, დევების დედა იქნება“, — გაიფიქრა და შორს მოუარა, მაგრამ ცეცხლი კვლავ მის წინ აღიმართა.

მაშინ ივანე-ფალავანმა ახსენა თავისი ძმობილის სახელი და დევიც ივანე-ფალავანთან გაჩნდა. — მამატიე, მაშინ დამძინებოდა და ვეღარ გავიგე სანთლის ჩაქრობა! — შეეხვეწა დევი. — მიპატრები, ოღონდ ამ გაჭირვებიდან დაძინებინო, — უთხრა ივანე-ფალავანმა, — გზაზე ვერ გავსულვარ, ეს ცეცხლი კი არა, დევების დედაა.

მაშინ დევმა ამოიღო ხმალი, შემოჰკრა ცეცხლის აღს და მათ წინ დევების მკვდარი დედა კი გაიშლართა. გადმოაბიჯეს ზედ და წამოვიდნენ... უფრო აციკდა. ახლა ერთი წისქვილი დახვდათ წინ. დევმა დაარტყა ხმალი წისქვილს და წისქვილი უცებ დევების მკვდარ რძლად გადაიქცა: ეს რძალი უფროსი ძმის ცოლი იყო. ცოტა რომ გაიარეს, ახლა მდინარე დახვდათ წინ. ზედ ერთი ხიდი იყო გაღებული. დაარტყა დევმა ხიდს ხმალი და ხიდი მკვდარ ქალად გადაიქცა. გაქრა მდინარეც.

ბევრი იარეს, თუ ცოტა იარეს, წინ ერთი თოვლიანი მთა აღემაართათ. დევმა ახლაც იშიშვლა ხმალი, შემოჰკრა მთას და მათ წინ ცხრათავიანი დევის ცოლი მკვდარი დაეცა. გადმოაბიჯეს მას და გამოსწიეს. სამშვიდობოზე რომ გამოვიდნენ, დევი გამოემშვიდობა და სახლში წავიდა, ხოლო ივანე-ფალავანმა კი თავის რაშებიანად მეფის სასახლისაკენ გასწია. მივიდა და მიუჩეკა მეფეს ცხენები. ამის შემდეგ ხარობდა მეფე ასეთი უშიშარი ფალავანით და თავის ფალავანს უხვად ასაჩუქრებდა.

უფროსი დები მაინც არ ასვენებდნენ და კვლავ შეუჩნდნენ მეფეს: — მავან და მავან ადგილას, ერთ ზღვაში აღმასისრქებიანი კამეჩები არიან და ისინი მოარეკინე ივანე-ფალავანსო.

მეფეს ეს რჩევა კეუაში დაუჭდა, დაიბარა ივანე-ფალავანი და უთხრა: — აქა და აქ, ერთ ზღვაში აღმასისრქებიანი კამეჩები ცხოვრობენ და ისინი უნდა მომირეკო. — ძალთან კარგიო — მიუგო

ივანე-ფალავანმა, მაგრამ თვითონაც არ იცოდა რანაირად გამოიყვანდა ზღვიდან ალმასისრქებიან კამეჩებს.

ადგა მეორე დღით ივანე-ფალავანი და გაემართა იმ ზღვისაკენ. სადაც ეს კამეჩები ცხოვრობდნენ.

შუა გზაზე რომ მივიდა, მოაგონდა თავისი ძმობილი დევი და ახსენა მისი სახელი. დევი იმ წამსვე ფალავანთან გაჩნდა. — რა გაგჭირვებია, ჩემო ძმობილოო? — ჰკითხა დევმა.

ივანე-ფალავანმა უთხრა, რაც გასჭირვებოდა. დევმა მაშინ ეს ურჩია: — წადი, ის კამეჩები საღამომობით ზღვის პირას გამოდიან წყაროს წყლის სასმელად, რადგან ზღვის წყალი მლაშე-მწარეა და არ უყვართ. წაიღე ერთი ხარის ტყავი და ერთი ფუთი ლურსმანი, გადაათარე იმ წყაროს ის ტყავი და დააქედე მიწაზე ლურსმნებით. როცა კამეჩები გამოვლენ, წყალი აღარ დახვდებათ, შეგუბებებიან, ოღონდ წყალი დაგვალევიან და შენი ყმები გავხდებითო.

მართლაც ივანე-ფალავანმა შეასრულა დევის დარიგება. იყდა ლურსმანი, ტყავი, მივიდა წყაროსთან, გადაათარა ტყავი და ლურსმნებით დააქედა.

საღამო რომ მოახლოვდა, კამეჩები მართლაც გამოცვივდნენ წყლის დასაღევად, მაგრამ წყარო რომ აღარ დახვდათ, დაღონდნენ და შეეხვეწნენ ივანე-ფალავანსა: — ოღონდაც წყალი დაგვალევიან და შენი ყმები გავხდებითო.

ივანე-ფალავანმა კამეჩებს წყალი დაალევინა და შემდეგ წამოასხა სახლში.

ეს კამეჩები თურმე გულთმისნებიც იყვნენ და ივანე-ფალავანს უთხრეს: — სანამ ის ორი უფროსი და ცოცხალია, მოსვენებას არ ნოცემენო; სულ მათი საქმეა ასეთ განსაცდელში რომ ხარ ყოველთვისაო. სასახლეში რომ მიგვრეკ, ორივეს რქებზე ავიცვამთ და მეფესაც თავიდან მოგაცილებთო.

მიიყვანა ივანე-ფალავანმა კამეჩები მეფის სასახლის კარზე. სასახლიდან ყველანი მათ სანახავად გამოვიდნენ. მაშინ კამეჩები გაეჭანენ. მეფის ორივე ქალიშვილი რქებზე წამოიცივეს და თვით მეფეც ზედ მიაყოლეს. ხალხმა მაშინ მეფედ ივანე-ფალავანი აირჩია. ივანე-ფალავანმა კი მეფის უმცროსი ქალიშვილი შეირთო ცოლად და დაიწყეს ბედნიერი ცხოვრება.

მეორე დღეს, როცა ივანე-ფალავანის ცოლი ბაღში გამოვიდა, გაკვირვებით წამოიძახა: — ეს ვაშლი ვითომ არ ისხამდა და ახლა კი, შეხე, როგორ დახუნძლულაო. და მართლაც, უკვდავების ვაშლს ნაყოფი გამოესხა.

მეფე მუზარბიი

ყოფილა ერთი მეფე მუზარბიი. ერთი ქალის მეტი შვილი არ ჰყოლია. ჰქონდა დიდი კოშკი, საიდანაც მას ყოველ საღამოს უნდა გადაეკიციებოდა თავის სამეფოსათვის, რომ ამით შეეშინებოდა დევები, რომლებიც დაეცემოდნენ ხოლმე ამ მეფის სამფლობელოს მცხოვრებთ და ხოცავდნენ. თუ მუზარბიი დაიძახებდა კოშკიდან, იმ ღამეს დევები ვერ შებედავდნენ მის სამფლობელოში. ამნაირად, მუზარბიი ღამით იფარავდა თავის სახელმწიფოს ყვირილ-კიჟინით, სადაც კი ხმა მიუწვდებოდა. დღისით დაჰქონდა თავის მშვილდისარი, და სადაც კი დევს მოატანდა თვალს, ჭლაკვიით თავს ჰგლეჯდა.

მუზარბიის ჰყავდა ცოლი, რომელსაც გული უცემდა ყველაზე უფროსი თორმეტთავიანი კაცა დევისათვის. ბოლოს მუზარბიის სიყვდილმა უსწრო, რაც ძლიერ გაუხარდა მის ცოლს. მას ხომ კაცა დევისადმი სიყვარული ჰქონდა, მაგრამ აქამდე ვერაფერი ჰოხებუბებია. ბევრს, ბევრს ეცადა მუზარბიის ცოლი, მაგრამ თავს გულისწადილი ვერ დაუშალა თავის ქალს. ქალმა შეატყო დედას, რომ მას დევი უყვარდა და უთხრა: — ღმერთი გაგვიწყრა და მე ვუ გარდაგვეცვალო; აწი რისი მაქნისია აქ ჩვენი ყოფნა, დღეს-ხვალ დევები შეგვეკამენ უმაჰაკაცოდ. უკეთესია წავიდეთ მთაში და ჩვენი მოკლე ხანი იქ გავატაროთო.

დედას ქალის აზრი სრულებით არ ექაშნიკა და უთხრა: — მე ახლა ისედაც ხანში შესული ვარ; გინდ დევმა წამიღოს, განდ სიყვდილმა, სულ ერთია. შენ, შერლო, რაც გინდა ისა ჰქენი, მე კი სად ვათრიო ახლა ჩემი დაავადებული თავიო.

ქალმა უპასუხა: — არ შეიძლება არ წამოხვიდე. ამ წუთს ეამოენწყვე და წამომყევი, სადაც მე წავიდე, თორემ აქვე შენს წინ თავს მოვიკლავო.

დედას ეოცა ქალის ასეთი ლაპარაკი. გამოეწყვენენ და წავიდნენ მთაში. ბარგი, რაც ვერ წაიღეს, დატოვეს. მთაში ერთი გამოქვაბული იპოვეს და შიგ დაიბარგეს. ყველაფერი ეს ფარულად მოიმოქმედეს: დედა და შვილი სად წავიდნენ, არავის შეუტყვია. კრეფდნენ ჭაფურბას, აფენდნენ კლდეზე, ახმობდნენ და იმით ირჩენდნენ თავს.

გავიდა დრო და ხანი. ერთ დღიას ქალი წავიდა ჭაფურბას დასაკრეფად. ამ დროს დედას ვაჟი შეეძინა, ნახევრად ოქრო და ნა-

ხევრად ვერცხლი. დედამ აიყვანა შვილი და დიდი ქვის ქვეშ ამოდო. როგორც კი მოვიდა ქალი, მაშინვე მიხვდა თუ რა ამბავი მოხდა მისი წასვლის შემდეგ და დედას უთხრა: რა არის, რომ ფერა წაგსვლია? ახლავე მითხარი, თორემ შენს წინ თავს მოვიკლავო! — რა დამემართებოდა, შვილო? ერთი გლახა ბავშვი მეყოლა და ეგერ ქვის ქვეშ ამოვდევიო.

ქალი ეცა ქვას, ასწია და გამოიყვანა ვაჟი, ნახევრად ოქრო და ნახევრად ვერცხლი. ამ ქალს სიხარულით ცა ქუდად არ მიაჩნია, დედამიწა — ქალამნადა. თქვა: ეს რაღაც ღვთის წყალობა არისო.

ბავშვია, მაგრამ რა ბავშვი: დღევანდელს ხვალინდელა სჯობს, ხვალინდელს — ზეგისა, როგორც მზეს — ისე მის პირისახეს თვალს ვერ გაუმართავ. სამი დღის სამი წლისას ჰგავდა, სიარული დაიწყო. ათი-თორმეტი დღის რომ გახდა, ნადირობა დაიწყო, აიღებს ქოლოკს, ისვრის და ჩიტებს თავებსა ჰგლეჯს. ცოტა ხნის შემდეგ ამ ბავშვმა უთხრა თავის დას: — გამიკეთე სასროლი რამეო.

დამ მოსჭრა წნელი და გაუკეთა უბრალო მშვილდ-ისარი, მოიგლიჯა თავიდან თმა, დაგრიხა და მშვილდზე გაუბა. ამის შემდეგ ბავშვმა უკეთ დაიწყო ნადირობა. მიდის დილას, საღამოს ბრუნდება ნანადირევით დატვირთული და ამნაირად საჭმელს არ აკლებს დასა და დედას. დედას ვაჟის სიმარჯვე დიდად არ უხარია. რაც ხანი გადიოდა, ბავშვი თანდათან შორს მიდიოდა სანადიროდ. საღამოობით დაყოვნება დაიწყო. ერთ მშვენიერ დილას წამოვარდა ალიონზე, უნდოდა იმ დღეს კიდევ უფრო მეტი ადგილი შემოეკლო. მიდის ბავშვი და ერთ გორაკს მიადგა. გაიხედა და დაინახა: დგას შენობები, მამამისის კოშკი ცაში უწევს; ასეთი რამე თავის დღეში არ ენახა და გაკვირვებულია: რა არის, რომ ვნახეო, და ძლიერ უნდა გაიგოს, რა ამბავია, მაგრამ კაცი არაა, რომ ჰკითხოს. თვითონ ჩავიდეს გორაკიდან და ნახოს, ეშინია, მზე ჩასვლაზე და სახლში დროზე ველარ დაბრუნდება; იმისი და კვილის ასტეხავს. არადა რა ქნას? — რაც იქნება, იქნება, უნდა ვნახოო. თვალის დახამხამებაში ჭაირბინა მთა, მივიდა ერთ სახლთან, მაგრამ შიგ ვერავინ ნახა; აგრეთვე მეორეშიც. მესამეში ნახა, ზის კერიასთან ერთი დედაბერი.

მოიხედა დედაბერმა და ნახა, რომ კარზე მშვენიერი ვაჟი დგას და უთხრა:

— შვილო, ვიღაც ქრისტიანის შვილი ხარ, თავი რატომ მოგძულეობია? აქ დევები მიდი-მოდიან და ადამიანებს ხოცავენ. ამ ადგილს ჩემს მეტი კაცი აღარ დარჩენილა და მეც ხვალ წამიყვანენ. ეს

ხელმწიფე მუზარბიის სასახლეა, რომელიც უმემკვიდროდ ამო-
წყდა.

ბავშვმა ახლა ყველაფერი შეიტყო, ვინ არის და ვისი შვილია. გაუხარდა და დედაბერს გამოკითხა, როდის მოვლენ დევებიო. წა-
მოხტა და ისევ მთას გაეშურა დედასა და დასთან. გზა-გზა ცოტა-
ოდენი წაინადირა. ვახშობისას ვაჟმა ჰკითხა დედას: დედი, მითხა-
რი, ჩვენ საიდან მოვედითო. დედამ უპასუხა: ჩვენ არსაიდან არ
მოვსულვართო.

დას უნდა ყველაფერი უთხრას ძმას, მაგრამ დედას ეშინია.
ბავშვმა დედას მეტი აღარა ჰკითხა რა.

მეორე დღეს ალიონზე წამოხტა ბავშვი და წავიდა იქ, სადაც
გუშინ იყო. როგორც კი დაინახა დედაბერმა, წამოვარდა და ბავშვს
მიეგება. გადაეხვია, გადაკოცნა და ყველაფერი უამბო, რაც ენახავს,
გაუგონია მუზარბიი ხელმწიფის შესახებ: ბავშვმა როგორც კი შე-
იტყო. მამამისის მშვილდ-ისარი კოშკში იღო, იმ წამს აირბინა და
ჩამოიტანა. დედაბერს უთხრა: — როდესაც დევი მოვიდეს, სადაც
ზიხარ, მანდედან არ დაიძრეო. თვითონ წავიდა და კარს ამოეფარა.
ცოტა ხნის შემდეგ დევიც გამოჩნდა: მოდის და დედაშიწას მოან-
გრევს. დევმა მოაწია კარამდის და დედაბერი რომ უნდა ჩაყლაპოს,
ამ დროს ბავშვმა სტყორცნა ისარი და მიწაზე ტეინი დაუნთხია.
მოეხმარა დედაბერი და დევი მიწაში დამარხეს. საბრალო დედა-
ბერს აწი რალა უქირს, რადგან ღმერთმა ასეთი მხსნელი მოუელაინა.

ბავშვმა მამამისის მშვილდ-ისარი იქვე შეინახა, აიღო თვისი
მშვილდ-ისარი და სახლში წავიდა. გზაში დახოცა ცოტა ნადირი და
წაიღო. მეორე დღეს ისევ წავიდა ბავშვი და ახლა მეორე დევს და-
უღარაჯდა.

დედაბერმა დაუძახა: მეორე დევი მოდისო. დაუგლო ყური,
გაიგონა ბავშვმა დევის ხმა: აქეთ გამოდი, დედაბერო, და მითხარი,
სად წავიდა ჩემი ძმარ. დედაბერს ვითომც არც გაუგონია. გულგა-
ხეთქილმა დევმა მოატანა კარებს და უნდა დედაბერი ჩაყლაპოს,
ბავშვმა სტყორცნა ისარი და თავი წააგლიჯა. ესეც დამარხეს. ამ-
ნაირადვე მესამე დღეს მესამე დევიც მოკლა ამ ბავშვმა. დარჩა
ყველაზე უფროსი კაჟა-დევი. ამ კაჟა-დევის თორმეტი თავი ება. მისი
მოკვლა, როგორც ამბობდნენ, არავის არ შეეძლო. მეოთხე დღეს
კიდევ მოვიდა ბავშვი და ამ მეოთხე დევს დაუღარაჯდა: დღეს გა-
დაწყდება ჩემი ბედისწერაო, ამბობს ბავშვი.

იძრა მიწა, სახლი, ყველაფერი ერთად. იკითხა ბავშვმა: ეს რა
მშავიაო? დედაბერმა უპასუხა: კაჟა-დევი მოდისო. მართლაც,

მოდის ეს დევი და თან მოღრიალებს: — აქეთ გამოეთრიე, დედაბერო, და მითხარი სად წავიდნენ ჩემი ძმები, თორემ მეტი არ იქნება შენი ყოფაო?!

დედაბერს ვითომც არ გაუგონია, ეს დევი მოვარდა კარებს, გაალო პირი და რომ უნდა გადაყლაპოს დედაბერო, ბავშვმა ამ დროს მშვილდ-ისრით თორმეტივე თავი დააყრევინა. შეხედა ბავშვმა, ნახა, რომ თორმეტივე თავი ისევ მოხრდია. შემოუბრინა, აილო ისარი და მეორედ თორმეტივე თავი წააგლიჯა. ისევ მოეზარდა. კიდევ გააყრევინა — კიდევ მოეზარდა. ასე არაფერმა უშველა: რამდენს გადასკრის, იმდენი მოეზარდება. ამ დროს მოფრინდა ჭინკრაქა, შემოჭდა კარს და დაიწყო კყვივლი: „ნაცარ-ტუტა, ნაცარ-ტუტა!“ დაფაცურდა დედაბერი, დაავლო კეცს ხელი, ამოუსვა ნაცარ-ტუტას და, როდესაც ბავშვმა დევს თავები გადასკრა, ზევიდან დააყარა. შემდეგ თავს აღარ ამოუყრია. მოეხმარენ ისევ ერთმანეთს ბავშვი და დედაბერი, დევი ლუკმა-ლუკმად დასკრეს და ისიც დამარხეს.

დედაბერმა უთხრა ბავშვს, რომ ქვეყანაზე მეტი საშიში აღარაფერი არისო. დედაბერს სიხარულით ყველაფერი გადაავიწყდა, რაც შიში უნახავს: კოცნის ბავშვს და თავს ევლება. ბავშვი დაღლილი საღამოს სახლში წავიდა. როგორც კი მივიდა, იმ წამსვე დაწვა. დამ ჰკითხა: — რა არის, დაღლილი და დასუსტებული რომ ხარო?

ბავშვმა იმ დღეს არაფერი არა თქვა. მეორე დღეს უნდოდა ისევ გამოეცადა დედა და ჰკითხა: — ვისი შვილი ვარ, მითხარიო. — დედამ ისევ დაუმალა. ბოლოს ბავშვმა გაუცხადა დასა და დედას სადიო ეს ოთხი დღე, ვინ ნახა და რა ჰქნა. დამ ვერ მოითმინა სიხარული და უთხრა: შენა ხარ იმ მუზარბიის შვილი, რომლის მშვილდ-ისრით დეკები დახოცო.

დედამ თავი იმართლა, ვითომ მით, რომ არ უნდოდა მისი შვილი დეკებს შეჰკედომოდა. ბავშვმა წამოიყვანა დაცა და დედაც, გახარებული წამოვიდა თავის მამის სასახლეში. მზე რომ ჩავიდა, ავიდა კომკის თავზე მამამისივით და ისეთი დაიკივირა, რომ ვარსკვლავებმა ცახცახი დაიწყეს. ხალხმა რომ ეს გაიგონა, გაოცდა: ეს რა ამბავიაო? მუზარბიის რა გააცოცხლებდა თუ არადა ვინ უნდა მოსულიყო მის მაგიერო?

მეორე დღეს გააგებინეს ერთმანეთს, ყველას, მთაში ცხოვრობდა თუ ბარში. მოიყარეს თავი და წავიდნენ სასახლეში, რომ შეიტყონ ვინ მოსულა. როდესაც გაიგეს, რომ მუზარბიის შვილი მოსულა და სულ ყველა დევი დაუხოცავსო, სიხარულით ცას ეწივნენ. მიულოცეს მუზარბიის შვილს ხელმწიფობა და გახარებული დაბრუნდ-

ნენ თავიანთ სახლში. ამ ბავშვის დედას არ გახარებია კაჟა-დევის მოკვლა. როდესაც შეიტყო, სად იყო დამარხული კაჟა-დევი, ყოველ დილას მიდიოდა და საფლავს წყალს აკურებდა. მესამე დილას ქვევიდან ხმა მოესმა.

— ვინ მადლიანი ხარ, წყალს რომ მასხამ: არ შეიძლება ერთი მუქა მიწა გადამფხიკო?

ქალმა მართლაც გადაფხიკა. ამ დროს გაიხსნა მიწა და დევი ამოვიდა. ამ ქალმა დევი ბუზად აქცია და კიღობანში ჩაკეტა, ცოტა ხანი რომ გავიდა, დედამ მიუტანა შვილს ცერის სისხო წულები და უთხრა: — შენ არა ჰგეგხარ მამაშენს: იმას აი, ამისთანა წულები ეცვაო.

შვილს ეწყინა, როგორ თუ მამაჩემს არა ვგეგვარო. ჩამოართვა წულები — ჩავიცვამო. ჩაცმის დროს ფეხი გადაიგრისა და კიდევაც მოიტეხა მარჯვენა ფეხი. დედა ეცა კიღობანს და ამოუშვა ბუზი. ბუზი დევად იქცა და დაეტაკა ბავშვს. შეიბნენ. აიყვანა ცალ ფეხზე მღგომარე ბავშვმა დევი და მუხლამდის მიწაში ჩაასო ბიჭვივით. ხედავს დედა, რომ აგერ-აგერ ბავშვი მოერევა დევს. მივიდა და ფეხქვეშ ფეტი დაუყარა შვილს. მოუბრუნდა დევი ბავშვს და დასცა, დააღა მკერდზე ფეხი და ნაგლეჯებად აქცია. დედა და კაჟა-დევი ზევით ავიდნენ კოშკში, მოვიდა და, დანახა, რომ მისი ძმა აბედვიით დაწეწილი გლია. შეკრიბა ელვის სისწრაფით ძმის ნაწილები, ტომარაში ჩააწყო და გაიქცა იმ მთაზე. საღაც წინათ იყვნენ. როდესაც მივიდა გამოქვაბულში, მაშინვე ძმის ნაწილები დააწყო და სამი დღე და ღამე გვერდში უჯდა, დასტიროდა და თვალცრემლიანი ღმერთს ევედრებოდა. მესამე დღეს შეინძრა ბავშვი და გაიღვიძა მძინარე კაცივით. ძმამ უთხრა დას: — ახლა მე წავალ სახლში და ცოტა ხნის შემდეგ შენც გამომყევით.

ღამ დაუჯერა. ბავშვი ფარულად მივიდა სასახლეში და დედაბერს უთხრა: — შენ ირბინე და იძახე: მუზარბიი ამდგარა, მუზარბიი ამდგარა!

დედაბერმა დაუჯერა და გამოივარდა გარეთ კიყინით. დედამ და დევმა რომ გაიგეს ასეთი ძახილი, გამოკვიდნენ გარეთ. ამ დროს ბავშვი შევარდა კოშკში, გამოარბენინა მშველდ-ისარი. სტორცნა კაჟა-დევის და თორმეტივე თავი წააგლიჯა. მოიბრინა დედაბერმა, ნალვერდალი დააყარა დევს თავზე. მობრუნდა ბავშვი წვრილ-წვრილად დაკეპა დევი, დაანთო დიდი ცეცხლი, დასწვა და ფერფლად აქცია. ამ დროს დაც მოვიდა. იმას ძლიერ გაუხარდა, ძმა რომ გა-

მარჯვებული ნახა. დედამ, როდესაც გაიგო, რომ დევი მოჰკლეს, ზევით კოშკში ავიდა და იქ ჩაიკეცა. შემდეგ ამ ბავშვს უთხრეს მისმა დამ და დედაბერმა:

— აქამდე სათქმელად ვერ გაგიბედეთ, თორემ მამაშენს ჰყავდა რაში. რომელიც ამა და ამ გვირაბში აბიაო. თუ იმ რაშზე შეჯდები. შემდეგ არაფერი გაგიჭირდებაო.

მუხარბიის მემკვიდრემ მაშინვე გამოიყვანა რაში და ზედ მოაფრინდა ჩიტვით. რაში ავარდა და უნდოდა ცაზე მიესროსა მხედარი, მაგრამ ბავშვი მუცელ ქვეშ მოექცა; რაშს უნდოდა მიწაზე დაესროსა. ბავშვი გვერდზე მოექცა; მთაზე მისრესა მოუნდომა, მეორე გვერდზე მოექცა. მივიდა, თმით გამოათრია დედამისი და რაშის კუდს გამოაბა.

ჩემი არაკი გავათავე. წუხელ იქ ვიყავი, დღეს აქ მოვედი.

სამი ვაშლი. სამი ბროწეული
ღმერთმა ნუ მოგიშალოთ,
თქვენი ხელით მოწეული.

ღვევებით სავსე ქული

იყო სამი ძმა. თქვეს ერთხელ ამ ძმებმა, მონდი გავიყარნეთო. უფროსს ერგო სახლები, მეორეს — მამული, მესამეს — ერთი ქულა. ეჩხუბება ეს ამ ძმებსა: — ამ ქულზე მოვხნა, დავთესო, ვკამო, ვსვაო? ეს რა ღვთის წყრომააო! — რაც არი, არი! ეგ იყო შენი წილი, — უპასუხეს ძმებმა. — კარგო, კეთილად მოგახმაროთ თქვენი წილი და მე კი წავალო.

მიდის ერთ ტყიანში, დიდი ჯოხი უჭირავს ხელში. მალაღი ქული იყო, მოედო ხის ტოტებს, მოეხადა და ჩამოუფარდა. ეს ბიჭი ისედაც გაგულისებულია, დანა კბილს არ უხსნის. აიღო და თავისი ჯოხი ერთი ორჯერ დაარტყა ამ ქულს: შე ასეთო და ისეთო, თავზედაც არ ჩერდებიო?!

უცებ გამოვარდა იმ ქულიდან ორი უზარმაზარი ღვევი. — რა გაგიჭირდა, რომ გამოგვრეკე ამ ქულიდანაო? — როგორ არ გამიჭირდა, მშია და მწყურია, ამაზე მეტი რა უნდა მიჭარდესო?!

დატრიალდნენ ეს ღვევები, გაუშალეს სუფრა, აკამეს და მერე, ქულში შეძვრნენ ისევ ისე. თურმე რამდენი ბეწვიც არის ამ ქულ-

ში, იმდენი დევია ზიგ. რამდენჯერაც დაარტყამ ჭოხსა, იმდენი დევი გამოვარდება.

დაადგა ეს კაცი გზასა. რამდენი წელიწადი იარა, რამდენი დღე, სულ სხვათა სახელმწიფოში გავიდა. ერთ ბებერ ქალთან მივიდა. — თუ შეიძლება დამაყენე, საქმელი იმდენი მაქვს, შენც გაკმევ და შენს შინაურებსაცო, იქნებ სულაც აქ დავრჩეო.

იქ ახლოს ხელმწიფის კოშკი დგას. იმ ხელმწიფეს კი ქალი ჰყოლია. ამ ქალზე ბიჭმა თვალი დაიჭირა, მიგზავნა ეს ბებერი. — წადი, ხელმწიფეს უთხარი: შენი ქალი ჩემს მდგმურს მიათხოვეო!

წავიდა ბებერი. — ქალს მივცემ, მხოლოდ თუ იმისთანა სახლს დასდგამს, რომ მეორე იმგვარი სახელმწიფოში არავის ჰქონდესო. — კარგიო, ეს ადვილი სამსახურიოა.

გამოვიდა ეს ბიჭი. გამოიტანა ეს ქული ღამე. მიადგა ერთი დიდი კეტითა. რამდენსაც დაარტყამს, იმდენი დევი გამოსცივია, იმდენი, რომ კიანჭველებივით ირევიან. შემოუხაზა ბიჭმა და უთხრა: — ამ ადგილზე ისეთი სახლი უნდა დადგათ დიღამდე, რომ სახელმწიფოში მისი მსგავსი სხვა არ მოიპოვებოდესო — შესვლისა და გამოსვლის მეტი არა უნდოდეს რა ადამიანსაო.

ზოგი ხესა სთლის, ზოგი თიხას ზელავს, ზოგს ქვა მოაქვს... ასე იყო თუ ისე, რას გვაკვირანუროთ, ეს სახლი ააშენეს დევებმა და შემვარდნენ უკან ქულში.

გაიღვიძა ამ ბიჭმა დილაადრიან, დაიჭირა განგებ ქაფჩა და მივიდა სახლთან. — ეს რა უცებ ააშენაო, — ფიქრობს ხელმწიფე — ახლა ისეთი ხიდი უნდა დაიდგას, რომ ზღვას გასწვდეს ნაპირიდან ნაპირამდეო, მაშინ მივცემ ჩემ ქალს, თუ არადა არაო.

დაღამდა. დააყარა ბიჭმა ქულს კეტი კიდევა და აბა, ხიდი გააშენეთ, ზღვას გასწვდესო.

ზოგი ხეს მოათრევს, ზოგი ლურსმანს, ან ფიცრებს. მანამ ვა თენდებოდა, გააკეთეს ხიდი და შევარდნენ ქულში. ამ ბიჭმა დაიჭირა ჩაქუჩი და სცემს ტყუილებრალოდ ლურსმანსა.

მივიდა ბებერი ხელმწიფესთან: — ხომ შეასრულა შენი სიტყვაო! — ახლა ისეთი ბალი უნდა გააშენოს, რომ ზოგი ხილი მწიფედებოდეს, ზოგი ყვაოდეს და ზოგს ფურცელი სცვიოდეს. გარშემო ღობეზე უნდა დახატოს ისეთი ბულბულებო, რომ გალობდნენ სულაო.

წავიდა ეს ბიჭი, ხელმწიფის სახლის წინ დახაზა. ჩხირები ჩაარკო. რომ დაღამდა, გამოიტანა ეს ქული, გამორეკა დევები: ბალი გააშენეთ ჩქარა, ზოგი მწიფედებოდეს, ზოგი ყვაოდეს, ზოგს ფურცელი სცვიოდესო.

დილით შევიდა ეს ბიჭი ბაღში და სეირნობს. მივიდა ეს ბებერი: — რას იტყვი, დიღო ხელმწიფევე, 'შენ სიტყვას ხომ არ გადახვალ? — ახლა ყაბულსა ვარ, მოიყვანეთ ვაჟიო.

მოვიდა ვაჟი და წამოიყვანა მეფის ქალი. ტირის ქალი, ცრემლად იღვრება.

— რა გატირებსო?

რა ატირებს და თურმე შავი არაბი ჰყვარობს ამ ქალსა. ის უნდა გამოიყოლოს მოსამსახურედ.

— ერთს კი არა, გინდა ხუთს გამოგაყოლებო.

წავიდნენ. გავიდა დრო და ჟამი. ერთხელ დაათრო ქმარი ქალმა და ჩააცივდა: — სადა გქონდა ეს ძალა, ეს ღონე, რომ ამოდენა შესძელიო.

არ უნდა ბიჭს თქმა, მაგრამ მაინც ათქმევინა ამ ქალმა. — ამ ქედში დევები მყავსო.

ამ ქალმა ჩაინერგა გულში ეს სატყვეები ლამაზადა და ერთ დღეს დააღვიძა ამ ბიჭს ბანგი, დაათრო და ჩააგდო საღორეში. იქვე ჩააგდეს ბებერიც. მოხეივს ამ ქედს ხელი ამ ქალმა და შავმა არაბმა, დაცხეს კეტები: — აბა, წაგვიღეთ ჩქარა და ზღვასა და ზღვას შუა ჩადგით ეს სახლი და ბაღიო. ასწიეს დევებმაც და ჩადგეს ზღვასა და ზღვას შუა ეს სახლი არაბიანად და ქალიანად.

გათენდა დილა. გამოიღვიძა ამ ბიჭმა. საღორეშია ეს ბიჭი და ეს ბებერი. რას იზამს? დაიჭირა ბიჭმა ჯოხი, ჩაიცვა რკინის ქალამნები და წავიდა. ამ ბებერს უთხრა: — სამ წელიწადს მიცადე, თუ არ მოვიდე, მერე ჩაიცვი ჩემზე შავებითო.

მიდის ეს ბიჭი, ჩვენი ენა მალე იტყვის, მიდის... ბოლოს მივიდა ისეთ ქვეყანაში, რომლის ხელმწიფესაც ხალხი არა ჰყავს. არის ხელმწიფე ნადირების, ბაყაყებისა და ფრინველების. მივიდა ხელმწიფესთან.

— დიღო ხელმწიფევე, ერთი სიტყვა მაქვს, თუ იკადრებ ამ სიტყვასო. ერთი სახლი დამეკარგა თავისი ბაღით, თუ უნახავს ვისმეს თქვენს ქვეშევრდომსაო?

— დაიცა, შე გაგიგებ ამასაო. ჩემს ფრინველებს შევეკითხება, თუ ეცოდინებათ, მაგათ ეცოდინებაო, ცაში ესენი ფრენენ და ყველაფერს ხედავენო.

ერთი დაიყვილა ხელმწიფემ. მოვიდნენ ნადირები, მეორედ დაიკვილა და მოცვიდნენ ბაყაყები თუ სხვა ქვეწარმავალნი. დაიკვილა მესამეც და გაჩნდნენ ფრინველები. როცა დაბნელდა და ცა დაბლა ჩამოვიდა, უთხრა ხელმწიფემ ფრინველებს: — ამნაირი სახლი გადატანილი ხომ არ გინახავთო? — არავის ენახა.

დაითვალა ხელმწიფემ და ერთი პატარა ჩიტი აკლია — ღობე-მძვარალა. დაუკივლა ერთხელ — არ მოვიდა, დაუკივლა მეორედ — არ მოვიდა, დაუკივლა მესამედ და მოფრინდა. მუხლი მოიყარა ხელმწიფის ტახტთან. — სად იყავი? — სად ვიყავი და ზღვასა და ზღვას შუა ერთი სახლი დაუდგამთ. იქ ქალმა დამიჭირა, არ მიშვებდაო. ერთი რომ დამიკივლე. ცოცხალი ვიყავი, მეორედ რომ მომეამა შენი ხმა, სული მხდებოდა, მესამედ ხელში მოვეუკვდიო. ქალმა ფანჯარა გააღო და გადამაგდოო. მეცა ჰაერი, გაცოცხლდი და გამოვფრინდი კადეცო. — უეჭველად ჩემი სახლია და ჩემი ცოლიო, — ბიჭი ამბობს. — შენ იქ ვერ მიხვალ, ისევ მე გწევ ბედსაო, — ნადირთ ხელმწიფე ეტყვის, — მარიფათობას თუ გამოიჩენ...

დაუძახა არწივის ხელმწიფემ. აიყვანა არწივმა ბიჭი და ზღვასა და ზღვას შუა მიიყვანა. ეს ბიჭი სახლის კარ-მიდამოზე დადის. მოახლე გოგომ რა დაინახა, გაუხარდა, მიეგება. — შენს გახრდას, ჩემი ქული მჭირდება, გამომიტახეო.

შავ არაბსა და ქალს სძინავთ გაბრტყელებულებს, ქული მალლა დაუკიდიათ. გამოიტანა ქული მოახლემ. დაარტყა ქულს, ერთი დევი გამოვარდა. — წადი ოთახში და შექკარი არაბი და ჩემი ცოლიო.

ახლა სხვა დევები გამორეკა და უკან წააღებინა ეს სახლი. იქვე დადგეს. დედობილს ძალიან გაუხარდა. გათენლა დილა, მივიდა ეს ბიჭი ხელმწიფესთან. — სად იყავ, როგორ იყო თქვენი საქმეო? — წამობრძანდა, შენი ქალი ნახეო.

მივლენ. ნახავს მამა, რაღას იტყვის. დასწყევლა ქალი და არაბი, სათითაოდ მიაბა ცხენის კულს და დახოცა. მეორე ქალი შერთო ხელმწიფემ.

გადაიხადეს დადებული ქორწილი. გუშინწინ იყო, ვერ მიველ, დაპატიებულნი კი ვიყავი.

ისრის-მასრის სანდლის ქალბ

იყო და არა იყო რა, იყო ერთი ხელმწიფე. დიდხანს შვილი არ ჰყავდა. დიდი ხნის შემდეგ მიეცა ბიჭი. ვინც წლით იზრდებოდა, ის დლით იზრდებოდა. ბიჭი რომ მოწყენით არ ყოფილიყო, ხელმწიფე ყოველდღე იბარებდა თავის ვეზირის შვილებს, რომლებთანაც ყმა-წვილი თამაშობდა, მხიარულობდა.

ერთხელ ჩვეულებსამებრ ვეზირის შვილი და ხელმწიფისა გავიდნენ მინდვრად და მშვილდ-ისარს ისროდნენ. ხელმწიფის შვილის ისარი მოჰხვდა წყალზე მიმავალ ბებრის კოკას და გაუტეხა. გაჯაერებულმა ბებერმა დადგა კოკა ძირს, მიუბრუნდა ყმაწვილს და უთხრა: — დაგწყევლო, როგორ დაგწყევლო, და შენამც ჩაგვარდნია ისრის-მასრის ქალის სიყვარულიო!

ის იყო და ის, ჩაუვარდა ყმაწვილს იმ ქალის სიყვარული გულში, არ აძლევდა მოსვენებას, არც დღე და არც ღამე: გახდა საბრალო, სანთელსავით დადნა. არც ქამა იყო მისთვის და არც სმა. შეწუხდა ჩვენი ხელმწიფე. მოიწვია თავისი ექიმბაშები, მაგრამ შვილს ვერა უშველა რა. ბოლოს გადაწყვიტა, მოდი ვკითხავ, იქნება საიდუმლო ნალველი რამე აქვსო. — შვილო ჩემო, ერთადერთო თვალის ჩინო, რადა ხარ ეგრე დაღონებული, რატომ ადრინდელივით ტოლებში არ თამაშობო? ახლა კი ყმაწვილმა გაბედა და მოახსენა მამას თავისი გულის პასუხი, ესე და ესეა ჩემი ამბავი და თუ არ წავედი, ის ქალი არ ვნახე. მოვკვდებიო.

დაღონდა და დაძმარდა დიდებული ხელმწიფე, იმ ერთ შვილზე ამოსდიოდა მზე და მთვარე და ისიც თავს ანებებდა, მაგრამ შვილის სურვილს უარს ვერ ეტყოდა.

მეორე დღეს ყმაწვილი მარტოდმარტო გაუდგა გზასა. ბევრი იარა, თუ ცოტა იარა, მივიდა ერთი ქოხის კართან. დააკაკუნა. გამოვიდა ერთი გადახავსებული მოხუცი, გაულო კარი სტუმარს და შინ შეაპატიყა. ვაჟმა უთხრა: შენ დედა და მე შვილიო.

ბებერმა სიხარულით იშვილა ყმაწვილი, რადგანაც უშვილო იყო. ახალ შვილობილს ბებერმა ქათამი დაუტლა. დასხდნენ ორივენი ვახშმად. ვაჟმა ჰკითხა: მითხარი რა ამბავია ამ თქვენ სახელმწიფოშიო? ბებერმა უპასუხა: აბა, ჩემო შვილო, ყველას როგორ ჩამოსთვლის ადამიანის ენა, მაგრამ ამას კი გეტყვი, ჩვენს დიდად სახელგანთქმულს ხელმწიფეს ერთი მშვენიერი მზეთუნახავი ქალი ჰყავს. ეს ქალი თვალმოუწვდენელს კოშკში ზის. ის მთელ სახელმწიფოში არავის უნახავს. იმ გოგოებს გარდა, ვინც იმას საქმელ-სასამელს უზიდავენ. როგორც მზე კარგა სადილობისაქენ გადაიხრება, გოგოები მოვლენ კოშკის ძირს და დაიძახებენ:

ისრის-მასრის სანდლის ქალო!
გადმოყარე გიშრის თმანი,
აპიყვანე, შენთან დამსვი,
შენი მესურვილებანი.

ისიც გოგოების ხმაზე გამოვა, გადმოუშლის გიშრის თმას, აიტანს სასმელ-საქმელს და ცარიელ ჭურჭელს უკან გადმოჰყრის.

ვაათავა თუ არა ბებერმა ეს ამბავი, ვაჟმა ისეთი ამოიქმინა, რომ თითქოს ასლოდიანი საპალნე მოიშორა ზურგიდანაო.

ბებერმა ჰკითხა: — შენ რად ამოიქმინეო?

ვაჟმა უთხრა: — ასე და ასეა ჩემი ამბავი, თუ ის ქალი არა ვნახე, მოვკვდებო.

— თუ ასეა, შვილო, ხვალვე იყიდე ერთი კაი ქედილა, გაქერი ოთხად და მისვლის უმაღლვე კოშკის ძირს ოთხი ქოფაკი გამოვარდებ, იმათ მიუგდე, შენ კიდეც იდროვე და გოგოებს მიასწარი. როგორც გასწავლე, ისე შესძახე, მაშინ ქალი გადმოგიშლის თმებს, შენ მაგრა ჩაჰკიდე ხელები და აჰყევი. იქ, შვილო, შენ იცი, ამას კი გეტყვი, ფრთხილად იყავი, თორემ ის ძალიან კუდიანი ქალია და ძაღლებს არ გააფუქებინოს შენი თავი.

მეორე დღეს გადაიწერა პირჯვარი, ახსენა ღმერთი და შეუდგა საქმეს; იყიდა ერთი კარგად გასუქებული ქედილა, დაკლა. გაქრა ოთხად, ჩადო ხურჩინში, გადაიკიდა მხარზე, დადგა კოშკის შორი-ახლოს, მოათვალიერ-მოათვალიერა მიდამო და დაინახა, რომ ქალის ძსავალ კარებში აფთარსავით ძაღლები არიან. მივიდა ამათთან და გადაუყარა ხორცი. თვითონ დადგა კარებში და ნახის ხმით შესძახა:

ისრის-მასრის სანდლის ქალო!

გადმოყარე გიშრის თმანი,

ამიყვანე, შენთან დამსვი,

შენი მესურვილებანი.

ქალმა გადმოშალა გიშერივით შავი თმა. ვაჟმა მაგრად ჩასკიდა ხელები და აჰყვა ქალს კოშკში. ქალი და ვაჟი რომ დაუპირისპირდნენ ერთმანეთს, ქალმა დიდხანს უყურა ვაჟსა და მერე უთხრა: — მე შენ ძლიერ მომწონხარ, მაგრამ მამაჩემი ჩემს თავს შენ არ მოგათხოვებს, სანამ ერთი კარგად არ გამოგცდის ვაჟკაცობაშიო.

ქალმა ვაჟს გადაახედა კოშკიდან და დაანახა თავის მამის სახლის გალავანი, რომელსაც გარშემო სულ კაცის თავები ჰქონდა შემორტყმული. — აი, ხედავ იმ კაცის თავებს? ისინი სულ ჩემი მთხოვნელები იყვნენ: მამაჩემმა სუყველას თავები დასჭრა, რადგან მისი პირობის შესრულება ვერ შესძლეს.

ვაჟს ეცვალა ფერი, ჩაჰკიდა თავი ძირსა და ფიქრობდა: რა ვქნა, რითი ვუშველო თავსაო? ქალმა უთხრა: — ნუ გეშინია მაგ გაქირვებიდან მე დაგიხსნი, ოღონდ შენ სწორედ ისე მოიქეცი, რო-

გორც მე დაგარიგო. ხვალ დილით მიდი მამაჩემთან და მუხლმოდრეკით მოახსენე: დიღებულო ხელმწიფევე, მე მსურს შენი ქალი ვიოხოვო-თქო. ის მაშინვე გეტყვის — კარგი და ჩინებულო. აბა თუ მართლა ჩემი ქალი გინდა შეირთო, ეს კუნძი ნაფოტებად აქციეო. შენ გაგიხარდება, აიღებ. კუნძს ხელში. დაპკრავ და ცულის ყური მოგიტყდება. ეს ჩემგან იცოდე, რომ ის კუნძი რკინისაა. მერე მოგცემს ხელში წყლით სავსე ჯამს და გეტყვის: ეს ჯამი ისე უნდა აოტანო ჩემ ალვის ხეზე, რომ ერთი ცვარიც არ დააქციოო.

ვაემა ქალის ამბავი რომ მოისმინა, შესძახა: — ვაიმე! — შეუძლებელი როგორ უნდა შევიძლოო.

ქალმა მაშინვე გამოიძრო ნეკის ბეჭედი, მისცა ვაესა და უთხრა: აი, ეს ბეჭედი, როცა ცული მოგცენ ხელში, ჩუმად გაიკეთე ნეკზე და ერთი თვალის დახამხამებაზე რკინის კუნძს ნაფოტად აქციეო; როცა წყლით სავსე ჯამი მოგცენ ხელში, მაშინ ჯამში ჩააგდე ბეჭედი და ერთი ცვარიც არ დაიღვრებაო.

მეორე დღეს ვაეი მივიდა ქალის მამასთან და სთხოვა ქალი. ხელმწიფემ გამოატანინა ეზოში რკინის კუნძი და მისცა ვაეს ცული. ვაემა ჩუმად გაიკეთა ბეჭედი და თვალის დახამხამებაზე ნაფოტებად აქცია. გაუკვირდა ხელმწიფეს.

მერე გამოატანინა წყლით სავსე ჯამი. ვაემა ჩუმად ბეჭედი ჯამში ჩააგდო, ჯამიც ისე აიტანა ალვის ხეზე, რომ ერთი ცვარიც არ დუღვრია. მაშინ ხელმწიფემ გადაპკონა ვაეი და უთხრა: — აი, შენისთანა სიძე მინდაო!

შემდეგ გასცა ბრძანება, ვაეი მოერთოთ ისე, როგორც ეკადრებოდა ხელმწიფის შეილსა, მერე მოიწვია ყოველი წარჩინებულნი, ნაზირ-ვეზირნი. ჩამოაყვანინა მზეთუნახავი ისრის-მასრის სანდლის ქალიცა, დასწერა ჯვარი და ისეთი სუფრა გაუშალეს მოწვეულებს, რომ ჩიტის რძეც კი თავსაყრელი იყო. მოწვეულები თორმეტი დღე ლხინობდნენ, მეცამეტე დღეს ვაეი ავიდა კოშკში, გაიხედ-გამოიხედა, დაინახა თავისი მამის სახელმწიფო და დაღონებული ჩამოვიდა ძირსა. ქალმა ჰკითხა, რამ დაგაღონაო?

ვაემა უთხრა: მამაჩემს მკვდარი ვგონივარ და სახელმწიფოსათვის შავი კარავი გადაუფარებიაო. ქალმა ურჩია: ოღონდ ნუ დაღონდები და წავიდეთ შენს დედ-მამასთანაო.

ქალმა და ვაემა გამოუცხადეს ხელმწიფეს თავიანთი სურვილი; ხელმწიფემ თვალ-მარგალიტით დაატვირთვინა ჯორ-აქლებები და გაისტუმრა ქალ-სიძე. ბევრი იარეს თუ ცოტა იარეს, მივიდნენ ეროზღვის პირას; ჩამოხადეს ჯორ-აქლებებს და დასხდნენ. ვაეს ძილა

მოერია, მიღო ქალის მუხლზე თავი და დაიძინა. ქალს წყალი მოსწყურდა. ზღვის პირას არაბის ქალი იღვა. ქალმა სთხოვა, დედაშვილობას, ერთი ცვარი წყალი ჩამაყლაპეო. არაბის ქალმა იწყინა, ხელი ჰკრა ისრის-მასრის სანდლის ქალს და ჩააგდო ზღვაში. თვითონ წყნარად აუწია ვაჟს თავი, დაიდო მუხლზე და დაჯდა. ვაჟმა გამოიღვიძა თუ არა, შეხედა ქალს, შეეშინდა და ჰკითხა, — რა დაგმართნიაო!

ქალმა უთხრა, — წყალთან არაბის დედაკაცმა სილა შემომკრა და პირი ასე გამიშავდაო. დაღონდა და დამძარდა ვაჟი, მაგრამ რას იზამდა. გაუდგა გზას. მესამე დღეს მივიდა თავის მამის სახელმწიფოში. მამამ რომ გაიგო შვილის დაბრუნება, მაშინვე გადაჰხადა სახელმწიფოს შავი კარავი, მოიწვია თავის ნაზირ-ვეზირი, გამართა ლხინი, მაგრამ ხელმწიფის შვილი კი დიდად მოწყენილი და ნაღვლიანი იჯდა, ვერაფრით ვერ გაამხიარულეს.

ჩვენი ისრის-მასრის სანდლის ქალი კი ოქროს თევზად იქცა. ერთმა მეთევზემ დაიჭირა და დაღონებულ ხელმწიფის შვილს მოჰგვარა გასართობად ხელმწიფის შვილმა გააკეთებინა თევზი, მაგრამ დაჭრის დროს ერთი ფხა დერეფანში დაეცა. ეს ფხა მშვენიერ ალვის ხედ იქცა.

დილით ხელმწიფის შვილი რომ კარზე გამოვიდოდა, ეს ალვის ხე ჩამოუშვებდა ტოტებს, დაეკონებოდა კაცსა და ისევ გასწორდებოდა, ღამე კიდევ ქალად გადაიქცეოდა, ქალი ორსავე ხელებს მოხვევდა, იტირებდა, იტირებდა, ცრემლის გუბებს დააყენებდა, გათენებისას ისევ ალვის ხედ იქცეოდა ხოლმე. ვაჟს უკვირდა, — რა ვქნა, ვინ არის ჩემს ოთახში და ვინ სტირისო და თქვა, ერთი თუ არ ვუდარაჯე, არ იქნებოა.

დაღამდა თუ არა, ვაჟი ჩაწვა ლოგინში, ჩააქრო სანთლები და თავი მოიძინარა. შუალამისას, ვნახოთ. ვილაც შემოვიდა მის ოთახში, მოეხვია ვაჟს და დაიწყო გულმოსაკლავი ტირილი.

ვაჟმა ჯერ ყური უგდო და მერე გულმა აღარ გაუძლო. დაუქირა ქალს მაგრა ხელები და ჰკითხა: — მითხარ. რა სულიერი ხარ და ან რადა სტარი აგრე გულსაკლავადო? ქალმა უთხრა: — ანთე სანთელს და შენ თვითონ მიცნობ, ვინც ვარ.

ვაჟმა ანთო და დაინახა თავისი ისრის-მასრის სანდლის ქალი. ქალმა უამბო ვაჟს თავისი თავგადასავალი. მეორე დღეს ვაჟმა სიხარულით მიიყვანა თავისი ცოლი დედ-მამასთან.

გახარებულმა ხელმწიფემ მეორედ გადაიხადა შვილის ქორწილი. ბოროტი არაბის ქალი კი კიდობანში ჩაასმევინა და წყალს მისცა.

ლალი, იადავარდი და ვარსკვლავი

ერთ ხელმწიფეს სამი ქალი ჰყავდა: ლალი, იადავარდი და ვარსკვლავი: ლალი დევსა ჰყავდა მოტაცებული, იადავარდი — ფერიების ხელმწიფეს, ვარსკვლავი გასათხოვარი იყო. ლალის თითო წვეთი სისხლი — ლალის თვალი იყო, იადავარდის სიცილი — თაიგულეზად სცივდა, ცრემლები თვალმარგალიტად, ვარსკვლავი — ანათებდა. ვარსკვლავს და ახალგაზრდა ვაჟს, აბესალომს, უყვარდათ ერთმანეთი. პირობა დადეს, რომ ერთ დამეს გაპარულიყვნენ და ეცხოვრათ ერთად, რადგან ვარსკვლავს მამა უარზე იყო. ვარსკვლავი და აბესალომი მინდორში დანგრეულ ეკლესიასთან უნდა შეხვედროდნენ ერთმანეთს. დანიშნულ დამეს ადრე მისულიყო აბესალომში, ვარსკვლავსა ლოდინში ჩასძინებოდა. ეკლესიაში ერთი მთიული, სახელად აბესალომი, შესულიყო, მგზავრად მიმავალს დაღამებოდა და ეკლესიაში თავი შეეფარებინა. ვარსკვლავი ოქრო-ვერცხლის ფულით დასაპალნებული ცხენებით მივიდა ეკლესიასთან და დაიძახა: — აბესალომ! — აუ, — მისცა ხმა მთიულმა. — აბა, ცხენზე შეჩქეძროით, არ დაგვედევნონ, — უთხრა ქალმა.

მთიული მოახტა ცხენს. ვარსკვლავი რამდენსაც დაელაპარაკებოდა, მთიული პასუხად სულ „ჰოოს“ ეუბნებოდა. კარგად რომ გარიეოაჟდა, ვარსკვლავამ მოიხედა აბესალომისაკენ და დაინახა ტყაპუჭიანი, ბოხოხქუდიანი, გუდააკიდებული მთიული. ვარსკვლავამ პირჯვარი გადაიწერა: ალბათ ეს ყოფილა ჩემი ბედი და რაც იქნება იქნებაო. ჰკითხა, სადაური იყო, რა ერქვა. მთიულმა უთხრა ვინც იყო, აბესალომი მქვიაო, და აუხსნა საიდან გაჩნდა ეკლესიაში.

იარეს. ჩამოხტნენ წყლის პირას. პური ჭამეს. ქალს ძილი მოერია. მთიულის კალთაში ჩადო თავი და ჩაეძინა. ამ დროს წყალმა ჩამოატარა დიდი, წითელი თვალი, მთიულს მოეწონა, მძინარე ქალის თავი ნელა დაუშვა ძირს, წამოხტა, დაიჭირა თვალი და ჩაიღო გუდაში. ქალს რომ გამოეღვიძა, გაუდგნენ გზას. მივიდნენ ერთ დაცემულ მინდორზე. შორიახლო ქალაქი მოჩანდა. ქალაქსა და მინდორს შუამდინარე ჩაუდის და მინდორს გარშემო წმინდა წყლები დის, ქალს გული შეუვარდა, იფიქრა: ამ მდინარეზე რომ ქალაქი გაშენდეს, საუცხოვო მღებარეობა არისო. შევიდნენ ქალაქში. ქალმა მთიულს უყიდა ტანისამოსი, ჩააცვა. საკმელები მოიკითხა. ვერ იშოვეს როგორი საკმელებიც შეუყვეთა სახლის პატრონმა და უთხრეს: — მაგისტანა საკმელებს ხელმწიფის მზარეული ფირუზა აკეთებსო.

მოაყვანიან ფირუზა. სთხოვა ქალმა მისთვისაც ეკეთებინა საქმელები. მზარეულმა მოახსენა: — ხელმწიფე ნებას არ მომცემს სხვებსაც ვუკეთო საქმელი. შეიდას თუმანში ვყვეარ გირაოდ, თუ გნებავთ, დამიხსენით და სულ თქვენთან ვიქნებიო.

ქალმა ოქროს სინზე ოქრო-ვერცხლი დააწყო და გაუგზავნა ხელმწიფეს ფირუზას გამოსახსნელად. ქალმა ფირუზას ვეზირობა უბოძა. ფირუზას შემწეობით მინდორი შეისყიდა ხელმწიფისაგან, გააშენეს ქალაქი, დაასახლეს ხალხი, გაჩაღდა დუქან-ბაზარი. ისე, რომ ძველ ქალაქს ბევრით დაემჯობინა. მთიულს სახელმწიფო ტანსამოსი ჩააცვეს. ხელმწიფედ გამოაცხადეს. ხელმწიფესი კიდევ ემართათ ფული. ოქროს სინზე დააწყვეს თვალ-მარგალიტი, ოქრო-ვერცხლი. დაარიგეს მთიულ-ხელმწიფეს ფრთხილად დაეკირა თავი ხელმწიფესთან, არა წამოსდენოდა რა. მთიულ-ხელმწიფე და ვეზირი მიდიან ცხენებით. იშვირა ფეხი მთიულ-ხელმწიფემ და გაღმობტა ცხენიდან, — პატარა რამ დამრჩა შინაო.

გაიქცა ჩარდახში, ავარდა, ამოიღო გუდიდან წითელი თვალი, წაიღო, თვალ-მარგალიტ-ოქრო-ვერცხლის ზემოდან დადო. ხელმწიფეს იამებობსო. ვეზირი წინააღმდეგი იყო: — ეს თვალი მეტი მოუვაო.

მთიულ-ხელმწიფემ ხანჯალი იშიშვლა: — სუ თორემ აგაუწავო. ხელმწიფეს როგორც სურს, ისე მოიქცევისო!

ხელმწიფეს ყველაზე ძალიან წითელი თვალი მოეწონა. მას ახლდნენ ერთი გვარის ვეზირნი ბრძენი და თეთრწვერანნი. სულ უკანასკნელი ვეზირი ასოცი წლისა იყო. მთიულ-ხელმწიფე და მისი ვეზირი რომ მივიდნენ, მოხუც ვეზირს უჩვენა წითელი თვალი ხელმწიფემ და ჰკითხა ღირსება. ვეზირმა აუხსნა: ხელმწიფის ქალის ღალის სისხლის წვეთი არის და ღალად ქცეულაო.

ხელმწიფემ ჩაიღო გულში: მთიულ-ხელმწიფეს ომს ავუტებს და ქალაქს და ამისთანა ღალებს წავართმევო. მოხუცი ვეზირი წინ აღუდგა: — შენ ჭარით ზურგი მაგარი გაქვს, მთიულ-ხელმწიფეს სულ არა ჰყავს და უღონო კაცთან შებრძოლება სასიარსებლო იქნებაო.

ხელმწიფეს ჰკუთამი მოუვიდა ვეზირის რჩევა, მაგრამ გულით უნდოდა მთიულ-ხელმწიფის ცხოვრება ენახა. ერთ ღამეს მიიპარა. შეიხედა ფანჯარაში, დაინახა ქალის შუქზე მთიულ-ხელმწიფე და ფირუზა ვეზირი სხედან და მუსაიფობენ. ხელმწიფე გაოცდა ქალის ელვარებაზე და შურით კინაღამ გული წაუვიდა. აჰას ამისთანა ქალი უნდა ჰყავდეს ცოლად და მე კი არაო! იფიქრა, ჭერ რაიმე შარს მოვლებ, მერე ომს გამოვეუცხადებ, ქალაქიც და ქალიც მე დამრჩებაო.

მივიდა სახლში, დილით კაცი გაგზავნა მთიულ-ხელმწიფესთან და შეუთვალა: — ბავშვები მიტირიან და ექვსი ამისთანა წითელი თვალი მიმოვეო.

მთიულ-ხელმწიფემ შეუთვალა: გინდა თორმეტს მოგართმევო. მონახა თავისი მამა-პაპური გუდა, ტანისამოსი, რომელიც შენახული ჰქონდა, ჩაიკვა ტყაპუკი, დაიხურა ბოხობი, წამოიკიდა გუდა და წავიდა წითელი თვლების საშოვნელად. ვარსკვლავამ და ვეზირმა ბევრი უშალეს, მაგრამ ყურით არ გაიბერტყა. გაუდგა გზას. ფირუზა ვეზირს ეშინოდა, ძველ ხელმწიფეს ჩხუბი არ აეტეხნა მთიულ-ხელმწიფისათვის, არ დაემარცხებინა და ფირუზა მის ხელში არ ჩაეარდნილიყო.

წყალთან, რომელშიც ლალი იპოვა, მთიულ-ხელმწიფემ დაიშკლავა, ჩაჰყო ხელი. აჰყვება და ჩაჰყვება წყალს, ვერ პოულობს წითელ თვალს. ბოლოს აჰყვება, მისდევს და მისდევს. წყალი ხერელივით გაყვანილ ალაგში გადიოდა, შეჰყვა იქაც. მთლად დაბურული ტყეა. მთიულმა მიიხედ-მოიხედა, ერთ გამოქვამულსავეთ ალაგში ქალი თმითა ჰკიდია. ქალმა დაინახა მთიული, ჰკითხა: — ადამიანი ხართუ მავნე სული?

მთიულმა უთხრა: — ადამიანი ვარო, მაგრამ თვითონ შენ ვინა ხარ, თმით რადა ჰკიდისარო?

უცებ შეინძრა მიწა, ახმაურდა ტყე, აშრიალდა ფოთლები.

ქალმა უთხრა: — აგერ ცხრა წელიწადი სრულდება, თმითა ვკიდვიარ, ცხრათავიანმა დევმა მომიტაცა, ჩემი ცოლად შერიავა უნდოდა, მე არ ვნებდები. მცემს, მტანჯავს, მაწვალებს, მაგრამ რაც ერთხელ ვთქვი, რომ არ მინდა ქმრად, ვერ გადამათქმევიანო. ახლა ეს ტყე რომ ხმაუროუს, დედამიწა ინძრევა, ის მოდის. სადმე დაიმაღლე, თორემ მოგკლავსო. სახელად ლალი მქვიაო.

მთიული ბუჩქნარებში შეძვრა. სულგანაბული შიშით კანკალებდა. მოვიდა დევი და ქალს ჰკითხა: — არც ახლა დამნებდები, დავიწეროთ ჭვარი?

უნდა ცემა დაეწყო ქალისათვის. ქალმა უთხრა: — კარგი, დავიწეროთ ჭვარი, მომწყინდა, მოვიდალე ამდენი ტანჯვითაო.

დევმა სუნვა დაიწყო და ჰკითხა: — ადამიანი ხომ არავინ მოსულაო?

ქალმა უთხრა: — ადამიანს აქ რა მოიყვანდა? ადამიანი მე ვარ, ჩემი სუნი იქნებო, მაგრამ შენ რომ წახვიდე. უშენოდ როგორღა უნდა გავძლო, სად იქნება შენი სული, რომ მე იმ ადგილს მაინც ვესურვილოო?

დევს გაეხარდა და უთხრა: — აი, იქ კლდეში იქნებო.

ქალი მივიდა, ესურვილა, ეხვევა. დევი დარწმუნდა, რომ ქალს მართლა შეეყარებოდა დევი და უთხრა: — გამოგცადე, იქ ჩემი სული არ არის, — უჩვენა წყლით სავსე გუბე, — აი, ხომ ხედავ, როგორც ეს გუბე სავსეა წყლით, ჩემი ძალ-ღონეც სავსეა, თუ ეს წყალი ამოშრება, გამოიცილება, ჩემი ძალ-ღონეც დაიცილება.

გუბეს სანაპირო გაუჭრა. როგორც წყალი გადმოდიოდა, აკლდებოდა — დევის ძალ-ღონეც სუსტდებოდა. გუბეს ძირში ქვა იდო. გადააგორა ქვა, ამოიღო მწვანე წყლით სავსე შუშა: — აა, ჩემი სული ამ შუშაშია, თუ ეს შუშა გატყდა, წყალი დაიქცევა, თუ ვინმემ შუშა გატეხა, ნატეხს ფეხი დაადგა, მაშინვე მოვკვდებიო. ახლა ხომ გაიგე ყველაფერი და როცა გინდოდეს, ამ ადგილს ესურვილე, სანამ მოვიდოდეო.

შუშა ჩადგა, დაათარა ქვა, მიუგლო წყალი, გუბე აივსო, დევიც გაღაჟღაჟდა, გაივსო ძალ-ღონით და წავიდა ერთ მაღალ კლდეში, სადაც ცხრა დღე და ღამე უნდა სძინებოდა და მერე დაეწერა ჯვარი. ერთი დღე-ღამე გავიდა, ქალმა დაუწყაო ძახილი მთიულს: — კაცო, გამოჩნდი, სადა ხარ!

მთიული შიშით ვერა ჩნდებოდა და გამოსძახა: — მეშინის, შენი ღვინესამე, მეშინისო!

ქალმა უთხრა: — ნუ გეშინია, ცხრა დღე-ღამე უნდა ეძინოსო.

მთიული გამოვიდა ბუჩქიდან, რაც დევს ელაპარაკა თავის სულზე, მთიულს სულ გაეგონა. ქალმა გუბე გახსნა. წყალი დაიცილა. მთიულმა ქვა გადააგლო, შუშა ამოიღო, უჭირავს ხელში. ქალმა ჰკითხა: — რატომ არ გატეხავო?

— თორმეტი ცალი წითელი თვალი მიშოვე და მათგან გავტეხავო, თუ არადა არც მე გავტეხ, არც შენ გაგატეხანებო.

შეინძრა დედანიწა, ახმაურდა ხე-ტყე, აშრიალდა ფოთლები: დაინახა ქალმა, დევი მოდის, დაუყვირა მთიულს: — გავტეხოთ, მოგცემ ლალებსაო.

გამოსტაცა შუშა, ის იყო დევმა მოატანა, ქალმა დაანარცხა შუშა, შუშა დაიმსხვრა, ქალმა ნატეხებს ფეხი გაუსვა და დევიც უსულოდ დაეარდა ძირს.

მთიული და ქალი მიდიოდნენ. მთიული ეჩხუბებოდა გზადაგზა:

— წითელი თვლები მომეცი, არ მომატყუო, ხელმწიფეს დაუპირდიო.

გზაში იადავარდის თაიგულს იპოვა მთიულმა. ჩაიგლო გულდაში. მივიდნენ სახლში. ვარსკვლავამ და ქალმა იცვენეს ერთმანეთი, გადა-

ეხვივნენ. დები იყვნენ ლალი და ვარსკვლავა. ლალმა მოაყვანინა დლაქი. ნეკში სისხლი გამოაშვებინა, წყლით სავსე ოქროს თასში თორმეტი წვეთი ჩააგდო — ლალის თვლებად გადაიქცა. მთიულხელმწიფემ და ფირუზამ წაუღეს თორმეტი ლალი ხელმწიფეს, მთიულს გზაში მოაგონდა თაიგული, გაიქცა სახლში, მონახა გუდა. ამოიღო, მოიტანა, ლალებს ზემოდან დაადო თაიგული და მიართვა ხელმწიფეს. ხელმწიფეს ძალიან მოუვიდა თვალში და სთხოვა: — ამისთანა თაიგული კიდევ მიშოვეო.

მთიულხელმწიფე შეპირდა, მოგართმევო.

მივიდა თუ არა სახლში, გაიხადა სახელმწიფო ტანისამოსი, ჩაიცვა ძველი მთიულური, წამოიკიდა გუდა და დააპირა წასვლა. ლალმა და ვარსკვლავამ ჰკითხეს: — თაიგული სად იპოვნეო?

მთიულმა უთხრა ლალს: — მე და შენ რომ მოვდიოდით, მაშინ ვიპოვნეო.

ღებმა დაარიგეს: — ამა და ამ ადგილას ორმოცი წლის კაცს ნახავ. მეორე ადგილას შეგხვდება სამოცი წლისა, მესამე ადგილას — ოთხმოცი წლისა. სამთავენი ძმები არიან, ფერიების ხელმწიფის მებაღეები. თუ გაშოვნინებენ თაიგულს, ისინი გაშოვნინებენ. რომ მიხვიდე, სამთავე ძმას ძმობა უთხარი, თორემ ცოცხალი ვერ გადარჩებიო.

მთიული მივიდა მოხუც კაცთან. — ძმობას, ერთი თაიგული მომეციო.

მოხუცმა უთხრა: — ძმობა არ გეტქვა აქვე გაგათავებდიო.

დასვა. საქმელი მიუტანა, აჭამა პური. გაგზავნა შუათანა ძმასთან, თასი გაატანა ნიშნად. მთიულმა მეორე ძმასაც ძმობა უთხრა და თაიგული სთხოვა. შუათანა ძმამ დასვა, საქმელი მიუტანა, აჭამა პური, გაატანა თასი, — გაგზავნა უმცროს ძმასთან და უთხრა: — უმცროსი ძმა ფერიების ბალის მებაღეა და ის გიშოვნის თაიგულსო.

მთიულხელმწიფე მივიდა მესამე ძმასთან, უთხრა ძმობა და შეეხვეწა, თაიგული მიშოვნეო. უმცროსმა ძმამ უთხრა: — ჩაიარე, აუზს ნახავ ფერიების ხელმწიფის ცოლი და ქალები იმ აუზში ბანაობენ. ჯერ ჩიტებად ჩამოვლენ, მერე მტრედებად იქცევიან, ძირს რომ ჩამოვლენ, ადამიანებად გადაიქცევიან. აუზთან ამოთხარე მიწა, ჩაიმაღლე. ზემოდან ტანისამოსზე სამკაულს დააწყობენ. პირველად დედა იბანავებს. მერე ქალები. დედის რაიმე ნივთი აიღე, თხოვნას დაგიწყებს. რადგან ველარ აფრინდება. შენ რაც გინდა მოსთხოვე, მაგრამ სანამ ლალი და ვარსკვლავა არ დაიფიცოს, არ დაანებო ნივთი, არც გამოჩნდე.

მთიულმა ამოთხარა აუზთან მიწა, ჩაიშალა, თავზე ფიცრები დაიფარა. ჩამოფრინდნენ მტრედები, იქცნენ ადამიანებად. დაიხადეს. ტანისამოსი და დაწყეს ფიცარზე. მთიულმა ამოყო ხელი, ჩაიტანა დედის ბეჭედი. იბანავა დედამ, ჩაიკვა. ნივთი დაისაკლსა. მოჰყვა ძახილს: ვინ წაიღო ჩემი ბეჭედი, რა სულეერი ხარ, მომეცი და რასაც მთხოვ, მოგცემო.

მთიულმა ამოსძახა: — ლალი და ვარსკვლავა შემომფიცო.

ქალმა დაიფიცა. მთიული ამოვიდა ორმოდან. მისცა ბეჭედი და უამბო თავგადასავალი: სად ცხოვრობდა, ვისთან, რისთვის იყო წამოსული. ქალმა დაიწყო ტირილი. დები მოაგონდა, გააგებონა. რომ ცოლის და იყო მისი. დაიბარა თერთმეტი ფერია ტახტრევანით, დასხდნენ იადავარდი და მთიული და ციმციმით წაიღეს ტახტრევანი ფერიებმა. ფირუზა ვეზირმა შორით დაინახა რაღაც ღრუბელივით. შეუტანა ამბავი ლალის და ვარსკვლავას. გამოვიდნენ, დაუწყეს ცქერა. იცნეს და შეექმნათ სიხარული, სიცილი, ხარხარი. მოეხვივნენ ტახტრევანს და გადმოიყვანეს. იადავარდი რამდენსაც გაიცინებდა, ია და ვარდის თაიგულები სცვოდა. სიხარულის ცრემლი გადმოვარდებოდა — მარგალიტად ვარდებოდა ძარს. მთიულ-ხელმწიფე მოირთო. ოქროს თასზე დააწყო ია და ვარდის თაიგულები და შორთვა ხელმწიფეს.

ხელმწიფეს უკვირს, თუ სად შოულობს მთიული ასეთ ნივთებს. ერთ ღამეს მიიპარა კიდევ მთიულ-ხელმწიფის სახლთან, შეიხედა ფანჯარაში. მთიულ-ხელმწიფეს მოსხდომიან სამი მზესავეთ მნათობი ქალი და სადილობენ, ხელმწიფე ავად გახდა ჯავრით. მივიდა სახლში, მოკლა მოხუცი ვეზირი, რად დამიშალა მთიულ-ხელმწიფესთან ომიო, აქამდის მთიულ-ხელმწიფის ბედნიერება მე მექნებოდაო. შეუთვალა მთიულ-ხელმწიფეს, ომს გიცხადებ და მზად იყავიო. იადავარდმა მაშინვე თერთმეტი ფერია გაგზავნა ფერიების ჯარის მოსაყვანად თავიანთი ხელმწიფით.

როგორც ხელმწიფის ჯარი წამოვიდა. მთიულ-ხელმწიფეზე საომრად. გაჩნდა ცეცხლის წვიმა, ჯარი სულ განადგურდა და ძველი ქალაქიც მთიულ-ხელმწიფეს დარჩა.

ციდან სამი ვაშლი ჩამოვარდა — ერთი მთქმელსა, ერთი გამგონეთა, ერთი ამ ზღაპრის გამომთქმელსა.

ზღაპარი მინდორთ ქალისა

იყო და არა იყო რა, ღვთის უკეთესი რა იქნებოდა, იყო შაშვი შგალობელი, ღმერთი ჩვენი მწყალობელი. იყო ერთი მდიდარი კაცი, ჰყავდა სამი ქალი და ერთიც ვაჟი. რომ დაბერდა და მოაწია სიკვდილის ეამმა, დაიბარა მამამ თავისი ერთადერთი ვაჟი და უთხრა: შვილო, ღვთით და ბედით ამოდენა სარჩო შემიძენია, თავიც დამიშვრია, ხალხიც შემეწუხებია, თქვენც მომიზღიხართ, ახლა ჩემი აჰქვეყნად ყოფნის ბოლოც მოვიდა, ვკვდები, შვილო, და ერთი სურვილიც ამისრულე: ეს სამი ცოლვის შვილი, შენი დები, გაათხოვე. საქმროებისათვის ნუ შეწუხდები: ვინც პირველი მოგივიდეს, იმას მიეციო. — მაგისა ნუ გეფიქრებო, — უპასუხა შვილმა. მოკვდა ეს მდიდარი კაცი. დაასაფლავა შვილმა, როგორც წესი და რიგი იყო.

გავიდა რამდენიმე დღე, ვაჟი კარებზე ზის და უცქერის გზას. შორს სადღაც ერთი კაცი გამოჩნდა: იარა, იარა, მოვიდა ვაჟთან, არც აცია, არც აცხელა და პირდაპირ უთხრა: შენი უფროსი და მე უნდა მომცე ცოლადო. ვაჟს მოაგონდა მამის ანდერძი და უთხრა უცნობ კაცს: კარგი, მოგცემ დას, მაგრამ არ უნდა მითხრა შენი გვარი და სახელი, ან ვინა ხარ, სად მიხვალ, რა ხელობისა ხარ? არ გინდა, ან მგზავრი მოვიდღე შენთან, ან მტრის შეწუხებულის, ან სამოკეთოდ? იქნება ერთი გავარდნილი მეკობრე ხარ, რა ვიცი; მე შენ და მოგცე, წაიყვანო და სატყვეოს გაჰყიდო. — მე შენთან არც გვარისა და სახელის სათქმელად მოვსულვარ და არც სალაპარაკოდ, თუ გინდა, შენი და მომეცი, არა და შენც მშვიდობით და მეცო. — ის იყო, უნდა წასულიყო, მაგრამ ვაჟმა იფიქრა: კაცო, მამიჩემის ანდერძი ეგრეა და ჩემი ცოლვა ხომ არ იქნებაო. გამოიყვანა უფროსი და და მისცა. გადისვა უცნობმა კაცმა ეს ქალი ცხენზე და გაჰქრა.

გავიდა ხანი, მოვიდა მეორე კაცი და სთხოვა ვაჟს შუათანა და ცოლად. ვაჟმა მასაც ჰკითხა: ვინა ხარ, კაცო, სადაური ხარ, სად მიხვალ, რა გქვიან, რას აკეთებ, რჯულიანი ხარ თუ ურჯულოო. არ გინდა ან სტუმრად მოგივიდღე, ან მტრის გამოხვეწილი შენ სახლში შევეფარო, ან გზობას საგზალ გათავებულის მოვიდღე, ან გაჰირვებაში შეველა გთხოვო. ჩემი და არის, ჩემი სისხლი და ხორცი, აბა ვის უნდა თავისი და ან ძმა დაკარგულ-დავიწყებულისო. — მე შენ არც არა სახელს გეტყვი და არცარა გვარს. თუ გინდა, მომეცი შენი და ცოლად, არ გინდა, ღმერთმა მშვიდობა მოგცეს, მე ჩემთვის წავალ და შენ კიდე შენთვის დარჩებიო, — უპასუხა სასიძომ. რაღას იზამ-

და ვაჟი, მისცა შუათანა და ცოტა გული იმით გაიკეთა, რომ მამის ანდერძი იყო ეგრე; ჩემი ჰკუთით ხომ არ მოვიხდინე ეგ საქმე და დები არ გადავყარეო.

მოვიდა ცოტა ხნის შემდეგ მესამე კაცი და სთხოვა მანაც და ცოლად. ვაჟმა მასაც ისე ჰკითხა და უთხრა, როგორც პირველს და მეორეს, მაგრამ მანაც ისე უპასუხა: რას იზამდა ვაჟი, მისცა მასაც უმცროსი და. წავიდა მესამე სიძე, წაიყვანა უმცროსი და. დარჩა ვაჟი მარტოკა. შემოეყარა გულს, იფიქრა: ეს მამაც მომიკვდა, ეს დებიც ისე გადავყარე, რომ მათი საცხოვრებელი ადგილის მხარეც არ ვიცი, რილას მუშა ვარ, რაღასთვის უნდა ვიცოცხლოო. ვეღარ გაუძლო დარდას და სევდას. ადგა და ჩაჯდა საბნელოს. აღარც დღე გამოდის და აღარც ღამე. ზის იქ და ზის. გაიგონა ეს ხელმწიფემ, დაიბარა ნაზირ-ვეზირი და უთხრა, რომ ისეთი კაცი იშოვეთ, ის ახალგაზრდა ვაჟი საბნელოდან გამოიყვანოს და ამდენსა და ამდენს მივცემო. ერთი ბებერი იპოვნეს. მან თქვა, რომ ერთი ოციოდე ბავშვი მომეცით, მე წავალ და მე გამოვიყვანო. — თუნდა ასი წაიყვანე, ოღონდ გამოიყვანეო, — უთხრეს ბებერს. მისცეს ბავშვები და დაუწყეს მოლოდინი.

წაასხა ბებერმა ბავშვები, მისცა ბურთი, მიიყვანა საბნელოს ბანზე და უბრძანა, რომ ეთამაშათ საღამომდის. გააბეს ბალებმა თამაშობა. გაქონდათ და გამოქონდათ ერთმანეთი საბნელოს ბანზე. ითმინა ვაჟმაც საბნელოში, ითმინა, ბოლოს მოთმინება გამოელია. გამოუვარდა ამ ბალებს და გამოუდგა საცემად. რაკი ხელმწიფის კაცებმა დაინახეს საბნელოდან გამოსული ვაჟი, სწვდნენ და გააკავეს. გაკავებული ვაჟი მიიყვანეს ხელმწიფესთან. ხელმწიფემ გაანთავისუფლა და ჰკითხა: რა იყო მიზეზი, საბნელოს რისთვის ჩაქეჯიო? — ერთი მამა მყავდაო, — უპასუხა ვაჟმა, — ისიც დავმარხე. სამი და მყავდა, ისინიც ისე გადავყარე; ისეთ კაცებს მივეცი, რომ მათი კვალიც კი არ ვიცი, საითკენ წავიდნენო. — ვის მიზეზით მიეცი დები ისეთ კაცებსო? — ჰკითხა ხელმწიფემ. — მამის ანდერძი იყო, ვინც პირველი მოვიდოდა, ულაპარაკოდ იმისთვის უნდა მიმეცაო. — მაშ, თუ მამაშენის ანდერძი იყო, — უთხრა ხელმწიფემ, — ტყუილად შეგიწუხებია თავიო. მამაშენს რომ ჰკუთარა ჰქონოდა, მაგოდენა სარჩოს ვერ შეიძენდაო. ტყუილად სტირი, თავის დროზე დებსაც ნახავ და სიძეებსაც, გული გაიკეთე, ნუ სწუხარო.

დანიშნა ხელმწიფემ ჯარების უფროსად და დაიყენა გვერდზე. ერთხელ ჯარი სანადიროდ იყო გასული. ვაჟიც იქ იყო. შუა მინდორზე უცებ ერთი ქალი დაინახეს, ყვავილებზე დახტის, ხან ერთ ყვა-

ვილზე შეხტება და დაჯდება, ხან სხვაზე ისეთი ლამაზია, რომ უფრო მშვენიერს ვერც ნახავს კაცის თვალი და ვერც ინატრებს. შემოეხვევა მაშინვე ჯარები ამ ქალს დასაქერად, მაგრამ ის აფრინდება, გადაუვლის თავზე ჯარს, გასცდება, გავა მინდორზე და ახლა იქ დაიწყებს თამაშობას. გამოუდგება მთელი ჯარი, ჯარების უფროსი ვაჟი. მიხტუნავს ქალი, მიჰყვებიან ესენი უკან, მაგრამ ვინ დაეწევა? მირბის, მიფრინავს ქალი, მისდევს ჯარი. ყველას დევნაში დაეხოცათ ცხენები, ვაჟს ისევა ჰყავს. ივლიან ქალი და ვაჟი, ივლიან, გადაუვარდა ვაჟსაც ცხენი, ვერ დაეწევა.

გასცდება ქალი და გაივლის. ვაჟი მიიხედ-მოიხედავს, სადღაა ნაცნობი ადგილები: აღარსად ჯარია, აღარსად სოფელ-ქალაქი. არც ერთი კაცი ჩანს და არც ერთი სახლი. შემოეყრება გულს, დაჯდება და დაიწყებს ტირილს. მოვა ქალი ახლოს, ჩამოჯდება ერთ ყვავილზე, შემოიღებს ფეხს ფეხზე და დაუწყებს ლაპარაკს: სირცხვილი არ არის. კაცი არა ხარ, რა გატირებს! ადექი, გაიარ-გამოიარე. ჰქვეყანა ფართოა. შენ დამჯდარხარ, დაგიკრეფია გულ-ხელი და ქალივით სტირიო. ადგა ვაჟი, მოიწმინდა თვალები, მიიხედ-მოიხედა და შორს ერთი თეთრი სახლი დაინახა, გაეშურა კიდევ მაშინვე მისკენ.

იარა, იარა და მივიდა იმ სახლთან. ხელმწიფის სასახლე ეგონებოდა კაცს, ისეთი სახლი და კარი იყო. სახლის წინ ერთი ვერცხლისლულიანი წყარო იყო. მივიდა ვაჟი მშვიერ-მწყურვალნი და დაჯდა წყაროსთან. გამოვიდა იმ სახლიდან ერთი მოახლე გოგო და მოიტანა პატარა სურა წყლის წასაღებად. ვაჟმა სთხოვა: დამალევიწე წყალიო. გოგომ მისცა. ვაჟმა წყლის სმაში თავის ბეჭედი სურაში ჩაადგო და მისცა ქალს. გოგომ წაიღო სურა და მიუტანა თავის ქალბატონს. ქალმა დალია წყალი და ბეჭედი კი წამოვარდა. ისეთი სურა ყოფილიყო, რომ ერთხელ დაღვედა და გათავებოდა. როდესაც მოწყურდებოდა, ახალ-ახალი შემოჰქონდათ. ქალმა რომ დაინახა ბეჭედი, ერთი დაიკვილა სიხარულისაგან. გოგოს ჰკითხა: ვინ მოგცა ეს ბეჭედიო?! — ჩემთვის არავის არ მოუცია. მანდ, წყაროზე ერთი კაცი ზის, იმან მთხოვა სურა და თუ ჩაადგებდა, ის ჩაადგებდა, სხვა არავინაო. მაშინვე გაგზავნა ქალმა გოგო და უთხრა: აქ მოვიდესო.

წამოვიდა ვაჟი და ქალმა და ვაჟმა ერთმანეთი კი ჩაჰკოცნეს. ის ქალი ვაჟის უფროსი და იყო. ჰკითხა დამ მოსვლის მიზეზი. ძმამ უამბო, რომ მინდორში ერთი ქალი ვნახე, მისმა სილამაზემ დამწევა. გამოვუდექი, ვღაე, ვღიე, მაგრამ ვერ დავიჭირე: თითო გუთნის გაშლაზე ხტებოდაო. მერე ცხენი დამივარდა და დავანებე თავიო. საი-

მოზარემ, ეგონა, ჭინჭრაქაც გულამოსკვნით მოსთქვამსო. ის-კი არ იცოდა, რომ მისმა ზარმა მთლად გააყრუა იჭაურობა და ჭინჭრაქაც სირცხვილით მიიშალა.

მობრუნდა უკან ჭიჭინობელა და იკითხა, რას შერება მოტირალიო? მაგრამ ჭინჭრაქა იქ ვეღარა ნახა, თვალილა მოჰკრა, რომ შორს, ღობეში შემძვრალიყო და იმალებოდა. დასწყევლა მაშინ მოზარე-ჭიჭინობელამ მოტირალი ჭინჭრაქა დასთქვა: სანამდის ჭიჭინობელა ჭიჭინობს, ჭინჭრაქას ჯილაგმა თავი მალლა ვერ იჩინოსო. მას აქეთია, რომ ჭინჭრაქა, როცა ჭიჭინობელა ჭიჭინობს, სამს თვეს ღობე-ღობე დაძვრება და თავი ვეღარ გამოუყვია.

რწყილი და ჭიანჭველა

რწყილი და ჭიანჭველა დაძმობილდნენ, წავიდნენ გზასა. მიადგნენ ერთ რუსა. რწყილმა უთხრა ჭიანჭველასა: — მე გადავბტები და შენ რაღა გეშველებო? — განა მე კი ვერ გადავბტებო?! — უთხრა ჭიანჭველამ.

რწყილმა ისკუბა — გადაბტა; ჭიანჭველამ ისკუბა — წყალში ჩავარდა. შეებგეწა რწყილსა: — ძმობილო, მიშველე რამე, ნუ დამახრჩობო!

რწყილი აბტა, დაბტა, მივიდა ღორთან და სთხოვა:

— ღორო, მომე ჯაგარი,
დავგრებ თოქსა-ბაწარსა,
ჩაუფგდებ, ამოვიყვან
ჩემს ძმობილს ჭიანჭველასა.

ღორმა უთხრა: — შენ რომ ჩემთვის რკო მოგიტანიო! რწყილი აბტა, დაბტა, მივიდა მუხასთან და სთხოვა:

— მუხავ, მომე რკო,
რკოს მივეუტან ღორსა,
ღორი მომცემს ჯაგარსა,
დავგრებ თოქსა-ბაწარსა,
ჩაუფგდებ, ამოვიყვან
ჩემს ძმობილს ჭიანჭველასა.

დანლაც აქ მოვაგენ თქვენ სახლს და მოვედი, თორემ საჩიჯ-საყორ-
ნედ გავხდებოდი მინდორში უსმელ-უქმელობათო. — ვაჰმე, ძმაო, გე-
ნაცვალოს შენი დაო, — უთხრა დამ, — ის ქალი რო ეგეთი ადვილი
დასაჰკერი იყოს, შენს სიძეს მე რად ვუნდოდი, იმას მოიყვანდაო. ის
ისეთი ქალია, ისეთი ბედი აქვს, რომ კაცი რომ დაეწიოს და დაი-
ჰკიროს, მაშინვე მოკვდებაო.

სალამოზე მოვიდა მისი სიძეც. დამ დამალა ვაჟი, უცებ რომ გნა-
ხავს აქ, ვაითუ მტერი ეგონო და მოგვლასო. დამალა და მოვიდა არ-
წივიც: უფროსი დის ქმარს არწივი ერქვა. ცოლმა უთხრა, რომ აქ
შენი ცოლისძმა არის და ხომ არაფერს დაუშავებო. — რას დავუ-
შავებ, ძლივაც მოველი მის ნახვასაო, — უთხრა არწივმა, — მაჩვე-
ნეო. გამოვიდა ვაჟიც. გადაეხვივნენ ერთმანეთს და დაუწყეს კოცნა.
ჰკითხეს ერთმანეთს ამბავი და ჰკითხა არწივმაც მისვლის მიზეზი.
ვაჟმა ყველაფერი დაწვრილებით უამბო. არწივმა უთხრა: — ნუ გე-
წყინება კი, ცოლისძმავ, და იმას კი გეტყვი: მისი დაჰკერა რომ რო-
გორმე შეიძლებოდეს, მე შენი და რათ მინდოდა ცოლად, იმას მო-
ვიყვანდიო. შენ ჯერ ჩემისთანა ვერა ხარ და აბა იმას როგორ დაი-
ჰკერო. ისევ ისა სჯობია, თავი დაანებო, ტყუილად არ იტანჯებოდე.
ცოლსაც გიშოვიტ და ყველაფერს, იმას თავი დაანებეო. — არაო, —
უპასუხა ვაჟმა, — ისევ მოვკვდები და იმას კი თავს არ დავანებებო.
შენ, ჩემო სიძევ, უნდა იზარალო, მეტი ღონე არ არის და რაც უნდა
დასაკლებარი იყვეს შენთვის, ერთი ცხენი მომცეო. — ცხენისა რაღა
თხოვნა გინდაო, — უთხრა არწივმა, — ჩემს ჯოგებს მთელი მინდე-
რები უქერია, თუნდა მთელი ჯოგი წაასხი, თუ რასმე იზამ. მაგრამ მე
გირჩევ ისევ თავი დაანებო. — იმას კი ვერ დავანებებ თავსა და ისევ
იმის დევნაში კი მოვკვდებიო, — უთხრა გადაჰკრით ვაჟმა. — მაშ მე
ისეთ ცხენს მოგცემო, — უთხრა არწივმა, — რომ თითო გუთნის გა-
შლას გადადიოდესო. ვაჟს მოაგონდა რომ, ქალი თითო გუთნის გაშ-
ლას გადადიოდა, და ძალიან გაუხარდა.

მაშინვე შექდა ცხენზე, გამოეთხოვა მათ და გაუდგა გზას. მალე
მინდორთ ქალიცა ნახა. ისევ გაექცა ქალი, მაგრამ ვაჟის ცხენი ვადა-
დის ერთი გუთნის გაშლაზე და ქალი კიდე ორ გუთნის გაშლაზე ხტე-
ბა. ქალსაც, ცოტა არ იყოს, მოსწონს ვაჟი, მაგრამ რომ დაეჰკერინოს,
მოკვდება და იმიტომ არ ეჰკერინება. როდესაც ვაჟი ჩამორჩება, ქალი
უცდის, ხტება ყვავილებზე, მათ წვეს წკლადა სუამს და მათ მტვერს.
პურად ჰვამს. ირბინა ქალმა, ირბინა ვაჟმა. გაუსქდა ცხენი და დარჩა
ისევ ხელცარიელი დაჯდა და დაიწყო ტირილი. მოვიდა ქალი, დაჯდა
მის პირდაპირ ერთ ბალახზე. — არა გრცხვენისო, კაცი არა ხარ, ქული

არა გხურავს, რომ სტირიო, — უთხრა ქალმა, — რა გატირებს, შენ კაცი კი არა ყოფილხარ, ქალი ყოფილხარ. შენ ტირილის მეტი არაფერი გცოდნია, შენ მე როგორ დამიჭერო, ადექი, ქვეყანა განიერია, მიიხედ-მოიხედე, გაიარ-გამოიარე, წამალს თვითონვე იპოვიო.

ადგა, მართლაც, ვაჟი, დაანება ტირილს თავი, წავიდა. გაიხედა და შორს სადღაც დაინახა ერთი სახლი. წავიდა იმ სახლთან. იქ შუთანა და ჰყოლიყო ფასკუნჯს. იმასთანაც შევიდა, უამბო დას თავისი ამბავი, დამაც დაუშალა: ტყუილად ნუ ეწვალეები, თავი დაანებეო. შენი სიძეც კაი ბიჭია, მაგანაც სდია იმ ქალს დასაჭერად, მაგრამ სიკვდილის შვილი იმას ვერ დაიჭერსო. საღამოზე მოვიდა სახლში ფასკუნჯი. ფასკუნჯსაც უამბო თავის თავგადასავალი ვაჟმა. უთხრა ისიც, საღაც მიდიოდა, მაგრამ იმან არ მოუწონა: შენი და რად მინდოდა, რომ ასეთი ადვილი დასაჭერი ყოფილიყო ის ქალიო? იმას თავი დაანებე, ტყუილად ნუ იკლავ თავსაო — შენ ერთი ცხენი მომეციო, — უთხრა ვაჟმა, — შენი სხვა არაფერი მინდა, ეგ მიჭირს და სხვისა მე ვიციო. მისცა ფასკუნჯმა ისეთი ცხენი, რომ ორ გუთნის გაშლასა ხტებოდა. გამოეთხოვა და-სიძეს ვაჟი, შეჯდა რაშზე და გასწია.

მირბოდა ქალი, ხტებოდა სამ გუთნის გაშლას, მიჰყვებოდა ვაჟი, მაგრამ ორ გუთნის გაშლას ძლივს გადადიოდა მისი ცხენი. ჩამორჩა ისევ უკან: დაუვარდა ცხენი და დარჩა ისევ ტრიალ მინდორზე. არსად კაცი და არსაც სხვა ცხოველი. შეწუხდა, ამოუჯდა გული და დაიწყო ტირილი. იტირა, ბევრს იტირებდა, თუ ცოტას, მოვიდა ქალი, დაუჯდა პირდაპირ ბალახზე, გადიდო ფეხი ფეხზე და დასცინა ისევ. მერე კი გაუჭავრდა: ადექი ფეხზე, თუ კაცი ხარ, თუ არადა, წადი სასიცოცხლო არა ჰყოფილხარო — ადგა ვაჟი, დაანება ტირილს თავი, მიიხედ-მოიხედა, შორს ერთი სასახლე დაინახა. მაშინვე მისაკენ გასწია. სახლის წინ წყარო იყო. წყალი სწყუროდა. მივიდა იმ წყაროსთან და დაჯდა.

მოვიდა ერთი გოგო, მოიტანა ერთი პატარა სურა და მიუდგა ოქროს ლულას. ვაჟმა სთხოვა: დამალეინეო. მისცა გოგომაც წყლის ჭურჭელი. ვაჟმა დალია წყალი, შიგ სურაში ბეჭედი ჩაადგო და ისე მისცა გოგოს. გოგომ მიუტანა წყალი. დალია ქალმა და ბეჭედი კი წამოვარდა იქიდან. ქალმა მაშინვე ჰკითხა გოგოს: საიდან იშოვე ბეჭედი, ვინ მოგცაო? — არავინაო, — უპასუხა გოგომ, — იქ წყაროზე ერთი ვაჟი იჯდა, წყალი დავალევინე და იქნება იმან ჩაადგოო. — წადი და ახლავე აქ მოიყვანე ის კაციო, — უთხრა ქალმა გოგოს. მოვიდა ვაჟი და დაჰკოცნეს ერთმანეთი. ქალი უმცროსი და იყო ვაჟისა. გამოჰკითხა ქალმა ძმას მოსვლის მიზეზი. ძმამაც ყველაფერი უამბო.

ვამ შენს დასაო, — უპასუხა დამ, — იმის დაქვერა რომ ვერც ადვილი იყოს, შენ სიძეს მე რად ვუნდოდი, იმას მოიყვანდაო. იმას ვერავინ ვერ დაიქვერს, რადგან დაქვერაზე ჰკიდია მისი სიკვდილ-სიცოცხლეო. დამალა ძმა დამ: სიძე რომ მოვა, უცებ რომ განხავს, ვაითუ რამე გავნოსო.

სალამოზე მოვიდა გველვეშაბი. იკითხა: აქ ხომ არავინ მოსულაო? ცოლმა უთხრა: არავინაო. მერე ჰკითხა: შენი ცოლის ძმა რომ აქ საიდანმე მოვიდეს, რას იტყოდით? — გადავეხვეოდი და ვაკოცებდიო. გამოუჩინა მაშინვე ქალმა გველვეშაბს ვაჟი. სიძე-ცოლისძმამ ერთმანეთი გადაჰკოცნეს. — რისათვის გარჯილხარ, რა ქარმა შემოგაგდო აქაო? — ჰკითხა სიძემ ცოლისძმას. სიძეს უამბო თავისი თავგადასავალი, თავისი გაქირვება და შეწუხება. — შე სიძე მომკვდარო, რაზე შეიწუხებ არა უბრალოზე თავიო. ის ქალი რომ ვერც ადვილი დასაქვერი იყოს, ხომ შენ დას აღარ მოვიყვანდი ცოლადაო. ისევ ისა სჯობია, თავი დაანებო და უკან დაბრუნდეთ. — ორაო, — უპასუხა ვაჟმა, — ახლა ტყუილადლა ვინმე მეტყვის, თავი დაანებეთ. ახლა აღარ დაეანებებ თავს, თუნდაც ვიცოდე, რომ მაშინვე მოვკვდები, როგორც კი შენს სახლს გავცდები. თუ სიკეთეს მიზამ, სიძევ, მიყავ სიკეთე, შენი სხვა არაფერი მინდა და ერთი ცხენი კი მომეც, რომ იმას გამოვუდგეო. — ცხენის მოცემა რა ზარალია, თუნდა ორმოცი და სამოცი წაიყვანეო, — უპასუხა სიძემ, — მაგრამ კიდე გეუბნები, რომ ტყუილად ივლიო. — არა და არაო! ვაჟმა გამოართვა ცხენი, რომ სამ გუთნის გაშლაზე ხტებოდა, გამოეთხოვა და-სიძეს და გამოეკიდა ისევ ქალს.

ბევრი იარეს, ცოტა იარეს, გავიდნენ სულ უცნობ ადგილას. ირბინეს ბევრი, ირბინეს, ეს ცხენი ხტება სამ გუთნის გაშლას, ქალი კიდევ ოთხს. დაუფარდა ბოლოს მესამე ცხენიც, დაჭდა და დაიწყო ისევ ტირილი. არსად კაცი ვინმე იყო, აღარსად სახლი და კარი. სიძეებსაც გამოსცდა, ვისთანა მივიდოდა, გადაუწყდა იმედი და ტირის-მოვა ქალი, დაჭდება ვაჟის პირდაპირ ბალახის ფოთოლზე, შემოიღებს ფეხს ფეხზე და ეტყვის: კიდევა სტირი, კაცი არა ხარ, ფუი შენს კაცობას! ადექი, მიიხედ-მიიხედ, ან ავსა ნახავ, ან კარგს, ყველაფერი სასარგებლოდ მოიხმარეო. შერცხვება ვაჟსაც, აღგება და გაივლის ცოტა მინდორს. სამ ეშმაკს დაინახავს, ჩხუბობენ, ხოცავენ ერთმანეთს და არავინ აშველებს კი, მათ მეტი კაცი იქ არავინ არის. ვაჟი მაშინვე მივა იმათთან და ჰკითხავს: რა გაჩხუბებთ, რა გაქვთ გასაყოფიო? — ჩვენაო, — უთხრა ერთმა ეშმაკმა, — ერთი ხალიჩა გვაქვს, იმ ხალიჩას რომ უთხრა: — „ჰკა, ხალიჩაო“ და შეჭდე ზედ, სადაც გინდა, იქით-

კენ გაგიტაცებსო. ერთი სავარცხელი გვაქვს, უშველებელი კლდე რომ იყვეს, რომ კაცმა თვალი ვერ შეაწვდინოს, სავარცხელს რომ უთხრა: „ჰკა, სავარცხლო“, ისეთი კიბე აესხმის, როგორც მინდორი სარბენი. ერთი სალესავი გვაქვს, რომ უთხრა სალესავს: „ჰკა, სალესავო“ და ზღვაში რო ჩააგდო, სულ გააშრობს ზღვასაო. ახლა ეს ხალიჩა, სავარცხელი და სალესავი უნდა გავიყოთ და იმაზედა გვაქვს ჩხუბი და ვერ მოვშველებულვართ. თუ შეგიძლია, გაგვაშველეო. — ძალიან კარგიო, — უთხრა ვაჟმა, — მე გაგაშველებთ. აი გავკრავ ისარს, უნდა გაიქცეთ, ვინც პირველი მოხვალთ და მაიტანთ ისარს, იმას ხალიჩა, ვინც მეორე — იმას სალესავი და ვინც მესამე, იმას სავარცხელი ერგებაო.

გაუხარდათ ეშმაკებს: ძალიან კარგი სამართალიაო. ჩადო ისარი ვაჟმა მშვილდში, მოსწია და გაისროლა. ისარი ცხრა მთას იქით გადავარდა. გაიქცნენ ეშმაკებიც მოსატანად. ვაჟსაც ეს უნდოდა. ისენი რომ გადაეფარნენ გორას, ვაჟი შეჭდა ხალიჩაზე აიღო სალესავი და სავარცხელიც, უთხრა: „ჰკა, ხალიჩაო“ და გაფრინდა ქარზე ჩქარა. გამოუდგა ქალს. ქალი მიხტოდა ჩქარ-ჩქარა, მაგრამ ხალიჩას ახლა ისე ვეღარ ასწრებდა.

გადირბინეს მთელი მინდვრები და უშველებელ კლდეებს მოადგნენ. ქალი ჯერ ცოტათი შედგა, მერე ისკუპა და გადააფრინდა ზედ. — „ჰკა, სავარცხლო“, — უთხრა ვაჟმა სავარცხელს და კლდეს სულ კიბე აესხა. ავარდა ხალიჩა ზედ და გამოუდგა ვაჟი ისევ ქალს. ირბინეს, ბევრი ირბინეს და მოადგნენ ერთ ზღვას. მოუცურდა ქალი და მიდის. — „ჰკა სალესავო“, — უთხრა ვაჟმა სალესავს, ჩააგდო ზღვაში და ზღვა სულ ერთიან ამოშრა. გაირბინა მშრალი ზღვის ძირზე ხალიჩამ. მირბიან, მირბიან და მიეწია ვაჟიც. ის-ის არის უნდა წაავლოს ხელი, შევარდა ქალი მამის სახლში და შეიჭრა კარებში. ვაჟმა ჩიქილის მოხდა კი მოასწრო, ხელში შერჩა. შევარდა ქალი მამასთან და მოეგება მამაც: რას გამოეჩე, შვილო, რა იყო, რამ დაგღალაო?

ქალმა უამბო მამას ესე, ესე ერთი ვაჟი გამომეკიდა, გამოვეჩე და კარებამდე მომყვა, ჩიქილა წამართვაო. მაშინვე გამოვიდა ქალის მამა, გადაეხვია ვაჟს და დაუწყო კოცნა: როგორ სიძესაც ვთხოვდი ღმერთს, ისეთი მომცაო. შეიპატიჟა შინ, მოუსვა ქალი გვერდს და გაუმასპინძლდა.

ახლა ქალის ბედი ისე იყო, რომ თუ ვაჟი ვინმე დაიჭერდა სახლამდის ქალს, ქალი მოკვდებოდა; თუ სახლამდის მიჰყვებოდა და ისეთი ყოჩალი იქნებოდა, ქალი ცოლად გაჰყვებოდა. შეირთო მინდორთ ქალი ვაჟმა, დაიწერა ჯვარი და დაბრუნდა თავის სახელმწიფოში. მინ-

ღორთ ქალი და ვაჟი ახლაც ცოცხლები არიან. ხშირათა ხედავენ ხოლმე მინდორთ ქალს, ყვავილებზე მსტუნავს.

ჭირი იქა, ლხინი აქა.
ქატო იქა, ფქვილი აქა.
ელასა მელასა. ჭიქა მკიდა ყელასა,
შოქმელსა და გამგონებელსა
ჯვარი გეწეროთ ყველასა.

ზღაპარი ველის ყვავილისა

იყო და არა იყო რა, ღვთის უკეთესი რა იქნებოდა. იყო ერთი კაცი, ჰყავდა სამი ქალი: უფროსი ია, შუათანა ვარდი და უმცროსი ველის ყვავილი. წავა მამა ტყეში, მოჰკრეფს იას, მოუტანს უფროს ქალს და გაახარებს წავა ვენახში, მოჰკრეფს ვარდს, მოუტანს შუათანას ქალს და გაახარებს. წავა ტყეში, წავა ვენახში, დაბრუნდება ისევ, მაგრამ ველის ყვავილს კი ვერა პოულობს. არის უმცროსი ქალი გულნატკენად და დაღონებული. მამას უთხრა ერთხელ ველის ყვავილმა: მამავ, მე რაღა დაგიშავე, რომ ჩემ დებს ია-ვარდს უზიდავ და მე კი ერთხელაც არ მომეტანო? — შეილო, მეც მინდა მოვკრიფო და მოვიტანო, — უპასუხა მამამ, — მაგრამ ჩემი ცდა ტყუილად ჩამივლის ხოლმეო. მაინც ქალი ძალიან ჯავრიანად იყო. შეატყობს მამა თავის ქალს, რომ გულთ უნდა ველის ყვავილი და ჯავრად ჩასჰკრია გულშიო.

ადგება და წავა ველის ყვავილის საძებნელად. ივლის ბევრს, ეძებს ველის ყვავილს, ვერსად შეხვდება და ბოლოს ერთ ადგილას მივა. იქ ძაღლის ტოლი გველი ნახა. ძალიან შეშინდა. გველმა ჰკითხა: სად მიღიხარ, რა საქმე გაქვს? — ველის ყვავილს ვეძებო, — უპასუხა კაცმა. — ველის ყვავილს მე მოგცემ, თუ შენი გულის ყვავილს მე მომცემო, — უთხრა გველმა. თუ არ მომცემ და მე შენ შეგჰამო. სული ტკბილიაო, ნათქვამია. თავის სიკვდილს შეილის მიცემა არჩია კაცმა და გველს თვრამეტი დღის ვადა დაუდო: იმ ვადაზე მოდი და წაიყვანეო. მოუკრიფა ერთი კონა ველის ყვავილისა და მისცა კაცს.

მოუტანა მამამ ველის ყვავილს კონა ყვავილებისა და გაახარა. ქალი სიხარულისაგან ფეხზე აღარ იდგა, დარბოდა, სუნავდა ველის ყვავილებს, ხან ჰკოცნიდა და ეტოლებოდა. ქალი დგას ბაღში და ესურვილება თავის ყვავილებს. ბაღს გარეთ ცხენის ჯოგია მომდგა-

რი. უცებ ჯოგიდან ერთი ჯაგლაგი ცხენი დაიძახებს: — ველის ყვავილო, რომ იცოდე, რაც არის შენ თავს, ეგრე აღარ გაიხარებდიო! — რათაო? — ჰკითხა ველის ყვავილმა. — იმიტომაო, — უპასუხა ცხენმა, — რომ მამაშენმა მაგ კონაში შენი სიცოცხლე მისცა გველსაო. თვრამეტი დღის შემდეგ მოვა გველი და წაგიყვანსო. როდესაც გველი მოვა და გაგამზადებს, მამა გკითხავს: რა მოგეცო და შენ ჩემი თავი სთხოვეო!

გავიდა თვრამეტი დღე და მოითხოვა გველმა თავისი, მოვიდა ველის ყვავილის წასაყვანად. მამამ ჰკითხა ველის ყვავილს: რა მოგეცე, შეილოო? — ის ერთი ჯაგლაგი ცხენი რომ გყავს, ის მომეციო, — უთხრა ქალმა. ჯერ არ აძლევდა მამა: ეგ რად გინდაო, მაგრამ რაკი ქალმა არ დაიშალა, მისცა. როდესაც წასვლა დააპირეს, ცხენმა უთხრა ველის ყვავილს: შენ ერთი წმინდა სავარცხელი წამოიღე, ერთი მინა ზეთი და ლურსმნებიო. შეჯდა ქალი და გასწია. ცხენი ეტყვის კარგა გზას რომ გაივლიან: აბა მიიხედე, ხომ არავეინ მოდისო? — მიიხედდა ქალმა: — ძაღლის ტოლა რაღაცა მოგვლევსო! — გადააგდე სავარცხელი და მე კი არ მომახვედროო! გადააგდებს სავარცხელს. ისეთი ტყე გაჩნდა, ისეთი ჯაგი და ბარდა, რომ ხოხობს გაუჭირდება ჩაქრომა. მოვა გველი, ეცემა ჯაგიანს, დაიგლიჯება და კატის ტოლა კიდევ დარჩება. გასცდება ამ დროს ქალი და წავა. ივლიან ბევრსა, ივლიან და ბოლოს ცხენი ეტყვის ველის ყვავილს: აბა მიიხედე, ხომ არავეინ მოგვლევსო? მიიბრუნებს თავს ქალი. კატის ტოლა რაღაც მოგვლევსო, — ეტყვის ცხენსა. — გადააგდე ლურსმნებიო! — ეტყვის ცხენი. გადააგდებს ლურსმნებს ველის ყვავილი. დაეფინება ალმასი. მოვა გველი, დაიჭრება, დაიკუნწება ალმასებზე. ბუზის ტოლა კიდევ გადარჩება. გასცდება ქალი და წავა.

ივლიან, ივლიან და ეტყვის ქალს ცხენი: აბა მიიხედე, მოგვლევს რამე, თუ არაო? მიიხედავს ქალი: ბუზის ტოლა რაღაცა მოგვლევსო. გადააგდე მინაო, — უთხრა ცხენმა. გადაისროლა მინა და გაჩნდა ტბა, ჰლელავს და ექანება. ცხენი ეტყვის: მე დაღლილი ვარ, დამეძინება, ის ბუზისტოლა გველი ბებრად იქცევა, მოვა ტბასთან და დაგვიძახებს: შეილო, ბეწვი გამოაძვრე ცხენსა, გადმოღვე ტბაზე, გაჩიყვანე, შეგაქცევო, — მაგრამ შენ არ შეცდეო. — დაიძინებს ცხენი. მოვა გველი, მოადგება ტბას, იქცევა ბებრად, აუვლის და ჩაუვლის ტბას. — შეილო, შენს ცხენს ბეწვი გამოაძვრე, ტბაზე დააგდე, ხილად იქცევა, გამოვალ, შეგაქცევო! — დაუძახებს გველი. — ვერა, ეტყინებაო! — უპასუხებს ქალი. ვერ აცდინა ბებერმა ქალი.

გაელვძიება რაშს, შეჯდება ქალი და გასწივენ. ცხენმა უთხრა

ქალს: ჩვენ ქალაქში შევალთ და ვინც პირველად ხელი მომკიდოს, იმას გაჰყევო. მივიდნენ ერთ ქალაქში, ჩაიარეს ბაზარზე. ერთი ახალ გაზრდა სოვდაგრის შვილი მოვიდა ცხენთან, დაუჭირა აღვირი და უთხრა ქალს: შენ ცოლი და მე ქმარიო. ქალი დათანხმდა. ვაჟი ძალიან მზიდარი იყო. წაიყვანა ქალი და გადაიხადეს ქორწილი.

ქალმა უამბო ყველა თავის თავგადასავალი ქმარს. ვაჟი ეტყვის: თუ არ წაველ და არა ვნახე ჩემი სიმამრი, არ იქნებო. უშალა ცოლმა, უშალა, მაგრამ ქმარმა არ დაიშალა. შეჭდება ცხენზე და წაუა: გონიერი ცხოველია, თვითონ მიმიყვანსო. შეჭდა, მაგრამ ცხენი ხმას აღარ იღებდა. გაჩუმებულები იყვნენ. საღამო ეამს იმ გველის ტბასთან მივიდა, ჩამოხტა და დაისვენა. მოვიდა ისევ ის ბებერი ტბასთან და გამოსძახა: დედაშვილობას, ცხენს წამწამი გამოაძრე, გადმოაგდე ტბაში, ხიდად გაიდება, გამოვალ და შეგაქცევო! — რა იცოდა ქალის ქმარმა, გამოაძრო წამწამი და გადაუგდო. გამოვიდა ბებერი. იმ ღამეს ერთად იყვნენ, ბებერი შეაქცევდა.

გათენდა დილა. შეჭდა ცხენზე ვაჟი, უნდოდა წასვლა, მიიარ-მოიარა, მოძებნა გზა, მაგრამ ველარ იპოვა. ასე დაულამდა. გათენდება მეორე დღე. დაულამდება იქვე, ერთ ტანჯავშია. ამ ხნობით ველის ყვავილს ვაჟი ეყოლება, მაშინვე გაგზავნიან მახარობელს სოვდაგრის შვილთან: ვაჟი გეყოლაო. მახარობელი მოადგება გველის ტბას და დაულამდება. მოვა იმასთანაც ბებერი და შეაქცევს; ჰკითხავს: სად მიდიხარ, შვილო, რა საქმე გაქვსო? — მახარობელი ეტყვის, რომ სოვდაგრის შვილს ვაჟი ეყოლა და ის უნდა ვახარო. აიღებს ეს ბებერი და წერილს ასე შეუცვლის: შენ ცოლს ძალღის ლეკვი ეყოლა და რას იტყვი, რა ვუყოთო. წაიკითხავს სოვდაგრის შვილი, ეცემა ელდა. აიღებს და მისწერს: აიღეთ, გაახურეთ საკირე და იმაში ჩააგდეთო.

დაბრუნდება მახარობელი, მოუტანს ამ წერილს. დაღონდება ვაჟის დედ-მამა, არ უნდათ შვილ-ძღლის სიკვდილი, მაინც გაახურებენ საკირეს, უნდა ჩააგდონ. შეიტყობს ცხენი, დასწყევტს თოკს და გაქანდება ქალისაკენ. ქალს ეტყვის: აიყვანე შენი ბავშვი ხელში, შემაჭექი და წავიდეთო. შეჭდა ქალი, შესვა თავის შვილიც და გაფრინდა ცხენი. ბავშვს ქუდი გადმოუფარდა და დარჩა იქა. რაკი ქალს უბედურება გადაეკიდა, სოვდაგრის შვილსაც გზა გაეხსნა: იარა, იარა და მოვიდა სახლში. შეიტყო ყველაფერი. ბევრი ინანა, მაგრამ რაღას უშველიდა. იპოვა შვილის ქუდი, წაიღო და წავიდა: ვისაც ეს ქუდი გამოადგება, ის იქნება ჩემი შვილიო.

ცხენი და ქალი რომ წავიდნენ, ბევრი იარეს, ერთ მინდორზე გა-

მოვიდნენ. დადგა ცხენი, ქალს უთხრა: — ჩამოდი, აილე დანა და ყელი გამომჰკერიო. ასო-ასო დამჰკერ, დამალაგე, მერე ინატრე რაც გინდა და იმად გეჰქევა ჩემი ნაჭრებიო. თუ მეც რამედ გინდივარ, ჩემთვისაც გადაღვე ერთი ნაჭერიო. ქალი უარს ეტყვის: ვერ დაგკლავო. — არა, თვალები დახუჭეო, — უთხრა ცხენმა, — და ისე დამკალიო.

დახუჭა თვალები ველის ყვავილმა, დაკლა ცხენი, დაჭრა ასო-ასო და ინატრა. გაცოცხლდა ისევ ცხენიც და გაიმართა მშვენიერი ღუქან-ბაზრიანი ქალაქიც. გახდა ქალი ქალაქის უფროსად და პატრონად; ყველაფერი იმას ეკითხება.

ივლის ველის ყვავილის ქმარი, ატარებს ქუდს, ხან ვის დაჰხურავს, ხან ვის, მაგრამ ვერ იპოვის შვილს, თუმცა ბევრ სოფელსა და ქალაქს გაივლის. ბოლოს მივა იმ ქალაქში, სადაც ველის ყვავილია უფროსად. ჩაატარებს ქუდს ქუჩებზე და ხან ვის დაჰხურავს და ხან ვის, მაგრამ ვერ იპოვა. ბოლოს შეხვდება თავის შვილს; ძიძა ასეირნებდა. გადააგდებს ერთხელ ქუდს, ქუდი დაეხურება ბავშვს და მოუხდება. გადააგდებს მეორედ, მესამედ და ქუდი კარგა მოსდის. გაჯავრდება ძიძა; რასა მასხარაობ, დაიკარგე აქედან, ჰკუიდან ხომ არ შეიშალეო!

ბოლოს წაიყვანენ სოვდაგრის შვილს ველის ყვავილთან. სოვდაგრის შვილი და ველის ყვავილი იცნობენ ერთმანეთს და მოეხვევიან. უამბობს ყველაფერს ქმარი ველის ყვავილს, შერიგდებიან, მორიგდებიან და დაიწყებენ წინანდებურად ტკბილ ცხოვრებას.

ჰირი იქ დავაგდე.
ლხინი აქ მოვიტანე.
ქათო იქ დავაგდე.
ფქვილი აქ მოვიტანე

ზღაპარი ოსტატისა და შვირდისა

იყო და არა იყო რა, იყო ერთი კაცი და დედაკაცი, ჰყავდათ ერთი შვილი. როცა ბიჭი წამოიზარდა, ცოლმა უთხრა ქმარს: წაიყვანე, მიზარე სადმე ხელობაზეო.

წაიყვანა კაცმა ის ვაჟი ხელობაზე მისაბარებლად. ბევრი იარეს, თუ ცოტა იარეს, მივიდნენ ერთ წყაროსთან და დაისვენეს. დაიბანეს ხელ-პირი და დალიეს. მამამ რომ დალია წყალი, თქვა: — ახ, რა კაი წყალი ხარო!

ამ დროს წყლიდან ამოძვრა ერთი კაცი და უთხრა: — აი, მე ვახლავარ ახრაკაი, რა გნებავს, რისთვის მეძახდიო? — მე შენ არ გეძაღდი, — უთხრა კაცმა, — წყალი დავლიე და წყალს ვუთხარა: — ახ, რა კაი წყალი ხარ-მეთქი! — მაინც სად მიხვალო? — ჰკითხა ახრაკამ. — ეს შვილი მიმყავს; მინდა ხელობაზე სადმე მივბარო შეგირდადო, — უთხრა კაცმა. — მოდი, მე მომბარე. წლას თავზე მოდი და თუ იცან შენი შვილი, წაიყვანე, თუ ვერ იცან და მე ღაპრჩებაო! — ძალიან კარგაო! — უპასუხა კაცმა.

ბიჭი იქ დარჩა, კაცი შინ წაეიდა. გავიდა წელიწადი. მოვიდა კაცი შვილის წასაყვანად. დალია წყალი და თქვა: — ახ, რა კაი წყალი ხარო!

გამოვიდა ახრაკა და წაიყვანა კაცი თავის ბინაზე. თერთმეტი შეგირდი სხვა ჰყავდა, მეთორმეტე ის იყო. შეგირდები ყველანი ერთმანეთს ჰკავდნენ. კაცმა ვერ იცნო შვილი, შვილმა კი იცნო მამა.

ახრაკას ერთი გასათხოვარი ქალი ჰყავდა. ყველაზე მეტად ქალს იმ კაცის ვაჟი უყვარდა. მამა რომ მოუვიდა, ქალმა დაიბარა იმ კაცის ვაჟი და ერთი სხვა შეგირდი, დაარიგა: — სადილად რომ დასხდები, ერთი იქით მიუჭექათ, ერთი აქეთ, შენ მამაშენს საესე ჰქია დაუსხი, შენ კი ნაკლული. მამაშენს ეგრე უთხარი, ყური გიგდოთ და მაშინ გიცნობს. როცა გიცნობს, მამაჩემი ჰკითხავს: რა ისწავლე ჩემგანო? შენ ეტყვი: შენ რა იცოდი, მე რა უნდა მესწავლა-თქო!

სუფრაზე რომ დასხდნენ, შვილი ჰქიქას აუცხებს, ის მეორე ნაკლულად დაუსხამს. იცნო მამამ შვილი, ახრაკას აბა რას ესია მოვნებოდა! ბიჭსა ჰკითხა: — რა ისწავლეო? — შენთვის რა იცოდი, მე რა უნდა მესწავლაო! — უთხრა ბიჭმა. მე რე გზა დაულოცა ოსტატმა და გაისტუმრა.

წავიდნენ მამა და შვილი. შვილმა უთხრა: — იარე და მოტეწევიო!

მიუბრუნდა ჯაგებში, იქცა ოქროს ცხვრად, გამოვარდა, გაურბენს და გამოურბენს მამას წინა. დასდევს მამა დასაჰკერად. შევარდა ისევ ჯაგებში, იქცა ბიჭად და გამოვიდა მამასთან.

მამამ უთხრა: — სად იყავ, შვილო? — ერთი ოქროს ცხვარი გამოვარდა ჯაგებიდან, ვდიე, ვდიე, მაგრამ ვერ დავიჭირეო.

— ალბათ ჩვენი იღბალი არ იყო და ვერ დავიჭირეო!

ამ დროს თავადიშვილები მოდიან სანადიროდ.

შვილმა უთხრა მამას: — მამა, მე ეს ხელობა ვისწავლე: რადაც მინდა ვიქცევი. ახლა აი, თავადიშვილები რომ მოდიან, მწევრად

ვიქცევი და შემოგვევაკრებიან. რომ გკითხონ: ჰყიდიო? — ვყიდი-
თქო! — დაგაფასებინონ, სამოც თუმნად დამაფასე. თოკი კი არ გა-
მატანო თანაო.

იქცა მწვევრად. ისეთია სულ თითის ფრჩხილებზე დგება. ჩამო-
იარეს თავადიშვილებმა: — კაცო, მწვევარს არა ჰყიდი? — ვყიდი,
ბატონო! — რა ღირსო? — სამოცი თუმანიო!

მისცეს სამოცი თუმანი და წაიყვანეს. მოსამსახურეები თოკიანად
ართმევდნენ. ბერიკაცი არ ანებებდა. მერე თავადიშვილებმა უთხრეს:
აჩუქეთ ეგ თოკი, მაგით რა იქნებაო!

წაიყვანეს. გზაზე ერთი კურდღელი გამოუვარდათ. გამოუდგა
მწვევარი, დაიჭირა და მოუყვანა. მეორეც ასე დაუჭირა. მესამეს რომ
მიუტრეს, შეჰყვა ტყეში, იქცა ბიჭად, მოეწია მამას და წავიდნენ
გზაზე.

იარეს, იარეს და ერთი ხელმწიფის სახლთან მივიდნენ. შვილმა
უთხრა მამასა: ოქროს ცხვრად ვიქცევი, წამიყვანე და ხელმწიფის
კარზე გამატარე და გამომატარე. გეტყვიან: როგორ აძლევო? — შენ
უთხარი: ას თუმნად-თქო. მოგცემენ. თოკი კი თან არ გამა-
ტანო.

მისცეს ასი თუმანი. ბიჭები თოკს ართმევდნენ, მაგრამ ხელმწი-
ფემ დაუშალა: გაუშვით, წაიღოსო.

შეიყვანეს ცხვარი ხელმწიფის სასახლეში. როცა ფეხის ხმა
მიწყდა, იქცა ბიჭად და წამოვიდა. დაეწია მამას.

— მე ჯორად ვიქცევი, შენ ზედ. შემაჯექ და ამატარე და ჩამატა-
რე ქალაქში; აღვირი კი თან არ გამატანოო.

გაუგია ოსტატს, რომ ჩემს შეგირდს ჩემი ხელობა გაუტანიო.
წამოვიდა და შეხვდა ამ კაცსა. — ჰყიდი, ბერიკაცო, მაგ ჯორსა? —
ვყიდიო — როგორ აფასებო? — სამას თუმნადო!

მისცა და გამოართვა ჯორი. აღვირს არ ანებებდა, მაგრამ ძალით
წაართვა. შეჭდა, დაჰკრა მათრახი და ცას მიაკრა. კარგად რომ მო-
ფეთქა, თავის სახლში წაიყვანა. მიაკრა ხეზე და ხმალს დაუწყო
ლესვა, თავი უნდა მოექრა.

სანამ ის ხმალს გალესავს, ქალი მივიდა წააძრო თავიდან აღვი-
რი, იქცა ბიჭად და გაიქცა.

ოსტატმა ნახა, რომ ჯორი იქ აღარ ება. გამოუდგა უკან. მოიხე-
და ბიჭმა. ხედავს ოსტატი საცაა დაეწევა, იქცა ვაშლად. ხელმწიფის
შვილს ქორწილი ჰქონდა. ნეფეს კალთაში ჩაუვარდა. ოსტატი იქცა
დანად და ვაშლში ჩაერქო. შეგირდი იქცა ფეტვად და გაიფანტა.
იქცა ოსტატი კრუხად, დაახვია წიწილები და დაუწყეს ფეტვს კენჭ

მუხამ უთხრა: — შენ რომ ჩემთვის ყვაეი მოგიშორებიაო!
რწყილი ახტა, დახტა, მივიდა ყვაეთან და სთხოვა:

— ყვაეო, ეხსენ მუხასა,
მუხა მომცემს რკოსა,
რკოს მივუტან ღორსა,
ღორი მომცემს ჭაგარსა,
დავეგრებ თოკსა-ბაწარსა,
ჩავეუგდებ, ამოვიყვან
ჩემს ძმობილს ჭიანჭველასა.

ყვაემა უთხრა: შენ რომ ჩემთვის წიწილა მოგიყვანიო!
რწყილი ახტა, დახტა, მივიდა კრუხთან და სთხოვა:

— კრუხო, მომე წიწილა,
წიწილს მივეგერი ყვაესა,
ყვაეი დასთმობს მუხასა,
მუხა მომცემს რკოსა,
რკოს მივუტან ღორსა,
ღორი მომცემს ჭაგარსა,
დავეგრებ თოკსა-ბაწარსა,
ჩავეუგდებ, ამოვიყვან
ჩემს ძმობილს ჭიანჭველასა.

კრუხმა უთხრა: შენ რომ ჩემთვის ფეტვი მოგიტანიო!
რწყილი ახტა, დახტა, მივიდა ორმოსთან და სთხოვა:

— ორმოვ, მომე ფეტვი,
ფეტვს მივუტან კრუხსა,
კრუხი მომცემს წიწილსა,
წიწილს მივეგერი ყვაესა,
ყვაეი დასთმობს მუხასა,
მუხა მომცემს რკოსა,
რკოს მივუტან ღორსა,
ღორი მომცემს ჭაგარსა,
დავეგრებ თოკსა-ბაწარსა,
ჩავეუგდებ, ამოვიყვან
ჩემს ძმობილს ჭიანჭველასა.

ორმომ უთხრა: შენ რომ ჩემთვის თავეი მოგიშორებიაო!

რწყილი ახტა, დახტა, მივიდა თაგვთან და სთხოვა:

— თაგვო, ეხსენ ორმოსა,
ორმო მომცემს ფეტვსა,
ფეტვს მივუტან კრუხსა,
კრუხი მომცემს წიწილსა,
წიწილს მივგვრი ყვავსა,
ყვავი დასთმობს მუხასა,
მუხა მომცემს რკოსა,
რკოს მივუტან ღორსა,
ღორი მომცემს ჯაგარსა,
დავგრებ თოკსა-ბაწარსა,
ჩაღუგდებ, ამოვიყვან
ჩემს ძმობილს კიანჭველასა.

თაგვმა უთხრა: შენ რომ ჩემთვის კატა მოგიშორებიაო!
რწყილი ახტა, დახტა, მივიდა კატასთან და სთხოვა:

— კატავ, ეხსენ თაგვსა,
თაგვი დასთმობს ორმოსა,
ორმო მომცემს ფეტვსა,
ფეტვს მივუტან კრუხსა,
კრუხი მომცემს წიწილსა,
წიწილს მივგვრი ყვავსა,
ყვავი დასთმობს მუხასა,
მუხა მომცემს რკოსა,
რკოს მივუტან ღორსა,
ღორი მომცემს ჯაგარსა,
დავგრებ თოკსა-ბაწარსა,
ჩაღუგდებ, ამოვიყვან
ჩემს ძმობილს კიანჭველასა.

კატამ უთხრა: შენ რომ ჩემთვის რძე მოგიტანიიაო!
რწყილი ახტა, დახტა, მივიდა ძროხასთან და სთხოვა:

— ძროხავ, მომე რძე,
რძეს მივუტან კატასა,
კატა დასთმობს თაგვსა,
თაგვი დასთმობს ორმოსა,
ორმო მომცემს ფეტვსა,
ფეტვს მივუტან კრუხსა,

ვა. იქცა შეგირდი ნემსად, გაუძვრა ქვეშ და წავიდა. იქცა ოსტატი ძაფად, გაეყარა ყუნწში და გაჰყვა თან.

შეგირდმა დაინახა, მინდორში მწყემსებს ცეცხლი უნთიათ. გააარა ნემსმა ცეცხლში და ოსტატი ცეცხლში დასწვა.

იქცა ვაჟად და წამოვიდა. მოვიდა ოსტატის სახლში, ქალს უთხრა: — შენ იმდენი სიკეთე მიყავი, რომ მე ვერაფრით გადაგიხდი, შენ და იყავ, მე — ძმაო. — არა, — უთხრა ქალმა, — შენ ქმარი და მე ცოლიო!

.. ძალიან გაუხარდა შეირთო ცოლად. დანარჩენი შეგირდები ყველა თავთავის სახლში გაგზავნა. რაც ქონება ჰქონდათ, წაიღეს თან. დაიწერეს ჭვარი და დაიწყეს ტბილად ცხოვრება.

ჭირი იქა. ლხინი აქა.

ჩატო იქა. ფქვილი აქა.

მიწა თავისას მოითხოვს

იყო ერთი ქვრივი დედაკაცი, ჰყავდა ერთი ვაჟი. ვაჟი იზრდებოდა და ხედავდა, რომ იმის გარდა ყველას მამა ჰყავდა, მართო ის ვერავის ეტყოდა მამობას. შვილი გადაეკიდა დედას: — დედავ, ყველას მამა ჰყავს და მეც რატომ არა მყავსო.

დედამ უთხრა: — მოკვდა, შვილოო. — მაშ ალარ მოვაო? ან რა არის სიკვდილიო? — ჰკითხა შვილმა. — ის კი ალარ მოვა, შვილო, და ჩვენ კი წავალთ მასთანო; სიკვდილს ვერავინ გადაუურჩებით, ყველა მიწად ვაქცევით, დავიხოცებითო.

— მე არ მითხოვია ღმერთისათვის გამაჩინეო და რაკი გამაჩინა, რადლა უნდა მომკლასო? — თქვა ვაჟმა, — ისეთ ადგილას უნდა წავიდე, სადაც სიკვდილი არ არისო.

დედამ დააბრუნა შვილი, მაგრამ მან არ დაიშალა. მოიარა მთელი გვეყანა, სადაც მივიდოდა, ჰკითხავდა, არის აქ სიკვდილიო? ყველასგან ერთი პასუხი ესმოდა, „არისო“. დაღონდა ვაჟი, ადგილი არ იყო, რომ სიკვდილი არ ყოფილიყო.

ამ დროს ვაჟი ოცი წლისაც გახდა. ერთხელ ერთ მინდორზე მიდიოდა, გაიხედა წინ და შორს ერთი ირემი დაინახა: მისი რქები ღრუბლებში იყო აწვდილი. ვაჟი მიუახლოვდა ირემს, მოეწონა ძა-

ლიან მისი რქები და ჰკითხა: — შენი გამჩენის მადლს, არ იცი იმის-
თანა ჭვეყანა, რომ სიკვდილი არ იყოსო? — ირემმა უთხრა: — მე
ღვთის მოციქული ვარ და ღვთის დანაწესებს ვასრულებ, სანამ ჩემი
რქები ცას არ მიეხირება, მეც ვიცოცხლებ, მისწვდება ჩემი რქები
ცას და მეც მოვკვდებიო. თუ გინდა, შენც ჩემთან იყავი და სანამ
მე ვიქნები, შენც იცოცხლებო. ვაჟმა უთხრა:

— თუ ვიცოცხლებ, მუდამ უნდა ვიცოცხლო, თორემ აქ მოუს-
ვლელადაც მოვკვდებიო.

გასცდა ვაჟი და გაუდგა გზას. გაიარა მინდორი, ველები და გა-
ვიდა ტყიან და კლდიან ადგილს. ერთ ხევს მიაღდა: სულ პიტალო
კლდე იყო და ისეთი ღრმა, რომ თვალი ვერ ჩასწვდებოდა მის ძირს.
ხევის პირზე, კლდეზე იჯდა ყორანი და ასკინტლებდა ხევში. ეს ყო-
რანიც ღვთის მოციქული იყო. ვაჟმა ჰკითხა ყორანს: — არ იცი
იმისთანა ჭვეყანა, სადაც სიკვდილი არ არისო? — ყორანმა უთხრა: —
მე ღვთისგან დაწერილი მაქვს სიცოცხლე მანამდის, სანამ სკინტ-
ლით ამ ხევს არ ამოვავსებო. თუ გინდა ჩემთან იყავ და შენც ცოცხა-
ლი იქნები, სანამ მე არ მოვკვდებიო. არაფერზე არ დაგვკვირდება
ზრუნვა, ყველაფერი მზა გვექნებაო. ვაჟმა ჩაიხედა ხევის უფსკრულ-
ში, მაგრამ მაინც ცოტად ეჩვენა. გასწი, გასწი შორსაო, — ეუბნებო-
და რაღაც.

ამასაც გასცდა ვაჟი და მოათავა ხმელეთიც და მიაღდა ზღვის
პირს; აუარა და ჩაუარა ზღვას. ერთი დღე იარა, მეორე და ვერა-
ფერს შეხვდა. მესამე დღეს დაინახა შორს საღდაც მბრჭყვინავი
სარკე. ვაჟი წავიდა მისკენ და ნახა, რომ ის მბრჭყვინავი სარკე სალი
მინის სახლი იყო. შემოუარა ვაჟმა და ვერსად უპოვა კარები. ბო-
ლოს ერთგან შენიშნა პატარა ხაზი, მივიდა იმასთან და ნახა, რომ
კარი იყო; გააღო და შევიდა. ოთახში ისეთი ლამაზი ქალი იწვა,
რომ მზეს შეშურდებოდა მისი სილამაზე. ვაჟს ძალიან მოეწონა ქა-
ლი და ქალსაც ვაჟი. ვაჟმა ჰკითხა: — მშვენიერო, მე სიკვდილს გა-
მოვექეცი, და არ იცი, იმისთანა ადგილი, რომ სიკვდილი არ იყო-
სო?

ქალმა უთხრა: — მაგისთანა ადგილი არსად არ არის რას ეძებ,
ჩემთან იყავიო. — ვაჟმა უთხრა: — მე შენთან კი არ წამოვსულვარ,
იმისთვის წამოვედი, რომ იმისთანა ადგილი ვიპოვო, სადაც სიკვდი-
ლი არ არისო.

ქალმა უთხრა: — მიწა თავისას მოითხოვს, შენ მაინც უკვდა-
ობას ვერ შეიფერებო. აბა მითხარ, რამდენი წლისა ვიქნები მეო? —
ვაჟმა დაჰხედა: ქალს ახლად აკოკრებული მკერდი აქვს, ვარდის-

ფერი ლოყები ისეთი საუცხოო, რომ ვაჟს ერთ წუთში დაავიწყდა სიკვდილი. ვაჟმა უთხრა — ბევრი-ბევრი ხუთმეტი წლისა იყო.

— არა, — უპასუხა ქალმა, — მე ქმნილების პირველ დღესა ვარ გაჩენილი და აქამდე სულ ასე ვარო; „ტურფა“ მქვანდა არც როდის დავბერდები, მუდამ ასე ვიქნები და არც მოვეკვდებიო. შენ აქ იქნებოდი ჩემთან, მაგრამ ვერ შეიფერებ, ისევ მიწა მოგიტხოვსო. ვაჟმა პირობა დაუდვა, რომ არასდროს არ მოშორდებოდა. დაიწყეს ქალმა და ვაჟმა ერთად ცხოვრება. წლები წუთებივით მიფრინავდნენ; ბევრი რამ გამოიცვალა, ბევრი მოკვდა, ბევრი დამიწდა, ბევრი გაჩნდა, დედამიწა იცვლიდა პირს, მაგრამ ვაჟი ვერ ამჩნევდა დროის ფრენას. ქალი ისევ ისეთი ლამაზი იყო და ვაჟიც ისეთივე ახალგაზრდა.

გაფრინდა ათასი წელი. ვაჟს მოუნდა თავისი ქვეყნის ნახვა; თავისი დედისა და ნათესავების დანახვა მოსწყურდა. ქალს უთხრა: — უნდა წავიდე და ვნახო ჩემი დედა და ნათესავებიო. ქალმა უთხრა: — ახლა მათი ძელებიც აღარ იქნებაო. ვაჟმა უთხრა: — რას ამბობ, ეს სამართხი დღეა, რაც მოვსულვარ და როდის დაიხოცებოდნენო? ქალმა უთხრა — აკი გითხარ, მიწა თავისას მოითხოვს-მეთქი. კარგი, წადი და, რაც მოგივიდეს, შენს თავს დააბრალეო. — მისცა სამი ვაშლი და უთხრა, როდესაც იქ მიხვალ, მაშინ შექამეო.

წავიდა ვაჟი და აი, შემოხვდა ნაცნობი ადგილები. აი, ხევიც, ის უძირო უფსკრული. ყორანი მაშინდა მომკვდარიყო. აპოვესო ხევი და თვითონაც გამხმარი ეგდო კლდის წვერზე. ვაჟს თვალთ დაუბნელდა, მოაგონდა ქალის სიტყვები, გაბედა უკან დაბრუნება, მაგრამ მიწა, ბედისწერა არ უშვებდა. ისევ წინ წავიდა. გასცდა კლდეებს და გავიდა ნაცნობ მიწაზე. გაიარა, გაანახევრა და ნახა, რომ ირმის რქა ცას მიჰყუდებიყო. ის იყო მაშინდა მომკვდარიყო ირემიც. ახლა კი დარწმუნდა ვაჟი, რომ მართლა კარგა ხანი გასულიყო.

მანც გასწია თავისი ქვეყნისაკენ. მივიდა, მაგრამ ნაცნობი კი აღარავინ იყო. იკითხა დედა, მაგრამ მისი გამგონიც კი აღარავინ მოიპოვებოდა. ბოლოს ერთი ბერიკაცი ნახა. ჰკითხა თავისი დედის ამბავი და უამბო ყველაფერი, მაგრამ ბერიკაცმა არ დაუჯერა: — ის დედაკაცი, როგორც მამა-პაპას უთქვამს, ათასი წლის წინათ ყოფილა და როგორ შეიძლება, რომ მისი შვილი ახლა ცოცხალი იყოსო. ხალხს არა სჯეროდა და ამბობდა: ეგ ღმერთისაგან არის მოგზავნილი საიქიოდანაო. გავარდა ამაზე ხმა სოფლებში და ხალხი კალია-

სავით ედებოდა ამ ვაჟს სანახავად. ბოლოს ვაჟი მივიდა იმ ადგილს, სადაც მათი სახლი იყო; სახლის ყვითელი ხავსმოკიდებული ქვით-კირის კედლები კიდევ დახვდა.

ვაჟს მოაგონდა ყველაფერი, თავისი დედა, თავისი ბაღლობა, და-ღონდა; ბოლოსა თქვა: — მოდი, ერთი შევექამ ერთ ვაშლსაო. ამო-ილო, შექამა, და ხავსივით წვერი ერთ წამში დაეკიდა წელამდე, შე-ქამა მეორე და მოეშვა მუხლები, ვეღარ გაანძრია ხელი, გახდა კუ-ტი მოხუცი. თავი შეზიზღდა; დაინახა ახლოს ერთი ვაჟი და დაუძა-ხა, მოდი, ჯიბეში ერთი ვაშლი მაქვს, ამომიღეო. ბაღლმა ამოუღო ვაშლი, შექამა ბერიკაცმა და განუტევა სული. გაიტანა სოფელმა და სამადლოდ დამარხა.

შ ე ნ ი შ ვ ე ე ბ ი

ც ს ო ვ ე ლ თ ა ზ ლ ა პ რ ე ბ ი

მ ე ლ ი ა და დ ა თ ვ ი (გვ. 11), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

დ ა თ ვ ი და მ ე ლ ი ა (გვ. 14), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ნ ა დ ი რ თ ა ძ მ ო ბ ა (გვ. 16), ჩამწერი სასოებაჲ, „მოამბე“ № 1, 1905 წ.

დ ა თ ვ ი ს, მ გ ლ ი ს ა და მ ე ლ ი ს ა ა მ ბ ა ე ი (გვ. 17), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ლ ო მ ი და მ ე ლ ი ა (გვ. 21), მოქმედები ყოლა ჰუსენ ონიკაშვილი და ყოლარმეზ ხუციშვილი, ჩამწერი ლ. ბოცვაძე, „ნაკადული“ 1907 წ. № 13.

კ უ რ დ ლ ე ლ ი, მ ე ლ ა და მ გ ე ლ ი (გვ. 21), ჩამწერი მ. კელენჯერიძე, სოფ. ძირულა.

რ უ რ ა თ ა მ ო ლ ა (გვ. 22), „ნაკადული“. 1908 წ., № 9.

მ ე ლ ი ა (გვ. 23), საქართველოს მეცნიერებათა აკადემიის რუსთაველის სახელობის ქართული ლიტერატურის ინსტიტუტის ფოლკლორული არქივი (შემოკლებით „ფოლკლორული არქივი“) № 1146.

კ უ რ დ ლ ე ლ ი და მ ი ს ი ბ ა კ ე ე ბ ი (გვ. 23), „მოამბე“, № 1, 1905 წ.

ლ ო მ ი და კ უ რ დ ლ ე ლ ი (გვ. 24), „ნაკადული“, № 1, 1907 წ.

მ ი ნ დ ვ რ ი ს ა და ს ა ხ ლ ი ს თ ა გ ო რ (გვ. 25), ქართული ხალხური ზღაპრები 1, მ. ჩიქოვანის რედაქციით, 1938 წ.

მ გ ლ ი ს ბ ე რ ა დ შ ე დ გ ო მ ა (გვ. 26), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ზ ლ ა პ ა რ ი ლ ო რ ი ს ა, მ ი ს ი ხ უ თ ი გ ო კ ე ს ა და მ გ ლ ი ს ა (გვ. 28), „ნაკადული“. № 11, 1908 წ. ქართული ხალხური ზღაპრები, 1, მ. ჩიქოვანის რედაქციით, 1938 წ.

მ ე ლ ი ა მ ს ა ჯ უ ლ ი (გვ. 21), „ნაკადული“, № 11, 1908 წ.

ლ ო მ ი ს ე რ თ გ უ ლ ე ბ ა (გვ. 33), მოქმედი ს. ყავრიშვილი, სოფ. ერთაწმინდა; ჩამწერი ან. აპანაძე, 1939 წ. ქართული ხალხური ზღაპრები, 1, მ. ჩიქოვანის რედაქციით, 1938 წ.

კ ა ტ ი ს მ ო ს ა რ ჩ ლ ე ვ ე ფ ხ ე ი (გვ. 34), „მოამბე“, № 1, 1905 წ.

მელიას ეშმაკობა (გვ. 35), ხალხური ზღაპრები კახეთსა და ფშავეში შეკრებილი თედო რაზიკაშვილის მიერ, 1909 წ.

გლეხი, დათვი და მელია (გვ. 37), „ჩეჩილი“, № 2, 1905 წ.

ცხოველთა ნადი (გვ. 38), ჩამწერი აფრ. მერკვილაძე, სოფ. ქალატყე. რჩეული ქართული ხალხური ზღაპრები, ელ. ვირსალაძის რედაქციით, I, 1949 წ.

იერუსალიმს მიმავალი მელია (გვ. 40), ხალხური ზღაპრები ქართლში შეკრებილი თ. რაზიკაშვილის მიერ, 1909 წ.

ხოხობი და მელია (გვ. 42), ხალხური სიტყვიერების მასალები, შეკრებილი ქ. სონულაშვილის მიერ, ელ. ვირსალაძის რედაქციით, 1957 წ.

ყორანი და გველი (გვ. 43), „ნაქადული“, № 1, 1908 წ.

შაშვი და მელია (გვ. 43), ხალხური ზღაპრები კახეთსა და ფშავეში შეკრებილი თედო რაზიკაშვილის მიერ, 1909 წ.

ნახევარქათმის ამბავი (გვ. 45), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ჩიტი და მელია (გვ. 46), ჩამწერი ი. გოგებაშვილი. „დედა ენა“. „ფოლკლორული არქივი“, № 1139.

მელია და მწყერჩიტა (გვ. 47), ჩამწერი ი. გოგებაშვილი, „დედა ენა“. „ფოლკლორული არქივი“, № 1141.

ქინკრაქა და ქიქინობელა (გვ. 48), „ჩეჩილი“, 1905 წ.

რწყილი და ქიანკველა (გვ. 49), ჩამწერი ი. გოგებაშვილი. „დედა ენა“. „ფოლკლორული არქივი“ № 1136.

ჯადოსნური ზღაპრები

იკმისა (გვ. 53), „ზღაპრები“, ქართველ ქალთა წრის გამოცემა, წიგნი II, 1902 წ.

სამბტევან კაბუკიშვილი (გვ. 61) მთქმელი თ. თალიაშვილი-ჩაფურციშვილისა, სოფ. ფშაველი, თელავის რაიონი; ჩამწერი ნ. ჩაფურიშვილი, 1937 წ. ქართული ხალხური ზღაპრები, I, მ. ჩიქოვანის რედაქციით, 1938 წ.

ლერწმის ქალი (გვ. 65), მთქმელი არჩ. თაბორიძე, სოფ. ბაზალეთი; ჩამწერი მ. ჩიქოვანი, 1939 წ. ხალხური სიტყვიერება, V ტ., მ. ჩიქოვანის რედაქციით, 1956 წ.

ხელმწიფის ზღაპარი (გვ. 73) მთქმელი არჩ. თაბორიძე სოფ. ბაზალეთი; ჩამწერი მ. ჩიქოვანი, 1939 წ. ხალხური სიტყვიერება, V ტ., 1956 წ.

ცხერის შვილი (გვ. 80), მთქმელი თ. მთიბელაშვილი, სოფ. ჩარგალი; ჩამწერი თ. რაზიკაშვილი. ხალხური ზღაპრები კახეთსა და ფშავეში შეკრებილი თედო რაზიკაშვილის მიერ, 1909 წ.

სიხმარა (გვ. 82), „ზღაპრები“, I, 1902 წ.

შავ-თეთრბაზი, მზე-თეთრბაზი და მთვარე-თეთრბაზი (გვ. 87), ქართული ხალხური ზღაპრები, I, მ. ჩიქოვანის რედაქციით, 1938 წ.

ზღაპარი ივანე ცისკრისა (გვ. 92), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

მზისასული (გვ. 100), ქართული ხალხური ზღაპრები, I, მ. ჩიქოვანის რედაქციით, 1938 წ.

იამრათხრა ვარდსა (გვ. 107), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

ზღაპარი მონადირიჭა და დიდი არწივისა (გვ. 110). ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ხასან-ხუსანა (გვ. 115), მთქმელი ს. ფეიქრიშვილი, ახალციხე; ჩამწერი მ. ჩიქოვანი, 1937 წ. ქართული ხალხური ზღაპრები, I, მ. ჩიქოვანის რედაქციით, 1938 წ.

ცხრაძმა (გვ. 119), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

გაუცინარი ხელმწიფე (გვ. 125), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

ზღაპარი უხეიროსი (გვ. 130), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ხუთეუნკულა (გვ. 139), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

მეცხვარე, ბრმა დევი და ფეიქრის შეგირდი (გვ. 143), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

დედაბრის შვილი (გვ. 150), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ზღაპარი ტიტველი მგლისა (გვ. 159), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

იადონი და ბულბული (გვ. 164), „აქაის კრებული“, IV, 1899. „ფოლკლორული არქივი“, № 161.

ხელმწიფის სამი ვაჟი (გვ. 169), მთქმელი ს. ფეიქრიშვილი, ახალციხე; ჩამწერი მ. ჩიქოვანი, 1937 წ. ქართული ხალხური ზღაპრები, I, მ. ჩიქოვანის რედაქციით, 1938 წ.

მონადირის შვილი (გვ. 173), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

ბოემის ყვაელი (გვ. 176), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ოქროკაცა (გვ. 183), მთქმელი ს. ფეიქრიშვილი, ახალციხე; ჩამწერი აბ. მახარაძე, 1937 წ. ქართული ხალხური ზღაპრები, I, მ. ჩიქოვანის რედაქციით, 1938 წ.

საწყალი კაცი და მისი შვილი (გვ. 183), მთქმელი გ. მრელაშვილი, სოფ. იყალთო; ჩამწერი მ. ჩიქოვანი, 1938 წ. ხალხური სიტყვიერება, II ტ., 1952 წ.

ჯეირნის ქალი (გვ. 196), მთქმელი გ. მრელაშვილი, ს. იყალთო; ჩამწერი მ. ჩიქოვანი, 1938 წ. ხალხური სიტყვიერება, II ტ., 1952 წ.

ბერნადის შვილი (გვ. 203), მთქმელი გ. მრელაშვილი, ს. იყალთო; ჩამწერი მ. ჩიქოვანი, 1938 წ. ხალხური სიტყვიერება, II ტ., 1952 წ.

ზღაპარი ხელმწიფის ცოლისა, გველი რომ გავიწინ-

და (გვ. 208), მთქმელი ი. ზარაფიშვილი, ჩამწერი ა. ზარაფიშვილი. ხალხური სიტყვიერება, II ტ., 1952 წ.

ხელმწიფის შვილი (გვ. 216), ხალხური სიტყვიერება, II ტ., 1952 წ.

კონსტანტინეს ზღაპარი (გვ. 221), ხალხური სიტყვიერება, II ტ., 1952 წ.

უჩინმაჩინის ქული (გვ. 225), ხალხური სიტყვიერება, II ტ., 1952 წ.

თუშის შვილი და მეფის შვილი (გვ. 230), ხალხური სიტყვიერება, II ტ., 1952 წ.

დათუა (გვ. 233), ჩამწერი კუბატაძე, საზანო; ხალხური სიტყვიერება, II ტ., 1952 წ.

სასწაულმოქმედი პერანგი (გვ. 236), ჩამწერი ვაჭირელი ქალი (ა. კარგარეთელი), სოფ. ვაჭირი, ქიზიყი. „ძველი საქართველო“, IV, 1915 წ.

ორმოცშვილიანი ხელმწიფე (გვ. 243) ჩაწერილი მესხეთ-ჯავახეთში 1930 წ. ხალხური სიტყვიერება, V ტ., 1956 წ.

ელენე მშვენიერის ზღაპარი (გვ. 259), მთქმელი გრ. ხითარაშვილი, სოფ. ხიზაბაგრა; ჩამწერი ზვიადაძე. ხალხური სიტყვიერება, II ტ., 1952 წ.

წიქარა (გვ. 274), დამუშავებული ქეთევან ნადირაძის მიერ, „ნაკადულის“ გამოცემა 1962 წ.

ჩაქუჩა (გვ. 279), მთქმელი ი. კონქაძე, სოფ. ყვავილი; ჩამწერი გ. ჩაჩუა, 1940 წ. ხალხური სიტყვიერება, II ტ., 1952 წ.

ერთშვილიანი ხელმწიფე (გვ. 281), მთქმელი ი. კონქაძე, სოფ. ყვავილი; ჩამწერი გ. ჩაჩუა 1940 წ. ხალხური სიტყვიერება, II ტ., 1952 წ.

ცხრა ძმისა (გვ. 282), ჩამწერი თავისუფალი სვანი (მ. ნიქარაძე), ზემო სვანეთი; „სვანური ზღაპრები“, ქუთაისი, 1893 წ.

საწყალი კაცის ზღაპარი (გვ. 285), მთქმელი ვ. ლალიაშვილი, სოფ. ბაზალეთი; ჩამწერი ქ. სიხარულიძე, 1939 წ. ხალხური სიტყვიერება, II ტ., 1952 წ.

მონადირის შვილი (გვ. 290), მთქმელი ი. პაპიაშვილი, სოფ. ბაზალეთი, ჩამწერი ქ. სიხარულიძე, 1939 წ. ხალხური სიტყვიერება, II ტ., 1952 წ.

უშვილო ხელმწიფე (გვ. 294), მთქმელი დ. კონქაძე, სოფ. ყვავილი; ჩამწერი გ. ჩაჩუა, 1940 წ. ხალხური სიტყვიერება, II ტ., 1952 წ.

მენახირე (გვ. 297), ქ. სიხარულიძე, ზღაპრები, 1938 წ.

უქვდავების წყალი (გვ. 300), მთქმელი ი. არსენიშვილი, სოფ. იყალთო; ჩამწერი მ. ჩიქოვანი, 1938 წ. ხალხური სიტყვიერება, II ტ., 1952 წ.

ზღაპარი საკვირველი ქალისა (გვ. 303), მთქმელი ი. ლამაზოშვილი, სოფ. აკურა; ჩამწერი მ. ჩიქოვანი, 1948 წ. ხალხური სიტყვიერება, V ტ., 1956 წ.

გველი დქციულ • მზეთუნახავი (გვ. 307), თვითჩამ-

წერი ა. ლამაზოშვილი, სოფ. აურა, თელავი. ხალხური სიტყვიერება, II ტ., 1952 წ.

ია ხათუნე (გვ. 309), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

კოკლი კამეჩი (გვ. 314), ხალხური სიტყვიერება, II ტ., 1952 წ.

ლურჯი თევზი (გვ. 325). ჩამწერი მ. ჩიქოვანი, სოფ. იყალთო, 1948 წ. ხალხური სიტყვიერება, II ტ., 1952 წ.

უხუნდარას ზღაპარი (გვ. 327), მთქმელი თ. მამულაშვილი, სოფ. აურა; ჩამწერი მ. ჩიქოვანი, 1948 წ. ხალხური სიტყვიერება, II ტ., 1952 წ.

ოქროსთმიანი ქალ-ვაჟი (გვ. 331), მთქმელი ა. ლამაზოშვილი, სოფ. აურა; ჩამწ. მ. ჩიქოვანი, 1948 წ. ხალხური სიტყვიერება, II ტ., 1952 წ.

საკვირკელი ფრთა (გვ. 336), მთქმელი გ. ლაცაბიძე, სოფ. იყალთო; ჩამწერი მ. ჩიქოვანი, 1938 წ. ხალხური სიტყვიერება, II ტ., 1952 წ.

გლეხი კაცი და ჩიტე (გვ. 340), მთქმელი ჯ. მრელაშვილი, სოფ. იყალთო; ჩამწერი მ. ჩიქოვანი. ხალხური სიტყვიერება, II ტ., 1952 წ.

მონადირე და მისი რაში (გვ. 343) თვითჩამწერი ა. ლამაზოშვილი, სოფ. აურა; ხალხური სიტყვიერება, II ტ., 1952 წ.

ლილოველი მონადირე (გვ. 348), თვითჩამწერი ლ. კოტორლიშვილი, სოფ. აურა; 1948 წ. ხალხური სიტყვიერება, II ტ., 1952 წ.

მათხოვარი და ხელსახოცი (გვ. 352) ხალხური სიტყვიერება II ტ., 1952 წ.

საწყალი ცოლქმარი (გვ. 359), მთქმელი შაშვიაშვილი, სოფ. იყალთო; ჩამწერი აბ. მახარაძე, 1938 წ. ხალხური სიტყვიერება, II ტ., 1952 წ.

კოკლი მონადირის შვილი (გვ. 361), მთქმელი გ. ლაცაბიძე, სოფ. იყალთო; ჩამწერი აბ. მახარაძე, 1938 წ., ხალხური სიტყვიერება, II ტ., 1952 წ.

მზის დედა (გვ. 369), მთქმელი გ. კირვალიძე, სოფ. აურა; ჩამწერი აბ. ცანავა, 1948 წ. ხალხური სიტყვიერება, II ტ., 1952 წ.

მადლიერი მკვდარი (გვ. 371), მთქმელი ვ. ლამაზოშვილი, სოფ. აურა; ჩამწერი აბ. ცანავა. ხალხური სიტყვიერება, II ტ., 1952 წ.

მამის პოვნის ამბავი (გვ. 377), მთქმელი გ. ლაცაბიძე, სოფ. იყალთო; ჩამწერი აბ. მახარაძე, 1938 წ. ხალხური სიტყვიერება, II ტ., 1952 წ.

ასფურცელა (გვ. 382), მთქმელი შ. შინაიშვილი, სოფ. აურა; ჩამწერი მ. ჩიქოვანი, 1948 წ. ხალხური სიტყვიერება, II ტ., 1952 წ.

მონადირე და მისი ასული (გვ. 387), თვითჩამწერი ვ. ლამაზოშვილი, ს. აურა, 1948 წ. ხალხური სიტყვიერება, II ტ., 1952 წ.

ზღაპარი ხელმწიფის შვილისა, რომელსაც სწავლა არ უყვარდა (გვ. 390), მთქმელი ი. ზარაფიშვილი,

კახეთი; ჩამწერი ა. ზარაფიშვილი, 1939 წ. ხალხური სიტყვიერება, II ტ., 1952 წ.

მზეთუნახავი ქალი (გვ. 396), თვითჩამწერი დ. კირვალიძე, სოფ. აყურა, 1948 წ. ხალხური სიტყვიერება, II ტ., 1952 წ.

ბროწეულის ზღაპარი (გვ. 400), მთქმელი ი. ზარაფიშვილი, კახეთი; ჩამწერი ა. ზარაფიშვილი, 1939 წ. ხალხური სიტყვიერება, II ტ., 1952 წ.

ზღაპარი ყაჩაღებისა (გვ. 406), მთქმელი ი. კულუღაშვილი, სოფ. აყურა; ჩამწერი მ. ჩიქოვანი, 1940 წ. ხალხური სიტყვიერება, II ტ., 1952 წ.

ზღაპარი ცხრა ყაჩაღისა (გვ. 408), მთქმელი ი. ზარაფიშვილი, კახეთი; ჩამწერი ა. ზარაფიშვილი, 1939 წ. ხალხური სიტყვიერება, II ტ., 1952 წ.

თერთმეტი ძმა (გვ. 420), თვითჩამწერი ვ. მრელაშვილი, სოფ. იყალთო, 1938 წ. ხალხური სიტყვიერება, II ტ., 1952 წ.

ერთი ბიკის ზღაპარი (გვ. 428), მთქმელი ე. გუჭეჭიანა, ს. მულახი; ჩამწერი ქ. სიხარულიძე, 1945 წ. ქართული ხალხური სიტყვიერების ქრესტომათია, I, შემდგენელი ქ. სისარულიძე, 1956 წ.

ანანა — (გვ. 435), ხალხური ზღაპრები ქართლში, შეკრებილი თედო რაზიკაშვილის მიერ, 1909 წ.

ხრისტაგან და ბელთაგან ტარიელები სარაკი (გვ. 436), ჩაწერა სამეგრელოში ი. ყიფშიძემ; „მეგრული ზღაპრები“.

ივანე ფალავანი (გვ. 453), თვითჩამწერი ვ. ბეწუელიშვილი, 1939 წ. რჩეული ქართული ხალხური ზღაპრები, II ტ., ე. ვირსალაძის რედაქციით, 1958 წ.

მეფე მუზარბიი (გვ. 461), ჩაწერილია სამეგრელოში ი. ყიფშიძის მიერ; „მეგრული ზღაპრები“.

დევებით სავსე ქუდი (გვ. 466), მთქმელი გ. მაისურაძე, სოფ. ბერულა, ლიახვის ხეობა; ჩამწერი ე. ვირსალაძე, 1946 წ. რჩეული ქართული ხალხური ზღაპრები, II ტ., ე. ვირსალაძის რედაქციით, 1958 წ.

ისრის-მასრის სანდლის ქალი (გვ. 469), ჩამწერი ეკ. ასათიანი, ახალციხე. რჩეული ქართული ხალხური ზღაპრები, II ტ., ე. ვირსალაძის რედაქციით, 1958 წ.

ლალი, იადავარდი და ვარსკვლავა (გვ. 474), ჩამწერი ა. კაპანაძე; რჩეული ქართული ხალხური ზღაპრები, II ტ. ე. ვირსალაძის რედაქციით, 1958 წ.

ზღაპარი შინდორთ ქალისა (გვ. 480), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

ზღაპარი ველის ყვავილისა (გვ. 487), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

ზღაპარი ოსტატისა და შეგირდისა (გვ. 490), ხალხური ზღაპრები კახეთსა და ფშავში შეკრებილი თედო რაზიკაშვილის მიერ, 1909 წ.

მიწა თავისას მოითხოვს (გვ. 493), ხალხური ზღაპრები ქართლში შეკრებილი თედო რაზიკაშვილის მიერ, 1909 წ.

ს ა რ ჩ ე ვ ი

გ ა მ ო მ ც ე მ ლ ო ბ ი ს ა გ ა ნ	5
ხალხური ზღაპარი (წინასიტყვაობა) პროფ. შიხ. ჩიქო- ვ ე ნ ი	8

ც ხ ო ვ ე ლ თ ა ზ ლ ა კ რ ე ბ ი

მელია და დათვი	11
დათვი და მელია	14
ნადირთა ძმობა	16
დათვის, მგლისა და მელიის ამბავი	17
ლომი და მელია	21
კურდღელი, მელა და მგელი	21
ტურა და მელა	22
მელია	23
კურდღელი და მისი ბაჭიები	23
ლომი და კურდღელი	24
მინდერისა და სახლის თაგვი	25
მგლის ბერად შედგომა	26
ზღაპარი ღორისა, მისი ხუთი გოჭისა და მგლისა	28
მელია-მსაჯული	31
ლომის ერთგულებაც	33
კატის მოსარჩლე ვეფხვი	34
მელიას ეშმაკობა	35
გლეხი, დათვი და მელია	37
ცხოველთა ნადი	38
იერუსალიმს მიმავალი მელია	40
ხოხობი და მელია	42
ყორანი და გველი	43
შაშვი და მელია	43
ნახევარქათმის ამბავი	45
ჩიტის და მელია	46

მელა და მწყერჩიტა	47
კინკრაქა და კიკინობელა	48
რწყილი და კიანკველა	49

ჯ ა დ ო ს ნ უ რ ი ზ ლ ა კ რ ე ბ ი

ირმისა	53
სამშტევან კაბუიშვილი	61
ლერწმის ქალი	65
ხელმწიფის ზლაპარი	73
ცხერის შვილი	80
სიზმარა	82
შავ-თეიმურაზი, ნზე-თეიმურაზი და მთვარე-თეიმურაზი	87
ზლაპარი ივანე ცისკრისა	92
მზის ასული	100
იამ რა უთხრა ვარდსა	107
ზლაპარი მონადირისა და დიდი არწივისა	110
ხასან-ხუსანა	115
ცხრა ძმა	119
გაუცინარი ხელმწიფე	125
ზლაპარი უხეიროსი	130
ხუთკუნკულა	139
მეცხვარე ბრმა დევი და ფეიქრის შეგირდი	143
დედაბრის შვილი	150
ზლაპარი ტიტველი მგლისა	159
იადონი და ბულბული	164
ხელმწიფის სამი ვაჟი	169
მონადირის შვილი	173
ბოჟმის ყვაელი	176
ოქროკაცა	183
საწყალი კაცი და მისი შვილი	188
ჯეირნის ქალი	196
ბერნამის შვილი	203
ზლაპარი ხელმწიფის ცოლისა, გველი რომ გაუჩნდა	208
ხელმწიფის შვილი	216
კონსტანტინეს ზლაპარი	221
უჩინმაჩინის ქული	225
თუშის შვილი და მეფის შვილი	230
დათუა	233
სასწაულმოქმედი პერანგი	236
ორმოცშვილიანი ხელმწიფე	243
ელენე მშვენიერის ზლაპარი	259
წიქარა	274
ჩაქუჩა	279
ერთშვილიანი ხელმწიფე	281

ცხრა ძმისა	282
საწყალი კაცის ზღაპარი	285
მონადირის შვილი	290
უშვილო ხელმწიფე	294
მენახირე	297
უკვდავების წყლის ზღაპარი	300
ზღაპარი საკვირველი ქალისა	303
გველაღქცეული მზეთუნახავი	307
ია ხათუნი	309
კოჭლი კამეჩი	314
ლურჯი თევზი	325
უზუნდარას ზღაპარი	327
ოქროსთმიანი ქალ-ვაგი	331
საკვირველი ფრთა	336
გლეხი კაცი და ჩიტი	340
მონადირე და მისი რაში	343
ლილოველი მონადირე	348
მათხოვარა და ხელსახოცი	352
საწყალი ცოლ-ქმარი	359
კოჭლი მონადირის შვილი	361
მზის დედა	369
მადლიერი მკვდარი	371
მამის პოვნის ამბავი	377
ასფურცელა	382
მონადირე და მისი ასული	387
ზღაპარი ხელმწიფის შვილისა, რომელსაც სწავლა არ უყვარდა	390
მზეთუნახავი ქალი	396
ბროწეულის ზღაპარი	400
ზღაპარი ყაჩაღებისა	406
ზღაპარი ცხრა ყაჩაღისა	408
თერთმეტი ძმა	420
ერთი ბიჭის ზღაპარი	428
ანანა	435
ხრისტაგან და ბელთაგან ტარიელების არაკი	436
ივანე ფალავანი	453
მეფე მუზარბიი	461
დევებით სავსე ქუდი	466
ისრის-მასრის სანდლის ქალი	469
ლალი, იადავარდი და ვარსკვლავა	474
ზღაპარი მინდორთ ქალისა	480
ზღაპარი ველის ყვავილისა	487
ზღაპარი ოსტატისა და შეგირდისა	490
მიწა თავისას მოითხოვს	493
შ ე ნ ი შ ე ნ ე ბ ი	497

გამომცემლობის რედაქტორი გ. ხორნაული
მხატვ. რედაქტორი ო. ჯიშკარიანი
ტექრედაქტორი რ. მელაძე
კორექტორი ლ. ერისთავი

*

ხელმოწერილია დასაბეჭდად 20/XI-63 წ.
ანაწყოების ზომა $6 \times 9\frac{3}{4}$
ქალაქის ზომა 60×90
ნაბეჭდი თაბახი 31,75
სააღრიცხვო-საგამომცემლო თაბახი 26,06
ტირაჟი 20.000 ფასი 1 მან. 34 კაპ. შეკვ. № 1107